

2<sup>d</sup> 96.

Barbet

46a

coll. compl. 3 vol  
2 works in 1 vol

1/ 12<sup>o</sup>. [xxiv], 278. [118, 281]

engr title

W. 1086

2/ 12<sup>o</sup>. [xx], 752 pp.

George Flammarion, S. J.

C. Caen 1595 - La Roche 1652



John Carter Brown  
Library  
Brown University





00-116 F

GEORGII  
FOURNIER

E SOCIETATE IESV

GEOGRAPHICA  
ORBIS NOTITIA.

PER LITORA MARIS ET  
RIPAS FLUVIORUM.

*Cum Gratia & Privilegio Sac. Cas. Majest.*



FRANCOFURTI

Sumptibus JOANNIS BAPTISTÆ  
SCHÖNVVETTERI.

---

M. DC. LXVIII.

RPICB





Potestas Typographo facta à R.  
P. Provinciali Provinciæ Rhenanæ  
superioris Societatis Jesu.

**C**um Sacra Cæsarea Majestatis De-  
creto omnibus, ac singulis Typographis,  
& Bibliopolis, ac aliis quamcunq; Libra-  
riam negotiationem exercentibus serio, ac  
firmiter inhibeatur, ne quisquam ullos Li-  
bros à nostris Patribus hætenus editos, vel  
in posterum edendos, intra S. R. I. Regno-  
rum, ac Dominorum Suae Cæs. Majest.  
hereditariorum fines simili, vel alio cha-  
racteris genere, aut forma, siue in toto,  
siue in parte revidere, vel aliò recuden-  
dos mittere, vel alibi impressos adducere,  
vendere, & distrahere clàm, seu palàm,  
citra iudicium, ac testimonium supradi-  
ctorum Patrum audeat, vel presumat.  
Concedo ego Nicolaus Luiz, Societatis  
IESU per Rheni Superioris Provinciæ  
Præpositus Provincialis (potestate mihi  
) ( 2 adid

38 (o) 38

ad id facta à Reverendo Admodum P.  
N. Ioanne Paulo Oliva, Prapósito Gene-  
rali ) Ioanni Baptista Schönvettero,  
Civi, & Bibliopola Francofurtensi, recu-  
dendi librum R. P. Georgii Fournier, cui  
titulus Hydrographica & Geographica  
orbis notitia. In cuius rei fidem has Li-  
teras manu mea subscriptas, & consueto  
Officii Sigillo munitas dedi. Bambergæ,  
26. Iunii, 1667.

(L.S)

Nicolaus Lutz, Mpr.

INDEX

# INDEX CAPITUM HUIUS OPERIS.

## LIBER PRIMUS.

*Generales Orbis & Europa divisiones  
trahit.*

Caput I.	<b>P</b> rima Orbis facies.	1
II.	Prima Orbis divisio in tres Noe- lios.	4
III.	Secunda Orbis divisio.	6
IV.	Abraha Peregrinatio.	9
V.	Prima Orbis divisio in antiquum & Novum.	11
VI.	De Oceano.	12
VII.	Mare Hyperboreum.	10
VIII.	Spitsberga.	15
IX.	Balena ad capturam affectatio. Vrsos- rum Insula.	17
X.	Grolandia.	18
XI.	Islandia quibusdam Antiquorum Thule.	20
XII.	Nova Zemlia.	22
XIII.	Europa.	23
XIV.	Quot in Europa Lingua caterarum Matrices.	24
XV.	Varia in Europa Ditiones.	26
	) ( 3	LI.



## LIBER SECUNDUS.

Continet Orbis plagam ad Septentriones sitam,  
hoc est, Scythia partem, & Regna Nor-  
vagia, Dania & Suedia.

Caput I.	M	Ars Glaciale.	33
II.		Mare Sarmaticum, Sarmatia, seu Scythia Europaea.	34
III.		Obyflurius.	35
IV.		Album Mare.	38
V.		Mare Norvagicum, & quatuor in eo piscatus.	40
VI.		Scandia, vernaculè Schaanan vel Schaane.	43
VII.		Lapponia, Biarmia, Finmarkia.	45
VIII.		Norvagia.	47
IX.		Mare Balticum.	50
X.		Dania Regnum.	51
XI.		Insula Maris Baltici.	54
XII.		Gothia.	58
XIII.		Suecia.	63
XIV.		Finlandia.	68
XV.		Novogardia Ducatus.	70
XVI.		Ingria & Esthonia.	71
XVII.		Plescovia Ducatus.	72



# Index Capitum.

## LIBER TERTIUS.

*Poloniam, Vandaliam, & Chersonesum Cimbricam describit.*

Cap. I.	P <sup>o</sup> lonia.	73
II.	Livonia.	77
III.	Duna fluvius.	80
IV.	Curlandia, Semigallia, Samogitia.	81
V.	Sinus Venedicus, lacus Curionensis & Habus.	82
VI.	Niemien.	84
VII.	Lituania.	85
VIII.	Prussia.	86
IX.	Vistula le Veixel.	88
X.	Vandalia.	91
XI.	Pomerania, Odera, Marchia Brandenburgica, Silesia, Varta.	93
XII.	Longobardia. Meckelburgensis Ducatus & Lubeca, Hamzeaticarum civitatum caput.	97
XIII.	Chersonesus Cimbrica.	99
XIV.	Ducatus Slesuicensis cum reliqua Iutlandia.	101

## LIBER QUARTUS.

Cap. I.	Mare Germanicum.	107
II.	Germanorum Nomen & Mores.	108
	)( 4	III. De

# Index Capitem.

Cap.III.	De Germanorum lingua.	112
IV.	De Germanorum Imperio.	113
V.	Albis fluvius: cujus olim accola Boii, Marcomanni, Semnones, Longobardi, Rendigni, Carviones, Angli, Herman- duri, Catti, Cherusci, Chaucci	117
VI.	Bohemia Regnum.	120
VII.	Misnia.	123
VIII.	Saxonia.	125
IX.	Anhaltia.	126
X.	Mansfeldia.	ibid.
XI.	Turingia.	127
XII.	Magdeburgum, & Halberstadtium.	128
XIII.	Marchia Brandenburgica.	130
XIV.	Lauenburgum & Luneburgum Du- catus, cum afluuario Albis.	131
XV.	Westphalia.	133
XVI.	Visurgis, Bremensis Archiepiscopatus, Comit. Oldemburgensis.	134
XVII.	Mindensis Episcopatus, Brunsvicensis Ducatus, Bucharvia, Hassia.	135
XVIII.	Amasis.	137
XIX.	Frisia.	138
XX.	Flevis lacus. Zutphania Comit. & fl. Sala.	139
XXI.	Rhenus fluvius.	141
XXII.	Antiqui Accola Ripa Germanica Rheni, ab ejus ostio ad Moenum.	142
XXIII.	Ducatum Clivia & Bereheriaci pars trans-Rhenana cum fluminibus Lupia & Roero.	144
	XXIV.	

Index Capitum.

Cap. XXIV.	Lanus fl. Hassia inferior, & Weteravia.	147
XXV.	Mœnus fl.	148
XXVI.	Episcopatus Bambergensis, & Herbitopolitanus, Necnon Megethum sedes Magistri Ordinis Teutonici.	149
XXVII.	Antiqui accolæ Germanica Ripa Rheni à Mœno ad Lacum Brigantium.	151
XXVIII.	Necarus. Palatinatus Rheni, Ducatus Wirtembergensis.	153
XXIX.	Durlacensis & Badensis Marchionatus. Brisgovia. Vrbes Sylvatica, Scaphusia Pagus, & Suevia pars.	156
XXX.	Rhatia Vetus.	159
XXXI.	Alpes.	160
XXXII.	Rhati Alpini, vulgò Grifones.	163
XXXIII.	Rhegusini & Sangallensis Abbas.	165
XXXIV.	Lacus Constantiensis & Cellensis.	166
XXXV.	Helvetia.	167
XXXVI.	Antiqui accolæ ripa Gallica Rheni, Helvetii, Rauraci, Sequani, Triboci, Nemetes, Vangiones.	170
XXXVII.	Alsatia.	172
XXXVIII.	Spira & Wormatia.	175
XXXIX.	Moguntia.	176
XL.	Treveri, Mosella, Leuci, &c.	178
XLI.	Viii, Eugerni, Coloniensis Electoratus.	183
XLII.	Batavia.	187
XLIII.	Belgii Confœderati Respublica.	189
XLIV.	Hollandia.	191
	)( 5	XLV.

# Index Capitum.

XLV.	Mosa.	194
XLVI.	Insula Hollandica & Zelandica.	200
XLVII.	Belgium.	201
XLVIII.	Agnio, vulgò Aa.	203
XLIX.	Lilium fluvius.	205
L.	Scaldis fluvius.	207
LI.	Demerus fl.	209
LII.	Æstuarium Scaldis.	211

## LIBER QUINTUS.

Cap. I.	Mare Britannicum, & insula in eo.	213
II.	Britannicarum insularum commendatio.	215
III.	Orcades.	219
IV.	Æbuda.	220
V.	Hibernia.	222
VI.	Hydrographica Descriptio.	227
VII.	Scotia, Magna Britannia pars borealis.	233
VIII.	Incola.	237
IX.	Chorographia Scotia.	240
X.	Magna Britannia pars altera.	252
XI.	Anglia Imperium.	254
XII.	Religio.	258
XIII.	Chorographia.	260
XIV.	Wallia.	263
XV.	Wallia Comitatus, Flintensis, &c.	265
XVI.	Sabrina & Parii ad eam Comitatus.	269
XVII.	Denshira & Cornu Wallia.	271
XVIII.	Durotriges.	274
XIX.		



Index Capitulum.

XIX.	Sutbria & Cantium.	276
XX.	Tamisis.	278
XXI.	Essexia, Suffolcia, Northfolcia, &c.	280

LIBER SEXTUS.

Cap. I.	DE mari Gallico, & maritima, &c.	
		285
II.	Gallia fines & Divisio.	286
III.	Sermo Gallia.	291
IV.	Francorum Regnum.	292
V.	Gallia ubertas.	295
VI.	Gallia prima Laus quod, &c.	298
VII.	Picardia.	300
VIII.	Præfectura Calitii.	ibid.
IX.	Comitatus Bononiensis.	301
X.	Comitatus Pontieni.	302
XI.	Summa.	304
XII.	Comitatus Eufianus.	306
XIII.	Caletorum Maritima.	308
XIV.	De Portu Itio.	310
XV.	Sequana.	315
XVI.	Senones.	317
XVII.	Campania, Matrona, &c.	319
XVIII.	Northmannia.	324
XIX.	Amnes Northmannia, &c.	326
XX.	Cava Northmannia litora.	328
XXI.	Insula juris Anglici, litori, &c.	334
XXII.	America Britannia.	335
XXIII.	Liger, Velauni, Segusiani, Niverini.	341
XXIV.	Elaver, Gabali, Avernii, Boii.	344

# Index Capitum.

Cap XXV.	Bituriges Cubi, Le Bertii.	348
XXVI.	Aurelianenses, Blasiienses, Turones.	349
XXVII.	Vigenna, Lemovices & Pirones.	352
XXVIII.	Andes.	354
XXIX.	Meduana, Sartna, Leas, &c.	ibid.
XXX.	Maritima Pectonum, Aunifiorum, &c.	357
XXXI.	Aquitania.	360
XXXII.	Garumna.	372
XXXIII.	Garumni, Convena, Fuxenses.	364
XXXIV.	Tolosates.	368
XXXV.	Tarnus fl.	369
XXXVI.	Agenni, Nitiobriges, Auscii Cadurci	370
XXXVII.	Duranus & influentes in eum.	372
XXXVIII.	Burdigalenses & Medulini.	374
XXXIX.	Novem-populania.	376
XL.	Aturus & Bigorra.	377
XLI.	Garvi & Bearnia.	379
XLII.	Biscaya.	382

## LIBER SEPTIMUS.

Cap. I.	<b>H</b> ispania nomen, Vbertas, &c.	384
II.	Varii Hispania populi, &c.	386
III.	Vasconum antiqua sedes, &c.	391
IV.	Navarri.	392
V.	Ipuscoa olim dicta Vardulia.	395
VI.	Biscaya propriè dicta.	398
VII.	Cantabria vetus, Mare Callaicum, &c.	399
VIII.	Astures & Regnum Legionense.	400
IX.		IX.

# Index Capitum.

Cap IX.	Gallicia.	402
X.	Regnum Portugallia.	405
XI.	Durius & Castilla vetus.	410
XII.	Tagus.	414
XIII.	Castella nova.	416
XIV.	Anas & Estremadura.	420
XV.	Batis, Andalusia, Granata.	422

## LIBER OCTAVUS.

Partem Hispania & Gallia explicat, qua opposita est Mari Interno.

### CAPUT I.

Mare Mediterraneum. 419

Cap. II.	Bericum mare.	431
III.	Murcia regnum.	435
IV.	Valentia.	436
V.	Iberus & Alava.	441
VI.	Aragonia & amnes in Iberum influen- tes.	443
VII.	Calatonia.	446
VIII.	Mare Balearicum.	450
IX.	Mare Gallicum, Rhuscinonensis Comita- tus, Montes Pyrenai.	452
X.	Gallia Narhonenfis, seu Languedochium.	456.
XI.	Rhodanus.	462
XII.	Pennina Alpīs & Valesi.	463

Index Capitum.

Cap. XIII.	Lacus Lomanus, Chablasii, Vandenses Græsi, Mons Iura, Genevenses.	465
XIV.	Arua, Focunates.	467
XV.	Araris, Sequani.	469
XVI.	Burgundia Ducatus, & Principatus Dumbensis.	473
XVII.	Dextera Rhodani ripa, Lugdunii, Segusiæ & Helvii.	476
XVIII.	Allobroges, Delphini, Isara, Centrones, Alpis Graia.	478
XIX.	Caroceli, Gresinodum, Cavares & Vocontii.	481
XX.	Provincia, Arausio, Avenio, Alpes Cottia seu maritima.	484
XXI.	Maritima Provincia.	487

---

LIBER NONUS.

Italia.

Cap. I.	Eius nomen, magnitudo, figura, & Natura.	490
II.	Romani Imperii initium, progressus & finis.	492.
III.	Romani Imperii amplitudo.	495
IV.	Syllabus Provinciæ, urbiumq; præcipuarum Occidentis Imperii.	497
V.	Syllabus Provinciæ, urbiumq; præcipuarum Orientis Imperii.	500
VI.	Copia & Præsidia circa limites, & in ipsâ urbe.	502
		VI. De



Index Capitulū.

Cap. VI.	De viarum magnis operibus.	304
VII.	Antiquus urbis Romana decor.	307
VIII.	Quomodo Italia in plures diuisa Principes.	310
X.	Qualis nunc Italia facies.	313
XI.	Mare Italicum, Inferum & Superum.	315
XII.	Majores insula Maris Italici, Corsica, Sardinia, Sicilia, Melita.	317
XIII.	Sicilia.	319
XIV.	Melita.	321
XV.	Minores insula maris Italici.	322
XVI.	Liguria, Comitatus Nicea, Dynastia Monœcli & Finale, Respublica Genouensis.	324
XVII.	Etruria.	327
XVIII.	Litus Romanum.	333
XIX.	Tiberis, Vmbria, Sabinia, Latium.	335
XX.	Villa aliquot insignes ad Tiberim: Laurentinum, Villa Plinii junioris in Tuscia.	340
XXI.	Fons Clitumnus.	341
XXII.	Villa Caesarum ad Gallinas.	342
XXIII.	Regnum Neapolitanum.	343
XXIV.	Campania Felix.	344
XXV.	Lucania & Brutia.	347
XXVI.	Salentini & Apulia.	351
XXVII.	Samnium.	355
XXVIII.	Picenum, Domus Lauretana.	356
XXIX.	Flaminia.	359
XXX.	Padus.	362

# Index Capitum.

Cap. XXXI.	Marchionatus Saluciarum & Pedemontium.	564
XXXII.	Mons Ferratus.	565
XXXIII.	Ducatus Mediolanensis.	566
XXXIV.	Vallis Telina.	568
XXXV.	Ducatus Parma & Placentia.	569
XXXVI.	Ducatus Mantua.	570
XXXVII.	Ducatus Mutina.	572
XXXVIII.	Mirandula.	573
XXXIX.	Ferraria.	ibid.
XL.	Athesis fl. Tirolum, Tridentum, Verona, Patavium.	575
XLI.	Venetorum Respublica.	577
XLII.	Forum Iulii.	580
XLIII.	Istria.	585
XLIV.	Illyrium.	587
XLV.	Illyridis Maritima.	588

## LIBER DECIMUS.

Cap. I.	G Racia.	592
II.	Gracia nomen & Termini.	593
III.	Præcipua Gracia Regna.	594
IV.	Albania.	599
V.	Epirus.	601
VI.	Achaia, seu mera Gracia Pars Sinu Corinthiaco apposita.	607
VII.	Peloponnesus.	611
VIII.	Mera Gracia, Pars altera.	622
IX.	Theſſalia.	627

Cap. X. Ma-

# Index Capitem.

Cap. X.	Macedonia.	630
XI.	Thracia antiqua.	633
XII.	Imperii Constantinopolitani initium, progressus & finis.	635
XIII.	Turcici Imperii initia & progressus.	636
XIV.	Chorographia Thracia.	639
XV.	Helleſpontus.	641
XVI.	Constantinopolis.	644
XVII.	Boſporus Thracia, cum reliquo litore Thracia ad oſtium Iſtri.	646

## LIBER UNDECIMUS.

Cap. I.	D Anubius.	648
II.	Vindelicia, Alemannia, Suevia, Vallis Danubiana.	650
III.	Baioaria.	653
IV.	Ænus, Tyrolenſis Comitatus, & Salisburgenſis Epiſcopatus.	657
V.	Noricum Ripenſe & Mediterraneum.	658.
VI.	Pannonia.	659
VII.	Archiducatus Austria: Anaſus fl.	661
VIII.	Moravia.	666
IX.	Hungaria.	667
X.	Fodina Hungarica ad Granum flu. ſita.	672.
XI.	Qua à Grano amne ad oſtium Sarvi, ſecundum Danubium ſita.	675
	Cap. XII. Dra-	

Index Capituli.

Cap. XII.	Dravus , Illyricum , Carinthia , Stē. ria.	677
XIII.	Savus & Carniola.	681
XIV.	Croatia.	682
XV.	Sclavonia.	683
XVI.	Bosna.	ibid.
XVII.	Masīa , Raseia , Servia.	684
XVIII.	Bulgaria.	687
XIX.	Tibiscus cum ulteriori Hungaria , & Meriscus cum parte Transilvania. 688.	
XX.	Dacia.	695
XXI.	Transilvania pars altera ad flumen Alutum.	697
XXII.	Valachia.	700
XXIII.	Moldavia , Danubii ostia ; Bessarabia. 702.	

LIBER DUODECIMUS.

Cap. I.	Pontus Euxinus.	703
II.	Podolia.	707
III.	Kozaci.	709
IV.	Borysthener.	711
V.	Regnum Scythia Parva , seu Tartaria minoris.	714
VI.	Scythia minoris Chorographia.	720
VII.	Tanais , & Paulus Maotis.	723
VIII.	Circassi.	726

Cap. IX. Mo-

Index Caputum.

Cap. IX.	<i>Moschita, Colchi, Mingrelia.</i>	718
X.	<i>Caucasus Mons. Iberia &amp; Albania.</i>	729.
XI.	<i>Araxes, Cyrus, Albania.</i>	732
XII.	<i>Moscoria Imperium.</i>	736
XIII.	<i>Chorographia Moscoria, Amnes Moskua &amp; Occa.</i>	742
XIV.	<i>Volga.</i>	745.



GEO.





GEORGII  
FOURNIER,  
E SOCIETATE JESU.  
GEOGRAPHICA  
ORBIS NOTITIA.  
PER LITTORA-MARIS  
& Ripas Fluviorum.

PARS PRIMA

Externum Mare complectitur.

LIBER PRIMUS

*Generales Orbis, Oceani & Europa  
divisiones tradit.*

CAPUT I.

*Prima Orbis facies.*

1. **O**RBS terræ ab initio rerum de nihilo  
conditus, sub aquarum mole per bi-  
duum delituit, & tertiâque tantum die  
recedentibus aquis emerfit; Neq; mi-  
rabili aquarum receptui signum dare, aut buccina  
canere fabulosus Triton necesse habuit. Impera-  
vit enim qui fecerat Deus, & ilico sublati mon-  
tium verticibus, vallibus contra in altitudinem  
depressis, terra specus vastosque sinus & alveos  
in omnem aperuit partem, quibus ruentes deor-  
sum

sum aquas exciperet ac redderet. Operæ pretium adfuit, unum in globum elementa duo confluerunt, ut eodem nutu hominum generi seruirent, & terra quidem pastum animantibus, homini larem ac victum, de suo tribueret; aquarum autem commercio ex omni ora adnavigabilis, suas marisque collectas opes, in sinum ejusdem hominis effunderet. Otiosæ porro esse non licuit; nam quæ dies liberam vidit, eadem vestitam floribus, herbis, arboribus, frugibus aspexit. Incolæ tantum deerant: At postmodum accesserunt *b* animantes, ultimoque in agmine subsistens omnium Princeps & Dominus Adam inauguratus est, anno ante Christi æram 3916,

2. Amœnissimus terræ locus, Regiam præbuerat, si servare potuisset. Fuit is hortus Eden Paradisus voluptatis, quæ in Insula Taprobana, Ceilan, Orientales constituunt. In Palæstina ad mortuum mare benè *c* multi, qui ajunt admissio flagitio primo, Parentes beatâ illâ mansionem dejectos, in agro Damasceno & montanis Hebron vitam duxisse in ærumnis, hinc in Paradisum unde exciderant intuentes, inde in montem Calvariæ, unde ipsis salus æterna fuerat adpromissa. Plerique ad confluentes Tigrim & Euphratem. Ubicumque autem fuerit, ab Armenia procul abesse haud potuit: Hic enim de quatuor Paradisi fluminibus duo, Euphrates & Tigris certo oriuntur, eorumque fontes non distant ab invicem stadiis 2500. ut vult Strabo, *d* sed parafrangis tantum 10. Quod si reliqui duo Phison & Gehon, ii sunt quos Geographi appellant Phasim &

Ara-

Araxem: illius autem origo à fonte Euphratis 15. parafangis, hujus verò ab eodem non pluribus distet quàm sex vel octo, ut contendunt e qui ea se lustrasse loca dicunt, vix de loco Paradisi superest dubitandi locus: maximè cùm Armeniam, aut ipsi finitimas regiones primi Patriarchæ nescantur incoluisse. Accedit quod Phasis fertur in Pontum per Colchòs, ubi nascitur aurum purum putum. Araxes verò evolvitur in mare Caspium, ad cujus littora Hieronymus constituit Eropes, vel ut legit Ortelius, Æthiopes.

3. Hominum genere propagato, civitatē primam Cainus ultra Paradisum ad Orientem cōdidit, & de nomine filii f Henochiam appellavit. Alias præter illam complures, ante diluvium ædificatas esse, ratio arguit, monumenta certè veterum nulla testantur. Imò divisionem gentium & regnorum aliquam, satis indicant temporum illorum superbi gigantes, propter scientiā rei militaris memoriæ cōmendati: Bella enim inter diversas gentes & de Imperio maximè gerūtur. Ut sit, mortuo Adamo, mundi & vitæ ejus anno 930. expleto, feria sexta, qua etiam de fructu vegeto comedisse sentit Irenæus l. 5. c. 23. multiplicatis cum universa gente sceleribus, iratum numen, diluvio immisso, cum civibus urbes, cū hominibus & jumentis terrā obruit. Unus ex mundi naufragio, Noe cū familia incolumis enatavit. Inclusa cum ipso in Arcam de alitibus & quadrupedibus singula saltem paria, ne species periret, servata sunt anno ab rerum exordio 1656. Porro ad latus Caucasi, centū totos annos in arca fabricanda in oculis improborum posuit san-



ctus Patriarcha verus Promotheus, huic monti propter pertinacem in opere constantiam quasi religatus.

a Gen. 1. b Gen. 2. c vide Adricomium. d Strab. l. 11. e Plin. l. 5. c. 24. & l. 6. c. 9. Salustius apud Serv. ad 3. Æneid. & præcipue Texeira hodoporia cap. 5. f Genes. 4. g Genes. 8.

## CAP. II.

*Prima Orbis divisio in tres Noe filios.*

I. **S**UBSIDENTI BUS aquis diluvii, hæsit a arca in ea Tauri montis parte, quæ Barin dicitur, & Armeniam Majorem à Mesopotamia separat versus Boream: unde nemini dubium esse potest, de regione, quam post diluvium Noe cum suis primam tenuit. Sed multiplicatis iterum ex uno capite, in tantam multitudinem hominibus, ut una regine coërceri non possent, divisionem orbis inter liberos suos, Noe aggressurus, prius ossa b Adami quæ religiosè conservaverat in arca, distribuit inter filios, calvariâ Semo tradita: tum orbem ita partitus est. Japheto tribuit ea c quæ à Mediâ in Septemtrionem & Occidentem vergunt usque ad Gades & insulas Britannicas; Chamo Africam, hoc est, ea quæ sita sunt à Rhinocoturis & Gadibus versus meridiem: Semo denique Palestinam ad Rhinocoturas & plagas Orientales versus Indiam, cunctos monens ne quis fratrum fines invaderet. Tum ipse cum filio Semo, ex Armenia redux in patriam

patriam antiquam, & loca Damasco vicina, regnum constituisse dicitur, & Pontificatum, postea dictum Salem, hoc est, pacificum ab urbe ejusdem nominis, in qua Sem per plures annos, ut volunt aliqui, regnavit & post eum Melchisedech, qui pariter Regis & Sacerdotis functus est munere. Obiit vero Noëmus anno ante Christ. 1978, vitæ suæ 950. cum vidisset nepotes ad undecimam generationem.

2. Porro in assignatas partes priusquam singuli immigrent, dum ingentem turrin in commune nominis monumentum moliuntur, induxit Deus in omnibus familiis oblivionem nativæ linguæ, id est Hebraicæ, præterquam *e* in Heber & Phaleg, qui non fuerant hujus ædificationis participes, & singulis proprias dialectos indicit. In stirpe Japhet, pro familiarum numero quindecim repertæ sunt: *f* in sobole Cham, una & triginta, in filiis Sem viginti septem: harum subducto numero, duæ & septuaginta linguæ novæ anteaque inauditæ, emergunt ab Hebræa diversæ. Ita commercio vocis omnibus ablato præterquam Noë ac tribus filiis, qui speciali privilegio omnes intelligebant, ut possent omnibus æquo consulere, familiarum dispersio pro idiomatum diversitate, in omnes circumquaque provincias, *g* subsecuta est. Populi singuli suas sibi res agere cœperunt, urbes moliri, & Magistratus præficere, qui crescentem paulatim multitudinem in oppidis & pagis regerent. Hæc prima orbis divisio tripartita contigit uno ab diluvio vertente seculo & alterius elapso jam dimidio.

a Genes. 8. Ioseph. Antiqu. l. 1 c. 4. Ortelius verbo Gordians. b Moses Barseph. de Parad. p. 1 c. 14. c Genes. 10. Iosephus. Africanus apud Eusebium in Chron. pag. 10. Cedrenus p. 10. Eustat. Antioch. Freculphus. Epiph. in Ancor. d Authores vide apud Genebr. lib. 1. Spond. Salianum. Baron. ad ann. 196. n. 5. e Spond. ad ann. 1931. f August. 16. de Civ. 6. & 11. Epiph. de Mensur. & ponder. g Spond. ann. mun. 1931.

## C A P. III.

## Secunda Orbis divisio.

I. **D**UM Noëmi posteri per Orbem dissipati in adeundâ & occupandâ terrâ sibi assignatâ operâ navant, sextus filiorum Chusi & nepos Chami, Gigantis moribus & staturâ infollescens, divisionem à proavo suo Noëmo factam neglexit, & omnibus imperare vehementer exoptans, qui Belus (quod Syris & Hebræis Dominum sonat) optat dici, primus Nembrod (quod ab Isidoro exponitur Tyrannus) appellatus est. Ad Turrim, Babel de linguarū confusione dictam, collectis iis, quibus cum vitæ & morum societate communicabat, Babylonem civitatem cōdidit ad fluvium Euphratem in lat. 35. antiquissimi regni, vel potius primæ & teterimæ tyrannidis sedem & caput; subditosque ne à se deficerent, à vero Dei cultu ad sacrilegam venerationē Ignis & Solis traduxit. Præcipuæ ditionis ejus urbes in Genesi referuntur secundum Babylonē, Arad, quam sanctus Hieronymus interpretatur Edessam;

Edeſſam; in lat. g. 37. m. 30. ad Orientem Euphratis. Achad quam Niſibin in lat. g. 37. m. 30. ad occaſum Tigris : & Chalanne quam Seleuciam g. 35. m. 40. aut Cteſiphontem 35. ad Tigrim arbitrat. Ponuntur omnes in terra Sennaar. Cum verò Nemrod 65. annos regnaſſet, ipſi ſucceſſit Ninus ejus filius, qui conſtituto aſylo ad ſtatuaſſam quam Babylone in templo parenti ſimilem ſtaſuit, celeberrimo in loco, obtinuit ut Bel diceretur, quē poſtea Aſſyrii, Chaldaei & Iſraelitæ Baal, Belzebub, Belphegor : Græci Saturnum appellarunt, & ut Deum, imo deorum parentem colerunt. Poſtea non contentus imperii modici finibus, bella finitimis, intulit: Aſſur filium Semi, qui Aſſyriam urbem, & Zoroaſtern qui Baſtram in lat. 41. ad Fl. Dargidum qui miſcetur Oxo, conſiderant, multo labore domuit & utrumque de poſſeſſione ſua diſjecit, ducto exercitu peditum decies ſepties centum millium, equitum ducetorum ac decem millium, curruum ſalcatorum decem millium ac ferè ſexcentorum. Aſiâque ſubactâ, quod fuerat in Babylonia exortum imperiū, tranſtulit ad ripam Tigris in lat. g. 36. m. 40. in qua urbis Aſſyriæ pomœrium dilatavit, eamque de ſuo nomine Ninum ſeu Ninivem dici voluit, quæ Metropolis fuit Aſſyriorum Regni, quod ad mille circiter & trecentos perſeveravit annos.

2. Per idem tempus, alibi quoque conſtituta regna ſunt; præſertim in iis partibus, quibus poſtea Europæ & Africæ fuit nomen attributum. f  
Nam vix anni 12. effluxerant ab ſtatuto in Aſſyriis imperio, cum regni Sicyoniorum jaſta ſunt



fundamenta. Est verò Sicyon urbs in Peloponneso, Isthmo & Corintho subiecta. in lat. g. 36. m. 50. in qua Ægialeus & ejus filius Europæ regnarunt, & totius Græciæ, imo & Europæ antiquissimum regnum fundarunt, quod mille prope modum annis duravit ad tempora Agamemnonis, qui Sicyonios devicit.

3. In Syria similiter condita est Hebron, quæ antiquissima fuit urbium terræ Chanaam, in qua sepulti cum suis conjugibus memorantur quatuor nobilissimi Patriarchæ Adam, Abraham, Haac & Jacob. Fuitque postea Philistinorum Regia & primaria tribus Judæ, distans Hierosolymis passuum millibus circiter viginti ad meridiem. Et licet in Africa fabularum licentia corruerit origines, tamen his temporibus conditas in Ægypto Thebas, Memphim & Tanim, tradunt antiqui Chorographi: Sed quæ prior, incertum. Tanim vetustissimam contendit Ezerosus, & favet Scriptura sacra, conditamque hâ Titantibus filiis Noë, septem annis post Hebronem. Hæc autem est in lat. g. 30. m. 50. & à qua, Ostium Nili Tanicum denominatur à Ptolemæo, in qua fuit Regia Pharaonis, in cujus campo, Deus mira per Moysen operatus est, & sepultus Hieremias juxta Regum sepulcra.

4. Alii volunt Memphim vetustissimam. Certe fuit amplissima urbs Ægypti juxta Heliopolim sita, ubi Nilus scinditur in Delta, in lat. g. 29. m. 50. sedes aliquando Regum Ægypti, ubi visabantur fastus Ægyptiaci Pyramides, aliæque opera, & debebant magicarum artium peritissimi.

ad

ad quos Pythagoras & Plato profecti sunt, malentes aliena undecumque discere. quam sua imprudenter ingerere; hæc denique est quæ à Selino Turcorum Imperatore capta est, & in qua extinctum Mamaluchorum Imperium, anno Christi 1517.

Neutri vero concedunt Thebæ, potentissima quondam civitas<sup>l</sup>, quæ portas dicitur habuisse centum, in quarum singulis memorantur<sup>m</sup> ducenti Custodes, excelluisse in equis & curribus, & à qua subjecta regio Thebais dicta: Fuerunt etiam tunc Arabum Chaldaeorumque regna; sed quæ de iis commemorantur ab Eusebio, fabulis sunt quam vero propiora.

a Genes. 10. b Isidor. Ethym. l. 7. Hieron. de trad. Hebr. in Genes. Hugo à S. Vict. in Gen. c Hugo annot. in Genes. Isid. l. 4. d Euseb. in Chron. §. 8. de præp. 4. Hieron. in cap. 46. Isa. e Diodor. lib. 2. cap. 1. Justin lib. 1. f Euseb. in Chr. Pausan. in Corinth. g Lyr. Hug. Abul. h Num. 13. i Annales Turc. Leuncl. Iovius. l Herodot. m Plinius lib. 36.

## CAP. IV.

*Abraha Peregrinatio.*

**A**NNO post diluvium 291. ab Heberis stirpe penes quam usus cognominis linguæ & vera religio constitit, ortum duxit Abrahamus ex Chaldaea regione, in Ur civitate, quæ putatur Urchoa Ptolomæi, in lat. g. 32 m. 40. ad occasum Tigris, & jussu Dei profectus est in Charam Mesopotamiæ, quam aliqui putaverunt Charas, in

lat.g. 36. m. 10. ad ortum Euphratis, Crassi clade nobilitatas: ut ut sit, inde profectus semel, iterūque in Chananæam, posteaq; in Ægyptum, ubi ab regis libidine Saram ejus conjugem tutatus est Deus, vixitque tota vita hospes & peregrinus. Ipsi æquales fuerunt quatuor in Syria & Oriente Reges, quos ille de recenti victoria securos nimis, repentino impetu oppressit, & Pentapolitanæ regionis præda spoliisque exuit. Primus inter illos censetur Amraphel Rex Sennaar sive Babylonix, quamvis bellum suo nomine non gereret, sed Elamitarum Regi suppetias ferret: quod Josephum aliósque movit ut Assyriorum ipsum esse Monarcham crederent. Secundo loco Arioch Rex Ponti, sive Ellasar in Coelesyria. Tercio loco qui Elamitis, hoc est Persis, imperabat Chodorlahomor totius belli fax & author. His accedit quarto & ultimo, Thadal Rex Gentium, hoc est, Galilææ superioris, quæ Galilæa Gentium postea dicta est, quod maritima cum esset, atque portuosa, negotiatores ex omni ora, peregrinosque alliceret. Cæterum adversus quatuor illos, in aciem prodierunt Pentapoleos quinque Reges, quorum nomina non extant, sed à Civitatibus quas regnabant, designantur. Nempe Rex Sodomæ primus, Gomorrhæ secundus, tertius Adamæ, quartus Seboin, & quintus Balæ Rex, quæ & Segor dicta est.

Superiorum finitimus eadem ætate vixit Melchisedech Rex Salem, idemque summi numinis Sacerdos castissimus, qui redeunti ex cæde Chodorlahomor, Abrahæ obviam factus, Eucharisti-

cum

cum Deo panis & vini Sacrificium obtulit, victo-  
ri benedictionem impertivit, & ab illo de manu-  
biis decimas accepit ann. ante Christum 1955.

a Genes. 12. 13. b Genes. 14.

## CAP. V.

*Ultima Orbis divisio in Antiquum  
& Novum.*

**M**EMORIE proditum à Strabone *a*, quos-  
dam universū genus hominū in duas par-  
tes divisisse, videl. in Græcos & Barbaros, & sua-  
visse Alexandro ut Græcos pro amicis : Barbaros  
pro hostibus haberet. Respondisse vero Alexan-  
dram, rectius virtute & malitia eos dividi, mul-  
tos Græcorum esse malos, & de barbaris laude  
dignos, ut Indos, Romanos, Carthaginienses,  
quorum in magna sunt admiratione Respubli-  
cæ. Itaque Alexandrum illis admonitionibus  
valere iussis, dixisse, quoscunque nancisci posset  
viros egregios, amplexurū se & beneficiis orna-  
turum. Sane sapienter, nec alia videretur necessa-  
ria divisio. Quia tamen ex finium ignoratione  
sepius sunt orta bella & ad diffinitam cognitio-  
nem obtinendam, negotiâque tractanda non pa-  
rum facit orbem in Continentes dividere. Ideo  
fuit à majoribus (nescitur quando) divisus orbis  
in tres partes, Europam, scilicet Asiam, & Africā.  
Quartam addiderunt baliqui Ægyptū, quod plu-  
res in ea urbes & populi reperiuntur, quàm in re-  
liquis tribus. Græcos etiam separant alii *c* ab Eu-



ropa & Asia. Ego totum Orbem in duas partes divido, Antiquum & Novum. Antiquum voco, quem Ptolomæus scripto & Tabulis illustravit, & Majores ut plurimum in Europam, Asiam & Africam diviserunt. Novo similiter tres alias tribuo, scilicet Americam, terras Septentrionales, & terras Australes, quas Argonautæ Europæi seculo proximè superiori repperunt, ducibus Americo & Magellane.

a lib. 1. in fine. b Plin. l. 5. c. 9. & ex eo Ortelius & Cluverius. c Herodot. in Melpom.

## CAP. VI.

## De Oceano.

OCEANUS est ingens illud pelagus, & totius aquæ præcipuum quasi corpus, quo universus orbis, velut insula cingitur, & ejus aquis tanquam pila enatat. Sic dicitur à Græco ὠκεὺς quod summa claritate fluat: ὠκεανὸν λέγουσι αὖ πὸ τῆς ὠκεὺς νοεῖν. verba sunt Eustachii in Iliad. ̃. Mare verò est membrum seu brachium universi illius corporis æquorei. Utrumque varia sortitur nomina. Primò à Provinciis quas alluit, sicque dicitur Sarmaticum, Norvagicum, Germanicum, Gallicum, Santonicum, Aquitanicum, Cantabricum, Callaicum, Phœnicium. Secundò ab Insulis; unde vocatur Britannicum, Balearicum, Carpathium, Ægæum, Cyprium. A Gentibus, Balticum, Germanicum, Ausonium, Dalmaticum, Ligusticum, Tuscum. Ab oppidis Adriaticum, Argolicum, Corinthium, Tyrium.

A Ca-

A Cassibus hominum vel Jumentorum ; Saturnium ; Myrtoum, Hellesponticum, Icarium, Equarium ; A memoria Regis, Jonium. A bovis transitu vel angustiis, etiam meatibus boum perviis Bosphorus. A moribus Accolarum, Euxinus à ξῖνος appellatus. Ab ordine fluendi, Propontis. A qualitate aquæ, æris, vel soli aquis substrati, Pigrum, Amalechium, Mortuum, Album, Rubrum, Bothnicum, Pulmoneum, Jecoreum, Hyerboreum.

## CAP. VII.

*Mare Hyperboreum.*

**A**B ultimi Septentrionis carceribus, bene longum stadium Deo auspice ingredior. Neque aliunde potius debui quam ab illa Oceani parte, quæ sub ipsis Trionibus & Arctoo jaccens, mundi vertice, Hyperborici, Septentrionalis & Arctoi maris appellationem sortitur. Nam hic vertex nobis semper sublimis nostras navigationes moderatur : at illum sub pedibus styx atra videt, manesque profundi.

Hyperboreum mare ; si ambitum spectes nobis per gradus 30. polo adjacentes effunditur : si nomen à Boreâ traxit, quoniam ex parte situm est ultra montes Riphæos, ex quibus in subiectam Europam Boreas debacchatur ; neque opus est ejusdem nominis insulam Sicilia majorem in partibus illis fingere, quod aliqui fecerunt. Nam saluberrimum cœlum, justissimos incolas, cōsque humanæ vitæ modum absque

adversa valetudine excedentes tribuere, ut in figmentò facile fuit, suadere non ita: melius haud dubiè, qui non ex fabulis, sed ex rei locique naturâ, Leberzée, hoc est, Pulmoneum, Jecoreum & Pigrum mare, Amalchium, hoc est, lingua Scythica congelatum, Morimarusa seu Mortuum dixerunt, quod cœlum inerti frigore nusquam non rigeat, & perpetuis obnubilatum pruinis, maligna luce & creperâ vix unquam albescat. Neque enim semper quotidianus Solis ortus plagam illam nova luce reparat, neque largis & erectis facibus, ut habitationes nostras accendit, sed per quatuor, quinque, sex menses continuos, vel deprimitur infra horizontem, vel totidem extat supra, prout variè mundi cardo attollitur. Cum verò obliquis tantum & debilibus admodum radiis, illam mundi partem attingat, hinc fit ut ea pars Oceani, maximè quæ lambit litora, cum pigra sit & gravis, nec ventis impellatur, aut fluctibus attollatur, penè tota ad multas leucas concreseat, sua licet quovis die naturali sentiat incrementa & decrementa (veniliam affluxum, salatiam refluxum dixit Varro) propter æstum, qui ab austro hîc insurgit: quinetiam nautæ ad immanes eas glacies, non secus quàm ad insulas appellunt, & in eas cum descendunt, ab nulla re sibi timent, præterquam à fulgore nivium & glaciærum, qui sic officit luminibus, ut plerisque (quorum novi aliquos) obcæcet.

Saturnium aliqui seu Chronium appellant à Sidere, quod iisdem locis dominari credunt, quàm verè, ipsi viderint: *b* fabulæ pudet quæ Saturni

turni virilibus exsectis eoque projectis, fecunditatem huic adseribit Mari, cum præter Elephantos marinos & ingentes Balenas omnino glabras, nec ullis instructas pinnis, vix ulli pisces reperiantur à gradu septuagesimo quinto, ad ipsum possum. In mari hyperboreo præter Islandiam & aliquot insulas, Spitsberga, Nova-Zemia & Grölandia navigationibus patuerunt. Insulæ verò sint, an terra cum Americanis & Asiaticis regionibus cohærens & continuata, incertum adhuc. De hoc mari multa scripsere Tacitus, Plinius, Dionysius, Eustathius, Festus Avienus, quæ refellere est abuti otio. Soli Himilco & Pitheas, quæ experti sunt in eo mari, & experimur quotidie, vera retulerunt, quantumvis fidem ipsis denegat Strabo: vide quæ de ea re fusius scripsi in Hydrographia, l. 5. c. 3.

a Adamus Bremensis. Strabo. Plin. lib. 4. cap. 13.

b Eustathius in Dion. Alexand.

## C A S. VIII.

### Spitsberga.

ANNO 1596. Kems kertius Batavus per Hyperborei maris pruinas & glaciem, ad Orientale pelagus aditum quærens, priscis incognitam regionem aperuit, quam de præacutis montium verticibus, æterna nive obstitis, Spitsbergam appellavit. Exinde Galli, Batavi, Hamburgenses, piscatione Balenarum valde quæstuosam illic exercent: nam frequentes ibidem reperiuntur, & præpingues, & quæ in adipem ferme solvun-

solvuntur, aliq̃ue pedum 200. Anno 1634. Houf-  
sonus Navarchus Dieppensis, ex unica centum &  
viginti cados olei expressit, cujus vel sola lingua,  
sex & viginti profuderat. Alterius in probolide  
intra os ipsum quod omninò caret dentibus,  
sexcentæ pinnæ barbulis fruticantes numeratæ  
sunt. Mirum verò quam huic sit belluæ arctam  
guttur, certè cum in interiori alvo si quando a-  
periat, nulli pisces reperiantur; sed tantum a-  
ranearum quibus hoc mare inficitur & interdum  
nigrescit, pugilli 5. vel 6. facile mihi persuadeo  
crassius hoc aquæ elementum ipsis sufficere pro  
omni cibario. Anseres rubros alit regio, quos ex  
deciduis Scotiæ arborum vermiculis tantum  
nasci hætenus creditum. Muscus & herbulæ quæ  
inter glareas enascuntur alunt urfos & capreolos  
præpingues aliquando, aliàs malignè vix ossi-  
bus hærentes. Nihil autem in eo solo corrup-  
pitur non ligna, non pingue piscium, non cada-  
vera hominum ante annos 30. hîc sepultura  
mandata. Junio mense portus adhuc glacie clau-  
si sunt. Nimbi verò & vapores sæpius tanta mo-  
le incubant, ut ex prora puppim cernere haud  
liceat: aliàs sudo cælo pars maris in umbra  
Montium constituta, hōris tribus ita gelu con-  
crescit, ut majora tormenta bellica per illud pos-  
sis devehere. Cornu Monocerotis hîc ab An-  
glis repertum ne mirere, in hoc enim Oceano  
frequens Monoceros piscis.

Ad Boream  
Norvagiæ à 77. gradu ad 83.

porrigitur.



## CAP. IX.

*Balena ad capturam affectatio.**Urforum Insula.*

Ubi apperente solstitio æstivo, Spitsbergam appulerunt nautæ, quando per tres quatuorve menses isthic dies est continua, eorum unus in eminenti rupe litoris excubias agit, donec aliqua balena, spiraculo, quam duxit interiorius, ut se refrigeret, aquam, evibrato jactu difflet in aëra; tum dato signo plures in cymbis expediti proximè appropinquant belluæ, & telum, hastili cui funis adhæret infixum, summo nisu quâ possunt altè ipsi imprimunt, & illico toris artibus iacumbunt remis, ut se ocius proripiant, extremum vagi funis ducentes manu. Bellua vulnere faucia, quasi fugiens telum quod ipsi adhæret, ima petit Oceani: miras aquarum turbationes excitat, redit in altum, emergit, volvitur in omnem partem, indigatione percita, donec post unam & alteram horam, exhaustis viribus, & effuso sanguine demortua enatat. Redeunt Nautæ & ovariantibus similes, prædam fune subducunt in litus, mox stantes in Monstrum, ascia dissecant in frustra illius pingue seu lardum, quod in alieum caldarium magni modii conijciunt, igneque supposito copiosum ex eo oleum exprimunt; Idem fit & in Gronlandia, & in Urforum Insula, Hæc gradum 74. m. 30. obtinet inter Spitsbergam & Finmarchiam, itinere quasi medio. Longum 12. pedes, Ursus Batavi hic occiderunt, inde nomen Insulæ.

CAP.

## CAP. X.

*Gronlandia.*

**V**ASTA est regio Americanis plagis vel conjuncta, vel ab iis tantum freto Danis disjuncta circa gradum latitudinis Borealis 60. Appulsus ad eam Ericus Rufus anno Domini 982. Grölandiam dixit, hoc est, terram viridem, quod gramen & illud pascentes capreolos in ea reperisset. Sinum ad quem appulit de suo nomine Erricsfiorden dixit, & in eo pagos Brattalyd & Stokanes extruxit. Leifus Erici filius sacro fonte ablutus in Norvagia, studio Olai Truggeri Norvagiæ Regis, Grölandos ad Fidem convertit. Divisa aliquanto postea in Orientalem & Occidentalem, in illa paroëcorum regiones 12. constitutæ, in hac tantum quatuor; Omnes Norvagis tributo obnoxie sunt factæ anno 1123. sequenti proximo, rogatu Regis, Arnhaldus à Lundensi Episcopo Scanie factus Episcopus Gronlandiæ, Sedem posuit Gardiæ; Cui undecim successores tribuunt Annales ad annum scilicet 1389. quo Henricus quidam præfuit, qui Neoburgi in Fionia comitiis dicitur adfuisse; cui etiam successerunt alii ad annum 1416. Sed illa Nostratibus nautis, qui Spitsbergam petunt, planè incomperta sunt, qui dum ad eas partes appellunt, ut ex Balenis oleum exprimant, nihil non vastum & glacie oblitum hic reperiunt. Qua verò occasione hæc fuerit olim a Norvagis intermissa navigatio, incertum. In pestilentiam dictam nigram referunt aliqui, quæ olim Norvagiæ magnam intulit

intulit vastitatem; alii ex coacervata glacierum copia, quæ impedita adeo ea reddidit littora, ut vix ea præterquam à parte qua Libonorum Borealem spectant hodie, quamvis & id subinde difficulter, detur contingere. Quando Guillelmus Bassin huc se contulit sub annum 1616. incolas adhuc reperit, qui pectora tundebant. In Gronlandiæ littoribus quæ proxima sunt freto Danis, reperitur Monoceros piscis, Nathual Islandis dictus, bove haud multo major; qui non secus quam Balena duplici spiraculo admissam aquam ejaculatur in aëra, è cuius ore prominet illud sive cornu, sive dens per totam Europam in summo habitus pretio, quod contra venena cujuscunque noxæ medicamentum sit præsentis opis. Porro non per Symphysin nascitur è fronte, sed per Gomphosin superiori mandibulæ inseritur, eoque tanquam lancea Balænulas, vitulos, & ursos candidos, & similes pisces, quibus vescitur, transverberat, & cum ipsis Balænis interneciva iniit prælia. Ubique solidum est præterquam circa radicem, è qua nascitur recens cornu aliud quod majori insitum tandem vetulum & prægrave trudit. Sic verò prædurum est, ut cote Barbari illud subigant & exacuant in cultros & enses, qui non minus præscindunt, quam si essent Calibei. Inde etiam Danus Navarcus anno 1636. retulit in patriam arenæ magnam copiam, quæ colore & pondere aurum referebat.

## CAP. XI.

*Islandia quibusdam Antiquorum  
Thule.*

**I**SLANDIA glaciale[m] terram, Thule Insulam vel scopulum è Mari extantem Danico idiomate & Norvagico sonat: a & vero in circuitu Islandiæ, nulla sunt vada aut fyrtes, quæ tamen in accessu Britannicarum Insularum sunt frequentissimæ: mediam secat Circulus Arcticus, à quo minutis tantum quadraginta sex distat Holem sedes Episcopalis. Porrigitur penes longitudinem ab ortu in occasum, quadraginta milliaria seu minuta Geographica, secundum latitudinem 170. à gradu circiter sexagesimo quarto ad sexagesimum octavum, Schalholt sedes est Episcopalis, Bassastadii residentia Præfetti à Rege Danico. Incolæ atrii sunt capilli, breves & membris compacti, vicatim habitant: Domus è lapide unius contignationis omnes, & lateribus tectæ, suppellex teresa & copiosa, ipsos dentes & gingivas fricant urina, ut à putredine servant. Vestes è panno nigro vel leucoseo non secus ac Scotorum. Iis qui habitant interiora Insulæ, potionem præbet serum aut fontes Cerealis liquoris dulcedinem habentes: panis vicem præstant pisces vel comminuti in modum farinæ, vel tosti & inuncti butyro, cuius tanta apud eos copia, ut variis in locis reperias cistas ex odorifero ligno confectas triginta vel quadraginta pedes longas, quatuor verò vel quinque

que altas, plenas butyro: illoque victu constantem valetudinem ad quadraginta supra centum, imo ad ducentos annos noscuntur sæpius protulisse. Nunc qui littora accolunt, & vinum & frumenta norunt, quas ad eos deferunt, qui cum ipsis in portu Hafnesfordio mercaturam faciunt sevi, adipis, butyri, pellium, sulphuris, piscium & salis ignariæ concretionis quibus abundant.

2. Ad eam colonias duxerunt Norvagi, Dani, Scoti, Bremenses: Hi in ea nongentesimo circiter salutis anno civitatem condiderunt, & eam in tetradès à singulis mundi cardinibus denominatas dividerunt, variâsque leges sanxerunt, inter quas erat una, quæ vetabat medicos alere, nisi ætate vel morbo sine ulla sua culpa essent inopes. Receptam sub annum octingentesimum trigessimum quintum ab Ansgario Hamburgensi Archiepiscopo, cui suas vices instante Ludovico Pio, Gregorius quartus commiserat b, Christi fidem servarunt illibatam, donec Christiernus tertius Daniæ Rex ad Augustani dogmatis perfidiam eos compulit, anno millesimo quingentesimo trigesimo septimo. Montes in ea plurimi: In his vertex Montis Helcæ æternis nivibus tegitur, radices verò perpetuis ardent incendiis; propius sex milliaribus nemo impunè accedit. Ibi sceleratorum animas torqueri persuasum incolis, vocès, gemitusque frequenter auditi fidem faciunt. Spectra etiam sese aliquando offerunt congressibus notorum hominum tam manifesta, ut tanquam viventes excipiantur ab ignaris mortis illorum data dextera, nec deprehenditur

error



error, priusquam disparuerint umbræ. Fata principum , quidve remotius in orbe peragatur , ab iisdem frequenter rescivere.

Fluvii Salmonibus refertissimi sunt. Volucrum aquatiliū immensæ nubes litora operiunt. Perdices albæ , Corvi candidi, ut & Falcones, hique ad aucupium laudatissimi reperiuntur. Boves amphiviæ solo & omnibus communes.

a Pontanus, Arngrinus Islandus. lib.1. b Pontanus in Chorog. Dan. pag. 752.

## C A P. XII.

### *Nova Zemlia.*

**T**RACTUS est rigente cœlo, perpetuæque damnatus hyeme, à Samoidis Moscoviæ populis fretum & Insula Vaigast diremptus. Dum ad Chinas iter illac aperire tentant, novam Zemiam, hoc est, novam viam, Nautæ dixerunt. Et verò post emensum diebus quinque maris sinum , cuius aquæ vix ullam habent saluginem propter magnos, qui in eum ex Moscovia, & Tartaria fluvios evolvuntur , ajunt deveniri ad fretum aliud, quod spatio dierum 50 quibus glacies solvuntur, si transmittatur , devenitur ad mare, quod Tartariam rigat, & Chinam. Ut ut sit, fretum Vaigast subest gradui 69. m. 40. qua parte dirimitur à Moscovia: Toto penè anno illud occludunt glacies , quæ dum solvuntur , tonitru & cœli fragores referunt , si non superant. Inter Insulam verò & Novam Zemiam aquæ vix extant aliquot pedes, unde nec possunt evehi naves præterquam medio æstu. Porro per illud æquor  
stratum

stratum glacie & per Insulam Vaigast è Nova Zemiam cum incolæ plures trajiciant quotannis in Moscoviam, ut cum Samoiedis, & Tartaris mercaturam faciant, ut certis constat relationibus, non est quare dubitemus de transitu & origine Americanarum gentium, cum in his partibus Europa & Asia exiguo tantum freto à Nova Zemiam parte Americæ separentur, nec opus sit navibus, ursis & animantibus cæteris, quæ per glaciem incedentes perveniunt, in Spitsbergam, Urforum Insulam & plures alias à continente disjunctas, decies majori spacio quam nova Zemiam à Moscovia distet & Tartaria, vel Spitsberga à Gronlandia, & Gronlandia ab America.

## CAP. XIII.

*Europa.*

**T**ERMINOS habet ab Aquilione & occasu Extremum Mare, seu Oceanum, ab ostio fluminis Obi ad Herculeum fretum: à meridie internum mare quod Mediterraneum dicitur: ad Ortum Mariæ Aegeo, Hellesponto, Bosporo Traciæ, Ponto Euxino, Phasi & Araxe fluviis, Mari Caspio ad flueta Volgæ, Riphæis montibus & Obi flumine definitur: quâquam hujus ostio mare Caspium cum Boreali Oceano committi & Asiam ab Europa seungi, malè sibi persuasum antiqui habuerunt. ab Europe Sicyoniorum Rege, nomen habuisse; malim dicere quâ ab Europa Agenosis filia; quidam

dam ab Europa Thraciæ regione Bosporo appo-  
 sita, vel ab ejusdem nominis Provincia, quæ  
 ad Orientem sinus Finnici jacet, eoque & lacu  
 Ladoga intercipitur: herum opinioni vicus Eu-  
 ropæ suffragatur, cujus authorem Japhetum  
 Noëmi filium Finnonēs jactant. Abyssini, Tur-  
 ci & Asiatici plerique omnes Franchiam, Judæi  
 & Orientales aliqui, Christianorum regnum no-  
 minant.

Africam Asia minorem esse constat, eandem-  
 que Europa tripla majorem, si locorum spatia  
 spectantur; Nam in Europa incolarum nume-  
 rus dimidia parte vincit Africanos. Illic enim  
 vastæ solitudines, hîc autem nihil incultum; Al-  
 pium juga, imo & Riphæi Montes excoluntur.  
 Sunt qui putant inter Europam, Africam, Asiam  
 & Americam esse proportionem eam, quæ inter  
 numeros 1.3.4.7. reperitur. Pergunt, si Terra-  
 rum orbem divides in partes 30. earum 5. obti-  
 nebunt Christiani: sex Mahumetani: novende-  
 cim Ethnici.

---

#### C A P. XIV.

##### *Quot in Europa Lingue ceterarum Matrices.*

LINGUAS Matrices dicimus, inter quas nulla  
 est cognatio, nec in verbis, nec in analogia:  
 sed quæ per omnia inter se discrepant, & ex qui-  
 bus multæ dialecti tanquam propagines dedu-  
 ctæ sunt. Viri docti tales numerant in Europa,  
 aliqui undecim, alii sexdecim:

1. Gothica, cujus usus in Orcadibus & Islandia interiori.
2. Finnonica, qua Finnonēs & Lappones utuntur.
3. Livonica, qua soli Eotavi, hoc est, Livones in agris degentes loquuntur.
4. Cauchorum, qua Frisii Orientales.
5. Teutonica, cujus idiomata sunt Norvegica, Suedica, Danica, Germanica, Belgica, & Anglica.
6. Hibernica, in Hibernia & parte Scotiae.
7. Britannica in Gallica Britannia, & in Cornubia.
8. Cantabrica, ad Maritima Pyrenaei.
9. Arabica, in Granatae Montibus asperrimis distis Alpuxaras, & passim in Turcia.
10. Latina ex qua Italica, Gallica, Hispanica.
11. Graeca maximè in Peloponneso.
12. Epirotica seu Albana in Montibus Epiri, ubi gens studiis asperrima belli.
13. Illirica, in Insula Weggliā ad ortum Istriae.
14. Sclavonica, cujus propagines Ruthenica, Polonica, Boëmica, Dalmatica.
15. Hungarica in Hungaria, & Ingra regione Moscoviae.
16. Lazygienna in parte Boreali Hungariae inter Danubium & Tibiscum, qua olim Hunni & Avars.
17. Tartarica Præcopensis inter Borysthenem Mœotim & Tanaim, qua etiam utuntur Cosaci.

Sunt tamen qui ad radices quatuor præcipuas omnes revocent, scilicet ad Latinam, Græcam, Teutonicam, & Sclavonicam; quarum ponunt exemplum in his quatuor vocibus, DEUS ΘΕΟΣ, GOTT, BOGE, quarum significatio eadem. Imo Latinam à Græca deducit Halicarnassæus. lib. 1. Characteres quorum usus in eadem Europa, quinque sunt præcipui cæterorum Radices: Latini, Græci, Hieronymiani, Ruthenici & Gothici. Quod autem inter Characteres & Linguas aliæ sint aliis longius latiusque diffusæ & dissipatæ, hoc accidit vel propter scientias & disciplinas populorum, ut patet de Græcis, vel ob potentiam, & Religionem, ut de Romanis.

---

C A P. XV.

*Varia in Europa Ditiones.*

**T**RIBUS hodie Imperatoribus Europa subest: decem Regibus: Rebus-publicis novem, Principibus quadraginta duobus.

*IMPERIA SUNT ISTA;*

Roxolanorum, in Sarmatia Europea seu Russia, cujus Metropolis Moskua, ejus latitudo gr. 55. m. 15. ad fluvium Moskam sita, qui in Ockam fluit, & cum Ocka in Volgam; Volga autem in mare Caspium evolvitur.

Romanorum, cujus Metropolis quondam Roma ad Tyberim g. 41. m. 56. Nunc Vienna in Austria, g. 48 m. 18. ad Danubium, qui Euxino mari miscetur.

Tur-



Turcorum, cujus Metropol. Constantinopolis in Thracia, vernacule Stambol, 43. ad Bosporum, Pontum inter & Propontidem.

*REGNA DECEM.*

Suediæ, Metropol. Holmia, vernac. Stocholm, gr. 59. m. 15. Mari Baltico apposita, ubi maritimis aquis Meler lacus committitur.

Daniæ, Metropol. Hafnia, vulgo Coppenhagen, gr. 55. m. 46. in Zelandia Insula finis Godeani principis.

Poloniæ, Metropol. Gracovia, vernac. Krakou gr. 49. m. 50. ad Vistulam, qui in mare Balticum influit ad urbem Dantiscum.

Hungariæ, Metrop. Possonium, vernac. Presbourg, gr. 48. m. 25. ad Danubium.

Bohemiæ, Metrop. Praga, g. 50. m. 10. ad Moldaviam, qui in Albim elabitur.

Angliæ, Metrop. Londinum, vernac. London, gr. 51. m. 40. ad Tamisim.

Franciæ, Metrop. Lutetia, Paris, gr. 48. m. 49. ad Sequanam, qui in Mare Britannicum evolvitur.

Hispaniæ, Metrop. Madritum, Madrid, g. 40. m. 50. ad rivum Mançanares, qui in Tagum abit, ut Tagus in Oceanum Atlanticum.

Lusitaniæ, Metrop. Olysippo, vern. Lisboa, gr. 38 m. 54. ad ostium Tagi.

Hamaxobitarum, seu Tartariæ Minoris, sedes Chami, Baccasari, in Taurica Kerfonenso.

## RESPUBLICÆ IN GERMANIA TRES.

Hanzeaticarum urbium caput Lubeca, vern.  
Lubec., g. 54. m. 18. ad Travenam.

Confœderatorum Statuum Hollandiæ, Haga  
Comitis.

Helveticarum Urbium una inter præcipuas  
Berna g. 46. m. 36. ad Arulam, quem Rhenus ex-  
cipit.

## IN ITALIA TRES.

Genua, Genoua grad. 43. m. 20. mari Ligusti-  
co adjacet.

Luca, gr. 43. m. 21. Serchio flumini proxima  
quod in mare Ligusticum abit.

Venetix g. 45. m. 23. ad intimum sinus Adria-  
tici recessum.

## IN TURCIA, TRES.

Epidaurus Ragusi 43. in Dalmatia, ad mare  
Adriaticum.

Magnoti, gr. 49. m. 35. in extremo Pelopon-  
nesi versus meridiem, urbs præcipua magni in lat.  
g. 35. m. 6.

Circassi degunt in montibus, qui inter Mæoti-  
dem paludem & mari Caspium excurrunt: Etil-  
li quidem Helvetiorum more, exteris stipendia  
merentur, modo Persis, aliàs Turcis. Urbs præ-  
cipua Coppæ, gr. 47. m. 35. ad ostia magni Run-  
bitæ in mæotim.

## PRINCIPATVS XLII.

### IN POLONIA, TRES.

Dux de Sluzko 53. ad amnem cognominem  
qui

qui in Pripetium abit, hic verò in Borysthenem.

Curlandiæ & Semigalliæ, Dux sedem habet Mitoviæ, vern. Mittovv. gr. 56. m. 37. ad Bulderanum, qui in Balticum mare fluit. Caput verò Ducatus Curlandiæ, Goldinguen, gr. 56. m. 47 ad Vidanum.

Prussiæ Ducatus, Metrop. Regius Mons, vernac. Koninsberg, gr. 54. m. 40. ad Prægolam qui in Habum lacum influit.

*IN GERMANIA, AD  
MARE BALTICVM, TRES.*

Pomeraniæ Ducis, Metrop. Stetinum, vernac. Stetin, g. 53. m. 28. ad Oderam.

Mechelburgensis Dux, sedem habet Gustravvi, gr. 54. m. 8. ad fluvium Nebel, qui cum Varno miscetur Mari Baltico ad Warnemundam.

Holsatiæ & Slesvvicensis Ducis domicilium Gottorp. gr. 35. m. 16. in sinu interiori maris Baltici.

*AD ALBIM, SEPTEM.*

Saxonix Ducatus, caput Dresda, gr. 51. m. 7. ad Albim; Electoratus Wittemberg, gr. 51. m. 54.

Princeps Anhaltinus, domicilium habet Dessavv, 52. ad Confluentem Muldam in Albim.

Mansfeldiæ Comes sedem habet Mansfeldiæ, gr. 51. m. 43. ad Fluv. Vipper, qui in Albim currit.

Magdeburgensis Archiepiscopi sedes primaria, Meydburg, g. 52. m. 8 ad Albim.

Marchio Brandenburgicus, sedes ei Berlinum, gr. 52. m. 28. ad rivum Spree, qui in Havel, & Havel in Albim fluit.

Luneburgensis Ducatus, gr. 53. m. 5. ad Elmen-  
nam fluv. qui in Albim definit. Modo Cellæ, gr.  
52. m. 28. ad Alleram modo Hildesemii, in g. 52. ad  
Inderst, qui in Vigurgim labitur, Dux moratur.

Dux Lauenburgensis Saxo, g. 52. m. 2. sedes ei  
Ratzburg, propè Lubecam ad Wagninum.

*AD VISURGIM ET AMA-  
SIM, SEX.*

Dux d'Oldembourg, gr. 53. m. 44. ad Huntam,  
qui in Visurgim labitur.

Archiepiscopus Bremensis, gr. 53. m. 39. ejus se-  
des, Bremerfortd.

Dux Bransuicensis, gr. 5. m. 5. ad fluvium O-  
ker, sicut & Arx ejus præcipua Wolfembüttel  
gr. 52. m. 3.

Landgravius Hassiæ Cassel, grad. 50. m. 40. ad  
amnem Fuldam.

Abbas Fuldenfis, Fuldæ, g. 50. m. 36. ad Ful-  
dam, qui in Visurgim evolvitur.

Comes d'Emden, grad. 53. m. 26. ad Amasis  
ostium.

*AD RHENVUM ET SCAL-  
DIM; DECEM.*

Abbas Sangalensis, g. 47. propè lacum Con-  
stantiensem.

Wirtembergensis Ducatus Stutgard, grad. 48.  
mt. 5. ad Necarum.

Comes Palatinus, Heidelbergæ, g. 49. m. 18. ad  
Necarum.

Dux

Dux Franconiæ, Heibipoli, Wirtzburg, gr. 49. m. 43. ad Mœnum.

Electoꝝ Moguntinus, g. 50. degit ut plurimum Achaffemburgi, gr. 49. m. 50. ad Mœnum.

Lotharingiæ Dux, Nancæi, gr. 48. m. 40. ad Murtam, qui ad Mosellam abit, hic verò ad Rhenum.

Trevirensis Electoꝝ, grad. 49. m. 50. ad Mosellam.

Coloniensis Electoꝝ, Bonnæ, m. 51. ad Rhenum.

Cliviæ, Montium, Juliæ, & Nemburgi Dux, Dusseldorpii, gr. 51. m. 12. ad Rhenum.

Comes Flandriæ, Bruxellis ad Sennium, gr. 50. m. 50. qui in Scaldim.

### *IN GALLIA VNICVS.*

Princeps Auriacus, Arausium, g. 43. m. 30. ad fluvium Argenteum, qui in Rhodanum fluit.

### *IN ITALIA, OCTO.*

Dux Sabaudia, ejus Metrop Chamberi, 45. ad l'Essum amnem, sedes Augustæ Taurinorum, vernac. Turin, gr. 44. m. 16. ad Padum in Pèdemontio.

Dux Placentiæ, Piacenza, gr. 44. m. 34. ad Padum, qui & Parmæ, g. 44. m. 26. ad fluvium Parmam, qui postea cum Baganza fluvio in Padum desinit.

Dux Mantuæ, grad. 44. m. 55. in lacu qui per amnem Menzo in Padum fluit; eidem, paret



Ducatus Montisferati, cujus præcipua munitio Cazalium, in lat. g. 44. m. 28.

Comitatus Tirolis, g. 46. m. 16. ad Athesim, qui Venetias inter & Padum in Adriaticum abit.

Dux Mutinensis, vern. Modena, g. 14. m. 16 ad rivum, qui cum Panaro fluvio in Pado recipitur.

Urbinas, vern. Urbino, g. 43. m. 30. ad rivum, qui in Fogliam lapsus, in Adriaticum effluit.

Florentiæ, vern. Fiorenza, gr. 43. m. 24. ad fluvium Arno, qui in Tuscum mare labitur.

Melitenfis Ordinis Princeps, qui vulgo summus Magister, in primaria Melitenfis Ordinis Insulæ Civitate, g. 34. m. 15.

### *AD DANUBIUM, SEX.*

Vaivoda Moldaviæ, sedem habet Soczanæ, vern. Czukaul, 48. ad Stertum, quem Danubius recipit.

Vaivoda Valachie, Tirisci, vern. Tergovvisko, 46. ad Jaloniezzam, qui in Danubium mergitur.

Princeps Transilvaniæ, Cirmii, vern. Hermanstad, 47. ad fluvium Cibin, qui in Salyatam, & cum eo in Danubium fluit.

Dux Baviaræ Monachii, vern. München, ad Isaram, m. 48. qui postea in Danubium funditur.

Neuburgi, gr. 48. m. 42. ad Danubium; qui & Cliviæ, de quo superius.

Cosaquorum Generalis, in Circches Insula Boristhenis, quæ ad ostium Boristhenis supra Oczacham.

GEOGRAPHICA  
ORBIS NOTITIA.

PARTIS PRIMÆ.

LIBER SECUNDUS.

*Continet Orbis plagam ad Septentriones sitam, hoc est, Scythia partem, & Regna Norvagiæ, Daniæ & Suediæ.*

## CAP. I.

*Mare Glaciale.*

**A**L T U M pelagus nunquam gelu constringi pridem docuerunt Galenus & Macrobius, & nunc docet experientia. Tantum litus ad aliquot millia, & fluviorum, qui in Septentrionem evolvuntur, aquæ dulces, hyeme concresecunt, & vere solvuntur: hinc est, quod ex litoribus abruptas moles, Insulis majores Æquatorem versus rapi vident, qui in Novam Franciam quotannis transmittunt: hinc etiam Oceani partem illam, cujus litora glacie revincta sunt, Mare Glaciale dicimus; illud autem in Europa, ab ostio fluminis Oby sumens initium, ad Insulam Thule, indeq; ad ostium Maris Baltici excurrit, & ambitu suo complectitur Mare Sarmaticum, seu Petzomæ, Mare Album & Mare Norvagicum.

## CAP. II.

*Mare Sarmaticum, Sarmatia, seu  
Scythia Europea.*

**B**OREALIS Oceani pars est, quæ Sarmatiæ olim, hodiè vero Moscoviæ Provincias Obdoriæ, & Condoræ, ab ostiis Oby fluv. ad Mare Album alluit. Alii nomine mare Petzoræ vocatur, propter Petzoræ fl. qui eodem Pelago forbetur.

Sarmatiam editiorem omnibus terris esse ostendunt flumina ibi nata, quæ in omnia orbis maria decurrunt: amplitudinem limites in omnem partem longè maximi. Nam mare Sarmaticum, Granduicus & Finnicus sinus media linea conjuncti, Suevicum mare, Vistula fl. mons Carpathes, Hierasus & Ister fluvii, Pontus Euxinus, Phasis & Araxes amnes, mare Hyrcanum, fluvius Rha, montes Rhiphæi & flumen Oby vastissimam regionem cladebant: Itaque regnum Poloniæ, Imperium Russiæ, Tartaria Crimea & Circassii erant intra Sarmatiæ fines. Hominibus verò inter se nulli fines, quod nec urbibus, nec certa sede tenerentur, sed ut invitabant pabula, aut cogebat hostis, habitabant in castris, suæque secum omnia efferebant in plaustris, corio imbrui hiemisque causa tectis, ipsis etiam feminis, ut Amazonibus, virile pectus & adusta mamma, quibus a venari, equitare, jaculari, puellarum pensum; ferire hostem, detrahare spolia, adultatum erat stipendium.

a *Mela lib. 3.*

## CAP. III.

*Oby Fluvius.*

DE Kitaysco lacu amplissimo, fluvius Oby Europæ terminus, dictus antiquis a Cambrucis, prorumpit: ab Oriente & in Septentrionem labitur, Siberitas, Lucomorios & Samoiedas alluit, & in Obdoria regione, quæ ab eo nomen traxit suum, ad promontorium Lytarmin, vulgo, caput Oby, sex ostiis glaciale Oceanum, è regione Elixonæ insulæ quam Batavi appellant Novam Zemblam, subit, post emensum à fonte trium mensium iter. Tantæ latitudinis est, ut juxta oppidum Oby 80. versas Russicas pateat, vixque biduo, quamvis auræ obsecundent, trajiciatur. Non longè ab ostio, Slatabbæ mulieris infantem gestantis signum ex auro antiquissimum visitur. Omnes accolæ vagi sunt, serina victitant, & pelles Duci, vectigalis nomine, pendunt. Abhinc annos aliquot, Russi compactis trabibus, terræque oppletis arces quasdam ad flumen excitarunt, illucque ex Polonia & Russiâ proscriptorum & perditorum hominum deductæ colonæ.

2. Samoiedæ Russis Samogeds, hoc est, seipsos comedentes, advenarum consortia fugiunt, piscibus, avibus & feris abundant, frugum, panisque, nullam habent notitiam, sagittas siliçe præmuniunt, spinæ piscium ipsis sunt pro acubus & animalculorum nervi pro filo, hisque vestes sibi consuunt è Rangiferorum pellibus.

corpori maximè convenientes : genua non antrosum complicant, sed ad latera, & feruntur tanta pernicitate, ut nullus Europæorum cursitantes possit assequi, exteros dum salutant ad ipsam propè humum caput demittunt; Idola colunt sibi similia.

Ab ortu, medio amne Taëz conjungitur Oby fl. cum Jeniscea fluvio amplissimo, qui certis anni temporibus latè exundans, agros fœcundat Tingoesiorum. Hi populi sensa animi gutture, quàm linguâ melius exprimunt; suntque ultimi eorum, quos novimus ad Orientem. Nam hætenus amnem Pisida, qui ipsis limes est, transmittere ausus est nemo, licet præter eum ex adverso hinnitus equorum, & Campani æris sonitus audiâtur, ex Cathaya, ut creditur regione, aut ex terra de Giezo. Ab Occidente eidem fl. Oby circa gradum latitudinis Borealis, 66. m. 20. misceetur Yrtis fl. qui Tobol excipit amnem, cui appositâ urbs ejusdem nominis, quæ Metropolis est Siberiæ, & commune Moscorum & Tartarorum emporium, ex quo per urbem Soil Camscoy pelles & tributa omnia è borealibus partibus collecta, in Moscoviam devehuntur. De Lucumoriis (genus hominum est in montibus dissipatum ac sylvis) stupendum pro rsus in Moscovitico commentario pag. 82. Sigismundus refert: illi enim 27. Novembris mori videntur, vel quod potius est, more ranarum vel hirundinum obrigescunt, & proximo vere, circiter Aprilis 24. solutis membris, denuò nova luce recreati reviviscunt; hoc ipsum Henrico III, Gallie Regi, quo tempore in



re in Polonia regnabat, à viris Principibus fideq;  
dignissimis confirmatum narrat Senertus. Tom.  
3. Pract. medicæ lib. 3. ubi de longa abſtinentia  
diſputat.

3. A faucibus Oby fl. ad finem Album per mil-  
lia paſſuum circiter 900. litori Ruſſiæ, & Septen-  
trionali Oceano obtenduntur jûga quædam Ri-  
phæorum montium, in quibus varii populi, quo-  
rum primi Petzoræ, qui nomen à fluvio traxe-  
runt: hic fluens ab aſtro arcem Papinovygorod  
rigat, & juxta opidulum Puſtiozero propter  
commercia pellium & cryſtalli utcumque cele-  
bre, ſex oſtiis in mare Glaciale devolvitur ad lati-  
tudinem, g. 68. m. 30. Auguſto menſe primum  
conſtringitur; neque ante medium Majum gelu  
ſolvitur. Ultramque fluminis oram perpetuo Ju-  
go vallant montes inter Europam & Aſiam me-  
dii b quos antiqui Riphæos & Hyperboreos di-  
xerunt, Athenæus montes Obyos, alii Alpes: Ruſ-  
ſi Ziemnoipoias, vel Kamenypoias, hoc eſt, terræ  
cingulum lapideum vocant, nive perpetua rigent,  
cedros proceras alunt, nigerrimos omnium ci-  
bellinos, albos gyro-falcones aucupio laudatiſ-  
ſimos. In tantum latitudinis aſſurgunt, ut deci-  
mo ſeptimo die verticem vix teneas; Incolæ ſim-  
plices, veſci pane haud ſciunt, Chriſtiana fide ſub  
annum 1719 imbuti ſeruntur.

Petzora tranſmiſſo, Ingra & Condora regio-  
nes occurrunt. Incolæ victu & ingenio ſuperio-  
ribus haud abſimiles, neque urbes neque pagos  
habent; Ex Ingra Hungaros prodiſſe ſerunt, qui  
locorum vaſtitate pulſi ad Mæotidas paludes

confederunt, indeque in Pannoniam transferunt; fidem facit utrisque, etiamnum sermo communis. Sinui prætenditur Insula Cologoya, in qua anserum infinita multitudo, qui ætate implumes sunt.

a Vide Authores apud Cluverium in Germania. l. 1. c. 1. b vide Cluverium. ibidem.

#### C A P. IV.

##### *Album Mare.*

**A**Mplissimum maris sinum qui ab Oriente sub Arctoo circulo, à Scandinavia Sarmatiam dirimit Bella more, hoc est, Album mare Russi appellant. Largæ nives, & quas illuc invehunt Moscoviæ flumina glacies, locum nomenclaturæ dederunt. Ostium illius patet tres leucas, per medium syrtis ad leucas 20. in boream excurrit, in qua cæci & frequentes scopuli. Dicitur Granduicus, itemque sancti Michaëlis aut sancti Nicolai sinus, nec non & Soloneskoi à clarioribus litorum emporiis. Præcipuos ex Lappia condit fluvios Warfigam & Ombay Salmonum feracissimos: ex Russia verò Duinam & Ongam

Duina Russi binarium sonat, quod ex amnis Jug, & Suchana junctis coalescat. Vologhdam, Ustingham & Duinam Moschoviæ provincias, parisque nominis ac numeri urbes perluit, quibus arces Colmogram & Pinegam accensere oportet. Parallelo, g. 59. m. 19. Vologhda subjacet:

jacet: Ducis Moschoviæ thesauri in ejus arce servantur aliquando. Ustingha Emporio celebris situm habet in lat. g. 10. m. 30. Post leucas 24. solum ad eò aëre & austerum Duina permeat, ut ex eo sal excoquatur. Succedit ad gr. lat 64. m. 30. arx Colmogra in insula, & in adversa ripa castrum Pinega, ubi fluvius in æstuarium diffunditur, & post minuta 56. in mare Album ostiis sex infunditur. Ad ostii Borealis ripam in gr. 65. Sancti Michaëlis, ad australem verò in gr. 64. m. 45. sancti Nicolai, oppida sunt, inclita emporia, ex quibus Moscoviticas merces, Europæi ad suos in omnem oram frequentes vehunt.

A sancto Nicolao versus occasum 90. millia-  
ria Russica fluvius Onega distat, & eundem in  
sinum mergitur; Nonnullis placet amnem huac  
infra oppidum Cargopoliam cum flumine Vo-  
lock committi, quod in Filandicum mare labi-  
tur, juxta Vaman oppidum, sicque cum Baltico,  
mare Album conjungi, sed repugnant alii. ha-  
rum quoq; regionum incolæ panem nesciunt, fe-  
rina victitant, Zebellinorum, nigrarum vulpium,  
& alborum urforum pelles in pretio habent. In  
intimo sinu australi insulæ sunt aliquot, quarum  
præcipua Solouuski, Æde D. Nicolai Ab-  
batia, salinis & harengorum pesca-  
tura celebris.

†

## CAP. V.

*Mare Norvagicum, & quæstuosus in  
eo piscatus.*

**A** Maris albi termino per Scandiæ flexuosa & Norvagiæ scopulosa litora, ad Godanū usque sinum, Norvagicum mare excurrit. Illud Russi vocant Mourmaskoi, & Norvagos Mouremans. Plerisque in locis litora scopulis & rupibus asperrima sunt, & pedes montium ita cavernosi, profundi & obliqui, ut funibus immixtis quorsum tendat eorum hiatus difficile cognosci possit. Ad saxa litorum nativis adhærent fibræ spongiæ frequentes, in quibus sensus inesse apparet: quia ubi avulsorem sensere, contrahunt sese, multò difficilius abstrahuntur, & avulsæ relinquunt in petris veluti cruoris vestigium. Sunt etiam marimi Arietes, sunt & Catuli qui natantem hominē faciliè mergunt, nisi demersi auxilio Raia superveniat, quæ grassatores abigit, hominemq; ut enatet pro viribus urget. Hic etenim sicut & in omni alio mari piscoso vix ullus est alius piscis Cartilagineus frequentior. Quod etsi uno partu unicum ponat ovum ovis gallinarū perfimile in albugine, vitello & testa; in utero tamen interdum numerabis centum, quæ in dies perficiuntur & eduntur. Deinde quia vix reperias piscem, qui tam lato sit oris rictu, ut raiam possit vorare: Denique quia horret aculeis, maxime in cauda, in qua nonnunquam triplex est aculeorum ordo, præ-

do, præter acumen extremum, quod pestiferum est, & quo posteaquam sese arena vel alga obtexit, pisciculos adnatantes figit, & majores etiam radio caudæ implicatos, confodit: & hinc est cur illud acumen semper piscatores præscindunt, & grande malum alicui imprecaturi, Raia caudam augurantur in Oesophago. Nunquam verò oræ piscariæ vel sinus Persici uniones, nunquam Indici maris Ambara; Æthiopici pulvis aureus, Mediterranei Corallium, vel maris Baltici Succinum, emolumenti mortalibus tantum attulerunt, maximè iis qui piscatorio quæstu vitam tolerant: quantum morhuarum & harengorum qui exercetur in mari hoc subviridi, quod Hollandi propterea vocant Haringsee, quod inter Orcades, Islandiam & Norvagian medium est. Etsi enim Octobri & Novembri mensibus, continentis & insularum litora rigeant glacie; ab ipso tamen hiemali solstitio tepescit mare, & nebulosa cœli densati caligo, in frequentes pruinas solvitur, quibus ita fœcundatur aqua, ut in ea passim videantur pisces ebullire, qui præterea atro limo, qui aquis plurimus hic congeritur, ita delectantur, ut si desint pisciculi, eo utantur pro cibo. Modicæ igitur barcæ circiter quingentæ, in quarum singulis Lintrarii tres, prodeunt quot annis ex Islandia, qui hamatis lineis à brumali ad æstivum solstitium, piscationi morhuarum operam dant, tam sedulam, ut ex eorum præda onerentur naves propè quingentæ tum Anglorum, cum Batavorum, qui pro singulis, quæ pedem non multum superant, assen, pro iis, quæ duorum



rum sunt pedum duos pendunt ipsis. Sed fidem superant, quæ dicturus sum de harengis, numerum Romano ore non licet eloqui, characteribus expressum accipe 14800000000. tot harengos quovis anno soli Batavi à festo D. Joannis ad Nativitatem Christi expiscantur, partim in hoc mari, partim in Britannico; Hic numerus si videatur tibi immanis, minorem tamen justo colliges, si attendas quot-annis in eum finem solvere ex Hollandia 1400. circiter naves, quas Losbos dicunt, præter grandiores 40. probe armatas, pro aliarum tutelâ : deinde quod singulæ referant domum 20. ut minimum ( sunt enim quæ 45. ) onera (vocant lest) quorum unumquodque continet dolia 12. hoc est, millia harengorum 12 Ter autem ut plurimum ex mari Norvagico onustæ domum redeunt, ter item ex Britannico; denique in hoc numero Anglorum, & Francorum naves non comprehendo, quæ ut minimum sunt quingentæ. Hic propterea interdum à piscatoribus extrahuntur hirundinum massæ, quæ ala ad alam & pede ad pedem rostellisque implicatæ sunt, quæ cantus quos possunt suavissimos, sub principium autumnus edunt, dum se colligunt, & in mare dant sese præcipientes, quæ si in æstuaria deportentur caloris accessu resolutæ volare incipiunt. Hæc porro inexhausta piscium copia & frequens venatio efficit, ut vix ullus sit usus panis apud eos, qui oram hujus maris accolunt.

## CAP. VI.

*Scandia vernacule Schaanau vel  
Schaane.*

**A**BEST à Scythia diei cursu , ampla regio, Græcis dicta Balthia , Romanis a Scandia & Scandinavia, populariter b Schaanau, hoc est, amœna regio. Nihil in ea magnum, dixit Solinus, præter ipsam. Malè, quin potius, hæc illa est fœcunda populis terræ vagina, quam Plinii tempore Hellevionum gens quingentis incolebat populis, & ex qua prodire Sueci, Northmanni, Vandali, Gothi, Vestrogothi, Ostrogothi, cæterique orbis terrores & irati numinis vindices. Peninsula est inter 55. & 71. latitudinis Borealis gradus sita, quæ ad occasum & Aquilonem Oceano finitur; ad meridiem & ortum Baltico mari, sinu Finnico, Lagoda & Onega utroque Jacu, amne Povenetz, Isthmo Maanselketrium milliarium germanicorum, & Pinsiokkhy fluvio, qui per lacum Vigoozero in mare Album defertur. Eoam partem hodie Sueci tenent, Norvagi occiduam, ad gradum penè 68. ubi vorago Maëlstrom. reliquam peninsulam Lappones Perpetuus illos immensi montis tractus ab invicem dirimit: Plinius Seuonem vocat Rhiphæis jugis haud minorem: Incolæ Schars, Sula Dofrafiel & Dofrinas alpes totius Europæ montes altissimos, quibus pares subjectæ specus, in opacis abeunt recessus, per quos aquarum

rum abyssi eo impetu ruunt, ut admotæ aures vel frigore obsurdescant, vel obrigescant frigore.

Urbes pauci incolunt. Adolescentes animi gratia immensas nivium moles in morem castrorum conformant, portis & propugnaculis distinguunt, aquis ædificationem crebro inspergentes, quæ frigore sic induratur, ut tormentorum æneorum iteratis fulminibus minime dissiliat: frequenter verò accidit, ut clavi quibus affiguntur feræ, revellantur præ frigore. Venationi operam navaturi, pedibus ligna supponunt levigata, & ad formam arcus antè inflexa longa, 9. vel 10. pedes, pelle Rangiferi cervi subducta, sicque cum incredibili celeritate, baculi quem manu tenent opera, sursum, deorsum, rectà vel obliquè in omnem partem ad libitum feruntur, & tortuosa gyratione per inaccessa montium cacumina, feras assequuntur, & quamvis omni pernicitate præcipites agantur, consistunt tamen cum liber, quod Rangiferorum pili sint ejusmodi, ut instar echinorum se erigant.

Hic variæ animantes quæ calorè & æstum ferre nequeunt: Ejusmodi est in genere volucrum Onocrotalus, anser non minor, quî repleto aquis gutture asinum rudentem imitatur. Ejusmodi est inter pisces Ziphius, omnium maximus, qui Phocas etiam deglutit. Ex quadrupedibus Alcem seu majorem Cervo Rangiferum jubatum habent haud quaquam solivagum: Nam turmatim incedunt, & cornua gerunt amplissima, cervinis tenuiora, sed pluribus diffusa ramis. Ad domesticos usus carnis, butyri, & lactis copiam sufficiunt,

ficiunt, *d* sunt qui quadringentos alant, quos ad  
tibiæ cantus ex agris revocant, curribus juncti  
leucas 30. Germanicas decurrunt horis 12. absque  
cibo. His putatur instructus Aureliani currus,  
quando de Gothorum Rege triumphavit; certe  
in hanc diem Rangifero cicuri infidet nova nu-  
pta, quando eam deducunt parentes in casam  
sponsi.

a *Plin. l. 6. c. 13.* b *Adamus Bremensis.* c *O-*  
*laus. l. 11. & 17.* d *Pontanus in descript. Firma-*  
*chia & alibi passim.*

## CAP. VII.

*Lapponia, Biarmia, Finmarchia.*

**L**apponia Borealium provinciarum extrema  
à sexagesimo septimo gradu latit. ad septua-  
gesimum primum extensa, tribus nunc paret  
Principibus. Rutheno pendunt vestigal Pyhe-  
niemi Lappones, Suedicè dicti Trinnes, ab ostio  
maris Albi ad Castrum Varahusiæ, Finmarchiis  
proximum, per montes silvas & lacus Biarmiaë  
dissipati: Dano parent Scritofinni Lappones ab  
extremo Europæ promontorio Nordcap ad  
Nordvagiæ, vagi per Finmarchias: Ad Suecum  
pertinet Lapponiæ pars Australior apposita mari  
Botnico. Certi tamen fœderis Pontanus memi-  
nit a quo Russus maritimum vestigal cessit Sue-  
co, & Suecus Norvagiæ Regi, cui propterea pi-  
scium decimas & aliquid pecuniæ pendunt om-  
nes, qui exterioris maris litora accolunt. Ab ini-  
tio Maji ad finem Augusti continua hic dies est,  
cique

eique æqualis nox respondet in brumali solstitio. Valles si sementem acciperent fruges non negarent, sed inexhausta piscium, ferarum, & nucum avellanarum copia minuit desiderium panis, quem tamen aliqui ex medulla summarum pinuum conficiunt. Regio in propria dominia non est distincta, sed qui primus tractum terræ occupat, ejus usum retinet, donec consumptis in quotidianos ignes arboribus, aut ferris aliò se conferentibus, eò se pariter conferat; suos olim sicut & universa Norvagia habuerunt regulos, quos Fieldekonga vocitabant: *b* æstate panno viridi, brumali tempore pellibus omnes involvuntur, nisi qua vident. In hordas conveniunt certis diebus, quibus Sacerdotes adsunt, qui infantes baptizant, & fidei articulos proponunt. Plerique æstivo tempore in maris litore quæstum faciunt ex piscatura aselli majoris, balenarum, passerum, & salmonum. Qui in insulis degunt, vagi non sunt, sed suas habent Ecclesias, nec Finnice loquuntur, sed omnes Danice, vel Germanice; Exterior ora cingitur prærupto litorum labro, per quod Salmonum feracissimi amnes Ponoy, Orlogones, Jochena, Tiriberi, Kool & Pitlingh, initip striduli & spumantes ob insitas alveis cautes postea placidi evolvuntur in æstuaria, ad quæ conferunt se exteri ob frequentes salmones, & commercia quæ exercent cum incolis, qui in tiguriosis degunt. Generalis piscium apotheca Ooster-haven in peninsula Kegor; omnem oram circumstant crebræ insulæ, hîc sex, alibi septem; passim per litora in  
promon-



promontoriis erecta stant crucis signa, tuti ap-  
pulsus indicia.

a *Pontanus in descriptione Finmarchiæ.* b *Pon-  
tanus.*

## C A P. VIII.

### *Norvagia.*

**P**linio dicta Nerigon, Adamo Bremensi &  
Crantzio Nothmannia, vernacul. Norrige;  
continetur inter parallelos, 68. & 57. habitatio-  
nes admodum raræ sunt, ex assamenti domo-  
rum parietes consurgunt & teguntur cespite:  
Incolæ probi, sine fuco, exterorum amantes,  
algoris, inediæ, & laboris patientissimi, in omni  
arte fabrilis exercitatissimi, nec alia gens effusius  
indulget conviciis & hospitiiis.

Hinc ad externos exportantur pelles pretiosæ,  
aselli pisces, pix, trabes, mali, ædificandisque na-  
vibus & testis materia plurima.

Regnum est hæreditarium Daniæ, ante duo  
secula, per connubium quod cum Hæquino Re-  
gina Margareta iniit, nexu indissolubili unum.  
Dividitur in 5. provincias, quibus nomen à præ-  
fecturis seu munitionibus Wardhus: Trunten,  
Bergen, Aggerhus & Bahus. Wardhusia ulti-  
mum Europæ oppidum est, quod 300. circiter  
domos numerat, situm in insula in lat. g. 70. m.  
46. cujus ambitus milliare unum Norvagicum  
cum dimidio cōplectitur, munitur castello,  
in quo sedem habet, qui Rectoris titulo provin-  
ciæ præficitur, anchoras ad orgias io demittunt,  
qui

qui ad illud appellant. Præfectus jus dicit toti Finmarchiæ, & litori ad fines Russiæ.

Hinc post milliaria 40. reperitur ostium fluvii Teno, nautis Tanebaili, in quo piscatorum tuguria, & ad mare vicus Ommega; Extremo Scanzæ angulo prætenditur insula Maggeren, quæ definit in celebre caput NoortCap in lat. g. 71. m. 30. litus occiduum innumerus asperum est rupibus & insulis, quarum præcipuæ Suro, Tromfond, Saniem, Loffoët, inter quas vorago Maelstroom, g. 68 m. 10. per quam transire Nautis impossibile, nisi summâ malaciâ, cadentibus ventis acquiescat mare; veterum Tartarus & maris Umbilicus non nemini videtur.

Secundæ præfecturæ nomen ab Nidrosiâ vulgò Trunten, g. 64. m. 7. Regni Metropolis Nidero flumini apposita sedes olim hîc fuit Archiepiscopus, qui Norvagiæ, Islandiæ, Gronlandiæ & Orcadibus præerat, & in diem hanc supersunt rudera Cathedralis Basilicæ Divo Olao sacrae, cui vix aliâ in orbe Christiano similis fuisse à nonnullis creditur: Regium adhuc habet præfectum & Episcopum, mercimoniisque perquam celebris est. Huic præfecturæ accensenda, quæ in Sueciâ, Angermaniæ contermina est, pecore & pascuis præpollens Jamptiæ ditio.

Berga urbs Latinis & Græcis nota, in lat. g. 60 m 16. editis montibus cincta, Teutonicæ societatis emporio & portu amplissimo ornata, in quo naves magni modii sine periculo ad ipsas prope eades evehuntur. Hinc exportâtur pretiosæ pelles, & induratorum piscium, quos Stouckvisch appellant,

pellant, vis infinita, quorum laudatissima captura est, in Januario, dum frigus superest quo indurentur. Arcem ibi præfectus habet Bergershufiam, cui & oppidum subest Starvågera, ubi sedes Episcopi sicut & Bergæ. Passim in his litoribus ferrei annuli clypeo majores infixi quibus nautæ funibus immixtis firmant navigia, quod profundius dehiscens mare anchoras non admittat.

Thule, inquit Pomponius, Bergorum litori apposita, ubi Sol longo tempore circa horizontem velut occasurus versatur, cum vix tandem occidat. Inde colliges hoc de insulis dici, quas hodie Schetlandiam & Hitlandiam vocamus: jacent enim sub eodem cum Bergenfi parallelo; ad ejus litus nulla insula propius accedit, vixque illis Sol occidit in solstitio æstivo.

Alloæ oppidum, g. 59. m. 28. arcem sibi propinquam habet Aggershusiam. 24. supra Bahusiam miliaribus. Ad curiam Alloæ, ex universa Norvagia graviores lites devolvuntur, ibique jus dicitur præsentis arcis præfecto, qui veluti Norvagiæ totius Gubernator habetur, est & sedes Episcopi. Hinc celsissimi navium mali, assereque & tigna in omnes oras evchuntur; sunt & in his partibus fodinæ argenti, cupri & ferri, & in his magnetes laudatissimi. Masterlandia Regno Daniæ proxima est in scopulo peninsule collocata, cui & alia duo Oppida Congelia, & Vddevallia adjacent arcem communem habentia, Bahusiæ nomine, quam ad fines Suecorum in rupc excelsa ad Trolettham fluvium ædificavit Norvagiæ Rex Haquinus IV. circa annum Domini. 1309.

## CAP. IX.

*Mare Balticum.*

ET si nomine proprio Bekt appellent indigenæ, *a* tam cingulum sive baltheum, quam mare illud quod inter Fioniam & Zelandiam insulas labitur: communi tamen appellatione jam ob omni ævo, Balticum Mare dictus est si- nus hic totius Europæ post Mediterraneum maximus, sive quod Balthiam, hoc est, Scandiam à Sarmatiâ & Germaniâ separat, sive *b* à Wisegothis Balthis, id est, audacibus, sive quod in modum balthei longo tractu per Scythicas regiones tendatur, ut dixit Helmoldus. Codanum sinum dixit Mela ab insula Cadanonia, quam ait magnitudine & fecunditate aliis antestare; alii quod instar Caudæ extra Oceani quasi corpus per incurva terrarum divortia recedat. Certè Codam dixit Varro pro Caudâ; Gothanum aliqui dicunt, quod Gothorum regnum ambiat ex omni parte. sunt qui deducant ab Idolo Vandalorum Godan; quod eorum lingua Deum bonum significabat. Oostzee seu mare Orientis vocant Nautæ, respectu Occidentalis Oceani, vel quod ii qui è Dania Orientem, & Terram Sanctam olim petebant, hoc mari ferebantur in Russiam, ut constat ex historia Erici Eigodi Regis Daniæ, vel quia etsi æstus in eo nullus sentitur, feruntur tamen aquæ continuo fluxu, ab Oriente versus Occidentem. Venedicum plerique dicunt & à Venedis Germaniæ populis quos alluit. Volunt

sunt alii Veneden antiquitus dictos lacus & Paludes, ab iis autem populos circumpositos, Venedorum, Venetorumque appellationem sortitos esse. Majoribus minoribusque insulis crebro in fretum cogitur, & subinde flexuoso anfractu sese proripiens, tres quatuorve sinus præcipuos aperit per miliaria seu minuta Geographica circiter 100. cum nusquam 120 latius pateat. Bothnicum multi vocant, *d* quod Suevorum lingua Both Terram aquis non multum extantibus substratam significet, Suevicum item mare dictum Tacito, vel à populis Suevis, vel à flumine Suevo, quod in illud mare se exonerat.

*a Pontanus. b Iornandes. c. 29. Adamus Bremensis. l. 1. c. 1. Mela. l. 3. c. 3. Plin. l. 4. c. 13. c Ptolem. l. 8. ab. 8. Tacit. Plin. d Olaus. l. 17.*

## CAP. X.

*Dania Regnum.*

EX sinu Codano & gente Danſcionum, quam Ptolemæus *e* ponit in Scandia oriundi quos Gregorius Turonensis, Jornandes, Procopius & ab iis consequens ætas Danos appellavit. Incolas in hanc diem Dannemans, plerique dicunt quasi homines Abjetinos ac piceis in silvis, quibus abundat regio, enutritos, ut sentit Junius: Alii *f* viros Aquatiles seu Fluviales explicant: æquius qui viros honestos egregiosque, hoc est, e grege hominum selectos interpretantur, proceri enim sunt Dani Norvagique & capillo ut plurimum albicant aut flavescent. Cimbri



bris jam à Catulli & Marij temporibus, Reges fuerunt *g* Bojerix, Bolerius, Teuthobochus, & ante eos *U*tridomarus, qui à Boreali hac plagâ profectus transmissio Rheno Gallias vastavit. Ibi-  
dem regnavit qui Carolo Magno negotium fecit non parvum Gotricus, cujus posterì cùm defecissent circa annum 1448 Christianus primus ex Oldenburgica familia Frisîæ, quæ nunc rerum potitur, ad Regnum evectus est.

Ad Christi fidem conversi sunt ab Ansgario Hamburgensium & Bremensium Episcopo, cui & successoribus suis anno salutis 835. cum vices suas Gregorius IV. instante Ludovico Pio commisisset, eumque Apostolum *h* Danorum, Sueonum, Norvagorum, Farriæ, Gronlandorum, Helsinglandorum, Islandorum, Scrichfindorum, Sclavorum, & omnium Septentrionalium, & Orientalium Nationum constituisset, in illud opus diligenter incubuit per annos 34. & Regem Daniæ Ericum ad fidem traduxit, qui mox Religionem *i* Christianam per universas Regni sui oras jussit promulgari, & insignem Slesvici Ecclesiam extrui. Christiernus verò III. abdicatâ Religione avitâ, inauguratus à Joanne Bugenhagio, quem Lutherus ad eum miserat, Episcopos qui septem tota Dania erant, ex Senatu cui ab omni ævo interesse & præesse consueverant, removit *k* & prædia eorum omnia suo fisco addixit anno 1537. eademque præstitit in Norvagia.

Porro quæ fuerit olim regni Danici amplitudo, quæ potentia, requires ex Saxone, & Jonâ. Daniæ,

Daniæ, inquit, Reges, Hiberniam ostes, Angliam decies debellarunt : Scotiam armis occuparunt, Russiam totam vestigalem fecerunt octo vicibus, Saxoniam quindecim : Slaviam quatuor supra viginti. Livonia, Curlandia, Æstonia, Borussia, Polonia, Danis cesserunt. Suecia duodeviginti præliis attrita est. Subacta Norvagia duobus & triginta, Danorum Regibus fidem juravit, hodièque juratam servat. Solidi partes Imperii hujus nunc sunt Norvagia, Chersoneusus Cimbrica, Codani freti insulæ & Gothiæ litus occidentale. Regis tessera Regnorum tredecim imagines continet. Tres Leopardi viridis coloris Daniæ regni insignia sunt, in solo croceo : Leo cum bipenni Norvagiæ sceptrum indicat : corda novem in rosea planitie Gothorum notat Imperium : Sclavos & Vandalos Draco : tres coronæ unionem Daniæ, Norvagiæ & Sueciæ significant : Gothlandiam exhibet Agnus Christi gestans vexillum, cui inscripta in solo rubro crux candida : Bini Leones Ducatus Slesvicensis insignia habentur. Coronatus piscis Islandiæ insulam præsignificat : urtica Holsatiæ, Cygnus coronatâ cervice Stôrmarię ditio-nes ponit. In medio horum qui positus est eques cataphractus Dithmarfos præfiguratur. Comitatus d'Oldenburg, crux alba, Delmhorst Trabes geminæ referunt. Tesseram coronat torquis aureus ex Elephantis castella tergo ferentibus, & calcaribus interpositis contextus, appensâ inferius effigie Dei genetricis solaribus radiis circumdata, cum orbe aureo tribus clavis insigni & lite-

rario emblemate inscripto quæ symbola sunt antiquæ pietatis & æquestris dignitatis. Rex magnam pecuniæ vim cogit quotannis ex vectigalibus freti Danici, ex silvis tigniariis, expice, pecoribus & piscibus: & verò testantur rerum memoriæ Europæorum Regum legatis in comi cōgressu differentibus aliquando de potentia suorum Regum, uno aurum, alio aromata & gemmas, alio denique frumenti ac vini copiam arrogantius prædicante, Danum subjunxisse, si potentissimi Europæ Regis gazæ & latifundia venum exponerentur, tam grandi pecunia vix posse emi, cum ligneorum lancium numerum qui necessarius esset, ut in singulis singuli ponerentur pisces, qui in litoribus Daniæ quotannis captantur. dictum sanè & acutum & jocosum. Habent indigenæ populari lingua jus scriptum à Valdemaro I. & auctum à successoribus. Inter Dynastas nulli Duces, Comites aut Barones, sed nobiles tantum appellantur.

e *Mela. lib. 3. Ptol. Europa. tab. 4. Gregorius in Theudoberto. Procop. 2. rerum Gothic. f Pontanus in Chorog. Dania. c. 2. g Vide Florum, Orosium, Eusebium. h Ita in ejus actis. i Pontanus historia Dan. l. 4. pag. 98. & 102. k vide Spondanum anno 1537.*

## CAP. XI.

### *Insula Maris Baltici.*

**O**mnium Princeps est Selandia Mela Codanonia, 72. minuta in longum, 48. in latum

tum extensa, Civitates 13. arces 12. parœcias 347. numerat. Absque stercoreatione segetes omnis generis copiosas, ager fundit. Hinc profecti qui Provinciæ Belgii, Zelandiæ nomen dederunt. Umbilicum Insulæ, Roschildia urbs tenet, cui nomen à fonte, qui in editiore loco ebulliens, per declive molendinorum rotas 7. propellit, priusquam effundat se in Isoram sinum maris ingentem & piscosum; hic sedes regia Danorum, jam à Suenone Rege, qui primum Insulæ Episcopum Gerebrådum ordinari curavit sub annum Christi 1612. in cuius Ecclesia præpositus circa annum 1200. floruit Saxo grammaticus in sæculo Barbariæ obsito Daniæ historiæ scriptor egregius. Hodie quoque Regum mausolea locū illustrent. Ad subsolanum Hafnia est, vernac. Coppen Haven, Axillus Vidus Daniæ Archiepiscopus, quem Saxo Absolonem vocat, ad arcendos piratas, Castellum hic posuit Axelhumps, quod piscatorū casis & negotiantium frequentia auctum nunc Absoloniam urbem aliàs Mercatorum portum appellavit Saxo; Exinde huc, Reges sedem regni transfulerunt. Christianus I. anno 1478. ornavit Academiā, cuius proventus Fredericus II. sexaginta thalerorum millibus adauxit: Alii Reges privilegiis ornarunt, & firmarunt propugnaculis. Nunc celebrantur in ea primum urbis templum Divæ Mariæ sacrum, in quo inaugurantur Daniæ Reges, Portus in quoad passus quingentos tuta navibus statio, Armamentarium instructissimum ab bellum terra, marique gerendum, pons sublicius, Bursa Mercatorum,

rum, viridarium Regium, Turris præcella ad Astronomiæ studia nuper ædificata. Hafniæ ab Oriente adjacet Amagria insula sex millia passuum longa, quatuor lata, omnium sæcundissima, & leporibus plena; duæ in ea Parœciæ, una Indigenarum, altera Hollandorum, quorum: huc traducta Colonia sub auspiciis sororis Caroli V. consortis thori Christiani secundi.

Aquilonem versus ad fretum, est Helsingora oppidum, quod Christianus quartus cingi muris curavit. Parens verò ipsius Fredericus II. firmavit Croneburgo, arce quam ex ipso maris fundo ingentibus saxis & fistucatis roboribus eduxit, æneis tormentis munivit ad introitum, aut egressum navium inhibendum tecta cupreis obduxit laminis, cubiculis porticibusque exornavit & vestivit tapetis, in quibus intexti Reges Daniæ suo quique ordine referuntur. E regione Helsingoræ in ora Scaniæ cernitur Helsingburgum munitio altera; inter utramque fretum vix latum medium milliare Oresunda dictum, quod in modum auriculæ rotundioris sit inflexum. Naves omnes vela complicare, anchoram jacere ac constitutum à Rege telonium pendere, tenentur Helsingoræ: Possunt tamen minora navigia Zelandiam inter & Fioniam transmittere, modo vestigalia consueta pendant in oppido Niburg ad Orientem Insulæ Funen sito.

Huena Insula exigua quidem terræ moles, at rerum maximarum gloria Illustris, in qua fundato Uraniburgo Marhefeos Princeps nobilissimus Tycho Brahe Astronomiam instauravit. In  
eleva-



elevatione poli gr. 55. m. 54. Saltholmia insula producendo fœno destinata. Monæ insulæ civitas Stega, Regia Elmelund, altissimique montes ex quibus creta effoditur, nomen faciunt.

Falstria min. 12. excurrit, oppida duo & totidē arces regias habet. Inde frequens & brevis in Germaniam trajectus septem mill.

Vernemunda frumenti copiam vicinis oris suppeditat.

Lalandia frumenti feracissima quatuor oppida & multas nobilium ædes habet, ipsi nomen ab humili depressoque situ.

Langelandia est min. 28. oppidum ejus Rutkoping: ibidem arx Regia probè munita, Parœciæ 16.

Tassinga Niburgo Fioniæ oppido adversa, minuta 4. non superat; Ad Ransovios pertinet & Rosenkransios.

Alcen Tacito Eliza, Anglis Slesvicensibus proxima, sicut & Aria, Sundervvid, Barzœ; parent omnes Duci Slesvicensi.

Fioniam vehementior Baltici maris incurfus à Juttia angusto quasi porthmo, separat, ab amœnitate nomen trahit, quod vernaculè pulchrum sonat, cerealibus donis opulenta est, nec non armentis boum, equorum & cervorum, in præfecturas 24. discretæ, sunt in ea rusticana templa 264. civitates 8. arces variæ, amnes novem & triginta, promontoria duo nautis cavenda. Ottonensi autem vulgò Ottensehe Episcopatus 90. Insulæ ad meridiem sitæ, habitabiles pleræque subjacent. Neoburgi olim Parlamenti Danici

sedes fuit, nunc ad eum stat in ancoris prætoriana navis ad quam vectigalia penduntur.

In Orientali maris plaga Insulæ sunt Borholmia, ubi urbs Santvvyk & Pagi 32.

Olandia in qua reperiuntur equi canum more in circulis saltitantes & dominis blandientes. Juris est Suecici.

Gotlandia cujus longitudo 72. m. lat. 20. porrigitur frumentum, caseum, butyrum, pelles, proceras erigendis malis abietes, copiosam calcem & lapides ad structuram utiles abundè producit: hic primùm tabulæ Hydrographicae à nautis delineatae, in quibus adnotata vada, quæ debeat evitare navarcus, & qua via in portum ferri: fuit enim hic Visbya oppidum olim nobilissimum totius Septentrionis emporium.

Ostia Plinio Osterita sinui Livoniæ ad occasum objecta 56. m. in long. 28. in lat. patens castrum habet Arnsburgum Suedico præsidio munitum, numerus incolarum ad quatuor millia, præter nobilium familias fermè triginta.

## C A P. XII.

### *Gothia.*

**G**Othia meridionalem Scandiæ partem occupat, spatiis arctam illam quidem, sed incolarum gestis rebus celebratissimam. Hinc enim profecti primi illi Gothi, qui transmissio freto vicinam oram Balthici maris tenuerunt ad ostia Vistulæ, posteaq; in Scythiam transgressi, ad Euxini

xini Ponti litora confederunt: quorum qui ad Orientem longius recesserunt Ostrogothi, id est, Orientales Gothi, qui ad Occidentem Wisigothi, hoc est, Occidentales Gothi, nomine ex Scandinaviæ vernaculo sermone petito, dicti sunt. Multis deinde cladibus à Magno Constantino affecti invaserunt Romanam ditionem, Valentem Imperatorem deleto exercitu combusserunt: & Theodotio mortuo, Alaricus ex Balthica stirpe cum Wisigothis suis in Italiam perripuit, Romamque expugnavit. Ejus successores in Gallia & Hispania Wisigothorum regna fundarunt. Quid eorum posterì, quid Ostrogothi egerint vide apud Jornandem, Paulum Diaconum, Sozomenum, Adamum Brementensem, & alios. Ait Procopius noluisse Gothos, ut liberi sui literas discerent, ipsumque Theodoricum literarum expertem fuisse, quod existimaret quos ferulæ timor invasisset, gladios & lanceas parvi facturos. Quod autem Socrates & Sozomenus videntur asserere VVlphilam Gothorum Episcopum, qui primus literas Gothicas invenit, ac sacram Scripturam in eorum linguam convertit, eosdem quoque ipsum omnium primum ex Gentilibus reddidisse Christianos, vel ex eo arguuntur, quod ipsorum Episcopus Theophilus subscripsisse Niceno Magno consilio reperiat. Quomodo verò ipsa Gothia & Suecia Christi fidem susceperit circa annum Christi 955 quo Rex Olaus baptismo lustratus est à Sigfrido Eboracensi Archiepiscopo, vide apud Joannem magnum, lib. 17. & Olavum

lib. 2. Qui Gothorum irruptiones & victorias diligentius perpenderit, fatebitur non sine gravi causa dictum ab Imp. Carolo V. ut habet Levinus Lemnius, universam penè totius Europæ nobilitatem è Scandia & Gothia fuisse propagatam.

Gothiam à Norvagia dirimit Trolheta fluvius. Hunc lacus Vener 130. minuta longus & latus, unicum reddit cum quatuor & viginti forbeat. Lacum urbes variæ coronant. Prima tenet Scara Episcopalis, & olim Regum sedes, b. Fundatorem ejus Scarinum æqualem Abrahamæ, imo & superiorem Gothici Annales faciunt. Arx Leckio in rupe sita est, in qua puteus altus 200. pedes, saxo durissimo incisus flamma trecentis porcorum lateribus enutrita, Abbatia Vernen. Regum Mausoleum ad alteram leucam servat.

Palatii Aranes, quod Arctoæ plagæ miraculum fuit, rudera quædam in ipso lacu etiamnum apparent. Gotheburgum ipsique proximum Elsburgum emporium & arcem Sueciæ celebræ, Trolheha præterfluens, tanta rapiditate in Codanum sinum præcipitat, ut aquarum strepitus ad 20. inde minutum audiatur. Parte aliâ inter Sueciam & Gothiam Motala fluit medius. nascitur ex lacu Veter, alluit Lincopen Episcopalem urbem, & ad emporium Norcopen in Eoum mare influit. Orientalem ab occidua Gothia Veter lacus dirimit. Ad illum fuit celebre quondam Monasterium Vasten, quod fundatricem habuit S. Brigittam Nericæ Regionis, quæ ad plagam borealem lacus jacet olim dominam. Nunc in Go-

in Gothia sunt Provinciæ sex. Vestro-Gothia, Hallandia, Scania, Blekingia, Smalandia, Gothia Orientalis. Hallandia Scania, Blekingia sunt Juris Danici. Alias Sueci possident.

Hallandia agrorum fertilitate & nobilium habitationibus prædita est, piscibus abundat, cignis, & anatibus, boum & æquorum agminibus. litus asperum est scopulis. Urbes præcipuæ sunt Varburgum insigne propugnaculum Danorum, sed tantum milliaribus distans Elceburgo arce Sueciæ, & Halmstadium vallo & fossis communitum à Christiano IV. finitur verò celebri promontorio Hallands-Ass, quod exteri Col appellant. Scania ab incolis Schone dicta, quod Danici Regni amœnissima sit regio: patet in longum milliaribus 18. in lat. 12. Viris armata, frugibus opulenta, dives mercibus. Inter urbes eminent Helsingoburgum, Saxoni, Helsinga, sita ad fauces Danici freti. In lat. gr. 56. m. 4. urbs porrigitur secundum litus, urbi imminet arx ampla, in cuius medio turris quadrata imprimis edita, quam duplex ambit murus, exterior ad ortum & aquilonem fossa cingitur profunda, latus autem occiduum præruptum est, suæque natura inaccessum; in urbis medio templum eminet Dei-patris sacrum, in quo plures viri Nobiles & Illustris stemmatis, sepulti, ut innumera testantur eorum insignia. Mercatus hic celebres sub medium quadragesimæ & Dominicâ Palmarum. Coroniam vernaculè Landscroon 56. maritima civitas ab Henrico VIII. Daniæ Rege condita sub annum Christi 1413. ubi portus vastarum etiam navium



capax. Christianus III. Ingelholmienſem mercatum huc tranſtulit, eſtque celeberrimus circa ſolſtitium æſtivum, arcem præterea ædificavit eo loci, ubi antea fuerat Carmelitarum Cœnobium. Lundia vernac. *Lundon* 56. 5. milliari unico diſtat à mari. Archiepiſcopalis ſedes in ea fuit conſtituta anno 1104. Parœcialia templa habet 22. Cathedrale D. Laurentio ſacrum poſuerat Sueo, qui ebiit anno 1017. perfecit S. Canutus anno 1085. Tria ſunt in eo memoranda, hypogæum, altare, & horologium, in quo equi cataphracti horæ cujuſque pulſum ictibus ſe invicem petentes indicant, & tabula ingens, in qua per varios indices annus currens, menſis, ſeptimana, horæ, dies tam fixi, tam mobiles, & Planetarum ad ſe invicem habitudines, jam ex antiquo monſtrantur. Succedit in ipſo litore in lat. g. 55. min. 48. Malmogia, anno 1320 condita, Scaniæ propemodum totius nunc Metropolis, propter mercimonia: & in ipſo Scaniæ angulo Falſterboa vicus ob harengorum capturam olim celeberrimus.

Blekingia Germaniam reſpicit, incolæ gaudent pascuis, & negotiationes exercent cum Lubecenſibus, & Roſtochienſibus; civitates præcipuæ Trulleburgum, g. 55. m. 40. Uſtadium, Santhamera, Ahuſium, Celsburgum, & Helholmia, quam aliqui putant eſſe Lathræ oppidum antiquiſſimum, ubi Regia aula, comitiæque antiquitus habita: alii exiſtimant eſſe Seburgium in Zelandia. His annuerandæ Roſtembya ad fines Sueciæ ſita, & Chriſtianopolis in lat. g. 56. m. 20. à Chri-

à Christiano IV. non ita pridem, in ipso limit  
munita.

### C A P. XIII.

#### *Suecia.*

1. Sueciam Regnum orbis antiquissimum pa-  
stria domesticâque Chronologia venditat,  
quæ Scarinum gentis undevigesimum Regem.  
Abrahæ temporibus superiorem facit. Verùm  
fabulæ quis credat? Penes indigenas diutissimè  
regia potestas fuit. Asciti postea Duces Me-  
chelburgenses; inde Sueciæ Daniæque regna  
conjuncta sunt, rursùmque ab invicem sejuncta.  
Donec Gustavus ex antiquâ Regum Sueciæ pro-  
fapiâ oriundus, Sceptum Sueciæ primus ex Da-  
norum potestate subduxit, & ad posteros trans-  
misit. At Sigismundus dum adungere stude-  
ret Polonicum, quod electione acceperat, heredi-  
tarium amisit, quod in Carolum ejus patrum  
Sueci proceres anno millesimo sexcentesimo  
quarto transfulerunt. Carolo successit Gustavus  
II. qui Moscoviam, Poloniam, & Germaniam  
victoriis peragravit

2. Suecia nunc in Gothiam, Sueciam, Fin-  
landiam, Ingriam & Æstioniam dividitur. Patet  
à 58 ad 68. gr. lat. Borealis. Separant illam à  
Norvagia, Trolhetta fluvius, & Seuones mon-  
tes: Veter lacus cum Motala fluvio à Gothia: à  
Finlandia mare, fluviusque Kimi, qui intimo si-  
nui Bothnico miscetur. De Gothia egimus: de  
Sueciâ nunc dicendi locus. Valent ingenio Sue-  
ci: La-

ci: Latinè, Germanicè, Gallicè plerique loquuntur. Patriis quondam utebantur literis, quas dixere Rumas, exteri Gothicas literas appellant. Ansgarius Corbeiensis monachus, Ludovici Imperatoris curâ, illuc missus gentis apostolus, ejusmodi literas modis omnibus abolere studuit: quod & assecutus est, suffectis in locum latinis elementis: periere quidem prisca regni monumēta cum literis; sed nefarias superstitiones aliter ex animis hominum convellere non licebat, quando in scriptis legerentur. Penes Episcopos Senatoria regni dignitas antiquitus remanebat. Arces plurimas ditionesque amplissimas iidem tenebant. Augustana confessio omnibus exiit & ademptis regium fiscum locupletavit.

Contra externi hostis irruptiones Suecia probe munita est, quem inaccessis montibus, aut scopuloso & importuoso mari facile arcet. Regionem ipsam partim capita montium asperant, partim fluentes & stagnantes aquæ, locis innumeris abruptam relinquunt. Bothnia verò partēsque aliæ quæ ad Boream excurrunt, copiosis adeo nivibus obrutæ sunt, ut in illis natare hostes necesse habeant. Et interim Skidhkarlis Lappo-  
nibus jugulum præbere. Illi enim vel hirsutis pel-  
libus tecti, vel panno ex ferarum siccatis nervis  
contexto, filisque stanni tenuissimis picto, ob-  
viam fiunt, soleisque ligneis, quibus per altitudi-  
nes montium feras insectantur egregiè subnixi  
advolant, irruunt, parvæque manu exercitus nu-  
merosissimos interfectione delent. Anno certè  
mille-

millesimo quingentesimo nonagesimo, suis illis in soleis expediti sexcenti rustici, Ruthenorum decem millia fuderunt.

Sueci domestico utuntur milite. Pedites è selecta juventute decumatos conscribunt, qui præternumeratum à rege stipendium, prædia immunita possident. Equites alit nobilitas, pro facultatum ratione, conferentibus singulis; sed & qui propter majores & locupletiores fundos, primum gradum inter plebejos obtinent, ipsi plerumque ad immunitatem agrorum consequendam, equo stipem merentur.

3. De fisco & usitatis coronæ proventibus, sibi aulæque sue necessaria Rex comparat, quod & antequam inauguretur facturum se jurat, nullumque vestigal subditis, impositurum extra causas, quæ definitæ sunt. Ubi autem illæ occurrunt, tum verò per singulas Diœceses de sententia Episcopi, & selectorum procerum, sex, totidemque plebejorum, decernitur quantum Regi pro temporis & facultatum ratione populus pendere debeat.

Carnibus æquè ac piscibus abundat regio, tritici atq; frugum major esset copia, si inutiles silvæ convellerentur. Egentior est Bothnia, ex abietis pinusque corticibus panem incolæ conficiunt, quem stomacho utilem prædicant, certè haud malignè nutrire experientia compertum est. Butyri, sebi, pellium, resinæ copiam, malos & trabes abiegnas, induratos pisces, atque in illis salmones. luciosque septem-pedales ad exterarum nationum exportant. Nusquam æris, ferrique venas opulentio-

lentiores reperias; Nusquam gentium homines tam domi, quàm militiæ, ferri tractandi sciētiōres. In Dalecarlia ferrum aquâ mutant in præstantissimum æs. Arbores habet Suecia omnis generis, ipsæque salices producunt nuces avellanas.

Suecia in Sueoniam propriè dictam, & Nordlandias distinguitur. Sueciæ Provinciæ sunt Sudermania, Nericia, Dalecarlia, Vestmannia Uplandia: Sudermania, meridianæ Melleri ripæ adjacet, longitudinem habens ab occasu, in ortum quinque dierum. Emporium præcipuum Nicopia, cui ars addita Ducis sedes, Lacui apponitur Torsilia oppidum mercimoniis florens, & Strengones etiam Episcopali sede.

Nericia præter metallorum venas omnis promodum generis, instrumenta ferrea, & coquinariorum vasorum apparatus reliquis Provinciis subministrat. Oppidum unicum habet Oreboam.

4. Dalecarlia gentem nutrit duratam gelu, armisque exercitam, quæ subest Arosiensi Episcopo; distinguitur in Osterdaliā, Vesterdaliā, & Sondaliā. Vestmania fertilis est & abundat metalli venis; celebria in ea municipia, Arbogæ, & Coppingæ. Urbs præcipua Arosia, Vesteraos vulgò dicta sede Episcopali & arce conspicua.

Uplandia terminatur lacu Mellero, Saga amne, Dalecarlia fluvio, & mari. Solo gaudet haud infœcundo. Sub annum Christi millesimum & sexagesimum, contra Moscorum incursiones



fiones ad ostium Melleri lacus, in mare influentis, ædificationi arcis locum insula præbuit, ubi hodie Stocholmia primaria Uplandiæ, & totius regni civitas, regum sedes & emporium longè celeberrimum; Suburbia duo habet, Australe in peninsulâ Toren, Boreale in Attudia; utrumque cum urbe junctum sublimitatibus pontibus versatilibus, quorum opera ex mari in lacum, & vicissim naves ultrò citròque commeant. Sita est in latit. gr. 59. m. 15. Urbes reliquæ sunt E-necopia ad eundem lacum, Sittuna ad ripam Sallæ amnis. Sicut & Upsalia, Archiepiscopatu, arce, & Academia insignis, in latitudine gr. 59. m. 45. regni olim Metropolis, sita in medietullio Uplandiæ.

5. Sequuntur Nördlandicæ Provinciæ, Gestricia, & Helsingia, & inter utramque silva Gedomot. Producit Gestricia præter ferri fodinas, etiam frumentum, habetque civitatem unicam Gevaliam opportuno loco ad sinum maris sitam. Helsingia dicta olim Sundhede, oppidum habet Hudingfuualiam. Middelpadia Helsingiæ est proxima, huic Boream versus adjacet Angermannia, cujus pars Australis à mari Finnico versus occasum æstivum protenditur: Borealis quâ & sicut Meridionalem à prærupto illo ac ruinam quasi minitante seculæ monte silva dirimit, ad mare similiter excurrit; Civitas ei unica Hernosandia dicta: Botnia versus Lapponiam, & Ortum se quàm latissimè exporrigit, habetque sinum ingentem, qui Nortbothniâ à Vestbothnia separat.

Sequi-

Sequitur Lapponia, quæ agros nullos habet, sed pabula tantum in convallibus. Quidquid montuosum est, Varama dicunt, unde fortassis vocabulum Biarmia detortum, ad Suecum pertinet, sicut & Lapponum hordæ sex vulgo distat.

	{	Uma. g. 64.
	{	Pitha. g. 65. m. 20.
Lappmark de	{	Lula. g. 65. m. 35.
	{	Calis. 66.
	{	Torne. 66.
	{	Kymi. 66.

Emporium Torne alioqui nominatissimum, incolis & advenis gratissimum reddunt suavissimo concentu volucres, quas illo tractu multorum dierum perpetua lux fovet.

## CAP. XIV.

*Finlandia.*

**A** Lienæ dominationis expers Finlandia suos Reges ad annum usque 1150. retinuit. Tunc enim Henrici Regis Suediæ armis subacta primum, & ab Henrico Upsalensi præfule ad Christi fidem perducta est. Partem nihilominus aliquam ejus semper, aut Novogardiæ Dux, aut Rufforum Imperator occupatam usque ad annum 1617. tenuit, quando Moscoviæ Dux, in gratiam, ut ferebat, auxilii quod à Carolo contra Polonos, secundis aliquot præliis ferocius exultantes opportunum valde acceperat, re verâ autem Gustavi Regis victoriis territus, ultrò ac spontè Esthonia, Ingria & Carelia cessit, ad lacum Ladoga, cuius par-

us partem quintam, quæ Orientem spectat, sibi tantum reservavit. Lingua Finnonum peculiari utuntur, in qua nullam dictionem B. D. G. inchoant, nullam duplex consonans; Generum discrimen nullum agnoscunt; Unicum articulum, se, de sexu utroque usurpant. Quæ à præponendo nomē apud nos trahunt præpositiones apud Finnonum postponuntur. Pueros in Sueciam educationis & linguæ causâ transmittunt; nam adulti ad exterarum linguas ediscendas penitus inepti. Finlandia pulchram terram sonat, glebâ fertili gaudet, Salmonum & Luciorum piscatione inexhaustâ, aucupii & venationis incredibili copiâ; sed Alcium imprimis, quæ per Nievam rapidissimum fluvium ex Russiâ in Careliam primo vere trajiciunt, Autumno Ingriam repetunt. Abo civitas Episcopi sedes. Wiburgum emporium celebre est, arce cōspicuum, quæ non semel à Ruthenis obsessâ, contra majores centenis armatorum millibus copias stetit inexpugnabilis. Campi vel stagna, fluminibus in eos diffusis, vel resecatis planiciebus omnis generis culturam, fructusque ferunt.

Sunt porro in Finlandia Provinciæ septem. Caiania: Tavasthia: Finlandia: Nylandia: Savolaxia: Corella: Europa. Quarum Metropoles: Caianeburgum, in lat. 65. ad lacum Ula: Tavasthus, 61. 18. ad lacum Cumo: Abo, 61. 33. ad ostium Amarochi: Wiburgum, 60. 36. in extremo sinus Finnici: Nisfort, 61. 50. ad fluvium Voxen: Kekolm, 61. 2. ad lacum Ladoga: Nottevvrgum, 59. 50. ad ostium Ladogæ in Nievam.

Lado-

Ladoga lacus Europæ maximus 30. leucas Germanicas longus, latus duodecim, Vitulos marinos, & Phocas alit. Plurimus ibi harengorum major pisciculus reperitur Ladog appellatus, qui & lacui nomen suum tribuit.  
*a Olaus l. 4. c. ult.*

---

## C A P. XV.

### *Novogardie Ducatus.*

**I**N eundem sinum cum Ladoga lacu flumen Wolcho mergitur, ortus ille quidem ex lacu Ilmem, qui amnes recipit Scholonam, & Louvat: hic Wiel Kielucki 55. 30. alluit urbem & arcem ligneam. Admittit insuper & falsum amnem, qui Russ oppidum rigat olim amplissimum, & à quo Russiæ inditum nomen putant aliqui; nunc verò pagum. Cum castello Starra Russa 57. 30. Aquam suas in ædes oppidani derivant, ut ex ea salem coquant. Ex lacu emersus Wolcho Novogardiam magnam præterfluit, Russis Nougrodyveliki urbem Archiepiscopalem, 58. 25. caput principatus, qui totius Russiæ olim primarius fuit. Sunt in ea civitate Monasteria septuaginta, lateritiis muris planè firmissimis septa, rotundisque ornata turribus, quæ tegulis æneis opertæ sunt, cum ædificia reliqua ex ligneis trabibus assurgant, ex quibus ipsummet vallum cōpactum est, & vię strætę: capitū hodie 20. millia vix numerat. Ex ea urbe Joannes Moïcoviæ Dux quando eam à Lituaniis obtinuit an. 1479. eduxit 300, currus, auro, argento & gemmis graves.

ves. Eidem anni Lovat apponitur Ladoga Rurici primi Ducis Nevegardiaë regia anno 861. hæc porò Russia tempore Adami Bremensis, & vocabatur à Danis Ostrogard, quod ut habet ille in Oriente posita omnibus bonis abundaret, sicut & Chunigard quod ibi sedes Hunnorum primò fuerit: quorum Metropolis fuit civitas Che.

*Adam. Bremen. l. I. c. I.*

## CAP. XVI.

*Ingria & Esthonia.*

**E**stiorum Taciti videtur nomen conservatum in Esthonia, quam aliqui dividunt in Harriam, & Virriam, quæ Hirrorum & Virrorum vocabulo putantur notæ Plinio, alii in Ingriam, & Esthoniæ. Revalia Metropolis est Harriæ, seu Esthoniæ: Narva Ingriæ seu Virriæ: utraque Suedici Regni Provincia est, amne Nieva, sinu Finnico & Narva fluvio comprehensa. Urbes præcipuæ Capuria 56. 45. ad litus maris munita; Narva regionis caput ad ostium fluvii Narvæ extracta 59. 20. sicut & Javonogorod arx proximo in Isthmo, quem rapidissim<sup>9</sup> fluvius cingit, ædificata in saxo, muroque ac turribus vallata Joannis Basilidis Imperio Revalia 59. 6. urbs Episcopalis ad oram maris sita. Tota regio solo fertili, piscosis omnibus venatione & aucupio locuples; foedere Moscovitico superioribus annis Suediæ ad-juncta est.




## CAP. XVII.

*Plescovia Ducatus.*

**A**Mplissima, sui que juris Provincia erat, antequam Basilidi anno 1509. proderetur. Urbium Princeps Plescovia, &, quod in Russia rarum, muro cincta, in lat. gr. 57. m. 40. Alluitur amne, qui fusus ex Plesko lacu post sex millia, Czucko, & Peibas geminos lacus ingreditur. Illac facilis esset in mare Balticum navigatio, nisi scopuli propè Ivanogorod & Narvam prohiberent. Plescovia civitas in quatuor partes divisa est, sed à Basilide, cives in Moscoviam traducti & in locum eorum Russi ab eodem suffecti sunt. In eundem lacum ab Occidente fluvius Beca, vern. Embeck volvitur, Derprem, sive Torpatum aluit urbem Episcopalem Livonię, quam 1558. anno Moschus suę ditioni adjunxit. Lacus

Peibac 44. millia patere  
dicitur



GEOGRAPHICA  
ORBIS NOTITIA.

PARTIS PRIMÆ.  
LIBER TERTIUS.

*Poloniam, Vandaliam, & Chersonesum  
Cimbricam describit.*

CAPUT I.

*Polonia.*

SERVIRE ignavorum animalium est, & sub  
jugum mitti: non sortimur libertatem, sed  
communiter accipimus: illam ex æquo nobis  
& rationem natura primum ingenerat non dis-  
pari beneficio: ex alterutra quantum detraxeris,  
tantum sustulisti de homine. Generosos illos spi-  
ritus ab ipso ortu hauriūt Polōni nobiles, Sarma-  
tarum & Vandalorum germen liberum, quibus  
precariā vitā mors, quævis potior, libertas & vita  
eodem semper loco fuerunt sita. Nusquam no-  
bilitas honoratior, nusquam liberalibus discipli-  
nis magis exculta, nusquam potentior: quos ipsa  
creavit, Regibus jura præscribit: in clerum & no-  
bilitatem statuere potest nihil. Electo ad Var-  
oviam sub pellibus potestatis modum, & ampli-  
tudinem procures arbitratu suo definiunt, atque  
inceps cum ipso non secus ac fratres agunt. Mi-  
ti munus non nisi nobilibus, & iis qui ex oppi-  
D ~ dorum

dorum honestiore sunt loco, permittitur. Numerosi ex æquo & locupletes ad ducenta equitum millia conveniunt à vectigalibus immunes ad regis obsequium, absque stipendiis parati. Nostra ætate Uladislaus cum 170. millibus Turcis occurrit. Patrium est huic genti, quo magis inter nobiles servetur æqualitas, & nō indulgere struendis lapidum, vel fidere munitionibus præsidiorum: ne vel regnum ad posteros absque electione Rex transmittat, vel protervus aliquis petulantius agat, præsidio confidens loci alicujus munitionum opera firmati: tantum paritate æquabili, justitiâ, & pietate munitos se volunt. Neque optimus modo & viribus proceres, sed etiam consiliis, Regnum tuentur, quibus solis in Senatum aditus patet. De cætero in plebejos & vulgus imperium plusquam regium obtinent. In mensa exteris parum videntur urbani, quod eodem poculo omnes bibant, nec utantur mantilibus, sed ad mappam communem digitos abstergant.

2. A vocabulo Pole, Slavis planitiem, & venationē significant, nomen indidisse Poloniæ putatur Lechus Croata, qui ante 700. annos illic confedit, & Vandalis ejectis Gnesnam ædificavit ad ortum amnis Vartæ in lat. gr. 52. m. 20. Ab eo varii principes gentem rexerunt ad annum 965. quo fide Christianâ initiati sunt: Diu nobiles sub initium Evangelii gladium ex parte stringebant. Anno millesimo Boleslaus Cabrius Poloniæ Rex primus, & Romani Imperii socius pronunciatus est ab Othone II. Imperatore, b qui ipsi pro insignibus Regiis coronam dedit, septrum,

trum, lanceam D. Mauriti, & Clavum Domini,  
quæ in Ecclesia Cracoviensi conservantur. Lu-  
theri virus, omnibus fermè heresibus in eam ape-  
ruit aditum. Quidam Rutheni ritum Græcum  
sequuntur, sicut & Armeni suum. Judæi hîc quo-  
que tolerantur imò, & Mahumetani quidam in  
Lithuaniâ, omnibus tamen semper prævalet Ca-  
tholica Religio, propter egregios hujus gentis  
Episcopos. Inter parallelos 47. & 57. continen-  
tur. Limites statuunt ad Boream Duna, ad Ori-  
entem Borysthenes, ad Austrum Tyzas fluvius &  
montes Sarmatici, ad Occasum Venedicus sinus,  
& ab Oderæ ostio, linea ad eosdem montes du-  
cta, quâ Silesiæ, Moraviæque fines attinguntur.  
Miror licet Aristocratiæ, quàm Monarchiæ pro-  
pior dominatus videatur, regios tamen succes-  
sore Nobilitas nunquam excludit. Unum qui-  
dem Ladislaum, suffecto Venceslao Bohemo,  
de solio audivimus; sed & ipse etiâ postea  
constitutus est. Rex partitum quadrifariam regnū  
quotannis lustrat, eumque interim, cum univer-  
so comitatu singulæ partes mensibus ternis alunt.  
Gnesnensis Archiepiscopus summi Pontificis in  
armatiâ legatus, & Regni Primas, interregni  
tempore legationes externas pro suo jure audit,  
initia indicit, electum regem appellat, & dia-  
deme inaugurat Cracoviæ. Dividitur Polo-  
nia in Majorem & Minorem; illa Germaniæ,  
hec Russiæ, atque Hungariæ contermina est. Il-  
lic Gnesna sedes olim Regnum à Lecho circa  
annum Christi 550. constituta ad aquilarum ni-  
m, unde & nomen Gnesna & Aquila candida  
antis insigne: hanc Cracovia Regni hodie caput

nobilitat. Diceceses 12. & Palatinatus 34. ambæ complectuntur. Cracoviensis, & Vilenfis Palatinatus alios intervallo relinquunt. Palatinatus autē in Castellanus, & hi in Capitaneatus seu præfecturas 82. tribuuntur, omnibusque generales duo militiæ Duces præsunt, qui ex decreto Senatus, cum res postulat, copias conscribunt. Patre nati Palatino honoris gratia dicuntur Palatinides. Regni feudatorios censent Duces Pomeraniæ, Prussiæ, Livoniæ seu potius Curlandiæ, Valachiæ & Moldaviæ, quanquam postremi duo etiam Turco obsequium præstant. In Cancellaria Lituanicâ Rhuthenicis characteribus omnia conficiuntur. In Polonicâ Latine omnia tam sacra quàm prophana tractantur, sed & ex plebeiis ac rusticis vix unum aliquē reperiās, qui Latine non sciat: omnes Græcam linguam detestantur ob Schismaticos Græcos. Preciosis vestibus induuntur nobiles. Si quis eorum moriatur, priusquam ducat uxorem, affines funus ejus cohonestant purpurati. Cœli temperatio tenuis, sed hyems aspera est; Regio plana, palustris, nemorosa. Solum vel tritici feracissimum, vel pascuis uberrimum: butyri & carniū ingens copia: mellis & ceræ non alibi major vis. Apum uvis sylvæ nigricant: picis & resinæ ibidem collectæ quæstus non vulgaris. Interiora vicis magis, quàm oppidis habitantur: latrocinia penè ignorat, & tanta securitas est, ut hibernis mensibus, etiam singuli tenuibus vehiculis, & uno quidem duntaxat, aut altero jumento immensariterum spacia conficiant.



In Masoviæ Sylvis equus niger, ferus, Cervino cornu reperitur: ibidem & bos ferus, quem urum seu bisontem vocant. Aucupium genti largum, piscatio locuples, potio ex melle, & tritico delicta, & sana, vini desiderium non relinquit etiam bibacissimis hominibus, qui hîc dies integros in tabernis ducunt. Sanè percontanti domino unde veniant, si respondent se pro ejus salute hilariter potasse, subridens ille gratias agit, & plerumque largam mercedem reponit. Servos enim ad comitatum duntaxat & mensam permultos habent.

Cultu ad arbitrium Gallico, Italico, Germanico, Turcico, omnique alio utuntur promiscuè, sagittas & hastas oblongas in bello gestant, & clypeos Hungaricos, qui totum hominem equo insidentem operiunt.

Curribus in gyrum dispositis castra, ut arcem muniant. Procerum liberi, non potentioribus modò, sed etiam tenuioribus in ministerium traduntur, ac sæpenumerò quis in famulatu juvenem habet, cujus olim apud parentes liberalis ministerii operam ipse posuit.

a Krantzius Wandalia l. 1. cap. 3. b Krant. Wandal. 2. c. 30.

## C A P. II.

### *Livonia.*

**L**ivonia incolis Liefland inter fluvium Narvam Finnicum, & Livonicum sinus amnèque Memel comprehenditur 90. mil. Germanica,

D 3

longi-

longitudinem, 50. latitudinē metiuntur. Sarmatæ per Tartariam fusi ad mare compulsi à Scythis, hîc confedêre. Non unius fuisse linguæ populū patet ex linguarum diversitate: In hanc enim diem Estones, Livones, Letti, & Curoni per agros fusi, habent *a* in linguâ commune penitus nihil. Bremenſes Germani commercium frumenti, ceræ, & pellium habentes cum incolis, arces & oppida, quæ hîc videmus, ædificaverunt, in quibus tantum usus linguæ Saxonicae. S. Meinardus regularis Lubeca profectus cum mercatoribus circa annum Christi 1200. Evangelii ſementem in ea primus fecit. Eidem vitâ functo in Episcopatu Bertoldus Cisterciensis Abbas successit, à quo initium habuit sacra militia fratrum Enſiferorum, quibus ab Ecclesia concessum, ut tertiam agri partem obtinerent, quo defensionem & propagationem fidei Christianæ susceperent. Teutonicis fratribus juncti postea sub annum 1237. tributo & obedientia magistrum ordinis coluerunt, donec anno 1513. Alberto Brandenburgico ordinis Magistro numeratâ grandi pecuniâ, obedientiæ vinculo soluti sunt. Rigam regionis Metropolim, communibus auspiciis Archiepiscopus, & Magister regebant. Propriam uterque monetam signabat, sed arcem Magister obtinebat, licet in urbe Venda sedem haberet ordinis primariam. Demum hausto Lutheri veneno militaris ordo sensim defecit. Anno 1557. Magister, & fratres in Archiepiscopum insurgentes eum in vincula conjecerunt. Sigismundus Poloniae Rex injuriam suam interpretat-

pretatus, ultionem paravit, Antistitem in thronum restituit, ac post ejus mortem, quas arces urbesque tenuerat, propinquitatis jure occupavit 1558. Moscus Basilides, Dorpato capto, magnâ ditionis parte Livones exuit, Magistrumque perpetuò carceri mancipavit. Postmodum Esthoniâ (pars est Livoniæ ad sinum Finnicum) ejusque arces & primariam urbem Revaliam, Suediæ Rex Joannes tertius ex Basilidis manibus extorsit. Anno demum 1562. Gothardus Keeler Magister ordinis in arce Rigensi, coram Palatino Vilenensi Poloniæ Legato, in gratiam Regis Poloniæ ordinem, crucem, Magisteriumque abdicavit, sigillum ordinis, Apostolicas literas, Claves urbis & arcis, in manus legati tradidit. Legatus autem Regis nomine Gothardum creavit Curlandiæ & Semigalliæ, quæ sunt Livoniæ partes, Ducem hæreditarium. Die sequenti, urbe arceque traditis, Livoniæ Proregem constituit. Hodie Livoniam ad fluvios Dunam, & Indricam Suecus possidet. Oleo & vino Livonès carent, frumento, lino, cerâ, melle, pisce, pecore, armentis, equis abundant. De Lycanthropia gentis, vide Olaum, lib. 18. cap. 45.

Urbes Livoniæ Episcopales fuerunt Dorpatum, Derpt, ad oram fluvii Becæ, inter duos lacus in Mediterraneis in lat. gr. 58. m. 30. Revalia ad mare Finnicum in lat. 59. Abselia, ad litus occiduum 59. 30. Et ad ostium sinus Clypeni, Latris insula, quæ putatur Oselia insula & urbs. 58. 30. in parte occiduâ insulæ. Hanc cum arcibus munitissimis Arnemburg, & Sonnenburg equites crucigeri, Daniæ Regi tradiderunt.

runt. Riga Livoniæ Metropolis sita in gr. 57. m. 45. ad Dunam fluvium, Bremensium Germanorum putatur colonia.

à Krant. Wandalia. l. 6. c. 9.

### C A P. III.

#### *Duna fluvius.*

**E**X lacu Duna in principatu Bielia ortus. Lamnem Obskam postmodum excipit. Bielikiam, & Wieliz urbes munitas Russiæ protulit, rivum deinde alterū admittit ex lacu & arce Toropez manantem, pagos & oppida vario circuitu oberrat, inde abit Witepsk caput Palatinatus cognominis & tutissimum totius Lithuanie propugnaculum adversus Moscos. Hinc & Polociū rigat civitatem Lithuanie Episcopalem hæresum spinis, & Græco schismate obsitam, nec non arces Duneburg, Kakenhausen, & Dalen, quas in Livonia Suecus obtinuit; ac demum 130. millia Polonica emensus à fonte, mare Balticum ingreditur altero infra Rigam milliari ad castrum Dunamundam. Ibi evehendas invehendasque merces nautæ explicant, & redemptori portoria numerant. Dunæ Salmones multorum ora celebrant; certis præterea anni temporibus, dum effunditur non secus, quàm Nilus, arenosas fecundat gurgite glebas, unde siliginis & leguminum vis infinita.

Bielia Russiæ principatus, sui juris Principem quondam habuit, qui tamen magnis Lithuanie Ducibus Jagellonis filiis tributum solvebat. Ab illis

illis Basilius Princeps Bielskiæ ad Basilium Russiæ  
 Ducem defecit, totumque Ducatum ejus pote-  
 stati subjecit. Jam Russiæ Dux inter alios insi-  
 gnes primariosque titulos hunc sibi asciscit. Ci-  
 vitatum Princeps Biela cum castello ad ripam  
 fluminis Obsëka in vastis silvis 60. mill. Polon. à  
 Moscua abest. Arcem & portum magni toto  
 hoc litore nominis Riga Livoniæ Metropolis a  
 habet, cui proxima arx Dalen, & Kerkolm ca-  
 strum ordinis ad ripam Dunæ.  
*a Krant. in Wandal. l. 6. c. 10.*

## CAP. IV.

*Curlandia, Semigallia, Samogitia.*

**T**ransmissio Dunâ, Curlandiæ & Semigal-  
 liæ Dactus occurrunt. Ducum sedes Mito-  
 riæ ad fl. Bulderanum, qui in mare Balticum abir,  
 30. min. ad ostio Dunæ. Caput Ducatus Cur-  
 landiæ est Goldinghen ad Vidanum amnem, qui  
 in Balticum influit supra Windan, ubi portus  
 commercio dives, & Batavorum appulsu frequens.

Livoniæ meridiem versus ultima pars Samo-  
 gitia dicitur: incolæ per sylvas dissipati vicatim  
 ceperunt habitare anno 1572. quo Sigismundus  
 Poloniæ Rex tria singulis attribuit agri jugera,  
 per Jacobum Lascou, qui & ipsos Deum unum  
 colere docuit primus: nullæ adhuc ipsis urbes,  
 sed humiles casæ, in quibus agrestis turba cum  
 pecoribus suis, nullâ macerie se junctis, degit: Ar-  
 det in medio focus: animantium cornibus utun-  
 tur ad pocula, terram quamvis firmam ac tena-



nacem, minimèque arenosam non ferro aut vomere, sed ligno proscindunt: Excavatæ silvarum arbores mel album longè optimum, ac penè succerum, exiguâ certe portione ceræ mixtum, sufficiunt. Pusillos admodum equos alit regio, oneribus, quæ maxima ferunt, pares nemo nisi expertus credat, bellicosi procerique sunt indigenæ: Pleriq; ad 100. annos vitam producunt; sunt adhuc ad auguria propensi, neque defunt, qui serpentes, ut Deos penates domi nutriant colantque. Episcopo sedem capituloque Worna commodat; regionem gubernat Starosta, Palatini & Senatoris dignitate inclitus, tradiamque à Polonia Rege præfecturam, quandiu vivit, more Vainodæ retinet. Lituapus, ut plurimum, ad hoc munus deligitur, Tribunal in oppido Roscien esse solet. Puellæ Zonis præinctæ sunt, quibus appensa Crusmata & tintinnabula: de nocte præterea incedunt nunquam sine lumine, ut vel eas parentes semper videant, aut quid agant intelligant, vix nubunt ante 30. ætatis annum, nec prius, quàm multa ipsæ texuerint, quibus sponsum munerentur.

#### C A P. V.

*Sinus Venedicus, lacus Curionensis  
& Habus.*

**S**Tagna omnia & loca aquis exundantia, Belgico sermone Ven dicuntur a etiam nunc, eodem verbo jam olim usos, & Gallos & Italos, probant Venetiæ, cum Americæ, tum Italicæ,  
hinc

hinc etiam dicti Venedi frequentes illi è Dania  
 emissi populi, qui ad Prusliæ lacus & paludes am-  
 plissimi sinus Vistulam excipientis confederunt.  
 Sunt autem hic lacus præcipui duo, nempe Cu-  
 rionensis & Habus: Curionensis, qui & sinus  
 Curlandicus dicitur; 60 circiter mill. ab oppido  
 Memel ad montem Regium patet. Habus verò  
 Dantiscum usque à Monte Regio per totidem  
 pertingit mill. Uterque latus sex, non multò se-  
 cus, uterque fusus secundum mare, & ab eo an-  
 gustis solum duab<sup>9</sup> insulis disjunctis, quibus Ne-  
 ringa nomen, uterque recens mare passim dicitur.  
 In ostio Curionensis oppidum est Memel, in  
 extremo Habi, Dantiscum: in medio mons Re-  
 gius, emporia illius oræ celeberrima. In Curio-  
 nensi qui Ducalem Prussia alluit, sunt ostia Nie-  
 menis fluvii per Livoniam decurrentis. Ad Ha-  
 bum celeberrimorum Poloniae fluminum Præ-  
 golæ, & Vistulæ panduntur ostia, inter utrumque  
 stant ad litus Prussiae urbes Regiæ. Brausberga  
 urbs modica nec ignobilis, nec inelegans & cœ-  
 lo salubri, propè Fraumburgum seu Varmiam;  
 ubi sedem Episcopus, & Collegium Canonici ha-  
 bent, in Basilica arcis more munita. Hic Mathe-  
 os instaurator nobilis Copernicus vitam duxit,  
 ejusdem Ecclesiæ Canonicus, ubi & observatio-  
 nes suas instituit, quemadmodum lib. 4. sui ope-  
 ris cap. 7. testatur. Situm definit ad ostia fluvii  
 Molæ sub meridiano Cracoviensi, in quo eodem  
 Macedoniae Dyrrachium seu Epidaurū esse tra-  
 dit Meridianus ille nobis est 43. latitudo verò se-  
 cundum Tichonem, gr. 54. m. 22. in eadem ora

videtur Elbinga ad ostium fluvii, ejusdem nominis. Habus verò in mare influit ad arcem Locstetæ in extremo Neringæ Curionensis extructâ  
a *Georg Braun in Loranio.*

## CAP. VI.

*Niemien.*

**M**aximus Lituaniæ fluvius dictus Niemien Polonis: *mamel* Germanis, is putatur quem Marcellinus lib. 22. vocat Chronium, & verò in lat. 53. oritur ex lacu Chrono in Ducatu Sluskenfi, qui 30. m. Polon. in longum, totidemque in latum patet. Dux quidem Regi Poloniæ subiacet, thesauro tamen & gaza cum potentissimis Italiæ, Germaniæque Principibus contendere potest, in Raziviliorum est familia, idemque, ut plurimum est Sluscensis Dux, Palatinus Vilnensis, & campi ductor Lituaniæ. Inde digressus Niemien varios Palatinatus præterluit, & inter alios Novogrodensem, atque Belsensem: Novogrodo magnitudine, Romam superari ferunt. illi enim miliaria septem Germanica tribuunt, huic autem sena duntaxat cum dimidio concedunt. In Belsensi Palatinatu reperitur lacus Crinice dictus, haud amplius, ille quidem, sed profundus, qui altero vel tertio quoque anno fluctus cum mugitu attollens, funditus propè exhauritur, vicini montis cavernas subeuntibus aquis, indeque post aliquot dies resluentibus. Porro ex amnibus innumeris, qui cum Niemene aquas commiscunt, præstat cæteris Vilna, qui ejusdem secum nominis

nominis urbem alluit, in lat. 55. 20. Lituaniæ Metropolim. Cracoviæ æqualem, si ambitus spectetur: nam alioqui ligneis fermè ædificiis universa constat. Palatini primi, nec non & Episcopi sedes est, influit verò Memel fluvijs in Curionensem lacum, qui mari Baltico ad oppidum Memel committitur.

## CAP. VII.

*Lituania.*

Vastissima est Regio, quam fluvijs Memel mediam quasi secat, longa, ut creditur 260. eu. Germ. lata 80. silvis adè horrida & paludibus stagnans, ut vix à mercatoribus alio tempore, quàm Hyberno frequentetur, nam paludibus alta glacie, tum concretis nivè què superfusa commodum iter panditur, quod tamen velut in alto mari siderum aspectu metiuntur. Mira notandum foecunditas, ex unico grano spicæ interdum 130. existunt firmæ, adè ut eques vix in segetem penetraret. Sed, malum! ad maturitatem messis ægrè pervenit; Itaque siligo unà cum spicis commolita, non nisi panem atrum commolat. Currus absque ferro compactos, & nulla linguæ oblitos passim videas, unde quoties multi simul aguntur, exurgit mirus querulorum gurgitum concentus. Animalia omnis generis pulla, gens in universum misera, raræ urbes: color quinos dies dominis laborant: Dominicus sum sequenti domesticis rebus & privato labori illegè conceditur. Cautiores quique in ab-

D 7

ditis

ditis silvarum, subterraneos specus effodiunt, & arborum corticibus vestiunt, in quibus frumenta, carnes, & supellestem recondunt, ne domini vel hostibus pateant. Vestitu vili, ut plurimum cinericio teguntur: Sermo ut Polonis Sclavonicus. Si quis capite damnetur, jubente domino verberibus adigitur, ut se ex infelici arbore, penesilem faciat, & laqueo gulam frangat. Ajunt matronas annuentibus maritis, concubinos habere, quos connubii adjuutores vocant, Pellicatum viris probro dari. Anno 1386. Jagellus ducta in uxorem Hedvigi, quæ de stirpe Polonica superstes erat ultima, ex duce Rex inauguratus est his conditionibus, ut Christo daret nomen, ut suos ad fidem perduceret, ut Poloniae Lituaniam additionem suam uniret. Ita ritu Christiano initiatus Vladislai nomen accepit; sed Lituania seculo tantum proximè superiori ad Poloniam accessit.

---

C A P. VIII.

*Prussia.*

**E**Xcurrit secundum mare Balthicum, & Habos lacus, ab oppido Memel ad Dantiscum mil. Polon. 58. patet 50. A Riphæorum montium incolis, qui hic putantur consedisse, Borussia nomen accepit. Ad annum usq; 1226. Idola Pruteni coluerunt: tunc enim Conradus Masoviae Princeps è Regio Poloniae stemmate crebras gentis defectiones pertæsus, pulsos Hierosolymis Teutonicos equites contra Prutenos acci-



accivit, data in mercedem Culmensi ditione, præter spem Prussiæ post domitum hostem inter victores partiendæ: verum Hermandus à Salicen quartus ordinis Magister 20. millibus Crucigerorum fratrum stipatus, Conradum & Prussos regione Culmensi ejecit, & qui cum subsecuti sunt ordinis præpositi 72. arces extruxerunt, & civitates 62. ædificarunt, ut in obsidio Prussos & in fide Christi, quam susceperant, firmos & constantes retinerent. Crucigerorum porro siue Teutonicorum equitum ordinis 7. sacerdotes, & Laici 24. initiũ dederunt Hierosolymis in Hospitali Sanctæ Mariæ. Pallium album cruce nigrâ conspicuum gerebant. In sacro straminis pleno dormiebant. Nulli nisi germano aditus patebat. Nullus barbam tondebat lorica indutis & gladio accinctis sacerdotibus celebrare Missam concessum erat. Præpositi sedes Hierosolymis primùm fuit: Inde Ptolemaidem, postea Venetias, postea Marpurgum translata, Mariæburgi demum in Prussia, ad annum 1525. transiit, qui ordini supremus fuit sub Alberto Marchione Brandenburgico Teutonicorum equitum Magistro 24. & ultimo. Is enim post Lutherano-virus epotum Sigismundi Regis armis Mariæburgo exul, in has condiciones descendere coactus est: ut extincto ordine Teutonico secularis Princeps, & Cracoviæ eques auratus fieret, Prussiam haberet integram, sed in feudum Regis Poloniæ, ad quem desideratâ ipsius & fratrum sobole rediret. Quod, ut maturè prohiberet anno sequente Daniæ Regis sororem conjugem

gem accepit. Nunc in Regalem, & Ducalem Prussia dividitur. Illius caput Mariæburgum, hujus Regiomontum. In parte Regia præter Mariæburgum, Toronia, Culma, Varnia, Gedanum censentur. Ducalis 120. aureorum millia annuo reditu numerat. Solum frumenti ferax, sed ob paludes multis locis invium. In saltu Hercinio qui Prussiam pervagatur, Alces reperiuntur, onagri, bubali. Apiumque innumera alvearia succinum flayum in litore maris abunde colligitur. Mons Regius sive Conixberga gr. 54. m. 45. tribus oppidis arce magnifica, & emporio inclita, ut Basilicam, & sedem. Episcopalem Sambiensem taceam, quæ olim à sexto ordinis Magistro ad ostium Prægolæ, vulgò Prægel ædificata, hodie Duci domicilium præbet, & Memel arcem situ manûque firmam. Qui in Germaniâ erant Teutones, Magistrum postea crearunt, qui ut plurimum fuit ex domo Austriaca, qui ordinis & Magisterii sedem posuit in urbe Mergentheim, in valle Tauber in Franconia.

## CAP. IX.

*Vistula le Veixel.*

**V**istulæ fons est in montibus Sarmaticis, qui Hungariam à Poloniâ dirimunt circa grad. 49. & m. 23. Fuit olim Germaniæ limes ultimus; sinistram ejus ripam incoluerunt aliquando Gothini, Logiones, & Lugii; dexteram Bastarnæ, Peucini, Venedi, Estii & per Gutones, effundebatur ad Elesteridem Insulam in mare Sue-

vicum:

vicum : hodie mediam secat Poloniam; Alveum  
 ejus circumstant Ozvicium caput Ducatus  
 cognominis, ubi arx lignea argilla circumlita ad  
 ostium Salæ in Vistulam in lat. 49. m. 48. & Za-  
 toriæ Ducatus Silesiæ Polonicæ, ubi arx alia si-  
 militer lignea : mox aliquot fluminibus rece-  
 ptis auctior altus & navigiorum capax ingredi-  
 tur Cracoviam, *Cracovv*, Poloniæ minoris ca-  
 put, & regum domicilium, quod muro duplici  
 vallôque ambitur, & ab arce in scopulo eminen-  
 ti Vavel sita defenditur. In territorio ejus Boch-  
 niam habet, Vieliziam & fodinas ad 80. schala-  
 rum altitudinem depressas, ex quibus columnæ,  
 massæ, quæ salis ter mille pondo graves eruun-  
 tur. Sandomiriam Lazuli & argenti venis cla-  
 ram, positam in lat. gr. 50. m. 25. ubi Vistula amnē  
 sanum *le San* excipit, qui Jaroslaviam in lat. gr.  
 49. m. 48. & aliquot Russiæ nigræ castra alluit.  
 Steziezam castrum, supra quod fl. Rystrzca ef-  
 funditur, qui Lublinum, g. 51. m. 13. urbem rigat,  
 quam Armeni, Turci, Græci, Germani, & Mosco-  
 vitæ nundinarum causâ quotannis frequentes  
 deunt. Ibi laudatissimus Rex, qui anno 1434.  
 obiit Vadislaus, post reportatam de Prussis vi-  
 toriam, & conversa ad fidem 30. paganorum  
 millia, Triumphum Mariæ excitavit. Templum  
 est eo nominæ erectum in loco, ubi perpetuum  
 ignem ab incolis pro numine adoratum extinxit,  
 Clerumque copiosum ibidem statuit, ut in lo-  
 cum ignis perpetui, chorus perpetuus succederet.  
 2. Varsaviæ comitia habentur, caput est Ma-  
 yviæ. Plocia oppidum vetus, ac nobile Plocien-  
 sis

sis totius regionis in Masovia Princeps in lat. gr. 52 m. 28. supra quod Hypanis vernac. *Ruth* fluvius influit, alluens Leopolum antiquis Carrodunum in Bastanorum solo in lat. gr. 49. m. 17. nunc caput Russiæ nigræ, ubi Turcicis mercibus emporium celebre. Uladislavia g. 52. m. 36. Torunium gr. 52 m. 48. urbs Palatinatus Culmensis in qua totius Prussiæ judicia exercentur; frequentissimis nundinis gaudet, atque primariâ nobilitate undique cingitur. Culma gr. 53 m. 8. Prussiæ quondam, & Masoviæ jus dicebat Grudentum. Marienburgû arcem olim equites Teutonici extruxerant, & de patrone suæ nomine appellarant. Polonis hodie est præsidio adversus finitimos. Derfavia gr. 54. m. 6. Gedanum alio nomine. Dantiscus urbs Prussiæ totius primaria emporio; frequentia, & navigationum oportunitate in primis nobilis: Inter alia urbis ornamenta, pulveris nitrati mola memoratur, horologium, & admittendis, emittendisque navigiis longus quatuor millia passuum alveus; propugnaculo, bellicisq; machinis ad ostium bene firmatus. Vistula tandem supra Mariæburgum bifariam sectus, insulam Zulanam efficit, & nomen deserit. ac sinister quidem alveus Leniunca, dexter Nogatus appellatur. Hic in Habum tribus ostiis ille duobus partim eundem in lacum, partimque in mare infra Gedanum sese exonerat. Vandalum permulti flumen hoc vocant, sive quod Vandali Sarmatiæ populi à fontibus ad ostia illud accoluerunt; sive quod in eo Regina Vanda submersa periit. Circa Gedani ostium, & in

& in toto sinu Venedico ad ingruentem ventorum, & tempestatis motum certi homines à Principe constituti mare nudi subeunt, & fasciculos piscium, aliaque maris purgamenta ad litus cogunt, ex quibus pueri electrum separant, & ad Principem deferunt. Illud mense Julio profunderè abietes, quæ in litoribus Suediæ imminet mari, constans est fama. Ab hoc electro insula, quæ Habo prætenditur, vocatur Electridis. verac. de Naringe.

## CAP. X.

*Vandalia.*

Vandaliam dixerunt majores a totum eum Baltici maris tractum, qui ab ultima Livonia, vel ut minimum ab Ostio Vistulæ ad Cimbricos, & à fontibus Vistulæ per immensa spatia ad Visurgim patet. Imò Krantzius l. 2. Vandalia. 2. à Pomerania seu mari Germanico ad Mediterraneum eam extendit, & ipsis Russos, Bohemos, Pannonos, Dalmatas, Histrios, & omnes, qui Sclavonicam utuntur linguam, adnumerat. Unde hoc nomen, & unde primam Vandali duxerint originem non ita certum. Est in Cimbrica Chersonesi parte boreali urbs, quam Saxo Vendelam nominat, & in hanc diem Vendyssel dicitur. Procopius Vandalos Gothicam gentem asserit. Simile verò ex Gothis & Rugis, qui ex Scandia in Germaniam transmiserunt, eos, qui ad maris litus & depressiora loca confederant, Venedos & Vandalos dictos, quod antiquitus Galli, hodieque



que Germani Veneden, Belgæ Venen appellant depressum omne solum, molle ac herbidum: Vandal autem aquosas valles cujusmodi ferè omnis est ille tractus, lacubus & flaviis passim intercisus. Ut ut sit, populosa natio, nomen sæpius mutavit suum, & qui communi nomine Vandal, proprio & peculiari deinceps Sclavoni, Sclavini Slavi (hoc est, verbosi, sive quod multa loqui esset gentis vitium, ut habeat Æneas in sua Bohemia, sive quod eorum lingua sit abundans verbis, & latè diffusa) Antes, Vinithi, Vinuli, Vindi, Silingi, Veneti, Heluri, Varnavi, Hermunduri, Longobardi, Obotriti, & mille aliis nominibus, reperiuntur dicti pro regulorum, & familiarum varietate.

Anno Christi 406. à Stilicone evocati Suevi & Vandali Gallias depopulati sunt, b anno verò 409. Pyrenæum transgressi Hispanias occuparunt Gallæciam Vandali & Suevi obtinuerunt; Silingi Boeticam invaserunt. Anno deinde 427. evocati à Bonifacio, octoginta eorum millia Duce Geizerico in Africam transmiserunt, c eamque paulatim subjecerunt sibi. Anno 439. Carthaginem occuparunt, & in ea regnarunt ad tempora Justiniani, quando Duce Belisario extinctū est Vandalorum regnum anno 96 post occupatam Carthaginem, & 108. post eorum ingressum in Africam. Porro amplissima olim Europæ Regio nunc antiquum nomen nusquam conservat, præterquam in Ducatu Mechelburgico, in quo exigua terræ moles vix patens ad 40. mille passus, cujus oppida sunt Gustroy, Plaue & Malchin ad lacus ejus-

iusdem nominis sita, proprio nomine dicitur Vandalia: tantus enim est gentis contemptus, ut nemo, nisi quem lingua prodatur, se fateatur originis Wandalicæ. Titulus tamen gentis remanet apud Principes, qui morientes proxima successione illum transmiserunt ad Duces Magnopolenses, quibus ea hodie paret terra, quæ Vandalicæ nomen retinet.

*Vide Crantzium, Cythraum, & Helmoldum in Chronico. b Idat. Oros. 7. cap. 40. c Prosper. in Chronico Victor. Viic. l. 1. Procop. 1. Iornand. de reb. Ger. id est. d Crant. Vandalia lib. 7. cap. 42.*

## CAP. XI.

*Pomerania, Odera, Marchia Brandenburgica, Silesia, Varta.*

Pomeraniæ Ducatus solo fertilissimo, inter Gedanum & Rostochium per minuta circiter 240. expanditur propter litus maris, quod naturali muro firmatur. Inde nomen. Vandali enim Paa meren terram maritimam vocabant. Hic etiam succinum legunt incolæ. Anno 1125. Bambergensis Episcopus Otho Christianæ fidei rudimentis Pomeranos imbuunt. Ducatus plures Regionem continet, puta Cassubia, qui Vistulam inter Oderam secundum mare porrigitur, urbs præcipua Colberga *Colberg. g. 54. m. 18.* ad ostium amnis Radduidi sita. Pomeraniæ, quæ Metropolim habet Stetinum, Stetin, *g. 53. m. 26.* ad Oderam emporio celebre, juris ac fœderis Hanseati. Vandalicæ in iusculis Julina & Usedomia, quæ præten-

prætentur ostio Oderæ. Fuit verò Julinum nunc Volinum, g. 53. m. 54. Vandalorum nobile emporium uni Constantinopoli cedens in Europa. Volgastensis, seu Bardenfis à Maritimis urbibus Volgast, g. 54. m. 12. & Bart. g. 54. m. 30. dictus est : inter quas ad ipsum litus est Gripshvoldum, *Gripshvold*, g. 54. m. 15. gymnasio clarum. Stralsunda, *Stralsund*, grad. 54. m. 32. hinc mari, inde aggeribus probè vallata, incolis & mercatoribus frequens, Bardenfis Ducis olim sedes, quàm Valesinus totum annum frustra obsedit. Modico freto secernitur ab Insulâ Rugiâ, *Rugen*, cujus perimèter est milliariorum 21. Pomeraniæ est horreum, nullos habet lupos, nullos patitur glires, suisque finibus civitates quinque continet. A Griphonibus Sarmatiæ Europeæ Regibus Pomeraniæ Duces orti sunt, ut nonnullis placet.

2 Odera Ptolemæo Viadrus, Plinio Guttalus, Cluverio Suevus è Moraviæ & Silesiæ finibus manat, haud procul Olmusio : huic nomen dederunt aucupes, qui casas avibus speculandis captandisque constitutas Odri appellant, sunt enim etiam ad fontem Oderæ non paucae. Provincias rigat Silesiam, Marchiam, & Pomeraniam, & post 320. minuta ad 16. m. infrâ Stetinum in lacum recentem, seu sinum aquæ dulcis Frischaff dictum, 40 m. longum defertur, unde per insulas Vandalicas abit in mare Balticum triplici alveo: unius aquæ virescunt, alterius canescunt, tertij navigatio perpetuis tēpestatibus infesta est. Dextrum Divenoam, seu Diepenon dictū,  
Voli.

Volinum oppidum præterit, nec procul inde ad  
Caminum Balthico infunditur mari. Medium  
Suine, seu Suene vulgus, Suevum verò Ptole-  
mæus nominat. Sinistrum à Pani flumine propè  
Ankelam à se recepto Panis appellatur, & infra  
Wolgastum mari aperto propè Vsedonem mis-  
cetur mari.

Quarto post Stetinum milliari nova Marchia  
Brandenburgica incipit, ubi Costrinum *Custrin*.  
g. 52. m. 36. munitissimum. Lubust. g. 52. m. 30.  
Episcopalis civitas. Principem locum tenet Fran-  
cofurtum, *Frankfort*, g. 52. m. 25. ad Oderam,  
Gymnasio, emporio & iterato per singulos annos  
ad nundinas conventu nominatissimum. Cros-  
sen, g. 52. m. 6. Ducatus, antea Silesiæ, nunc Mar-  
chionum Brandenburgensium.

3. Sequitur Silesia, dives & ampla regio, sylva  
Meciniæ quondam portio, nunc sub Ducatus  
titulo 16. Principatus complexa. Poloniæ Regi-  
us universa paruit, ad annum 1300. quo in Bo-  
hemix Regum fidem se tradidit. Urbes præci-  
uæ sunt Glogovia, Groosglogavv, g. 51. m. 44.  
ognominine major. Urbium princeps Uratisla-  
via, Breslavv, g. 51. m. 10. ab Uratislao Bohemo  
condita anno salutis 96. ex ruinis Budoris Qua-  
torum, Episcopalis & Metropolis, publicis priva-  
que ornata ædificiis. Nissa, Neisse, g. 5. m. 27. &  
sa Episcopi sedes. Glatz in finibus Bohemiæ  
Silesiæ, Comitum stirpe extincta, ditionum  
Bohemix Rex obtinuit. Cælum frigidius a-  
quantò, vinum dat modicum & austerrum. Hic  
assum sub autumnum, sicut & in Poloniâ  
Bohe-

Bohemia & Moravia in cisternas & puteos h  
rundines dant se præcipientes; reperiuntur etiam  
quercus cavæ hirundinibus plenæ.

Varra fl. Cromoloniam, Cromolovv, g. 50. n.  
21. satrapie Cracoviensis oppidum, per Siradien-  
sem, Siradie, gr. 51. m. 32. satrapiam secundo-ge-  
nitis Poloniæ Regis aliquando assignatam, &  
majorem Poloniam labitur. Ibi Posnaniam  
Posna, gr. 52. m. 25. urbem Cracoviæ æmulam  
octavo fermè à Gnesna, gr. 52. m. 27. milliare, &  
Landisbergam, Landsberg, g. 52. m. 41. præter  
fluens ad Custrinum oppidum in Oderam è Sile-  
sia occurrentem influit. Notessius denique fl.  
apud Crusviaciam Cuiaviæ oppidum è Golbo  
lacu existens per majorem Poloniam versus oc-  
casum Hibernum meat, & infra Drenum, Dre-  
sen, gr. 52. m. 40. Marchiæ arcem, in Vartam  
illabitur. Inter Vartam & Notesiū antiquissima  
sedes Burgundionum fuisse contendunt Germa-  
ni scriptores. Cluverius l. 4. Antiquæ Germ.  
c. 36. ipsis tribuit oppida Poloniæ Gniezno, Wa-  
grovviec, Roaozno, & lacum Golbo. Certum  
ab initio tempore Plinii, qui primus eorum me-  
minit, gentem fuisse exiguam, civitatemque eo-  
rum humilem ac fortè in Vindilorum gentis tu-  
tela, qui tamen in tantam postea creverunt mul-  
titudinem, ut 80. eorum millia ad Rheni ripas  
confederint, indeque tandem in Gal-  
lias venerint.



## CAP. XII.

*Longobardi. Meckelburgensis Ducatus &  
Lubeca, Hamzeaticarum civitatum  
caput.*

Am ab Augusti sæculo, teste Strabone, & Paterculo, Longobardi Germana feritate feriores, è Scandinaviâ in Germaniæ continentem transfuderunt; sic dicti ut quibusdam placet, quod barbis & capillis essent longioribus, simi-  
erque Vinnuli, quod Vinnus teste Isidoro cin-  
inum molliter flexum significet. Inter Albam  
Suevum amnes ad usque Germanicum mare  
tebat eorum regio, quam postea obtinuerunt  
uces Obotritorum, à quibus Meckelburgenses  
tum repetunt suum. Nihilominus Comites  
u tantum fuisse constat, partim sub Ducatu Sa-  
oniæ, partim sub Pomeraniâ comprehensos.  
anno primum 1346. Ducatus insignia, & titu-  
s à Carolo IV. Imperatore acceperunt. Nunc  
eo sunt urbes ad mare Rostoch, Vismar, Lu-  
ck. Rostochium urbs Hanseatica duplex, nova  
vetus, in qua Duces Meckelburgenses Acade-  
miam fundarunt, anno 1415. Alluitur amne Va-  
v, sicut & Gustravv, Wandalix præcipua civi-  
in qua Dux sedet. Arx Warnemund in ipso  
cio Vannonij extructa est. Wismaria urbs in  
u maris interiori, ex ruinis Meckelburgi Van-  
torum Metropolis anno 1240. condita est, ut  
tiunt aliqui; nam alij dicunt Megalopolim  
E fuisse

fuisse tantum grandem villam productam longum ad duo miliaria Germanica, tribus arbus insignem in utroque scilicet extremo, & medio firmatam.

Lubeca à Godschalcho Principe Obotritorum condita anno 1040. mari quondam potentissima civitas, etiamnum Suedicis, Moscoviticisque commerciis celebratur: Travenam inter & Wagnissam flumina situm habet. Imperialium civitatum jure donata est anno 1182. ab Imperatore Friderico, & caput Hanseaticæ societatis constituta, cujus conventus ut plurimum ibidem habetur: præcellis eminet turribus, quæ plumbo & electæ apicibus micant aureis. A qua molæ ductæ in editam turrim transfunditur, & exinde per siphones in privatas civium domos miro derivatur artificio: Est porro Hansa, vel dictio Gothica conventum sonans, vel Teutonica, quæ immunitatem significat, à qua urbes dictæ hanseaticæ, numero 64. cum totidem fœderatis, quæ societati præcipuè inierunt ad conservanda Privilegia variis à Principibus concessa, quos aliquando summis armis & classibus non mediocriter adjuverunt Fœderis illis urbes in Provincias quatuor dividuntur, Lubecorum, Dantiscorum, Brunsvicorum & Colonia: Old oppidum quatuor leucis Lubeca distat, & Hamburgo sex. Eo Lubeca cimbis venduntur merces, indeque Hamburgum curru. In Travenam influit Wakeintz fluvius, ad quem jacent Ratzbur sedes Ducis Saxoniae Lauenburgensis in arce utcumque munita. Travemunda oppidulum est in ostio Tranenæ, ubi tormenta ali-

quo

quot in cavea, quæ respicit mare, abest Lubecâ  
milliaria duo. Travenam Ptolemæus vocat Cha-  
usum.

## CAP. XIII.

*Chersonesus Cimbrica.*

**A** Cimbris incolis, qui continenti duodecim  
annorum bello Romanos oppugnaverunt.  
omen tulit. Hi, teste Plutarcho domo egressi, nō  
no, neque perpetuo impetu, verum singulis ar-  
is, semper porro progrediētes, sub ver arma cir-  
cūferendo totā penē Europam peragrarunt. Ex-  
ultabant in prælio, lamētabantur in morbo, quod  
acie gloriosam, turpem in lecto mortem oppre-  
rent. Ipso adhuc anno 1404. Paagvviskiæ mu-  
eris renunciātū in bello filios ejus octo cecidit-  
salvum redire maritum; nō prius eum admit-  
t, quā vulneratum quoque certo cognoscit.

Atrū caput bubulum in solo croceo, in signis  
abuisse Cimbros, refert Plutarchus. Inter Ger-  
manicum & Balticū mare à flumine Albi exten-  
tur, & à gradu 54. ad 58. latitudinis Borealis  
origitur. Tres ipsius partes præcipuas nunc fa-  
ciunt, Holsatiam, Jutiam Meridionalem, seu Du-  
rum Slesvicensem, & Jutiam Borealem Holsa-  
e termini sunt Albis fluv. ad Hamburgum, a-  
nes Billus, & Trava, ad Lubecam, Balticum  
mare, Silia & Eidora fluvii, & mare Germanicum.  
Cimbricæ Chersonesi dorsum Ptolemæus partē  
nc vocat, ubi & Saxones collocat, qui ab Ist-  
o ad Albim extendebantur, hincq; ad Billium

& Chalufum amnes , unde ab ætate Taciti per totam penè Germaniam sensim proreperunt. Nunc appellatur Nordalbinga, quod sit ad Boraniam Albis : & alio nomine Holstein , quod regio sit nemorosa : hoc quippe indigenis sylvam sonat. In Ducatum ab Imperatore Frederico III. erecta est Holsatia , & Christiano I. Regi Daniæ data in feudum, eâ lege, ut equites 40 & pedes 80. Imperio subministraret. Ordinibus verò Provincia Christianus concessit , ut quem potissimum vellent ex Regum filiis, Ducem sibi eligerent; anno tamen 1581. mortuo Joanne seniori Duce Holsatiæ, & Christiani secundi fratre, factus est Flensburgi de hæreditate ejus transactio quæ Holsatiæ pars occidua Regi Daniæ cessit ; pars autem reliqua Adolpho Duci Holsatiæ obvenit. Nulla hic absque ordinum consensu Principes bella suscipiunt , neque electis Principibus fidei sacramentum obligant, priusquam ipsi jurati receperint , Nullis se novis exactionibus unquam graves futuros Nobilium lites bis in anno senatus audit, indeque ad Cameram Imperialem devolvuntur. Singulas nunc partes & præcipuas urbes more nostro perlustremus.

De Lubeca jam dixi. Sigeberga arce ornata in monte sita est. Optima ex quo colonos ex Hollandia accepit, cultior est redditæ.

Aldenburgum vern. Oldemborg Wagrorum regulorum, gentis Vandalicæ aliquando sedes & civitas ad mare portum habuit tutissimum , priusquam æstus arenas aggeraret , Episcopos numeravit 2. quorum sedes Lubecam translata, quæ

uo Sclavorum bellis attrita est, vix nunc est, nec  
 uris clausum oppidum. A continente brevi tra-  
 ctu separatur Fimbria vern. Femeren, insula pis-  
 tu & tritico famosa, eleganti municipio quod  
 burgum appellant, decorata. Ultra progredienti  
 biicitur Chilonium urbs Holsatiæ, cui nomen  
 eo in quo sita est cuneo Kiel germanis dicto;  
 i & portus capax & opportunus nautis. In ea  
 lebrantur quotannis Provinciæ comitia, circa  
 stum sancti Antonij: arx in colle conspicua o-  
 us Adolphi Holsatiæ Ducis splendidis ædifi-  
 is ornata. Vix decem hinc minutis abest Ekel-  
 rtum.

## CAP. XIV.

*Ducatus Slesuicensis cum reliqua  
 Futilandia.*

**A**B Isthmo Slesuicensi ad Nipsam & Schod-  
 burgensem amnes per leucas 18. porrigitur  
 ducatus Slesuicensis, cui nomen à Slia sive amne  
 ve maris Baltici sinu, à quo incolæ Ptolemæo  
 ti Sigulones, vel Slicuones, ipsaque urbs dicta  
 istorpium tempore Caroli Magni. Hunc Du-  
 tum Holsatiæ Principes à Regibus Daniæ in  
 udum accipiunt. Augustissimus est ubi Idara  
 vius ab occasu, & Silia ab ortu Isthmum fa-  
 unt: quem primo Godefridus Rex Daniæ tan-  
 tam limitem Regni sui contra Carolum Ma-  
 num præscidit, postmodum Thira Regina, He-  
 ldi Regis mater reparavit: Denique Margareta,  
 ipsa Daniæ Regina muro fossisque sexaginta



pedes latis & altis firmavit, vulgo Danevvick, id est, Danorum opus nuncupatur. Fuit verò Slesvick, potens & celebre emporium, quod per Idaræ fluminis ostium ex Oceano Germanico, merces suas Hellinstadium usque nautæ subvehant, quæ postea Slesvicum delatæ per mare Balticum distrahebantur: hanc cum Slavi expugnassent, iterum eam Valdemarus restituit: additum postea in australi Ripa Haddebuy, quæ duobus olim fuerunt primaria Anglorum oppida, quibus proximum Gottorpium Holsatiæ Ducum habitatione, & structura nobile.

Sequitur Anglia vetus Peninsula illustris ex qua ut ait Beda tempore Theodosij Imperatoris Angli egressi unâ cum Saxonibus & Vitis, nomen & linguam in Britannicas Insulas intulerunt & Anglorum fundarunt Imperium. In extremo Fleni sinu, urbs est Flensburgum ubi platea quæ ad 1340. passus excurrit, cui arx imminet in colle suburbano sicut & portui, qui profundus adeo, ut cives ex suis ædibus naves queant mercibus implere & reduces exonerare. Sequuntur Apenroa urbs in historijs Daniæ aliquando celebris. Haderslebia Ptolemæo Harudum, foris Xenodochio, scholis, & portu celebris, nec non arce Hansburgo.

Schodburgicus amnis margaritis abundans Jutlandiam australem à Boreali determinat & Coldingam alluit urbem quam Christianus 3. in delicijs habuit, qui & arcem Arnsburgh de intergro renovavit, amni pons impositus dictus Broherrit in quo singula boum & equorum capita qua

uæ ex Cimbrica Chersoneso, in Holsatiam trās-  
 unt talerum Imperialem pendunt. Vecla ædium  
 & platearum elegantia nobilis, posita est ad si-  
 um alterum ejusdem maris. Est & Arhusium ci-  
 itas, celebre emporium ob portum, quem pro-  
 ontorium Hellenis efficit quod ab arcē Regia  
 aloe ad altissimum montem Ellemansberch ad  
 uo milliaria se extēdit, & placidum æquor nau-  
 s reddit objectu Insularum, inter quas est Sam<sup>o</sup>  
 er. Samson piscatu & venationib<sup>9</sup> amoenissima,  
 arcēcijs quinque habens. Arhusio adjacet Scan-  
 erburgum arx, sic dicta à pulchritudine loci. Gu-  
 ulus seu Gūdus illam perluit amnis piscium ge-  
 eribus variis confertissimus, quique longo flexu  
 lures rigat arces regias. Sunt præterea Rorans-  
 rusium & Ebeltosia urbes litori adsitæ, sicut &  
 Grimstadium æstuario similiter maris appositū.  
 Ebeltosia oppositam habet Insulam Hielmiā exi-  
 uam quidē, sed portu insignē, nec non scaturigi-  
 nib<sup>9</sup> aquæ dulcis & edito colle ad vim arcendā.  
 Hinc se varij aperiunt sinus, quorū celeberrimus  
 Lymvic<sup>9</sup>, vern. Lymfjord, qui grandiores deducit  
 naves ad muros Alburgi oppidi, in quod trās lata  
 est An. 1536. sedes Episcopalis, quæ prius fuerat in  
 cenobio Borglumensi; hinc ad occasum vergens  
 dilatat se, vastōq; alveo peninsulas constituit, &  
 insulas 5. completitur, quarū maxima Morfingia  
 n quā urbs Nicopia & amnis Scarmaa. Ei ad au-  
 trum proxima est Tyrholmia inter quam & cō-  
 inentem versus meridiem fretum est Othesund  
 dictum ab Othōne Imperatore qui lanceam in il-  
 lud, ut terminum Borealis suæ expeditionis pro-  
 ecit.

Ajunt verò in hoc sinu paratas olim classas quæ à Dania, in Britanniam mittebantur, & tantam in eo fuisse harenarum copiam, ut in eo subinde navigia impingerent & remigi omne conamen eriperent præ multitudine. Exiguus nunc Isthmo separatur ab alio sinu Oceani Landofd, qui adeò humilis est, ut spirante vehementius Circio, aut intumescente Oceano uterque conjungatur. Urbes ad eum præcipuæ Lemvick à quâ sinus dictus Lemvicus. Tised, & insignia aliquot Monasteria. Miscentur verò cum eo amnes varij, ab austro quidem is qui rigat civitatem Wiburgum Regiis comitiis & sede Episcopali illustrem, nec non trium-virorum Senatu, ad quos totius Cherfonesi crimina deferuntur. Lefoa insula Viburgensis capituli jurisdictionem agnoscit, in ejus litore Jutlandiæ adverso reperitur succinum. Ex Boreali vero parte ejusdem sinui infunditur amnis Rpa qui Vensiliam perluit caput Nomarchiæ cognominis Dicecensis Alburgensis, ab ea Vandaliæ populos originem sui nominis repetere, dicunt viri eruditi. Reliquæ sunt oppidula Sedya, & in novissimo angulo fastigiantis se Cherfonesi Schaga, & ad eam Syntes periculosa quas Bragas appellant: Rupes aliquot visendæ altitudinis: Hieringium: pagus Borlum in quo celebre olim Monasterium à Rege Suenone Elthritio primo conditum, à quo Episcopalis sedes Borglumenfis dicta, quæ deinde translata est Alburgum. Arx Selstrupia. Sequitur Thyra ora quæ Lymicum fretum ab Oceano se jungit, sic dicta à voce quæ ululatum sonat, sive quod inter piscosa staggaa, quæ hinc reperiuntur

44 densissimæ fuerint sylvæ & ferarum latibula, sive ob maris proximi fremitum. Sunt & qui hinc deducant Theutonum nomen, non vero à Tuiscone Deo. In ea oppidum Thystadium, ubi schola juventutis, & Orumna arx.

Bovensberga Ripensis Diœcesis initium montem ostentat altissimum, sed infamem propter naufragia, scopulos & Syrtes quæ Occidentem versus excurrunt ad 60. mille passus. Flestitur deinceps ora in fretum quod ab Lemviga oppido dicitur etiam Limicum, quod amnem excipit qui Hosterbroam perluit, moxq; superato promontorio de Horn habes Vardam, Ringcopiamque oppida eidem fluento apposita. Sequuntur insule Phanoa, Mandoa, Rimmea, Silderæa, Amroma Helgelanda cum peninsula Canglegia & Promontorijs varijs, ad quæ piscatus longè uberimus. Hic item in maris gremium insinuat se Nibsa amnis, in cujus australi ripa, Ripæ sunt civitas Cymbrorum Phundusiorum caput diœcesis cognominis, in qua turris miræ altitudinis in Lilio monte ab Erico quem Sanctus Ansgarius Christianam pietatem docuit, circa annum 848. extructa: est & castellum munitum quæ Oceanum spectat.

In eodem litore per quatuor milliaria Frisij minores Strandfrisij dicti ostendunt sese; Pagiorum præcipui duo Langehorna & Besteda ager vero, & si hyeme ad instar stagni patiens sit navigationis, æstate tamen aratri capax est, & gleba in salem decoquitur. A Frisia freto brevi preparatur Strandia insula piscatu & agricultura nobilis. Frisios proximè sequitur Stusium, cui

jura civitatis contulit Dux Holsatiæ Adolphus & pulchra arce ornavit. Tonninga ostio prope-  
modum Eidoræ apposita est, sicut & Lunda, quæ  
stat in opposita ripa: ab hac minutis 24. remove-  
tur Rendesburgum urbs quam circumfluit Ei-  
dora, & ex qua navigationes, in omnes oras in-  
stituuntur. Pertinet hodie ad Reges Danię. Super  
ei dorā fluvium, putatur facta transactio, inter Ca-  
rolum Magnum & Hemmingum Danorum Re-  
gem. Ultima Jutlandiæ pars Dithmarsia inter Ei-  
doram Oceanum, Albim & Storam excurrens,  
pecori æquè ac frugibus bona est, quæ litoribus  
aut ripis appropinquat; interiora arenæ, paludes  
aut sylvæ occupant; Meldorpium urbs præcipua  
non longè remota à litore. Hinc flectitur litus ad  
oppidum Brunsbittel pertinens ad Regem Da-  
niæ situm ad æstuarium Albis, secundum quod  
naves iter dirigunt, quod ripa adversa puluillis a-  
renæ strata sit, hinc verò orgijs 7. alta sit aqua. Tre-  
decim inde minutis semotum ostium Storæ am-  
nis, qui in intima Holsatia ort<sup>9</sup>, rivum excipit qui  
Neomonafterium rigat, deinde venit ad oppidū  
& nobilem Rantzoviorū domum Bredenberga,  
mox piscofo & navigabili, alveo cingit Itzehoā  
oppidum commercijs, quæ per Albim exercet, di-  
ves. Excipit postea Wilstam amnem, qui nomen  
dedit civitati Wilstriae. Et Crempam, qui oppide  
Crempe, cujus accolæ Crempermarsi dicti. Trib<sup>9</sup>  
minutis ab ostio Storæ habes Lucstadium à Chri-  
stiano 4. in Albis crepidine conditum, propugna-  
culis alijsq; operibus probe munitum. Est & We-  
dela ad Albim positum municipium Lucstadio &  
Hamburgo minutis 18. distans.





# GEOGRAPHICA ORBIS NOTITIA.

## PARTIS PRIMÆ. LIBER QUARTUS.

### CAPUT I.

#### *Mare Germanicum.*

**P**Er mare Germanicum Authores intelligunt.  
1. Non tantum illud quod Germaniam, sed præterea ipsam quoque Norvagian alluit, saltem ad insulas Glesfarias, seu Electridas hodie Fero, sive Farre, quas Plinius lib. 4. c. 16. ait sparsas per mare Germanicum. 2. Codanum sinum: nam quem Tacitus vocat Germaniæ sinum, Jordanes nominat Germanicum mare. 3. Ptolemæus lib. 2. & 8. Britanniae litus Orientale Germanico claudit Oceano. Cognoverunt autem Romani hoc mare, primum sub Augusti Principatu, cum Tiberij classis ad quadringentesimum miliarium, à Rheno ad flumen Albim circumnavigavit, ut habet Paterculus lib. 11. Addit Plinius de eadem loquens navigatione lib. 2. c. 67. Germaniam classe circumvectam ad Cimbrorum promontorium.

Nos Germanicum mare hic dicimus illud  
E s quod

quod ab ultima Chersoneso Cimbrica, aut saltem ab amne Idara, ad ostia Rheni Germaniam alluit, & in quod omnes fluvij Germaniæ, uno excepto Danubio, evolvuntur.

## C A P. II.

### *Germanorum Nomen & Mores.*

**G**ermanorum vocabulum recens, ait Tacitus, à Gallis putatur inventum qui videntes eos, qui transmissio Rheno dixerant se Tungros, esse homines aptos bello, appellarunt Germanos, quod Gerre bellum, & Man virum dicerent. Sub Galatarum nomine comprehendit eos Diodorus lib. 6. Teutonum nomen sibi tota gens ascrivit, à cultu numinis apud eos antiquissimi, cui nomen Tuisco, cujus filius Mannus perhibetur. Liberos huic plures assignat Tacitus, quorum è nominibus proximi Oceano Ingevones, medij Hermiones, reliqui Istævones dicti. Quare & quando cœperint dici Alemanni, suo dicemus loco. Limites Germaniæ, Ptolemæo & Mela, sunt Rhenus, Alpes, Danubius, Vistula, mare Balticum, & Oceanus Germanicus. Nonnulli idiomate gentis fines illius metiuntur: & Germanos vocant omnes, qui Teutonica lingua utuntur. Krantzius Germaniæ magnæ attribuit quidquid terrarum est inter Tanaim & Rhenum: Cluverius verò Celtis. De Germanorum moribus Mela, lib. 3. c. 3. Tacitus in Germania, & alij sic agunt.

Immanes sunt animis atque corporibus & ad insitam

insitam feritatem vastè utraque exercent. Maximo frigore nudi agunt antequam puberes sint, & longissima apud eos pueritia est. Hyeme speluncas in quibus degunt operiunt fimo, viri sagis velantur, aut libris arborum, quamvis seva hyeme, sagum autem fibula, aut spina nectunt, barbam radunt omninò, præter labrum superius. Bella cum finitimis gerunt; causas eorum ex libidine accerfunt. Jus in viribus habent, adeò ut ne latrocinii quidem pudeat; tantum hospitibus boni. Victu ita asperi, ut cruda etiam carne vescantur. Terra ipsa multis impedita fluminibus, multis montibus aspera, & magna ex parte sylvis invia, in quibus Hercinia dierum 60. iter occupat. Montium nomina vix est eloqui ore Romano. Annium præcipui Danubius, Rhenus, Amisus, Visurgis & Albis. Nullas, inquit Tacitus, Germanorum populis urbes habitari satis notum est, ne quidem pati inter se junctas sedes, colunt discreti ac diversi, ut fons, ut campus, ut nemus placuit. Et alio loco, Carmina unum apud illos memoriæ & annalium genus est. Statim è somno, quem plerumque in diem extrahunt, lavantur, lautum cibum capiunt. Annuus erat (verba sunt Crantii l. 1. cap. 1. suæ Metropolis) apud quosdam per vices Magistratus, quem verò publicum, de foris bellum illatum, in Magistratu deprehendisset, is durante bello rex appellabatur: cujus imperio parent universi. Bello autem pace mutato regium nomen pariter deponebat. Qui in hanc Barbariem penetret, ut pietatis sensu feras mentes emolliat, reperitur ne-

mo : frustratur spe unus aut alter , qui Romam missus venit Bardevicum , quæ unica apud ipsos urbs florebat , quam evertit Henricus Leo , & ex cuius ruinis non mediocriter crevit Hamburgi per densissimas sylvas , viam sibi aperuit Carolus Magni gladius , & quos repetis præliis superarat , Christo subicit , Sanctissimos Viros , Bonifacium , Wihonen , Hildegrinū & Lugderum sufficit , qui gentem Christi luce perfundant , seridè abjectis erroribus vix Christo omnes dederunt nomen , cū depositis rugis , nova Germaniæ facies appareret : nec dum anni 900. effluxerunt , regio tamen est adeò amœna , nitidisque urbibus culta , ut nulli Europæ cedat . Montes in eâ vitiferi sunt , opaca nemora , colles aprici , campi uberes , læta prata , thermæ salubres , nulla viridaria , nullæ consitiones , nullâ tempe desiderantur . Omnis Europa à Germano negotiatore argentum habuit , priusquam ad Indos navigaretur . Hæc Typographiæ , hæc Calchographiæ , hæc bombardarum & pulveris nitrati inventrix . Hic bonarum artium florent omnia studia , hic conservatum Imperii Romani decus , denique hic ab eo tempore floruerunt semper conspicui omni sanctitate quàm plurimi , antequam teterrimum hæresis virus ipsis impurissimus Apostata Lutherus inhalaret . Videat Tacitus , videat Mela , quàm sæpè bona materia cesset sine artifice . Imò quis Melæ , vel Tacito credat , qui de Germania nihil acceperunt , nisi quæ ipsis sunt renunciata ab infensissimis Germanorum hostibus . Eosne tu barbaros dixeris , quòd statuas deorum haberent nullas ,

nullas, aut paucissimas, neq; parietibus deos contineri crederent, sed in secreto lucorum numen placarent Sacerdotes, quibus solistanquam iustitiæ Dei administris licebat unumquemque vincire, aut verberare. Qui penitus eos cognoverunt, & quæ oculis cernerent, scriptis mandarunt, continentiam in adolescentibus, generosum animum in viris, & eximiam politiam in eorum modo agendi vehementer sunt admirati. Ante 20. annum nullus erat foeminarum usus. Si virgo in domo paterna viciū fecisset, aut iuncta viro, adultera, deprehendebatur, eam manu propriâ strangulatam cremabant, aut, scissis vestibus ad cingulum, flagellis egregiè excipiebant castæ matronæ, & de villa in villam missæ occurrebant novæ flagellantes, donec interimerent. Unâ uxore vivebant contenti, maritus uxori, non uxor marito dicebat dotem. Eldingi, hoc est, nobiles, creabant Reges, aliquando ex eadem stirpe, puta Quadi Tudros, & Marcomanni Maroboduos: aliàs nulla stirpis habitatione eum sibi præficiebant, qui rempublicam exemplo potius, quàm Imperio regeret, nunquam tamen quidlibet agendi liberam faciebant potestatem ei, quem scutis impositum & humeris sublevatum ad summam evehebant dignitatem. Transfugas & Proditores faciebant peniles ex infelici arbore, imbelles & infames regno mergebant, homicidium, & leves culpas armentis, aut pecoribus puniebant. Certè dum hæc cogito ab autoribus fide dignissimis relata non video, quare alii multa de ipsis tam indigna scripserint,



pserint, nisi quia in toto orbe gens exiit omnino nulla, quæ constantius Romanos de suis finibus expulerit, nulla quæ Romano Imperio maiora intulerit detrimenta.

### C A P. III.

#### *De Germanorum lingua.*

**C**ertum 1. ex Julio Cæsare initio belli Galli-  
ci & Amniano l. 15. ante Romanorum ad-  
ventum in has partes, Germanos lingua ufos  
Teutonica, quam & invexerunt in Galliam Bel-  
gicam, quando transmissio Rheno partes occupa-  
runt Galliæ Rheno Mosæ & Mosellæ proximas,  
quæ postea ab autoribus reperitur dicta lingua  
Trevirica, Moguntina, & Teutonofrancica.

Certum 2. ex quo Moguntia aliisque in locis  
Romani castra habuerunt, usum fuisse duarum  
linguarum, Romanæ scilicet, & Germanicæ;  
quam veteres Theotiscam appellant, ut constat  
ex Rabano in Moguntino Concilio cap. 2. Flo-  
doardo, & Nithardo hist. l. 3. ubi refert Lodhuu-  
icum Romana, Carolum Theudisca lingua ju-  
rassè.

Certum 3. ex Trithemio Carolum Magnum  
barbariem Theutonicæ linguæ primum ad re-  
gulas Grammaticæ reduxisse.

Certum 4. Ex quo Imperium Romanum hic  
desiit, perpolitam in dies Germanam linguam, &  
antiqua Germanorum diplomata accedere pro-  
pius ad linguam, qua Saxones Vespali & Belgæ  
utuntur, quàm ad hodiernæ Germanicæ purita-  
tem. 5.

tem. 5. Librum Evangeliorum, qui Frisingę affer-  
vatur, scriptum ante 640. annos pene antiquissi-  
mum esse codicem, qui reperiatur lingua scri-  
ptus Theodisca sive Francica. Imò contendit  
Joannes Vadian\* sero admodum cœptum esse,  
lingua Germanica scribi, nec ante annum 1291.  
facile esse reperire quidquam prōditum memo-  
riæ aliis literis, quàm in Latinis.

## CAP. IV.

*De Germanorum Imperio.*

Germanico Imperio secunda, regni Gallici  
familia in Carolo Magno initium dedit.  
Magnus haud dubiè, qui Germaniam, totamque  
fermè Italiam aperto Marte, Gallicæ dominatio-  
ni subjecerat. Sedebat eo tempore in Cathedrâ  
Principe Apostolicâ Leo III. qui per nefariam  
perditorum hominum factionem, oculis & lin-  
guâ mutilatus est: ac, quamvis grandi miraculo  
neque minore beneficio Dominus oculos atque  
linguam Vicario suo reddidisset, nihilominus a-  
trocitate sceleris permotus Carolus ad justam  
ultionem exarsit, & Romam festinavit. Annus  
erat salutis nostræ octingentesimus, quando  
Pontifex ipso Natalis Dominici die ad Carolum  
sæc Opinantem accedens capiti ejus coronam  
imposuit, & Romanum Imperatorem salutavit.  
Quâ munificentiâ, quibus obsequiis Apostolicam  
sedem Imperator profecutus fuerit, non est nunc  
narrandi locus. Ad annum usque 911. stetit in  
Germaniâ Caroli posteritas, nempe donec Lu-  
dovi-

dovici morte deficeret. Exinde Germaniam regni titulo obtinuerunt Conradus I. postea Henricus Auceps Dux Saxoniae III. filius ejus Otho, qui de Hungaria aliisque nationibus finitimis complures victorias reportavit, iisque tanquam gradibus ad majora aspiravit. Nam Imperii ergo Romam profectus, secundo atque sexagesimo supra nongentesimum anno à Joanne XII. Summo Pontif. Imperator coronatus est, Carolo planè dissimilis, si animum erga sedem Apostolicam spectes. Anno quippe sequenti Joannem Pont. de gradu dejecit, & Benedictum Joannis successorem pari affectum injuria, post insignem cladem Romanis illatam, in Germaniam secum deportavit. Hujus nepos Otho III. ne ad Italos à Germanis Imperium transferretur veritus, edixit, ut Imperatoris eligendi jus penes Germanos Principes hæreret, atque Imperatoriam constitutionem uti Apostolica autoritate sanciret à Gregorio V. consobрино suo impetravit. Utrum autem numero septem jam tum designati sint, haud satis constant. Othone sine liberis defuncto, Henric<sup>9</sup> Bavarus anno 1002. Imperii insignia suscepit, cui & varii successores dati sunt usque ad annum 1257. quando distractis Germanorū Principum studiis, Alphonsus alii Castellī Regem Astronomicis disciplinis clarum, alii Cornubiæ Principem Richardum Regis Angliæ fratrem Romanorum Regem appellarunt. Ac prior quidē veluti solo Imperii titulo contentus pedem ex Hispania non movit. Alter Francofurtum advocans, ibidemque regnum auspicatus, brevi per effusus

sumptus opibus exhaustis, in conceptum venit, atque in Angliam remeare compulsus est. Dintinum postea interregnum Gregorius X. indictis comitiis tolli curavit. Tum verò justitiâ, pietate, ac bellicis artibus nobilis Rodolphus Toustain Hasburgensis Comes in Helvetia ad lacum Lucernensem, qui & Alsatia Comes dicitur, ad Imperium electus est anno 1273. Dum imperaret, Austriorum familia extincta est; nulloque remanente ex eâ superstiti, Rodolphus Ducatu Austriae Albertum filium suum impertivit, qui Romanorum Rex salutatus anno 1291. parenti in Imperium successit. Per varias deinceps familias Imperium ambulavit usque ad annum Christi 1438. quo alius item Albertus Austriae Dux Imperium electione, regnaque Bohemiae & Hungariae, Sigismundi soceri sui morte obtinuit. Ab eo, ad hæc usque tempora nostra, penes Austrios hæsit Imperium, & ex alia quam Austriae familiâ in Imperatorem electus est nemo. Et si verò bullæ aureæ fides viris gravibus suspecta sit, certum tamen ex antiquo potestatem eligendi Imperatoris ad Septem-viros contractam, videlicet Moguntinum, Coloniensem, & Trevirenses Episcopos; Comitem Palatinum, (in cujus locum successus est niodò Dux Bavarie) Ducem Saxonie & Brandeburgicū Marchionem, atque his additum Bohemiae Regem, cui locus est, si accadat ut Septem-viri in ferendâ sententiâ paribus suffragiis inter se dissideant, cum tamen tertium in dicendâ sententiâ locum Au-

rea

rea bulla attribuat, quod nunquam, ut ajunt, fuit observatum.

Imperium in tria membra dividitur. 1. est Electorum. 2. Principum Ecclesiasticorum & secularium. 3. Civitates liberæ constituunt, quæ sunt hodie 60. Eâ verò ratione potest videri Respublica, quòd quamvis Imperator primum, dein reliqui Principes, ac postremò civitates liberæ, suas quæq; ditiones, jura, consuetudines & subditos, in quos jus vitæ & necis est, habeant, tamen quia omnes imperio subditi sunt, & ipse Cæsar legibus est obnoxius, universi Reip. speciem exhibent. Insuper omnis Germania anno 1512. in circulos decem tributa est, & in singulis concilia cõmunia instituta, quæ nullam verè jurisdictionem habent: sed deliberationem duntaxat de iis exequendis, quæ ab Imperii Senatu decreta sunt; ut de re bellicâ ordinandâ, de auxiliis armatâ manu expediendis.

Ad graviores causas inter principes & civitates decidendas, ordinata est Spiræ Camera, quæ constat viris 41. cum à Cæsare & Septemviris, rum à singulis circulis nominatis, quibus Cæsar præsidem præficit. Imperatoris jura sunt maxima: nam per se solus nominat in beneficiis Imperii, quos voluerit; potest creare in Principes Imperii, quos voluerit, conferre investituram feudorum, uibes condere, & privilegia eis concedere, Academies instituere, cursus publicos decernere, & vitam reis largiri. ¶ Cum autem de pace, bello, tributis, foederibus, fociis, legumlatione, abrogatione, interpretatione & monetâ agitur, de iis in Ordinum comitiis (diætæ vocant) decernitur.



## CAP. V.

*Albis fluvius: cujus olim accola Boii,  
 Marcomanni, Semnones, Langobardi,  
 Rendigni, Caviones, Angli, Hermun-  
 duri, Catti, Cherusci, Chanci.*

**A**lbis, Bohemis *La be* quod XI. significat, vel quod oriatur à fontibus XI. vel quod præcipui in eum fluvii XI. influant: Oritur in lat. g. 50. m. 45. ex Ribenzal montibus Silesiæ, & valle *Teuffels grund*, hoc est, valle dæmonis in Sylva Bohemica. Abundat salmonibus, & arenas voluit quasdam ex auro purissimo. Celeberrimas olim antiquæ Germaniæ alluebat civitates & gentes Boiorum & Marcomannorum, dexteramque ejus ripam accolebant Semnones, Langobardi, Rendigni, Caviones, & Angli: Lævam Hermunduri, Catti, Cherusci, & inter Saxones & Chaucos evolvebatur in Oceanum Germanicum ore grandi, in lat. g. 54. m. 35. Leucis Germanicis 120. à fonte.

Terram Boiohæmicam qui primum incoluerint, nascitur. Prisco Tarquinio regnante Romæ, cum Gallia esset adeo fertilis hominum, ut vix regi posse videretur, Boii Gallica gens, duce Sigoveso incinctos Hercyniæ campos, armis obtinuit, inde manet in hanc diem Boiemi nomen, quamvis mutatis cultoribus. Enimvero Marobodus, genere nobilis, corpore prævalens, animo ferox, natione magis quam ratione barbarus, cum viisset Romæ, beneficium ab Augusto affectus,

affectus, rediit in patriam, & Marcomannos populares suos, tunc sitos in dextera ripa Rheni, nec non proximos Sedusios in Boiohæmum dedit, ubi pulsus Boiis, tutum sibi regnum constituit, finitimos omnes, aut bello domuit, aut conditionibus juris sui fecit, & Marobudum regiam sibi constituit, in qua procul à Romanorum potentia securus esset.

A Boiohæmo secundum Albim usque ad Salæ confluentem, centum pagis habitaverunt b Semnones, quibus contermini fuerunt Langobardi, gens omni feritate Germana ferocior, quam paucitas nobilitavit: nam etsi nationibus valentissimis esset cincta, tamen non per obsequium, sed præliis & periclitando semper fuit tuta. Horum nunc finibus continentur Marchia Brundoburgensis media, & Madoburgensis Episcopatus pars.

Reliquum spatium ad mare cum Suevicum tum Germanicum, septem tenuere nationes, parvulæ singulæ, sed in universum valentes, fluminibus & sylvis munitæ, quæ dum terram matrem colebant in commune, non bella gerebant, sed clausum erat omne ferrum, paxque & quies tum tantum ipsis nota. Hoc autem erant ordine positæ: secundum Albim Rendigni, ubi Marchiæ pars, in qua Havelberg. Caviones ubi nunc pars alia Marchiæ Darmin & Mechelburgensis Ducatus. Angli verò ubi Luneburgensis ducatus pars, & Mechelburgensis pars occidua.

Lævam Albis partem obtinuit Hermundorum ampla civitas, porrecta à Boiohæmo secundum

eundem Albim ad Salæ confluentem, hincque ad Danubium, quo omni spatio nunc continentur Voytlandia tota, Ducatus Saxonie pars inter Albim & Salam. Anhaltini Principatus pars, Brandenburgensis Marchioatus pars, Franconie pars, in qua Bamberg & Forchain, & portio Sueviæ ubi Dinchelspuel & Nordlingen.

Hermunduros excipiebant Catti, quorum finibus assignatis à Majoribus nunc continentur Thuringia & Hassia totæ, Grumbbenhagensis Ducatus, Episcopatus Paderbornensis dimidia pars Visurgi adfixa, Abbatia Fuldensis, Franco-nie, Coburgensisq; Ducatum, portiones. Narrat Tacitus inter Cattos & Hermunduros, cum singuli flumen Salam gignendo sale secundum, & sibi conterminum vindicarent, magno decertatum prælio.

Cattis succedebant Cherusci, gens magna & Arminio duce incluta, quorum finibus nunc continentur totus Episcopatus Ferdensis, Luneburgensis, ac Brunovicensis Ducatus. Episcopatus Hidelshemiensis, Magdeburgiensis Episcopatus pars cis Albim, Marchia antiqua, Danneburgiensis comitatus, Lauiburgiensis portio cis Albim.

Denique ad ipsum ostium Albis erant Cauchi, qui hinc ad amnem Amisiam secundum litus maris habitabant, majores quidem inter Amisiam & Visurgim, minores à Visurgi ad Albim. Plinius Cauchos nominat gētem miseram, quod pro domibus casās tantum componerent in tumulis, quos erigebant ad experimentū alitissimi æstus

æstus maris, unde fugientes cum mari pisces circa tuguria venabantur. Magis tamen assentior Tacito, qui populum hunc inter Germanos nobilissimum vocat, quod quietus secretusque viveret, nulla provocaret bella, iustitia tueretur sua non cupiditate & impotentia, licet prompta omnibus essent arma, quando res poscebat. Eorum nunc regionibus comprehenduntur Episcopatus Bremenensis, Frisia Orientalis, Comitatus quatuor, in quibus Oldeburgiensis, & Episcopatus Mindenensis pars borealis.

Porro urbes nunc Albis salutat circiter 30. quarum aliquæ censentur inter præcipuas Germaniæ. Provincias verò suis, vel influentibus in se aquis alluit, regnum quod nunc dicimus Bohemiæ, Misniam, Saxoniam, Turingiam, Mansfeldiam, Magdeburgensem Diocesim, Marchiam Brandenburgicam, Lauenburgensem, Luncburgensem & Holsatiam Ducatus.

a *Livius Strab. l. 7. Patercul. l. 1. b Strab. l. 7.*

## C A P. VI.

### *Bohemia Regnum.*

**I**N medio Germaniæ eminet Bohemia, non secus ac munimentum aliquod vel amphitheatrum, altis rupibus, & Sylvis cinctum in orbem, cujus diameter iteri habet trium dierum. Boii, ut dixi, hinc Germanos pepulerunt, & nomen regioni dedere. Bojos ejecerunt Marcomanni, hos Slavi, quorum est adhuc idioma in usu, principio regebantur à Ducibus, qui ductu Ludovici Pii Christo nomen dederunt. Vratislaus postea circa

circa annum Christi 1086. Moguntia ab Henrico  
 IV. Imperatore, Rex creatus est, ejusque ditioni  
 Lusatia, Silesia, Moravia aliaque regiones acces-  
 serunt. At Sigismundo Imperatore, qui Bohemiae  
 atque Hungariae Rex erat, absque liberis defun-  
 cto circa an. 1437. extinctaque in eo stirpe regia,  
 ad Albertum Austriae Ducem omnia translata  
 sunt. Regio abundat pecore, piscibus & po-  
 pulo. Numerantur in ea urbes 30. plures re-  
 giae ditioni proximè subjacentes: reliquas sibi  
 primates vindicant, pleraque omnes appositae  
 Luvii, Multaviae, Aegrae & Albi. Multavia vern.  
 Altava ex Carpato monte ortus, oppida rigat  
 Cromelavv, ubi argenti fodina in lat. 48. 50. sicut  
 & in Budvitz urbe ampla & munita: augetur  
 inde amne, qui praeterfluit Thabor urbem ex  
 uinis Hanschae conditum loco difficili & muni-  
 to in lat. 49. 22. admittit postea amnem Misam,  
 cujus ripae assidet Pilsen urbs, quae secundum lo-  
 cum tenet in regno, cujus latit. 49. 42. hinc abit  
 Pragam, ubi in lat. 50. 6. ponte sternitur 872. cu-  
 ratorum, haec non una, sed triplex urbs est, Regni  
 caput, Palatio magnifico, hortis cultissimis, Ar-  
 chepiscopatu, turri praetoria ejusque horologio,  
 si vix par reperiis in toto orbe, insignis, quin de-  
 m vero infra Pragam minutis conjungitur Al-  
 , qui mox etiam recipit Egram amnem pisci-  
 com & navigabilem, cujus origo in Narisco-  
 m ora in monte Pinifero, vernac. Fichtelberg,  
 si intra spatium duorum mille passuum amnes  
 elitos Egram, Moenam, Salam & Nabum in  
 F  
 qua-



quatuor orbis cardines fundit. Egra urban-  
rigat ejusdem secum nominis dictum vern-  
Cheb operibus, arce, armamentario & frume-  
tariis ædibus instructam, cujus Senatus consta-  
centumviris, quæ monetam cudit propriam. An-  
cibus imperabat 12. & plurimis pagis, priusquam  
Sueci eam occuparent: apponuntur eidem flu-  
vio Elnbogen urbs, natura loci munita &  
Satz, quam occupavit Saxo, & munivit aggeri-  
bus & milite.

Secundum Albim sunt Konigingretz oppi-  
dum in g. 50. m. 7. natura & arte munitum. Pan-  
dubitz, in gr. 50. cujus gladij & enses magno u-  
bique sunt in precio. Kutembergium. g. 49. m. 52.  
argenti-fodinis dives. Brandeis, g. 50. m. 12. urb-  
exigua, sed nominata propter arcem & venatio-  
nes regias. Ad montem S. Georgij Albis Mul-  
taviæ excipit, & post minuta 14. Egram. Lito-  
merium vern. Leutmeritz, g. 50. m. 25. vine-  
habet. Hinc ad oppidulum Aufsig. g. 50. m. 32.  
montium angustia sunt, inter quas tamen ferun-  
tur facile naves, quæ fructus Dresdam deferunt.  
Teutsche oppidulum, 50. m. 45. limes est re-  
gni & finis montium in quibus feræ sunt varij ge-  
neris & Bubali, quos ipsi Lomos vocant, quibus  
larga est infra mandibulam vesica aquæ plena,  
quâ dum insequentes respersit, quidquid  
ea tangitur, adurit.

## CAP. VII.

*Misnia.*

**E**neas Sylvius in historia Bohemiæ, inter fluvios, qui se in Multaniam exonerant, nominat Saxoniam, Lufuntium, & Misam. Hinc conficio inter Marcomannos & alias gentes, quæ unctis copiis Bejos è Bojohæmo expulerunt, fuisse geminos Saxones, qui nomen dederunt tum amni Saxonæ, quem incolendum à Maro-udo acceperunt. Quando autem Vandali seu clavi, Marcomannos inde eiecerunt, singulas ètes nomina fluviorum secum extulisse. Hinc os qui eiectioni proximam Silesiæ partem obtinuerunt, quæ nunc dicitur Lusatia, dictos Lusatos. Qui Misam ad proxima transeuntes, appellatos Misnenses. Qui denique ad Saxoniam paulò ultra progressi, Saxones vocatos. Quomodo autem hæc gens postea Vandalos ex omni pene Germania eiecerit, & implacabili odio eos persecuta sit, de Krantzium, cum in Saxonia, tum in Vandaliis, qui hujus etiam conjecturæ mihi Auctor fuit sua Præfatione.

Marchionatus Misniæ, Ducatui Saxonix, nunc situs extenditur inter Salam & Albim, ab angustis montium, & ultimo Bohemiæ oppido Anssio ad Albim, in lat. g. 50. m. 36. ad Strellam. I. Electoralis Saxonix urbem. Primaria olim citas fuit Misna, 51 9. ab Henrico Aucupe contra anno 930. contra Hungaros. Nunc Dresda. 51. 6. Pentagonâ arce munitâ. Ducum  
F 2 sedes

sedes est, sit licet aër vix ferendus, maximè qui dicitur ex Joachimiae valle, & montibus Sudetis in finibus Bohemiae, ubi primùm cusi Joachimsthal, seu argentei illicraffiores, qui Thaleres quasi Vallenses, ac deinde barbarè Thaleri dicti sunt. Lipsia 51. 22. ad confluentem amnium Elster & Pleissae, emporium Misniae ditissimum, ternas per singulos annos nundinas habet celebres. Translatum quoque ob Hussitas Haereticos Pragâ Bohemiae, Academiam retinet ab anno 1408. quo tempore discipuli usque ad duo millia Lipsiam Magistros secuti sunt. Ad hanc urbem anno 1631. cum Rege Sueciae & Duce Saxoniae infelicitè pugnatum à Tillio. Dehinc mense Novembr. anno 1632. biduò totis Germaniae viribus configitur ad oppidum Lutzen, distans Lipsia 3. leucis, quo in praelio Gustavus Rex Suecus occubuit, nec longè postea generosus Papenhennius: Est praeterea in Misnico agro Ducatus Voithlandiae, seu terrae Advocatorum, quae olim quatuor Imperii Praetoribus parebat. Civitates in ea praecipuae Hoff 50. 25. ad Salam, urbs ampla & frequens ditissimis Xenodochiis & Monialium coenobio conspicua. Zuicau item urbs ampla ad Muldam, g. 50. m. 40 & arte munita, ubi Saxoniae Ducis armamentarium. Ad tertium lapidem à Zuiccavia eminet mons Colberg. i. Carbonarius, ex quo effoditur lapis ater & levis in usum foci, accensis etiam olim horum carbonum fodinis ajunt montem sic arsisse, ut Zuiccaviae ingentem terrorem incuteret, hodieq; fumare conspicitur. Est praeterea in Voithlandia Principatus

Snebergensis, ab oppido arceque Sneberg. gr. 50. m. 35. ad Moloam cognominatus, cui conjunctus est Comitatus Hennebergensis. Aldemburgum Ducum sedes. Ex quo autem familia Comitum Hennebergensium fatis concessit, Saxoniae Duces caducas ipforum possessiones adepti sunt.

## CAP. VIII.

*Saxonia.*

Saxoniae nominis etymon reliquit obscurum vetustas. Ejus fines aliquando à Rheno ad Albim, indeque secundum mare Balticum latè protendebatur, nunc præter Electoratum, qui utramque Albis ripam circumstat, possidet Dux etiam Marchionatum Misniae cum Voigtlandiâ, & parte Comitatus Henneberg, Landgraviatum Turingiæ, Lusatiam & Magdeburgensem atque Halberstadensem Episcopatus. Saxonicus Princeps à Witichindo Saxonum Rege, qui cum Carolo Magno acerrima bella gessit, creduntur orti. Ex hac præclarâ familiâ orti Cæsares Henricus Auceps, Otho I. II. & III. Henricus item II. Urbes præcipuæ Mulberg 51. 17. celebris ob prælium ad eam commissum anno 1547. in quo à Carolo V. profligata Hæreticorum 60. millia, captique rebellium Antesignani Fridericus Elector Saxoniae, Philippus Landgravius Hassiæ & Wirtembergensis Dux, Torga Ptol. Argelia 51. 35. urbs elegans & munita Wittemberga 51. 52. Electorat<sup>9</sup> Metropolis, firma & ornata, ubi Academiam instituerat Fridericus anno 1502. in qua

Lutherus hæreseos virus omne suum effudit  
Lusatia Silesiam inter & Saxoniam sex urbibus  
clara est, scilicet Bautzen 51. 10. ad fl. Spre, Gor-  
litz 52. 12. ad Neissum qui in Oderam abit, Sitav-  
Kamitz, Luben, Guben, quarum tres primæ sunt  
alicujus nominis,

---

C A P. IX.

*Anhaltia.*

**A**nhaltini Principes ex gente Ascaniâ anti-  
quissimi sunt stemmatis Electoratus Saxo-  
nicum & Brandenburgensem diu possederunt. Re-  
gio nomen accepit ab arce Anhalt, quæ distat  
Mansfeldia leuca cum dimidia ad Boream. Huic  
subsunt duo comitatus Barbi 52. 8. & Ascaniæ,  
vix mediâ leucâ ab Aschersleben, ad amnem Ei-  
ne, in Herciniæ jugo: & Baronatus Bernebourg,  
ad confluentem Wipper: & Dessau 51. 55. ad con-  
fluentem Muldæ in Albim, ubi Princeps residet.  
Regio est frugum uberrima, & ex eâ copiosum  
in exteras regiones frumentum affertur.

---

C A P. X.

*Mansfeldia.*

**C**omitatus est superioris Saxonie, inter Sa-  
lam amnem & Viperum insertus, ab oppido  
*Mansfeld* denominatus, quod ad Wiperum am-  
nem situm est in lat. 51. 38. Urbs tamen præcipua  
est Islebium ad rivum Saleza, qui in lacum Susse,  
indé-



indèque in Salam influit. Situ est salubri & optimo, eruuntur varijs locis metalla & ardesiæ. In medijs lapidibus effigies reperiuntur anguillarum, carptionum, gallinaceorum, Pontificis triplici diademate coronati, aliæque omnis generis ramentis, & lineamentis aurei coloris ita fictæ, ut primo intuitu dignoscas. Islebij anno 1546. Lutherus Hæresiarcha mortuus repertus est, cum vespere benè potus ac hilaris in lecto decubisset. Heldrung castrum ad rivum Unstrund situm in lat. 51. 15. Comitum Mansfeld, & de Heldrung ibidem est sedes.

## CAP. XI.

*Turingia.*

**T**uringia montibus undique circumfusa regio, intus plana, Salam inter & Visurgim sita, in agro fertili adeò ut propterea sumè Germaniæ dicatur. Et verò 12. milliariorum spatio fuerunt aliquando in eâ Comitatus 12. Abbatix 12. civitates 144, oppidula totidem, bis mille pagi, 50. arces, quibus Reges imperabant dicti Sorabi, qui à Francorum regibus deleti sunt, circa annum Christi 524. factusque postea Landgravius qui hinc etiam abiit in Hassiam. Nunc patet Saxoni; caput Nauburg, g. 51. m. 12. ad Salam, ubi Schola nobilium & nundinæ celebres quotannis iterantur. Sala verò excipit amnem Unstrut, cui apposita est Mulhausen 51. rbs Imperialis, in qua ejus Provinciæ judicia

exercentur. Amnis denique Unstrut Geram admittit. Saltza urbs celebris ob Salinas. Vimatia urbs amœna, Principum è domo Saxonica sedes, gr. 51. m. 8. cui etiam paret Jena, scholis publicis & circumpositis vinetis clara 51. Ilmenacum Landgravorum Turingiæ, nunc Ducum ejusdem nominis sedes 51. ad Nessam fl. gaudet Academia. Est præterea Ducatus Coburgensis, cujus caput Coburgium, arx egregia, & Ducum domicilium urbem exornant gr. 50. m. 20. Ilmenav oppidum satis cultum, ceruleis tegulis tectum ad fontes Gera, qui postea rigat plateas Erfordiæ, quæ urbs est ex maximis Germaniæ, & Metropolis Turingiæ. In templo D. Mariæ campana est tota Germania celebris. Universitatem habet à D. goberto Rege Francorum fundatam. Ager herbarum fullonum, quæ sandix & Saporaria dicitur, feracissima est.

## C A P. XII.

*Magdeburgum, & Halberstadtum.*

**M**agdeburgum Parthenopolis olim dictum est à Venere. hic cum tribus Gratiis stant in curru, ex quo Imperator Carolus eam deturbavit. Nunc est civitas Imperialis in l. 52. 18. cujus Archiepiscopus Germaniæ Primas, & esset, nisi huic dignitati reclamarent Saltzburgeris aliique Archiepiscopi Electores. Urbibus dominatur 28. Jus civile Rom. abbreviatum Saxonica lingua conscriptum, & Caroli Magni autoritate summa-

firmatum, asservari ajunt Magdeburgi, sicut & Vexillum S. Mauritii, & unam ex sex hydriis, in quibus vinum ex aqua factum à Salvatore: materia marmorea est & pellucida, vini capax quantum equus ferre potest. Altera, sed minor Hil- demii; tertia Coloniae Agrippinae. 4. Ande- gavi servari dicitur. Magdeburgi anno 1560. promulgatae sunt mendacissimae centuriae Mini- strorum Magdeburgensium, quorum fuit Prin- cepts Matthias Flaccus Illyricus. Hanc urbem Tillius Catholicarum partium Dux, summâ vi perripuit anno 1630. incenditque Maji nono con- sequentis anni 1631. Halberstadtium, g. 52. m. 8. censetur inter antiquissimos Germaniae Episco- patus, à Carolo Magno institutus Salingstadii, quod nunc vocant Ostervvyck, vicum ad Is- lam fl. in Halberstadtium postea translatus: cu- jus Paroecia fuit Magdeburgum, donec Otto Ma- gnus celebrem ex oppidulo urbem fecit, dedit- que loco Archiepiscopum, anno 930. cujus ju- risdictioni multa attribuit, quae Halberstadio de- traxit. Alii Imperatores etiam Burggraviatum ibidem erexerunt. Eminent in colle Ecclesia cum domibus Canonorum; suburbia jacent in â valle. Ager circumpositus adeo ferax, ut sege- tes hominis equo insidentis altitudinem supe- rent. Urbem perlabitur Oltemia fluvius.  
*a vide Crantzium. & Magnum Chronicum.*

## CAP. XIII.

*Marchia Brandeburgica.*

**G**Allicum nomen putant à Marcha, i. limite  
 & finibus regni desumptum, ut constat ex  
 Chronico Ludovici Pij. Et verò adhuc Marchia  
 dicitur hæc, de qua agimus, regio circa Albim  
 Oderam & Havalim fluvijs extensa, in limitibus  
 Germaniæ, cujus Princeps ab Ottone I. Cæsare  
 in Marchionem, qui dictus est Brandeburgicus,  
 fuit consecratus. Certè Marchionum Germania  
 censetur antiquissimus, estque unus ex Septemvi-  
 ris Electoribus. Hanc ditionem in Concilio Con-  
 stantiensi anno 1418. Sigismundus Rex, Frederi-  
 co Burgravio Norimbergensi dono dedit, hodie-  
 que ejus hæredes ei præsunt. Sicut & parti Voigt-  
 landiæ Prussiæ Ducali. Ducatui Crossensi, Comi-  
 tatibus Marchensi & Ravenspurgensi, & parti  
 Clivenfi, Ducatus de quibus velegimus, vel suis  
 locis agemus. Regio 60. mil. Germ. patet, ob  
 sylvas & lacus locis multis invia; ab oppido  
 Brandeburgio nomen habet. Dividitur in no-  
 vam, cujus caput Francofurtum, de qua jam di-  
 ximus in Odera, & veterem, cujus urbes sitæ ad  
 ripam Albis & Havalis. Ad Albim sunt Tanger-  
 munda 52. 40. Caroli IV. Imperatoris sedes, i-  
 deoque ampla urbs & magnifica. Arneburgum  
 oppidum arce munitum Verbem 52. 50. urbs ad  
 confluentem Havalis in Albim sita, ubi Gustavus  
 Sueciæ Rex post reportatam de Tillio victo-  
 riam, munitionem excitavit quadratam. Secun-  
 dum Havalim reperiuntur urbes, Hayelberg urbs  
 exigua

exigua 53. sed firma propter montem in quo sita est. Non longè ab ea Tillius Regem Daniæ collatis signis superavit. Brandenburgum totius regionis Tribunal Berlinum 52. 54. & Colonia duo oppida à Suevo vern. Spree fluvio ab invicem separata, Berlin arx est nobilis & munita, principis sedes 52. 36. Spandavium 52. 40. arte & naturâ loci munitissimum ob paludes, & stagnum ad confluentem amnis Spree in Havalim. Sequuntur aliquot arces, vel oppida ad Albim ditionis: Mechelburgensis nempe Lentzen, 53. 15. ubi telonium penditur & Domitz, 53. 25. urbs pridem exigua, sed firmâ arce munita.

## CAP. XIV.

*Lavenburgum & Luneburgum Ducatus,  
cum æstuario Albis.*

**L**avenburgum, nudum muris oppidum ad Albim, g. 53. m. 54. caput Ducatus cognominis. | Duces, qui de Stemmata Saxonico sunt hodie, ut plurimum Ratzburgi sedent in arce ut-  
cunque munitâ ad rivum Wakenitz, g. 54. m. 14. Luneburgum, g. 53. m. 38. fuit olim tantum villa à Julio Cæsare, ut putatur ædificata, sic dicta à lunâ cuius simulacrum ad Caroli Magni tempora remansit. a Arcem Henricus IV. condidit, Otho erexit in comitatum, Fridericus II. fecit Ducatum, quem cum ditione Brunsvicensi possederunt Othones Imperatores & eorum posterî usque ad



Henricum Leonem, qui Saxonia & Bavaria omnique dominatione suâ exiit, Brunsvicum & Luneburgum duntaxat retinuit. Urbs munitissima est, tetragona, excurrens in long. 1450 pass. lata 900 cincta fossis & vallis, civitas Imperialis, sita in monte Calcario ad rivum Elmenau, cujus protector est Dux Luneburgensis, ex familia Brunsvicensi: cives potissimum occupantur salis negotiatione, qui terra marique ubique distrahitur. Origo saluginis puteus est ad montem Calcarium, ex quo aqua per canales derivatur in domos civium. Dux residet modò Cellæ, g. 52. m. 56. ad Alram, modò Hildemii, g. 52. m. 24. ad Inderst, rivos, qui in Visurgim labuntur. Sequitur postea Æstuarium, quod ab Hamburga ad ostium Albis patet. Arcem in silva, quæ inter amnes Billam & Alsteram sita erat, tempore Caroli Magni condiderunt Domini de Ham, inde Hamburgo nomen. Vix surgentem urbem cum vastassent Vinithi, reparavit idem Carolus, & cogitans de conversione Saxonum ad fidem, posuit basilicam D. Petro. Ansgarius primus ejus præsul, Bremensem Ecclesiam suæ junxit. Nunc urbs est inter præcipuas Hanzeatici foederis, sita in lat. 53. m. 42. culta & munita, euripis distincta, sepulchro Benedicti V. summi Pont. & Comitum Holsatiæ monumentis, & emporio celeberris. Mirum quantum porcinae carnis hîc distrahitur. In eo obiit anno 1569. Crantius historicus Hamburgensis Canonicus. Infra Hamburgum ex parte Germaniæ urbs est Boxtehude, Palatio Regis Daniæ insignis, situ & arce munita,

amnici

amnici portorii sedes primaria, sita in lat. g. 53. m. 53. In ipsum Æstuarium influit amniculus Oſte, qui Bremefordiam arcem Bremensis Episcopi sedem alluit in lat. g. 53. m. 50.  
*Ant. in Saxon. Munſter. l. 3. Sylvius.*

## CAP. XV.

*Westphalia.*

**A**Mplissima est Saxoniae inferioris portio, inter Albim, Obnobios montes Turingiae & Hassiae, Rhenum & Oceanum comprehensa, quam Visurgis & Amasis à fontibus ad ostia perluunt, ut influentes præteream. Sic dicitur à verbo Valen, quod Saxonum lingua pullum equinum significat. His enim abundat regio; huncque in militaribus signis habuerunt, atrum quidem ante baptismum, post verò, candidum. Duplex est, Orientalis inter Visurgim & Albim, quam Ostrophali incolunt, & Occidentalis inter Visurgim & Rhenum, quam Westphali. 10. Februarii ann. 1230. ruptis aggeribus Oceanus exundans in regiones, quæ Visurgim inter & Albim continentur, palustria absorpsit, quæ erant in litore. Ejus incolæ astuti, regio vini & frumenti inops, gregibus quàm hominibus alendis aptior, quæ sylvis suis ac crebris paludibus veterem adhuc refert Germaniæ faciem. In ea sunt Episcopatus IV. Bremensis, Mindensis, Paderbonensis & Monasteriensis. Comitatus, nobiliumque sedes infinitæ, quas olim Cimbri & Sicambri tenuerunt, si Straboni credimus, qui inter ostia Rheni & Albis eos collocat. 7. verùm de his alibi.

## CAP. XVI.

*Visurgis, Bremensis Archiepiscopatus, Comit. Oldemburgensis.*

**V**isurgis oritur ex Meliboco Hassiæ monte, in sylva Turingiæ, & à fonte Vetra dicitur Veera, donec junctus Fuldæ sub Visurgis nomine uterque deinceps labitur. Urbes alluit Bremam, 53.25. & Mindam 52.26 & per fluvios incolas Ducatum Brunsvicensem, & Landgraviatum Hassiæ.

In loco Bremon, nunc Bremam vocant, Carolus Francorum Rex invictissimus, Willehaldum Anglum jussit Episcopum consecrari anno 788. ait Crantius in sua Metropoli, l. 1. c. 7. Apud quem cap. sequenti habes agros, & dominia maxima, quæ idem Rex huic attribuit Ecclesiæ. Civitas etiam nunc egregia & magnifica, 53.25. Visurgi fluvio navium appulsum commodante. Eidem subjacet stadium, 54.6. oppidum propè Albim Anglis & Batavis celebratum, & Bremerforde, 53.50. arx cum vico, Archiepiscoporum sedes.

Eminet hic Comitatus inter antiquissimos Imperii, vixque ejus dominus, si reditus annuos spectes, cedit Electoribus. Castellum elegans & munitum, putatur conditum, in lat. 53.25. à Carolo Magno in finibus Frisiæ & Vespaliæ, ad Ondam amnem, qui in Visurgim labitur, ad cujus ostium excitant olim Comites munitiorem Mellum dictam, quæ Oceani æstibus perit.

## CAP. XVII.

*Mindensis Episcopatus, Brunsvi-  
censis Ducatus, Bucharica,  
Hassia.*

**M**IN, Den, linguâ Saxonum vern. meum & tuum significans, nomen est urbis Westphaliæ celebris, ei impositum à Wedekindo, qui ad fidem conversus, instante Carolo Magno, ut Herimberto Episcopo locum assignaret condendæ Ecclesiæ, illum deduxit ad Wiseram in arcem suam, in qua idoneum nactus locum, ad Episcopum conversus, hæc, inquit, pars erit tua, hæc mea. Urbs omnibus affluit mercimoniis propter Visurgim, qui ponte lapideo hic stratus est anno 1403. situs illius in lat. grad. 52. m. 25. Nuper ad res bellicas firma & idonea facta est à Suecis.

Leucis quinque infra Bremam influit in Visurgim fluvius Alre, qui cum influentibus in eum Orcana & Glein Ducatum Brunsvicensem complectitur. A temporibus Leonis exortus est hic Ducatus, qui postea scissus est in varios Principatus, de quibus vide Krantium. Ad Allerum sitæ sunt urbes Cella, Luneburgensium Ducum domicilium, 52. 56. & Helmeftad, 52. 35. Orcana ortus in monte Ramelo plumbi fodinis litissimo, 51. 53. urbes alluit Goslariam, 52. 5. plim auri, nunc plumbi venis metallicis, urbem uclitam & divitem, sicut & Wolfenbittel, 52. 34.

52 34. arcem munitissimam Ducum sedem , & Brunsvicum, 52. 40. cui Bruno Ludolphi Ducis Saxoniae filius, insigne nomen reliquit. Hæc urbs tota sedet in plano mœnibus ac fossâ duplici, aquâ stagnante , & vallo crassissimo arboribus confito munita, aliquando major Norimbergâ, & minor Erphordiâ. Glein denique munitiones aliquot alluit, quas inter Heildehemium celebratur in lat. g. 52. m. 26.

A Buchaviæ solitudine fagis confita nomen invenit antiquitus hæc regio, quæ nuac Fulda dicitur, ex Abbatia totius Europæ ditissima, quam Pipinus Caroli Magni pater hîc fundavit in gratiam D. Bonifacii, ad amnem Fuldam. Viculos civitati proximos , cellas adhuc vocant ob circumpositas , in his sylvis Benedictinorum olim cellulas & sodalitia. Habet etiam Abbas civitates aliquot in Franconia ad fluviolum Strax, qui in Salam, ut Sala in Mœnum abit.

Subortus est Landgraviatus Hassiæ ex Landgraviatu Turingiæ. Caput Provinciæ est Castellum Cattorum, vulgò Cassel, 51. 20. grata civitas, munitâ arce, in qua Landgravii resident, vel in arce Zigenhein. Ad amnem Edrum urbs est & Comitatus Waldeck. Megerhusia sedes Comitum. Ex montibus, qui frequentes hîc sunt, magna vis auri & ferri quotidie eruitur.





## CAP. XVIII.

*Amasis.*

EX Hassiæ montibus, quos Obnobios Ptolemæus videtur appellare, Amasis fluvius oritur, Episcopatus rigat in Angrivariis Paterbônsem, & in Dulgumniis Monasteriensem, Osnabrugensem, & Comitatum Emden, ubi devolvitur in sinum Emdanum, in quo olim numerabantur pagi 33. quando in eum mare exundavit anno 1177. Monasterium, 52. 3. tertia fuit Episcopalis Ecclesia, quam erexit Carolus Magnus in medietate regionis Mymingrode dicto loco; qui postea ab insigni ibi fundato Monasterio, in honorem D. Virginis, Monasterium fuit denominatum. Nunc civitas est nobilis, loco amœnissima, caput Westphaliæ, superiore seculo anno 1531. & 1534. Joannis Leydani, Batavi Anabaptistæ lymphatico regno celebris. In loco similiter Osnabrugensi, 52. 24. Idem Carolus primam exædificavit in provincia Episcopalem Ecclesiam, deditque privilegium, ut utriusque ibi linguae scholæ haberentur. Frisia Orientalis erecta est à Frederico III. Imperatore in Comitatum, qui Emdanus dicitur, à capite Emda, 53. 34. urbe nunc ampla, munita & portu celeberrima, in quæ plenius velisferuntur naves. In ea præsidium habent Hollandi, sicut & in munitionibus Elfsiil, & Ride, ad ostium Emdani sinus. Aricum, 53. 44. sedes est Comitum & multorum Nobilium.

CAP.

## CAP. XIX.

*Frisia.*

**I**Nter lineam ductam ab Ultrajecto ad Amisiam urbem & fluvium, nec non Oceani littora ad medium Rheni ostium, habitarunt Frisii, cum majores, tum minores. Majoribus sedes fuit inter Amisiam, & Flevum lacum: minoribus inter Rheni medium ostium, & eundem Flevum; utrosque dirimebat amnis, qui apud Trajectum à Rheno ad lacum Suyder-See diver- tit. In majoribus fuit portus Manarmanis, quibusdam Harlingen, nec non Baduennæ deæ lucus, nunc silva Seuen-Volden, & villa Crup- toricis inter Levvarden & Senech sita, ubi 1300. Romanorum cæsi. Nam tuti paludibus Frissi- dimicarunt sæpius cum Romanis, donec à Cor- bulone domiti sunt. In prædictis finibus inclu- duntur nunc pars Hollandiæ, Trajectini agri, Gel- driæ, Transsalaranæ regionis & Frisiæ. S. Wili- brodus à Papa Clemente creatus gentis Frisio- rum Apostolus, sedem posuit in oppido Traje- ctensi, quod à Pipino accepit donò. Regio pla- na est, sed paludibus intercisa, sævitix maris ita obnoxia, ut Caro Flante Kal. Novemb. anno 1570 pecudum, hominumque myriades aliquot perie- rint. Gleba abundant incolæ bituminosa pro fo- cis. Boves alit regio Europæ maximos, nec non equos ad bellum aptos. Dividitur in quatuor status. Grōninga, urbs primaria, sita in lat. g. 53. m. 25. natura & arte munita, legibus propriis re- gitur.

gitur, multorum domina Pagorum, viris armis-  
que potens, per Mauricium Nassovia Comitem,  
anno 1594. post obsidionem duorum mensium  
capta, & unitis Ordinum Provinciis inserta est.  
Sequitur Leovardia in lat. 53. m. 20. urbs opu-  
lenta & munita, & ipsi proxima Franchera ad a-  
mnem, qui ex Suecano lacu ortus labitur in O-  
ceanum ad Harlingam portum situm, in lat. gr.  
53. m. 23. Stavera urbium Frisiae quondam ma-  
xima eminet in promontorio, quod in Flevum  
lacum flectitur in lat. g. 53.

## CAP. XX.

*Flevus lacus. Zurphania Comitatus.*

*& fl. Sala.*

**S**uyder-See, id est, mare Austrinum, sinus est  
Germanici maris, dictus antiquis Fletio la-  
cus, qui Hollandiam nunc separat à Frisia, in-  
numeris arenarum puluillis stratus. Lacui præ-  
tenduntur insulae tres, Texela, in lat. grad. 53. m.  
12. ovium gregibus, munitione & partu cele-  
bris. Flielandia, 53.25. & Schelinga, 53.30. Pro-  
vincias alluit Frisiam, Gueldriam & Hollan-  
diam. Fluvios excipit Vechtam & Isalam. Vech-  
ta, Tacito, Vider oritur in Cæsia silva, sita olim  
in Brusteris, nunc in Monasteriensi agro: Aam  
excipit venientem à Covordia oppido Transi-  
salaniae, in lat. g. 53. m. 5. arce validâ munito. Isa-  
la verò Romanis, Sala ortus haud procul ab ar-  
ce Raësfeld in lat. g. 52. Iselburgum, Anholtium,  
Dortechemum modica oppida rigat, donec jun-  
gatur

gatur Rheno ad Doësburchum, urbem lautam & munitam in lat. g. 52. m. 3. Rheno conjungitur mediante fossâ, quam Drusus à vico Iseloort, per octo mille passus duxit, ut exercitum ex Rheno in lacum Flevum, & Oceanum traduceret, Frisios & Cauchos petiturus. Coniunctis verò aquis, præclaram rigat urbem Sutfen, 52. 17. à qua nomen inditum Comitatus Zutphaniae, qui olim fuit pars Gueldriae, & qui nunc patet secundum fossam Drusi, & Isalam, ab urbe Emmerick ad urbem Devanter, quam postea sicut & Syvolam & Campen prætervectus Isala fl. hodie lacui Flevo immergitur, cum olim priusquàm mare in amplissimum hunc sinum exundaret, inter insulas Flieland & Schelling, ad Flevum Castellum mergeretur Oceano, per ostium antiquis dictum Flevum sive Os Salæ. A Sala porro flumine Franci, olim dicti Salii, qui eius ripam incolebant. Pars inferior à Rheni, scilicet ingressu, ad ostiū, dixerunt Romani Navvale, quasi posterior Walis. In Isalam ad Zutphaniā, labitur Berchela amnis, ad quem sita sunt oppidula Vreeden, Bercheloo, & Lochem, & rivum excipit Slingam, qui Geldriae munitionem aliam longè validissimam cingit Grollam, in lat. g. 52. m. 15. sequuntur ad eundem sinum Elburgus 52. 35. oppidulum Geldriae in litoris crepidine sedens. Hardevicum: gr. 52. m. 25. Gymnasio clarum, & Amerfordia, gr. 52. min. 18. ad rivum Einam, qui Velaniae terminus est.

## CAP. XXI.

*Rhenus fluvius.*

**R**henus nullus est fluvius Græcis, nullus Latinis celebrior monumentis, nullus, qui tot splendidis coronetur urbibus. Germaniam olim à Galliâ dividebat, fuitque terminus Germanæ libertatis & Imperii Romani, ex quo in ejus ripa Drusus cognomento Germanicus, contra Germanorum irruptiones 50. castella imposuit, & post eum, Valentinianus aliqua alia in Alemanorum ripâ excitavit per intervalla, quæ limitem & ornabant & protegebant; Et verò posteaquàm in ripis omnibus usque ad Oceanum dispositus miles Germanis imminuit, tandem effectum, ut ne præcui quidem Rhenum auderent accollere, vixque securi flumina interiora portarent. Ejus nomen puritatem sonat, quod Notham prolem in ejus aquis à legitima discernere. Origo ipsi duplex, anterior una, apud Autuates, summæ ponnè Alpes, ex monte Crispalta, qui pars est Aduarum in lat. g. 46. posterior penes Misauos in lat. g. 45. m. 50. junguntur verò post 43. passuum milia, mediocri leucâ supra Curiam. In Helvetia propter montium impedimenta, minus est comoda ejus adnavigatio. Ad Cataractem verò Den-Lauffen infra Scasusam impossibilis. Ab urbe Basilea per æquam planitiem, & amœnissimas ripas, fluit ad Bingiū, inde verò per montium horrentes angustias Bonnam usque cogitur: Imò ad D. Goari, magnam partem ex alto in gurgites præ-



præcipitat. In Oceanum olim evolvebatur unico ostio, inter vicos Cavvyk & Noortvvyk: Sed Oceanus aliquando violenter irrumpens cum ejus fluxum impedivisset, aqua retroacta campos humiles implevit, & sinistram ripam scindens, alveum sibi novum paravit, qui W ahales Tacito dicitur nunc Wale. Tandem per Drnsum, fossa Rhenum inter & Isalam egesta, partem Rheni per Flevum lacum in Oceanum effudit. Medium postea Rheni alveum arenarum tumulis obductum, nullo labore potuerunt Lugdunenses aperire.

a Florus lib. 4. c. 12.

---

C A P. XXII.

*Antiqui Accola Ripæ Germanicæ  
Rheni, ab ejus ostio ad  
Mœnum.*

**F**Rissi, de quibus jam dixi, obtinuerunt dexteram Rheni ripam, Batavis obversam, quæ est à medio Rheni ostio ad Batavodurum. Hodie Vyk te Duerstede in lat. grad. 52. hinc ad divortium Rheni, seu extremum angulum Bataviæ insulæ habitarunt Marfi, seu Marfatii celebres propter templum Tanfanæ totius Germaniæ amplissimum, & propter Romanorum odium in eos, quod Varus cum tribus Legionibus per eorum fines, & Teutoburgiensem saltum versus Visurgim, tendens ab ipsis & conterminis Germanis fuisset cæsus, & Romana aquila in eodem

dem saltu defossa. Recedentibus ipsis ad interiora præ metu Romanorum; Buſteri eorum agros occuparunt, & reportatâ de hostibus victoriâ navali, Prætoriam navem multâ luce re-  
vecti per Lupiam flumen traxerunt donum Velledæ fatidicæ Virgini Buſteræ. Buſteris vel  
pulsis, vel excisis, Chamani & Angrivarii in eorum sedes immigrarunt anno à Nato Jesu 98.  
sub Trajano, quo anno librum de Germania scripsit Tacitus. Ævo Cæsaris Sigambri Rheni ripam ab ejus divortio ad partem Colonie Agrippinæ obversam coluerunt; his sub Tiberio traductis in Galliam anno ante natum Jesum 8. omne eorum solum obtinuerunt Uſiperes & Tinſteri. Ait Tacitus equestriſ disciplinæ arte præcelluisse Tinſteros, & apud eos æquam patris nobilissimam fuisse hæreditatis portionem, quæ dabatur filio, non ut cætera natu maximo, sed prout  
ferox bello & melior.

Juvenes ad austrum continuantur Tinſteris. Tacitus Annal. 13. eos vocat Romanorum socios, & ait, tantos ignes terram eorum edidisse, ut ipsius Colonie nuper conditæ mœnia corruerint, fortè erupuerint ex montibus, qui sunt ex adverso Bonnæ, quos Cluverius putat esse theticonem Melæ, qui nunc à verticum numero dicuntur Sibengebirge, quasi dicas, septimontium septem castellis munitum in regione nunc dicta Westerval, quæ Bergensis Ducatus est pars aurina. Sequebatur Ubiorum civitas ampla & florens, cæteris Germanis humanior, quæ eam Rhena partem incoluit, quæ ripæ Gallicæ à Colonia  
ad Mo-

ad Mogontiam obversatur, & cuneatur ad fontes Arandæ amnis, qui nunc est Eder, qui in Visurgim abit, ubi nunc Veteravia tota cum parte Hassiæ. Hi à Cattis bello sæpius petiti, quòd amici essent Gallorum, & cum Romanis societate juncti, postquam obtinuerunt ab Augusto circa annum ante natum Jesum 37. ut transirent ad eas Galliæ partes, in quibus nunc Juliæacensis Ducatus pars maxima, & Colonienfis Episcopatus ferè totus, eorum agros occuparunt Mattiaci Chattorum pars, qui & ipsi postea fuerunt socii Romanorum; In his memorantur mons Taunus, hodie der Heyrich, ex adverso Moguntiæ, in quo munimentum posuerunt Romani Mattium, hodie Marpurg Chattorum, posteaque Mattiacorum caput: Aquæ Mattiacæ vulgò Wysbaden, & fodinæ argenti.

*Tacit. l. 12. ann. Strab. l. 6.*

### C A P. XXIII.

#### RECENTES ACCOLÆ.

*Ducatum Cliviæ & Bercheriæ pars trans-Rhenana cum fluminibus Lupia & Roero.*

**Z**ulphaniæ Comitatus succedit ad austrum Ducatus Cliviæ pars trans Rhenum sita a divortio Rheni ad ostium Roëri fl. Ejus urbes præcipuæ secundùm Rhenum sunt Embrica g 51 m. 50. quàm Batavi nomine Marchionis Brandeburgici occuparunt. Reeza, quam ibidem firmarunt

runt operibus, potest ad libitum aquis circumfundi. Vesalia inferior, quam his ultimis bellis interceperunt. Hic Rhenus excipit Lupiam fl. qui ortus in Westphalia, suburbanum rigat urbibus, quæ à crebris fontibus Paderbonna gr. 51. m. 45; dicitur, unus est ex quatuor Episcopatibus, quos in inferiore Saxonia Carolus Magnus erigenduravit, amplissimisque redditibus dotavit. Hic etiam Monasterium Budicense, in quo asservatum diu tintinnabulum S. Meinulphi, quod, quoties ex sororibus Monasterii aliqua breui erat abitura è vita, sonum reddebat fortem, absque ullo humano ministerio. Hinc abit Lupiam, gr. 51. m. 42. oppidum, quod cum Amasia, & Eburo duobus Ptolemæus ponit inter tria totius Germaniæ loca clarissima. Nunc est Comitatus, quem Comites de Lupia & de Marcha æquo jure possident. Excipit postea rivum, qui originem ducit ex Susato, g. 51. m. 37. urbe Westphaliæ magna, munita: & infra Marcham caput Comitatus cognominis miscetur Lupiæ, quæ deinceps partem Episcopatus Monasteriensis rigat, & per Oliviam Ducatum ad Vesaliam abit in Rhenum. Post 10. minuta Rhenus excipit anniculum Imhar venientem ex Trotmannia, vulgò Dortmund, urbe Imperiali in Comitatu Marchiæ præcipua in lat. g. 51. m. 28. latifundiis donata à Carlo Magno: Victoria Othonis I. contra Hunnos celebri, quæque jus dicit omnibus Imperii urbibus Rhenum inter & Weseram. Mox Rheno mittitur ad Rærotum rapidus amnis Roërus, qui Rensbergam, g. 51. m. 30. alluit castrum amoenissimum.

nissimum Westphaliæ Colonienfis: auctusque amne Elsero, qui Altenam rigat, à quo denominati aliquando Comites, qui postea dicti Montenses & Marchienses: Hincque perlabitur multa oppidula, inter quæ eminet Duisburgum, g. 51. m. 24. prima Francorum Regia, ex qua eorum Dux Clodio, Rhenum transmisit per Carbonariam Sylvam Gallias petiturus.

Superioribus ad Austrum jungitur Ducatus Bergensis, qui nomen habet ab oppido Berchem, quod ipsum nomen accipit à monte, cui impositum est. Berch enim Germanis montes sonat. Antoninus vocat Bercheriacum Tiberiacum, situm est in partibus Cistrhenanis in lat. g. 50. m. 56. ad amnem Erperum, qui influit in Rhenum ad Novesium Nuys, g. 51. m. 9. urbem olim celebrè, quam Brandeburgicus in cineres redegit anno 1581. Præcipua ejus pars est in Germanica ripa. Nam Colonienfis Archiepiscopus Gallicam obtinet ripam penè totam. Loca memoratu digna secundum Rhenum sunt Cæsaris Verda, seu munio, vulgò Keyserfuert, g. 51. m. 17. & Dusseldorpium, g. 51. m. 12. nunc caput Ducatus, & Neoburgici Ducis sedes, urbs quidem parva, sed grata & munita, sita in solo, quod vocant horreum Coloniae, quod Dufella amnis secat medium; secundum amnem VV. per oppidum Elnerveldt celebre propter lanificia & maximè tapetia: & Sollingen, ubi cuduntur enses & gladii magno numero. E regione Colonie habes Divitense munimentum. Siega fl. aliis Signum terminus est Ducatus, oppida rigat Sigen, Blanckenburg, & infra



infra Siburgum miscetur Rheno: putant aliqui  
ab hoc amne Sigambros nomen suum accepisse,  
& terminum fuisse Franciæ Orientalis.

## CAP. XXIV.

*Lanum fl. Hassia Inferior, & VVe-  
teravia.*

**L**ANUS oritur in Comitatu Witgenstein, al-  
luit inferiorem Hassiam atq; Weteraviam,  
& influit in Rhenum ad Lanstein. Inferior Has-  
siæ pars est Landgraviatus, quæ in hæreditatis  
partitione obtigit germanorū juniore, qui Land-  
gravius Darmstadt dicitur, ab oppidulo ejusdem  
nominis, sito in Franconia in lat. g. 49. m. 50. trans  
Moenum. Urbes præcipuæ in Principatu Lano-  
gaviensi secundum Lanum sunt Marpurgum, gr.  
10. m. 42. ubi arx singularis structuræ, sedes Co-  
mitum & Academia. Gießena munitum oppi-  
dum aperti situs & ameni. Weslaria urbs Impæ-  
ialis, olim Moguntini, nunc Hessi, ad ostium Dil-  
læ amnis, cujus origo in Dillemburgo Comita-  
tu domus Nassoviæ. Weteravia regio inter Has-  
siam & Rhenum, in qua Comitatus Nassoviæ,  
qui alium ab Imperatore superiorem agnoscit  
neminem, & monetam cudit etiam auream pro  
ure suo. Ex eo prodire Adolphus Imperator, &  
Mauritius Guilelmusque Auriaci Principes Fœ-  
deratorum statuum Duces. Ad Lanum situm op-  
pidum Dietia & Nassovia urbs in colle, qui solo  
aliginoso cingitur. Regio abundat ære, plum-  
bo, ferro & aquis, quæ solvunt calculum vesicæ.

## CAP. XXV.

*Mœnus fluvius.*

EX monte Pinifero, vulgò Fichtelberg, in lat. g. 50. m. 10. qui metallis ferri, stanni, & æruli turget, oritur Mœnus, qui & Moganus, è duobus rivis, uno rubro, albo altero, qui confluent infra Culmbac, urbem caput Marchionatus inter ditissimos Germaniæ. Inde multiplici gyro Franconiam oberrans, Episcopatus perluit Bambergensem, Herbipolensem & Moguntini urbes Miltenburgum gr. 49. m. 40. & Aschaffenburgum g. 49. m. 50. Electoris sedem. Selenstadium 50. & Francofurtum 50. liberam Imperii civitatem, celebrem propter nundinas & Imperatoris Electionem. Mœnus autem admissio Binza amne, qui Hannoviam alluit, urbem munitissimam, & caput Ducatus cognominis, tandem influit in Rhenum è regione Moguntia, cui & nomen indidisse credunt aliqui. Siluri, qui ipsos equos imatantes demergebant, ut habet Plinius l. 9. c. 15. impræsentiarum nulli.



## CAP. XXVI.

## FRANCONIA,

*Episcopatus Bambergensis, & Herbipolitanus. Nec non Mergethum sedes Magistri Ordinis Teutonici.*

**N**omen accepit à Francis, quos in eas partes Magnus Carolus transtulit, qui Francofurtum cæterasque urbes, quæ istic visuntur, condiderunt, & præsidiis firmarunt. *a* Plana est regio, montibus Sueviæ, Bavarix, Bohemiæ & Hassiæ, Sylvaque Spheshart undique septa, longa 116. min. lat. 80. Multa nobilitate pollet, nec cuiquam licet esse otioso. Mulieres etiam vinetis incumbunt colendis. Gliceriza hic frequens, & radices agit ad pedes 12. Præcipuæ illius ditiones sunt Coburgum gr. 50. m. 18. oppidum caput Ducatus familiæ Saxonicæ, cuius Dux, qui & Princeps est Imperii, arcem habet dictam Plasenburg sitam in monte, ex quo prospectus est longè gratissimus.

Principatus Bambergensis, Episcopo olim traditus ab Imperatore Henrico II. qui Ecclesiam bidem construxit, in qua partem Dominiæ crucis & clavorum posuit, & in ea sepeliri voluit. Arx & domus principis (quæ centrum Germaniæ putatur obsidere) est in Insula Regnitio iuncta, quadrante miliaris infra Bambergam. huius ditionis præcipuæ munitiones sunt Crona-

cum g. 50. m. 20. & Forchemium g. 49. m. 45. ad amnem Regnesum. Ad eundem est Ptolmæi, Segodunum hodie Noremburga gr. 49. m. 25. quæ in confiniis Franconiæ, Sueviæ & Baviaræ posita, nullius soli esse optat, ex quo ejus Burgavii in Electoratum Brandenburgicum evecti sunt. Urbs antissima habet mœnia, turres 365. plateas 528. fora 10 quæ nundinis penè quotidianis frequētantur. Arx in colle, dicta Castrum Noricum, ager sterilis, sed plebs industria; unde illud Norimbergensium astutia, Strasburgensium tormentis bellicis, & Augustanorū pecuniā, omnis decipitur Germania. Ad Norimbergenses pertinet Altorff g. 49. m. 25. oppidum cum Academia, in qua carcer scholasticis deputat⁹ dictus Hundscammer, id est, cubiculum canis, Walestino olim notus. Rotenburgum g. 49. m. 30. arx est munitissima, in qua nobilitas Franconiæ præficit gubernatorem. Franconiæ Dux est Episcopus Herbipolitanus, vulgò Würtzburg gr. 49. m. 43. à dulci musto, quod ager suppeditat, urbs fossis & mœnibus ornata potius, quam munita. Suburbium desinit in montem, ubi ars Ducis sedes natura loci munita, D. Virgini nuncupata, quæ Pipini & Caroli Magni munificentiam prædicat. Opidulū Gemund g. 50. m. 7. præcipua est Ducis munitio ad ostium Salæ in Moenum.

Huic pariter miscetur Tubarus vern. Tauber fl. ortus in confinio Sueviæ, qui rigat Rotenburgum in lat. g. 49. m. 11. Franconiæ cellam penuariam & urbem Imperii à turrium & tegularum rubore sic dictam: Posteaque Mergethum g. 49.

m. 23. hoc est, Marię domum, sedem Magistri, qui reliquias Ordinis Teutonici utcunque tuetur in Franconia, ubi 80. Talerorum millia quotannis reficit ex prædiis. Ex quo Albertus Brandeburgicus in Borussia crucem Ordinis uxore permutavit, Ordini semper præfuit aliquis è domo Austriaca. Qui in hunc Ordinem cooptabant quempiam, utebantur hac formulâ. Aquam & panem in copia promittimus tibi, & vestitum tenuem quoad vives, si quid obtigerit amplius, habebis id quoque: plura tibi non debemus; tuncq; traditis ense, calcaribus & scuto addebat sacerdos, hanc vestem & crucem damus tibi, & si feceris, quod pollicitus es, spondemus tibi vitam æternam.

a Nicol. Vigner. de Orig. vet. Franc.

## C A P. XXVII.

*Antiqui accola Germanica ripa Rheni  
à Moeno ad Lacum Brigantium.*

**H**Æc loca obtinuerunt a Helvetii gens Gallica circa annum ante natum Jesum 600. Hinc existimantur pulsi à Sedusiis, Marcomannis & Harudibus, qui ante tempora Julii Cæsaris eundem b coluerunt agrum: sicut ejusdem ævo Germani communi nomine dicti Suevi, quorum præcipui erant Marcomanni & Chatti, qui tunc ea loca possidebant, quæ nunc dicimus Palatinatum Rheni, Ducatum Wirtembergensem, Brisgaviam & Suevię Ducatum. Marcomannis



autem sub Augusto Cæsare in Boiohæmum profectis, ut superi<sup>9</sup> dixi; multi Galli inopiâ audaces Rheno transmissi, iis occupatis agris, qui tunc erant dubiæ possessionis, dicti sunt Allemanni, hoc est, convenæ, miscellanei homines & multitudo undique collecta; quippe All omnem significat, & Man hominem. Quin etiam legimus Mœnum transgressos, & inter Mœnum & Lōnam amnes ex adverso Mogontiaci fuisse Regnum Marciani Regis Allemannorum, qui Vā-  
 lentiniani tempore, cum Burgundiones partem agri Chattorum ad fontem Visurgis sitam obtinissent, bellum habuit cum illis propter Terminales lapides, sitos in regione, cui nomen Capellatii, & Palas circa oppidum Steinam, nec non propter salinas, quæ sunt ad vicum Soltz, sub monte Fogelsberg, ubi origo fl. Salæ, quod miscetur Binzæ, quodque salutaris oppidis Salemunster, Salefeld & Ducatu Hanavy, miscetur Mœno infrà Francofurtum. Porro eandem regionem (posteaquam Allemanni in Rhetiam, Helvetiamq; transmiserunt) inter Mœnum, Rhenum & Danubium sitam, Burgundionum octoginta millia Probo Imperatore obtinuerunt, quib<sup>9</sup> imperabāt Reges dicti Endini, quos levissima de causa in ordinem dirigebant, & puta si suis belli fortuna titubasset, vel segetum copiam terra denegasset. Hic verò putantur confedisse, donec à Gotthis & Hunnis, qui ab ripa Danubii advenerunt, pulsi, tandem fixas in Gallia posuerunt sedes. Quibus omnibus succedebant ad austrum Vindelici, quorum limes ultimus fuit lacus Bri-

eus Brigantinus, de quibus agam, quando Danubium describam.

a Tacit. in Germ. b Caesar. l. 1. bel. gal. c Cassiod. in Chr. Marcell. l. 7. 32. Zozim. l. 1.

## CAP. XXVIII.

## RECENTES ACCOLÆ.

*Necarus. Palatinatus Rheni. Ducatus Wirtembergensis.*

**N**ecarus, qui & Nicer & Nierus, oritur ex Arbonæ jugis in Wirtembergensi Ducatu, è leni fonticulo in lat. g. 57. m. 50. à fonte Danubii non amplius quingentos passus, alluit Ducatum Wirtembergensem & Palatinatum Rheni, ubique vitiferæ sunt ejus ripæ, secundum eum cōtinuæ lignorum crates ex Odonica sylva in Rhenum deferuntur.

Palatinatus nomen derivant aliqui à regione Palas, cujus meminit Marcellinus, sanè frigide. Volunt alii priscos civitatū suarū capita, ad quæ habebant comitia dixisse Palantias; & verò quinquæ hujusmodi fuerunt in una Saxoniâ. Existimo tamen, quantum spectat ad Rhenanū hunc Palatinatum, nomen fuisse dignitatis, quā fungebatur circa annum 1000. Comes Henricus ex genere Caroli oriundus, qui Palatio Ottonis III. præerat, quando Imperii Elector constitutus est à Gregorio V. & ab eo hunc Comitatum, Franconiæ quondam partem, dictum Palatinatum Rheni. Dividitur in 4. officia, ut vocant, Metropoles

sunt Mosbahium ad Necarum situm in lat. g. 49. m. 20. in Franconia. Alzaa 49. m. 42. in Vangionibus. Neostadium in Nemetibus g. 49. 10. Heidelberg, Electorum sedes, ad Necarum g. 49. m. 12. urbs amœna sita in fauce montium, in quibus tanta est fragarum copia, ut inde nomen urbi putetur inditum. Rupertus, qui ex ea familia factus est Imperator, egregium in ea templum construxit Spiritui sancto nuncupatum anno 1400 Manhemium, vel Budoris Ptolemæi, vel Nica Marcellini oppidum ad confluentes Rheni Nicrique, Provinciæ propugnaculum, ubi Johannes Papatriennio incarceratus, tempore Concilii Constantiensis. Franckendal Francorum Vallis, erant olim tantum duo Monasteria, nunc Metropolis est Palatinatus Cis-Rhenani, non ita pridem ædificata in modum crucis, est probe munita, distat mille passus à Rheno, & duab<sup>9</sup> horis Vormatia. Fridericus Elector anno 1619. mens. Novembri regni Bohemiæ coronam accepit, sequenti deinde anno 1620. Novembris octavo sub ipsius Pragæ mœnia prælio victus, posteaque in Comitibus Ratisponensibus proscriptus. Sequente anno transfugit ad Batavos, ubi privatus traduxit vitam, cū prius possideret Palatinatum Baviariæ, cujus Metropolis Amberga, gr. 49. m. 25. Palatinatum Rheni, & regimen haberet urbium Imperialium, quarum Rector degebat Haguenoæ. Ex eadem familia sunt, Duces Bippontinus, g. 49. m. 18. de Lautreck, g. 49. m. 26. de Simeren, 50. & de Birchenfeld, 49. 40. omnes dicti Palatini, quibus in Hunsruck ad amem Nasam

Nasam hæreditas obtigit. Nasa verò oritur in montibus, qui separant Trévirenses Electoratum, ab inferiori Palatinatu Rheni, quos incolæ vocant Hunsckuck, id est, dorsum canis, quod fingunt extendi inter Mosellam, Nasam & Rhenum, ita ut caput ejus censeatur mons S. Rupertij, dorsum paulatim ascendat versus Mosellam, & cauda desinat ad Confluentiam. Alii putant ab Hunnis, qui hîc consedere, nomen inditum. Postquam autem dictos Palatinatus alluit, salutata urbe Cruzenach, quæ castro & fodinis æris & plumbi est celebris, ad Bingium & Turrem maurium abit in Rhenum.

Eidem Necaro apponitur Ducatus Wirtembergensis, sic dictus à Castello Wirtembergæ, distante min. 6. Studgardia Comitatus olim à Suevia avulsus, & in Ducatum erectus anno 1495. à Maximiliano. *W eimphen*, g. 49. m. 12. & *Hailbrun*, urbes non contemnendæ, inter quas anno 1622. commissum celebre prælium, in quo Tilius, Bavaricarum copiarum ductor, & Corduba Hispanicarum victoriam retulerunt de Marchione Durlacensi. Canstat g. 48. m. 40. urbs mercatu celebris Studgardia g. 48. m. 35. anno 1286. muro vallata à Rodolpho Habsburgensi, aucta deinde arce magnificâ, quæ sedes est Ducum *Wirtemberg*. Ager circumpositus vinetis undique confitus. *Eslingen*, g. 48. m. 34. oppidum à Friderico II. montibus cinctum, vindemiâ & Privilegiis clarum. *Tubingen*, gr. 48. m. 35. urbs elegans, & Bacchi Cererisque donis abundans, conspicuâ ponte lapideo, arce, Canonicis &

Academia. Rotembourg, g. 48. m. 16. olim dicta Landfurt, quando everfam terræ motu, denuò restituit in utraque Necari ripa, Albertus Comes de Hohemburg anno 1271. Rottewill 48. quam à Hunnis dirutam restauravit Conradus Sueviæ Dux, qui postea factus Imperator, sedem hîc suam fixit, & Cameram instituit anno 1146. cui summam attribuit Jurisdictionem. Nunc fœderis est Helvetici, quod juravit anno 1519.

---

C A P. XXIX.

*Durlacensis & Badensis Marchionatus.  
Brisgovia. Urbes Sylvaticæ. Scaphusia  
Pagus. & Sueviæ pars.*

**I**nter Ducatum Wirtembergensem & dexteram Rhèni ripam, sunt Marchionatus Durlacensis & Badensis. Turlacum debere dici volunt aliqui à Turre celebri, urbs ad radices montis sita, in lat. gr. 48. m. 50. ubi Palatium utcumque munitum, ab ea minutis 20. removetur Badena urbs, quæ putatur condita ab Aurelio Antonino, sic dicta ab aquis tota Germania celeberrimis, omnibus morbis salutaribus, quæ per civium domos discurrunt. Inter utramque est Etlinga cultum & munitum oppidum, caput tamen ditionis est Stollhoffa ad Rhenum urbecula munita in lat. g. 48. m. 36. à qua versus Orientem minutis 16. removetur Eberstemium castrum Comitatus titulo clarum. Penè è regione Strasburgi, Rhenus admittit Rintzig amnem salmonibus abundans.



abundantem, qui Cellam alluit, & Offenburg, g. 48. m. 20. municipium Imperii, nec non Weilstat, g. 48. m. 24. oppidum Ducum Hannoviæ.

Succedit Brisgovia regio, quæ patet secundum Rhenum, per 60. m. quæ olim suberat Duci de Zeringen, deinde Comitibus de Furstemberg, posteaque totius regionis jus partitum inter Archiduces Austriæ & Badensium Marchiones, antequam veniret in potestatem Gallorum per Ducem de Weimar. Urbes in ea præcipuæ; Friburgum ad fl. Treissam, in lat. g. 47. m. 53. Academia celebris, sita loco feraci, à quâ vix miliario distant rudera castri Zeringen. Brisacum 47. 54. munitio præstantissima totius Rheni, primum à Valentiniano contra Alemannos inædificata in montis clivo, qui in pontem desinit. Et Neuburgum 47. 40. ubi Carolus Lotharingiæ Dux, pontem excitavit anno 1635. & Bernardus Dux de Weimar, peste obiit anno 1639. 18. Julii h. 5. Ab ea removetur itinere duarum horarum. Hetttershemimium castrum cultissimum Prioris S. Joannis Hierosym. qui locum habet in Comitibus Imperialibus.

His omnibus ad Orientem (hîc enim ad eam mundi partem Rhenus inflectitur) adhæret Der Schvartzvvald, hoc est, sylva nigra, quâ Ammianus appellat sylvam Martianam, & Ptolemæus Eremum Helvetiorum, quæ à Rheno ad superiores Danubii & Nicri partes extenditur. Amnes præcipui, qui ex ea labuntur in Rhenum, sunt Viemo amnis trabibus ex ea Erema advehendis plurimum utilis, quæ Rhenus excipit ad Basil-

leam;

leam: sicut & Guttam, quem fundit palus Loef-  
fenga, in quâ urbs ejusdem nominis pertinens ad  
Comites *de Furstemberg*, & eidem Rheno misce-  
tur ad Urbem Valdhulstam, hoc est sylvæ custo-  
dem, inter utrumque verò amnem sunt urbes  
quatuor, quas dicimus sylvestres, videlicet Rin-  
feldia in Rauracis sita, non longè à pago Augst.  
Seckingen in insulâ Rheni. Lauffenferga urbs  
munita in rupe, & hæc nostra Valdhusta.

Habes postea Scaphusiam pagum helveticum,  
cujus oppidum 42. 25. à scaphis denominatur,  
quod illic exonerentur propter majorem Rheni  
cataracten Den Lauffen, ter mille passibus à supe-  
riore distitam, in quâ Rhenus variis montium  
impedimentis incitatus, terribili cum fremitu, al-  
titudine 50. cubitorum præceps ruit. Ager nigræ  
sylvæ circumpositus excisis arboribus, hodie ab-  
undat vitibus. Societatem iniit anno 1501.

In parte Sueviæ, quæ lacubus Cellensi & Con-  
stantiensi apponitur, & ad influentes in eos am-  
nes, hæc sunt loca memoratu digna. Hoheviela  
arx impugnabilis in monte Ducis olim Wir-  
tembergensis: nunc juris Gallici, & Hohen-Kre-  
gen arx alia inexpugnabilis juris Austriaci, utra-  
que ad rivus duplices, qui emergenti Rheno ex  
lacu Cellensi occurrunt, utraque vix minutis tri-  
bus ab invicem remota, Rodolphi Cella, Rotof-  
cell lacui adhærens, parebat olim Monachis  
Augiæ divitis posteaq; Austriacis. Uberlinga se-  
des olim Ducum Sueviæ, urbs est Imperialis &  
munita ad lacum Constantiæ, & statio navium ce-  
lebris. Memou Augia parva est in inferiore parte  
lacus

lacus è regione Merspurgi oppiduli, quod Episcopi Constantiensis est peramœna sedes, juxta quam lacus Constantiæ mirè profundus esse deprehenditur; Buchornia urbs Imperialis, olim dominorum *de Ravensbourg*. Lagenarchia patrimonium Monfortiorum ad ostium amnis Schuffia, qui Ravenburgum urbem Imperialem rigat, jam à tempore Caroli Magni nominatim, & vallem peramœnam jugis vitiferis circumdatam. Lindavia, de quâ alibi, & Richenau in extremo lacu, ubi Augia dives Abbatia, in qua Coenobitæ putant sepultum D. Marcum, unde & quando ejus legunt Evangelium, tumulum digito notant.

## CAP. XXX.

*Rhætia Vetus.*

**R**hætia Vetus, quæ Galliis adjacet primum culta legitur à Colonis Gallorum, qui propterea dicti sunt Galli Inalpini. Illyrici partem Italiae conterminam excoluerunt, ipsi tamen nomen à gente Itala, quæ à Gallis pulsa è Tuscia, in has partes traducta est, à Duce Rhæto, & per Alpium summitates longè lateque fusa. Utrisque à Druso Sextili mense debellatis, duas hîc constituerunt Provincias Romani. Rhætiam, quam dixerunt primam, sive quod esset superior, sita in montibus: sive quod primum devicta: sive quod Italiae propior, quæ Rheno à fontibus ad Brigantium & Lycho amne continebatur: & secundam, quæ Lycho & Æno, quatum præcipuæ  
urbes

urbes fuerunt Verona caput Rhætorum, Tridentum, Brixino, Terioli, Veldidana, Feltria & secundum Rhenum Brigantium & Curiâ. Vennonetes & Sarunetes Rhæti, ortus Rheni amnis accolebant tēpore, Plini *b*: ad Vallem verò quæ à Curia patet ad Brigantium tempore Cæsaris sedebant Tulingi, quorum 36. millia conjungere se Helvetis cum ipsis in Gallias migraturi.

a *Iustin. l. 20.* b *Pl. l. 3. cap. 20. Cæsar. l. 4. Str. l. 4.*

## C A P. XXXI.

### *Alpes.*

**A**lpis seu Alpes vox est quæ montes significat, perpetuis nivibus albescentes: & primum quidem Ligusticos, Cottios, Grajos, Penninos, Summos, Lepontios & Rhæticos qui lunato ambitu ad instar muri claudunt Italiam, & eam à Gallia & Germania separant. Deinde eos qui his cōjuncti in Germania, inde abeunt versus Orientē, & per Vindelicos, Noricos, Carnos, Illyricos, Pannonos, & Macedonas in ultimā usq; Thraciam penetrant; Dannubio penè semper paralleli. Tertio quosvis alios montes proceros, Alpes Italiæ patent in longum triginta mille quinquaginta octo millia passuum, inter Varum & Arsiam, mare superum & inferum: Latæ ut plurimum 24. passuum millia.

Solinus montem Vesulum, è quo Padus oritur inter alpium juga superantissimum nominat:

Alj

Alij Lepontias Alpes, summas omnium esse volunt. Rhæti & Sédunij suas esse contendunt. Sextus Rufus Pannonicis & Thracicis id tribuit. Quæ Porro sit summorum verticum perpendicularis altitudo vix potest Geometria definire, quòd Alpes non sint præruptæ, sed paulatim vertices alij post alios attollantur, neque ex plano conspici sint; Geometria autem non metitur ea, quorum terminos non novit. Tamen Certum 1. nullam esse analogiam altitudinis horum montium ad terræ ambitum: imò minorem esse rationem altitudinis summi verticis ad terræ radium, quàm exiguæ arenæ ad globum unius pedis. Certum 2. non esse altiores nubibus, saltem iis, ex quibus in summos vertices ruunt & funduntur nubes & grandines, quibus teguntur. Certum 3. Alpes longè altiores altissimis Græciæ, Thraciæque montibus, qui una die, Alpes verò non nisi quinta superantur. Cum ergò Plinius 1250. passus tribuat Pelio, si eadem esset Alpium & Pelij acclivitas, Alpium perpendiculum esset 6250. Imò Cluverius l. 1. Ital. cap. 31. sic habet. Sanè egomet alibi 50. alibi 30. millium expertus sum: qua vero arte id præstiterit non exprimit: fortè ex umbra summorum verticum: fortè ex diversitate lucis diurnæ, qua fruuntur ij qui sunt in vertice, & eorum, qui habitant ad radices: potuit etiam per partes, & latera & vertices emetiri. Ut ut sit, difficulter mihi persuadeo tantam esse alpium altitudinem perpendicularem, licet admittamus  
ex il-



ex illis prospectum esse in Italiam , Germaniam & Galliam , vixque ullam esse noctem in Alpibus verticibus circa Solstitium æstivum.

Porro certissima tempestatum signa petuntur, ex his verticibus: nam si nubes confidunt, hyems erit: si vertices puri sunt, serena erit cœli facies, si quando nube candicanti gravantur , imminet grando. Cœlo quamvis sereno apparens nebula ventum dabit procellosum. Nebulæ è cœlo vel monte cadentes vel sedentes in vallibus promittunt serenitatem.

In singulis Alpibus, humiliora sunt quædam juga, in quibus angusti sunt calles , & viæ in Italiam: præcipuæ 4. scilicet per Ligures, per Taurinos, per Salassos, & per Rhætos.

Celtas , Belloveso Duce primos transmisisse Alpes tradit Livius : post hos Cœnomanos, deinde Bojos postremo Senones. Immigrationis primæ causâ fertur quidam nomine Elicus, qui fabrilem artem Romæ professus, reversus in Galliam secum detulit ficum , racemum & aliquid vini & olei, quæ Gallorum palato grata, fecerunt animos superandi difficultates itinerum.

Multa in his admiratione digna. r. Lacus, Cenisius, Crava, Gemmius, Abbazellan<sup>9</sup>, & alij plures in summis montibus non è nivibus collecti, sed è vivis & perennibus scatebris orti. z. Crystal-  
lus, terræ purior succus, qui frigore condensatus lapidescit, cujus massæ reperiuntur aliquando librarum 50. 3. Animalia non pauca, quæ prorsus fiunt alba cum propter nives quibus victitant, tum propter species , quas matrum Phantasiæ impri-

Imprimit nivium albedo. 4. Ubertas agrotum & pascuorum, quæ tanta est, ut interdum in valle vix longa 20. millia pass. possis numerare 15. millia capitarum majoris pecoris, ita sub ipsis nivibus luxuriant gramina.

## CAP. XXXII.

*Rhæti Alpini vulgo Grifones.*

**D**Efficiente Imperio Romano, Clodovæus I. Franciæ Rex Christianus, inferiorem occupavit Rhætiâ: Theodebertus superiorem, circa annum 549. iisdem potiti sunt, qui Imperium excusserunt è Gallorum manibus. Tandem utraque Rhætia in potestatem domus Austriacæ devoluta est; quâ cum se liberare vellent populi inito fœdere factionem jurarunt, cujus tessera fuit Leucophæus vestitus, & mitella ex albo fusca, proptereaque amisso Rhætorum nomine, Grifæi Gallico vocabulo dicti sunt. Canos verò dixere, qui elegantius putabant eloqui. Mitto rationes alias, quæ mysterij plus habent, quàm veritatis. Hic montes superbi, & valles miseræ, in quas patet aditus per calles, non amplius quatuor, quorum singulos, homines 20. possunt præcludere, per Comensem lacum ex Italiâ. Per vallem Camonicam ex Venetâ ditione. Per vallem Oëni ex Comitatu Tirolensi, & per pontem Curia ex Suabiâ & Helvetiâ. Gens alboris & inædiæ patiens, studijs, est asperrima belli, in triplicem divisa factionem. 1. Sedens ad Rheni fontes, dicta est à situ, superius fœdus seu Liga Grisa, ejusque prima communitas est Discentsium cœnobium

bium ad Rhenum in lat. g. 46. m. 10. cuius Abbas monetam signat, & Trumbæ 46. 13. primum locum obtinet in Comitibus. Inter Laicos principua autoritate pollet Præfectus Rhætij castri 46. 15. quod olim Rhetus à quo gentis nomen, ad confluentem utriusque Rheni alvei excitavit. Fœdus hoc initum est anno 1424. Secunda Factio vocatur Hospitalis Dei & Cathedralis, seu domus Dei propter Episcopatum & Collegium Curiensē, sic dictum ab urbe factionis primaria sita in lat. 46. 18. cuius Episcopus est Imperij Princeps. 3. A decem Jurisdictionibus nomen invenit, quarum octo profitentur clientelam Archiducis Austriæ; duæ verò scilicet Malans ad fl. Langarum & *Mayenfeld* (Lupinum Romani dixerunt) Grisonum, quorum nomine Præfectus hic jus dicit: sicut Castelli, *Castelz*, qui ab Austrij præficuntur. Ad Comitatus verò publica, quæ vocant *Bundstag*, quæ celebrant quot-annis in festo S. Joannis Baptistæ, mittunt cancellarium & listorem. Unâ cum Helvetis fœdus inierunt cum Gallis, & Regi Galliæ militant.

Habent & Grifones judiciarias sedes & præfidia trans Alpes in valle Volturena, quarum prima est Pluriensis, *Pleurs*, in lat. gr. 45. m. 42. sit licet urbs oppressa ruinis proximi montis. Clavenna, *Chiavene*, g. 45. m. 40. dives & munita urbs, quod sit transitus ex Italiâ in Germaniam; & valdis Telina, sic dicta ab urbe, *Tel*, sita in monte edito, licet urbs primaria dicatur, *Tiran*, ad fluvium Adda in latitudine, gr. 45. min. 32.

## CAP. XXXIII.

*Rhegusini & Sangalensis Abbas.*

**R**hegusina vallis Tulingorum antiqua sedes, jacet in læva Rheni ripa ad Constantiensem usque lacum: pars illius pertinet ad Helvetios, pars ad Abbatem S. Galli. Incolæ culturæ vinearum & nendo lino student. Instante vindemiâ legati è singulis villis conveniunt ad S. Galli, nec prius vindemiam legere, vel uvas cogere licet, quàm pretium vino constituerint in sequentem annum. Sangalensis vero Abbas 20. minimum oppidis imperat, constitutis partim in ea valle, partim ad Constantiensem lacum, quæ fuere à Rege Francorum Sigeberto, & ab aliis principibus data S. Columbano, quòd ex eo Monasterio multi prodierent viri Sanctimonia insignes, maximè qui Helvetos Evangelii luce perfuderant. Philippus Augustus inter Principes Imperij Abbatem promovit, & inter Confœderatos Helvetis Cantones adnumeratus est anno 1454. in epulo, cui interfuerunt convivæ 1500. nuncque inter socios primas tenet Abbatia cum urbe sita in lat. g. 47. m. 2. lanificio nobili, quæ cum tota ditione sua inter Rhenum & amnem Thuras patet, inter Turgeam factionem & Abbatis cellam vulgo Appenfell g. 46. m. 50. cuius incolæ se ex Abbatis potestate pecunia redemerunt, ut fœdus cum Helvetis constituerent quod inierunt anno 1513.

## C A P. XXXIV.

*Lacus Constantiensis & Collensis.*

Constantiensis lacus abest à capite Rheni 90. mil. passuum, ejus longitudo est millium passuum 40. latitudo 10. altitudo orgiarum prope 300. Dicitur à quibusdam Acronius, quòd propius accedat ad foves Rheni, quam Cellenfis. Brigantinus vero, Podamicus & Constantiensis ab urbibus ejusdem nominis, quibus coronatur. Præcipuus, qui in eum labitur ex parte boreali fluvius Schussia vallem præterlabitur amœnam & jugis vitiferis cinctam, in qua Ravenspurgum in Algovia sive Alemannia civitas Imperialis. In eo etiam est Insula Tiberio pugnanti contra Vindelicos olim opportuna, nunc illustris Lindavio g. 47. m. 18. oppido Imperiali, situ manuque firmo. Addit decorem sub ipsa fauce & ponte clusum oppidum Constantia g. 47. m. 25. à Constantio Imperatore Magni Constantini patre appellata, illustris Episcopatus, qui bis mille parœciis constat, qui huc translatus est ex Vindonissa urbe sita ad Arolatu g. 47. m. 10. posteaquam ab Alemannis fuit eversa, nunc in ea urbe plebeij mercaturis & officiis intendunt, nec ditiores facti, possunt ad altiorem gradum aspirare. Equites verò veteribus patrimonj contenti vivunt nobiliter. Tercio milliari à Constantiensilacu alius est dictus Venetus, quod palus sit potius, quam lacus, & Cellenfis à Cella g. 47. m. 32. urbe ipsi apposita. Habet & Insulam Rinoviu

yulgò



vulgo Richenau g. 47 m. 25. in qua ædificata fuit Augia major, seu Dives Ordinis S. Benedicti. In qua scholæ olim fuerunt totius Germaniæ celeberrimæ, & ex qua benè multi literis & pietate clari exiere præfules. Unita fuit hæc Abbatia mensæ Episcopi Constantiensis anno 1548.

## CAP. XXXV.

*Helvetia.*

**H**elvetia antiquum nomen gentis inter Celtas Gallos bellicosissimæ. Longitudo agri est à Constantia ad Genevam millium passuum 172. Latitudo inter Arolam & ortus Rhodani, Rhenique 76. mil. pass. ævo Cæsaris oppida habuit 12, & vicos 400. omnisque Helvetiorum Civitas fuit divisa in pagos 4. Tigurinum, Urbigenum, Tugium & Ambronium. Eos totius Galliæ imperium affectantes repressit Cæsar, & cum reliqua Gallia Romano subjecit imperio, quo everso, eam iterum Galli occuparunt; avulsam deinde à Galliis, Germani suo corpori adjecerunt. Quo languescente recuperatam libertatem, inclementia loci gens aliquandiu tutata est, donec Rodolpho Comite Habespurgio evecto in Imperium anno 1273. ejusque filio Alberto, ditione Austriacâ, aucto, domui Austriæ insinuarunt se verius, quam subjecerunt. Animadvertentes tamen postea Austrios multorum Monasteriorum iura in Helvetios redemisse, & laceffiti insolentia quorundam præpositorum, quorum unus jussit

eos pileum ex pertica pro gubernatore honorare; Alius, Imperavit euidam Uriensi dicto Tillio, ut pomum ex capite filii sagitta decuteret, populi sylvestres Suintii, Urii & Vandervadi post delectas Leopoldi Copias foedus inierunt perpetuum anno 1311. & sese in libertatem vindicarunt, dictique sunt Suintii à Suintio pago, in quo primum pro libertate pugnatum, vel ut volunt alii, quod ex eo primi auctores foederis prodiiissent: anno deinde 1329. dato diplomate Papiæ, Imperator Ludovicus armis partam libertatem ipsis confirmavit.

Tota porrò Helvetorum publicares, dispergitur in tres partes. 1. continet tredecim pagos, viros seu Cantones. 2. Confœderatos. 3. Acquisitos. Illis ultro, his armorum vi ad foederis societatem compulsis. Pagorum hæc sunt nomina, Schafhouse Scaphusia oppidum situm ad Rhenum in lat. 47. m. 25. Societatem iniit anno 1501. Milliaribus 4. infra Scaphusiam Rheno miscetur Thurus fl. qui amnem excipit Sintram, ad cuius fontes sedet Abbatiscella, vulgò Appenzell. In his Alpibus ingens est specus, in quam dejecto levi pondere, quamvis tranquillo die, turbini similis emicat procella.

Ad Confluentem Rheno miscetur fluvius Arola, ad quem & ejus influentes siti sunt penè omnes Cantones Helvetorum. Glarona Glaris g. 46. m. 30. olim vicus, quem cum attiguo suæ valis tractu, Monasterio Seckingen, præpositus Rhetia à Clodovæo Rege Gallia, dederat anno 500. foedus iniit anno 1351. Uri Urbigenarum

Cæsa-

Cæsaris Metropolis, Hujus vici caput dicitur  
 Altorf g. 46. m. 24. Suitz olim Forum Tibe-  
 rii g. 46. m. 35. deinde colonia Suecorum in Ita-  
 liam transmittentium. Undervalden Sylvania, cu-  
 jus incolæ primi fœdus inierunt contra præposi-  
 tos ab Austriis, anno 1308. Ejus vici caput Stantz.  
 g. 46. m. 30. Lucerna g. 46. m. 40. cui nomen à  
 turre Monasterii, in qua nutriebatur ignis ad no-  
 cturnos, in lacu nautarum appulsus. Zug-Tu-  
 rgium seu Colonia Tugurinorum g. 46. m. 44.  
 Societatem juravit anno 1352. Berna, cujus inco-  
 læ se Burgundos dicunt, fœdus iniit anno 1353.  
 Urbium est potentissima, ejusque ditio à Geneva  
 Basileam protenditur per milliaria Germ. propè  
 60. Friburgum g. 46. m. 30. recens quidem, sed  
 vetustum, patens & eximie munitum oppidum  
 à minori Burgundia. Numeratum est inter  
 10. Cantones anno 1481. Solodorum g. 46. m.  
 10. urbs antiquissima ad ripam Arulæ: fœdus iniit  
 anno 1481. in ea residet Legatus Christianissimi  
 Regis. Soloduro proximi Bipennenses & No-  
 vocastrenses ad lacum scilicet, cui appositæ ur-  
 bes Bienna g. 46. m. 52. & Novocastrum g. 46. m.  
 53. quarum hæc Dominum agnoscit Longovil-  
 um Ducem Gallum: hæc olim Episcopum Ba-  
 sileensem agnovit. Basilea g. 47. m. 38. urbs Hel-  
 veticarum amplissima, inter fœderatas venit an-  
 no 1501. picturata sunt omnia passim ædium ve-  
 stigia: ad eam influit in Rhenum Byrsa amnis,  
 in papyri molas plures rotat. Ex universis Can-  
 tibus Catholicæ regionis sunt Lucernates, Fri-  
 rgii, Solodorii, Tugenses, Urii, Undervaldi,  
 H  
 Suitii,

Suitii. Protestantium verò Bernates, Tigurini, Scaphusii, Basileenses. Utramq; profitentur Glaronenses & Abbatis-cellenses. Conventus totius Helvetiæ habentur aquis Helvetiis, vulgò Reich-Baden g. 47. m. 10.

• Fœdus habent cum Gallis, Austriis, Mediolanensibus & Sabaudis. Primùm pepigit Ludovicus XI. qui septem millia Francorum in singulos annos, singulis pagis promisit. Renovavit Franciscus I. anno 1516. Confirmarunt Henricus II. & post eum consequentes Reges variis subinde additis, vel immutatis conditionibus.

---

### C A P. XXXVI.

*Antiqui Accolæ ripæ Gallicæ Rheni Helvetii, Rauraci, Sequani, Triboci, Nemetes, Vangiones.*

**H**elvetiis, de quibus jam dixi proximos, faciunt auctores, Rauracos, hi ab Arolæ Rhenique confluentibus ad eam partem Rheni, quæ opponitur castello Isteyn itinere quinque horarum infra Basileam, in Gallicæ Rheni ripa confidebant, Vogeso monte clausi ab occasu. Horum 24 millia unâ cum Helvetiis in bellum profecti olim. Urbs præcipua Rauracum, in quam Plancus Consul coloniam deduxit 40. annis ante Jesum natum. dictaque Augusta, hoc est, urbs præcipua Civitatis Rauracorum, nunc tantum pagus est, & quidem valdè exiguus, vulgò dictus August, situs ad ripam Rheni 6. mil. pass. su-  
pra

pra Basilicam, quæ ex ejus ruinis crevit agrum-  
que possidet.

Post Rauracos Sequani habitarunt à prædicto  
castello Isteyn ad Burchemium situm itinere u-  
nius horæ infra pontem Brisaci. In Sequanis  
fuerunt Cambete, oppidum ad Rhenum, nunc  
Kambs: & Argentaria, nunc vicus Horburg ad  
Rhenū è regione Colmarie, vel ipsa Colmaria, &  
mons Brisacus Brisack ex adverso Argentariæ. In  
Sequanorum agro continentur nunc Elsatia su-  
perior, Burgundiæ Comitatus & ager Bressensis.

Sequanis finitimi fuerunt Triboci, & his Ne-  
metes, utrosque dirimebat fl. Motra, sicut Neme-  
tes & Vangiones fl. Luterius, qui ortus ex oppi-  
do & lacu ejusdem nominis in Rhenum defluit  
ad Altam Ripam, hosque Treveri excipiebant,  
& omnes Germanæ originis ambitiosi, tanquam  
per hanc gloriam sanguinis, separarentur à Me-  
diomatricibus, quos ab hac ripa expulerant. Sunt  
nunc in finibus Tribocorum Elsatia superioris  
pars dimidia Septentriones spectans, & inferio-  
ris pars dimidia illi proxima; memorantur in iis  
Ellellum oppidum nunc vicus, Elle dextræ Elli  
mnis ripæ appositum, à quo regio Elsass & nūc  
Elsatia dicta. Argentoratum unum olim ex ca-  
tellis Drusi, quod in amplissimam urbem Stras-  
burg Elsatia Principem crevit. Brocomagus  
nunc Brunt ad Sornum amnem, & ad eundem  
Tabernæ Zaberne, qui miscetur Rheno ad oppi-  
dum *Offembourg*.

In Nemetibus ad confluentem Moterni a-  
nis, fuit Concordia munimentum Romanorū



quod hodie Drusenhemium dicitur, quasi Drusi domicilium, ubi Chonodomarius & alii Alemannorum Reges cum Julio Cæsare commiserunt prælium, quod auctores *b* dixerunt Argentoratense, quod tunc nobilissima hujus tractus urbs esset Argentoratum; fuit & Saletio, nunc *Seltz*, oppidum cum arce ad Rhenum, ters Tabernæ, *Rhein Zabern*. Vicus Julius Germerheim. Noviomagus Nemetum, *Spir.* Alta Ripa, *Altrip*, ad confluentem Luteri amnis in extremis Nemetum finibus.

In Vangionibus urbes præcipuæ tres. Bormiomagus, seu Wormatia, civitas Vangionum. Bonchonica, nunc *Oppenheim*. & Maguntiacum, de qua fusè postea.

a *Cæsar. l. 1. belli. gal. Tacit. l. de Germ. Strabo l. 4.*  
b *Marcell. lib. 16.*

---

## C A P. XXXVII.

### *Alsatia.*

Quæ Tribocorum regio dicitur Cæsari, postea à fl. Ill. qui olim Ell, imò & Elsas & Hellesus dictus reperitur, vel à vico Elsebo, qui etiã nunc Elle, nomen invenit Alsatia. Ejus montes maximè ad vallem Leberthal turgent argento, cupro, & plumbo; Sunt & sylvæ castanearum, colles vino abundant generoso, valles pascuis, planities vi magâ frumenti, flumina salmonibus. Duplex est, superior, cujus caput Brisacum: & inferior: cujus primaria Strasburgum. Utraque dicitur continere 46. urbes, quarum eas jam recensui,

censui, quæ sunt positæ in Germana ripa Rheni. In Gallica verò fuit Eifemburg terminus superioris Alsatiæ, arx Marchionis Durlacensis, ex qua priusquàm ab Austriacis excinderetur, poterat tormentis bellicis impeti pons Brisacensis. In postremo est sylva Ensenthal: Schenau arx familiaris nobilis. Strasburgum, olim Argentina, g. 48. m. 25. Trevirensium colonia à Romanis occupata, in cuius campis cum exigua manu copias penè innumerabiles delevit Julianus, & plures 30. millibus Alemannos prostravit Imperator Gratianus. Eam deinde per 200. circiter annos obtinuerunt Franci, quando Clodovæus Apollinis Colossum 26. cubitos altum (cui pubes aurea, & arcus erat in manu argenteus, à quo dicebatur civitas Argentina) exturbavit, & ut castitatem à Deo impetraret, D. Virgini Templum ædificavit, cui anno 1277. turris imposita pedum 574. quæ Europæ est altissima. Nam Viennæ in Austria, quæ in Templo S. Stephani eminet, tantum 486. est: quæ Antuerpiæ 461. quæ Carnuti 378, quæ Parisiis, 204. Nunc prima inter civitates liberæ Imperii, regitur suis legibus. Primarii sex Magistratus dicti *Ammaitres*, priusquàm admittantur, probant se ignobiles ab octo generationibus, ambitus urbis est 8000 passuum, agger latus 18. orgiis. Ex quo hæresis urbem invasit, Episcopus sedem transtulit Tabernas. Ab Illa fl. secatur, qui in Rhenum labitur proximè urbem, ubi ponte sternitur, qui tribus unius horæ quadrantibus transmittitur. Rhen Zabern. 48. 54. tenue vestigium Tabernarum, quas hic excitavit

Cæsar, nunc oppidum est Palatinatus in termino Alsatia.

Ad fl. Helellum & influentem in eum amnem Rubeum, urbes reperiuntur Mulhusium, 47. 40. oppidum Imperiale, quod societatem iniit cum Helvetis anno 1464. quod vicini nobiles urbi essent infesti. Rubeacum 47. 50. urbs à Romanis condita, sedes aliquandiu Regum Francia, qui arcem in ea ædificaverunt anno 623. & severas in fures tulerunt leges, unde tritum illud, *Le vieil Gibet de Ruffach est fait de bon bois de Chesne*. Colmaria 47. 57. urbs Imperialis, elegans, munita, vino abundans & frumento. Schelestat, 48. 6. paludibus & Benselt, 48. 10. operibus munita urbes. Ad amnem Sornum sita sunt Tabernae Alsatice 48. 11. operibus & arce in monte sita munita, submiserunt se Regi Gallia anno 1634. Est & Haguenoa, 48. 40. urbs caput Laudgrayiatus inferioris Alsatia, cincta fossis, aquis, aggere. Supra Tabernas in Sornum labitur rivus Zintel, qui oritur ex Lotharinga Principatu Phalsburg, 48. 40. & ipsi proximo Ducatu Lutzenstein. Sornus vero annis influit in Rhenum ad insulam Calcehouze. Denique ad laevam in radicibus vofagi ad Lutram amnem condita est Wissemburgum urbs Imperialis, in qua Dagobertus Rex Gallia, Monasterium sumptibus infinitis extruxit, & dotavit anno 664. pertinet nunc ad Electorem Trevirensem. Germesheim 49. ultima urbs in loco palustri, ad quam in Rheno capitur vis luporum infinita.

## CAP. XXXVIII.

*Spira & Wormatia.*

**A**Mnis Spira Neustatium rigans, Rheno mergitur ad Neomagum Nemetum olim caput, quod Spiram, 49 10. dixit Rudigerus 30 ejus Episcopus, postquam urbis pomœrium, ad pagum & amnem Spiram dictos ampliavit. In Ecclesia Cathedrali multa sunt Mausolæa Imperatorū, qui hîc sub tutela D. Virginis voluerunt sepeliri. In adversa ripa non longè à Rheno in loco palustri Philippus Spirensis Episcopus, posteaque Elector Trevirensis in pago Oudenhein celeberrimam munitionem excitavit Philippiburgum, 49. 3. dictam ab ejus effigie, quæ in omnibus portis eminet. Ab ea itinere mediæ horæ distat Sacellum D. Virginis de Wagheuse ob miracula celebre. De Manhemio & Frequendalio dixi in Palatinatu. Wormatia Vangionum Metropolis 49 32. subjecta fuit Romanis usque ad Attilam, qui eam subvertit. Instaurata deinde à Clodovæo, fuit aliquandiu sedes Regum Galliæ: sæpius in ea habita Concilia, & Comitia, quod solum mirum in modum sit fertile. Episcopatus cū reliquis Germaniæ certat antiquitate. Inter Spiram & Wormatiam factus est conflictus ille horrendus inter Albertum Austriæ & Adolphum Nassovię Reges Romanorum electos, in quo periit Adolphus anno 1298. Anno similiter 1455. plerique Germaniæ Principes à Friderico Palatino victi sunt, & cæsi ad oppidum

dum Pfeddersheim, uno à Wormatia mill. Anno denique 1525. 30. millia seditiosorum rusticorum ibidem cæsa. Vinum in partibus illis & copiâ & generositate pollet.

## C A P. XXXIX.

### *Moguntia.*

**S**Ita est eo loci, ubi Rhenus excipit rivos Mogon, & Cia, unde & nomen. Illi dedit initium Julius Cæsar, perfecit, Claud. Drusus frater Tiberii, in illa planitie, in qua modo Leprosorum domus & Monasterium sanctæ Mariæ. Hinc Drusilocus, seu agger triangularis, in summitate tricornis, Romanorum militum clypeis aggestus in honorem ejusdem Drusi, & posita statua ex cupro, tribusque totius operis cornibus superpositus, qui Drusi viscerum cineres continebat, nodus aureus, à cujus splendore dicta sæpius Maguntia urbs aurea. Ducis, qui à Romano, aut Senatu, aut Imperatore constituebatur, sedes fuit. Decies, ut minimum est everfa à Romanis, Francis, Vandalis, Hunnis, & Germanis. Clodovæus Rex Francorum Templis ædificiisque eam ornavit. Dagobertus 158. annis post everfa ejus mœnia ab Attila ad ripam Rheni, in qua nunc est, iterum ædificavit, tuncque effecta est caput Regni Orientalis Franciæ, ac Metropolis urbium Cisalpinarum Galliæ & Germaniæ. Fuit etiam Pipini patria & Regia. Hic sæpius jam inde à Cæsare pontes ex navibus compacti & Rheno impositi, Carolus Magnus 10. annis arte mirabili

unum



unum posuerat è ligno 500 passus longum, qui tribus horis fortuito incendio sic conflagravit, ut præter id, quod aquâ tegebatur, nihil planè fuerit super. restituere cogitabat lapideum, quando vitâ functus est: urbis figura est alterâ parte longior, circum Rhenum nobilibus templis & ædificiis ornata, & versus montem, quo Galliæ contigua est vinetis. Primus Episcopus fuit Crescens discipulus S. Pauli, de quo mentio in 2. ad Tim. c. 4. ei successerunt Præsules 40. ad S. Bonifacium, natione Anglum Germaniæ Apostolum, qui anno 746. primus fuit ejus loci Archiepiscopus, 14. habet suffraganeos Willigisus Archiepiscopus 16. factus est ab Othone III. Electorum Imperii Ducatus, & mortuus est anno Christi 1011. hic memor parentis, qui plaustrum agebat, in conclavi suo rotam depingi curavit, cum hac Epigraphæ, Willigise memineris, quis sis, & quis fueris; hinc rota consequentium Episcoporum insigne. Hic Elector intra mensem Comititia vocat, suffragia legit, primus jurat, moxque aliorum juramentum recipit.

Circum altare primarium Eccles. Uncialibus aureisque literis olim scriptum Ecclesiæ Romanæ fuisse filiam specialem Moguntinam Ecclesiam. Canonici in ea duo & 40. quorum tres insigniuntur mitris capita. Universitas illic instituta anno 1477. Quomodo, quando & à quo hic reperta ars typographica, vide apud Serrarium Moguntiacarum rerum l. 1. cap. 36.

Nunc Electoris ditio constat urbibus plurimum inter se disjunctis: nam præter Moguntiam

possidet ad Rhenum Rhingaviam, ubi castrum  
 Ernfeldt 50. In Hassia Amenebourg g. 50. m. 48.  
 & Fritzlar. g. 51. m. 10. in Franconia Orbe g. 50.  
 m. 15. Inter Franconiam & Palatinatum Rheni  
 Miltembourg g. 49. m. 38. In Thuringia Er-  
 fordiam g. 51. m. 6. Residet verò Aschasfenbur-  
 gi g. 49. m. 50. in medio propè ditionis suæ, ad  
 Mcenum. Obtinet etiam Bingium g. 49. m. 54.  
 ad ostium Navæ in Rhenum oppidum dives vini  
 & frumenti emporium. Juxta eam in medio  
 Rheno Turris Murium, vulgò Meussheur dicta, à  
 Hattone II. Archiepiscopo Moguntino 15. valde  
 ayaro, qui pauperes divitum mures vocitabat, &  
 in Muribus in ea cōsumptus dicitur à Trithemio  
 à Chron. anno 967. quod tamen meram esse fa-  
 bulam optimis rationibus probat Serrar. lib. 4.  
 cap. 4.

---

 C A P. XL.

*Treveri, Mosella, Lenci, Mediomatrices,  
 Vosagus mons, Lotharingia, Luxembur-  
 gensis Ducatus, & Trevirensis Elector.*

**E**Orum limites antiqui secundum Rhenum ri-  
 pam erant à Navæ confluente ad confluen-  
 tem Abrincæ, ab ortu verò in occasum excurrere  
 bant inter urbes, quas jam dicimus *Andernach*  
 & *Charlemont*, eorumq; limitibus continebantur  
 Westrasie pars inferior inter Navā, Moseliamq;  
 amnes: Treviricus Episcopatus omnis, Ducatus  
 Bulloniensis, Sedanensis ditio, ager Masiriensis

Luce

Luceburgenſis Ducatus major pars & Colonienſis Episcopatus oppida aliquot.

Oppida ſecundum Rhenum ſunt Bingium, quod nomen antiquum adhuc ſervat, de quo prius. Veſalia, vulgò Ober-Weſel 3. millia Paſſ. à Bingingiſſimum oppidum, ſuperius dictum ad differentiam ejus, quod fuit poſtea inferius cõditum, ubi Lupia redditur Rheno. Bodobriga, vulgò Boppard, ubi vectigal ab eveſtis exigitur. Oppignerata olim ab Henrico VII. Archiepiſcopo, diſtans 10 m. paſſ. à Veſalia. Hinc ad Rheni & Moſellæ confluentes 9. m. paſſ. eſt Antunacum, vulgò *Andernac*, ad oſtium Abrincæ.

Moſella oritur in Vogefi montis Comitatu Ferrette, vico Buſſans ad fines Lingonum haud longè à fontibus Araris, alluebat olim Leucos, Mediomatricos, & Treveros; nunc verò Lotharingiam, Luxemburgum, Bipontium & Treveros, & ad Confluentiam abit in Rhenum tantum impetu, ut diu utriuſque fluminis diverſa appareat aqua.

Leuci coluerunt ripas Moſellæ & Murtæ, à fontibus ad confluentiam utriuſq; amnis. Præcipua eorum oppida fuerunt Tullum *Toul* ad Moſellam & Nanceium *Nancy* ad Murtam.

Mediomatrici Gallica gens fines obtinuit ampliſſimos ſecundum Rhenum, Moſellam & Moſam, priuſquam eos à ripa Rheni expellerent Triboci, Nemetes ac Vangiones, de quibus ſupra. Contraſti deinde inter Saranum, Moſellam & Moſam, ubi nunc Lotharingiæ major pars. Au-

frasia, quæ vulgò *W estereich* dicitur, *Palatinat*<sup>9</sup>  
*Rheni* pars cis *Rhenum* & *Elfatia* inferioris pars.  
 Caput gentis *Divodurum*, vulgò *Metz*, alia op-  
 pida Decem pagi, vulgò *Dieuze* in *Lotharingia*.  
 Totonis villa *Thionville* & *Scarp* *ona*, nunc vicus  
*Samponne*

*Vosagus* mons cum *sylva* superfusa, in *Lingo-*  
*nibus* ortus per 25. *Leucas* excurrit versus ortum  
 ad *Basileam*, *Burgundiam* dirimens à *Lotharin-*  
*gia*, indeque versus *Septentrionem* continuo ju-  
 go, perpetuaque in eo *sylva*, eandem *Lotharin-*  
*giam* separans ab *Alsatia* per 50. *Leucas* ad *Mo-*  
*guntiam* & *Treviros* expanditur. Ex eo *Mosa*,  
*Mosella*, *Araris*, *Helellus*, innumerique alii fl. in  
 omnes partes derivantur.

Sub prima *Regum Franciæ* familia, *Mediomat-*  
*rices* & *Leuci*, quos nunc dicimus *Lotharingos*,  
 partem cōstituerunt *Regni Metensis*, seu *Austra-*  
*siæ* & *Franciæ Orientalis*: imò & sub familia  
 secunda ad annum 843. quo ea *Belgiæ Galliæ*  
 pars, quæ *Scaldi* & *Rheno* comprehensa est, dicta  
 fuit *Lotharingia* à *Lothario Imperat.* cui hæc  
 pars ex parentis *Ludovici Pii* hæreditate cessit.  
 Divisa deinde est in *Lotharingiam superiorem* &  
 inferiorē, *Mosanam* & *Mosellanam*, superiori he-  
 sit nomen *Lotharingiæ*, inferiori *Brabantia*. An-  
 no siquidem 939. victo *Ludovico Francorum*  
*Rege* in *Alsatia* ab *Othone Germanorum Rege*,  
*Lotharingiæ* regnū magnam partē venit a in po-  
 testatē victoris. Varia fuit deinde ej<sup>9</sup> facies, nūc à  
*Francis*, nunc à *Teutonib<sup>9</sup>* occupata, donec *Otho*  
*II. eam* accepit in feudum à *Lothario Galliæ Re-*  
*ge.*

ge. Qui Otho contra leges eam dedit in feudum Carolo fratri Lotharii, deinde Godefrido Barbato Comiti Arduennæ, quem Lotharingæ Ducem constituit Carolo in vinculis detento Aureliæ. Quare verò Ludovicus XIII. Galliarum Rex eam occupaverit anno 1634. consule Duplex in historia sua. Lotharingæ urbes secundum Mosellam sunt Remiremontiū, g. 47. m. 47. nobiliū Monialiū Abbatia celebris Epinaliū, vern. *Espinal* 48. ubi texuntur Mappæ exquisito planè artificio. Charmæ, Tollum Episcopali sede percelebri & turre eximii operis clarum, vern. *Toul*, g. 48. m. 49. Fruartium, infra quod Mosella excipit Murtam amnem, qui Nanceium rigat, vulgò *Nancy*, urbem munitissimam, Ducum sedem, in lat. g. 48. m. 40. Fanum S. Nicolai burgum, ante nupera bella cultissimum totius Lotharingæ, Roserias, ubi Salinæ celebres, & fanum S. Desiderii, ubi venæ metallicæ, vulgò *S. Diey*. Auctior aquis Murtæ Mosella, abit Mussipontum, vernac. *Pont à Mousson*, castro & Academiâ perillustrem lat. g. 48. m. 55. & post minuta 15. rigat Diviodurum Mediomatricorum, quos nunc Metenses dicimus, *Lepais Messin*, caput olim regni Austrasiæ, nuncque urbs ampla, munita & sita loco maxime feraci in lat. g. 49. m. 10. ad confluentem Selam *la Seille*, qui erumpens ex lacu Linderio Dinsam rigat oppidum, Marsaliam Marsal, ubi Salinæ & urbs munitissima. Moienvicum munitiorem aliam longè celeberrimam & Vicum urbem operibus etiam firmatam, quæ tria loca fuerunt aliquo modo causa vastitatis illarum



toti Lotharingæ. Nomenium Baronia eidem Sellæ apponitur.

Post minuta 10. à Metensi urbe incipit, qui nunc dicitur Luxemburgensis Ducatus, aliis Mosellanus, qui olim in Catuacis & Leucis censebatur. Oppida in eo censentur circiter 20. præcipua sunt Totonis, aliis Theodonis villa, vern. *Theonville*, urbs naturâ loci & arte munita, ad Mosellam sita in lat. g. 49 m. 28. & Luxemburgium ad Alizontiam in lat. g. 49. m. 41 distans à læva Mosellæ ripa minutis 10. caput Comitatus, qui evectus est in Ducatum ab Henrico VII. primo ex ea familia Imperatore. Nunc est in ditione Regis Hispaniæ Sirkâ *Sirck* locus utcunque munitus est in dextera Mosellæ ripa.

Minutis verò 18. infra Sirkam Mosella excipit amnem Saram, ortum in vico Vezunze ex principatu Salmensi in lat. g. 48. m. 26. ex quo defluit ad pontem Saræ, seu Saravi *Sarbruk*, indeque transit ad Ulstringam & Ducatum Bockenheim, quem Lotharingus possedit ex decreto Spirensi, mox abit Gemundam & Valdefringam, vern. *Vandrevange*, ad quam Lazurum nobile eruitur: mox excipit amnem Nidam, qui Bossonis villam, vern. *Bossonville* Abbatiam, & post salutatam Sarburg, urbem quidem Imperialem, sed juris Archiepiscopalis, abit in Mozellam ad munionem Kerich.

Succedit in læva Mosellæ ripa in lat. g. 49. m. 50. Augusta Trevirorum, vern. *Trier*, urbs à Julio Cæsare expugnata, opulentissima totius Belgicæ Galliæ sub Clodii principatu, omnium transal-

transalpinarum maxima sub Constantino, sedes Imperatorum Romanorum ævo Ammiani marcellini. Eversa deinde ab Attila, & à Francis restituta. Nunc Archiepiscopum ex Electorum ordine agnoscit dominum, cui tanquam Metropolitæ subsunt Episcopi Metensis, Tullensis & Verodunensis. Inter Electores verò censetur ditissimus ob portoria, quæ exigit cum in Mosella, tum in Rheno, vixque ullus est, qui plures habeat nobiles sibi subditos. Residet ut plurimum Vittelici 30. in urbe munita, quæ minutis 15. distat Treviris sita ad amnem Leferum, qui miscetur Mosellæ è regione Veldentii *Veldentz* urbis, quæ caput est Comitatus ejusdem Electoratus. Urbes reliquæ sunt Mons Regalis *Montreal* g. 50 m. 19. ad amnem Eltz Confluentia. g. 50. m. 2. ubi miscetur Rheno, & ipsi opposita Hermanstunum munitio, ut creditur inexpugnabilis.

a *Flod. Regius. Otho. Fri. 6. c. 19. Goth. Viter.*

---

## C A P. LXI.

### *Vbii, Gugorni, Coloniensis Electoratus.*

**T**Reveris secundum Rhenum ad Septentriones succedebant olim Ubii gens transihennana, quæ sedibus suis pulsa à Cattis anno ante natum JESUM 35. transmissa Rheno agros accepit Condrusorum & partem Eburonū & Menapiorum, & ripam Rheni coluerunt ab amne Aar, quibusdam Abrinca, fluvius ad Geldubam, quod

quod unum fuit è L. castellis Drusi , quodque volunt aliqui esse Gelre caput Gueldriæ, alii Guldub exiguum in Rheni ripa vicum , 9. millibus passuum infra Novesium , tribus supra oppidum Ordingen, ubi nunc Coloniensis Episcopatus ferme totus, & Juliacensis Ducat<sup>9</sup> pars maxima. Ubiis verò fuerunt contermini Gugerni , in quorum agro nunc Clivenfis Ducatus sita pars magna & Geldrensis Ducatus portio trans Mosam & Juliacensis pars aliqua. Initio caput gentis Ubiorum, imò unicum eorum oppidum sit Bonna, priùs dicta Ara Ubiorum sacra Augusto Cæsari novo cœliti, ut vult Lipsius, sive Druso, ut sentit Claverius, deinde cū longo tempore suam probassent Romanis fidem veteranorum Colonia iussu Juliæ Agrippinæ Germanici filiaë deducta est anno à nato Jesu L. ad locum, qui propterea Colonia Agrippinensis appellari cœpit, quæ facta est inferioris Germaniæ caput. S. Maternus viduæ filius, ut putant, quem à mortuis Christus revocavit, hîc Evangelii sementem primus jecit Romanos expulit Marcomirus Frâcorum Rex circa annum 400. & Clodovæus Clothildis uxoris præsentem Deum expertus est in prælio, quod contra Alemannos ad Tolbiacum, 8. 50 m. 40. non longè à Bonna in Ubiis gessit. Francos ejecit Otho Magnus, urbemque tradidit Episcopo Brunoni, qui lapideum pontem, quo Rhenus trans mittebatur, diruit, ut volunt aliqui. Postmodum Heribertus inter Electores relatus est circa annum 996. Philippus de Heinsberg partem Vesfaliæ, cujus caput erat Ansberga, suæ acqui-

acquisivit Ecclesiæ circa annum 1180. hinc Palatium ære tectum, in quo sæpius Elector cōmoratur ad Rorā in lat. g. 51 m. 50. ut alibi ibidem dixi, tunc verò urbis Archipræsuli suberat quidquid erat ad Oceanū, nunc autē constitutis in Belgio novarū sedium præsulibus ei subsunt Episcopi non amplius 4. scilicet Leodiensis, Monasteriensis, Mindensis & Osnaburgensis. Possidet verò secundum lævam Rheni ripam Antunacum, g. 50 m. 30. vern. *Andernach*. Bonnam in planitie maximè feraci situm oppidum, in quo Elector sæpius commoratur, sicut & Briellii *Broël*, ubi castellum egregiè decoratum minutis tantum 7. distans Coloniā. Ad Bonnam finiuntur Montes Rhenenses, qui à Bingio incoeperant. Ipsa verò Colonia, g. 50. m. 58. urbs est Germanicarū maxima, Emporium celebre ædificiis nitens. 55. trium Magorum & 11. millium virginum reliquiis illustris. Joannes Duns hic sepultus anno 1308. apud Franciscanos. In Germanica ripa è regione Coloniæ excitatum Divitense munimentum. Qui nunc Elector Colonienſis idem est Episcopus Leodiensis, Monasteriēſis, Paderbornensis, tenetque præposituram Stalbo, g. 50. m. 21. in Luxemburgo & Hildesemium in Ducatu Brunsvicensi. Zontium, g. 51. m. 5. portorium est Archiepiscopi & castrum munitum. De Novesio jam dixi. Nunc de Cliviensi Ducatu.

Ducatus IV. Bergensem, Juliacensem, Cliviæ & Gueldriæ primus simul possedit Wilhelmus, qui anno 1543. cum stetit à partibus Francorum, victus à Carolo V. ditione suā spoliatus est.

est, quæ tamen ipsi postea fuit restituta, excepta  
Gueldriâ Zuthaniaque. Hic cum duxisset uxorem  
Mariam Austriacam Ferdinandi filiam, ex ea sus-  
cepit Joannem Wilhelmum, quo mortuo sine  
prole, magnæ sunt pro hæreditate ortæ discor-  
diæ. Nam Elector Brandenburgicus Joanne  
Sigismundus, nepos Leonoræ primogenitæ so-  
roris Joannis Wilhelmi, contendebat sibi debe-  
ri. Idem sibi vindicabat Dux Bipontinus, & Mar-  
chio Burgraviæ, filii aliarum sororum. Dum  
verò omnibus repugnat Dux Neoburgicus Ba-  
varus, quod proles esset Annæ sororis alterius  
quæ unica superstes erat, quando Joannes Wil-  
helmus obiit: Imperator armis Leopoldi fratris  
Juliacum occupavit, illud, ut inquebat cessurus,  
cui judices dirimendæ controversiæ præpositi  
adjudicassent. Batavi nomine Brandenburgici oc-  
cupant Embricam, Reefam præsidiis firmant &  
Francorū armis Juliacū. Rex Hispaniæ Neobur-  
gico suppetias laturus, illud denuò intercipit,  
partem hæreditatis tradit Neoburgico, & aliquot  
loca Præsidiis firmat, tandem sic fœdus initum,  
ut Dux Neoburgensis retineret Ducatus Bergen-  
genssem, & Juliacensem, reliqua obtineret Bran-  
deburgicus, Hispani servarent Juliacum, Sit-  
tardum & Orsoyū, Batavi Embricam, Ree-  
sam & Vesaliā, donec à principibus, quorum  
nomine arma moverant satisfieret. De partibus  
Transrhenanis Cliviæ Ducatus jam egimus, nunc  
dicendum de Cisrhenanis. Ex adverso ostii Ro-  
tæ Hollandi nunc obtinent oppidum *Mœurs* ag-  
gere, fossis, lunulis & pentagona arce munitum.

Succes-



Succedit Orsoyū g. 49. m. 30. Orsoy loc<sup>9</sup> alius, qui habet aggerem ramis & truncis sic impliciū à fundamentis, ut cuniculum agere in eam sit planè impossibile, fuit ante annos aliquot à Principe Auriaco interceptus, simul cum Rhinoburga, oppido etiam sito ad Rhenum, & ab Orsoyo vix leucâ diffitum, naturâ & arte prævalitum. Burikum similiter Batavi propugnaculis ex firmarunt, nec longè à Rheno in regione feci sita est Santena. E regione Reesii Rees in ripa Rheni munitionem excitarunt Batavi alterâ parte longiorem propugnaculis sex, & cornibus tribus constantem. Idem etiam præstiterunt ex diverso Embricæ urbis, à qua minutis non amplius 5. nec pluribus à divortio Rheni abest Clivia urbs caput Ducatus, sic dicta, vel à Clavis, quas gestabant Menapii in bello, vel quod inter vivos videntur pendere.

---

## C A P. XLII.

### *Batavia.*

Batavi Cattorum, quos nunc dicimus Hassos, quondam populus, seditione domesticâ pulsus, extrema Gallicæ oræ, vacua cultoribus, simulque insulam inter Vada sitam occupavêre, quam mare Oceanum à fronte, Rhenus amnis vergum ac latera circumlustrat. *a* Amnicarum insularum tunc erat maxima *b* patens in longum 100. m. passus *c* cùm nunc inter munitionem Schen, & Gravesande reperiantur tantum 83. reliquum scilicet Oceanus, vel abstulit, vel inun-

inundationibus suis ex fronte quæ spectabat Oceanum, fecit insulas, quas nunc dicimus Hollandiæ & Zelandiæ. Batavam corruptè dixerunt mediæ ætatis scriptores, & vulgus nunc *Batave*. Eam duplici alveo complectebatur Rhenus, dextero quidem qui à munimento Schenck Arnhemium versus Trajectum Leidamque directus ad Cattorum vicum, vulgò *Cattwuyck* evolvebatur in Oceanum, qui jam à tempore Plinii ad hanc usque diem nomen Rheni retinet, fuitque semper Galliæ & Germaniæ terminus. Porro cum metus esset ne in Gallias se effunderet Rhenus, quod hæc ejus ripa esset humilior, voluit Drusus aggerem ducere, sed fato functus, tantum post 66. annos Paulinus absolvit opus: quo deinde Civilis Batavus rebellans evertit, sicque Rhenum in mediam effudit insulam, unde enatus alveus, qui nunc Lecca dicitur *de Leckhe* quæ Culeburgium, Vianam & Schonhoviam delatatur, abit postea in Mosam. Præterea ab urbe Lugduno ducta est à Corbulone fossa alia dicta nunc *de Eliel*, quæ per Delphum miscetur Mosæ ad vicum Sluys. Exinde cum alij quoque alvei in Leccam, Mosam & lacus complures, qui ex prima illa effusione orti sunt, in dies agerentur, tandem celeberrimus ille & primarius Rheni alveus, sustitutus aquis non valens arenas propellere, quas venti vehementiores ingerebant, tandem hoc præclusum est ostium, ad quod & armamentarium & arcem Romani posuerant.

Sinister alveus, qui & latior & placidior Gallicam ripam à Batavia separabat insula, Vahales dictus,

Etus, is nunc est qui Noviomagum, Tiliam, omelium Geldriæ oppida, præterlapsus, adhuc nomen retinet ad arcem Loëhestin, ubi fossa manu ducta junctus Mosæ, novus Mosa dicitur, sed alterius quem habebat olim ductum aperire est sane impossibile, propter paludes & lacus, quorum nulla mentio apud antiquos, nec non propter alveos à varijs puta Merovæo Rege deductos, à quo nomen Merue aliqui nomen dedunt: certam resumpto nomine Vahalis, miri mosæ & immenso ejus ore in Oceanum effundi.

Utrum Batavi Reges habuerint non ita certum, constat eos inter Germanorum equites fuisse præstantissimos, armorum peritia & animo ad aggrediendum insignes, & Romanos antiquæ societatis cum ipsis initæ jura coluisse quam religiosissimè: enimverò nec tributis eos contemnebant, nec publicanus exemptos oneribus & collationibus eos atterebat, sed tantum in usum præliorum sepositi, velut tela atque arma bellis reservabantur. Batavos extra insulam suam quosdam agros coluisse, ut est certum, sic qui illi fuerint certò definire non videtur possibile.

*Tacit. hist. l. 4 b Zozim. l. 3. c Plin. l. 4. c. 15. d Aimonius. Regino. e Tacit. 13. Ann. f Tacit. l. de Germania.*

### C A P. XLIII.

#### *Belgij Confœderati Respublica.*

Cum Margareta Philippi II. Hispaniarum Regis soror, fratris nomine Belgiū gubernaret, armis-

armisque infesta essent omnia , ad pacandam Provinciam Ferdinandus Albanus Dux an. 1567. missus est; at secus omninò accidit : nam asperitate morum & animadversionis severitate , ac præsertim duorum primæ nobilitatis Comitum Egmondani & Hornani supplicio , omnium irritavit animos anno 1568. Ea propter Batavi, quos Hollandos vocant , & Taxandri, qui Zelandicas insulas nunc colunt , primi anno 1572. signum libertatis sustulere, excusso Hispanorum imperio, quod immodicis vestigalibus absque Ordinum consensu exactis invisum reddiderat Albanus. Ad illorum fœdus accessere subinde civitates cæteræ, & in eam coaluere Rempublicam, quæ Fœderatorum dicitur. Currens annus, quo hæc scribo 78. est à tempore, quo primùm coaluit, & tamen in tantam excrevit potentiam , ut per totum orbem colonias sparserit, nec ullus sit Princeps, qui plures armatas naves in bellum possit educere, nam præter Groningensem agrum , Frisiam, Transisalaniem, Gueldriam, Hollandiam, Zelandiam, Trajectensem Diocesim, partemque Brabantiae & Flandriae, ex quibus ipsum corpus Reipublicæ constat , possident in Africa Castellum d' Arquin in Nigritis, insulam ad caput viride sitam, Castellum S. Georgij de Mina in Guinea, in insulâ S. Thomæ sub ipso Æquatore Panoasan, ante regnum Congo insulam Loandam, & trans caput bonæ spei insulam Mauritij. In Asia, Gueldriam in ora scilicet Coromandelis , in insulâ Zeilan Columbo. In regno Seani emporium Malaca , in Java insulâ Novam Bataviam prius dictam

am Jacatra. In Molucis pene omnes insulas: & in Caloneso *Belle Isle* ad Sinas arcem insignem. In America verò Novum Belgium, plures insulas in Sinu Mexicano & partem Brasiljæ.

De eorum societatibus, & locis in quibus mercaturam exercent, fuse egi in mea hydrographia. Jagæ, ut plurimum tractantur publica negotia; primum suffragium in Comitibus, dat Gueldria & Zutphanium. 2. Hollandia. 3. Zelandia. 4. Trajectensis ditio. 5. Frisia. 6. Transisellana. 7. Groninga & Ommolandicæ. Singulæ regiones reguntur partim à suis ordinibus, partim à Generalibus.

## CAP. XLIV.

*Hollandia.*

**H**ollandia terra est cava, sub equorum ungulis tremens, æstuante Oceano depressior, & solis tuta aggeribus, quos inter nautæ, dum per altum vehuntur, arborum trans aggeres cacumina infra se vident. Continetur Oceano, parte reti austrini, rivo, qui Amstelodamum jungit ultrajecto, indèque alveo antiquo Rheni & Vali Regionis ambitus est 60. miliaribus definitus, lat. 8. ubertas soli tanta ut 44. lactis hemitas unâ die fundant vaccæ singulæ, observamque Ascendelphi è 4. vicinis pagis, tantum lactis uno anno colligi, quantum è Germaniâ superiore vini Rhenani devehitur Dorrechum. Verbo dicam, tota pascua est, naves ædificat propè innumeras, etsi ligno careat, lani-



lanifica est sine lino, omnibus quædam est cum discriminibus pelagi, non notitia solum, sed etiam familiaritas. In domesticæ suppellectilis nitore nulla orbis regio cum ea contendit. Equos habet ferendæ panoplæ idoneos, sed succussatores plerosque. Avium palustrium copia nusquam major. Censentur in ea pagi 400. & urbes 33. quarum præcipua Amstelodanum 52.26. emporium ex præcipuis Europæ in tristi, licet & squalida uligine situm ad rivos Amstellam & Danum, ex qua plus vectigalium colligitur, quam ex reliquis statuum ordinibus, cum tamen ante annos circiter 300. pagus esset sine nomine. Reliquæ Medenblicum 52.53. cujus aggeres algæ tenti maris rabiem spernunt. Enchusa 52.48. quæ factitij salis gloriam affectat, ubi Carolus Cæsar, & Philippus Rex Hispaniam petitori navim conscenderunt. Horna g. 52.m. 43. à portu flexuoso sic dicta, naves industria singulari ædificat, cuditur in ea Vestfrisiæ moneta. Alcmaria g. 52.m. 44. urbs nitida, vallo tuta & exsiccatis lacubus dives, ab ea leucis duabus distat lacus Zippa *le Zype* Oceani sentina, munita aggere Hontsbos g. 52.50. seu sylva Canina longum spatium patens secundum litus, in quo muniendo contra latrantes & rabidos Oceani furores accolarum continuus labor exercetur.

Harlemum g. 52.m. 28. templo, curia, foro, structura ædium, telarum cādore & luco insignis. Hic anno Christi 1403. vixit Sirena capta in vicino lacu quæ vescebatur pane, & nebat sed semper muta. Lugdunum Batavorum g. 52.m. 10.

urbs

urbs munda, post Amstelodamum populosissima, pannis & Academia celebris, medio Rheno ostio apposita. Cattvick Cattorum vicus Rheno ostium medium Galliae & Germaniae terminus Straboni. In eo deteguntur rudera arcis & armamentarii ibidem à Romanis ædificati.

Haga Comitum municipium totius Belgii pulcherrimum, sedes praefecti Hollandiae, sacrum curis & aerarii, ubi singulis ordinum collegiis sua sunt atria, ut de communibus negotiis decernant. Est & Palatium Principis Arausici longe pulcherrimum, ubi trabes ex Hibernia allatae, quae nulla cariae nullis aranearum telis inficiuntur. Delphium *Delft* Lotharingi gibbosi opus. Rotterodamum grad. 52. m. 3. oppidum propter mercaturam post Amstelodamum maxime celebre. Dordrachum, vulgo *Dordrecht*, ad trajetum Dorti amnis, atroci tempestate disruptis aggeribus à continente Brabantiae avulsa anno 1571. in hac olim fiebat Comitum Hollandiae inauguratio, nulliq; adhuc ædium splendore & civium opulentia cedit. Fretum Hollandiae ingens se hic aperit ad urbem Gerttudobergam. Pluribus agis jam ab anno 1421. hic absorptis. In eo tam delix est Salmonum captura, ut anno 1620. observatum sit in unica urbe Dordracho venisse salmones 8921. In hoc freto plures, nunc sunt, insulae cum olim, ut dixi supernus, unica esset Batavia. Earum feracissima censetur Voorn, in qua rija oppidum, quod opulentissimum foret, nisi vis luminibus officeret Rotterodamum. In ea insula nulli tolerantur mendici, sed omnibus ex

ærario providetur: Vidue verò nisi intra triduum nubant, jus amittunt capiendi Harengos.

## CAP. XLV.

*Mosa.*

**O**Ritur in Galliis in monte Vogelo proxime Abbatiæ *Voyge* in vico *Meuse en Bassigny* in lat. g. 47. m. 55. ex lacu, qui 25. minutis distat Lingonibus. Rivus ita exiguus, ut ad molendinum Harcuriæ nono minuto à fonte, utraque manu possis aquas sistere, ad vicum tamen Tibaldi m. 15. à fonte cimbæ tolerat. Inde progressus inter Ducatus Bari & Lotharingiæ rivus exiepit, qui collem rigat, in quo Mottense castrum munitio valida jussu Galliæ Regis Ludovici XIV. excisa, anno 1646. abijt postea Novum castrum *Neuf-Casteau*, g. 48. m. 14. urbeculam minitam, indeq; Valcurium *Vancouleur*, g. 48. m. 3. cui proximæ Arque *Arques* municipium, in quo orta ex pauperculo Opilione Joanna Arcuri vulgò Puella Aurelianensis dicta, quæ soluta occasione Aureliæ, desperatas res Francicas restituta posteaque intercepta ab hoste Anglo & Magistra postulata, Rhotomagi flammis addicta est, redactò in cinerem corpore, cor illæsum repositum est. Eam Callistus III. Sum. Pont. innocenter pronunciavit. Sequuntur oppida Commercy g. 48. m. 42. in finibus Bassigniæ, Fanum S. Michaelis, vulgò *S. Miel* g. 48. m. 54. in quo fuit Sertus Lotharingi sedes; Virodunum *Verdun* g. 49. m. 10. urbs Episcopalis jam ab A. 1552. Galliæ re-

tata, quam Ludovicus XIII. arce novâ cōmuni-  
vit, Stenaium *Stenay* g. 49. m. 25. municipiū Bar-  
rensis Ducatus naturâ & arte munitū. Mosoniū  
*Mouzon*, g. 49. m. 30. urbs ab hoste tentata sapius,  
& à civib⁹ semper defensa fortiter. Sedanium *Se-  
dan*, 49. 38. munitio principatus Ducum, qui Bul-  
lonii dicuntur à Castello Bullonio sito ad amnē  
*Semois* in lat. g. 49. m. 45. quod olim Dux Godefri-  
dus Hierosolymas profecturus Leodienſi Capi-  
tulo oppigneravit. Meſerix *Maisieres*, gr. 49. m.  
42. quam Baiardus Eques olim contra Cæsaria-  
nos generosè defendit. In ejus conspectu est Ca-  
rolopolis, urbs in peninsula Mosæ, fundata à Ca-  
rolo Nivernensi, postea Mantuano Duce, quæ  
nunc cōmunito Olympi monte à Ludovico XIII  
censetur expugnâtu perquam difficilis. Castrum  
Regnautium, terminus Arduennæ Sylvæ & li-  
mes Gallix. Arduennæ Saltus summa longitudo  
inter ortum & occasum fuit à Mosellæ Con-  
fluente ad extremos Atrebatium fines & littus  
Oceani. Latitudo maxima inter Meridiem &  
Septentrionem à Mediomatricorum confinio ad  
Vahalem usque, ut constat ex Cæsare & Strabo-  
ne. Verùm hanc latitudinem nego Cæsari posse  
esse 500. m. par, ut ipse ait, sed ut summum 250.  
m. mil. latitudinē 150. Agris postea excultis in va-  
rias partes divisus est, quarum nunc maxima à  
Theonvilla Leodium usque excurrit per leucas  
circiter 30 hic Andainū, seu Andaginum, nūc fanū  
S. Huberti 50. 6. in quo sanantur, qui laborant ra-  
bie. Montibus hinc inde tumulatur regio in  
duas partes divisa, quarum una Famenſa dicitur.

Famenne, corruptè *Famine*, nam frumenti omnis generis feracissima; altera Arduenna nominatur omnis generis venatione celebris. Carlomontium 50. 9. oppidum in Comitatu Namurcensi. Carolo V. munitum anno 1555. in montis fastigio, ut esset propugnaculum contra Marieburgum munitionem à Maria Hungariæ Regina inter amniculos Album & Nigrum ædificatam jussu ejusdem Caroli anno 1546. quæ in Gallorum potestatem venerat anno 1554. Marieburgo distat sesqui milliari, munitio altera à Philippo Hispaniarum Rege data Philippopolis quinque instructa propugnaculis, ædificata similiter anno 1555. Eidemque Mariebutgo etiam proximum est Chimacum, Principatus titulo & Palatio Alsotani Ducis insigne ad caput ejusdem Albani, qui miscetur Mosæ minutis 5. supra Carlomontium. Dionantum *Dinan* 50. 18. Eburonum Leodiensium prædives oppidum propter area Metalla, Alabastrum & Marmor omnis generis. Arcem habet Ovalem in extrema rupe sitam. Boviniacum *Bovines* sæpius vastatum nec non celebre ob pugnam ad illud oppidum commissam. Namurum *Namur* 50. 28. Comitatus nobilis, fodinas habet carbonis, ferri, marmoris. Arx sita in edito loco, urbs verò ostium Sabis *la Sambre* in Mosam, ad Sabim habes in lat. 50. 10. munitionem Landreceium *Landre* 5. propugnaculis pessimis, sed operibus eternis non contemnendis instructam: mox augmentur amniculo Hepra, qui Avenias rigat arcem Carolo V. fundatam, nec non sanum D. Virginie



de Lieffe, toto orbe Christiano celebre: hinc abit  
Malbodium, *Maubenge* 50. 20. capitulo Canonici-  
carum à S. Aldegonde dictum nobile.

Hoynis *Hoey* 50. 37. urbs Condrusorum Leo-  
diensium ad ostium amnis cognominis in Mo-  
sam sita, cui imminet castrum antiquum & illu-  
stre, hinc ad Leodium secundum lævam Mosæ  
ripam extensa regio, dicitur Arbain, seu Haspen-  
govv Comitatus Juris Episcopalis, pars Duca-  
tus Hasbanii & Mosellani, cujus erant Comita-  
tus 4. ut habetur in capitulis Caroli Calvi. Leo-  
dium Eburonum urbs Primaria Belgis Luyck  
50. 30. Tungrorum Episcopatu celebris, fontibus  
rigua, in qua Opificum Collegia 32. cum urbis  
Magistratu de omnibus decernunt, sit licet Epi-  
scopus loci dominus. In ea est Academia olim  
quàm nunc celebrior, dives est, quia Gallorum,  
Flandrorum & Germanorum nexus. Hic ex Ar-  
duenna sylva miscentur amniculi plures. Vesam,  
qui Limburgum alluit Urbem caput Ducatus  
cognominis sitam cum arce sua in rupe prædura,  
& prærupta. Ex agro circumposito eruitur pluri-  
mum æris & ferri. Thenus Franchimontium  
rigat Marchionatum Episcopi Leodiensis. Urtus  
amnis prodit ex Luxemburgio, ubi Rupem alluit  
oppidum naturâ munitum & Durbutum caput  
Dominatus. In eum labitur Alba amnis alius, qui  
prodit ex Comitatu per antiquo, cui nomen Sab-  
ba. Infra oppidulum Vesetiam miscetur Mosæ  
ervinum fl. qui rigat Dalhemum oppidum  
um arce munitâ, & Vallem Dei Abbatiam per-  
celebrem. Trajecto, vern. Maestricht, g. 50. m. 40.

in Tungris urbi amplæ nomen à ponte, quo hic traicebatur Mosa, ubi rivum admittit Jecker, qui Borckvörmium perluit caput Comitatus Habbaniæ, indeque Tungren, g. 50. 40. Nobilissimâ Galliarum Metropolim, quâ furore Attilæ funditus eversa, iterumque à Northmannis excisa, Episcopatus primò Traiectum, deinde Leodium translatus. Ab ea urbe per 60. leucas Parisios usq; via erat strata lapidibus, aggere & peribolo munita. Inter Tungrorum rudera Virgo Tungrensis senescit nunquam, sed in celeberrimo ejus templo, quod ipsi primum in Galliis fertur consecratum, cultus ejus propter innumera coelitus collata in dies dona, efflorescit.

Ad Ruremondam, g. 51. m. 12. Gueldriæ Metropolim, cinctam muris ab Othone III. Gueldriæ Duce, nunc frequentem habitatore, situ & arce munitam, & Episcopali sede donatam anno 1559. Mosæ affunditur Rora, qui urbes alluit marcodurum, vulgò *duren* g. 50. m. 50. propter caput S. Annæ celebre, nec non Juliacum, vern. *Gulick*, g. 50. m. 56. caput Ducatus cognominis. Roræ miscetur amnis Vorm, ad cujus fontes longè saluberrimos, sedet Aquisgranum, Belgis Aken, g. 50. m. 48. Caroli Magni aula insigne & sepulchrum in quo sacrum ejus corpus Opobalsamo conditum, in sella sedet aurea, Imperatoriis vestibus decorum, interius tamen amictum cilicio, quo sapius usus est dum viveret. Sceptrum tenet unâ manu, alterâ Evangelium, & peram, quam tulit, dum religionis causâ ad limina Apostolorum profectus est. Fulget in capite diadema signo S. Cru-

S. Crucis conspicuum, ensis affixus est lateri. Scutum à Leone consecratum pendet è fornice. Que porro contigerint, quando Otho Imperator illud ingressus est sepulchrum, quomodo ungues, manuum & antones, id est Chirothecas, perforant, vidè apud Chesneum tom. 2. Ubi etiam habes Apologiam, in qua quidam Marquardus ostendit Carolum nunquam pavisse barbam, nec prolixam gestasse. Minutis 6. infra Ruremundam est Venlonum *Venlo*, urbs munita ad Mosam, unde initium fossæ S. Mariæ desinentis ad Bergam Rheni, qua duo hæc flumina Hispani parabant jungere. Ad validissimam munitionem *Gnenep*. Mosam admittit amniculum *Niers*, ad quem situm Gueldria oppidum, vulgò *Gelre*. Sequuntur ad Mosam Gravia urbs munita. Megha & Ravesteinum oppida præcipua Comitatum, qui ab illis nominantur. Ad munitionem S. Andreanam, aulamque ipsi oppositam in insula, Voorna Mosam primum jungitur Vahali, moxq; ab eo sejunctus excipit Domelam amnem, qui Boscum Ducis irrigat, g. 51. m. 40. Abit deinde Huesdenum, & ad urbem Gorcum, g. 51. m. 56. iterum miscetur Vahali: hæc urbs opulenta est, munita, ex ejus turri duo & vicena oppida muris cincta contueris, arcem habet cultissimam, & portum commodum, Hinc fretum ingens se aperit, pluribus pagis, jam ab anno 1421. absorptis. Ad illud est Gestrudoberga, & in eum aquas immittit fl. Merke, qui irrigat. Bredam urbem munitissimam captam fame ab Hispano, mensibus 11. receptam duobus mensibus fortitudine exercitus Batavici.

## CAP. XLVI.

*Insulae Hollandicae & Zelandicae.*

**A**D ostium Rheni unicam olim fuisse insulam dictam Bataviam dixi superius, nunc ad Mosæ ostia hæ sunt præcipuæ. *Onormars* insula Roterodamo opposita, ubi gleba totius Hollandiæ feracissima. Vornannus ager multis constans insulis, in quibus nascitur Helmi aptissima ad firmandos aggeres. Præcipua urbs Helium Castellum nunc Briela *Briet*, ubi jacta fundamenta confœderatorum Statuum, Anglis in eum finem oppignerata, deindeque redempta. Goërea additur à quibusdam Vornano agro, urbiculae habet plantam, non mœnia.

Ab Hollandiæ insulis modico freto separantur insulae septem, nunc dictæ Zelandicae, vel à Zelandis Danicæ insulae populis, vel à verbo *Zee*, quod ipsis idem est, quod aqua. Orientales ab Occidentalibus insulis, discriminat Scaldis amnis. Orientales præcipuæ sunt tres Tolla à vectigalibus nomen sortita, Brabantiae contermina. Duelandia, cui nomen à columbarum frequentia, in qua urbes multæ, quæ peierunt anno 1530. Scaldia quæ maris sævitia in dies atteritur, Occidentalium insularum primaria & maxima Suitbevelandia, à qua avulsa civitas Romersvalla, quæ unica salis negotiatione subsistit. Huic in Boream Norbevelandia opponitur, cujus magna pars aquis jam periit. Inter utramque *Wolferdsdich*, duos saltem pagos habens. *Walchria*, *Walcheren* Brabantiae obversa est, urbes continet *Ulfissin-*

Ulfissingam Anglorum, & Francorum navigatione, necnon Principis Arausicani Palatio claram, Middelburgum urbem munitam, in qua vini Stapula, & Camponeriam: quæ omnes pascuis abundant & cuniculis, sed aer ibidem paulo est asperior.

Eas multâ effossione à continente Flandriæ dissecuisse Imperatorem Othonem anno 980. habent Annales Hollandiæ, & insulas fecisse, ne à Francis facillè occuparentur. Rollonem postea Danorum Ducem Valachriam aliquandiu, eiq; vicinas insulas tenuisse, priusquàm in Gallias transmitteret, ostendit Pontanus in historia Daniæ.

## CAP. XLVII.

*Belgium.*

Galliæ Belgicæ limites statuunt plerique, post Cæsarem l. 1. Comment. Rhenum à medio ejus ostio ad Tribocos, hincque lineam ductam per fontem Matronæ, ad ejus os in Sequaniam, inde ipsum Sequanam, & maris Oceanii littus, inter ostia Sequanæ & Rheni. Strabo eam producit ad Ligeris ostium, & inter Belgas, quorum populos numerat 15. ponit Venetos. Qui Cæsarem attentius legerit, maximè libro 5. & 8. judicabit genuinos Belgas, à quibus est cæteris inditum nomen, fuisse Bellovacos, Veromanduos, Ambianos, & Atrebares. Scaldi ad Sammarum, secundum littus incoluerunt olim Taxandri, Morini, Oromāfaci, Britanni Ambiani, Taxandri natio Germanicæ originis, T. Labieno Cæsaris Legato domita, eas partes



obtinebat, in quibus nunc insulæ Zelandiæ. Oppida certè neque tunc, neque multis sæculis post habuere post Cæsaris ævum.

His succedebant Morini à proximo mari sic dicti, ab iisdem insulis ad Bononiam usque extensi, Belgarum extremi respectu urbis Romæ. Hi similiter ævo Cæsaris, nec urbes, nec oppida habuisse noscuntur, sed in tuguriis habitasse, omniaque quæ habebant cara abdidisse in paludibus & sylvis, quibus tunc plus damni intulerunt Romanis, quàm ab ijs ipsi acciperent. Hi omnes ipsique conjuncti ad Amisim & Rhenum, sunt postea à depressiore regionis situ, & quod pro majori parte lingua Teutonica utantur, Germani inferiores dicti. Flandros nunc vocamus ab una eorum clarissima Provincia. Collabente Imperio Romano Franci anno 431. transmissi ad Duisburgum Rheno, prima Regni Franciæ jecerunt fundamenta. Frisia similiter postquàm jugum Imperij Romani excussit annos ferè 400. sub Regibus suis stetit donec illis extinctis omnes eas partes ad Daniam usque Carolus Magnus sibi subjecit: cum verò per extrema Gallia Belgica litora Lidericum, Harlebecum, Saxonem, Gardianum, & Forestarium Flandriæ constituit, & Comitem seu Præfectum littoris & sylvosæ regionis, cui ex gratia Regum Franciæ, succedere varij ad Balduinum de brachio ferreo cognominatum, qui Comes Flandriæ creatus à Carolo Calvo, in gratiam Juditæ filia, quæ ei nupsit. In alijs similiter Provincijs circumpositis, varij fuerunt à Gallis constituti Comites, quorū ditiones

per varias subinde affinitates diversis Principibus adhæserunt, donec tandem anno 1356, ad Philippum Franciæ, Ducem Burgundiæ, cognomento audacem, Joannis Regis filium, qui Margaretam Ludovici III. Flandriæ & Burgundiæ Comitis hæredem duxerat uxorem, plurimæ dynastiæ pervenerunt. Occiso. verò hujus pronepote Carolo Burgundiæ Duce ante Nanceium, anno 1477. Januarij 5. quando non jam Burgundiæ Dux, vel Comes Flandriæ, sed Gallicæ Belgicæ Rex appellari, omni arte satagebat, Maria ejus filia & hæres, anno 1477. Augusti 20. nupsit Maximiliano Friderici Imperatoris filio, & nobilem antiqui Belgij partem, in Provincias 17. ad imitationem antiquæ Galliæ, tunc divisam transtulit in domum Austriacam, in qua ad hanc diem perseverat, si partem illam excipias, quæ ab anno 1572, in Remp. coaluit quæ Fœderatorum ordinum dicitur, & aliam quam Franci his ultimis bellis occuparunt. Quatuor fluminibus præcipuis irrigatur, scilicet Agnione, Lilio, Scaldi & Demero; quæ omnia ad Candavum confluunt, hincque varijs ostiis & canalibus in æstuarium Zelandicum evolvuntur.

*a Plen. lib. 4. c. 17.*

---

CAP. XLVIII.

*Agnio, vulgò Aa.*

**A** A Danis, Belgis & Teutonibus, fluviolum significat: hic noster oritur in Atrebaribus in Marchionatu *de Renty*, eo penè loco, ubi com-

commiffum acre prælium anno 1554. inter Imperatorem & Regem Chriftianiffimum. Hinc fecundùm fines Morinorum progressus, perlabitur Abbatiam *Sithieu*, quæ nunc Audomaropolis *S. Omer*. 50. 45. intra cuius Ecclefiam *M. Bertino* facram, ex quo feptus in ea *D. Audomarus* nulla mulier viva eft admiſſa, nec poſt mortem ſepulturæ mandata, Huic proximus eft lacus, in quo enatant mobiles inſulæ pascuis uberes. Mox ſinuofe per *Vindocinenſis Ducis Vicecomitatum Bourbourg*, tendit *Gravelingiam Graveline* 51. oppidum ejuſdem ditionis, à *Theodorico Elſate* conditum anno 1528. à *Carolo V.* in cuius urbis conſpectu, poſt atrox prælium *Polemarchus de Termes*, captus eſt anno 1558. ipſaque tandem vi capta à *Gaſtone Franciæ Regis Ludovici XIV.* patruo, anno 1644. Hinc aquarum parte ad ſingulos portus effuſa, junctus amnibus *Emelô & Colmæ*, ſui parte maximâ Oceano parallelus agitur per *Sluſam* in *Euripum Zelandiæ*: Sunt vero urbes in hoc littore celebres *Mardic*, armamentarium nauticum Belgij. *Dunikerka* 51. 5. à *Balduino* fundata anno 966. & nuperrimè capta ab invicto Principe *Enguineo*, anno 1646. ſic dicta à templo, quod *Kerke* *Flandri* dicunt, & rupibus quas vocant *Dunes*. Et vero ejus turris ſic eminet, ut ex ea *Duverana* rupes *Angliæ* appareat. Subit poſtea lacum *Moër*, qui ita altus eſt, ut naves, quæ *Danquerqua*, *Furnas* & *Neoportum* commenant, interdum abſorbeantur. Ad *Neoportum Nieuport*, 51. 7. qui mœnibus cinctus eſt anno 1383. *Agnio* excipit Iprum fl. cui nomen ab urbe *Ipra*

50. 53. in solo totius Flandriæ feracissimo sita; cuius equi, butyrum, & domesticæ volucres sunt in pretio. Laudantur & quæ sunt in foro publicæ porticus, quarum ligna ex Dania, ut creditur allata, quod toto mari interjecto fluctuarunt, nullis araneorum telis inficiuntur. Ostenda 51. 13. celebris obsidione, quam toleravit annos tres, menses duos, & dies quinque, tandemque dedita anno 1604. ajunt ad eam periisse hominum 72124. in urbe 50000. Brugæ 51. 11. Emporium olim Hanseatici foederis, urbs tota pascendis oculis dicata, propter ædificia & cultum civium, laudatur & hydraulica ejus machina. *Dame*, munio celebris, ad quam nundinæ equariæ mense Majo slusa, Sigeberto Clausulæ, vulgò *Sluys* capacissimum habet portum, quem Zuinum vocant, in quo & locis ipsi proximis Carolus VI. classem paravit 1400. navium, cum invadere Angliam cogitaret.

## CAP. XLIX.

*Lilium fluvius.*

**L**ilium, *le Lis*, fluvius ad instar Lilij argenteus, alijs dictus *Lisa* & *Legia*, fontem habet in vicco *Lisbourg*, in quo S. Audomari Morinorum Præsulis corpus, quod Hugo Quintinopolim transferre moliebatur, immotum stetit ad ann. 843. quo in *Sittien* relatum urbi nomen dedit. Vix à fonte Lilij minutis 4. distat Azincurtius pagus in quo 25. Octobris, anno 1415. commissa pugna

adversus Anglos, in qua flos Gallicæ nobilitatis perijt: ad proximam Abbatiam *Rousseauville*, locus adhuc ostenditur, in quo mandata humo occisorum cadavera. Post aliquot minuta recipit Meldam amnem in vico *Esca* ortum, haud procul Audomaropoli, ubi existimo fabricatas naves 40. quas Cæsar in reditu è Britannia reperit factas in Meldis: quid enim cum Matronensibus, aut Narbonensibus Meldis Cæsari, tunc commune? Liliū admissio Melda apud Thinnas petit Taruennam 50. 38. à Romanis conditam, à Vandalis everfam, à Saxonibus restitutam, à variis Principibus obsessam, & à Carolo V. everfam funditus anno 1553. Hinc abit Aerias, *Aire*, 50. 38. quæ urbs est altera parte longior bella & munita, à Gallis capta, & ab Hispanis recepta, anno eodem 1641. ab ea Audomaropolim usque Balduinus Insulanus, Flandriæ Comes, duxit fossam plenam aquis, *le Neuf fossé*, ut limes esset Artesiæ. Excipit deinde amnem Limpidum ortum ad Perniacum, qui Atrebatensem Episcopatum proprie dirimit à Morinico seu Tarvenensi: mox alium qui Bethunias castris celebres alluit. Duellam postea admittit, qui insulas *Jisle* 50. 37. rigat Gallicæ Flandriæ urbem præcipuam, in qua ingens commercium panni cilicini, qui lubrico pilorum texto arcendæ pluvie est aptissimus. In ea hodieque apparent rudera castelli *de Bucq*, ubi sedes olim Sylvanorum Flandricorum, qui toti Provinciæ præerant, à Regibus Galliæ constituti. Auctus aquis Cortracum petit 50. 50. urbem ex antiquissimis Belgij, unde  
Remos



Remosusque via fuit lapidibus strata : ad eam tempore Philippi pulchri commissa est pugna Gallis cruenta, tandem abijt Gandavum, ubi miscetur Scaldi.

## CAP. L.

*Scaldis fluvius*

Fons ejus in Veromanduis altera leuca supra Castelletum 50. munitionem in finibus Galliaesitum palustri loco; in stagna mox dilatatus Atrebates ingressus Cameracum abijt 50. 9. urbem Archiepiscopatu celebrem & arce quam Carolus V. in monte Gaugerico excitavit anno 1543. ut de tenuissimæ telæ officina taceam. Exinde Bochanium 50. 15. alluit oppidum Nerviorum, quod Pipinus fundavit in memoriam devotarum in eo loco Theodorici, ut ajuut, copiarum Urbem ingreditur Valeucenas 50. 27. propter loci amœnitatem variis gratam Principibus, telâ quam Sayam vocant, & stapula vini Francici celebrem Pergit Condatum 50. 25. oppidum quod Dux Monpenterius vendidit, ut se redimeret, quâdo in prælio ad D. Quintini captus est. Ad Condatum, Scaldis amnem excipit Henium, à quo Hannoniæ nomen, ortum in Saltu Carbonario propter Bingiû 50. 24. ubi Margareta Hungariæ Regina Carolum V. fratrem suum excepit, an. 1549 & palatium hortosque ad delicias excitavit, in quibus laudabatur Ceres alta pedes 28. Mons Parnassus ex cocleis gemmarum & Corallio, Fons Helicon cum novem Musis ex marmore, & Mallu.

Malluvio ex Porphyrete. Mensa operis musivi, & innumeris testulis vesicoloribus, quæ urbem Bingium referebant ad vivum. Herbulæ & flores tanto artificio ficti, ut licet ex solido essent metallo, levissimo tamen auræ stabello moverentur. Plantæ ex remotissimis conquistæ orbis partibus, columnæ marmoreæ, fictitium cælum, quod præsentē Carolo V. intonuit, pluvias & fulgetra immisit, & alia innumera, quæ anno 1554. Rex Galliarum in cineres redegit, memor injuriæ ab eadem Regina acceptæ, quando vastata Picardia, hortis Regijs & Palatio de Folaubray 49.30. prope Noviodunum faces intulerat. Idem Henius Montes *Mons. 50.25* alluit Hannoniæ urbem præcipuam, in cujus agro fodinæ sunt ferri, plumbi, marmoris, carbonis, & calcis. Henius Trullam excipit venientem Bavaco 50. 16. urbe antiquâ, in cujus foro dicitur Brunichildis Regina statuisse columnam, à qua inchoarent viarum capita, quæ in omnes Galliarum partes feruntur, vulgò *les chemins de Brunchaut*. Verùm hæc est eadem via, quæ Tungris Parisios. Ad pagum *Mortaigne*, in scaldim influit Scarpus amnis, qui ortus in monte S. Eligij urbes alluit Nemetacum vulgò *Aras. 50.15*. Atrebatum Metropolim, quæ licet 42. leucis distet Parisijs, unâ tamen die non mutato equo ad eam pervenit Joannes Burgundiæ Dux, post necem Ducis Aureliæ. Commendatur in ea S. Vedafti cœnobium dives: Manna quod D. Hieronymus suâ ætate illic pluisse refert in Epist. Cereus acceptus celitus, miraculis clatus, habitationes subterraneæ & urbis fossæ cum

aggere,

aggere, cui externa opera non pauca addiderunt Galli, ex quo eam occuparunt anno 1640. Eandem urgetripam Duacum urbs in cujus Academia, auditores Philosophiæ numerati mille ducenti. Mox Origiacum *Orchies*, sequuntur ad Scaldim Lannovium 50. 50. ubi ex lino & lana textitur Holofericum adulterinum, vulgò *Tripe de velours*. Hujus loci dominus erat Lanovius ille Prorex Neapolitanus, cui se dedit Franciscus I. Gallia Rex, ad Papiam bello captus. Tornacum *Tournay*, 50. 36. Ecclesia Cathedrali celebris & muro ex crassiori marmore coloris cærulei. Oudenarda 50. 50. ubi telæ, & peristromata magno numero texuntur. Gandavum 50. 5. Flandriæ Metropolis, varijs fluminibus partitum in 27. insulas, quæ pontibus 98. committuntur. Hic Dominicanorum Ecclesiam obstupefces latam pedes 60 sine ullis columnis.

## CAP. LI.

*Demerius fl.*

Oritur in Eburonibus prope Tungros: urbes alluit Leodiorum *Bilsen*, g. 50. m. 54. & *Hasselt*. Illi proximum est S. Amoris Monasterium prædives Canonissarum, videtur etiam *Curinghen* Palatium à Cardinale Marchano excitatum quò Leodij Episcopi solent divertere. Diestum oppidum 51. in Ambivaritis, Baronia Nassoviæ gentis, ad quam etiam pertinet oppidum Sichemium, in cujus finibus medio illinc milliari collis exurgit leni fastigio, quem acutum vulgò

Vulgò dicunt, in cujus quercu reperta à pastore Deiparæ icuncula, ad quem incredibilis hominum etiam dissitorum concursus propter mira quæ ibi patrantur, etiam excisa arbore. Arescotum, ita vestutiores dicunt, Ducatus titulo insignitum à Carolo V. in gratiam Guillelmi de Croui. Meclinia g. 51. m. 2. urbs in umbilicio olim Ambivaritorum, nunc Brabantiae, Archiepiscopatu, & supremo Belgij Senatu illustris, Demermunda urbs sita ad confluentes Demeri & Scaldis in qua texuntur panni quos dicimus *Futaine*. In Demerum influunt, *Geest* qui perluit Tillemontium g. 50. m. 48. urbem sæpius captam & receptam. *Dielins* qui Lovanium g. 50. m. 53. urbem Brabantiae primariam quæ anno 1427. iussu Philippi Audacis dimensa, major deprehensa Gâdavo tribus Virgis, Leodio 8. Parisiis decem, Colonia 18. Ipsum verò continere virgas omnino 3691. singulis pedes assignando 14. referunt qui de ea urbe scripserunt, quos ego falsitatis manifestæ, ut convincant, autum dico, Parisiensis civitatis Pomerium, quod ab eo tempore fuit toties amplificatum, nec dum eam habet amplitudinem, quàm ipsi volunt, tunc obtinuisse. Illius Academia fertur instituta anno 1422. Zena, fons ejus in Hannonia, rigat Halam oppidum modicū, ubi sacellum D. Virginis, cujus religio ingredienti tangit, & concursus maximus, propter mira quæ crebra & assidua ibidem fiunt. Bruxellas g. 50. m. 52. quæ nunc est sedes Principum Belgij propter situs amœnitatem. Conservantur in ea exuviae equi qui Archiducem Albertum ex prælio Nipor-

Niportensi reportavit, qui cauda & juba humum verrebat. Viluorden castrum, in quo asservantur authentica privilegiorum Brabantiae.

## CAP. LI.

*Æstuarium Scaldis,*

**A**D Gandavum, Oceani reciprocantis æstus sentit Scaldis, trigesima ab ostio leuca: quæ spatio illo reperiuntur celebriora loca sunt Ruppelmunda, Mercatoris eximij Geographi patria, & eorum qui Principi dubia fide putantur, custodia. Antuerpia, ocellus urbium Brabantiae & Emporium celeberrimum, antequam bellis civilibus, excitatae arces Liloë, machinis & tormentis bellicis eò navigantes impeterent. Visenda sunt in urbe non pauca, ut fluctuantes terræ, quæ ventis, vel conto quolibet impelluntur. Horologium, cui tam suavi modulatione anteambulus cuique horæ ludus est, tam plena symphonia, ut admirationem stuporemque adventantibus creet. Senatoria domus, cujus elegans structura, certat cū maculoso & candicante quo constat marmore, Bursa, Osterlinga domus officina Vitri, castellum aquarium, dispensandæ in universam urbem novam per subterraneas formas, tubosque aquæ, industria & velocitate mira. Typographia Plantiniana in qua 100. prope characterum genera. Sinus octo, atque hinc navium in ipsa urbe receptacula totidem, quæ grandiores onerarias 100. de facili excipiant. Prominentes è litore aggeres, in quibus forā sunt littoralia, urbis mœnia



mœnia octo validissimis in mutuam tuitionem  
 procurentibus propugnaculis , præter arcem  
 quinque propugnaculis mutuo se defensantibus  
 firmatam. Ecclesia denique Societatis nostræ,  
 quæ non ultimum est hujus urbis miraculum.  
 Ad Castrum Saftingen quarta infra Antverpiam  
 leuca, Scaldis in duo se dividit cornua, quorum  
 alterum versus occasum profluens *Hont* dicitur  
 & post leucas 12, Oceano committitur inter Slu-  
 sas & Walcriam insulam. Alterum cornu in Se-  
 ptentriones labens ad urbem Bergam, g. sr. m. 30.  
 Soomam excipit amnem, iterumque in duo bra-  
 chia divisum, quorum unum *vos Meer* dicunt &  
 una leuca supra *Tolen* influit in Mervam verum  
 Scaldis ostium tempore Cæsaris: alterum Zelan-  
 diam in varias partitur insulas & Scovvnam in-  
 ter & Valacriam in Oceanum evoluitur. Nullum  
 hoc in tota Europa flumen magis piscosum. Ca-  
 nes marini in ejus littore exponunt ova, catulos  
 fovem & lactant, donec aquas subeant,  
 pilosi sunt, sed vocis in-  
 gratæ.



— — — — —  
 GEOGRAPHICA  
 ORBIS NOTITIA.

PARTIS PRIMÆ.

LIBER QUINTUS.

---

CAPUT I.

*Mare Britannicum. & insula*

*in eo.*

CUM mare, quod Galliarum pulsat littora à Rheno ad Sequanæ, & veletjam Ligeris ostia, majores dixerint Britannicum, quando Albion necdum appellabatur *b* proprio nomine Britannia, nec ullis adhuc erat ad navale bellum armata navigiis, contenta *c* vimineis: E contra verò Galli imminentes Oceano, portus obtinebant præstantissimos, præliares Gaulos magni modij numerabant bene multos, omnésque eos, qui eodem mari uti consueverant, habebant *d* veditigales: non planè aliena à verò erit ejus ratiocinatio, qui dixerit, hoc ipsi nomen fuisse impositum à Britannis Gallia Belgicae populis, quos Plinius post Gessoriacum pagum ante Ambianos constituit *e* quos Dionysius celebrat, & post eum Eusta-

Eustathius: Britannorum inquit nomen ferentes sunt è regione Britannicæ insulæ. Ex quo autem à Britannis, Atrebatibus, Morinis & Armonicis hoc est Gallis ad mare positis in varias hujus maris insulas missæ sunt Coloniae, omnes communi nomine primum dictæ sunt Britannides, deinde earum præcipua appellata est magna Britannia, tandemque mare his omnibus circumfusum, ab ultima *Thule* ad extremum Galliæ cornu dictum est Britannicum, cujus partes sunt Fretum Pinthlandicum, mare Scoticum seu Calcedonium, mare Vergivium, seu Hibernicum, & pressius dictum Britannicum. Pinthlandicum fretum dicimus, eam maris hujus partem, qua è Cathenesia Scotiæ parte maximè boreali versus Orcades periculose omnino navigatur propter impetum quo labuntur adversantes sibi undæ, cum à mari Germanico, tum ex Occidentali per varios insularum anfractus reditusque emissæ.

Caledonium mare alluebat, quicquid Britannia ultra murum Antonij Pij versus Septentriones utrinque prominebat, quod omne spacium sylvæ Caledonia in immensum, per incurva Grampij montis diffusa, occupabat. Tamen magis propriè qui partem ejus incolebant sinistram hoc est ortivam, Vecturiones dicti reperiuntur: f qui dexteram, seu occiduam Deucaledonij (*Deheu* enim Britannis dextrorsum significat) à quibus & Deucaledonium mare.

Quod autem à Deucaledonio mari vergit ad occasum & austrum, in quo sita Hibernia, Vergivium mare dicitur à plerisque, & si sint qui ver-

nacu-

naulum putent hoc nomen Hibernis. Vallem Scythicam appellat Gildas eam Vergivij maris partem quæ Angliam separat ab Hibernia quæ nunc dicitur Canalis S. Georgij, cujus periculosa admodum est navigatio propter concursum fluviorum qui ex utraque insula tanto cum impetu in eum prolabuntur, ut in solito æstu penè semper videatur effervescente.

Denique Britannicum mare dixit Ptolem. quod Britanniae partem Australem rigabat. Nunc totum illud quod Angliam inter & Galliam excurrit passum Galli vocant. *La Manche*, Hollandi Canale, Angli Sleisl.

a Plin. l. 4. cap. 19. b Ptol. tab. 1. Europa. Virgilius. c Paneg. dictus Maximiano. d Caesar de bello Gallico. e Plin. l. 4. cap. 17. Pomponius Latus. f Apud Marcellin.

---

## C A P. II.

### *Britannicarum insularum commendatio*

**B**ritannides naturæ gaudentis opus, miraculorum orbis epitoma, insulæ fortunatis beatiores, in quibus mite cœlum mensibus æstivis, & hyems non inclemens ob perennes auras quæ circumfluentis maris tepore recreatæ homini perorique blandiuntur. Numerantur plures 350. pleræque omnes lætis & dulcibus herbis abundantes: aliquæ tam uberes habent segetes & luxuriosa frumenta, ut Cereris & Liberi muneribus abunde cæteris sufficiant. Certum Romanos olim

olim ex iis tanquam & Occidentalis Imperij altero horreo, octingentis navibus frumenta quotannis exportasse *b* ad limitaneos exercitus alendos per Germaniam. Dicam postea regiunculam cujus solum probe subactum sponte fundit hordeum absque omni semine. Sunt in iis sylvæ feris plenæ omnis generis, in quibus venationes publicæ sæpius in anno instituuntur, in quarum una pedicæ & capistrum interdum quingentis sylvestribus equis inicietur, qui intra sex menses fiunt cicures & generosi, modo non sunt vetuli, alibi una venatione octingenti cervi mactabantur. Narrat Lellæus Episcopus visum à se Ceruum vastæ molis cujus obesum, seu pingue latum erat decem digitos. Sunt vaccæ Candidæ, quarum adeps solvitur in oleum. Sunt tauri dense instar leonum jubati, nec minus truculenti. Sunt oves, quæ carniū teneritudine omnes superant, quæ vellerum mollicie certant cum Apulis, sunt, quæ auro videntur tinctæ, sunt, quæ tergeminos edunt partus, sunt, quæ terna, quaternave habent cornua: sunt arietes, qui sena. In quibusdam sunt equi, qui Asturconibus non cedunt fortitudine, nec alacritate: alibi qui gradientes per stagna vix tenui luso insidentium ocreas inficient, ita molliter ambulant: sunt, qui flexis poplitibus paludosa loca transmittunt per quæ vix pedites audent insequi: sunt & gradarij adeo agiles, ut quoscunque antevertant. Quid dicam de canibus, quos dixerunt antiqui Agasseos nunc Agassehound, sunt villosi, qui aves imò, qui pisces acutissimè odorant. Suat rursi, nigris respersi macu-



maculis, quorum tanta sagacitas, ut fures & abigeos ad 20. leucas sine ullo errore assequantur, tanta audacia & fide, ut in iis plusquam in forti milite spem salutis reponant domini. Si conferam me ad montes, aliquos reperiam candidi marmoris, ex nonnullis præcipitant torrentes in quibus auri ramenta. Sunt magnesiæ lapidis ingentia saxa, rupes adamantum feraces, sunt ex quibus lazurium passim eruitur: sunt Gemmæ, sunt Margaritæ Indicis tantum inferiores, sunt & thermæ jam ex antiquo celebres. Compertum nullibi gentium carbonis fossilis stanni & plumbi ditiores esse venas unde & Cassiterides dictæ. In quarundam insularum sylvis & rupibus falconis, accipiter, aquila ponunt cubilia, in aliis Gallus Fasianus colore & sapore persimilis, qui pisciculis visitat, alibi Gustarda gustu perdicem referens, olorem magnitudine. Ad lacus si me convertito, Lucios, tructas & salmones tam copiosos reperio, ut piscatores retium rupturas tantum conquerantur; si ad littora, hæc electri massas ingentes reperias, alibi conchilia & uniones non contemnendos, ubique verò piscium omnis generis, sed maximè harengorum tantam copiam, ut is ter mille naves quot-annis onerentur.

Imprimis verò laudanda corporis constitutio insulanorum, quorum aliqui centenarij majores sub dio in medijs nivibus dormiant suaviter. Robur quorundam qui repagula ferrea confregerunt. Nonnullorum qui centum viginti milia passuum pedites inambulant continenti tractu, aliorum qui intra spaciū leucarum 12. equilib

regij celerrimum jumentum prævertunt : plurimum morum qui feras assequuntur cursu, & ad luctum provocant. Hospitalitas talis apud eos, ut publico sit opus diversorio, ita passim privatarum domus omnibus apertæ sunt, gensque per hospitalis ingenio sunt ut plurimum docili, a doctrinam prompto, & in deprecandis perculis audaci; sed præcipua est adolescentum ingenuitas, tantæque oris venustas, ut non alio vultu induere Angelos existimem, cum se visendos præbent hominibus. Ipsa etiam mancipiorum proceræ staturæ laudavit Strabo. A nullis Romani durius habiti, etiam muliere, hoc est Buduicæ Regina ducente ordines; Mæres equos spernabant Romani, velocissimos experiebantur; ridebant brevem gladium, & hastam ad cuius partem inferiorem erat affixum pomum ex ære, huius tamen Sonitu terrii sæpius, & illius certu confossi.

Ante Christi adventum, pelliceis induti vestibus, vel potius nullis, corpore glasto infecti, promisso capillo, & barba omnino rasi, præter lictum superius, pro oppidis sylvas colebant, diis jectis in circulum arboribus impeditas, vivebant lacte & carne; lepore, gallina & anser abstinabant, uxores habebant denique inter communes, fratres cum fratribus, parentes cum liberis, & palam iis miscebantur ut canes. Adrestem, hoc est Nemefim, Andatem seu victoriam & Minervam pro numine coluerunt Druidæ eorum Sacerdotes. Ex quo autem Christi lucus imbuti, fuit apud eos pietas eximia, Britan-

nides insulæ prima terra Dei, prima Sanctorum terra, & tumulus Sanctorum dictæ sunt. Monasteria ædificata sive numero; duo tantum commemorabo, unum in quo fuerunt simul Rectores 7. qui trecentos singuli Monachos regebant, aliud in quo tanta cum suavitate vacabant pietati, ut propterea Suavicordium diceretur.

Hæc si placent, non pigeat legere consequentia, in ijs longè plura reperies adhuc gratiora, ab authoribus fide dignissimis excerpta, quæ si essent in omnibus hisce insulis passim obvia, in ijs majores debuisse Campos Elisios statuere confiderenter pronunciarem. A minoribus insulis ducamus initium, ad majores facturi gradulum, ut tandem in proximam ipsius continentem Galliam, ex qua digredimur, oratio revertatur.

*Minutius Fœlix & Tacit. b. Vide Zozimum & Marcellinum, ubi de Iuliano.*

## CAP. III.

*Orcades.*

**A**D Septentrionem Scotiæ sunt Orcades vern. *Orcadnay*, numero 83. si credimus Isidoro, re vera autem 33. è quibus 13. habitariæ. incolæ lingua utuntur, vel Scotica, vel Gothorum antiqua; tritici apud eos omnino nihil: Arbor nulla aut frutex, præter Ericam; crassiori junco horrescunt aliquæ, alias nudæ arenæ & rupes nent; boves & capræ frequentes: oves sæpe artus geminos imò & tergeminos edunt; equi

parvi, sed laborum tolerantissimi: nullus hinc ferpens, nulli amentes, pauci ebrii, etsi bibant quàm strenuè, parsimoniam vulgus retinet; hinc non morbis, plerique solvuntur senio. In Pomor Orcadum maxima sunt fodinæ plumbi albi & nigri sanè optimi, urbs Kircua, duæ arces una regaltera Episcopi. In Eglisa D. Magnum Norvegorum Regem, gentis Apostolum fuisse sepultum fama est.

## CAP. IV.

*Æbuda.*

**A**D Occidentem ejusdem Scotiæ, ad trecentas, sive rupes, sive insulas Æbudas antiquis, Hybridas Gildæ & alijs, sed recenti appellatione, & incertæ originis dictas numerant antiqui. Dani postquàm eas 160. annos possederant, his cesserunt Alexandro III. Scotorum Regi, facti victori. Incolæ fortes & duri, summo magno & vespere paulum panis ex hordeo & avena gustant, reliquo die venantur, veste variâ involuti potius quàm tecti: Cubant sub dio in medietate nivibus, si nox eos intercipiat. Domi sistentunt Ericam, & tam scite lectos concinnant ea, ut mollicie cum pluma certent, salubritate perent. Si verrant solum, curant maximè ne de cœcis solvantur. Loco tubæ, tibia utuntur utriculus in bello: musica delectantur & chordis æneis, utuntur plerique vetere Gallorum sermone.

Ille vern. In, cervis abundat, salmonibus, plumbo, & conchas habet satis nitentes. Regum insu-

insularum sedem in ea habuit, longa est 24. millia, sedecim lata, amnem aquæ dulcis habet nomine Laiam, prætereà aquæ dulcis lacum in quo est insula Falangama dicta, olim sedes omnium Insularum reguli. Huic propinqua Rotunda, in quatuordecim è primoribus assidue jus dicebant, & de summa rerum etiam agitabant consilia. In Insula D. Columbi Insularum Episcopi sedem statuerunt, vetere domicilio, quod erat in Eubonia, ab Anglis capto. Sunt & Regum tumuli, in quorum uno corpora sunt Scotiæ Regum 48. in secundo Hiberniæ, ubi quatuor Reges conditi. in tertio Dania, ubi Reges octo. Multitiam hæc libri antiquissimi sunt diligenter assertati, quos Fergusius Scotorum Rex, cum Roma Gothis diripiebatur, huc transtulit. Skia omnium maxima 42. millia passuum longa, octo minimùm lata, arcibus 3. munita, quinque athenes habet salmonum, sinus verò omnes, harenarum foecundos, abundat sylvis, pascuis, frugibus & vitulis marinis. Episcopum etiam habet, qui ovem præest insulis. Vatersa stationem habet nautarum & magnarum navium capacem, ad quam piscatorum magna frequentia convenire solet: juxta hanc innumeræ sunt, in quarum aliis sunt oves feræ. Barra piscatu Asellorum signis, arcem habet munitam, & prætereà colm, qui ab imo ad summum herbescentem viritatem elicit, è cuius summo fons salit aquæ dulcis, è quo rivus defluit. Est & Pygmæorum insula, in qua si effodiatur terra altius, reperiuntur pita parva, & aliarum partium officula. Bale-



narum verò in his partibus tanta copia, ut uno anno Sacerdotibus Skiæ decimarum nomine 27. fuerint oblatae.

Ad Orientale latus Seutæ, subterranea crypta est amplissima ad quam naviculæ minores, velis & remis agi solent, dum fugiunt violentiam æstus, qui ad propinquum promontorium magno cum fragore sævit. Mitto cæteras quæ minoris sunt nominis, Solinus & Ptolemæus quinque tantum numerant, Plinius 30. Numerum auxerit maris violentia. Solinus dixit earum Regem nihil proprium habuisse, ne quidem foeminam, & ne ad avaritiam diverteret didicisse paupertate justitiam.

---

C A P. V.

*Hibernia.*

**P**Arvam Britanniam proprio nomine majores dixerunt, *a* Jernam & *b* Hiberniam, ab Hiere vernacula dictione, quæ occasum significat. Est enim totius Europæ regio ad Occidentis plagam remotissima. Merito Plutarchus eam appellat Ogygiam, seu perantiquam: unde enim huc se contulerint primi ejus incolæ, non scitur. Simile verò, ex ea Hispaniæ parte Occidentali, ab Hibernia non multum remota quam Strabo vocat Ierne. Ejus figura est lenticularis altera parte longior, longa trecentos mille passus, lata centum viginti. Extensa versus boream à gradu 51. m. 25. ad g. 55. 10. sub climate 10. ubi dies longissima horarum 17. Incolas nec calor compellit ad umbram, nec frigus ad focum, advenis

advenis tamen distillatione noxij humoris paludosum solum incommodat. Cælum ad maturandas uvas, & semina iniquius est, sed herbis lætū aded ut æstate nisi pecudes prohibeantur pabulo, in periculum adducat c satietas, hinc præcipuæ regni-ope s, sunt armenta & greges ovium, quas bis detudent quot-annis, & è longiori lana faciunt villosa stragula, quæ sunt ubique in pretio. Omnia liquescunt melle: ita passim in truncis arborum & rupium fissuris, fingunt favos apum examina. Abundat ligno, quod emittit in vicinas regiones ad dolianos asseres, & naves fabricandas; nec enim per Leges Anglicas, superioribus annis ipsis fuit licitum bellicas ædificare. Equi quos vocant *Hobies* non cedunt Asturconib<sup>9</sup>, nullique reperiuntur, quorum sit mollior, alterno curum explicatu glomeratio, vix enim, etiam gradientes per stagna, tenui luto insidentis ocreas efficiunt: verum si educantur ex Hiberniæ molliori solo, claudicant illico. Alicubi nulla apis, mō hinc elatus pulvis, aut lapilli apes abigunt ex alvearijs, aves raræ, sunt tamen Pavones feri, Ciconiæ nigræ, Apodes seu Halcyones, quæ putrescunt nunquam si in loco sicco asserventur, & quæ plumis exutæ iterum plumescunt. Nullum animal noxium gignit, non araneam, non ranam, nec alit aliunde invecsta, affirmat Beda vidisse se rasuram è paginis codicum inde allatam, & istis à serpente in potum datam, ex templo veneni vini restinxisse.

Quomodo Barbariem ex hac insula pepulerit Christi fides, hinc accipe. Gentem inhospitam,

omnis virtutis ignaram, pietatis expertem quæ promiscuos haberet concubitus cum sororibus & matribus, quæ vultus obliniebat sanguine inter emptorum hostium, dixerunt Strabo, Solinus, Mela. Nunc incolæ, ingeniosi sunt, corporis lineamentis conspicui, & agiles, supra quam credi potest, propter eximiam carnis molitiem, & musculorum teneritudinem. Ante annos aliquot repertus minister à pedibus Hibernus, qui admirabili celeritate, in decursu leucarum duodecim, expeditum in equo equilis regii celerrimo, non prævertit modo, sed longè insuper post se reliquit intervallo. Prandere solent Hyeme antelucanis horis. Æstate horâ 7. primus locus tribuitur matrifamilias, adestque ut plurimum citharista, qui unguibus pulsat fila ænea. Ubique studiosa viget liberalitas, excipiendis tecto mensaque peregrinis. Nutrices loco parentum habent, & collactaneos amant, non minus quàm germanos fratres, mirum quantum delectantur pœsi & lyrâ. Novæ nuptæ & puerperæ putant se infames, si vestes, quas habent optimas, non dent ei, qui Epitalamium vel genetliacum cecinit. Patris nomen, vel alicujus ex majoribus, non assumit filius nisi grandior, vel patre mortuo, ut sciat similem ab eo virtutem expectari.

Cælestinus Pontifex Romanus D. Patricium, S. Martino Turonensi conjunctum affinitate, & S. Germani discipulum misit in Hiberniam, circa æram Christi 432. qui functus munere Apostoli, tam eximiam ipse & ejus discipuli, doctrinæ, & sanctimonix sementem fecerunt, ut Hibernia  
Sancto-

Sanctorum patria dicta sit, suntque in hanc diem religionis summe colentes. Jejunium mulieres per totum annum Feria 4. & Sabbato observant: puellæ ut virum probum, & conjugio sibi idoneum obtineant à Deo: nuptæ ut corrigantur mariti, si minus probi, vel de meliori ipsis prospiciantur. Non immerito credunt aliqui, Hiberniam in potestatem Romanorum nunquam venisse, quidquid ex Juvenale & Panegyrico dicto Constantino afferatur. Sub Honorio occupatam à Scotis contendunt alii, ut ut sit, ex antiquo Reges habuerunt indigenas. Non ita pridem ardentibus civili bello. Hiberniæ regulis Henricus II. Angliæ Rex, exercitum superbissimo delectu conquistum duxit in insulam, anno 1172. ab eorum uno evocatus, & postquam obtinuit, ut Imperium omne suum insulæ ordines signatis chartis transferrent in eum: Papa Urbanus rem totam confirmavit, & missâ ad Joannem Henrici filium coronâ de Pavonis pennis auro contextâ, jam inde à Joanne, Anglorum Reges, Hiberniæ domini dicti sunt. Regis titulus Henrico VIII. primùm tributus ab ejusdem insulæ ordinibus, & à Pontifice Romano confirmatus anno Christi 1555. in gratiam Mariæ Reginæ: Indeque ab Regibus Angliæ immissæ Colonæ per maritimam oram, & præterea unus aliquis ad Rempublicam gerendam, qui Custos Hiberniæ, Justitiarius, Locum tenens, Deputatus & demum Prorex dictus est, cujus præcipua inter omnes, qui in Europa sunt Proreges, eminet auctoritas.

Sic Hibernia omnis in duas quasi partes nunc

K 5.

divisa.

divisa, interiorē veri Hiberni, maritimā Anglo-  
rum progenies colit, ritus patrios observant sin-  
guli quam tenacissime : suntque Anglo-Hiberni  
ab indigenis ita dissociati, ut colonorum ulti-  
mus filiam suam, vel nobilissimo Hibernorum  
non daret in matrimonium: Hiberni vero ab eo-  
rum horrent affinitate tanquam à sanguine putri  
& maris ejectione. Porro indigenæ non va-  
gantur per sylvas omni humanitate destituti, ut  
falsò scribunt, qui innato sed parum Christiano  
in vicinos odio sinunt se abripi. Sunt inter eos  
plurimi & doctrina & moribus culti, & bellicâ  
virtute præstantes. Primariis, quorum imperio  
plures tenentur, sæpe præficitur quarta vocalis  
O, ob eminentiam, sicque dicunt, ô Neal, ô Mo-  
rus, &c. Subditi tamen nullum ipsis pendunt tri-  
butum aliud, nisi quod evocati ad bellum, om-  
nes tenentur adesse domino, vel bonis mulctati  
propriis pelluntur sedibus. Quæ autem Rex colligit  
ex ea insula vix sumptibus ordinariis & magi-  
stratuum honorario sufficiunt. Malè audiunt à  
multis, quod summas delicias putent, labore ca-  
rere, nec velint, qui tenuioris sunt fortunæ, opus  
facere, deinde quod apud eos laudetur furti usus  
& receptus. Est præterea summè probrosum  
quod ad singula verba jurant & deierant per Tri-  
nitatem, Deum, S. Patricium & manum Compa-  
tris. Quod si per manum Comititis, vel Domini  
jurent falsò, grandem pecuniam Dominus exigit  
pro illata suo nomini injuria, si verò tangentes E-  
vangelia, Altare, Sancti imaginem, vel Campa-  
nam peierent, solâ mulctati infamjâ liberi abeunt.



a Strabo & Claudianus. b Caesar. c Mela, Solinus.

## CAP. VI.

*Hydrographica Descriptio.*

**E**X situ & Regulorum numero fuit Hibernia jam inde à priscis temporibus in partes quinque divisa. Austrium spectat Momonia, ortum Lagenia, Septentriones Ultonia, Occasum Connahtia, & in ipso ferme medio sedet, quæ hinc Media appellatur. Archiepiscopus habet 4. Episcopus omnino 29.

Ordior à Liffio amne Lageniæ cujus ostium in lat. g. 53. m. 24. Is licet decimo quinto milliari ab ostio suo oriatur, anfractuosis tamen flexibus plurimum oberrat. In ejus ripa habes Kildariam urbem sede Episcopali ornatam. Ad septimum minutum ab ostio Liffij, sedet Dublinum vern. *Balladich* urbs Hiberniæ Primaria, emporium nobile, ad quod naves jaciunt anchoram aquis extantibus Orgiis 4. Expectandus tamen maris æstus propter Grillium arenæ puluillum qui ostio Liffij prætenditur. Ipsa urbs castro fossis, mœnibus & Armamentario valida est. Templo S. Patricij, Palatio Archiepiscopi, Collegio S. Trinitatis & Bibliotheca insignis. Moratur in Palatio Regio Prorex insulæ. Eam volunt aliqui conditam ab Haraldo Noruego subjectis in loco palustri cratibus & aquarum impetu cancellosum crepidinibus cohibito. Juxta Dublinum marmor habes laudatum.

Superiâ Chersonezo Houth, quæ æstuario Liffii prætenditur, si navigando milliaria 24. legas oram, deveniens ad ostium Bowadæ, vernac. *Boyn*, qui Mediam interluens, Tryme melioris notæ emporium castro munitum præterlabitur, indeq; Navan & effunditur in mare infra Brogedam frequens oppidum, ponte, officina monetaria, & suis clarum immunitatibus. Super eum ad mare portus Dundalk urbs Episcopalis, à qua minutis 8. abest Carlinghfort portus alius utcumque celebris, inque vicinia Neurry oppidum conditum à Nicolao Bagnall. Hiberniæ Marescallo ad ripam rivi ejusdem nominis lat. g. 54. m. 6. Hinc mare sese insinuat, lacus dilatat & Chersonefos facit. In uno Isthmo Dunum, vern. *Donne*, g. 54. m. 15. floruit sedes Episcopalis, in qua jacent. trium Sanctorum Hiberniæ patronorum corpora, Patricii, Columbæ, & Brigidæ. Hinc etiam oriundum Scotum Joannem Duns. volunt Hiberni, negant Scoti, non quod inficias eant, Hiberniam dictam olim magnam Scotiam, sed quod eam hoc nomine nullus appellavit ex quo vixit seculo Doctor subtilis. Ad mare sunt Arglas, gr. 54. m. 8. & sexto abhinc milliari Stangford portus, ubi fluvius Coyn magno aquarum insultu in mare prorumpit ex lacu ejusdem nominis, ad cuius ripam est Episcopalis sedes Coverensis, cui præfuit S. Malachias, cuius gesta scripsit D. Bernardus. Sequitur sinus Knockfergus, g. 54. m. 35. ubi Monasterium quondam celebre, nunc oppidum, in quo portus commodus & castellum in rupe edita, cohors præsidiana & armamentum. Odesseet statio etiam malè tuta. Hinc

Hinc usque ad Banney fl. dignum memoriâ occurrit nihil, nisi quod ante annos aliquot fertur hanc regionem possedisse Saurlay Bouy dict<sup>9</sup>, hoc est, flavus, qui in ea vaccarum quinquaginta millia possidebat, cujus progenies adhuc viget, & antiquam colit pietatem. Banney verò quæ Ptolemæus vocat Argitam, fluvius est eximie pulcher, qui è montibus O Mourne exortus in lat. g. 54. m. 9. In lacum Eangse effundit, & post 30. miliaria exiens ad castrum Tome, superbo alveo sylvis coronat<sup>9</sup>, per Glancolkein g. 55. m. 11. Oceanum petit Deucaledonium, salmonum totius Europæ foecundissimus & limpidissimus. In lacum si hastam diu relinquo, quæ pars hærebit in solo aquis subjecto, ferri naturam induet, quæ verò aquis, saxea fiet, quæ extans, lignea. In lacum ex parte australi se effundunt rivi aliquot, & in his Kallin, ad cujus ripam sita est Armach, totius insulæ Metropolis, sedes Archiepiscopi hæreticorum incendiis sic deformata, ut vix pauculæ viminibus intextæ supersint casæ. Ministrum tanti facinoris pudet memorare, has partes castellis 56. contra Hibernos munierunt Angli.

Est quoque in eodem littore ostium fl. Logiæ vern. *Liffer*, qui ab ipso fonte, qui ebullit in lat. gr. 54. m. 35. dilatatur in lacum, in quo insula & Monasteriū, ubi crypta angustior spectris & religioso horrore decantata, Purgatorium dicunt S. Patricii. Enimverò cum indomitas insulanorum mentes, nec timore futurarū pœnarum, nec cœlestium gaudiorum promissis flecteret, precibus à Deo fertur impetrasse, ut quicumque hanc subi-

ret, ipsa Inferorum incendia intueretur vel experiretur, incertum an abstractus à sensib<sup>9</sup> sive ipsis oculis corporeis : ut ut sit qui huc se conferunt, sentiant se ad virtutem non mediocriter accendi. Advenis auctus aquis dum propius logia accedit ad mare effunditur in lacus Foylle & Svvile qui diversis ostiis miscent se Oceano per scopulos, qui à Borea in occasum amplius semper reflectuntur ad portum Coleberg. g. 54. m. 48. & Donegall Monasterium & oppidum quod nomen dedit comitatui. In vicinia aperit sibi viam in mare lacus Earno, ubi nobilis Salmonum saltus. Olim fons erat in agro amœnissimo, sed ob nefandam cum bestiis venerem superfusis aquis in lacum evasit longum 40. mille passus latum 15. Sereno coelo adhuc templorum turres apparent. Sylvis opacis coronatur, estque frequentatis insulis confertissimus & à lucis, truttis & salmonibus tam copiosus, ut piscatores retium rupturas tantum conquerantur. Hinc ad occasum & Meridiem est Comitatus Letrim qui montibus assurgit, in quibus uno tempore pecorum capita supra centum viginti millia numerata sunt.

Succedit ora maritima Connachiae multis sinubus & navigabilibus alveis pervia, Regio in qua nec à Salo, nec à Solo quicquam desideres, in qua eminent inter cæteros O'Brieni, ab Hiberniae regulis prognati. Celebrioris notæ loca sunt Galvvay vern. *Gallive* urbs Episcopali sede clara, emporio dives ad ostium fluvij Monmoy, in lat. g. 53 m. 14. ubi ampla statio, & tuta quæ elauditur tribus insulis dictis Arran in quibus ajunt non putrescere hominum corpora, & ple-

rosque

rosque habere avos, atavos, majores in larario; mures similiter nullos esse, & si aliunde illati fuerint, dare se præcipites in mare, vel si impediantur, emori. In hunc eundem sinum influit lacus. Corbés 20. pass. mil. longitudine & 4. latitudinis fusus, tercentum insulis graminosis & piniferis distinctus.

Ultra progredienti obiicitur Seneus præcipuum insulæ flumen vern. *Shennin*. Oritur in Ultonia in Comitatu Letrim, è montibus Thernè, in lat. 54. dum fertur in meridiem modo effundit se in stagna, mox se colligit in angustum. Macolicum vern. Male invisit, iterumque spaciofo lacu Rigith excipitur, ad quem Rigia Ptolemæi sita, hinc Athlon oppidum abluit, indeque superata Killo loë cataraeta, maximarum navium capax Limiricum, g. 53. 20. urbem cõpletur Episcopalem duplici castro munitam caput Comitatus Loumeagh emporiumque celebre, à quo per 60. circiter milliaria rectus, grandis & insulosus properat ad collem Patricij vern. *Knoc Patric*, ubi sese effundit in Oceanum. Castella habet Præsidaria locis omnibus, in quibus putatur vadofus.

Inde meridiem versus occurrit Notium promontorium sive Austrinum vern. *Erangh* lat. 52. sub quo Iernus fl. seu potius sinus in Oceanum se exonerat ad Dunkeram oppidum Episcopale. Existimant aliqui ipsum esse Iernium quod & flumini & insulæ nomen dedit, ex eo quod occasum spectent. Nullibi harengorum abundãtia major, in brumali solstitio, quando se huc propterea classes lusitanæ conferunt.

Hujc



Huic proximus alius sinus Beantre cum promontorio Miffen Head , g. 51. m. 45. & littore converso in Orientem Helesponticum post 40. circiter minuta appellis ad ostium Dauronæ g. 52. m. 7. qui exortus in montibus Muskereia urbem rigat Comitatus sui primariam Corcagiam vern. *Corach* emporiolum satis frequens, sub ea flumen dispertitum amplam & amœnam complectitur insulam è regione vetustissimæ familiæ Barrycourt. In eadem ora paululum supra mare habes Vogall portum nunc puluillo arenæ obductum licet ad eum evolvatur in mare magnum flumen Broodvater quod oppidum Lismore præterfluit. Ultra progredienti obicitur Dongaruan g. 52. m. 15. castrum mari imminens coronæ Anglicæ annexum. Deinceps scopuloso ostio immerguntur mari tres fluvij sorores dicti ab antiquis. Oriuntur juxta Osseriam in vastissimis illis Blandiniæ montibus in quibus Lycæonum more homines interdum degenerare in lupos fabulantur. Hæ sunt Suirus, Neorus & Birgus. Suirus sororum maxima Cassiliam vern. Cassel g. 52. m. 28. urbem Archiepiscopalem præterlabitur & Waterfordiam civitatem Episcopalem quæ secundas tenet in Hibernia propter immunitates & commercia. Ad Neorum jacent sanum Canici eremitæ viri sancti vern. Kilkenny municipium inter Mediterranea hujus insulæ facile primum , in cujus quasi suburbio sedem habet cum Hibernis Episcopus Osseriensis g. 52. m. 41. Ad confluentem amnis Calam in Neorum , oppidum etiam Thomæ filij Antonij vern.

vern. Balacmac Audan, g. 52. m. 40. Denique ad Birgum sita sunt Præsidia Caterlogh, g. 52. m. 50. & Leighein, g. 52. m. 42. & ad confluentiam Birgicum Neoro Rosii. urbs ampla ob discordias religionis ad nihilum pœne redacta. A fluminis ostio excurrit sacrum promontorium vern. Banna, g. 52. m. 18. ubi Monasterium celebre & Turris ignibus nocturnis deputata. Superfunt amnes Slane & Ovoca illius ostium in lat. 52. m. 55. ubi stagnat, urbs est Wersford Comitatus caput, Anglorum Colonia, Fernes itidem oppidum sola Episcopali dignitate clarum Ovocæ ostium in lat. g. 52. m. 48. ubi Arklo castrum Comitis Ormondia. Ab ostio Slani Dublinum usque prætenduntur brevia & pulvini arenarij dicti The Grounds navigantibus admodum periculosi.

## CAP. VII.

*Scotia Magna Britannia pars  
Borealis.*

QUI fidem adhibent fabulis, Scotorum initia repetunt à Græcis & Ægyptijs. Prudentius quæ Gothia & Belgica Gallia proximo ipsis continenti. Certum Borealem hanc Britannia partem, nec à Romanis, nec ab ullo Principe externo domitam penitus, quod maria sylvæ, lacus & paludes sint ipsi pro vallo; in verticibus vero montium sint planicies & sylvæ pascuis abundantes & feris in quibus incolæ, nec vi possunt cogi, nec fame.

Com-

Compertum similiter Scotos hanc laudem ex religione non mediocrem consequi quod ab anno 197. quo pars Scotiæ Christi fidem suscepit sub Rege Donaldō I. & Papa Victore, reliquum veroræra Christi 429. sub Cœlestino vices Apostoli fungente Palladio, numerat adhæc tempora Reges ut minimum sexaginta qui in Orthodoxa fide cum subditis constantes perseverarunt ad annum reparatæ salutis 1544. quo Guillelmus quidam cœpit primus avitam fidem labefactare, postquam egregius ille fons lustricus, in quo Regum Scotiæ liberi consueverant baptizari, ex Edimburgo primaria regni civitate, translatus est in Angliam, vagiente adhuc Maria, cui natæ dies non amplius septem parens Jacobus V. agens animam Sceptrum reliquerat.

Crucis effigiem cui D. Andræas affixus Scoti passis Vexillis cum hoste congressuri præferunt, ex quo præsentem ejus opem stans in procinctu contra Pictos expertus est Rex Hungus, qui diem obiit anno Christi 819. Gentilitia verò scuti tessera imago est leonis fulvi jam ab ipso Fergusio I. Scotorum Rege : Limbum postea strinxit duplici filo aureo & Lilia intexuit Magnus Carolus Imperator, quando cum Scotis contra Anglos foedus iniit perpetuum, & accitis Joanne, Rabano, & Alcuino Scotis hominibus summæ eruditionis Academiæ Parisiensis jecit fundamenta.

Cœli situs est inter gradus 54. & 61. in Climate 11. & 12. Creperæ tamen lucis beneficio per duos menses in Cathenesia & Rossia quivis tota nocte,

nocte, vel legit commodè, vel scribit. In figura illius mirum quantum aberravit Ptolemæus. qui ad 32. longitudinis gradum eam inflectit, cum ad 23 vix procurrat in ortum. Nulla domus 20 leucis distat à mari, propter sinus quibus omnia littora proscinduntur. Insulæ pars multo maxima, agros habet uberes, sed qui silignem & avenam feliciter quam triticum ferunt. Ex certo hordei genere, mense martio coquunt cervisiam quæ absque lupulo in quinquennium asservata vinum existimatur ab ipsis malvaticum. Habent & pascua admodum læta: partem aliam crebri montes occupant in quibus saltus Caledonius, olim proceris arboribus, nunc virgultis tantum opacus. Oves parvæ quidem sunt, sed carniū teneritudine omnes superant. Pleræque cornua ferunt terna quaternave, Arietes nonnumquam sena. Cervi vastæ molis sunt, & frequentes adeo, ut in solenni venatione quæ Augusto & Septembri fit octingenti interdum mactentur. Narrat Leslæus Episcopus unum se vidisse tam obesum, ut ejus pingue latum esset decem digitos. Per idem tempus solennes aliæ venationes instituuntur in montibus borealibus Athol & Badenoch pro silvestribus equis, quos rustici ex verticibus montium clamoribus suis, & latratu canum deducunt, in paludes ubi pedicas & capistrum iniiciunt pullis ( quingentos frequenter intercipiunt, ) qui ut plurimum intra sex menses omni posita feritate cures fiunt, & generosi, si annum ætatis tertium non excedant. Mitto meliteos canes quibus sese

sefe recreant fœminæ : minores alios qui perve-  
stigant , quam sagacissimè vulpes & feles sylve-  
stres: majores villosos qui aves imò pisces inter  
saxa delitescences odorant. Prætereo alios qui  
omnes magnitudine superant , quorum usus in  
grandioribus cervis persequendis , aut lupis pe-  
tendis, quique sunt tantæ audaciæ & fidei , ut in  
iis plusquam in forti milite , spem salutis ponant  
domini. Unum dicam non minus verum quam  
difficile creditu. Certos quosdam esse rufos , ni-  
gris maculis resperfos, quibus tanta inest sagaci-  
tas & truculentia , ut fures recto tramite sine ullo  
errore assequantur. In solo annuum transitu la-  
borant , quia ibi odoratum amittunt, quod cum  
sciant prædones & abigæi per mæandros modò  
hanc , modò illam præmunt ripam : , simulantes  
exitum : interim canis cœlum complet clamoribus,  
nec prius , vel sistit , vel conticescit quam  
gressus fugientis assequatur. Si quis autem eum,  
vel ab intimo suo cubiculo prohibeat , reus furti  
habetur illico.

Hinc exportantur in Gallias harengi , Salmo-  
nes , pelles Cervorum & Canum. In Hollan-  
diam pannus laneus albi & cærulei staminis, nec  
non carbo fossilis, Dantiscum pelles ovium : Ex  
quibus librarum quinquies centena millia vix  
colligunt. Ab omni onere Vestigalium immunes  
sunt omnes, tantum in Regis exercitu, si quando  
evocat, tenentur militare suis stipendiis, & suis se  
alere impensis. Hinc miretur nemo cum audit  
Reges qui centum aureorum millia vix unquam  
habuerunt annui redditus, triginta hominum mil-  
lia



lia præter naves classiarias sæpius armasse. Quando improvisus hostis imminet, flammæ excitant in locis eminentioribus & intra horas aliquot cogunt ad decem equitum millia,

## CAP. VIII.

*Incolæ.*

Fuerunt semper corpore validi, fortes animo, audentes in bello. Ne genus læderetur, jam ex antiquo castrabant amentia, comitali morbo, aut simili tæbe affectos: quod si mulier his laborans concipiebat, terræ viva infodiebatur. Matres suo ipsæ succo proles educabant, probri id loco ducentes, nec adulterij suspitione carere, si quando eas lac deficeret ad nutriendum infantem. Vinolentos & comedones flumine mergebant, prius tamen permittebant, ut quantum vellent cibi & potus ligurirent.

Olim urbes fuerunt ipsis omnino 28. nunc pauciores mœnibus cinctæ & vallo, ne, ut ajunt, propugnaculorum securitate freti incolæ, ab armorum usu torpescant, vel præsidia hosti intra regnum extruant.

Dividuntur in homines altæ terræ & imæ terræ: hi urbes & planicies littori proximas colunt, & quia videntur sibi non minus politi & culti, quam sunt Angli & Germani, cum quibus & origine & linguæ societate conjuncti sunt, interiores qui in montibus & sylvis dissipati sunt, viros altæ terræ, Barbaros & Sylvestres vocitant, quamvis moribus & lingua, quæ ipsis est Hibernica,

nica, indigenæ sint. Certè majorum institutis tam pertinaciter adhærent, ut eorum reguli, si in Regis aulam divertentes cultius se ornent, domum reversi ad suos, patrio more illico se amiciunt. Braccas gestant unius formæ omnes, & nobiles & plebeij, in sinus quosdam decenter contractas, quibus solis noctu involuti, suavissime dormiunt, terra puda, aut crassiore sacco instrata; reliqua vestimenta sunt brevis tunicella ex lana, & indusium ad genu demissum, quod aliqui filo serico, viridi aut rubeo pingunt, unus cibus omnes reficit, nesciunt de penatibus invidere. Potum subministrant fontes: vitum lac & panis ex leguminibus, aut avena: Carnem bibulam & vitulinam capis & perdicibus præferunt: si desit cacabus, bovis omasum invertunt, lotum opplent aqua & carne, & affixum perticæ carnes igne supposito sic elixant, ut eas maximè que jusculum quibusvis deliciis præferant. Sic enutritos morbus paucos extinguit, plerosque senectus extrema. Sunt agiles & firmi adeo, ut feras assequantur cursu, imò ad luctam provocent. Ante annos circiter triginta in Palatio Marchionis *de Hontelay*, inter cæteros nobiles adfuit Duncañus Makmartin vir tanti roboris, ut centum viginti millia passuum pedes inambulare sola contentus frigida: verum se priusquam viæ committeret quartam bovis partem solus vorabat: per annos 16. continuos, in medijs nivibus dormierat, per quam suaviter hostiles insulas fugiens, vel parans, crudis ut plurimum salmonibus victitans. Quis jam miretur

Crotonitatem, qui bovem nō ventre, sed humeris sustinens, stadium nec amplius decurrebat. Ullum apud eos vitium, quod inimicitias vix deponant, filiique superstites hostium progeniem, nisi det manifesta supplicis animi signa, innato odio infectentur. Pauci Catholica fide exciderunt. Verum inter eos tanta est Sacerdorum paucitas, & rerum divinarum ignoratio, ut non prius sacro inaugurentur Baptismo, quam sibi conjugem sumant.

Est & tertium genus quorundam prædonum, qui in Marchia & limitibus regni commorantur, in montibus, vel in paludibus difficillimis, quæ etsi appareat esse terra solida, intrantem tamen hominem subsidentes absorbent, per has autem illi non solum transcurrunt, sed & equos consuetudine assuefaciunt, flexis poplitibus loca transire, per quæ vix pedites audent insequi. Potentiores ex terra aggesta in pyramidem domos ædificant, quæ nullo modo possunt incendi. Sive ab Anglis, sive à Scotis prædas agant, ipsis perinde, nec unquam rosaria sollicitius percurrunt, quam cum quinquaginta sæpe milliaria ad abigendas prædas se conferunt; noctu per invia loca è suis finibus exeunt, interdum in latibulis vires recreant, si capiuntur tanta pollent eloquentia ut Judices, si non ad misericordiam, saltem in admirationem vehementer permoveant.

Duo sunt Archipræsules, scilicet S. Andreæ & Glasgoënsis, quorum ille Primas totius Scotiæ, octo habet Episcopos sibi subjectos, Glasgoënsis tres.

Censentur inter nobiles Rex, cujus filius natus major dicitur Princeps Scotiæ, Duces, Comites, Milordi, Barones, vulgò Lardis, & nobiles Gentilmen dicti. In nullam hæreditatis partem succedunt minores nati, proptereaq; ut plurimum militant in Francia, & sunt vel regii corporis custodes, vel sagittarii, vel armati equites. Carolus III. dictus Crassus circa annum 893. primus custodes corporis sui 24. Scotos, quos dicimus à magna manica, adhibuit, quorum duo per vices nocte dieque excubias agentes proximi Regi (etiam demortuo, donec condatur tumulo) adsunt. Carolus V. cognomento Sapiens, centum Scotorum Sagittariorum (quos *Archers* dicunt) ordinem instituit, quibus regia ex officio custodia incumbit, quique noctu intra regias valvas agunt excubias, & portarum curam habent. Carolus VI. Scotorum Equitum cohortem addidit, quibus Robertum Stuartum ex Lenoxii Comitis familia, Dominum Daubienie præfecit, qui omnes in hanc diem Regibus fidelem, & Regno strenuam navant operam.

---

C A P. IX.

*Chorographia Scotiæ.*

**R**egnum hoc omne in duas partes dividitur, Australem cis Tāum, & Borealem trans Tāum: illius Provinciæ in Daal desinunt, quod ipsis vallem sonat, hujus in Strath, quod idem significat; utriq; amnis vicini præponunt nomen. Dividitur ab Anglia Solvæo flumine, Cheviota monte

monte, & Thuedâ fluvio, qui è copioso fonte ortus in Tentoco monte, diu sinuosus oberrat: Tifsum excipit, à quo Tifedalia vallis dicta, cujus præcipua urbs Jedburgus: castrum alluit Drimlar & Comitatum Peblis: augetur aquis Tevioræ ad Roxburg castrum Douglassiorum, & sub Bervico evolvitur in mare salmonum feracissimus. Sunt in Tifedalia, qui quatuor imò ad 10. millia ovium habent, qui sub dio, sicut & omnia per totam Scotiam armenta pernoctant.

Ostium Tuedæ excipit Marchia, ubi Barvicū Anglici nunc juris urbs præcipua: Dunsæum vicus celebris, ex quo oriundus Joannes Duns Scotus Doctor subtilis; Coldingha Monasterium à Danis excisum, quod Ebba cum suis, & labra & nasum sibi præcidissent, servandæ causâ virginittatis.

À Marchia ad fretumoticum procurrat Londoneium, vernac. *Louthiane*, in cujus litore habes Dumbar, castrum olim validum, sedes Humiorum, qui inde dicti sunt Comites Dumbar & Marchiæ. Suprà illud miscetur mari Tina amnis, cui Haddington quatuor urbs munita propugnaculis: Hinc reductis litoribus æstuarium aperitur Boderia, vernac. *Frith*, variis refertū insulis, inter quas Bassa rupes atra & prærupta eminet, hæc Augusto mense albicat præ multitudine Anserum marinorum, qui ex austro huc convolant: secundo ab adventu die, si è domo egrediatur nullus, ligna cogunt quantum & suis nidis & castelli custodibus in annum sufficit. Mox ponunt ova, fovant, excludunt, pullosque alunt tam studiosè



diosè , ut mentas ipsis extruant non conchiliis, sed piscibus imprimis nobilibus: qui si ut crebro fit , à militibus subducantur , indefesso iterum labore novos subiiciunt , unde Præses arcis ex ligno, plumis, oleo, carnibus, & piscibus pecuniæ summam colligit non contemnendam. Pōnit & nidum Scout avis vix anatem magnitudine superans , cujus ova anserinis majora si excoquantur solida fiunt, & à corruptione diu manent integra. Scopuli partem supremam occupant pascua fons & Castellum quod nullus ingreditur, nisi fune sursum trahatur ex imo.

Recedente dein littore, Seton est in conspectu, nobilis familiæ cognominis domicilium. Superius sita est Edemburgus , urbs Regni caput situ editiori ab ortu in occasum mille passus porrecta, latitudine dimidio minore: in Orientali plaga Regium est Palatium, cum Mōnasterio S. Crucis: in Occidua Castrum puellarum in præcipiti rupe situm; à qua secundum Letham amnem , distat uno lapide Letha portus commodus. Huic continetur ager nobilium frequentia, & soli ubertate clarus , Sterlinensis dictus à primario oppido; & Episcopatus Dunblan in Taichia. Angustum terræ spacium quod hic superest ad mare Occiduum, firmavit olim prætentura Antoninus Pius contra Pictos qui dicebantur Caledonij , à radice Caled , quæ significat duritiem: sunt etenim Boreales populi ex sanguinis abundantia audaces & duri; hicque celebris incipiebat Caledonia sylvæ in immensum diffusa per montem Grampium, in quo vaccæ candidæ & tauri sylvestres

fres nunc pauci, olim frequentiores, dense instar Leonum jubati & admodum truculenti.

Fifa sequitur, inter æstuaria Fortham & Taim. Ejus terra ubique constat pinguedine viscosa omninò sterili, in qua nec tenue crescit virgultum. Si ad 8. cubitos defodiatur, ingentes reperiuntur quercuum aliarumq; arborum trunci, aliqui putres, alij ad ædificia apti. Arbitratur Lessæus, aquis diluvij superinjectam humum, quæ sylvas radicibus luxatas obruerit. Quod si ejus terræ herbosum cespitem demas pro foco, excrefcit denuò, nec deprimi solum advertitur. Eminent in littore oppidum S. Andreæ, ubi Academia & Archiepiscopus Regni Primas, huc Abrenetio translatus. Interius media fere regione est Cuprum, quo Fifani ad jus accipiendum conveniunt.

Tais totius Scotiæ maximus fluvius, Albanæ per agros proruit, mox in lacum diffunditur longum viginti quatuor millia passuum, in quo plures insulæ: inde Perthiam regionem fœcundat, & rivum accipit Almundum, qui labitur ex Atholia regione, quæ licet sit adeò fertilis, ut ejus solum probe subactum, sponte fundat absque illo semine hordeum longè optimum, malè tamen audit, cum propter maleficia muliercularum, tum propter latibula urforum & taurorum sylvestrium. Jam plenior Dunkelden petit, Episcopi sede ornatam, unde fluit per rudera urbis Berthæ, pro qua situ commodiore Guillelmus Rex Perthum extruxit, à templo in honorem S. Joannis posito S. Ithontoun dictum, à quo vix  
L 2 leuca

leucâ distat Scona Abbatia, in quam ex Argathe-  
lia fuit traducta fatalis illa cathedra ex marmore,  
in qua sedentes Reges sunt per multa secula in-  
augurati. Gourea succedit, regio fertilis. In ea  
quarto circiter milliari ab ostio Tai est lapis non  
admodum magnus, quem possis in quamcunque vo-  
lueris partem volvere, nunquam tamen movere  
loco. Ad tria millia passuum infra Perthum est  
Abrenethium vetus Pictorum regia ad confluen-  
tem amnis, quem fundit Jernus lacus.

Ad ripam Tai borealem est Angusa Comi-  
tatus Douglassiorum, qui in Comitibus Regni, co-  
ronam Regi præferunt. Visitur in litore urbs  
Donum Dei, vernac. *Dundee*, olim Alectum di-  
cta, navibus & lanificio clara. Hector Boëtius, qui  
Scoticam scripsit historiam, hinc oriundus.  
Suprà rubrum promontorium, vern. Read Head  
ad oppidum montem Vozarum, olim Colurtam  
portum commodum, miscetur mari Esca fl. qui  
ortus è lacu Finnevim, alluit Bræchinum, ubi se-  
des Episcopalis, sit licet Fossar vicus ignobilis eo  
antiquior.

Huic adjacet Mernia frugum ubertate & her-  
bosus pascuis dives. In ea castrum est Dunnoty-  
rum, arduæ rupi impositum, cujus Comites  
Scotiae sunt Marecalli hæreditarii.

Mox Dina & Donus fluvii, viam sibi aperiunt  
in mare. Inter utriusque ostium ( quod Aber  
Britannicè dicitur ) unius agelli interjectu sunt  
nova & vetus Aberdon, borealior scholis publi-  
cis & Episcopali honore clara; Australior Sal-  
monum capturâ dives. Tempore fructuosis ad  
sob-

sobolem, cavetur sub capitis periculo, ne quis rem piscatoriam facitet, quâ securitate gaudent à sexto idus Septembris ad Calendas Decembres. Ubi autem concepta ova in alvo ad partem aluere, & in humo deposuere non modo sunt macilenti, sed etiam pinguiore, quâ parte eos tangunt, ita violant, ut reperiantur, qui uno latere sicci & graciles sint, altero pinguedine turgent. Soboles vix digito major petit Oceanum, & unius mensis spacio, aut ad summum duorum, in justam excrevit magnitudinem. Præterea cognitum est frequenti experimento, rescissa quibusdam pinnarum parte, vel signatorio annulo ceræ ad caudam appresso, ad annem, qui eos genuit, singulos redire, & in adversos fluctus etiam rapidissimos, & per vadosas Syrtes tanto ferri impetu, ut rupes & cataractas fluminum facto agmine superent, ubi retibus implicantur, tam multi, ut ex hoc portu in Gallias transmittantur quotannis ducenti supra mille cadi, in quibus Salmones censentur, ut minimum sexaginta mille, quorum aliqui quadraginta librarum pondus adæquant. Gareotha Vallis frumenti feracissima horreum est Aberdoniæ: In ea mons est dictus Dundore, quod eum credant auro abundare, quâ oves in eo pascentes, quasi auro tinctas adverunt.

Suprà Donum in mare prominet Buquhania pascuis foecunda & frumenti opima, nullus in ea nus major, quem Ratum vocant, vel gignitur, vel aliunde importatus vivit. Litus abundat Electro, quod aliqui putant Succinum Pini arboris,

cujus odorem refert , alij bitumen ex lapidibus profluens , quod maris frigiditate obdurefcit: coloris est aurei, & grati, si modo perfricetur, odoris. Illius massa ingens quæ equi corpus æquabat magnitudine in hoc litus ejecta anno 1500. Reperiuntur & Anseres qui hic è vermibus deciduorum foliorum , è putri ligno, nec non ex testis plurimis enascuntur sicut & in Hebridibus insulis, quos tamen alibi & cubilia & ova ponere non negamus.

Boena & Ainzia præfecturæ deinceps extenduntur secundum littus boreæ obversum ad montem Grampium. Ad amnem Davernum Salmonibus insigniter piscosum oppidum est Bamfium cum nobili Palatio: Est & Turesium & arces nobilium non paucæ, quas inter eminet Strathbolgia Huntlæi Comitis præcipua sedes. Littus protegit Finlater castrum quod aliqui existimant inexpugnabile. Spey fluuius Inclytus per Moraniam labitur. Roches Liffiorum Comitum Castrum rigat, viamque sibi aperit in mare : nec ita multò post Loxa amnis & lacus Oloribus & Olorina herba abundans.

Passim hîc sicut & alibi per totam Scotiam, cum vulpes nusquam nō sint minoribus animalibus & alitibus infestæ, tali arte perniciem incole antevertunt. Carnes vulpis & domesticorum animalium simul contundunt, & quæ volucres, aut pecudes hujusmodi cibos degustarunt, duos prope menses securæ oberrant , si qua inter cœteras ex iis non comederit, sola prædæ est.

Ultra Spæam usque ad Nessum urbem lacum  
& flu-



& fluvium sequitur Morania olim Varar dicta regio pascuis, frugibus & amœnitate regni facile prima: Nessus à lacu Nessel longo 24. milla effluit, ejus aqua sicut & Loxæ semper est tepida, etiam hyeme asperrima. In Ecclesia pagi Petty asservantur ossa Joannis cujusdam qui ante annos circiter 300. vixit; qui altus erat pedes 14. Nemo est qui non brachium immittat in ejus Coxendicem.

Moraniam excipit Rossia, promontorijs in mare excurrent, hujus pars occidua Armanoch dicta avibus & feris Sylvestribus abundans filijsecundo genitis regum Scotiæ cessit olim, postea vero Rossiæ Comitatus integer, Antiquissimum illius oppidum est Rosmarkæum S. Bonifacij reliquiis decorum: unde non longè dissita est Cathedralis Ecclesia Rossensis; non ab urbe, sed à Provinciâ dicta: civitati enim ipsi in littore æstuarij sitæ Canonriæ nomen est.

Superius inter rupium scopulos, mare in sinum amplum se explicat, quem majores dixerunt salutis portum, nunc Cromartæum vocant vernac. Cromarty. Statio est facilis accessus, tuta & cujuscunque classis capax. In uno recessu æstuarij habes Dinquallium castrum regium ubi ingens Salmonum copia: In altero est Tana oppidum Collegiata Ecclesia & reliquiis D. Duthaci Episcopi nobile. Littoribus adhæret ostreorum, & saxatilium mira cōpia & varietas.

Proxima Rossiæ versus Boream sunt Navernia, Sutherlandia, Cathanesia & Stranayerna, in

quibus singulare nihil præter montes candidi marmoris & alabaſtri, rarum in regionibus frigidis miraculum. Episcopi ſedes eſt in Dorneck, obſcuro alioqui vico: Dunrobin munitum caſtrum, pertinet ad Sutherlandiæ Comites, è familia Gordonum. Girnego ſedes Comitum Cathaneſiæ, Wix præcipuum oppidum.

Inter promontoria, priſcis memorata, omniſi maximè prominet Hovvburne Head, antiquiſſ. Orcas, Ptolemæo Tarviſium, quod Britanniam finiat. Tarvus enim Britannicè finē ſonat: exco- breviffimuseſt, ſed periculofus per Pinthlandi- cum ſictum in Orchades inſulas trajectus. In Strathnaverna regione ad mare Deucaledonium tanta vis luporum, ut ter in anno teneantur omnes venationibus publicis intereſſe.

Ultrà progredienti occurrit Roſſiæ pars non exigua Vergivio mari appoſita, plurimis interſciſſa æſtuariis, & quæ ob montium nemorumque difficultates à feris commodius occupatur, quàm ab hominib<sup>9</sup>, in his nidos ſingunt falco, niſus, accipiter, aquila, Capercalze, ſeu ſilveſter equ<sup>9</sup>, corvo minor, ſaporis gratiſſimi, qui ex ſolis abietis extremis flagellis viſtitat. Gallus Taſcorū hirsutis pedibus & palpebris rubricantibus, teſquis viſtitans, faſiano minor, ſed colore & ſapore ſimilis. Guſtarda aſpectabili formâ & guſtatu perdicem referens, Oloremq; magnitudine ſuperans, ova ponit nuda humo, ſed ubi ea ſentit ab homine atrectata, vel halitu violata, illicò deſerit.

Litora omni genere piſcium abundant, maximè harengis. Certum in Scotiæ litoribus occi-  
duis

duis & borealibus, his onerari quotannis, ut minimum ter mille naves. Primam laudem diu obtinuit Loubrunus lacus, ad miraculum usque redundans harengis. Sed nusquam tam pingues & grati, quàm qui è lacu Fino educuntur. In mari occiduo capiuntur toto autumno & brumæ initio, in æstuario Cludæ & vicinis sinubus. Circa finem hyemis & deinceps aliquam diu, tam in Orientali littore contra Fisam, quàm in meridionali apud Gallovidios abundant quidem, sed exhaustis jam lactibus macilenti. Observatum, si quo loco eorum occasione cædes, aut humani sanguinis effusio oriatur, ad aliquot deinde annos ab eodem harengos abhorre.

Per Louquhabriam Rosliæ partem ferro abundantem, miscentur mari Louthæa & Hispana amnes Salmonibus abundantes, Louthæa ortus in dorso Badenachæ è lacu, in suo habuit ostio. Inverlouthæam opulentam civitatem, quam Galli & Hispani frequentabant, priusquam à Danis everteretur. Comites Louquhabriæ fuerunt Suatii, è quibus Robertus ante annos 400. per Marioriam matrem, filiam Regis Roberti Brus ad regnum Scotiæ, posteaque Jacobus VI. per Margaretam proaviam, filiam Henrici VII. ad Angliæ & Hiberniæ thronum conscendit.

Sequitur Lorna Regio plana, nec infœcunda, ubi videntur rudera castelli Euonii, in quo Prisci Reges, aliquot sæculis habitaverunt: ex ejus ruinis enatum putatur oppidum Dunstaffe, id est, mons Stephani. Mediam occupat lacus Leave, cui appositum Bergomum castrum, in quo olim justitiæ forum.

Lornæ contermina est Cnaplodia in cuius oppido Trarbar Jacobus IV. Vicecomitē constituit, qui Australium insularum incolis jus diceret.

Huic isthmo humili & arenaceo vixque passus mille lato jungitur Cantiera peninsula quæ versus Occidentem Hibernum sic porrigitur, ut ex ea in Hiberniam trajectus sit passuum nō amplius 16. mille, sed difficilis propter æstuum sibi invicem resistentium concursum. Dunartæum castrum ferociam silvestrium hic cohibet.

Deinceps sita est Argathelia 7. Sinubus ex æstuario Glottæ infusus discissa quorum celeberrimus Finus à Fino fluvio quem recipit dictus, harengorum copia & bonitate celebris ultra sexaginta millia passuum porrectus in longum. In montibus qui ipsi sunt ad boream Vaccæ sunt non cicures, sed palantes ut cervi quarum carnes suavissimæ, & adeps solvitur in oleum.

Proximè post habes Lenoxiam, ubi lacus est aquæ dulcis Loumodus dictus, qui ad radices Grampij montis per vallem cavam se explicat viginti quatuor millia passuum longus, octo latus qui sæpe nullo flante vento magnis fluctibus æstuat, Salmonibus sapidissimis fecundus quique supra viginti quatuor insulas complectitur quarum una cum gregibus & armentis natat; Erumpit ex eo meridiem versus Levinus amnis à quo regioni etiam Levinix nomen tributum, qui oppidulum rigat Britannodunum. & post quingentos passus junctus Glottæ simul cum eo in æstuarium evolvitur. A confluyente herbosa planities circiter mille passuum ad proximorum montium radi-

radices extenditur. In ipso angulo, ubi amnes commiscuntur, Alclutha rupes biceps attollitur. In altiori cornu quod Occidentem respicit specula est longissimo in omnes partes prospectu, alteri quod humilior est & præceps, Britannodunum, vernac. Dunbritövn arx insuperabilis imponitur, ad quam per incisos in præduro saxo pertinaci labore gradus vix hominibus singulis patet ascensus: pro fossis habet stationem navium Levinum lacum, Glottam & cœnosam planitiem quæ Oceani æstu irrigatur: in arce tres sunt fontes perennes, & in superiore parte ingens saxum Magnesiæ lapidis, ita cæteræ rupi adhærens, ut commissura omnino non appareat.

Magis ad Occidentem porrigitur Cludisdalia superior & inferior: in superiore collis est non admodum editus, è quo in tria diversa maria flumina effunduntur, Tueda in mare Scoticum. Annand<sup>9</sup> in Hibernicum, in Deucaledonium Cluda tacito Glotta, qui variis augetur torrentibus, in quibus reperiuntur auri ramenta. Urbium quas alluit primaria Glasgoum clara Archiepiscopatu, Academia & Emporio, ex quo in exteras gentes exportantur Carnes, Boum tergora, lana, butyrum, harengi & Cervisia melle & aromtibus condita, quam vernacule dicunt Brogat. Lazurium passim in his partibus eruitur sine labore.

Consequentem maris oram incolunt Silurigeni bellicosa per regiones Cuninghamiam, Kilmam & Carictam divisi, ubi plures reguli & nobi-



les, raræ sylvæ, sed pingua pascua, & piscosa litora, habes in Kila sive Coila saxum 12. pedes altum, 33. cubitis extensum, quod vocant furdum, ad quod si vel tormentum bellicum explodas, ex adversa tamen parte auditur planè nihil: oppidum Air, quod & S. Joannis dicitur, portum habet frequenter & edificiis splendidum ad ostium amnis cognominis.

His adjacet Gallovidia, olim Brigantia, celebris propter frugum ubertatem, subtilem lanam, & gradarios equos, parvos quidem, sed aded agiles, ut quoscunque, si iter instituas plurium dierum antevertant. Oppida habet portusa Candidam Casam, ubi D. Minianus doctrinâ & miraculis claruit, nec non Monasterium, olim dictum Suavicordium, ob probatissimos cœnobiarchas, Victonam & Kircubrium.

Sunt denique in regni limitibus Anandalia, ab Anano flumine, & oppido sic dicta, & Liddisdalia, à Liddero amne, ubi castrum Eremitagium antiquum & validum contra Abigæos & nocturnos ambulones firmatum. Accolæ vadosi æstuarii Solvvay utrinque salmones, quibus abundat, jucundo spectaculo equis insidentes venantur hastis, sive mavis expiscantur.

## CAP. X.

## ANGLIA.

*Magna Britannia pars altera.*

**H**anc insulam, quæ nunc divortio m. 21 separatur à Gallia, olim fuisse ipsi conjunctam existimarunt viri graves, & quod rupes quæ cœunt

coeunt proximè ejusdem videantur esse naturæ, scilicet ex creta variis nigræ silicis distincta ordinibus: deinde quod lupos & alia hujusmodi noxia pecori animalia, quæ ibidem pauperiem faciunt agricolis, nemo voluisset illuc navi vehere. Etsi enim jam penè nulli sint in Anglia lupi, & sub dio impunè greges pernoctent, fuisse tamen constat ex historia tam multos, ut Reges Madan & Mempricius dicantur à lupis devorati, proptereaque Eadgarum Regem, luporum capita 500. exegisse pro tributo à Luduallo Walliæ Principe, qui tribus annis cum illud præstitisset, quarto destitit, nullum se ulterius invenire professus, ut habet Malmesburiensis. De sermone gentis sic habet Tacitus, sermo fuit Britannis & Gallis communis, infinita in hanc diem id testantur vocabula.

Censentur in tota Anglia Hidaæ terræ, seu Cassatæ omninò 243600. Hida autem sunt quatuor virgata terræ, seu quantum uno in anno aratrum potest proscindere. Patet autem à 50. gradu ad 59. hoc est, porrigitur in longum per minuta Geographica 540.

Sunt Archiepiscopi duo, Cantuariensis Angliæ Primas, cui subsunt Episcopi 22. & Eboracensis, cui tres.

Urbes in toto regno paucae admodum, omnino 22. numerant aliqui, sed mercatoria oppidula, sine numero, propter 325. annes, stratos pontibus 857. quibus tota Anglia proscinditur & tæcundatur. Montes crebri procurunt in omnem partem, suntque quasi arbitri inter regiones sive

Comitatus 52. in quos dividitur Anglia, unde eos Comitatus vernacule vocant Shires à verbo Shire quod ipsis idem est ac dividere. Alfredus Rex circa annum 1016. singulos præterea Comitatus diviserat in Centurias & decurias, jusserratque, ut si quis alicujus delicti insimularetur, ex sua centuria & decuria exhiberet qui se, vadaretur, aut in eum ex lege animadverteretur; Si quis vero reus ante, vel post Vadimonium transfugeret, omnes ex ea centuria in Regis multam incurrerent. Quo constituto ea pax & justitia induta est ut armillas aureas in quadrivijis suspensas non modo auferret nemo, verum etiam si viator quantamcumque pecuniæ summam in itinere amisisset, vel post mensem ad eum locum rediens integram reciperet. O Tempora!

a Servius in Virgil. Claudian.

## C A P. XI.

### Anglia Imperium.

**R**erum Anglicanarum melioris notæ historiæ ci ajunt è proxima Gallia transmisisse, qui numerosas insulas continenti Galliæ obversas, primi incoluerunt. Idem è nomine, situ, religione, moribus & lingua utrisque communi probant, quotquot sunt emunctioris naris critici, qui de hac re egerunt, Morini, Britones & Armorici, qui earum insularum præcipuam è suis littoribus albicantem cernebant, & quasi oculis eminus signabant, primo Albium dixerunt, quod Alp Celtica lingua altum significet, Alb  
verò

verò Album. Deinde cum eorum qui se in eam contulerant, aliqui dicerentur Atrebates, alij Belgæ, & nomen gens quælibet proprium haberet depromptum à locis Galliæ, à quibus ortum duxerat, omnium pars longè maxima è Gallia Britannica, quæ Morinis & Ambianis proxima erat, ut capite 1. hujus libri docui, advenisset, aut per eam in Albium navigasset, tandem invaluit, ut nomine communi incolæ Britanni præcipua insula Britannia, vicinæ verò Britannides appellatæ sint.

Insulanos hujusmodi paruisse Gallis dubitabit nemo, qui apud Cæsarem l. 2. de bello Gall. legit Diuitiacum Regem Sueffionum, Gallorum potentissimum, optimam majoris Britanniae partem obtinuisse, quando Galliæ Cæsar bellum intulit. Et lib. 4. Comium Regem Atrebatum, victum se in Britanniam ad suos recepisse.

Julius Cæsar Romanorum primus littore positus, anno ante Jesum natum quinquagesimo quarto, Romanis eam ostendit, potius quàm tradidit. Claudius Britannis primus imposuit jugum, & partem insulæ redegit in Provinciam, circa annum Christi 52. Suetonius Paulinus Moenam insulam devicit, & 80000. Britannorum, quibus Boudicæa foemina Dux erat, interfecit anno 63. Julius Agricola, cùm defecisset, ad jugum reduxit anno Christi 82. ejusque classis circumvecta insulam esse Britanniam affirmavit, partemque ejus Australem legionibus quatuor munivit. Severus Imperator anno Christi 210. interfectis suorum 50000 pacem firmavit cum Britan-

Britannis, & Britanniam divisit in superiorem & ulteriorem, superior partem Australem & Occiduam, seu Walliam continebat, cujus præcipuæ urbes Caerleona, & Cestria. Ulterior Borealem, ubi Eboracum urbs primi nominis. Fuit deinceps divisa à Cōstantino Magno in maximā Cæriensem, Britanniam 1. & Britanniam 2. quartam addiderunt dictam Valenciam Imperatores Valentinian<sup>9</sup> & Valens: quintam demum Theodosius, quàm de suo nomine Flaviam appellavit. Tuncque regio Australis, quæ hinc mare Britannicum, illinc Tamisim & Sabrinæ fretum interfacet, dicta est Britannia 1. hoc est, quæ venientibus Româ occurrebat prima: quæ nunc Wallia tunc appellata Britannia 2. quæ scilicet à Romana esset civitate magis remota: Flavia Cæsariensis à Tamisi ad Humbrum porrecta fuit: maxima Cæsariensis à Humbro ad Tinam: Valentia è Tina ad fossam juxta Edemburgum.

Picti & Scoti, qui advenæ ex Hibernia septentrionalem insulæ partem incolebant, Britonibus perpetuo infensi, faventibus Romanis repulsi sæpius: donec fatiscente Romanorum Imperio, evocatis ex insula Legionibus, & juventute per crebros delectus in externam militiam exhaustâ, Pictorum & Scotorum irruptionibus fatigati Britanni, cum à Romanis, quibus Attila imminabat, auxilia non potuissent impetrare, tandem ab Imperio desciverunt D. propè annis post appulsu Cæsaris: electusq; circa annum Christi 435. à Britannæ proceribus, Vortigernus virtute ac generis nobilitate præcipu<sup>9</sup>, qui libera sceptrâ suscepce-



pesceret. Hic viribus suis diffidens, quo patriæ  
fatum averruncaret, Anglos ad collum Cimbricæ  
Chersonesi sitos, Vitas Bedæ, aliis Gutas & Jutas,  
unâ cum Saxonibus, tunc rei militaris, terrâ, ma-  
rique gestæ famæ illustres, evocat. Hengistum &  
Horsam, cum valida Anglorum & Saxonum ma-  
nu, adventantes honorificè excipit, circa annum  
salutis humanæ 449. & Cantio ipsis ad habitan-  
dum assignato brevi post conjunctis viribus,  
de Pictis & Scotis ingenti potiuntur victoria.  
Mox tædet Britannos tales hospites evocasse pu-  
gnâ sæpius inter eos commissâ. Cum penes An-  
glos & Saxones victoria semper staret, victi in le-  
ges, nomen, & linguam vincientium concesserunt:  
hinc Regna septem variis annis inchoata,  
quibus totidem Reguli præfuere in summa pe-  
næ semper discordia, donec circa annum Christi  
310. cum Anglorum progenies cæteris amplio-  
res obtineret regiones, placuit ut communi no-  
mine omnes dicerentur Angli, ipsaque regio ob-  
literatis nominibus Britannia & Transmarinæ  
Saxonie, appellaretur Anglia.

Sæculo proximè sequenti, cum Anglorum res  
ad summum gloriæ decus pervenisset, & ut fit in  
rerum omnium abundantia, vulgus otio torpe-  
sceret, nobilitas luxu solveretur, Clerus tumultu-  
ariâ literaturâ contentus, vix sacramentorum  
verba balbutiret, sicque ad mala perpetranda om-  
nes festinarent, ut nescire crimina crimen esse  
videretur: tum verò pœnas de tot flagitiis, repen-  
te namine, Imperium insulæ ad Danos pervenit  
Sueyonem & Canutum magnum, qui tamen  
brevis

brevi post sunt insula ejecti, & lata lex, ne quis Danus ad sceptrum Anglicanum vocaretur. Verum legitimis hæredibus è Northmannia Gallia evocatis: Guillelmus Northmanniæ Dux, in Regem Angliæ salutatus est anno 1067. qui mox abrogatis legibus Anglicanis, Northmannicas gallice scriptas substituit, & ut eausæ eodem idiomate agerentur jussit, qui mos ad Eduardi III. viguit tempora. Ante Guillelmum nulla fuit communis Regni tessera, sed Reges singuli sunt usi propria. Hic verò gentilitiam Northmannorum dedit Angliæ, in qua Pardus duplex, addidit tertium Henricus II. quando hæredem Aquitaniæ matrimonio sibi junxit. Guillelmi prosapia cum defecisset in Henrico I. sine liberis defuncto: Stephanus genere Francus, Comes Bononiensis Henrici sorore genitus subrogatus anno 1135. ne in Reges suos bis peccarent Angli 1100. sive castella sive oppida mœnibus exuit, nec fuit in tota Anglia celebris ulla munitio, ad tempora Henrici VIII. & Elizabethæ, qui littorum omnium aditus castellis firmarunt.

---

## C A P. XII.

### *Religio.*

**S**UOS hæc olim insula Druidas habuit & Bardos, qui mores excolebant. Prima Christianæ fidei fecisse semina D. Petrum, narrant Nicephorus & Lipomanus. S. Paulum Sophronius, & Theodoretus. Josephum ab Arimathia, D. Patricius, & Abbatia Glasterbury monumenta.

Priorem

Priorem Nicephori sententiam confirmat Marianus in ruinis Romæ , lib 3. Epist. 34. ubi ait Claudium Imperatorem, post triumphatum Caractacum Britannæ Regem , adoptasse ejus filiam, appellasse Claudiam , & dedisse in Matrimonium Pudenti Rufo Senatori , apud quem cum S. Petrus hospitaretur, Caractacus ad fidem conversus, rogavit Apostolum, ut relicta tantisper Roma Britannos fidei lumine illustraret. Certè Claudiam, quam Martialis Britannam vocat , à D. Paulo baptisatam, legimus in Epist. 2. ad Timotheum.

Constat sub Aurelio Commodo Lucium Regem Britannorum, qui nec dum Romanis parebant, Christianorum integritatem miratum, petisse ab Eleuthero Papa S. Fugatium & Donatianum, à quo ipse & subditi Christiana religione sunt imbuti. Huc deinde Augustinus, quem vulgò Anglorum Apostolum dicunt missus à Gregorio Magno , qui Christum in ipsorum animis sic inservit, ut in ejus fide constantes perseveraverint ad tempora Henrici VIII. qui in Annæ Bolenæ pellicis amorem effusus , cum impetrare non posset à Clemente Summo Pontifice , ut repudiata Catharina conjuge, Bolenam duceret, à Pontifice defecit, & Lutheri sectæ, quam scripto confutaverat , adhærens , primum vexare Catholicos cœpit rapinis & cruciatibus , deinde publico edicto se Anglicanæ Ecclesiæ caput & dici & esse voluit. Cum Rege Anglia pariter à fide descivit anno 1537. & è Parochialibus Ecclesiis , quæ tunc 9284. numerabantur

rabantur, plusquam 3845. transierunt in feuda, ut vocant Laicalia, & omnes Abbatię, & domus religiosę, Regi sunt à Parlamento concessę specioso obtentu eruendę superstitionis. Cum verò Regnum morte Eduardi VI. ad Mariam Henrici ex legitima uxore filiam pervenisset anno Christi 1553. Reginaldus Polus Cardinalis Pontificis Legatus, Reginã adnitente Angliam hæresibus expiatam, ad avitam religionem revocare cœpit, anno post ejus exilium fermè 20. verum Marię morte anno 1558. Regnum Anglię, ad Elizabetham Polenę filiam devolutum est, & Angli sunt ad errores pristinos revoluti anno proximè sequenti.

### C A P. XIII.

#### *Chorographia.*

**O**Rdior ab illo duplici muro pictico, *The Poicts Wall*, quem Vallum Barbaricum, Prætenturam, Clusuram & Romanę Provincię litem appellat Spartianus, Cassiodorus & alii. Primum posuit Agricola inter Bodotriam, vern. *Edimbourg* 55. 57. & Glottam, vern. *Dunbriton* 55. 57. Alterum Hadrianus à Blato Bulgio, vern. *Bulnesse*, 54. 58. secundum Itunę æstuarium ad Lugu-vallum, sive Carlil' 54. 57. hincque per ardua montium ad Tinę ostium, vern. *Tinmoult*, 54. 57. Id præstitere, quod in edomandis Britonibus, Caledoniis & Pictis plurimum laboris & parum emolumenti viderent. Primum sæpius perfractum à Pictis, restituerunt Lollius Urbicus, Ale-

Alexander Severus, Carausius & Theodosius. Secundum firmavit Severus muro saxeo, octo pedes lato, duodecim alto, turribus ad singulos mille passus, castellis, oppidis, aggere, via militari, & exteriori fossa bene alta & lata. Tubulus ex aere muro insertus est, quo turri proximè significabat excubitor, cui loco hostis immineret, quod idem perfracto tubo posteri inflato cornu praeferere.

Nunc Vergivii maris litora à Septentrione in Austrum lustramus. Cumbria, vern. *Cumberland*, se offert primo loco situ frigida, metallicis montibus aspera, & gregibus abundans. In Itunæ æstuarium, quod nunc dicimus *Solvay-Frid*, ab oppido Scotorum *Solvay*, quod huic imminet, evolvitur Esca fl. Scotiæ & Angliæ limes: & Ituna, huic imponitur Carleolum, vern. *Carlisle*, oppidum Episcopale, amœnum, & citadellâ munitum, ab eo parum distat castrum *Drumbourg*, antiqua Romanorum statio. Promontorio incumbit Blatum-Bulgiæ, nunc *Bulnese*, viculus cum munimento, à quo iterum Imperii ducit initium Antoninus.

Ad *Wirkinton* castrum 54. 42. piscaturâ salmonum nobile, miscetur mari Derventio fl. qui ortus in valle Borrovale serpit per montes plenos ære, & *Cokarmouth*, alluit forum copiosum. Stationem navium habes ad vicum *Moresby* 54. 38. Ad Ravenglas 54. 25. influit rivus *Irt*, in quo sunt conchæ, quæ margaritas insignes pariunt.

Succedit *Westmorlandia* magnam partem inculta propter rupes. hujus præcipua urbs *Candalaria*



dalia 54. 18. lanificio celebris ad Canum fl. qui duplici Catadupa, dum se præcipitat, si borealior insonat clarius, serenitatem, si australior imbres & nebulas expectant incolæ.

E regione Cumbriæ habes insulam Monœda vern. *Man*, juris Anglici, licet incolæ lingua & moribus ad Hibernos accedant, patet in longum 30. minuta, lino, cannabe & pascuis læta, urbs Episcopalis in ea Russin, frequentior tamen est *Duglas*, quod portus sit ad quem Galli sal deferunt, & inde Coria, lanam & carnem bubulam salitam exportant. Judices hic dirimunt lites nulla mercede, & sine scriptis. Mulieres verò, quocunque se ex ædibus conferunt; linteo, quo mortuæ involvendæ sunt, se circumcingunt. Australi promontorio prætenditur modica insula, anatibus è putrefacto ligno enatis abundantissima.

Adjacent superioribus Lancastria & Cestria, Comitatus Palatini titulo insignes, & frequentibus familijs spectatæ nobilitatis. Lancastriæ præcipuum oppidum Longovicum vern. *Lancaster*, 54. 4. sedet ad ripam Loni fl. qui ex Vestmorlandiæ montibus ortus, accolæ æstivis mensibus opima salmonum piscatione ditat. Mancunium vern. *Manchester* 53. 28. circumvicinis præcellit oppidis ornatu, frequentia, lanificio (*cottons de Manchester* vocant) foro, templo, & Collegio, ad confluentem Irkus in Iruellum. Ad ostia Merseij floret Lirpoole 53. 24. commodissimus in Hiberniam trajectus.

Cestriam foecundant nobiles fluyij *W*erwerus,  
& De-

& Deva. ad Werverum habes Congleton. 53. 10. facellum è ligno , tenue vestigium antiqui Condate Cornavorum, ubi fuit sedes Prætoris & Senatorum sex. In eum influunt aliquot falsi fontes, è quibus sal excoquitur. Deva salmonibus ferax ruit è Wallia, ejus incolæ ab ea dicti olim Ordevices : nunc loca rigat insigniora Bonium & Cestriam. Bonium vernac. Banchor 53. Monasterium fuit, in quo 7. olim Rectores, qui 300. ut minimum, singuli regebant Monachos, qui omnes die ac nocte in opus incumbentes, & ex virtutis præscripto, se moresque suos regentes, victum sibi comparabant, inter quos tamen reperi- tus Britanniaë coluber Pelagius gratia Dei hostis infensissimus. Cestria vern. *Chester*, urbs est præclara & dives, quæ Eadgarum Regem, de octo Britanniaë, & insularum Regibus, vidit triumphantem in navicula, cujus ipse clavum regebat secundum Deam amnem, Reges verò subditi remis incumbebant.

## CAP. XIV.

*Wallia.*

**R**egio est ampla Vergivio mari apposita inter æstuarium Devi & Sabrinæ, sic dicta à Gallis, qui hanc insulam primi incoluerunt, & quorum progenies tyrannidem Romanorum, Anglorum & Saxonum, fugiens libertatem tuta- ta est suam in hac parte, quæ tota montibus, sylvis & fluminibus impeditur; & verò in hanc diem.

diem usus est in Wallia, Cumbria & Cornubia  
linguæ, quæ putatur Gallorum antiqua. Eam  
Rodericus Magnus anno 870. in tria divisit Re-  
gna, Walliæ Aquilonaris, cuius præcipua urbs  
*Aber-Fræw*, in Mona insula: Powisæ inter Va-  
gam & Sabrinam extensum: Et Australis Wal-  
liæ. Porro cum fines Saxonum, sæpius invade-  
rent Walli; Offa Rex Merciorum, fossam per  
centum millia passuum duxit per montes à Deve-  
ostio in agro Flintensi, ad exitum Wagæ in agro  
Glocestriensi, qua se contra eos defenderet. Ha-  
raldus verò legem tulit, ut quicumque citra fos-  
sam, cum telo deprehensus esset, ei dextrera ma-  
nus præscinderetur. Aliam duxit Athelstanus,  
ab Oceano ad Iscum, seu Exoniam urbem in De-  
vonienſi agro, & statuit, ut Tamara Regnorum  
limes esset. Licet autem tempore Eduardi, uni-  
ta fuerit Wallia Angliæ, funestissimum tamen  
inter utramque gentem odium, vix potuit restin-  
gui, ad tempora Henrici VII. qui parem utriusq;  
gentis voluit iurium libertatisque esse conditio-  
nem. Cumque invaluisset, ut quemadmodum  
destinati Romani Imperii successores, Principes  
juventutis, Cæsares, Nobiles: Græci Despotæ;  
Gallici Delphines, Hispanici Infantes dicti: Ita  
Anglici Principes Walliæ, & Duces Cornvalliæ  
appellati, per sertum in capite, annulum in digi-  
to, & virgam argenteam, in hæredes Regni tran-  
scripti sunt ad tempora Jacobi Regis, cuius fi-  
lius, qui nunc regnat, Princeps Magnæ Britanniæ  
appellatus est, de antiquis Wallis tradunt aucto-  
res equos habuisse vegetos & arma terſa, non nisi  
semel

semel de die sumpſiſſe cibum , idque ſub veſpe-  
ram, muſicam & eloquentiam coluiſſe, magni fe-  
ciſſe natales , & verò etiam nunc multi in ſordi-  
bus & pannis nobilitatem tritavorum jaſtitant :  
nunc ex ea gente permulti operam dant literis &  
litoribus.

## CAP. XV.

*Wallia Comitatus. Flintenſis : Caërnar-  
von : Angleſey : Merioneth : Car-  
dingan.*

**D**E væ æſtuario prætenditur Comitatus al-  
terâ parte longior, cui nomen à Caſtro *Flint*  
53. 12. à quo minutis decem removetur *Aſaphen-*  
ſis civitas Episcopalis S. *Aſaph* 53. 15. Monasteriũ  
olim , in quo circa annum 560. numerati 663.  
Monachi, quorum 300. illiterati, agriculturæ va-  
cabant: alii operibus intra Monasterium maximè  
divinis , aliis continenter, aliis ſuccedentibus in  
templo. Huic proximè adjacet *Denbigh* ager,  
qui diſperſim habitatur , quod glabris & maci-  
entis montibus ubique ſit horridus, præterquam  
in valle, quam *Cluida* fl. mirum quantum fœcun-  
dat. *Alen* fl. ſemel atque iterum ſe recondens, cu-  
niculum agit in regiuncula, cui nomen impertit  
ium, in qua vicus *Kilken*, ſitus in monte, ubi fons  
ſt, qui maris æmulus ſtatis temporibus, ſuas &  
omit & ſorbet aquas.

Canovius amnis è palude ejusdem nominis e-  
manans , anguſtiori alveo, uſque ad oſtium ferè  
ollis conchas alit, quæ margaritas parturiunt.

Eo transmissio offert sese *Caernarvon* Comitatus, cuius interiora *Snorvdon* occupant Britannicarum Alpium montes altissimi, qui omnes unum quasi præcingunt, qui caput æternis tectum nivibus cælo videtur inferere, in quibus omnibus frequentes pascuntur pecudes, vagantur armenta, & tutissimum incolis est à bello perfugium. Urbs primaria 53. 13. quæ nomen dedit Comitatu, putatur crevisse ex ruinis Segontii, freto tantum dissita est à Mona. Hæc insula est, quàm nunc dicimus *Anglesey*, sedes antiqua Druidum, tritico, repecuaria, molari lapide, & alumine opulenta, cuius præcipua urbs *Bellus Mariscus Beaumarish*, 53. 23. Nam *Aberfravv*, 53. 21. sedes Regum *Venodoriæ*, sive *Northvalliæ*, nunc est obscurior.

Comitatum & peninsulam *Caernarvon*, excipit Comitatus *Merioneth*, dives numerosis ovium gregibus, quæ passim errant per montes, qui & altissimi sunt, arcti & in modum acus erecti, & sic æquales, ut ex verticibus pastores colloquantur, nullum hic appellabo oppidum, quod sint exigua & rara.

Ad austrum huic adjacet Comitatus, cui oppidum *Cardigan* nomen dedit, cuius ager præcedenti haud dissimilis.

Hinc grandi fronte procurrat in Oceanum Comitatus *Pembrok*, cuius pars borealis saxosa falconibus abundat, ad *Kilgarran* in Tino amne, habet & falcones generosos, qui ponunt nidos in promontorio, quod *Ptolemæus* vocat *Oëtopitarum*, non longè ab urbe tenui *S. Davidis* sacra, quæ suos



suos olim habuit Archiepiscopos, qui grassante peste pallium suum in Britanniam Armoricam transmiserunt: Pars australis frumento, & rebus omnibus affluit, & portum habet Milford g. 52. m. 48. quo non alter est in Anglia, aut nobilior, aut tutior. Inde se in terras mare insinuat, ac primum in duos sinus finditur, mox patenti ore pelagus admittit, sed quo magis penetratur, angustius fit fretum, quod à Sabrina, quam excipit, nominamus Sabrinianum, Pembroco ad Orientem succedit Caermarden Comit. frugibus, gregibus, & carbone fossili abundans. Urbs primaria Maridunum, vernac. *Caermarden* g. 51. m. 54. ad Tobium fl. qui lembis tantum subvehendis par est. In ea natus olim Merlinus ex incubo, qui non vaticinia, sed Orestis somnia suis effinxit. Walliæ Australis, hic sedet Cancellaria. Non ita procul specus est, asylus rusticis belli tempore tutissimus. Fons item, qui bis in die æstuat, & deficit, non secus ac mare. Comitatum Glamorgan habet pro limite Australis Walliæ, in eo non procul à castro Ogmorg. 51. m. 30. nec multum à litore Sabriniano, fons est alius, qui æstuante Sabrinâ deficit, defluente verò aquis abundat. Altius in ipso litoris flexu sternuntur insulæ Sully & Barri. In hujus rupe marina, est rima modica, ad quam si aurem apponas, audis strepitum quasi fabrilis operæ, nunc follium flatus, nunc malleorum ictus. Vix tribus ab ea minutis Taffus fl. è montibus dejectus, urbes rigat Landaffe & Caerdiff, illam Episcopali dignitate claram, hanc mercimoniis.

Sequuntur Monmouthensis Comitatus palustria litora, per quæ Oceanum subeunt Isca & Vaga. Isca sive Osca è nigro monte proruens, præterit Breknok oppidum primum, cui nomen à Brechanio Principe, qui filias 24. omnes sanctimonia insignes fertur suscepisse. Duobus hinc ad ortum milliariis lacus est, dictus clamosus, quod tonitrua ementitur, quoties in eo glacies solvitur. Levenus fl. per hunc injectus inconfusus faciem servat: Loventium Ptolemæi, in hoc lacu stetit putatur. Ad Iscæ & Geveny confluentes, oppidum habes Abergevenny g. 51. m. 52. quod Antoninus dixit Gobannium, à quo 12. mill. abest Burrium, ab hoc verò totidem distat, Isca Legio II. in qua sub ingressum Saxonum ajunt fuisse gymnasium 200. Philosophorum, qui stellarum cursus observabant, nunc dicitur Caerleon, putaturque ex ejus ruinis crevisse Novus portus.

Vaga in Montgomeriis montibus ortus, urbes attingit Buelth & Hay in Comitatu Brechnoc: in Haresfordiensi Clivum fortem, Bradvvardinum & Haresfordiam g. 52. m. 6. caput hujus Comitatus, Lemster, ubi nascitur Linum laudatissimum, & lana, quæ soli Apulæ cedit. Inferius prope confluentem Lugum in Vagam, Collis, quem Marclehill vocant, anno salutis 1575. consurrexit, & triduum se immanissimam molem propellens, horrendo reboans mugitu, & obvia queque prosternens in superiorem locum se promovit. In eadem ripa ad ostium Munovv in Vagam, stat oppidum celebre Moumouth, in quo natus olim Henricus V. Hinc ad ostium Vagæ copiosa est salmo-

salmonum piscatura à Septembri in Aprilem.  
In ipso verò ostio Chepstovv oppidum clivo im-  
positum.

## C A P. XVI.

*Sabrina, & Varii ad eam Co-  
mitatus.*

**O**Ritur è Monte Plinlimon in Comitatu  
Montgommerio, cujus præcipuum oppi-  
dum surgenti saxo impositum g. 52. m. 35. præter-  
fluit, sicut & Thevkesbury urbem celebrem g.  
52. m. 44. hinc abit *Bridgnorth* nobile oppidum  
Salopiensis Comitatus, in quo & viculus *Pitch-  
ford*, à fonte picis, seu potius bituminis, quod  
in eo est, sic dictus. Inde salutat *Beauudley*, ubi æ-  
des Regiæ. *Droitwich* g. 52. m. 15. ubi tres  
fontes, ex quibus sal excoquitur. *Worcester* vetu-  
state & venustate urbem inclytam, & Glöce-  
striam ingressus Avonam fl. excipit, ad quem se-  
det *Rugby* laniis forum frequens, & Warvicum  
Romanorum olim præsidium, nuuncque castrum  
opere & naturâ munitum, cum oppido speciosis  
ædibus claro. Inde Sabrina dum præterfluit  
Gleuum, insulam facit *Alney*, in qua misso in  
compendium bello, utriusq; gentis fata Edmun-  
do Anglorum, & Canuto Danorum regib<sup>9</sup> com-  
missa, qui singulari certamine, de summa impe-  
rii in ea decertarunt: & post ancipitem æquo  
marte pugnam pax convenit, & regnum inter  
eos disperditum. Mox tamen Edmundo non  
sine suspitione veneni sublato, universam An-

gliam occupavit Danus. Glenum, vern. *Clocester* g. 51. m. 50. urbs est pulchra Comitatus cognominis primaria, templis & ædificiis culta. In Choro Primariæ Ecclesiæ fornix est eo artificio constructus, ut si quis admodum summissâ voce ad unum ejus parietem loquatur, & alter applicet aurem ad aliam partem, facîle unamquamq; syllabam exaudiat. Infra Glocestriam Sabrina, alterno maris accessu plenior more sævientis pelagi exurgit, & petens Oceanum aperit se ad *Darceley* g. 51 m. 42. castrum munitum, sub quo Aven fl. mare subintrat. Succedit Bristolia g. 51. m. 30. ad Confluentem Avonæ & Formi sita, licitationibus faciendis Lōdini æmula, pulchritudine & dignitate ab Eboraco secunda. Quinto milliari ab ea distat Bathonia, Antonino dicta Aquæ solis, ob termas jam ex antiquo celebres: In cujus balneo sedilia sunt 12. in Regio 32. Avonæ ostio imminet rupes duæ adamantum feraces. Sequitur in eodem æstuario ostium Brivi, in cujus ripa fuit Glasconia, vernac. *Glastemburii*, Benedictinorum cœnobium longè celeberrimum, ab Henrico VIII. excisum, quamvis locus is ab omni ævo diceretur prima terra Dei, prima Sanctorum terra in Anglia, & tumulus Sanctorum propter antiquam ædem ibi ædificatam à S. Josepho ab Arimathia, qui Christi corpus sepulcho mandavit. Ab eo 4. miliaribus distat Fontanensis Ecclesia, sita ad radices collium *Mendipp*, qui plumbi fodinis abundant: hæc Ecclesia in tota Anglia celebris est propter propylæum portæ principis: sicut D. Pauli Londinensis propter templi

templi obeliscum campanarium pedes 334. altum. Cantuariensis propter opera ex Vitro: Bathæ propter fenestrarum & columnarum numerum : Lincolnæ inter Cathedrales: Radcliffæ Bristoliensis inter Parrochiales, & West-Monasterium inter capellas Regias. Eodem quasi ostio miscetur mari Pedredus fl. qui urbem alluit Bridgevvatter g. 51. m. 6. in his partibus celebrem, & rivum suscipit, qui rigat rudera antiqui Somerton, à quo Somersetensi nomen inditum comitatus, qui cœnosâ vlgine madet penè totus.

## CAP. XVII.

*Denshira & Cornuvvallia.*

Somerfetiam excipit Danmonia in Denshiam & Cornuvvalliam divisa. Ad oram maritimam, quæ tota inculta est habes Combmarton, ubi vetus plumbi fodina, & Ilfarcomb stationem navium fidam. Uno deinde ostio effundunt se duo fluvii Tavy & Tovvridge. Tavy è regionis meditullio defertur per Chimlig, Tavyton & Berstaple oppida mercatoria, mox junguntur Tovvridgo, qui Ockū recipiens, à quo Ockhamptoniæ oppidulo nomē, mox per Tomerington, cui nomen impertit, & infra *Bediford* oppidum frequens, cum Tavyo petit mare Sabrinianum: ad Herculis Promontorium, vernac. *Hertypoint*, sunt oppidula *Herton* & *Hertlond*. Hinc incipit Cornuvvallia à Promontoriolis, quibus quasi Cornibus excurrit in Galliam sic dicta, Britonum antiquâ adhuc linguâ utitur: à fonte & ostio Ta-



maræ ad Belerium caput extenditur per millia-  
ria circiter 70. stanni divite venâ ubique fœlix.  
Ora maritima abundat alga, quæ agros fœcun-  
dat. In Septentrionali litore loca alicujus no-  
minis sunt Stratton & Tinagel, ubi ruinæ castri,  
in quo natus fertur Arthurus. *Padstovv* em-  
porium, ex quo horis 24. transmittunt in Hi-  
berniam: *Lhanheron* & S. Columbæ oppidu-  
lum, aliudque S. liæ Sacrum, à quo litus areno-  
sis cumulis aggeratur ad Belerium caput, incolis.  
*Pen von Las*, hoc est, caput finis terræ, ubi unde vi-  
ginti lapides videbis in orbem positos, victoris  
alicujus trophæum: hinc non longè est sinus S.  
Michaelis, statio sæviente austro & phœniciâ na-  
vibus tuta, ab eo parum abest Ambrosii saxum  
magnæ molis, quod & si vel digito facilè mo-  
veatur in loco, nullâ tamen vi possit ab eo dimo-  
veri.

Passim fœtus procreant in hoc litore *Pyrrho-*  
*corax* rostro & pedibus rubentibus cornix, quæ  
ignem ædibus sæpe fertur subicere & pecuniam  
abscondere. *Heilston* oppidum est signandi me-  
talli privilegio celebre. Ad austrum Kersonefus  
Menna in caput Ocrinum, vernac. *The-Lisard*,  
desinit. Reducto dein litore occurrit sinus na-  
vium capacissimus Voluba, vernac. *Falemouth*, in  
cujus faucibus castella duo excitavit Henricus  
VIII. Ad fl. Favvey est Uxella, vern. *Lestutbiell*,  
oppidum Comitatus primarium, ubi metallo-  
rum Præses. Mamara fl. haud procul à Septen-  
trionali litore ortus ad meridiem cursum, agit  
per Tamaram, vernac. *Tamerton*: ab ejus ripâ pau-

paulò remotius fanū S. Stephani, vern. *Lawnston*,  
 nitidum oppidū publico carcere, & cōventu no-  
 tum. Inde montem suspicit Hengisti, vernac.  
*Hengstonhill*, & in collis dejectu positum Saltes-  
 se emporium tenue ad ostium Liveri. Inferius  
 etiam excipit amnes *Lid*, ad vicum *Lidskon*, &  
 Teanum, ad quem habes *Tauistoke*, ubi cœno-  
 bium celebre posuit Ordulphus Devonix Com-  
 mitis, filius tantī roboris & molis, ut portarum  
 repagula confringeret, & fluviolum 10. pedes  
 latum, divaricatis pedibus continuaret. Hinc  
 Tamara jungitur Plimo citerioris Damnonix fl.  
 qui nomen dedit suum incumbenti oppido  
 Plimmouth, ubi portus, qui securè maxima ad-  
 mittit navigia, tam in Tamara, quàm in Plimo:  
 hinc oriundus Franciscus ille Dracus Pyrata ce-  
 lebris, qui anno 1587. navibus quatuor 1189200.  
 nummos aureos deprædatus, posteaque navi-  
 bus 24. oram Americæ depopulatus, rediit o-  
 nustus immani prædā & 240. tormentis bellicis.  
 In proximo est Plimpton forum, utcunque fre-  
 quens. Spatiosa deinde sequitur Regio. Mox  
 erumpit *Dert* fluvius, qui primum per squali-  
 da montana *Dertmore* dejectus ruit, deinde a-  
 gros fertiles rigans miscetur mari ad *Dertmouth*,  
 portum instructissimis navibus celebrem. Ab eo  
 ad Boream mare sequitur litora ad Sinum *Torbay*,  
 securam stationem à *Notolybico*. Inde *Teigne-*  
*mouth*, viculus ad ostium *Teigne* fl. ad quod Da-  
 ni primum egressi, quando insulam vastarunt. Ad  
 sextū inde milliare *Isca* fl. magno ostio evolvitur  
 in mare ad viculum *Examnout*, fontes habet in

Exmore, labitur per *Tewerton* pannificio celebrem, & divortis ludens *Iscam*, seu *Exoniam* allabitur urbem incolarum & convenarum frequentiam celebrem, ubi nunc *Cornubiæ* Episcopatus. Magis ad ortum fuere portus aliquot olim nobiles, nunc verò oppleti arena.

## C A P. XVIII.

*Durotriges.*

**D**Anmoniis succedunt *Durotriges* per 50. milliaria secundum litus. adnectitur continenti *Peninsula Portland* 7. milliaria ambitu colligens, ovibus dives & frugibus, sed indiga sylvis, unde & fimo bubulo sole siccato pro ignis fomento utuntur. Incolæ inter algas *Ilidis Plocamon* sæpius reperiunt, qui frutex est marinus corallio non dissimilis. Est & alia peninsula *Purbecke*, magna ex parte ericetum, & saltuosa, damis cervisque referta, in qua *Pole* urbecula. Ad ortum ejus mare sinum aperit, in quem labitur *Frome* nobilis fluvius, in saltu *Blacembre* ortus, qui *Dorcestriam* rigat oppidum Comitatus cognominis primarium, ab *Antonino* dictum *Dornonariam*, à *Danis* pridem moribus exutum: magis ad ortum, ad confluentem *Stouri* in *Avenam*, habes emporium ab æde Christo sacra *Christ-Church* dictum. Ad ripam *Stouri* floret *Vindogladia* oppidum frequens, antiquum, & tumultu Regis *Etheldredi* clarum. In *Avonam* amnes varii feruntur, inter quos *Derwent*, sic dictus, quod se sub terram immergat, & post

post mille passus iterum emergat. In eundem  
 labitur Nadderus, qui oppidum rigat *Wilton*, to-  
 tius agricaput, dictum antiquitus Ellandunum,  
 solis nunc ædibus Comitis *Pembroch* celebre,  
 quod ejus officiat luminibus Sorbiodunum, aut  
 ex eo condita Sarisburia, ad influentem Nadde-  
 rum in Avonem sita, urbs templo, populo, & do-  
 mo civicâ celebris, in qua Guillelmus Angliâ de-  
 victâ, in comitiis publicis lustrum condidit. Se-  
 ptimo ab ea milliari versus boream intra fossam  
 ingentia, & rudia videbis saxa coronę in modum  
 eo in loco erecta triplici ordine. Ad ripam O-  
 rientalem ostii Avonę, Guillelmus omnia per  
 30 in ambitu milliaria in ferarum saltum redegit,  
 dictum *Nervvforest*. unde brevissimus in Vectam  
 insulam est trajectus, *Hurst* castellum extruxit  
 Henricus VIII. quod undequaque dominatur.

Vecta insula à Vitris, qui cum Anglis advene-  
 runt, nomen sortita, ovalis est figurę, cuniculos,  
 perdices, fassanos & oves alit magno numero,  
 36. vicos, oppida vel castella numerat, quorum  
 primarium est *Neuport*, per medium longo tractu  
 procurrunr rupes.

In objectu insulę portus est egregius ad o-  
 stia fluminum *Test* & *Alve*, nec non *Southanton*  
 urbs opulenta & munita, in hoc litore Canutus  
 Rex Danicę & Anglię, adulantium sibi repres-  
 surus inanitatem, cum sedens in solio frustra  
 imperasset Oceano, ut undas reflecteret. Exi-  
 liens totus madidus, sciant omnes (dixit) va-  
 nam Regum pompam, nec Regis quemquam

dignum nomine, præter eum cujus nutu cœlum terra & mare legibus obediunt, nec unquam sibi postea coronam imposuit.

Flumini *Alre* urbes imponuntur *Alreford* & *Veneta* Belgarum vern. *Wintchester* g. 51. m. 10. ex qua ad Imperatores Romanos Agasæi canes mittebantur. Pluribus locis per litus sal conficitur subviridis quem certo artificio in candidissimum excoquant. Flexuoso littori prætenduntur insulæ *Pontsey*, in qua oppidum *Portus magnus* vernac. *Porthmouth* g. 50. m. 47. & aliæ minores duo *Haling*. & *Tornhey*.

---

## C A P. XIX.

### *Suthria & Cantium.*

**S**uthriæ vernac. *Sussex* littus atrox brevibus & Scopulis, raras habet stationes. Præcipuæ urbes *Ciceſtria* vern. *Chichester* g. 50. m. 49. Episcopalis quidem, sed à mari paulo remotior. *Lewes*, satis frequens. Ad promontorium. *Pemsey* Guillelmus Gentis domitor appulsus, navibus suis ignem injecit, ut spes esset in sola victoria, & prælium iniit, in quo *Anglosaxonica* periodus finem accepit in planitie juxta *Hastings* portum præcipuum inter quinque portus Angliæ. Ad ostium fluvij *Rither* floret *Rhie* portus, qui immunitates habet, cum quinque portibus communes, hodieque usitatus est ex Anglia in Northmanniam trajectus. In Mediterraneis sylvæ sunt, & saltus frequentes.

Superius his adjacet *Cantium* vern. *Kent*. regio



gio pascuis aruisque læta , pomis vero ad miraculum abundans , nec non cerasis quæ anno à Roma condita 800. ex Italia huc translata foelicissime proveniunt. Hæreditatem adeunt pupilli anno ætatis 15. eamque sine domini consensu cuilibet possunt alienare. Guillelmus Viëtor, ut Cantium Angliæ clavim firmitus retineret, Conestabilem castro Doverensi constituit, eumque limenarcham quinque portibus ex veteri Romanorum instituto præfecit: horum incolæ, quia bello maritimo operam navare tenentur, Baronum gaudent nomine, suprà regum, dum inaugurantur, caput conopoea sustentant, & à dextra Regis suam eo die habent mensam instructam: Ipse vero Limenarcha, sive Guardianus in sua Jurisdictione Admirallii habet auctoritatem. Hi porro sunt portus. Othona vern. *Hastings* g. 50. m. 55. *Rumney, Hith, Dover, & Sandvick.* *Rumney & Hith* mutuis sumptibus quinque naves bellicas apparare tenentur, *Hastings* cum suis membris naves 21. & *Dubris* totidem.

*Dubris* vern. *Dover* g. 51. m. 12. nunc est trajetum Galliam celebrior quam frequentia. Erupe dextra assurgit Castellum, quod subiecto minatur freto. In sinistra Pharus olim nocturno cursui navium ignes ostendebat. *Sandvich* g. 51. m. 33. ex ruinis antiquæ *Rhutupia* creditur succrevisse, portus nunc aggestis alenis impeditur, hinc delicata illa ostrea *Rhutupina* dicta quæ Romanam usque deferebantur. Inter *Doüeram & Sanduicum* ad locum, qui nunc *Deale* dicitur, appulisse Cæsarem constans est fama. Extre-

num Cantii angulum occupat insula dicta Thanatos vern. *Tenet* frumento sc̃elix, à continente divulsa amne Stour qui Durovernum nunc Cantuariam vern. *Canterbury* g. § 1. m. 25. alluit urbem quæ Cantii fuit Regia, donec Ethelbertus Rex eam cum jure regali Augustino Anglorum Apostolo elargitus est.

## CAP. XX.

*Tamisis.*

**T**Amisi nomen faciunt Confluentes ad Dorcestriam g. § 1. m. 51. Tama & Isis: hic ex parte boreali Wiltoniæ ortus, Oxonium rigat, vern. *Oxforde* 52. Britannorum Athenas Collegiis 17. aulis 8. præcipuis, opimis rēditibus & instructissimis Bibliothecis celebres, dicuntur aliquando numerata triginta studiosorum millia: Ille ex agro Buckinghamiensi supra oppidum Tamam effusus. Tamisim nobiliora circumstāt loca Reading cultum & dives oppidum in cujus vicinia Monasterium posuit Henricus I. in quo & sepultus una cum filia Matilde in cujus demortuæ sepulcro hæc fuerunt incisa:

*Magna ortu, majorque viro, sed maxima partu  
Hic jacet Henrici filia, sponsa, parens.*

Fuit siquidem Henrici IV. Imperatoris uxor & Henrici II. Angliæ Regis Mater. Monasterium hoc in ædes Regias, nunc est conversum. Windesore castrum splendidum & amplum in quo Joannem Galliæ & Davidem Scotiæ Reges captivos

ptivos detinuit Eduardus III. & militarem Equitum Garterii Societatem conscripsit quæ 26. constaret equitibus. *Shene* vulgò *Richemont*, ubi diem obiit Anna Richardi II. uxor, quæ prima mulieres Anglicas eam infidendi equi formam quæ hodie in usu est, docuit, cum antea parum decore divaricatæ perinde ac viri obequitarent. Sequitur & *Nonesuch* secessus Regius Henrici VIII. ubi tot absolutæ artis miracula, ut meritò suum tueatur nomen quod Latine nulla ejusmodi sonat. Londinū vern. *London* Britannici regni urbs præcipua & toti<sup>9</sup> insulæ emporium. Antiqua ejus mœnia posuit Constantinus magnus, pontē 19. sultum fornicibus è saxo qui continuis decoratur ædibus, Joannes Rex. D. Paulo Rex Æthelbertus sacravit Basilicam Episcopi sedem, cui imposita pyramis plumbo oblecta cujus vertex pedes 534. altus priusquam cœlesti igne deflagraret anno 1087. Arx ampla Vallo turribus & fossis cinctæ vulgò dicta turris Londinensis, imminet Tamisi. Suburbia continuatis ædibus secundum Tamisim excurrunt ad Monasteriū Angliæ miraculum, quod ab occiduo situ Westminster dixit, qui illud D. Benedicti religiosus tradidit Sanctus Rex Eduardus. Inaugurantur in eo Reges & mandantur tumulto. 122. Ecclesias Parochiales & 13. Conventuales in urbe aliquando fuisse, & posse ex ea educi peditum 40. millia, equitum 20. produnt qui de his scripsere. Infra Londinū habes navalia *Depford*, ubi Regiæ naves construuntur, vel quassatæ reparantur à Collegio nautico, in armamentario sane per celebri.

Gre-

Grenovicum antiqua fuit Danicæ classis statio. Durobriva vern. *Rochester* g. 51. m. 29. ubi Medveagus torrens Navale constituit classi Regiæ omni bellico apparatu instructæ in omnia momenta ad tutelam regni paratæ. Torrentis ostio prætenditur insula Toliapis vern. *Sheppye* dicta ab ovibus quarum numerosos alit greges.

Porro Tamisis accessu æstuantis Oceani tumidus, onerarias naves magnæ molis per sexaginta millia passuum Londinum usque defert, tuto & præalto alveo navigabilis. Olores agminatim læto occurso subeuntes urbem nautas excipiunt, & riparum peramcenæ villæ prædiis, ac nemoribus distinctæ jucundo sui aspectu oblectant. Infra Greenvicum, hic fluvius divulsis aggeribus plurima terræ jugera aquis obruit, idem in confinio factururus, nisi undas arcerent aggeres. Priusquam in Oceanum se effundat Germanicum retia siluris & salmonibus passim expanduntur.

---

### C A P. XXI.

*Essexia, Suffolcia, Northfolcia, Cantabrigia, Northamptonia, Lincolnia, Nottinghamia, Eboracensis, Northumbria, Comitatus.*

**B**Orealis ripa Tamisis, quam incoluerunt Trinobantes, posteaque Orientales Saxones, diciturque jam Essexia, Danorum & Anglorum sanguine quondam ita rubuit, ut ex eo enata creda-

credatur planta sanguineis baccis luxurians, quæ passim hic cernitur, Danesblood, hoc est Danicus sanguis dicta, littori objecta *Canney* insula humilis quæ oves 4000. pascit saporis admodum delicati, ex quarum lacte, maxima negotiatio casearia. Ad ripam amnis Colni sita est Colcestria, g. 52. m. 14. urbs primaria, in qua nati Lucius, Helena & Constantinus magnus.

Suffolciæ Primaria oppida *Ipswich* portus commodus & frequens, nec non *Kondelisha* Saxonum Orientalium Regia ad Debenum. Ad Oriostium vernac. *Oxford Haven* tempore Henrici Regis piscatores Tritonem inter retia comprehenderunt qui speciem humanam omnibus membris prætendebat, capillos habebat barbam prolixam & pineatam, circa pectus nimium pilosus erat & hispidus, qui semestri spacio in castello custoditus, inde clam ad mare aufugit.

In *Northfolcia* *Norwicus* urbs inter primas Angliæ propter magnitudinem, situm & frequentiam & opificium Levidensium quorundam pannorum connumeranda est. *Yarmouth* vero clavis est hujus maritimæ oræ ad ostia Hieri ubi mense Novembri nobilissim<sup>9</sup> fit harengorum piscatus, quinque portuum antiquissimum est membrum. Post *Northfolciam* magnus se aperit sinus in quem varij evolvuntur fluvij quorum præcipui Camus, Uls, Aufona. Ad Camum floret Cantabrigia vern, *Cambridge* provincia, urbs & Academia ex antiquo celebris, in qua Collegia numerantur 17 Bedfordia urbs est primaria Comitatus Cognominis sita ad fl. Ulsam  
qui



qui anno 1399. paulo ante civilia bella Lantla-  
strensum & Eboracensium per tria millia a-  
ruit, aquis retrocedentibus, & ad ingentem mo-  
lem tumentibus. Eidem flumini imminet Bu-  
kinghamia oppidum & Comitatus ejusdem no-  
minis. Aufona Northamptoniam rigat. Succe-  
dit æstuarium quod Abus sive Humber dicitur,  
cui miscntur Trenta & Urus. Trentæ nomen  
quod vel 30. piscium genera in eo reperiuntur,  
vel quod amnes 30. recipiat præter fossam quam  
per millia 7. duxit Henricus I. ut eum conjun-  
geret Withamæ, ad quem sita Lincolnia urbs  
celebris & Regio captura avium ita dives, ut  
tense Augusto in unum rete expansum supra  
er mille sive anates, sive alias ejusmodi volucres  
cogant agricolæ.

Nottinghamia 53. cryptis & cameris quæ ad  
bis mille passus in vivo saxo excisæ sunt, specta-  
bilis ad Trentum fl. In prima Castri area in unam  
descenditur, in cujus parietibus insculpta visitur  
historia Passionis Christi, manu ut ferunt Davi-  
dis II. Regis Scotorum, dum in ea captivus de-  
tineretur.

Darbyensis Conventus celebrantur Plumba-  
rij lapides & fontes calidi: Antimonium etiam  
hic reperitur in propriis venis, nec non fluor can-  
didus Crystallo simillimus.

Secundum Urum in Eboracensi conventu,  
cupro & carbone fossili divites sunt venæ. Ipsa  
urbs Eboracum Yorke Archiepiscoporum, Bi-  
bliotheca, & rebus præclare gestis celeberrima  
est; In ea patrum memoria in Cryptoporticu  
ediculæ, in qua situm Constantium Chlorum  
fuisse

fuisse opinio erat, lampas ardens reperta, artem scilicet habebant majores, qua aurum solvebant in oleum, quod per multa sæcula ignem fovebat in sepulcris. Nec multos ante annos, dum per vicum hujus Comitatus iter haberet Lodinum Jacobus, ut totius Britanniae habenas capefferet, reperti senes 12. annos nati simul omnes omnino mille quingentos, qui coram ipso dramaticam saltationem exercuerunt.


Ostium æstuarii firmat Hullum, emporium hujus oræ celeberrimum propter commercium cum Islædia, unde pisces induratos Stockfisk eveniunt,

In prærupta rupe maritima eminet castrum Scearburg g. 54. m. 15. ad quod accedunt quotannis Hollandi, ut impetrent facultatem harengorum piscationem longe quæstuosissimam in subiecto mari exercendi. In eadem Provincia prope Moulgrave reperitur Gagates, seu succinum nigrum. In litore vero Skengrave, ante annos 100. interceptus homo marinus, qui cum per aliquot dies crudis piscibus victitasset, capta opportunitate ad suum evasit elementum. Recedente æstu, ad eminentes scopulos frequentes se conferunt vituli marini, vel ut dormiant, vel ut apricentur, semper tamen unus excubat, qui si accedat aliquis, vel saxo dejecto, vel se cum sonitu in aquas devoluto, cæteris signum dat, ut sibi consulant. Si quis eos aqua destitutos insequatur, eum rejecto posterioribus pedibus lapidosæ, vel arenacæ grandinis imbre repellunt. Eadem in ora inveniuntur lapides varia magnitudine perfectò globosi, in quibus effractis apparent serpentes saxei

faxei suis revoluti spiris , sed plerique capitibus destituti.

In colle quam Vedra amnis undique fere circumluit, eminet Dunelmum vern. *Durham*. g. 54. m. 51. urbs Episcopalis , Anglorum clypeus, multis gaudet immunitatibus quod S. Cuthberti Episcopi hujus loci præsentem opem adversus Scotos Reges Angliæ sint experti sæpius, unde & sede vacante , castelli claves in ejusdem sepulchro deponuntur. Est in eadem æde monumentum marmoreum Venerabilis Bedæ , qui natus *Larrov* fere ad ipsum Tinæ ostium in hoc comitatu factus est Monachus. Wene movythæ ad ostium Vedræ influentis in Oceanum , ubi ut scribit idem Beda à Monasterio Aberkernico incipiebat murus Picticus , quæ in regione ante annos 120. arx valida Duglasiæ fuit Abercornum, Monasterij verò nusquam ullum vestigium.

Northumbria Angliæ limes & propugnaculum adversus Scotiam inter Tinam & Tuedam fluvios continetur. Ad Tinam situm est novum Castrum urbs amœna & dives , unde fossilium carbonum vis ingens in omnes partes distrahitur. Ad Tuedam verò Bervicus ultimum & munitissimum Angliæ oppidum.





# GEOGRAPHICA ORBIS NOTITIA.

PARTIS PRIMÆ.

LIBER SEXTUS.

---

## CAPUT I.

*De mari Gallico, & maritimâ Gallorum  
potentiâ.*

Cum de eare fufius egerim lib. 6. & 7. capitibus amplius 60. meæ Hydrographiæ, plura hîc non addam: placet tantum ex Sidonio, cum de Francis loquitur hæc proferre. Quorum inquit quot remiges videris, totidem te cernere putes Archipiratas. Ita fimul imperant, parent, docent. Hostis eft omni hofte truculentior, improvifus aggreditur, provifus elabitur, fpernit objectos, sternit incautos, fi fequatut intercipit, fi fugiat evadit; Ad hoc exercent illos naufragia non terrent: eft eis quædam cum discriminibus pelagi, non notitia tantum, fed familiaritas.

CAP. II.

## CAP. II.

*Gallia fines & Divisio.*

**G**Alliæ Solidæ fines sunt *a* Rhenus ; Alpes à fontibus Rheni ad Nicæam in ostio Vari fluminis, mare Mediterraneum ad Leucatam & fontem Salsulæ , Mons Pyrene ad caput Easo in Cantabris, ubi nunc Fuenterrabia ad amnem *Biddassoue* , indeque Oceanus ad vicum Cattorum , & Lugdunum Batavorum , seu medium Rheni ostium. Præter hos fines partem Europæ maximam suis coloniis occuparunt Galli. Nam cum præ multitudine eos non caperent terræ quæ genuerant, primùm Britannia insulas , & Hispaniæ partem, quæ ab iis dicta est Celtiberia , obtinuerunt. Deinde Tarquinio Prisco Romanis imperante , anno antenatum Jesum 613. missus Ambigati Biturigum & Celticæ Galliæ Regis, Sigovesus transmissio Rheno Hercyniæ incolas ad Vistulam usque pepulit, & amplorum finium satrapias condidit. *b* Bellovesus similiter juga Alpium, primus ab Hercule transcendit cum bellicosa gente , cujus pars in Italia constitit ad Padum, quæ postea Romam incendit , certumque Gallos amplissimum agri, oppidorumque modum in Italia obtinuisse, priusquam Romani suæ ditionis fines, triginta millia extra Romam promovissent : Pars alia Illyricos sinus penetravit, eorumque aliqui in Pannonia sedes fixerunt, alii Græciam & Macedoniam *c* capto Rege Ptolemæo, circa annum ejusdem æræ 285, prottriverūt,



tandemque victi ad Thermopilas & Parnassum circa annum ante Christum 279. perumpentes etiam in Asiam Galaciæ, sive Gallogræciæ, sive Gallogalliæ nomen fecerunt. Hinc est quod Romani partem eam Italiæ, interdum à situ Galliam cisalpinam & citeriorem, ad discrimen Transalpinæ & ulterioris vocarunt. Alias ab habitu Cisalpinam dixerunt Togatam. Transalpinæ verò partem, quæ à Lemano lacu & Gebenna monte vergit ad meridiem, à fluxis & intonsis caligis Bracchatam: quod denique superfuit ad Septentrionem & occasum, à promisso incolarum capillitio Comatam nuncuparunt. *d* Hujus rursus tria fuerunt populorum genera. Nam Aquitani dicebantur, qui Pyrenen inter & Garumnam incolebant, Celtæ qui Garumnam inter & Sequanam, & post eum Matronam & superiora Rheni: Belgæ denique qui inter Sequanam, Matronam, nec non lineam ab hujus fonte in medios Nemetes & Tribocos ductam, indeque secundum Rheni ripas, & Oceanum litus degebant. Cum sic se res haberent, populus Rom. anno V. C. 629, robustior factus, cum Gallis Transalpinis, primum dimicavit, & quos Fulvius Flaccus perdomuit anno ante Christi æram 123. Sequenti postea Allobrogicum bellum confecit Fabius Cos. qui Bituitum Arvernorum Regem acie vicit, caesis ad Isaram ex ejus exercitu 120. millibus, tuncque Narbonensis Gallia Provincia facta, & Narbonem deducta Colonia anno 119. Continuum deinceps cum Gallis certamen habuerunt Romani. *f* L. Cassius

Cassius Cos. anno 107. à Tigurinis Helvetiis in Allobrogum finibus victus. Q. Cæpio qui Cos. direptâ Tolosa 110. millia auri pondo, argenti pondo quinquies decies centena millia abstulerat, insequente anno Proconsul, interneccione Romani exercitus pœnas luit, cæsis Romanorum & Sociorum octoginta millibus, calorum lixarumque 60 g Anno postea 102. Marius Ambrones penè omnes trucidavit, interfectis in acie millibus ducentis, captis 70. *b* In Aquitania similiter licet L. Valerius Præconinus & Legatus exercitu pulso interfectus esset, indeque etiam Manilius Proconsul, impedimentis amissis profugisset, constat tamen Aquitanos, sive à Pompejo, sive ab aliis Ducibus devictos in Romanorum potestatem devenisse, priusquam Julius Cæsar Gallias peteret: Cæsar tandem in Galliam venit anno 58. factionibus scissam reperit, dissidiorum fomitem incendit, sicque bellicosa gens propriis viribus attrita, decimo ferme belli anno, armis alienis tandem succubuit, non tamen inulta: nam Aruerni soli cum ducentis millibus resistere ipsis sæpius: & quadringentis etiam millibus cum Julio Cæsare Galli depugnaverunt, ut habet Strabo. Gallia tùm à Romanis in Provinciæ formam redacta est: plurimis tamen externæ dominationis jugum detrectantibus, qui in Germaniam ad Tectosagos, Celtas & alios tribules suos trans Rhenum se receperunt, solumque vertere, quam Romanis parere maluerunt.

Sub Augusto nullâ amplius habitâ ratione Braccatæ sive Comatæ, Gallia omnis divisa in Bel-

Belgicam, Celticam (quæ & Lugdunensis) Aquitanicam & Narbonensem. Nec ita multò post in 14. partes, tandemque in 17. Provincias distributa est. Quæ partitio post divisum Romanorum Imperium in Orientale & Occidentale perseveravit. Nam cum Occidentale regeretur à duobus Præfectis Prætorio, quorum unus Italiæ, alter verò Galliarum diceretur, sub dispositione Præfecti Prætorio Galliarum erant Diceses, Hispaniarum, Galliarum & Britaniarum. Et in Gallijs censitæ sunt nationes 400. urbes 800. Provinciæ verò omnino 17, quæ sequuntur.

P R O V I N C I Æ G A L L I A R U M	Belgica I.	Augusta Trevi- rum, Treves.
	Belgica II.	Durocortorum Re- morum, Reims.
	Germania I.	Moguntiacum, Mayencè.
	Germania II.	Colonia Agripina, Cologne.
	Lugdunensis I.	Lugdunum, Lion.
	Lugdunensis II.	Rotomagus, Roüan
	Lugdunensis III.	Cæsarodunum Tu- ronum, Tours.
	Lugdunensis IV.	Agendicum Seno- num, Sens.
	Maxima Sequano- rum.	Vesontio, Besançon.
	Aquitania I.	Avaricum Bituri- gum, Bourges.
	Aquitania II.	Burdegala, Bour- deaux.
	Novempopulania.	Augusta Ausciorū, Aux.
	Viemensis I.	Vienna, Vienne.
	Viemensis II.	Narbo, Narbonne.
	Viemensis III.	Aquæ-Sextiæ, Aix.
P R O V I N C I Æ A L P E S	Alpes Maritimæ.	Embrodunum, Em- brun,
	Alpes Graiæ.	Tarantasia, Mou- stiers en Tarâtaise.

Porro Isidorus Gallorum nomen deducit à  
Græco *Gala* lac: existimavitque D. Hieronymus  
sic di-

sic dictos, quasi lacteos, propter eximiam speciem quâ nitere solent. Et verò Tertulianus uxori suæ præcepit, ut ipso vita functo, pudicitia suâ à Gallicis vultibus caveret. Addidit Ammianus celsioris fuisse staturæ, candidos, rutilos, luminumque toruitate terribiles.

a Marcell. l. 15. Strabo. Ptolem. b Liv. Florus l. 1. c. 12. Plutar. in Cam. Eutrop. l. 1. c. Polyb. 2. p. 128. & 155. Pausan. in Phoc. p. 335. d Mela l. 2. c. 5. Cicero in orat. de Provin. Consul. Caesar. Ammianus. Plin. l. 4. c. 17. e Florus 3. c. 2. Eutrop. 4. f. Velle. 1. Caesar. 1. c. 16. Livius. Florus. Iustinus. g Orosius. l. 5. c. 16. h Plutar. in Mario. Orosius l. 5. c. 16. Florus. i Caesar. l. 3. de bello cap. 20.

## CAP. III.

## Sermo Gallie.

GALLIS olim sermo fuit peculiaris & diversus à Latino & Græco: nam Varro Hieronymo teste, Massilienses trilingues vocabat, quod græcè, latinè & Gallicè scirent. Postea fecit affinia cum Romanis consuetudo, ut Latinum usurparent, sed ut exteris gentibus evenire solet rudem & incultum, quem usualet vocat Sidonius, qui proinde Magistri studio & industria perpoliri deberet; ideo laudat Ecdicium Sidonius, libr. 3. Epist. 3. quod ejus Exemplo, Nobiles Galli Celtici, sermonis squama deposita latinam linguam in scholis accuratè perdiscerent. Quippe fuit solemne Romanis, populos, quos



quos armis subegerant latinæ linguæ assuefacere, ut constat ex his D. Augustini verbis, lib. 19. de civit. cap. 19. Data est, inquit, opera, ut civitas imperiosa, non solum jugum, verum etiam linguam suam, domitis gentibus per speciem societatis imponeret. Inde est quod colligimus præterea ex Xenophonte Gallorum literas antiquiores fuisse Græcanicis, sed quæ fuerint illæ, & quæ Celtarum lingua vernacula, incertum planè. Similem ei, quæ adhuc viget apud Armoricos, existimant viri docti. Non dubium tempore Strabonis instrumenta publica græcè scripta, posteaque latinè ad annum Christi 1539. quo Franciscus I. id ne deinceps fieret edicto cavit, iussitque ut Gallicè omnia scriberentur.

Porro observabis, quod anno 1564. Caroli IX. edicto cautum etiam in Galliis, ut in publicis privatisque tabulis, à Calendis Januarijs annorum repeteretur exordium, quod hætenus, vel à morte D. Martini, vel à Paschate, vel ab Incarnatione capi consueverat.

---

#### C A P. IV.

##### *Francorum Regnum.*

Celtæ Coloni Germaniæ, audientes Galliam patriam suam acerbissimo Romanorum oppressum jugo, contra Cæsarem & consequentes Imperatores sæpius arma sumpserunt, sed frustra, donec inclinante jam Imperio plurimi deserendæ Germaniæ consilium inierunt, dimicaturi pro aris & focis, qui Francorum nomen uti socia-

socialis belli tesseram sumperunt. Horum præcipuos viri docti probant fuisse Bructeros, Angri-  
 varios, Salios, eodemque nomine alias gentes  
 Rhenum inter, Oceanum & Albim promiscuè  
 appellatas reperies. Clodio inter eos anno 429.  
 post Honorij mortem, trans Rhenum primus in  
 Gallias erupit, & annum circiter 445. occupatis  
 Atretrato & Cameraco ad Summiam usque di-  
 tionis suæ fines extendit. Meroveus longius pro-  
 gressus est. Childericus Aurelianens & Ardegavos  
 subegit. Clodovæus Syagrium qui Sueffionibus  
 præerat, occidit anno 486. Perdomuit Turingios  
 anno 491. Ipso die Natalis Christi anno 496.  
 post Gundobaldum ad Divionem castrum acie  
 victum & Godegilisum circumfessum Viennæ,  
 Burgundiæ leges constituit anno 501. Cum Ala-  
 rico Rege congressus in campo Vocladensi, de-  
 cimo ab urbe Pictavorum miliario, eundem suâ  
 manu peremit, & Gothorum magnâ strage editâ,  
 victor opima spolia reportavit. Aquitaniam, To-  
 losam, Arelatum victoriæ præmia tulit, & quic-  
 quid Gothi trans Ligerim Rhodanumque possi-  
 debant, Francorum Regno adjecit, solâ Narbo-  
 nensi Gothis relictâ anno 507. Acturus verò gra-  
 tias Deo ad D. Martini Turonas perrexit, blatteâ  
 tunicâ chlamyde ac diademate ornatus, indeque  
 Lutetiam reversus regni sedem constituit anno  
 507. & in ea decessit anno 511. Nec ita multò post  
 Gothi Massiliam, & omnem oram maritimam  
 Francis tradiderunt, exceptâ Narbonâ, quæ tan-  
 dem ad eos etiam pervenit anno 731. Carolo Mar-  
 tello Duce, quando cæsis Sàracenis, quæ reliqua

tenebant oppida, expugnavit. Ejusdem armis & virtute Franci trans Rhenum Saxoniæ partem obtinuerunt, Turingiam, Franciam Orientalem, Sueviam, Bajoriam, & Noricum. Postea Childerico Merovingiorum postremo Rege ob inertiam exauctorato, Francorum Regnum in novam familiam transiit consensu Procerum, qui Pipinum Caroli Mantelli filium approbante Zacharia Summo Pontifice, ad augustum Francorum Thronum evexerunt an. 752 Carolus Pipini filius, Princeps, sine controversia maximus, post debellatum Longobardorum Regem Desiderium, Italiâ potitus, temporalem Romani Pontificis ditionem propagavit, Saxones longo bello domuit, fines Regni Franciæ trans Albim, ad Chersonesum Cimbricam & mare Balticum protulit, Transalbanis omnibus eum suis familiis in Gallias transportatis, Slavos & Bajoarios ad obsequium reduxit, ac denique Saracenis in Hispania profligatis, partem ejus laud modicam Francis subegit. Anno demum 987. hæc Caroli progenies, ac secunda Regum familia desijt morte Ludovici V. anno post inaugurationem Pipini 235. Ludovico enim sine prole defuncto, Regnum ad Carolum ejus patrum Ludovici transmarini filium jure pertinebat. Sed quod ab Othone Ludovicus creatus esset Dux Lotharingiæ, ut fratris sui Lotharii Galliæ Regis conatibus obsisteret, imò & contra Regis Regniq; Francici jura, clientelare obsequiû propter Lotharingiam Othoni Imperatori edidisset, Ludovicus moriens, Hugoni Capeto illud dona-

donavit, & in Regni Comitibus donatione confirmatâ, Franci procères eundem sibi in Regem delegerunt anno 987. Carolus verò Lauduni interceptus ab Hugone, Aureliam deductus est, ubi in turri conclusus diem obiit. Ab Hugone trigesimus primus recta linea prognatus est, qui nunc Gallis feliciter imperat, Ludovicus decimus quartus.

## CAP. V.

*Gallia Ubertas.*

Galliam laudat Strabo, quod in ea otiosum sit nihil non montes, non litora, non agri, non incolæ: sanè prudenter, hinc enim fons totius ubertatis. Montes celebrat maximè Cernios in Gabalis, Ruthenis, Tarbellis, & Tarnim fluvium, (potuisset plures alios recensere) quod abundant auro domestico. Celtarum thesauros flet quos incolæ paludibus, metu hostium, immergebant. Mislum facit Gallicum magnetem quadruplicem, qui infinitam externi auri copiam ad se pellicit, frumentum scilicet, vinum, salem & Cannabim seu telas, quibus omnes ferme classes Europæ, jam ab ævo Plinij instruuntur. Erimus verò salinarum Santonensium Redemptor sexties centena millia Francorum, præter decem miriadas in gazam regiam confert annis singulis, cum hæc scribo. Constat ex publicis instrumentis anni 1642. & 1643. quibus maximè omnia ardebant bello, in sola Luparæ officina monetali, cum in argento, tum in auro,

cufos & signatos 76. milliones, & centum quin-  
 quaginta quatuor libras suprâ octingentas quin-  
 quaginta duo millia. Scriptum fimiliter in mo-  
 numentis Curia rationum reperies, ex quo indi-  
 ctum bellum, vix ullum effluxiffe annum, in quo  
 plures quàm 100. milliones in ærarium non con-  
 tulerint Publicani, mitto fodinas æris, quas recen-  
 set Cæſar, ferri quæ per totum Regnum obvia  
 ſunt, maximè apud Nivernenſes & Northmānos.  
 Si hæc montes proferunt & litora, quid vaſta  
 camporum æquora, quid valles, quid ſylvæ? Fru-  
 menti vis infinita ubique provenit, nullibi ſœli-  
 ciùs feruntur vites, nullibi diligentius excolum-  
 tur: ubi generoſius vinum Græviano & Aurelia-  
 nenſi, ubi ſuavius Chaloffenſi & Aiſſiano, ubi gra-  
 tius & minus nocens Francico? Provinciæ oleo,  
 quid dulcius, quid pretioſius, ubique ſunt ar-  
 menta, ubique greges innumeri, lana quæ Bitu-  
 rigibus ex agnis, vel collo ovium deſecatur, tantæ  
 eſt molliciei, ut Canadenſi Caſtoreæ lanæ vix ce-  
 dat: hîc altitudine ſues præcellunt, ex quibus per-  
 næ, petaſones eſchinees & Tomacla ſauciſſes  
 Romam, uſque delata teſtatur Varro. Equas fa-  
 ma celebres in Gallis commemorat Trebellius  
 in Claudio. Equitatus Galliæ, ubique pene ſem-  
 per Viſtor, præſtantia equorum argumentum  
 eſt non invalidum. Denique vix quidquam deſi-  
 deres quod paſſim in Galliis non occurrat. De-  
 ſunt, inquires, Aromata, non inficior, ſed iſdem  
 caret omnis Europa; ſed audi quæ ſit Galliæ ſœ-  
 licitas. Vina, flores, herbulæ & frutices odoris, &  
 ſaporis longè gratiſſimi paſſim in Galliis enaſcun-  
 tur,



tur , quarum aliæ aliis certa ratione permixtæ si temperentur debite , Molucarum Cariophylla, Brasiliæ saccharum & omnia Indorum aromata, sapore, odore & suavitate superabunt. Impone me ne credas , hoc prudentissimus Galliæ Cancellarius D. de Syllery Legatum Hispaniæ nimirum fortassis extollentem delicias & utilitatem quæ Gallis ex commercio cum Hispanis obveniebant, experientia docuit , cum lautissimo & per celebri cum exceptit convivio, in quo non panis, non vitium Aromatites, non carnari , non piscaria artocreata, nec ullum genus decrat pistutæ dulciariæ, eum tamen nulla re alia quam herbis Francicis, nec bellaria , nec carnes imbutas summa fide Legato asseveravit, producto etiam, qui id præstiterat Artocopolo.

Quid dicam de incolis, tanta hic est multitudo hominum, ut quadringentis millibus dicat Strabo Gallos cum Cæsare depugnasse; asseruitque, non ita pridem virum Galliæ scientissimus Cardinalis Richelius , sexcenta peditum millia & centum quinquaginta equitum posse conscribi, ipseque eodem tempore in Belgium , Germaniam, Lotharingiam, Comitatum Burgundiæ, Italiam & Hispaniam exercitus Regios immisit qui omnes de hostibus Nobiles victorias reportarunt, licet non incruentas, cum existiment aliqui trecenta hominum millia pro patria gloriose dimicantia in his occubuisse.

## CAP. VI.

*Gallia prima Laus quod Regnum sit  
Christianissimum.*

**H**irtius gravis auctor Gallos prædicat, quod homines sint aperti, ac minimè insidiosi. Mela Geographorum cultissimus, omnes ait Eloquentes. Constat jam olim facundiæ & sapientiæ Magistros habuisse Druidas, qui & juniorum corpora sic exercebant, ut gravi pœna eos mulstarèt quorum abdomen zonæ præscriptæ mensuram excederet. Animos verò sic excolebant, ut nihil scripto ipsis traderent, sed omnia quæ ad immortalitatem animæ, virtutes & disciplinas pertinent, memoriæ eorum tantum crederent, quo ea semper haberent in promptu. Nec minùs apud eos floruerunt Eubages & Vates, qui naturæ abdita scrutabantur: fuerunt & Bardicæ, tum Musici qui heroum præclara facinora canerent, aciesque jam paratas ad prælium, suo cantu aliquando inhibebant. Cæsar & alij bellicam eorum virtutem experti, ajunt in conflictu primo impetu omnia perrumpere, nullam gentem vitæ magis prodigam, devovere se interdum non redituros ex acie nisi victores, & generosos adèd, ut quos bello ceperint, non addicant servituti. Imò hoc terræ Francicæ privilegium, ut libertate fruatur quisquis ejus limitem attigerit. Hæc à majoribus accepta posteros adhuc tempora conservasse & auxisse plurimum, summè

Summè quidem gloriosum : Nequaquam tamen sunt conferenda cum Christianissimi Regni titulo , qui eo ipsi est gloriosior , quod quando illum sibi & posteris Regnoque comparavit , Christi sæculo Clodoveus , solus is erat in Ecclesia Dei Rex Catholicus , cæteris omnibus , aut paganis adhuc ; aut Hæreticis ? Deinde quod & si in eo regno varij aliquando fuerint Hæretici , fuit tamen Francia semper in suo capite , hoc est Rege Christianissima ; fuerit ergo aliorum postea Regum ad Ecclesiam appulsus , ut Franci nunc in ea soli non sint , at nulla vis eripiet , quin primi æterno tempore censeantur veraque sit semper Gregorii Magni præclara hæc vox. Quanto cæteros homines Regia dignitas antecedit , tanto cæterarum gentium regna , regni Francisci culmen excellere. Porro intra limites superius assignatos Galliæ , numerantur Archiepiscopatus 24. Episcopatus 105. in Francia verò Archiepiscopatus 16. Episcopatus 107. & inter eos 47. quorum Ecclesiæ Cathedralès Patronam habent D. Virginem. Generales ordinum religiosorū 12. Parlamenta 10. Provinciæ Præcipuæ 12. scilicet Picardiæ , Northmanniæ , Britanniæ , Pictaviæ , Aquitaniæ , Languedocuij , Provinciæ , Delphinatus , Burgundiæ , Campaniæ , Parisiorum , Aurelianorum , seu Ligeris , & Lugduniorum.



## CAP. VII.

*Picardia.*

**P**Atet juxta mare à Calitio, quod in extremo Marinorum promontorio est, ad Eusium & secundum fluvios Summam & Aisiam; regio nullius rei indiga præterquam vini. Sic verò ferax est tritici, ut in ea Ceres nata videatur. Notatio nominis incerta.

## CAP. VIII.

*Præfectura Calitii.*

**H**Æc Præfectura in extremis sita Morinis, vulgò dicitur receptaregio, ex quo Henricus II eam ab Anglis recepit anno 1558. Separatur à Belgio amne Draco in ipsis Gravelinguae suburbiis, & à Comitatu Bononiensi, montibus arenaceis S. Ingelberti. Duo sunt in eâ Comitatus Oyanus & Guinenfis. Oya fuit oppidum à Francisco I. eversum anno 1545. nunc vicus frequens. Guinesium in stagnis situm, ejus castrum dicitur Cuppa Regis *la cune du Roy*, Munitiones præcipuæ tres, prima Ardriæ, ubi inter alia propugnaculum est Colloquij dictum, *Bastion de la conference*, quod in eo Franciscus I. cum Henrico VIII. Rege Anglorum convenerit. Nam in ense Majo, anno 1520. Inter Ardrias & Guinesium arces, Franciscus excepturus Henricum papilionem quadratum erigi mandavit pedum 60. è panno aureo textili extra, intus è cæruleo Holo-

lenico.

ferico, in 4. angulis totidem minores aliquanto, ejusdem sumptus papiliones visebantur. At horrenda tempestas ruptis funibus & palis, omnibusque foedè inquinatis coëgit Ardrias utrumq; contendere, ubi communi mensâ excepti sunt. Ajunt verò, majores in eam rem à Francisco factos sumptus, quam à Carolo V. in sua coronatione. Hic sunt paludes ad incessum hominis tremantes, *les marets d' Ardres* 2. cataraëtes Nieulea propugnaculis 4. & uno cornu firmata anno 1629. tres leucae quadrantes abest Calesio *Calays*, urbs hæc munitissima est in ipso Morinorum angulo ædificata à Philippo Comite Bononiæ S. Ludovici patruo. Portum interiorem vulgus paradisum vocat. Risbanica pharus portui prætenditur & agger trabalis, stræreis stratus nec corrumpatur. Hic porrò angulus non Caletum, sed Petressam, Scalam, Seclas & Calisium ab antiquis dictum constat ex Folquino Bertinensi, qui floruit sæculo 10. Calesio vicinus est locus Vissen nautis Esseu, in quo Itij portus vestigium agnoscunt aliqui.

## CAP. IX.

*Comitatus Bononiensis.*

Extenditur secundum litus in Morinis Gessoriacis à montibus Ingelberti ad Canceiam amnem. Nomen ipsi vernaculum *Boulongne*, ab urente arenâ, quæ hic frequens, quam vocant *Sable bouillant*. Redemptum à Comitibus Turrenibus Ludovicus XI. coronæ adjunxit, & à Clientari



celari officio, quod profiteri tenebatur Comitatus Artesiæ, liberatum B. Virgini solenni ritu oppigneravit, corde auri obrisi oblato ponderis bis mille aureorum, sancitâ lege, ut consequentes Reges tantundem præstarent, Mariamque ejus tractus dominam solam agnoscerent, cujus signum Angelico navigio jam olim eos exceperit antiqua est traditio: & quæ ab anno 1212 signorum multitudine urbem illustravit: certè & fodalitio fruitur à pestifera lue immuni ex antiquo. Porro urbs duplex est, superior altis cincta fossis, & inferior, ubi Gessoriacum Morinorum navale g. 50. m. 40 ad ostium Lianæ variis olim à Claudio Cæsare, posteaque ab Anglis cinctum arcibus, quas omnes Ludovicus XII. anno 1632 solo æquari jussit, solâ pharo exceptâ, *Vul. la Tour d'ordre*, quæ à Cæsaribus excitata, & à Carolo M. instaurata, navigantium cursus adhuc dirigit. Terminus is olim fuit itinerum Imperii Romani, quæ Lugduno Gessoriacum proferebantur per millia 504. In eodem Comitatu est mons Hulinus à Francisco I. in finibus Belgarum non longè à fontibus Lianæ munitus arce, anno 1546. & Principatus *de Tingry Luxembourg.*

---

### C A P. X.

#### *Comitatus Pontieni.*

**R**omani quo sibi in penitiores Morinorum Romanæcorum latebras aditum facerent Somonam, Altheiam & Quantiam stravere pontibus, hinc nomen Pontes *Pontien*, superinductum, & ve-

& verò insignia Limbos tres cæruleos, aureo in æquore vite ostentant aureos agros, quos tria hæc flumina interfecant. Clodovæus in Comitatum evexit, quem Alchario attribuit; extenditur autem secundum Suminam ad Pequignium. Quantia, vernac. *la Canche*, amnis arctus, non tamen vadofus alluit Hedinium vallum Belgio positum à Carolo V. Nunc Gallia à Ludovico XIII. ubi Ternam excipit amnem alium, qui fanum S. Pauli & Blangiacum rigat. Adolphus Calvi Flandrensis filius anno 918. primus S. Pauli Comes salutatus est, cum prius Regio circumposita Ternensis ager, *le pays de Ternois*, tantum diceretur. *Moriancourt*, primus Baronat<sup>9</sup> huius Comitatus, Arx est & dynastia familiæ *de Regnier*, quæ quod recta linea propagata sit à S. Huberto, quosvis rabidos in hanc diem sanat, etiam eos, qui ab aliis S. Huberti per mulieres prognatis, qui in oppidis S. Pauli, & Aëriæ degunt, integrè non potuerunt curari, frequenterque ii, quos viri quatuor non poterant coercere, ubi dynastiam aspiciunt, aut pedem ponunt intra ejus limen conquiescunt. Quantia auctior factus petie Monstrolium *Monstrueuil*, olim Luttomagum Comitatum perantiquum & oppidum, arte & naturâ munitum, nec non celebre propter Antrum S. Salviæ, quod Helgotus Comes insigni Basilica ornavit, in qua visuntur Divorum novem corpora. Rigat deinde Stâpulas, stationem olim triremium Francisci I. ubi effunditur in mare ex adverso S. Judoci Pontievensis Abbatia celebris. Altheia, *Authis*, fontē habet in Pago Authis

Authi, qui duabus Leucis distat ab Artesiæ propugnaculo, *Bapaume*, aluit oppidum natura & arte munitum Dourlencum *Dourlens*, situm in lat. 50. 8. in regione inter-amnica, *Pays entre deux Rivières*, exonerat se in Oceanum ad pontem Collinarum. Rursum oppidulum aliud Pontievi, benè munitum, appositum paludi, in qua vis anatomica infinita. Per paludem fertur in mare rivus *Maje*, cujus fons in pago Creffiaci, ubi sub Philippo Valesio ea clades ab Anglis illata, qua nullam Gallia experta est majorem. Pontievi civitas Primaria est Abbavilla, *Abbeville*, g. 50. m. 5. quæ ex villa & Prioratu Abbatiae S. Richarii in Centulo ad rivum carduorum crevit in urbem celebrem, quæ ab hostibus numquam fuit capta, sæpius verò tentata.

---

## C A P. XI.

### *Summa.*

**S**umma idem quod fons apud Antiquos, hinc Summa Bionæ, Summa Turbæ, Summa Vidu-læ, Summa Sarthæ, hic verò fl. olim dictus Phrudis, Samara & Sumina oritur in lat. 49. 56. Veromanduos alluit & Ambianos, dirimensque Morinos à Caletis fertur in Oceanum ad San-vallerium odoribus gratissimus, quod nunquam gelu astringatur. In veromanduis urbes irrigat Fanum S. Quintini Veromanduorum Apostoli. Unde sedes Episcopalis Noviodunum 49. 50. est translata. Ad illam magna clades Gallis ab Hispanis

spanis illata, anno 1557. die S. Laurentio sacra, in cuius rei monumentum illud est, magnificum in Escuriali positum à Philippo Rege S. Laurentii cœnobium. Hinc prætergressus ad Hamium Castrum, amnem excipit Veromandum, juxta cuius fontes cernuntur rudera Augustæ Veromandæ, eo loco ubi nunc Abbatia Veromandum ordinis Præmonstratensis. In his partibus, cum aliquando Philippus Augustus movens adversus Flandros, hæsisset, Rigordus ait locum, in quo Philippus Castra metatus fuerat magnos proven-tus incolis postea attulisse, alium verò in quo Flandri constiterant, nihil omninò.

Peronam inde abit urbem, in qua Picardi nobiles primùm inierunt fœdus, quod Ligam vulgò dicimus. Carolus Simplex & Ludovicus XI. ibidem olim detenti. Mox effluit in Ambianos, quorum in agro lustrat oppida Corbiam cœnobio claram, Samarobrinam vern. *Amiens*, 49. so. urbem situ manuque firmissimam, in cuius Episcopali Ecclesiâ longè cultissimâ, religiosè colitur pars capitis D. Joannis Baptistæ illuc delata Constantinopoli, anno 1216. cum Balduinus hac urbe pôtitus est. In vicinia ad Abbatiam, Monialium Paracleti pratum est juxta amniculum, in quo ranæ conticescunt, nec sunt garrulæ, nisi hinc efferantur. In suburbiis confluunt, hinc Longa aqua ex Mondidiero oppido cultissimo agri Sanfteriensis vel Sanguiteris, vulgò *Santerre*. Inde Sella ex Principatu *de Conty*. Tertiâ verò leucâ versus Atrebatum Pagus est S. Gattiano sacer, in cuius agro quæ oves pascuntur

nun-

nunquam afficiuntur tabe; tabidæ verò huc transmissæ conualescunt, quod beneficium ferunt acceptum S. Gratiano; qui hîc fuit ovium Pastor. Ponte sternitur ad Pequignium Castrum Vidamiorum Ambianensium situm ad Cataractam Pontis Remigii, ad quod Angli prælio fusi & superstites ibidem cæsi, quî nomen pronunciarè nequibant, Pequenii loco Pequigni proferentes. Quatuor verò leucis infra Abbavillam salutato Leueonao, hoc est, S. Valerici cœnobio, inter Pagos Crotosium & Cajeutum ad peninsulam Hordensem; *le Hourdel*, locum munitioni aptissimum immergitur Oceano. Guillelmus Northmāniæ Dux, coactâ classe navium 800. expugnaturus Angliam anno 1066. non prius revulsis anchoris potuit ab hoc litore discedere, quā imploratâ ope D. Valerici secundam auram obtinuit. Cajeutum verò Satrapia est Ducis Nivernensis, cujus prædium clientelis & dirione illustre extenditur ad vicum Autium in Vimaco, quæ ultima est regio Picardiæ Summam inter & Breslam amnes extensa, cujus caput & Iudiciaria sedes *Oësmont*. Eam excipit Pagus Talogien-sis, *le pays de Taloy*, à Bresla ad Siam, ubi frequentes olim Salinæ maximè Deppam inter & Arquesias, quæ jam periêre, sicut & ipsum nomen Taloense.

---

## C A P. XII.

### Comitatus Eufianus.

**E**Ufium vel Augum *Eu*, nobilissimus Comitatus.



tatus, fisco addictus morte Rollonis *de Neele*,  
Comitis Strabuli, qui Parisiis plexus capite, & da-  
tus Joanni Artesio, posteaque devolutus ad Jo-  
annem Burgundum Comitem Nivernensem, in-  
deque ad Engilbertum Clivæ, ex quo oriunda  
Catharina Clivæ, quæ Henrico Lotharingo Du-  
ci Guisæ nupsit, & filiis suis Guisiorum Ducibus  
reliquit. Inter subrogatos primus est Franciæ  
Pariatus ad eam effectus dignitatem anno 1458.  
mense Aug. à Carolo VII. in gratiam Caroli Ar-  
tesii. A Bresla fl. extenditur secundum litus ad  
Podium vallem Deppa remotam vix mediâ leu-  
câ. Inter Breslam & Jeram amnes, interjacet  
sylva undecim millium jugerum, quorum sin-  
gula 130. perticas continent. Dicebatur olim  
sylva *de Vigneaux*, nunc sylva Eusi, *la forest d'Eu*.  
Bresla amnis oritur è vico S. Germani unâ leucâ  
supra Aumaliâ 49. 50. urbem, quam Franci-  
scus I. anno 1548. titulis auxit & dignitate Du-  
catus atque Pariatus. Hinc oppidula alluit va-  
ria, & in his *Gamache & Eu*, antequam influat in  
Oceanum ad Trepörtum, ubi Picardiam à  
Northmannia separat.

*Gamache*, antiquæ familiæ San-Valerianæ do-  
minium, in Drocensem domum postea, devolu-  
tum, indeque ad dominos *de Thouars Amboise*,  
tandemque ad Tristandum *Rouhault*, patrem Joa-  
chimi *Rouhault*, Polemarchi Galliæ, qui sub Ca-  
rolo VII. afflictas res Francicas consilio juvit, &  
armis tutus est, à quo Marchiones dicti *de Gama-  
che*. Eusium verò oppidum 50. Castello, Eccle-  
sia & Collegio nobile.

## CAP. XIII.

*Caletorum Maritima.*

**A** Summa, vel potius à vico Autio, vel ab amne Breslâ Sequanam usque proferuntur, præruptæ altissimis niveisque capitibus rupes. Omne spatium perpetuo jugo vallant, nisi quæ omnes Oceano influunt, aut humanæ vitæ commoda viam ad mare postulant; incolas antiqui dixerunt Caletes à Caletō oppido, ex cuius ruinis Cæsar Juliobonam excitavit. Hanc nunc ditionem vocamus Calcheiam, *le Pays de Caux*, quæ & Northmanniæ & Senatus Rotomagensis septima est Præfectura. Deppa, 49.150. portus est Caletorum celeberrimus, unde quotannis onerariæ bene multæ in exteras regiones difficilis, ac diuturnæ navigationis cursum instituunt. Beneficio regio urbis dominus est Archipræsul Rotomagensis. Ludovicus XI. cum obsidione Anglorum eam liberasset in privilegio Assumptionis statuam sibi æqualem ex argento Virgini sacrauit. Hinc præmia, quæ Poëtis distribuuntur quotannis, qui concinniora omnis generis carmina in laudem B. Virginis ediderint. Amnis Diepenfis oritur ex amœnissimæ vallis Briacæ oppidulo Gallefontio. Post tres leucas urbem alluit Noviocastrum, ubi conficitur optimus pulvis Pyrius. Hinc transit ad Castellum *de Bully*, & post admissos aliquot rivos lustrato oppido Arquesiæ; victoria Henrici IV. celebri ad Dieppam init Oceanium. Sequitur Pouruilla portus olim celebris

ob immunitates, ubi mare amnem *Sie* recipit, ortum infra Abbatiam S. Victoris, qui vicos alluit, *Aufé & Longueville*, caput Ducatus cognominis, cujus Dominus erat semper rei bellicæ Comes perpetuus apud Duces Northmanniæ, ex quo datus est à Guillelmo Conquestore, Gautiero *Guifard*, Comiti de *Bouchinquam*, San-Valerius Caleticus eandem urget oram, statio navium, quæ melior nulla in toto hoc litore. Portus magnæ molis navigia admittit, vicus 600. non amplius focorum. Habemus postea Palvelinum amnem, qui ortus ad fanum S. Mellonii Granvillam alluit, Cannium regiam jurisdictionem, & Viteflorium. Ad majores Dalas antiquæ urbis apparent rudera. Rupes præterea eminent altissimæ, in quarum vertice Sacellum est D. Virginis à sylvis, ex quo prospectus est in Angliam. His proximum Fiscanum, 49. 45. gratissimus olim Guillelmi Northmanniæ Ducis secessus, cui agnomen à longa Spada. Ejus authoritas quanta apud suos esset illustri exemplo patuit. Cum enim esset in castro Wolsango ad Mosam una cū Imperatore, Saxonæ Dux renunciavit tumultuari Northmannos, & cædibus omnia miscere, Guillelmus exemptum vaginâ gladium Duci porrigit, monens ut eum Northmannis ostendat. Et verò, ubi Ducis sui spadam agnoverunt, armis illicò positis, omnes nudum pectus ensi supplices objecerunt, quæ erga suum principem observantia, Imperatori miraculo fuit & terrori. Richardus intrepidi nomen sortitus Ecclesiam postea excitavit, ad quam foris sub stillicidio ex  
animi

animi Christianâ demissione, cum sibi curasset  
 incidi sepulchrum in saxo, illud quandiu super-  
 stes fuit, omni feriâ sextâ frumento voluit reple-  
 ri, & in pauperes cum 20. solidis erogari. Ri-  
 chardus ejus filius locū tradidit Monachis S. Be-  
 nedicti, estque Abbatia inter ditissimas Galliæ  
 apposita anni, qui derivatur ex Stagno *Valemont*.  
 Porro cūm Franciscus I. Galliæ Rex in gratiam  
 Comitis à S. Paulo & Adrianæ Estoutevillæ om-  
 nes baronias & feuda, quæ possidebant in Ca-  
 letis in Ducatum exexisset, Ducatui nomen in-  
 ditum à loco aliquo, sed à dominorum cogno-  
 mine. Præcipua Tribunalis sedes in oppidulo  
*Valemont* stabilita fuit 8. Maji Senatusconsulto,  
 anno 1537. aliæque sedes duæ, una in suburbiis  
*Môtis Villaris*, altera in pago *Appevilla* proximè  
*Diepam*. Non longè à *Fiscano* ex editissima-  
 rum rupium verticibus tres fontes, vel rivi imo  
 amnes præcipitant, qui propter altitudinem, in  
 rorem levissimum abeunt; quorum tamen in  
 complanato superiore camporum æquore nul-  
 lum apparet vestigium.

---

## C A P. XIV.

### *De Portu Itio.*

**P**ost *Fiscanum* habes *Portum* pagum, in quo pi-  
 scatorum sola tiguria, licet in eo possit fieri  
 portus, qui classē caperet, & multò ampliorem  
 fuisse suadeant rupes, quibus mare sternitur in  
 his partibus, quæ ostendunt litus hoc pluri-  
 mum versus Angliam, olim promotum. Nam  
 hic

hic ille est Portus Jejus. Cæsaris certè multa suadent. In primis nomen, quod ad hanc diem servat, non leve facit argumentum; ab itu enim continuo per duos annos, quibus Cæsar commoratus est hîc, dum tantam parabat classem, & tot legiones convocabat, dictum Itium magis placet, quàm Icium, vel Iccium. Et verò Strabo omnium antiquissimus *Ition* vocat. Deinde quis portus, Juliobonæ commoranti Cæsari fuit hoc nostro expeditior, ut classem inviseret, dum ædificabatur, vel temp<sup>9</sup> opportunum præstolaretur, quo navim conscenderet. Tertiò tempus, quo pīcatores ex hoc portu transmittunt in Angliam horis circiter 10. videtur planè rem cōficere, cum eodem planè tempore trajecisse Cæsarem, cōstet ex ipsius Commentariis, & ex Floro. In Britanniam (inquit Florus) transit magna celeritate, quippe cum tertia vigilia solvisset à portu, minus quàm medio die insulam ingressus est. Certè cum Romani noctem suis excubiis dirimerent, in quaternas vigilias trium horarum quamlibet, & circa æquinoctium res ageretur, tertia vigilia ab hora nocturna nobis duodecima sumpsit initium, & consequenter ante tertiam solvit è portu: his ergo si addas medium sequentis diei, horas novem, vel 10. insumpserit. Ex quibus manifestè constat, non solvisse ex eo loco, ubi jam inædificatum cernimus. Caletum, quantumvis immediate post Phrudis ostium, Itium portum cōstituatur Ptolemæus: nam quæ magna esset celeritas 10 horis id præstare, quod nostrates quinque absolunt; nec enim idoneâ tempestate plu-

res



res impendunt, qui jam solvunt, vel Donera, vel Caletio. Deinde cum latitudinem Itio assignandum 53. m. 30. vel irrepsisse mendum in Ptolemæo fatendum est, vel errasse ipsum, sicut & in hac eadem ora, dum Abrincatuos ponit ad Sequanam. Quod si objicias in Morinis constitui ab autoribus Itium portum, nostrum verò in Caletibus, dicam Morinorum nomen amplissimum: interdumque dici Morinos omnes, qui assidebant mari, antiquitus vocato Mor, & quos aliqui dicebant Armoricos, alios appellasse Morinos, ut constat ex Pomponio, qui lib. 3. post Offismios, (qui sine dubio erant in Britannia Gallica) immediatè subjungit Morinos, cum tamen alii Effuos & Celetes & plures alios constituant medios. Hæc tamen prorsus ita esse, nec dum statuo, licet placeant magis, quàm quæ de Audomario Ortelius, vel de Blaveto Euripo scripsit Camdenus.

Sequitur in eodem litore Estretalium, quæ altera est exscensio, cujus è regione rupes duæ sunt præaltæ à marinis fluctibus exesæ; ad alteram, quæ acus Estretalia dicitur, solet quotannis ad diem certam convolare infinita vis avium, quæ Gallinis sunt æquales, ut cubilia sibi nidosque construant, adultisque pullis die item constitutæ omnes avolant, neque reliquo anno in toto litore Gallico, neque fortè in tota Europa similem ipsis reperias. Sunt & aliæ exscensiones ad pagos Antiferum, S. Joyini, ubi ditissima piscatio Solearum, & Catuillam. Hæ terminantur rupes promontorio Caletensi, quod gemino fle-

ctitur

ſititur vertice in æſtuarium Sequanæ, nomen uni-  
 focarium bellicum præaltum fanè, in quo Pha-  
 rus nocturni appulſus index, alteri nomen Cal-  
 ceium roſtrum D. Tutelari Galliæ ſacrum S.  
 Dionyſio, & D. Virgini, quæ in Sacello, cui no-  
 men à proſpero ductu impenſè colitur, cùm à  
 Nautis, tum à civibus Portus Gratix, qui frequen-  
 tes ad illud ſupplicandi gratiâ ſe conferunt. Ab-  
 euntibus ad lævam recedit Portus-Gratix, *le*  
*Havre de Grace*, in lat. g. 49. m. 30. in vliginoſo  
 ſolo recens conſtructus, arce munitiſſimus, ſtu-  
 pendum opus pæne ad oſtium influentis in O-  
 ceanum Sequanæ.

## CAP. XV.

*Sequana.*

**L** *A Seine*, fontem naſtus eſt in lat. g. 47. m. 10.  
 in Burgundiæ Ducatu, in Diceceſi Heduenſi  
 propè oppidulum *Chanceaux* in ſylva Belfaya  
 infra templum, locus olim Sicaſter dictus eſt. Au-  
 getur ſenſim, fluit in rivum, ac diu luctatus plana  
 inter, & confragoſa intumeſcit, exundat, fit flu-  
 vius ac primum Cimbæ, mox æſtuaria, ac de-  
 mum naves & ocrarias cum immenſa aquarum  
 mole in mare deonerat, unico quidem, ſed 10.  
 millia paſſ patente alveo. Hinc Hunſlutum, in-  
 de Harſletum alluens. Rarò minuitur, vel exun-  
 dat. Rotomagiatus eſt 50 pedes, Pariſios, uſque  
 deſert onerarias, quæ 1400. vini cados conti-  
 nent. Aqua ad potandum melior & levior fon-  
 tanis. Quotidie bis refluit ad altitudinem unius  
 O  
 pedis

pedis per leucas 30. Aliquando tamen ad hasta  
 altitudinem, idque tantâ celeritate, ut vix Eques  
 fluctum assequatur. Potest conjungi cum Rhodano fl. & Mediterraneo mari mediis Arman-  
 cione & *Ouche* ducto alveo trium non amplius  
 leucarum, sicut nunc coit cum Ligeri medio a-  
 mne Loignio, Stant in ejus ripa Castilio, metalli-  
 câ ferrariâ nobilis, & castrum in finibus Burgun-  
 diæ, ubi Arsam excipit ortum in Lingonibus.  
 Augustobona *Troye* in lat. g. 47 m. 52. Metropo-  
 lis olim Tricassium, nunc verò Comitatus Cam-  
 panix, urbs Episcopalis ampla & dives. Mer-  
 oppidulum, Navigentum, *Nogen*, ubi Sequana  
 incipit esse navigiorum patiens, oppidulum an-  
 tiqui Comitatus Briæ, cujus solum nemoribus  
 frequens Matronam inter & Sequanam extendi-  
 tur ad Pontem Charentonium, urbs præcipua ac-  
 amnem Durtanum, Provinum, cujus rosæ sacra-  
 to conditæ sunt in pretio. Mons regalis, ubi ca-  
 strum in ipso confluente Icaunæ in Sequanam  
 ædificatum, ut putatur à Cæsare. Interfectus ibi  
 Joannes Burgundiæ Dux, in ultionem Aurelii  
 Ducis similiter interempti, quorum ex cædibus  
 Galliis illatæ clades infinitæ. Melodunum op-  
 pidum in insula Sequanæ, ubi sedes primaria Ga-  
 stinæsis præfecturæ, & rivus miscetur Sequanæ, qui  
 alluit castrum *Blandy*, ubi Longovilleorum Du-  
 cum horti multæ amœnitatis. Corbolum, olim  
 Regia S. Ludovici, nunc castrum cū oppido, cu-  
 jus laudantur malâ persica aliique fructus ad se-  
 cundarum mensarum delicias. Infra Corbolum  
 Sequana excipit Orgiam & Junam Stampensem  
 hujus

hujus aqua Cancris gratissima sic frigida est, ut pedes equorum tacitâ torpedine inficiat. Secundum eum frumenta vehuntur Parisios è Belsia. Ipse verò Stampæ oppidum evectum est in Ducatum à Francisco I. Ad Orgiam & influentes in eum rivus celebriora loca sunt *Rambeuilet, Cheureuse & Monshericus*, ubi commissum acre prælium anno 1462. inter Ludovicum XI. & Carolum Carolesium. Lucotesia Parisiorum Ptol. seu *Caracra* Lucetia Juliano, vernac. *Paris* in lat. e.g. 48.m. 46. quam nulla urbium Europæ superat amplitudine, ædificiis, frequentia Civium, divitiis vel deliciis. Omnibus verò præeminet sanctitate, si eorum habeatur ratio, quæ in ea D. Rex Ludovicus, in suo palatio reposuit, qualia sunt panni Infantia Christi, sudarium, corona spinea, clavus, pars sanctissimæ Crucis, sponsia, ferrum Lanceæ, vestis purpurea, arundo, lapis sepulchri, pars syndonis, ferrea catena, quâ Christus victus, mappa, in qua Eucharistiam instituit, & innumera alia, quæ in capella sancta, & aliis locis huic urbi proximis veneramur. Parlamenti sessio Parisiis stabilata à Philippo Pulchro An 1302. Nunc jus dicit Archiepiscopatibus sex, & Episcopatibus 24. Catuliacus, vulgò Sandionysium Mausoleo regum illustre. Montmorancia Vallis & Ducatus. Argentolium, vicus Christi veste inconfutuli celebris. Sanctus Germanus regium Palatium, Possiacum, Meulantum, Medunta, ubi S. Thomas, cum offendisset S. Bonaventuram scribentem vitam S. Francisci, dixit, sinamus

Sanctum præclara sanctissimi viri facinora scribere. Guidonis rupes, Comitatus eum oppido, ubi os brachii S. Sampsonis, quod nunquam intingitur Sequanæ, quin depluat eadem die. Veronionum, Andelium, Gallio Archiepiscoporum Rotomagensium gratissimus secessus, opus Ambasii Cardinalis. Pons arcuatus ad Sequanam urbs sic dicta à ponte, quod Lintres per unum tantum fornicem possunt pervadere, sita est ad Confluentem Euricæ & Andelii, qui ortus ex Caroli valle, alluit Baronatum Pontis S. Petri. Vallem Rodulphi, vern. *Vandreuil*, & duorum Avantium Prioratum. Ellebovium Ducatus & pariatum ab Henrico III. institutus anno 1581. in gratiam Caroli Lotharingi Comitis Harcuriæ Rothomagus g. 49. m. 20. Metropolis Northmanniæ, celebris Archiepiscopatu, Parlamento quod à Ludovico XII. hinc institutum est anno 1499. & emporio totius Galliæ frequentissimo. Laudatur hic campana 36. mil. librarum, alta pedes tredecim, lata II. cujus sonus longè gratissimus. Butila, portus ad Sequanam celebris. Gemeticum Abbatia S. Bened. in qua olim 900. Monachi, sub Abbate S. Achardo sanctissimè vixerunt Caldebecuum, Presidialis Calctorum Confessus Curia. Ab eo leucis duabus distat Yvetotium vicus, quem regni titulo illustrem fecit olim Clotarii sævitia, nunc verò Principatus, quo fruentur Domini *du Belley*. Juliobona, Comitatus Elboviorum Ducum, cujus castellum putatur excitatum ex ruinis Juliobonæ & Caliti, certè in deliciis fuit Ducibus Northmanniæ, qui eò se



eum universo aulici generis ordine recipiebant  
*Pour y tenir leur Tinel*, ut habet vetus Chronicon.  
 Est & Hareflotus, valida olim munitionibus urbs  
 ad rivum Becci Crespini, qui etiam oppidum &  
 & Monasterium Villare alluit, hincque abit in  
 Sequanam.

## CAP. XVI.

*Senones.*

Senonum nomen olim amplissimum sibi etiā  
 Sipfi Meldæ, Carnutes, Bituriges & Ædii asci-  
 verant, vel hoc nomine terribiles, quod urbem  
 Romam protriverant: hanc tamen finium laxi-  
 tatem revocamus ad eam agri partem, quam I-  
 cauna & Lupa secant, cui postea hæsit nomen  
 Senonicum. *Yone*, antiquis Icauna, oritur apud  
 Alexios è montibus Morundæ *du Mornen*, urbes  
 iustat Clameciū in agro Nivernensi, in cuius sub-  
 urbio dicto Bethleem, Ecclesia est à Nivernensi-  
 bus Regulis dotata 500. librarum proventu, ut  
 esset refugium Episcopis Bethleem è Judæa pro-  
 fugis. Crevantium oppidum, ad quod per a-  
 nnes Curam & Avalonem ex Morundæ sylvæ  
 vocariæ Sudes devolvuntur, quæ cratibus Pari-  
 os usq; feruntur. Antissiodorum, antiquis Antri-  
 cū, à monte Antrico, qui urbi proximus est, nunc  
*Auxerre*, g. 47. m. 20. ubi Legio 22. Antonino,  
 hunc urbs est Episcopalis, cujus Comes Petrus  
 Imperator Orientis renunciatus circa annum  
 216. hunc Comitatum Rex Carolus V. anno  
 372. à Cabilonenſi Principe emit aureis 30000.

Agendicum Senonum Metropolis, vernac. *Sens* 47. 50. frequens & amœna sedes Archiepiscopi Germaniarum olim Primatis. Non longè ab e videbis fontem, cujus aqua lapidescit. Inter Antissiodorum & Senonas, Icauna excipit Arman- cionem, qui alluit Nucetum & Chablesium g. 47 m. 26. ubi anno 841. atrox illa contigit pugna in- ter filios Ludovici Pii, in qua omnis propè nobi- litas internecone deleta. Rigat Senimurum Al- densium, urbem validam, in cujus Prioratu reli- giosè asservatur annulus, quo D. Virginem sibi despondit S. Joseph. Tornodurum titulo Comi- tatus insigne. Excipit verò mediante Breno ri- vos Oserapium & Lofam, qui unâ circiter leucâ à Favignio ambiunt montem, in quo fuit Alexia 47. 10. Æduorum Mandubiorum urbs, ad quam Cæsar immanibus excitatis munitionibus cives coëgit Regem Vercingentorigem dedere, quâ deditioe tota est Gallia potitus. Templum S. Reginae, quæ hîc colitur, locum nunc reddit celebrem. Lupa, vernac. *Loin*, nascitur è Jugis Antissiodorensibus, & ad Vicum *Dammariæ* exci- pit rivum, qui oritur è stagno, quod vix 500. pas- sus distat Briara ad Ligerim. Ubi proximis annis ductus est alveus, qui mediante Lupa, Ligerim committit Sequanæ, urbesque rigat Castelli- onem Satrapiam gentis Coligniorum. Noviomagum *Montargis* g. 47. m. 40. Vadicassium Me- tropolim, Caroli V. delicias. In palatio ad ca- minum insculpta fideissimi canis hystoria legitur, qui coram Rege, Domini sui mortem ulturus, percussori ejus Aulico cataphrasto gulam fregit.

Nemur-

Nemursium, *Nemours* Ducatum Philippo Sabaudia Comiti Genebenfi datum, quando uxorem duxit filiam Renati Ducis Alenconienfis. Moretum *Moret*, oppidum cum castro elegantis operis, ex quo possis videre Fontem Bellaqueum in sylva Bieria, *Fontain-beleau*, Regum Gallia augustam basilicam, hortos voluptuarios, Vivaria, nemoraque jam inde à D. Ludovico culta. Hinc verò Lupa effunditur in Sequanam supra Melodunum.

## CAP. XVII.

*Campania, Matrona, Axona,  
Alba, Aisia.*

Campania vetus nomen in Gallia Provençii. Nam Gregorius Turon. & Ducis Campaniae & designati quosdam inter Proceres regni Campaniae meminit tempore Guntranni Regis. Regno Galliae fuit adjuncta saepius, ultimum anno 1361. Omissis populorum minutis partitionibus, dico Campanorum alios Celtas, alios Belgas, omnes vel ad Sequanam, de qua jam egimus, sitos, vel secundum Albam, Matronam & Axonam, de quibus nunc agendum.

Alba *Aube* caput habet in Lingonibus sub proceris quercu ad radices montis *le Charmois*, alluit Albam ripam Abbatiam *Aube-rive*, Claram balilem *Cleruaux*, Barium, *Bar sur Aube*, & Arceias villam, à qua Campania olim dicta & Arceiacensis, & pagi Arcisii, & fuit in Sequanam infra oppidum Meriacum. Clara-vallis g. 49 m. 45.

Abbatia fundata in valle Absinthiali anno 1015. à D. Bernardo, qui decedens è vivis, reliquit hic 700. Monachos, præter eos, qui in 800. Monasteriis, quibus præerat, excolebantur.

Matrona, *Marne* oritur in vico Balisma, loco cui nomen *Marmote* distante unum mil. ab urbe Lingonum ex sylva Lingonica olim dicta, nunc *Passavant*. Germanum limitem exercet b Belgas inter & Celtas à fonte suo ad pontē Carētonium, ubi miscetur Sequanæ. Secundum eum reperiuntur urbes Andomatunum *Langres*, g. 47. m. 38. urbs primaria Lingonum celso in clivo sita in extremo Vogesi: hujus Episcopus est Par Ducalis Franciæ & præcedit suum Metropolitem Archiepiscopum Lugdunensem. Calvus *Mons Chau-mont*, Bassiniæ Metropolis cum arce rupi imposita Joavilla, *loinnville* ditio præcipua Seneschalli Campaniæ ad dignitatem Principatus eveستا ab Henrico II. in gratiam Clodij Ducis *de Guise*, qui & illic sepultus est in monumento eximij operis, sicut & Godefridus Dux Bullonius Rex Hierosolymorum. S. *Dizier* fanum S. Desiderij munitum arce valida. Victoriacum Francicum *Vitry le François* urbs, caput Pertensis territorij, distans quadrante leucæ à Victoriaco sede Victorici Romanorum legionis, incenso à Carolo V. Hic verò Matrona excipit amnem *Saux* qui aluit Barum Ducis, sic dictum ex quo Joannes II. Rex Galliæ anno 1357. illud oppidum Ducatus titulo auxit in gratiam Roberti Comitis qui Mariam Franciæ ejus filiam in uxorem duxit. Horum verò pronepos Renatus Andegavensis, Dux  
Bari

Bari qui postea Rex Siciliae uxorem habuit Isabella Lotharingae heredem anno 1420. sicque Ducatus Bari & Lotharingae conjuncti. Hinc Matrona rigat Ponticonem *Pouigny* vicum ubi villa olim regia, in qua Pipinus Rex Stephanum Papam excepit, habitaque est Synodus dicta Pontigonensis; Catalaunum *Chalons* urbem cretaceam, g. 48. m. 45. amplam tamen & divitem. Episcopus urbis dominus, est Comes & Par Franciae. Ai, Anisiacum vino celebre, quod suavissimum totius Galliae dicitur. Castrum Theodorici, *Chateau-Thierry*, dives & opulentum, caput superioris Briae, Praesidiali foro & Ducatus titulo insigne à quo vix 4. leucas distat Comdæum, ex quo Galliae protoprinceps appellationem accipere solet. Monticae *Monceaux*. Palatium à Catharina & Maria Mediceis Francorum Reginae excitatum. Jatinum *Meaux*, oppidum Episcopale in Meldis conspectus gratissimi. *Lagny*, Lignium caput Comitatus primariae nobilitatis.

*Aine*, Axona amnis præceps & aquarum copia tumens, ex Barrensi Ducatu labitur in Aisiam supra Compendium, postquam oppida lustravit *S. Menehould*, *S. Menechildis*, g. 48. m. 14. Attigniacum ubi capitularia habuerunt Carolus Magnus, Ludovicus & Carolus Calvus. *Retel*, Retelium Metropolim Reteliae gentis. Castrum Portiani & Augustani Sueffonum *Soissons*, g. 49. m. 14. Sedem olim Regum Franciae in partitione regni tetrarchica. Supra Sueffiones Axonae miscetur Vidula, cujus fons in Vico cognomine *Somme-*



*Vesle* prope templum D. Virginis à Spina in campis Catalaunicis, ubi Merouæus Attilam coëgit fugere 18. millibus hominum utrinque desideratis. Castellum rigat Sillerii & Durocortorum Remorum *Reims*, g. 49. m. 6. ubi Reges Franciæ chrismate celitus missò inaugurantur ab Archiepiscopo loci, qui primus est Dux & Par Franciæ.

Aisia ortus in Arduenatibus in lat. g. 49. m. 52. decurrit in Veromanduos, ubi admissò rivo, qui ex arce Capellia *la Capelle* defluit, Guisiam lustrat oppidum Tierrachiæ à Francisco I. Ducatus & Pariatus titulo insignitum anno 1527. in gratiam Claudij Lotharingi. Inde abit Feram *la Fere*, 49. 10. Tartenorum Metropolim & Regni clavim, sitam in insula Aisiæ, qui amnem Serram illic admittit, constantem varijs rivis; horum unus profluit ex Verbinio arce munita & celebri ob pacem ibidem sancitam anno 1598. manat alter ex sacello Sacratissimæ Virginis *de Lisse*, ob frequentia miracula toto orbe celeberrimo, quod duas leucas abest Lauduno Clavatum *laen*, 49. 26. urbs in monte sita est, cujus Episcopus Dux & Par Franciæ, Ampullam defert in consecratione Regum. Admittit etiam rivos aliquot, qui ex Cousfiaco castro cultissimo, & domo Regia *de Folembray*, à Francisco I. ædificata derivantur. Lustrat præterea Noviodunum *Noyon*, 49. 33. urbem quam Cæsar, propter fossæ latitudinem muri-que altitudinem expugnare non potuit. Ad eam Carolus Magnus Gothos profligavit: ad eandem translatus Episcopatus Augustæ Veromanduatorum

duorum anno 524. Ipsique unitus Tornacensis<sup>a</sup> usque ad annum 1146. Illinc venit Compendium *Compiègne*, dictum regium, quod frequenter illuc venationis causa Reges divertant. In Abbatia S. Cornelij religiosè colitur de tribus sindonibus, una in quibus Christi corpus sepultum fuit. Aisnæ rursus infunduntur amnès Thara & Autonna. Thara Bellovacum *Beauvais* aluit, urbem cujus Episcopus est Comes & Par Franciæ Cives ab omni evocatione bellica solvit Ludovicus XI. Mulieribus autem & virginibus concessit, ut in supplicatione publica viros præcederent, quod illarum opera Burgundus obsidionem solvere coactus esset. Varia Palatia & horti ad amœnitatem consiti Compendium circumstant, itemque Sylvanectum *Senlis*, urbem Episcopalem: Ex illis sunt *Villiers. Coste-rets*, Francisci I. opus *Bechy* villa, Regis Caroli Crassi & Philippi Augusti: Cressi Carisiacum Carolo Magno & Ludovico Pio gratissimum, ubi habitæ Synodi plures; Vernolium Henrico IV. Crillium Carolo V. & Catharinæ Medicæ, *Chantilly* Ludovico XIII. gratissima. Habes etiam in Aisnæ ripa Beaumontium Ducatus Valesij, caput erecti à Philippo Valesio Rege, in gratiam Roberti Artesij anno 1328. Denique in Parisiis Brivam Isaræ, seu Pontœsiam *Pontoise* rigat, & sub eam effunditur in Sequanam.

a *Capitul. Car. Cal. tit. 12.* b *Ausjon. in Mos.*

## CAP. XVIII.

*Northmannia.*

Cum morte Ludovici Pij, civilibus motibus tota quateretur Gallia, profecti varij populi è Scanzia, quam Northuagiam & Northmanniam appellant, memores atrocissimi belli, quod per 30. annos continuos, Carolus Magnus gesserat adversus Witichindum Saxonum Regem, Godefridi Daniae & Northuagiae Regis generum, per oram Galliae maritimam primum evagari coeperunt: Inde cum occupata Rotomago per intimas Regni partes grassarentur, caedibusque & incendijs foede vastarent omnia, Rollo tandem Northmannorum Dux Archiepiscopi Rotomagensis opera, ad fidem Christianam suscipiendam, & foedus cum Carolo Simplicefaciendum adductus est, Gislam ergo Regis filiam matrimonio duxit, quae dotis nomine oram Galliae maritimam, & interiora ad amnem Eptam attulit, Northmanniam deinceps dictam, cum prius Neustria appellaretur. Hæc anno Christi 912 gesta, ait Ordericus lib.3. qui addit in Armoricam simul ei datum summum jus, & clientare obsequium. Plures deinceps numerati Duces bellicâ virtute omnes clari, inter quos enituerunt Guillelmus, cui agnomen à longa Spada. Richardus intrepidus, qui tutor fuit Hugonis Capeti origine Saxonis, prognati ex filia Witichindi, quem & juvit, non mediocriter in delenda stirpe Caroli Magni. Richardus II. qui Cabillonensem

à se

à se devictum suis adegit advolui pedibus supplicem & indutum Ephippio, in signum demissæ mentis & fracti animi, Robertus I. qui Guillelmo Comiti Belisimensi, non prius ignovit, quàm vidisset eum, caput & pedes nudum & ephippio similiter instratum admissi facinoris veniam deprecantem, qui deinde obtinuit, ut Alanus Britannia Comites, sibi tanquam domino solemnem clientelæ professionem ederet. Qui denique Henricum I. Franciæ Regem Fiscani perhonorifice excepit, ei adfuit adversus Robertum juniorem fratrem, qui eum de solio deturbare modis omnibus conabatur. Unde Henricus accepti beneficii memor, additis Pontesia & Calvo-Monte, cum Wolcassino alii Vulxino Francico Northmanniæ limites ampliavit. Huic succedere alii sex, iidem Anglorum Reges, quorum ultimus Joannes ob mortem, quam intulit Arturo filio Comitissæ Britannia, & alia commissa peractus est reus perduellionis, à Gallia Regibus, mulctatusque omnibus terris, quas jure feudi possidebat in Gallia; hinc bella Anglos inter & Gallos, donec Carolus VII. eos totâ Galliâ expulit. Clauditur verò nunc his limitibus Bresla, Epta, Ebura, Itonio, Sarta ad urbem Alenconium, hincque linea ducta ad Coësnonis amnis ostium, denique maris litore, quod per trecenta minuta patet ab ostio ejusdem Coësnonis, & Abbatia S. Michaelis in periculo maris, ad ostium Breslæ & Abbatiam eidem Northmanniæ Patrono S. Michaeli, de ulteriores portu sacram, vern. *Treport.*

## CAP. XIX.

*Amnes Northmannia influentes in  
Sequanam.*

Quæ regio Eptâ & Oesiâ concluditur Vulcasini Gallici nomen fortitur: quæ verò Epta & Andelio Northmanni, Epta verò oritur in Bellovacis è fonte cognomine, non longè à fonte *Forges*, ubi aquæ saluberrimæ. Miscetur Sequanæ inter Vernonem & Guidonis rupem: eo rigantur Gornaium celeberrimæ olim munitionis à Philippo Augusto excisæ vestigium tenue. Gisorsium *Gisors*, 49. 12. municipium elegans, dos Sanctæ Virginis nuncupatum, quod prædia Canonorum Rotamagensis Ecclesiæ magnam partem illic sita sint. Juxta pomœrium fuit Ulmus, cujus truncum vix 8. homines capiebant, ad quem frequenter Reges Galliæ & Angliæ conveniebant, ut controversias dirimerent: verum cum anno 1189. Richardus Rex Angliæ, captans auram sub illa, permisisset Philippum diu morari in aprico, Galli in Anglos, irruentes arborem ferro licet atque ære munitam, radicit⁹ evulserunt. *Evre*. Ebura ex Carnutib⁹ superis fluit è stagno personarum appellato, aliis, *le Boiillon d'Evre*, è sylva Longniaca, perluit Abbatiam *Belhomer*, Belsiamque agrum triticeâ fecunditate clarum lustrat, potius quam rigat. Nam aquis magnam partem caret & arboribus,

pro-



propter Tophum lapidem solo substratum. Ejus præcipua urbs Autricum *Chartres*, 48. 16. ubi tunica interior D, Virginis. Sequuntur in ejus ripa Novigentum, *Nogent le Roy*, dictum Regium à Philippo Valesio, qui ibi decessit. Droca, ubi commissâ pugna Drocentis dicta anno 1562. Nec ita multò post Habram excipit, qui Vernolium alluit, Tegularias & Nonancurtium. Anetum villa est Ducis Vindocinensis, quæ paucissimis Regiis est inferior, multas verò superat. Ibræa, *Ivry* urbs prope quam, commissâ Ivriaca pugna, in qua Henricus IV. cum duobus millibus, sex-decim Fœderatorum millia fudit, anno 1590. *Passey* Paciacum oppidum victoriis Philippi Augusti clarum; Loveriæ *Louviers*, oppidum Archipræsulis Rotomagensis.

Inter Paciacum & Loverias, labitur Itonius amnis è fonte burgensi ortus, qui Condetum alluit, stationem Episcopi Eburonicum, posteaque absorptus terrâ, post millia passuum terna iterum renascitur, & per Ducatum *Danville* abit Mediolanum Aulercorum Metropolim; vern. *Evreux*, g. 48. m. 50. Rissalaturit in superis Carnutibus, id est Percheis in sylva Aquilina, subindeque Eburaios & Lexobios irrigans, urbes salutat Aquilam, l' *Aigle*, *Rugles* aciculis divitem Lyram, ex qua Nicolaus Lyranus, qui glossam edidit in Sacram Scripturam oriundus. Castrum lunæ, ubi se abdit in terram, & post Leucam cum media ad Vicum *Gloray* è fonte, quem rabidum vocant, iterum erumpit, & aquis auctus Beccum & plures alias alluit Abbatias,  
nec

nec non nobile castrum *Monfortense* opus Annebaldi Archithalassi, ubi Lazurium teritur, indeque per pontem Audomari *Ponteau de Mer*, ubi bem mundissimam fertur ad rupem Ridulam in æstuarium Sequanæ prope scopulum promi-nens dictum *Quillebœuf*, quem equum Seia-num plerique nominant, quod malè semper perierint, qui arcem in eo excitare conati sunt sæpius.

## CAP. XX.

*Cava Northmanniæ litora.*

CAdentis in mare Sequanæ ostium obtinent Lexobii, in quibus hæc sunt oppida propter Oceanum sita, Hunflutum *Honfleur*, portus ut-cunque celebris. Tolchæ *Touques*, ubi excoquitur falcandicans & mare excipit amnem itidem Tolcham dictum, cujus origo non procul à fano S Ebrulphi: Neomagum vero Lexobiorum Metropolim *Lisieux*, alluit & pontem Episcopalem, *le Pont - l' Euesque*. ubi caseus, quo totâ Europâ vix est melior. Venelli proxime Lexobios excipiunt ad Olenam amnem, Augia Juelina nunc dicitur hæc regio, *le pais l' Auge*, tumentis sicera & pascuis abundans opimis. Ad D. Petri Monasterium in mare labitur Jua amnis qui ortus infra Oximum *Iesmes* celebres vicos alluit Trunnum, Variamuillæ aggeres alto, pingui & inexpurgabili luto infames, & fanum S. Barbaræ, ubi Saios à Lexobiis dirimit. Secum verò in Oceanum defert rivos Antam qui Falesias alluit oppi-dum

dum, propter Gerboraium campum, *la Guibre* & nundinarium commercium celebre, Vitā rivum qui Montgommerium, Livarro & *Creueceur* nobilia dominia subluit, Meanciam denique qui salutat Argentias & Bavacum *Barvan*, ubi Galli plures interfecti & Ludovicus Transmarinus captus à Northmannis anno 947.

Effreamum vicus celebris dictus sinus Venellus & Olinius ab Olena, seu orna fl. qui ortus apud Effuos diablitas in pago *Aunon* eorum Metropolim Noviodunum aliis Vagoritum Ptol. *Seés* alluit vulgo Sagium in lat. g. 48 m. 36. urbem in quam deletio Oximo translata est sedes Pontificia quæ partim Aulercis, partim superis præest Venellis. Inde Argentomum *Argentan* urbem perluit: tum sinuoso flexu petit Cadomum, *Caen* g. 49. m. 9. cavæ Neustriæ urbem præcipuam, situ amœnam, arcē firmam, templis, Academiâ & hominibus cultam. Transmisso Olenæ æstuario, Venellis succedunt Bellocassès ad Virianum amnem. Dicuntur modo Bajocassès à Baiis, seu aquis stagnantibus: quæ pars meridiem spectat asperior est, & silvosa *le Bocage* dicitur: quæ verò ad mare, uberrima. D. Virgo de Jurandia in his partibus, jam ex antiquo celeberrima. Coursullæ, castrum est sic dictum à cur Susullæ amnis qui ex montibus Anchoræ prodiens, Salutato Creulio castro ibi miscetur mari, Viceco nitatum Cadomensē à Bajocensi separans. Bajocassium aliis Biducassium *Bajeux*, g. 49. m. 13. Partenopolis dicta. Ex quo enim

Exuperius ejus gentis Apostolus in ea Virginis matris Iconem erexit, cives ita ex animo se ipsi commiserunt, ut sperare audeant, urbem suam, quemadmodum intacta hactenus perseveravit, sic nullo unquam hostili impetu diripiendam. Numerat propterea benè multos Sanctorum Catalogo ascriptos municipes suos, quorum præcipui, S. Reginobertus, qui ex Bajocensi Comite factus Episcopus in Pontificia sede præfuit annis 90. mortuus anno ætatis suæ 120. S. Rufinianus, Lupus, Patricius, Contestius, Marculphus, Ebrulphus, Gausfredus, Spasius, Manue<sup>9</sup>, de quo dicitur in ejus Ecclesiæ tabulis, bonus in juventute, melior in medio, optimus in fine. Urbem mediam perluit Aura fl. cujus origo in monte calvo. Junctus autem Dromeo rivo ad radices Thermentis castri apud domuncularum Parœciam uno gurgite absorbentur & subterraneo meatu in mare se effundunt. Vastus campus *Grand-champ*, eidem litori apponitur ad præpinguem piseaturam exercendam felicissimus. Nec multum ab ora maris removetur Ephippiorum villa *Estrevires* in pago Formigniaco, apud quem tota acie Gallos inter & Anglos depugnatum, expulsique tandem Angli tota Neustria. Ajunt verò instanti Gallo & altius percontanti quandonam essent reversuri, conversum Anglum respondisse, reversuros nempe cum Gallorum crimina quam Britannorum essent graviora; utique sapienter. Majus Vadum S. Clementis, *le grand Vê* dividit Constantiensem Comitatum à Bajocensi excipitque amnem Viria-

Virianum qui oritur in colle Brimbalio, *la butte brinbal*, in tractu Arborienſi: ex quo eodem, ad angulos ſibi è diametro oppoſitos quatuor effluunt ſcaturigines, ſuis quæque alveis in diverſa loca fluentes, ſcilicet Sæam, Egrenium, Nigellum & Virianum hunc noſtrum, qui urbem ejuſdem nominis Viriam alluit, indéque Teſſeium Comitatum & oppidum S. Laudi, cui proximum eſt Torigneium caſtrum. In his partibus erumpunt fontes ægris corporibus ſalubres, eruunturque marmora coloris cyanei & nigri. Succedunt Valloniæ, unde panni longè optimi, & Quarentanum oppidum, *Quarantans*, 49. 15. mari adjacens, munitum caſtro, puſillo vado S. Vedasti proximum, in quod Dova amnis influit, cujus origo eſt in ſylva Briquebeca, perluitque loca in iis partibus gratiſſima, ob ſerarum vivaria & ſaltuoſa nemora, in quibus mira cum fecunditate paſcuntur, neque deſunt prædatricis naturæ volatilia, deliciæ olim Paganellorum, dum commorabantur in Caſtellis Hambix vel Briquebeci. Paganellis ſucceſſerunt Eſtoutevillei, & his Aurelianenſes Longovillei. In cuius ære numeratur etiam Chriſti ſervatoris, *S. Sauver*, nomini devotum oppidum, Nigelli Vicecomitis Conſtantienſis opus, ſelecto tribunali ad cauſas forenſes agendas nobile. Pons Doyeus eidem anni ſternitur, qui quas ex ſubjecto alveo aquas evomit hyberno tempore, ingruente maris æſtu reſorbet & lacunam efficit, non niſi ponte vel cimba tranſuadabilem in eundem Euripum conſluentibus aquis Penesmii lacus, qui



qui mirâ fecunditate, sic pisculentus est, ut anguillarii generis redundantes modios 18. uno re-  
tis jactu, interdum hauriat accola. Est in proxi-  
mo Montanoburgum Benedictinæ familiæ coe-  
nobium Sabbatino emporio celebre per totum  
septum Constantiense, *le closet du Contentin*: fru-  
menti feracissimum & pascuis sic lætum, ut si ba-  
cillum projicias sub vesperum, diluculo vix re-  
perias herbido toto contestum. Vado S. Vedasti  
Ogigiæ sunt attiguæ: peninsula, per quam mer-  
ces è mari in continentem agrum efferuntur: bi-  
marem Corinthum diceret: dextrum certè latus,  
aliud piscaturæ genus profert, aliud sinistrum.  
His finitimus est Barræ fluctus ab æstu maris re-  
fluentis, ita appellatum oppidum, situm in extre-  
mo vallis triticeæ, quæ propterea vallis Cereris  
dicitur. Alluitur etiam maris æstu Cherburgium,  
loco arenoso situm oppidum, quod cæsis fugatis-  
que tota è Gallia Anglis à Carolo VII. est novis-  
simè receptum. Haga marina, *Cap de la Hague*,  
antiquis promontorium Crociatonium, extre-  
mus est versus Septentriones Neustriæ ager, ma-  
gna ex parte arenosus, suo complexu recipiens  
saltem 18. templorum decurias. Ad navigantes  
litori Pollebachitum appellimus litorale oppi-  
dum sinuosum, & stationem navibus accommo-  
dam. Bulsardis amnis influit in mare ad Constan-  
tia castra, *Constance*, 48. 56. eò loci, ubi Cæsar  
cum exercitu Britanniam invasurus constitisse  
memoratur. Nunc urbs est Episcopalis, cujus  
mœnia evertit Ludovicus XI. quod fratrem Ca-  
rolum tunc rebellem ciyes admisissent. Oritur  
verò

verò fluentum hoc ad Hagam Paganelli, & priusquam misceatur mari, excipit Soulam, qui ortus ex Bordeo Pago Theopolim, *Ville-Dieu*, alluit municipium caldariis artificibus, omni ex parte additum, subindéque castrum Gaurajum & rivum alium admittit, qui ex Vastinio Herouldi municipio olim amplissimo derivatur. Macropolis, *Grandville*, portus capax navium magnæ molis. Abrincatui subter Constantinos degunt, civitas præcipua Abrincatum, quibusdam Ingens sedes Pontificia, sita in colle, firma moenibus & fossa. Regio circumposita in Abrincatuis, ex arborum & plantarum foelice copia, arboretanę Normanniæ nomen sortita est. Perluitur amne Sæa, qui ex Calvo monte procedens subter pontes Arboricos æstuario maris se miscet: Tumba, sive ad duas Tumbas in periculo maris, vulgò Tumbulanæ rupes promontorium celebre ad vada pusilla, ubi amnes Arduus & Semina ad pontem Hubaldum miscentur mari. In hac rupe fuit celebris munitio ab Anglis excitata, & diruta à Galis post Formigniacam cladem. Mons San-Michelianus, seu promontorium Ocrium solitudinis & sylvis horridum, in quo Anachoretæ Deo aliqui vacarunt, priusquam monitu S. Michaëlis, Aubertus Abrincensis Episcopus, eidem Archangelo ædem in montis summo sacraret anno 708. postea fuit S. Bened. cti religiosus traditus & munitus castro, quod solum in tota Neustria Anglis restitit, nempe tutum patrocínio Angeli Galliæ tutelariss.

## C A P. XXI.

*Insula juris Anglici, litori Northman-  
nia appositæ.*

**E** Navigato Crociatonio offerunt se aliquot insulæ juris Anglici, quarum prima Arica, vernac. *Alderney*, pascuis & arvis læta ædes 80. numerat. Hinc ad occasum scopulosa cautum, *Casquettes* eminentia procurrit, quibus subest ad Meridiem Cæsarea, *Gearsey*, parœciis 12. distincta, abundans frugibus & ovibus, in quibus plurimæ sunt quatuor cornibus conspicuæ. Inguem incolæ excitant ex alga marina sole siccata, cujus cinere tanquam adipe agros fœcundant. Ab Oriente, qua Constantiam urbem prospectat, præruptæ rupi *Montorgueil*, castrum affigitur, cui cum præsidio præest, qui universæ insulæ præficitur. Incolæ agriculturæ & piscationi student, mulierculæ tibialibus texendis. Sarnia insula, vernac. *Garnsey*, cingitur præruptis cautibus, inter quas Smyris lapis reperitur, quo Vitriarii vitrum diffidunt. In Australi parte, portus est magnarum navium capax, cui assidet oppidulum S. Petri, mercatoribus frequens, quod veteri privilegio perpetuæ illic induciæ sint, quamvis bellum Gallos inter & Anglos exardefcet. Portum rupes cum arcibus circumstant, in quarum altera (*Cornet* vocant) plerumque agit insulæ Præfectus & milites Præsidarii, qui Gallos & fœminas nullo modo ingredi patiuntur. In occidua parte juxta mare, lacus est piscium fœcundus.

cundus. Incolæ loquuntur Gallicè. Illis inter-  
 jacet modica insula *de Serke*, ubi pecora, damæ,  
 cuniculi plures & phasiani. Est & alia, *Arne*,  
 dicta paulò amplior. Denique in litore mino-  
 ris Britanniae septem sternuntur insulæ, Siadæ  
 Antonino, Gallis, *les sept Isles*, à quibus deinde  
 ad Barfam, cujus etiam meminit Antoninus,  
 septem interfunt stadia Gallis, *Isle de bas*, Anglis,  
*Basépôle*.

## C A P. XXII.

*Armorica Britannia.*

C Oenone fl. distinguitur ab Abrincatuis &  
 Cenomanis; Meduana, ab iisdem Cenoma-  
 nis & Andegavis, Ligeri à Pictonibus: cætera  
 Oceanus alluit. Dicitur regio hæc Armorica,  
 quod sita sit ad mare, quod antiqui Galli appella-  
 bant Mor, unde etiam dicti reperiuntur Armori-  
 cani in notitia Imperii illi, quibus Aquitaniae, Bri-  
 tanniae, Normaniae & Picardiae ora maritima  
 cōmissa erat. Sicut & ibidem vocantur Ripuarii  
 & Riparioli Riparienses & Ripenses, qui præpo-  
 siti erant custodiæ portuum & riparum fluminū  
 Gallie præcipuorū maximæ Scaldis Mosæ & Rhe-  
 ni: appellari a verò Britanniam à Britonibus, qui  
 circa annum 461. ex insula in has partes transmi-  
 serint, scribunt post Bedam Angli benè multi.  
 Reges olim habuisse contendunt viri docti. Ve-  
 rùm hæc lego l. 4. hist. Franc. c. 4. apud Geregor.  
 Turonium, qui Britanniae Archipræsul jura ejus  
 regionis, nec debuit, nec potuit ignorare. Sem-  
 per

per Britanni sub Francorum potestate post obitum Clodovæi Regis fuerunt, & Comites nomen Reges appellati sunt. Ut ut sit, varia fuit sub Comitibus Britannia facies, posteaque sub Ducibus, qui hinc à Ludovico Crasso primum sunt constituti, donec Britannia hæredem Annarum Carolus VIII. Gallia Rex accepit uxorem, qua eo mortuo nupsit iterum Ludovico ejus nominis XII. ex quibus nata est Claudia, quam duxit in uxorem Franciscus I. quo regnante ex Ordinum consensu & rogatu, Britannia coronæ Gallicæ inserta est. Diœceses in ea 9. Baronatus 9. Parœciæ 1334. Populi frequentes, rebus olim nauticis & bellicis sicut & hodie clari. A Cœnone fl. olim Lerta ad Rinctium, qui Dinantiū oppidū olim munitissimū rigat, erāt Biducesii, dicti nunc *les peuples de Dol & de S. Malo*. Cœno oritur ex fonte Cœnette in sylve Flicetane pago Landeano; alluit Filicerias, *Fongeres*, & Pontem Ursonium *Pont-Orson*, 48. 28 urbes olim munitas. In maritima verò duæ sunt urbes Episcopales Dolum *Dol* & Maclovium *S. Malo* 48. 28. Dolensis Episcopus primum locum obtinet in consessu trium Ordinum Britannia: cum verò de jure Metropolitico cum Turonensi Præfule litem habuisset, ab Innocentio III. secundum Turonensem lata esset sententia, Rincius urbes alluit Dinantum & Maclovium longinquis in omnem orbis partem navigationibus nobile, nec non Episcopali sede, quam circa annum 1149. quo Aletha esse desuit, B. Joannes transtulit in locum, qui tunc dicebatur insula Aaron, nunc verò Maclovium, à D. Maclovio



clodio primo Alethæ Episcopo. Urbis vestigia  
 adhuc visuntur *au Quay d' Aleth* in ipso sinu Ma-  
 cloviensi, Sequuntur in Ambiliatibus Lambalei  
 & Briocenses, *le peuple de Lambale & de S. Brien.*  
 Ab Teto Amne ad Gobæum promontorium se-  
 dem habuerunt Ossismii, ubi nunc degunt Tre-  
 corienses, *ceux de Treiguer*, quorum Metropolis  
 Vorganium, hodie S. Paulus Legionensis, *S. Paul*  
*de Leon*, olim Ducum sedes. Gobæum Cornu ex-  
 tremus est Armoricæ Angulus, cujus segmenta  
 sunt Furium cornu *le Cap du Four*, 48. & Capra-  
 rium cornu, in quo Cœnobium D. Matthæi in fi-  
 nibus terræ. Inter quæ duo cornu Ripensis est  
 tractus, *le Ras de S. Mahé*, secundum quem horri-  
 dæ sunt ex utraque parte rupes dispositæ ad mo-  
 dum ingentis sylvæ flammis denigratæ, quæ O-  
 ceanum sic cogunt in angustias, ut mare per eum  
 rapidissima sagitta citius decurrat. Bosporum  
 Galliæ verè dixeris. Promontorio prætenditur  
 insula Uxantos *Ouessant*, ampla & fœcunda, sed  
 Piratis exposita. Adnavigata ea insula Oceanus  
 vasto sinu continentem urget inter Britannia  
 promontoria Gobæum & Nerium utrumque in  
 finibus terræ nuncupatum. Quæ pars Pictonum,  
 Antonum, & Aquitanorum litora alluit, dicitur  
 sinus Aquitanicus; qui Cantabriam, Cantabri-  
 us. Statim verò post cornu S. Matthæi aperit se  
 ortus Brestanus in Brivatibus *Brest*, 47. 48. Re-  
 gium navale in interiore Sinu, qui in 4. tutissi-  
 mos dilatatur, quorum Brestensis Septentiones  
 respicit, Borrapeliotem Landerneus Orien-  
 tem Fois navium officina, Austrum denique

S. Segalis. In proximo habes Senam Gallam *le Seems*, rupes continuas ad Leucas 7. insignes olim oraculo, cujus Antistites perpetua Virginitate Sanctæ numero 9. fuisse traduntur, quæ maria ventosque concitabant, quasvis formas induebant & futura prænuntiabant. Ab lævo angulo Gobæi cornu ad Blavetum Euripum, sunt Curiosolites Plinio Carii Velites, in Cornubia *ceux de Cornouaille*, ubi coloni tam frequentes, ut possit Ripensis Præfectus, intra paucas horas Sclopetariorum millia 15. cogere. Urbs primaria Corisopitum Kimper, 47. 24. ad amnem Audetum, cujus ostium dicitur *Penaudet*, portus *Penmarch*, id est, caput Equinum. A Blaveto amne ad Vindianæ fl. ostia, fuerunt Veneti, *ceux de Vannes*, bello celebres adversus Cæsarem. Blavetum ortum in vico Pumeric alluit dominium Sales, Rohani Ducis, in cujus Solo Rumbi, vulgò *des Macles*, ejus familiæ antiquissima insignia reperiuntur lapidibus & arboribus incisi à natura. Alluit prætereà Hennebontum *Hennebon*, 47. 22. oppidum, in quo Montfortii Comitissa, dum obsideretur à Carolo Blefensi anno 1342. modo catafracta generoso insidens equo, vicos urbis obibat, & viris mulieribusque faciebat animos, modò ex turri campum hostiù contemplata, in eos irruebat, & aliquando egressa cum 300. Equitibus hostium tentoria igne consumpsit, collectisque 500. equitibus in urbem hostibus invitis rediit. Ad ostium habes portum & munitionem celebrem Blavetum, dictum nunc Portum Ludovici, in cujus conspectu insulæ

insulæ sunt Groya, & Calonefus, vulgò *Relle Isle*,  
gr. 46. m. 48. hæc frumento, pascuis & cunicu-  
lis abundat: colligit in ambitu leucas septem:  
Stat in eminenti rupe, ad quam pauci aditus: Sta-  
tiones verò habet optimas, aquis 10. vel 12. or-  
gias extantibus. Est & urbs alia celebris Ripen-  
sis dicta, vulgò *Rhuys*, populo frequens, & 30. mi-  
nores insulæ Venetico litori appositæ. Inter Mor-  
bianum & Auraium oppida portus est tutissi-  
mus, g. 47. m. 10. in quo bis mille naves cujuscun-  
que molis jactis anchoris hæere possunt. De-  
clinanda tamen rupes ante ostium Metropolis  
Venetorum olim Dariorigum, nunc Venetiæ  
Armoricæ, *Vanes*, 47. 12. Urbs terrestri juxta, ac  
navali bello inferendo, vel sustinendo aptissima:  
in cujus castro Herminiaco, sæpè Britannicæ  
Duces sunt commorati. Non multum ab ea di-  
at ostium Vincianæ aliis Viconiæ, vulgò  
*la Vilaine*; nascitur in finibus Cœnomanum &  
Britonum è stagno novo in Parœcia *Ieuigné*; ur-  
bes alluit Victoriacum *Vitray*, 48. ab Anna La-  
vallea cinctum mœnibus anno 1448. castrum  
Gironium; Condate caput Redonum *Renes* si-  
um in lat. 47. 50. Urbem Episcopalem am-  
plam & civibus frequentem, ubi Parlamentum ab  
Henrico II. Institutum An. 1553. Redonum *Redon*  
Abbatiam cum oppido, & Rupem Bernardi, ubi  
edificata à Carolo *Morieu* Diepensi navis dicta  
Corona *la Couronne*, cujus longitudo 200. pedū:  
latitudo 46. altitudo mœdia 32. proræ, 75. summi  
nali, 216. cui pharus nocturna alta pedes 12 peri-  
meter 24. ubi trioclea, cuj<sup>o</sup> pōdus 1400. lib. Rudēs  
P 2 cujus

cujus ambitus pollicum fuit 23. pondus verò lib.  
 14300. Anchora pond. lib. 6355. In cujus Veli:  
 telæ ulnæ 6000. ubi Lebes qui dolia octo capi-  
 bat. Porro licet pondus totius navis crederetur  
 esse quatuor millionum, & peritissimi quique  
 tantam molem nunquam potuissent movere lo-  
 co, tamen prædictus *Morienne* cum hominibus  
 40. Diepensisbus qui tres annos in ejus ædifica-  
 tione posuerant, unico securis ictu velocius sagi-  
 ta emiserunt in mare. Ad influentes in Vindiā-  
 nam proximè Redones est Monfortium Comi-  
 tatus celebris dictus vulgò *Monfort la Cane*, 47.  
 50. quod non longe à castro ejus urbis ex stagno  
 post 200. circiter annos frequenter prodierit a-  
 nas fera cum pullis: quæ 9. Maij per medios ho-  
 mines interdum ad 4000. conveniētes intrepide  
 viam sibi aperit, & ad ædem D. Nicolao sacrā  
 pergit, in eaque aliquantulum commorata cum  
 pullis redit in stagnum, à quo paucis minutis di-  
 stat sanum S. Menevij, Abbatia in qua curantur  
 scabiosi. Est etiam in his partibus Castrum Brien-  
 neum, Baronia antiqua. Ovesta similiter qui mi-  
 scetur Vicedoniæ ad Redonum, Abbatiam rigat  
 Quintianum Quintin, ubi telæ tenuissimæ: Aval-  
 guriū *Avangour* Baroniam celebrem: Roha-  
 mum Josselinum & Pleremelum | Ploermel. Est  
 vero Rhoanus antiquus Vicecomitatus erectus  
 in Ducatum ab Henrico IV. anno 1603. in gra-  
 tiam Henrici *de Rohan*, qui ex Navarrea, seu La-  
 bretana familia originem ducit. Ab Vindiana fl.  
 ad interiora Ligeris Incoluere Nannetes *les Nan-*  
*tois*, claro etiam nomine superstitēs. In ora mari-  
 tima

rima habes oppida Merquer ad ostium Vindiana, Getrande, Pirac, Croisic, S. Nazaire, stationes navium vineis & salinis celebres. In interiori verò Ligeris ripa Condivicum *Nantes*, quibusdam Corbilo Strabonis, 49. § 4. Metropolim natura munitam & arce, ubi emporium celebre & Mausoleum Francisci II. ultimi Ducis Britanniae factum à Michaële Colombo. In proximo sunt insulae Nesiades hodie *Boüin*, *Noirmoustier* & *l'Isle Dieu*: nec non duorum Corvorum lacus, *le Lac de Grand-lieu*.

a Nicol. Vign. de Orig. Franc. & Chesneus, tom. I. hist. fr.

## CAP. XXIII.

*Liger, Velauni, Segusiani, Niverini.*

**L**iger *le Loire*, nomen à prato quod statim à fonte perlabitur in D. Eulaliae Paroecia apud Vellaunios *En velay* Aquitaniae primae populos, ad Gerbarij Jugi radices *Gerbier le long*, quod asperius est, nudum herbis & altitudinis proceræ, nisi regeretur à Clergeacio monte *Clergeac*, à quo vix distat 1000. passus: hic inter Cemenos montes sic eminet, ut ejus respectu Gerbarius collis vix tumulus videatur, fons Ligeris in lat. 44. 15. distat Anitio 18. mil. pass. recta lineâ, 40. verò secundum ripae ductum. Evolvitur in Oceanum occiduum in lat. g. 46. m. 50. emensus 200. leucas 166. est navigabilis, ubique clausus, perlucidus, præterquam mense Majo solutione



nionenivium, quibus sic tumet, ut vix coë-  
 aggeribus. Vellauni Ptol. seu Vellæi Strabonis  
 Ligeris occupant fontes, angustis conclusi finibus  
 paucaque intra perpetuos desertosque monte  
 habent oppida. In his ad ostium Bornæ amni  
 salmonibus gratissimi in Ligerim influentis ha-  
 bes Ruesium Podium, *le Puy* 44. 23. vulgò Anici-  
 ciū dictum, ab nomine clivi, cui insidet. In quo  
 translatus est Episcopatus Sanpaulianus. Vi-  
 fuit, jam ex antiquo locus in Gallia celebrior pro-  
 pter innumera, quæ toti regno, diva Virgo, inde  
 contulit beneficia, maximè verò Carolo VII. Re-  
 gi, & Horo Bigorræ Comiti. Illic præputium  
 Christi asservatur & mitra Aaronis. In Anici-  
 conspectu ex medio prati ad pedes 400. assur-  
 git *mons Acus*, in cuius vertice ædes est sacra D.  
 Michaëli. Nec multum removetur Podo-  
 mniacum castrum, vulgò Poligniacum antiquis-  
 simæ familiæ Apollinarium, ex qua fuit Sidoni-  
 ut volunt multi, quos tamen erroris arguit Sir-  
 mondus in Sidonium. Velaunis succedunt Segu-  
 siani, *ceux de Forest*, ubi inter cætera habes plani-  
 ciem, *la plaine de Forest*, in qua 700. videre est ar-  
 tifices, loci incolas, qui bellica cudunt instrumen-  
 ta. Afros diceres diebus, quibus operantur. Ita  
 nigri sunt, vultu, pectore, manibus, quibus sola  
 Chanavaletis amnis aqua, qui S. Stephani oppi-  
 dum alluit, Gallicam cutem & nativum colorem  
 restituit. Regioni nomen dedit Forum *Feurs*, 45.  
 8. oppidum, quod ejus tractus semper fuerit cō-  
 mune Forum rerum venalium. Primaria tamen  
 urbs est Mombrisonium, *Mombrison* ad fl. Vefesiā.

Est & Rodūna *Roane*, ubi abiegnæ sunt naviculæ, quæ summa celeritate secundo amne defluunt. Excipit postea Liger amnes aliquot ex Burgundia, puta Bebrincium amnem, cuius opera mediantēque Stagno de *Longpedu* & de *Huma* fl. Liger Arari jungitur. Resconsium amnem cui appositæ Carrolia *Charroles*, 45. 54. Comitatus in ædvis Ambarris, à quo Burgundiæ Ducis primogeniti dicebantur Comites Carolesij. Arotiū, à quo alluitur *Autun*, 46. 30. Augustodunum, olim Bibracte, Celtarum urbs clarissima & Roma Celtica appellata, ubi Gallorum soboles liberalibus studiis operam dabat; ejus incolæ Celtarum nobilissimi, fratres & consanguinei Romanorum dicti, primi omnium in urbe Senatorum Jus adepti sunt. Nunc vix 4. sui parte culta est. Influit verò Arotius in Ligerim ad portum Digoini. Habes postea ad ripam Ligeris Borbonium Anselmum *Bourbon* & *Anseume*, vulgò *Lanci*, ob balnea celebre, in extremis Bojorum finibus, immò ex columnis, epistiliis & capitellis operis Corinthiaci quæ eruuntur in proximo ipsi vico S. Martini; multi credunt fuisse olim hic Bojorum Regiam, ex qua suas in exterarum gentes deduxit colonias Bellovesus. Ad Borbonium, Liger excipit Besbriam, qui ex Montmorillone ortus munitionem Comitatumque, *la Palice*, perluit. In ædvis Novioduniis, seu Niverinis oppida sunt Decisæ, *Decize*, Nivernium *Nevers*, Charitas *la Charité*. Earum Metropolis Nivernium, 46. 38. ad ostium Niveriæ in Ligerim. Comites habuit magni nominis qui Pariatus honore donati

sunt à Carolo VII. anno 1459. & titulo Ducali à Francisco I. anno 1538. Regio abundat lapidicinis & ferri fodinis longè ditissimis.

## C A P. XXIV.

*Elaver, Gabali, Arverni, Boij.*

**A**lier Elaver oritur in Diocesi Mimatensi, & vico Condresio in radicibus Loseræ altissimi montis Gabalorum. Provincias perluit Gabaliam, Aruerniam, & Borbonium, influit in Ligerim infra Niverias ad rostrum, ut vocant, Elaveris, *an bec d' Alier*. Gabales, seu Gabali, *les peuples de Genodan, ou des Ceneines*, amplius populus, raris habitat oppidis, pagis autem plurimis, quod ejus agrum universum occupent Cebennæ, qui longus est latusque tractus montium, ab Pyrenæo & occasu progrediens ad ortum & Rhodanum, indèque versus Septentriones diffunditur apud Aruernos, ubi tollit cervicem. Mimate Ménde Gabalorum est Metropolis: habent & alia quædam oppida non celebria variis annibus apposita, quæ in Garumnam abeunt, nulla ad Elaverem, ubi tamen ager pecore uberrimus. Arverni, *les Auvergnates*, gens inter Celticas olim potentissima, quæ suam aliquando ditionem ad Narbonem, Massiliam & Rhenum extendit, quæque suis vicibus sicut & gens Biturix, Celtico universo Reges dedit, atque in Romanos nunc ducenta, nunc 400. duxit armatorum milliar suos deinde, vel Comites habuit, vel Duces hereditarios numero 63. tandèmq; inserta Regno Galliar

Galliæ connubio Joannæ Comitissæ Aruerniæ, cum Joanne Rege Galliæ: Iterumque sub Ludovico XIII. Aruerniæ præcipui vertices sunt Cantalius *Chanal*, Domus *Le Puidome*, Mons Aureus *Mons d'Or*: Innumerique minores, quorum dorſa cinguntur, ut habet Sidonius Epist. 21. lib. 4. pascuis, latera vinetis, terrena villis, saxosa caſtellis, opaca luſtris, aperta culturis, concava fontibus, abrupta fluminibus, ubi denique ea sunt, quæ ſemel viſa advenis multis patriæ oblivionem sæpe perſuaſerunt: fluunt plerisque locis rivi bituminis nigri, fontes alibi, cujus aqua ſoli expoſita lapideſcit: fons qui æſtate concreſcit glacie: dum verò cunſta rigent, æſtuat. Habes & infinita alia quæ olim Carolus IX. dum Bajanam pergeret, vidit non ſine admiratione. Oppida Arvernorum montana ſunt Carlarium *Carlat*, verſus Ruthenos, Aquæ calidæ, *Candes. aigues*, Indiciatus mons, aliis Mons planus, *Montplan*, nunc San-Florus *Sanct-Flour*, Muratium *Murat*, Infera verò, ſeu campeſtria ad Elaverem Langeacum *Langeac*, Brivas nova *Brioude la neuve*, Brivas vetus, 44. 42. olim Nemofſus & Auguſto-Nemofſus, quam Auguſtus fecit Arvernorum caput in odium Gergoviæ, quæ Julium Cæſarem valide repulerat. Uſſo Ozon, 44. 48. caſtrum in alta rupe ſitum fodinis auri & lazuri divite, in quo Regina Margareta Henrici IV. relicta per annos penè 20. eſt commorata. Iſſodorum *Iſſoire*, urbs amœniſſimi ſitus in planicie Limaniæ, *en la Limagne*, Billomum *Billom*, ubi primum in Galliis Collegium habuit Societas no-

stra, in quo liberales disciplinas libere professæ  
est. Quæ verò sequuntur, rivis sunt appositæ.  
Cleremontium *Clermont*, 45. 15. ad Artierum ri-  
vum. Hæc est recens Gergovia extructa ad col-  
lem aureo monti substratum; quo in monte fuit  
olim celebris illa Gergovia Julio Cæsari parum  
propitia. Reoticum & aliis Rigodunum, *Rion*,  
ad Pradam rivum urbs elegans & dives, ubi præ-  
torium inferioris Arvernæ. Mompensierium ca-  
strum *Mompensier*, Comitatus in Ducatum &  
Pariatum evectus à Francisco I. anno 1538. in gra-  
tiam Ludovicæ Borboniæ & filii ejus primoge-  
niti Principis *de la Roche Guion*, cui proxima as-  
sident urbs Aqua persea *Aigue-perse*, caput Del-  
phinatus Arvernæ in finibus Lemovicum. Thier-  
num ad ripam Ovorii situm ejusdem Ducatus  
Baronia est antiquissima, Emporium tota Arver-  
nia celebre, in qua putantur 30. hominum mil-  
lia. Cussetium *Cusset*, ad fines & forte infra fi-  
nes Bojorum. Succedunt Ædui Boij *les Bour-  
bonnois*, quorum olim nomen celebre propter  
ipsorum expeditiones in Italiam & Germaniam,  
qua ex Germania repressos Cæsar collocavit hoc  
in agro, quæ vetus fuerat ipsorum patria. Dyna-  
stas postea habuit inclitos maximè ex familia  
Regia. S. si quidem Ludovicus duos filios  
habuit, duarum familiarum Regiarum Valensiæ  
& Borboniæ authores. Philippum III. Regni  
hæredem, & Robertum Clermontij Comitem,  
Patrem Ludovici primi Ducis Borbonii, Phi-  
lippo Rege Ducatus titulum Provinciæ con-  
ferente. Superiori tandem seculo Carolo Co-  
miti



miti Monpenferio Borboniæ Duci , cùm litem  
 movisset de eo Ducatu, Mater Francisci I. Galliaë  
 Regis, in tantum indignatus est Carolus , ut ad  
 Carolum V. Imperatorem transferit , sicque  
 Ducatus fisco addictus coronæ adcrevit : reli-  
 quis ex secunda linea tantum insignia retinere &  
 nomen gentilitium concessum. Oppida Bojo-  
 rum sunt Monluffonium *Monluffon*, ad Cherium,  
 Gergovia Boja, 46.10. Sylviniacum *Souvigny*, ad  
 fl. *Quefne*, quondam hujus tractus caput, unde  
 & Judicialia sedes Molinum translata. Prioratus  
 est celebris. Ad Elaverem Bojorum nunc Me-  
 tropolis, *Moulins en Bourbonnois*, arce, hortis &  
 vivario insignis, nec non statutis à Carolo IX. hîc  
 editis anno 1566. *Ordonnances de Moulins*. Borbo-  
 nium Archambautium *Bourbon l' Archambaut*,  
 arx 24. munita turribus , à qua nomen &  
 Provinciæ & Regiæ Agnationis familiæ. Hic  
 nemo non suscipit Capellam Sanctam rupi insi-  
 stentem, ex qua derivantur aquæ in thermas totâ  
 Galliâ celebres , in ejus vitreis fenestris Christi  
 Paralyticum curantis ad piscinam, effigies cerni-  
 tur, ut curationum author præcipuus innotescat.  
 Mitto imagines ex marmore, inhæreo sacris pi-  
 gnoribus, inter quæ eminet Crux Sancta , al-  
 ta pedem unum , lata in transversum medio  
 pede, crassa duobus digitis , quam sanctus  
 Ludovicus Roberto filio dedit dono : nitet illa  
 in crystallo , cujus extrema Gallicis florent  
 Liliis , ad summum cernitur in crySTALLINA pira-  
 mide , ex spinis una quibus punctum Christi  
 caput. Insistit illa monti Calvariæ ex argento

inaurato, ad quem stant variae effigies; quae omnia includuntur theca, ex purissimo auro conflata, gemmis & carbunculis radiante. Est ad Bojorum fines in territorio Nivernensi, inter Ligerim & Elaverem San-Petrus Masteriensis, *S. Pierre le Moutier*, Regia Praetoris sedes.

## C A P. XXV.

### *Bituriges Cubi. Le Berry.*

**A**Mpla & praecleara est terra Biturigum, quae dicuntur Cubi, ad differentiam Vibiscorum apud Aquitanos. Multos annos toti Celticae Reges dederunt Cubi. Nobiles sunt in his partibus ferri fodinae. Oppida Biturigum omnibus imposita Ligeri, Saldriae, Avaroni, Saro Tormentinae & Ingeri. Ad Ligerim sunt Sancerra *Sancerre*, 46. 54. urbs suis cladibus celebris, imposita monti, qui totus vineis confitus est, Comiratus olim minorum natu Campaniae. *Cofne* Condate, quod tamen aliqui Aeduis tribuunt. Ad Saldriam *la Sandre*, Remorantinum *Remorantin*, 47. 7. caput Soloniae. Ad Avaronem, aliis Avarum *Auron*. Regiodunum *Dun le Roy*, Avaricum *Bourges*, Metropolis Biturigum, olim Celtarum Regia, caput postea Aquitanici Regni, Primatu, Patriarchatu, & Academia insignis. Villa Nova *Ville Neuve*, Magdunum Biturigum *Mehun*. Ad Carum amnem Monluffonium Bojorum, *Mon-Luffon*, Noviodunum Biturigum *Vierzon*, 46. 54. quod ex itinere Caesar expugnavit, cum Genabonem veniret.

veniret Avaricum. Ad Tormentinam amniculum sedet Ernodurum *Iffoudum*. Tormentina verò Saldria & Avaro ad Virsionem *Vierſon*, miſcentur. Caro ſi. *le Cher*, qui ortus in finibus Lemovicum tribus oſtijs influit in Ligerim, quorum unum ad Turonum, ubi triplici ponte ſternitur, ſecundum min. 11. infra Turonum, tertium verò 9. infra ſecundum. Sunt denique aliquot oppida ad Ingerem amnem, *l' Indre*, qui ortus in intimis Biturigibus, in iis Chatream alluit & caſtrum Rodulphium *Chasteau-Roux*, gr. 46. min. 28. indeque Turones ingreſſus Caſtillonem ad Ingerem *Chastillon ſur l' Indre*, lambit, nec non Lochium *Loches*, oppidum, cum arce in qua datus in cuſtodiam Sforſia, cum Cardinale fratre ferrata cavea incluſus anno 1575. infraque Mombaſonium *Mom-baſon*, Ducatus & Pariatus titulo inſignitum ab Henrico III. in gratiam Ludovici de Rohan. Miſcetur Ligeri ſex min. infra oſtium Cherii.

## C A P. XXVI.

*Aurelianenſes Blaſienſes, Turones.*

**I**N Carnutibus inferis ſeu Secalauniis *Solonois*, cenſentur Genabij, quos nunc Aurelianenſes dicimus *peuples d' Orleans*, Regio in qua Ceres & Bachus inter ſe de proventus ubertate certant: ajunt tamen vinum cauſa ſua numquam cecidiſſe, quamdiu præſens adfuit, poſtuitque videri & guſtari. Eſt & ſylva materiata

juxta & pascualis armentorum amplissimum varium. In Tetrarchia Regni partitione, sedes fuit Regni Aureliorum, quod ea quæ Ligeri Sequana clauduntur, complectebatur. Nunc, Ducatus prærogativa fulget jam à Philippo Valesio, regionumque fratrum, ac liberorum hæreditaria attributione, & si lege nulla cavetur, ut eum nulli obtineant præter secundo-genitos Gallia. Aurelianorum oppida sunt ad Ligerim Brivodurum *Briare*, 47. 16. Giamum *Giam*, Suliacum castrum *Seully*, antiqua Baronia in Ducatum & Pariatum evecta ab Henrico IV. anno 1605. in gratiam Maximiliani Bethunii Marchionis Rhonii. Floriacum in valle Aurea, *Fleuri*, Gergeavium *Gergeau*, Genabum *Orleans*, 47. 40. Fanum Cleriacum, *Nostre Dame*, de Cleri, Christiferæ Virginis memoria celeberrimum, Ludovici XI. sepulchrum, Magdunum *Meun.*

2. Sequitur Vadiacassium Carnutum portio altera, vetus scilicet & illustis Blæsiensium Comitum Satrapia, longè amplioribus olim quam hodie finibus propter utramque Ligeris ripam. Coronæ insitus fuit hic Comitatus à Ludovico XII. Hærede Ludovici Aurelianensis avi sui, qui eum à Guidone Comite emerat. Ager longè gratissimus est vitibus, segete, & arboribus vestitus: rivuli in eo pellucidi, saltus ferarum frequentes. Reperitur etiam terra sigillata, seu Lemniaca in horreis Cæsaris, vern. *Orcheze*, bolis turcicis virtute æqualis. Oppida Blæsiensium sunt Baugenciacum, *Baugenci*, ponte egregio-lustris

lustris ferarum, Bacchi impluvio, triticeoq; proventu non modicè dives. Corbilo, unum olim inter tria Galliae totius celeberrima emporia, hodie dicta Bloesia *Blois*, 47. 28. Civium comitate, arceregia & ponte celebris. Habes in proximo arcem *Chambor*, à Francisco I. inceptam sed non perfectam, licet duodecim annis continuis 1800. operarij in ea occupati fuerunt, architectura operis, stupendæ est eleganticæ.

3. Turones angustioribus cincti limitibus; ceterum lætissima coeli facie nobiles, agroque frugum selectarum feracissimo. Turonorum oppida ad Ligerim sunt Amboesia *Amboise*, 47. 15. oppidum cum arce cultissima, in qua Carolus VIII. ultimum diem obiit, Rex bellica laude & pietate illustris, de quo ajunt ab Andegavensi Episcopo, qui ipsi erat à secretis confirmatum, aliquo, antequam è vivis excederet tempore, sic fuisse pietati addictum, ut nullius peccati Venialis contagio sciens & prudens infici se permetteret. Cæsarodunum Metropolis gentis totius *Tours*, 47 12. Martinopolis olim dicta à D. Martino hujus loci Sanctissimo Antistite, quem majores sic venerati sunt, ut à die ejus obitus, qui contigit 11. Novemb. anno 401. seriem annorum numerarint. Habes in opposita Ligeris ripa Majus-Monasterium *Marmoutier*, ab eodem D. Martino institutum, inter celeberrima Galliae recensendum. Chinonium *Chinon*, Vigenne fluvio adjacet: ad Ingerem verò Lochia & Castellio. Duabus leucis infra Turonas in ripa Ligeris rupes est concava, ex qua audis decurrentis flumi-



fluminis subterranei strepitum. Rupis hujus stillicidia, quam plurimas effingunt figuras, alias rotundas, alias oblongas, multas Amygdalis similes, omnes colore candido, ad instar dragematum politissimas. Apud Candatensem vicum Candat ubi D. Martinus è vivis excessit, effunduntur in Ligerim Vigenna & Crausia *la Vienne & la Creuse*, qui Lemovices perluunt & Pictones.

## CAP. XXVII.

*Vigenna, Lemovices & Pictones.*

I. **V**igenna Gall. *la Vienne*. Lemovicibus *Vigennane* oritur in Arvernorum finibus & transgressus in Pictones & Turones in Ligerim effunditur. Lemovices versus Arctos per leucas circiter 35. in long. porriguntur. Eorum alii sunt superiores, seu Montani & Boreales, quorum regio fructus producit immites, sed homines habet sobrios & industrios & pudicos. Metropolis Ratiastum Lemovicum *Limoges*, ad Vigennam urbs populosa inter colles vitiferos sita: Ex ea prodierunt ætate nostra *lex Marbreaux*, artifices ita industrii, ut vix toto in orbe fuerint ipsis similes. Inter alia opera fecerunt par cultrorum quibus aliquid ligni posses scindere, cum vagina & catenula aurea 12 o. orbiculorum ponderis duorum granorū. Alia oppida solis mercaturis & nūdinis celebrantur. Inferiores dicuntur, seu campestres & Australes qui ad Vesperem, & alios amnes influentes in Duranium habitant, sint licet etiam montes

montes non infrequentes in ea planicie. Oppida eorum nobiliora sunt Tutela *Tulle*, ad Cose-rem *le Cofere*; Usarchium *Usarche*, natura & opere munitum ad Vesperem *le Vefere*, & illustres satrapiae Vantadorea *Vantadour*, Ducatus & Patriatus. Pompadorea *Pompadour*: Combertia, & Turenia *Tureine*, Vicecomitatus inclytus.

2. Pictones *les Poitevins*, ab Occiduo Oceano, ad usque Bituriges versus ortum 50. leucas in long. patent. Gens strenua & numerosa nobilitate pollens: regio frugum, vini, pecoris, piscium, volatilium & salis feracissima. Urbes Mediteraneae ad Vigennam Castrum Horaldi *Chastelleraux*, & insula Buchardi: ad Clanium *le Clain*, *Lusignan*, Augustoritum Pictonum aliis Limonum Metropolis nunc Pictavia *Poitiers*, ubi Clanius fl. sorbet Vonam. Inter amplissimas Galliae, Episcopatu, Academia & sede praetoria nobilis. In dumetis & rupibus circa urbem frequentes viperae confectioni theriacae utiles. Ad Vedam *le Vede*, Richelotium *Richelieu*, *Champigni*, arx & Vivarium amplissimum Ducum Monpensiorum priusquam Ducatui Richelotio infereretur. Ad Tuedan *le Toné*, *Partenac*: Duracium Lemovicum *Touars*, nunc Patriciatus, & in Andegavis Montrubelleum *Montrubellay* & S. Florentius. Tueda enim in Pictonico ortus agros, in solo Andegavico infra Salmurium Ligerim subit.

— (\* \*) —

## CAP. XXVIII.

*Andes.*

**A**Ndegavæ terræ non ita sunt angusti fines ut 20. leucas quaqua versum non excurrant : fruges habet omnis generis. Urbes in ea sunt ad Ligerim Saumurium *Saumur*, arce, ponte & facello D. Virginis *des Ardilliers* celebre, Pontes Cæii *Les Ponts de Cé*, quibus proximum est Palatium Brissacence *Brissac*, caput Ducatus cognominis illustris familiæ *Cossæ*. Duas leucas circa Ligerim, & infra confluentes Meduanæ, *Ledi* & *Sarthæ* amnium, Juliomagus *Angers*. Sunt præterea ad Ligerim arx elegantis decoris *Monteian*, & oppidula *Encenis*, & *Ingrande*. Amnibus 40. irrigantur Andegavi, sed indigenis parum nominatis, peregrinis clarioribus. Vinum album celeberrimæ est apud eos bonitatis.

## CAP. XXIX.

*Meduana, Sartha, Ledus, Perchei, Alenconis, Cœnomani, Dunis, Vindocivi, Flexia.*

**M**Eduana *Mayenne*, oritur in *Sessuviis*, & ab Septentrionibus fluens diremptis Cœnomanis & Andibus ab *Aremoricis* in Ligerim evolvitur, quem subit subter Juliomagum. Alluit *Danfrontum* castrum : *Donfront* à *Guillemo de Talvas* exstructum in rupe, antiquum familiæ *Belles-*

Bellesmæ patrimonium. Meduanam *Mâtenne* oppidum, caput Ducatus cognominis in finibus Cenomanum situm, Lavallium dives oppidum & Comitatus celebris: Castellum Gontierum *Chasteau Gontier*. Sartha oritur apud Percheos, seu Carnutes superos in pago, qui ab ejus fonte dicitur *Somme Sarthe*, distante duas leucas *Moritolio Mortagne*, moxq; subterraneo ductu fluens iterum nascitur è rupe ad D. Aquilini fanū, hincq; longo ductu Aulercos Arovios à Cenomanis dirimens admissis amnibus aliquot in Andegavos fertur, & ad pontem Epinartium supra Juliomagus quondam fuit usufructuaria attributio Minorum liberorum familiæ Carnutiæ: patet in longū 20. leucas & in lat. 15. divisus postea in Satrapias *de Bellemé & Rotrou*. Oppida sunt apud eos *Mortagnia Mortagne*, Nogentum *Rotrodi Nogent le Rotrou*, maximus totius Galliæ vicus, titulo Ducatus Anguienei Gallici nuper insignitum. Castrū Bellesmiæ *Bellesme*. In Aulercis Aroviis, amplissima nunc est una ex Præfecturis Northmanniæ, quæ continet duos Ducatus scilicet Alenconii & Beaumontii. Alenconium *Alençon*, olim Vagoriturum, erectum est in Ducatum & Pariatum anno 1414. Beaumontium vero anno 1543 utrumque nunc regno insitum. Superioribus attigui sunt Aulerci Cenomani *les Manceaux*, quarum Metropolis quondam fuit Vindunum, hodie Cenomanum *le Mans*, ad confluentem Huini *la Huine*, in Sartham, cui etiam appositæ sunt nobiliū Satrapiarum oppidula *la Suse & Sablé*. Ledus *le Loir*.  
 fons

fons ejus apud Pertenses in vico *de Cornes*, ipsi  
 que nomen à stagnis Abbatiae Ledi *l' Abbaye du  
 Loir*. Hinc defluit in Carnutes inferos, ubi Illieria  
 alluit & Castrodunium *le Dunois*, Principatus  
 prærogativa insignis: ejus ditioni attributis ali-  
 quot circumjectis oppidis & pagis nomen ipsi  
 inditum, quod castrum habeat in rupe ædifica-  
 tum. Nam Dunum veteri Gallorum idiomate  
 rupem sonat. Vindocinum *Vendome* eodem Le-  
 do alluitur, Ducatus titulo insignitum anno 1514.  
 Castellum Ledi *Chasteau du Loir*, quod vix  
 olim post annos 7. à Godefrido Comite Ande-  
 degavenſi fuit expugnatum. Hinc vero trans-  
 iens in Andegavos Ludium alluit, Flexiam, *Du-  
 retal*, & *le Verger*, Seceſſum Principis Guimnæi.  
 Flexia *la Fleche* Ducatus Beaumontij antiqua est  
 Baronia, ubi nostra Sotietas liberalitatis Henrici  
 Magni certissima habet testimonia, hortos, ne-  
 mora, lucos amœnissimos, tres areas ad 40. or-  
 gas excurrentes vastissimis & stupēdis regionum  
 ædificiorum substructionibus cinctas: quæ om-  
 nia Deo & Musis Rex Christianissimus sacravit  
 quando pulcherrimum hoc collegium quod u-  
 bivis terrarum nostra societas habeat, non modo  
 redditibus dotavit amplissimis, verum etiam nos  
 sui post obitum Cordis hæredes, & quasi depo-  
 sitarios esse voluit.

—S (\* \*)—



## CAP. XXX.

*Maritima Pictorum, Auniflorum,  
& Sanctonum, cum amne Cha-  
rentonio.*

Pictorum urbes maritimas nullas referunt ve-  
teres scriptores : recentium copia major  
quam celebritas. In insula Hera, *Nermoutier*,  
Monasterium S. Philberti oppidulum est casa-  
rum 800. Est & alia insula ab ovis Anserum Syl-  
vestrium quibus tegitur nuncupata, *Isle d' Oeuft*,  
aliis *Isle Dieu*. In Olonia regione maximè areno-  
sa *Aux Sables d' Olone*, ubi portum Sicar Ptole-  
mæus constituit, nunc est Castellum Olonium  
eique proximum Pictorum promontorium,  
nunc Tallemuntium, & S. Benedictus, Navium  
Stationes, D. Michaëlis in Eremo Sacellum cre-  
bris peregrinationibus jam olim celebre; nunc  
ad interiorem sinum arce tetragona munitum  
est. Lucionensis Episcopatus *Lusson*, in ora ma-  
ritima, & amnis Serapis *la Seure*, qui ortus in vi-  
co Seuretiæ oppida alluit S. Maxentij Anacho-  
retæ qui illic degebat in vili casa cum Clodoveus  
Alaricum debellavit. Niortium *Niort*, oppidum  
ob nundinas celebre. Malleacum *Maillezais*, o-  
lim Abbatiam, hodiè unum ex tribus Episcopa-  
tibus Pictorum ad fl. *Antize*, qui mox abit in  
Separam, à quo & paludibus sunt plures insulæ,  
Fontenæum *Fontenay le Comte* urbs frequens ad  
Vaudiam *la Vaudee*, & dives ob nundinas. Ma-  
ran-

rantium *Marans*, opulentum mapale magni nominis. Totus qui sequitur tractus à Luciono ad Rupellam fuit olim Oceano immerfus, dein recedente mari apparuere paludes & terræ, quæ ob soli ubertatem cœperunt excoli. Aunifium *Pais d'Aunis*, angusta est regio quæ pro Regum arbitrio nunc Pictonum, alias Santonum paruit præfectis, ubi sita est clara suis Rupella malis *la Rochelle*, sita in interiore sinu inter promontoriola Bosium & Corellium, unde & antiquis dicta Santonum portus. Litori prætenduntur cultissimæ insulæ Ræa & Olorionum. Rea l' *Isle de Ré*, in long. quaterdena, octona in lat. patens millia: frequentibus colitur vicis & Pratenfi firmatur castro, San-Martiniana arce diruta. Olorionum, antiquis Uliarus frumenti, vini, salisque copia dives, arcem habet egregiè munitam. Post Aunifianum litus habes Pictonicum, inter Carentonii & Garumnæ fluminum ostia. Vix est in Gallia regio, quæ vicinarum opes minus desideret, sive generosas vites, sive portus tutissimos & commercia, sive frumentorum leguminumque copiam, sive salem spectes. Santonica oppida Mediterranea Canentelo, nunc Carantonio *la Charante*, sunt imposita fl. Oritur ex vico *Cheronac* in confinio Lemovicum & Inculismensium, fonte modico ebuliens qui copia rivulorum auctus, versus Arctos cursum dirigit ad Giuraium *Giuray* Pictonum oppidum, admissioque amne Tardopera qui nobilem Rupifulcodiorum Ducum arcem salutatur: mox abit ad Angefinates *les Angoumois*, quorum urbem rigat Inculismam

*Angoulesme*, olim dictam *Augustoritum* aliis *Andunacum*, ex cujus agro 40. & amplius ballæ troci quotannis deportantur. Tum verò *Tolulam* excipit arnneim troctarum multitudine intar pavimenti substratum, anguillis & cancris fixum, oloribusque coopertum, qui originem ducit ex primo Regis vivario, vivæ aquæ abyssò altitudinis immensæ. Hinc abit novum catrum, cujus in dextra ripa ad *Iarniacum* anno 565. *Carolus IX.* de Calvinistis victoriam reulit. Sequuntur *Conacium* regie agnationis municipium, intra quod plures rivi confluunt, quorum unus *Barbesium* rigat. Habes postea *Mediolanum* Metropolim *Liberorum Santonum* à quibus *Mediolanos* insubres deducit *Casaubonus*, nunc *Sainctes* ubi Romanarum antiquitatum reliquie plures; *Campanile* à *Pipino* Rege *Aquitaniæ* ædificatum, quod altitudine sua omnia ejus oræ superat, receptisque *Sanguino* & *Vultumno* amnibus, quorum hic *Sanioannem Angeriacum* *S. Iean d'Angeli*, ille *Pontium Pons*, alluit, infra *Sobisæum Soubize*, recens oppidum per lupini portum inter medias salinas mari *Santonico* permiscetur. Ab ipso *Carantonis* ostio se ingens maris aperit sinus, qui ab Occidente terram subintrans portum facit tota Europa celebrem, cujus æque est tranquillus accessus quam excipiendis navibus tutus, 200. naves interdum una die appellere videas quæ ex *Broagio* & *Santonici* salinis in *Hispaniam*, *Angliam*, *Germaniam* & *Sarmatiam* exportant. Munitur verò litus hoc celeberrima

arce Broagia, Armamentarium nauticum instru-  
ctum nuper in vico *la Fremblade*, ad extremum  
Garumnæ ostium. Promontoria in his partibus  
Pistonicum & Santonicum commemorat Ptole-  
mæus, quæ Oceani æstus delevit. Santonicum  
putatur fuisse è regione celeberrimi oppiduli  
*Marennarum Marennæ*.

## CAP. XXXI.

*Aquitania.*

Qui Oceani litus à Garumnâ ad Pyrenæos  
usque *a* accolebant, communi appella-  
tione dicti sunt olim *Aremorici*. Horum cele-  
berrimi *Sotiates*, apud quos frequentes erant de-  
voti quos illi *Soldurios* appellabant: *b* quorum  
hæc erat conditio, ut omnibus in vitâ commo-  
dis, unâ cum his fruerentur quorum se amicitia  
deditissent: Si quid in iis per vim accidisset, aut  
eundem casum unâ ferrent, aut sibi mortem  
conciscerent. His bellum Romani primum in-  
tulerunt ducibus *Præconino* Legato, & *Manilio*  
*Proconsule*, sed infœlici omnino successu. Me-  
liori postmodum imperante *P. Crasso*, qui *Ad-*  
*eantuanum* *Sotiatium* Regem, licet *DC.* habe-  
ret *Soldurios*, non sine magna difficultate tan-  
dem superavit. Huc postea cum ob varia mor-  
borum genera frequentes convenirent Romani  
ad fontem calidum qui in his partibus perpetuo  
ferret, ad eum condiderunt urbem quæ *Aquas*  
appellaverunt, & *Metropolim* constituerunt ejus  
tractus

tractus, ubi nunc Senescallia Landarum, quem ab ea urbe dixerunt Aquitaniam. Id nomen postea sub Cæsare ad Garumnā moxne ab Augusto ad Ligerim extensum. Postea sub aliis Imperatoribus tota hæc regio in tres divisa est Provincias. Aquitania prima sub Gebennicis montibus, à Tarnis Garumnæque confluentibus ad Ligerim usque patuit: ejus Metropolis Civitas Biturigum. II. alluitur Oceano, sita inter Garumnæ & Ligeris ostia: Ejus Metropolis Civitas Burdegalensium, quantumvis in sinistra Garumnæ ripa sit. Reliqua quæ à Garumna ad Pyrenæos extenditur, dicta est Aquitania 3. & à novem populis Novempopulania, cujus Metropolis Civitas Ausciorum.

Iterum sub Galliæ Regibus, hi sunt fines & nomina sæpius mutata: ex quo enim Vascones, quos Strabo, Plinius & Ptolemæus statuunt in Pyrenæo, frequentes è saltu suo egressi circa annum Christi 590. primò in convallibus nostris sedes fixere, easque deinceps ad Garumnam promoverè, omnis Novempopulania dicta est Vasconia, & literâ V. in G. mutatâ Gasconia: quemadmodum idem sunt apud nos Guillelmus & Vuillelmus, Galerius & Valerius, Gardo & Vardo. Vasconum autem nomen adhuc retinent circa Pyrenæum ii, quos Vascos dicimus, linguâ & moribus à Gallis & Hispanis discrepantes. Fredegarius Vascones sub Uviario Aquitanix Duce militantes à Pipino domitos, & in fidem receptos fuisse

Q

testa-



testatur circa annum 767. Porro cum Guilielmus Aquitaniæ Dux, Leonoram unicam filiam reliquisset, hæc primùm Ludovico Juniori Regi Galliæ nupsit, à quo repudiata, iterum, nupsit Henrico Duci Northmanniæ, & postea Regi Anglorum, qui præter Aquitaniam etiam possederunt Agrum Pictaviensem, Santonensem, Inculismensem, Lemovicensem, Cadurcensem, Rutenensem & Fuxensem Comitatum, quibus in perniciem Francorum abusi, tandem à Carolo VII. hinc pulsi sunt, & omnes eæ regiones sceptrum Francico restitutæ. Priusquam tamen restituerentur, aliquando inter se convenerant Angli & Franci, ut ejus portio Guienna diceretur, quæ Anglorum esset, ea nempe, in qua erant Vasatii, Burdigalenses, Bimares & Medoci, altera versus Pyrenæos, quæ Francorum vetus nomen Aquitaniæ retineret,

a *Strabo. Plin. l. 4. c. 17. Vigner. de Orig. Franc.*

b *Cæsar. de bello Gall. l. 3.*

## C A P. XXXII.

### *Garumna.*

**G**arumna fluviorum, qui è Pyrenæo produnt, maximus, altissimus, maximè rapidus. Hinc ipsi nomen, quod antiquis Gallis, & nunc etiam Britonibus, Garun sonat rapidum: oritur in montibus Auræ, ditionis Hispanicæ, non procul à urbe Gadalupe, in lat. 42. mox descendit per Valles Dagarim & Deryam. Convenas alluit, Tolo-

Tolosates, Agennos, Nitiobriges, Basates, Bituriges, Vibiscos & Medulinos. Evolvitur in mare in lat. 45. Ostium magni freti simile, Solacium inter Medulorum & Rojanum Santonum, Difficile est propter Syrtes, maximè cum aliò ventus, aliò unda præcipitat. Inter eas tamen triplex pater aditus vel exitus, scilicet à latere Medulorum, ubi passus quem vocant Glareosum, aquis extantibus vix 5. orgiis; per medium, ubi passus Astinarius, aqua orgiis 4. ut minimum alta: & à promontorio Santonico per foramen Maubussonii, quod difficulter omnino circumnavigatur: Spirante austro intumescit, Boreâ comprimitur. Æstus (quem incolæ vocant Cascaret) maximus in Æquinoctio Autumnali, in bruma, penè inanis: in Solstitio debilior. Burdegalam usque ascendunt magnæ molis navigia. Infra ostium eminet turris Corduana, sive Pharus, quæ collustrat naves nocte subeuntes alveû eo loco, ubi quondam Andros insula hausta fluctibus, sicut & Noviomagus Biturigum Vibiscorum & Curianum cornu. Volunt alii terræ motu, qui maximus illic cõtigit an. 1427. id accidisse. Neque desunt, qui referant cum sylvis pagisque proximis urbem arenarû molibus obrutam esse, quas ventorum rabies, cum in tractum convexerat. Argumento esse putant, quod reflantibus arenarum montes subsidere, ac minui, simulque abietum & turrium vertices retegî hoc seculo cœperunt. Ut ut sit, periit insula, & cum Pharus ruinam minaretur, egregiâ & divite operâ instaurata est. Accendendæ versò lucer-

næ cura duobus Eremitis damandata, illisque ex-  
 vestigali, quod Burdegalæ naves pendunt, anno-  
 na constituta est, eaque de propinquo ad signum  
 datum defertur. In litore Santonico ad Roja-  
 num munitum oppidum jactis anchoris plerum-  
 que gnari locorum nautæ quæruntur, qui suo pe-  
 riculo naves deducant. Idem fieri solet ad Ta-  
 lemundum, vel Mauritaniam. Principatus, hic  
 Longovillæorum, ille Trimovillææ familiæ.  
 Angli tenentur Blaviam arcem munitissimam  
 appellere, tormenta illic sua relinquere, & pro u-  
 noquoque navigio Coronatum exolvere. Est &  
 in proximo Burgus oppidum, cinctum muris à  
 Pontio Leontio Sidonii Apollinaris præconio  
 celebratum, quod aliqui putant Ebromagum  
 Aufonii: Situm est è regione rostri Amborum,  
 Duranii scilicet & Garumnæ fluminum, quæ-  
 dum coeunt, præternavigantes in magna addu-  
 cunt pericula, Utriusque verò amplum adeo  
 patet ostium, ut regio inter utrumque compre-  
 hensa dicatur *Pais d'entredoux Mers*, incolæ bi-  
 mares.

---

C A P. XXXIII.

*Garumni, Convenæ, Faxenses.*

S Ambeatii montes eorumque convalles inco-  
 lebant olim, quos Cæsar a vocat Garumnos,  
 à fontibus scilicet Garumnæ. Nos verò Sam-  
 beatianos, à Sambeato oppidulo Convenarum,  
 ad Garumnam posito, & in ipso vallis aditu. Vol-  
 carum Conyenarum ager olim latè fusus, partim  
 trans

trans Garumnā in Aquitania, partim etiam in Celtica. Incolæ in laborem & silentium proni & temperantioris victus: dicti verò sunt Convenæ, quod cum per montes vagarentur, ex quibus in Narbonensem Galliam excurrerant, à Romanis benignius habiti in oppidum convenerunt, quod in vertice montis nulli attigui extruxerunt: & verò illud Strabo & Ptol. vocant Lugdunum. Hoc postea cum Rex Guntrandus evertisset, *h* ex ruinis excitata est urbs nova, quæ à S. Bertrando, loci ejus primo Episcopo, nomen invenit. Solis Convenis cum Ausciis jus latii à Romanis in Aquitania datum, constat ex Strabone l. 4. qui eorum Thermas Onesias, nunc *Baigneres*, etiam celebrat. Veterum ejus Regionis Comitum memoria excidit, constat tantum ex antiquis monumentis dominium liberum & absolutum eos habuisse ad annum 1244, quo inter beneficia Tolosani Comitis coepit accenseri. Extinctâ autem omni prole subsequenti Comitum, anno 1548. fiscus eam regionem suo jure repetiit. Dividitur nunc tota Provincia in Superiorem & inferiorem. In superiori, quæ montes colit, oppida sunt S. *Bertrand*, urbs Episcopalis, gemmariis artificibus & solo feraci dives, Garumnæ proxima; S. Gaudenti<sup>9</sup> in Vice-comitatu Nabosano sedes prætorii Regii. Inter Sanbertrani & San-Gaudentii oppida utramque Garumnæ ripam attingit. Ditio, quæ nomen Ripariæ hinc invenit: urbes complectitur Montem-Regalem & Valentianam. Leomanenses olim Vicecomites, eam ditionem à Conyenarum imperio immunem pos-

federunt : ab iis cum Pulcher Ripariam emisset nova sensim incrementa accepit pluribus vicis , atque oppidis Pardiaensis, Astaracensis, Bigorrensis, Magnoacensis & Convenensis Comitatum , ut rectè observavit Oihenardus l. 3. c. 12. Conserani , urbs similiter Episcopalis ad Salatum amnem exiguum , qui per rupes & saxa ex Pyrenæis præceps decurrit in Garumnâ. Inferiores Convenæ degunt in convalle Gauræ ad Sanum amnem, qui inter Mossacum & Tolosam volvitur in Garumnâ. In ejus ripa sunt Lomberia *Lombex*, urbs, quæ ex Monasterio Ordinis S. Augustini, facta est Episcopalis an. 1317. Samathan castrum Comitum Convenarum , situm in rupe altissima, cum oppido ad ejus radices, & insula Jordanea, munitissimū olim Armeniaci castrum in Convenis, dictum aliquando Castellum Istium , posteaque Jordani ab appellatione Dynastarum illius oppidi familiari. In Celtica Convenis proximi sunt Datii, sic dicti ab aquis *Achs*, oppido Datiorum præcipuo ad Aurigeram, quod multi confundentes cum Aquis Augusti ad fl. Aturram, Datios posuerunt inter Aquitanicæ populos , cum certum sit, fuisse in agro Tolosano. Dicuntur nunc Fuxenses ab an. 1062. quo Raimundus 2. Tolosatū Comes Bertrandum Rogerii Carcassonæ filium, constituit Dominū Fuxi, quod olim Tasta dicebatur. Hinc celebres illi Comites Fuxi, qui & Pares Franciæ, & Vicecomites Bearnenses , & tandem Navarræ Reges fuerunt. Sunt præterea in eodem Comitatu Tarasso insigne oppidum, à quo abest haud procul amplissi-



amplissimæ cavernæ angustus aditus, ad quam  
ad mortis scalis ascenditur. Introgressis patent au-  
læ ad quina senaque stadia. Ultra verò progredi  
audentibus tantus horror incutitur, ut inde pe-  
dem referre cogantur. Mons gaudii, *Mont-gauzi*,  
Basilica à Carolo Magno in honorem B. Virgi-  
nis instituta, cui proxima fuit Monnova arx,  
quam *Simon* Monfortius solo æquavit. Apamia  
urbs Episcopalis & Savardunum *Savardan*, 42.  
29. oppidum ex quo oriundus fuit Jacobus Fur-  
nerius, qui Benedictus XII. dictus est Pont. Max.  
vir singulari prudentiâ & sanctitate, qui nemi-  
nem ad sacerdotia evehit, cujus vita ac mores  
prius spectati non essent, quique neptem suam  
nobilibus viris eam petentibus, nuptui tradere  
noluit, ludicro affirmans, ignobili equo frena  
ephippiumque aureum minimè convenire, sed  
cuidam mercatori Tolosano matrimonio loca-  
vit, ut pari nuberet. Hæc verò omnia oppida si-  
ta sunt proximè Aurigeram amnem *Riege*, qui  
ab auro, quod frequenter voluit purum putum,  
nomen habet. Funditur è Pyrenæo. Priusquam  
Garumnæ misceatur, Lertium admittit *le Lers*,  
qui æstatis tempore summè sicco & arenti, vices  
quater nascitur in die, totidemque moritur, sic-  
camque ejus originem licet transire spatio semi-  
horæ. Mox recurrente aliâ semi-hora auditur  
in Bellestadio monte adventantium aquarum  
strepitus, & spumofus renascens, ligni crates per  
Aurigeram transmittit Tolosam 4. vel quinque  
menfium spatio, alluit & Mirapœsiū *Mirepois*, 42.  
15. urbem Episcopalem & Maseriarum planitiem.

## C A' P. XXXIV.

*Tolosates.*

**V** Olcæ Tolosates, qui ævo Cæsaris longè lateque erant diffusi, nunc contractis finibus Garumnæ tantùm assident, partim in ejus ripa Celtica, partim in Aquitanica. Eorum oppida sunt Rivenæ *Rieux*, 42. 28. urbs Episcopalis in dominio olim Comitum Fuxi, Muretum *Morei*, 42. 42. oppidum ad quod anno 1200. centum millia Albigenſium Hæreticorum fusa, 15. millibus, ipſoque Aragonum Rege, eorum Duce infectis, nullo ex generoſi Simonis Monfortii copiis, quæ 762. duntaxat constabant peditibus desiderato. Tolosa *Tolose*, 42. 50. Metropolis Tolosatium & Gothorum Regia. Habuit postea 75. Cōmites, quorum ultimus Raimundus. Ejus filia & hæres nupsit Alphonſo Pictonum Comiti, S. Ludovici Regis fratri, quâ sine liberis mortuâ, Comitatus obvenit, Ludovico & Coronæ attextus est. Parlamentum in ea Provincia institutum jam inde à Philippo pulchro, sed incerti domicilii, Tolosæ postea stabilivit Carolus anno 1443. Archiepiscopatus verò institutus anno 1317. Granada *Grenade*, 43. 6. oppidum nunc Gaurensis præfecturæ.

## CAP. XXXV.

*Tarnus fl.*

**O**ritur ex Cebennis montibus, propè templum S. Virginis, quod à Quosálio Gabalorum dicitur, ex alta & nigra rupe, cui nomen Tarni. Hinc in Rutenis Millialdum *Millau*, 43. 28. oppidum rigat & partem Diæcesis Vabrinçæ; indeque defluit ad Albiam, seu Albigam *Albi*, 43. 10. Helenterorum caput in Ruthenis, unum ex ditissimis Galliæ Episcopatibus, Montalbanum *Montauban*, oppidum similiter Episcopale, naturâ & arce munitum, Moissacum *Moissac*. 43. 24. ubi Monasterium olim à Pipino fundatum, ut in eo mille Monachi alerentur. Supra verò Aginium in Nitiobrigibus Garumnæ immergitur aquas devehens secum Agustii *Agouft*, & Drotii *le Drot*, amnium. Prior Vaurum *la Vauve*, & Castrenas *Castres*, 42. 47. Urbes Episcopales alluit. Posterior pusillam Ruthenorum gentem, urbem & Episcopatum Rutanum, antiquis Segodunum, vulgò *Rodez en Roüergue*, 43. 40. tingit montes fodinis omnis metalli foeti & divites, crebris perforati cavernis, in quibus aliquæ leucarum 6. Sed adèd altæ, ut nullis facibus earum sumum videas. Frequêtes in iis audis ictus malleorum urbis Ruthenæ. Eidem apponuntur amni etiam S. Antoninus & Negreplissa urbes Hæreticorum fuligine & nigore inustæ.

## CAP. XXXVI.

*Agenni, Nitiobriges, Auscii Cadurci.*

**A** Gennum *Agen*, 43. 40. urbs est Episcopalis & sedes prætorii totius Aquitaniæ amplissimi, felicibus glebis præstans, cujus incolæ dicti olim Nitiobriges Volcæ. De hac urbe scripsit satis ingratè Julius Scaliger in oratione pro M. Tullio contra Erasmus, licet ibidem natus & mortuus fuerit, cum studiorum ea in urbe sedem posuisset, Episcopi Aginensis. Cardinalis Leonardi Grossii *de Rouere*, liberalitate illustratus. Ad alteram supra Agennum leucam, Garumnæ affunditur Gersius *les Gers*, amnis, qui apud Auscios ortus rigat ipsam Augustam *Ausch*, 43. 5. Ausciorum Aquitaniæ 3. Metropolim, nec non & Lætoratem olim Tauropolium *LeDouvre*, 43. 22. urbem validam, caput Armagniaci Principatûs. Ad Aguillionum verò *Aguillon* caput Ducatûs cognominis, idem Garumna excipit tres fluvios. Baïsam, Lossam, Gelisam. Baïsa in Tabalorum agro alluit Condominium *Condom*, 43. 31. urbem Episcopalem & Neraciû, *Nerae*, Ducatûs Albretani oppidum prædives, cum arce magnifica, viridariis & hortis cultissima, ubi educatus fuit Henricus IV. Gelisæ appositæ est *Euse* Elusa, olim Metropolis Novempopulaniæ. Ad idem & dexteram ripam Garumnæ affunditur Lotius *le Lot*, aliis Olindus, seu Oldus amnis, qui ortus in *Cevennicis* jugis ex vico Olleto

Olleto post 9. min. rivum altum excipit ex urbe Anderido capite Gabalorum & Episcopali sede Mimate *Mande en Givodan* 43. 52. sita in profunda valle ad radices Loseræ altissimi montis Gabalorum. Ptolomæus Gabalorū caput vocat Anderetum, sed nunc putatur excisum. Ad vicū Entragues augetur variis rivis, inter quos Aida *la Die*, qui San-Florum *S. Flour*, 44. 25. alluit urbem Episcopalem superioris Arvernæ sitam in mōte ad perpendicularum penè exciso His auctus amnis Cadurcos petit, ubi candidissimorum linteorum textrinae, quæ Romani Cadurca vocabant. Cadurcum verò *Cahors*, 43. 50. quibusdam Devona & Diolindum civitas colli imposita in lat. 43. 50. in theatri ovalis formam extructa. Episcopus urbis Dominus dum celebrat, ex privilegio speciali non ocreas modò induit, sed præterea habet evaginatū ensē, chirothecas ferreas & galeam altari impositam. Ad Cadenacum verò castrum *Cardenac*, 43. 50. habes rudera Uxello duni, olim à Cæsare obsessi, vern. *Vxeldun le Pen*, quod Podio, seu colli impositum esset illud oppidum. Tandem Lotius alluit Cleriacum *Clerac*, Abbatiam celebrem Canonici Lateranensibus ab Henrico IV. assignata. Ad pontem Bauliacum delabitur in Garumnā Cironis fluviolus, qui nascitur propè Lebrete vicum, unde Lebreteinis principibus inditū nomen Albretū, quibusdam dictum Leporetum, quod abundet leporibus, utpotesitum in Lapurdensium Syrtibus. Amaveni nomen familiæ gentilitium, jam ab anno millesimo quingētesimo, quo vivebat Amaven?



Lebretius. Ex horum progenie Joannes Lebretius duxit uxorem Catharinam Fuxiam Navarrae Reginam, tandemque Joanna Navarrae Regina Bearnii & Lebreti Domina nupsit Antonio Borbonio, ex quibus ortus Henricus IV. Franciae & Navarrae Rex. In gratiam autem Joannae Reginae vicum Lebreti, nunc Albreti, in Ducatum e-vexit Henricus II. habuitque Juridicas sedes quatuor, *Neyrac, Tartas, Castelgeloux & Castelmoron*, partemque Condomii & Arminiaci, hinc praedictus fl. abit ad Vasaticam, *Basas*, 43. 53. civitatem Episcopalem pulveri impositam non cespiti: quae tamen, quâ parte Garumnâ spectat, agrum habet frugum, vini & pecoris fertilem.

---

C A P. XXXVII.

*Duranius & influentes in eum.*

**L**A Dordogne, fontes habet in finibus Arvernorum, uni nomen *d'Or*: alteri *Doigne*, utrumque in monte Dorio *mont d'Or*, qui sacello D. Virginis *de la Voisinere*, religiosus est, medicis herbis foecundus. In vertice non longè ab urbe Hefse lacus est, cujus imum nulla potest bolide explorari. Si verò in eum lapis decidat, brevi horrendis tonitribus & grândine coelum tumultuatur. Excipit verò Duranius, post leucas aliquot ex eadem Arvernia amnem *Serre*, qui rigat Oriliacum urbem amplam superioris Arverniae. Inde Lemovices ingreditur, ex quibus magna ipsi fit aquarum accessio. Nam praeter rivum, qui defluit ex arce Ventadorea capite Ducalis Satri-piae

piæ de *Vendatour*, amnes excipit *Veseram* & *Coferim*, quibus apposita sunt *Uzarchium* *Vserche*, 44. 50. oppidum inexpugnabile. Tullum urbs Episcopalis & *Briva Curetia* *Briue la Gailarde*, 44. 38. jucundissimi situs propter vineta, lucos & prata, quæ urbem circumstant. Hinc illustrat *Petrocoricos les Perigourdens*, in quorum agro non longè à *Miramontio*, Cripta est *Cluseau* dicta: quam ingressi narrant protendi ad 6. mill. aulæque in ea vermiculato stratas lapide, altaria, picturas, vestigia omnis generis pedum, fontesq; & fluvios. Urbes verò in his partibus celebres sunt *Sarlacium Sarlac*, 44. 49. oppidum Episcopale in peninsula, quam *Duranius* & *Vesera* efficiunt. *Limolium Limentul*, *Bergeracum Bergerac*, situm in agro lætissimo, ubi *Guesclinius* Magister equitum, celebrem de *Monferrantio* Anglorum duce retulit victoriam anno 1377. *Liburnia Libourne*, oppidum populo & mercibus peregrinis abundans, conditum anno 1286. ab *Eduardo Rege Angliæ*, ex ruinis *Condatis*, Ducum *Aquitaniæ* sedis, cujus videntur adhuc fossæ paulò suprà *Liburniam*. Est & *Franciacum Fronsac*, arx naturæ loci & arte munita, cujus fundamenta putatur jecisse *Carolus Magnus*: nunc verò caput est Ducatus cognominis. Inter *Fronsacium* & *Liburniam* effunditur in *Duraniū*, Illa *l'Isle*, qui ortus in *Lemovicis*, *Vesunam* alluit *Petrocoriorum Metropolim*, vulgò *Perigueux*, 44. 45. urbem Episcopalem & *Mussidanum* oppidum, in cujus obsidione periit *Generosus Comes Brissacus*, globo ferreo caput appetitus. *Petrosa* regio no-

men indidit populo, nullibi simplicium herbarum copia major, nihilque gratius, quàm videre ripas, Illæ ulmis confitas, quibus ita sunt vite maritata, ut arbores botriferas diceres. Denique ad confluentem Illæ & Dromiæ Cutracum *Contras*, prælio celebre.

### C A P. XXXVIII.

#### *Burdigalenses & Medulini.*

**T**Empore Tarquinii Prisci memorantur Bituriges Celtici duas duxisse colonias in Aquitaniam; Ubischorum unam, Boiorum alteram, Vibisci Burdigalensem & Medulinum agrum occuparunt, *Le pays de Bordeaux & de Medoc*. Boii Tarbellicum; Vibischorum Biturigum Metropolis Burdigala *Bordeaux*, 44. 18. urbs, ampla, dives, Archiepiscopatus prærogativâ & Parlamenti curiâ à Carolo VII. institutâ illustris, inter primarias Regni urbes caput extollit, ut de portu si leam, instar Lunæ crescentis falcato, ita capace, ut 600. interdum naves numeret, quæ generosum regionis vinum in omnes Septentrionis Provincias exportant. Medullorum ager arenis & pulvere squallet, paludes & æstuaria, quibus profcinditur, scatent arundine, ex qua plebi parantur ædificia, abundat pecore, millio, subere & pice. Sal & vinum minimè defunt. Oppidula sunt Pauliacum *Pauillac*, & Solacum *Solac*, 44. 54. ubi piscatus ostreorum suavissimi succi, quæ Sidonius vocat Glareosa & Salacensia. Assurgunt etiam arenæ rubræ cumuli, qui Pyrenes vel Alpium ju-

gis vix cedunt. In extremis Medullis habes *Ar-*  
*cassonem* portum tutissimum, nec non sinum  
 amplissimum, in quem influit amniculus *Leiris*  
*de Leire*, *Sigmas* Ptolemæi, ad quem *Boiorum* vi-  
 cus seu *Buchium*, *le pays de Buchs*, principatus, cui  
 qui præest, dicitur *Captambusius Capital de*  
*Busch*, è *Fuxi* Comitibus pervenit ad *Candalios*,  
 quibus *Dux* *Espertonius* successit. Reliquum  
 litus ad ostia *Aturri* paludosum est, & inundatio-  
 nibus expositum, in eo præpositæ quatuor *Bor-*  
*num*, *Marensinum*, *Maremnium*, & *Senhausium*,  
 continentis verò ager *Syrticus*, totius *Galliæ* in-  
 felicissimus, in quo nihil per 30. & plures *leucas*  
 ternis, præterquam *sylvas* *pineas* & *arenas*, in  
 quibusre flante *Bigerrico* turbine, nemo non for-  
 midat in itinere terreno pedestre naufragiū. quic-  
 quid enim sabuli in campis jacet, convertunt ven-  
 ti, summaque pristini itineris vestigia intereunt.  
*Les Landes de Bordeaux*, *Hispanicè* *lanas*: abun-  
 dat tamen melle, lacte, subere & ovibus, quas  
 Pastores per Hyemē eductas è montibus eò tra-  
 ducunt. Ad Pagum *Undres* (quæ prima est eo-  
 rum statio, qui celeribus equis *Baiona* profici-  
 scuntur *Burdigalam*) lacus est *Ors*, in quo mobi-  
 lis insula pascualis vento sæpius ab uno sta-  
 gni latere fertur in op-  
 positum.



## CAP. XXXIX.

*Novem-populania.*

Ultimam Oceani Gallici oram tenuere Tarbelli indigenæ Aquitani, quam postea ex parte occuparunt Bituriges Boii advenæ ab Celtica Gallia. Prolatis verò finibus Aquitaniæ ad Ligerim hæc dicta est Cis-garumna, Aquitania tertia, & à novem populis in ea ab Hadriano Imperatore coactis, Novem-populania. Post exactos totâ Galliâ Romanos sub Honorio Gothis cessit, quibus à Clodovæo cæsis primò apud Pictones, iterumque propè Burdigalam in Francorum ditionem venit. Apud Bearnenses & Bigerros adhuc Cassigotthi reperiuntur *Capots & Cahets*, Gothorum reliquiæ, qui morib<sup>9</sup> & omni penè commercio discreti sunt ab indigenis, quibus nefas cum ea gente jus connubii communicare. Plerique fabri lignarii & viatores, laboris patientissimi, in diem vîvunt, nec filii parentibus succedunt. Putant alii eos ex sanguine Hæreticorum Albigensum ortos. Circa annum 727. cum res Francorum languescerent, Novempopulania Comites sibi præfecit, qui à Carolo Magno in ordinem sunt redacti. Duces habuit ad annum 1152. quo filia Guillelmi Godefridi ultimi Ducis nupsit Henrico Northmanniæ Duci, postea Regi Angliæ, sicque paruit Anglis ad annum 1453. quo totâ sunt Aquitaniâ, ultimùm expulsi ab Carolo VIII. Tunc Biscaini crucem rubram insignæ bellicum, cum cruce candida commutarunt in moni-



n monumentum candidæ crucis, quæ ante con-  
dictum visa in cælo fuerat. Anno demum 1469.  
ad Regni corpus reversa, nunquam ab eo postea  
divulsa.

## CAP. XL.

*Aturrus & Bigorra.*

**L**A *Dour*, olim Aturrus, ab urbe Aturrensi *Ai-*  
*re*, & Tarbellus à Tarba, quas alluit, oritur è  
altu Pyrenæo, qui ab incolis Pigmintolius dici-  
tur, Campanum, 42. 10. *Campan* radit, egregium  
napale butyro abundans, vicum Aquentem, vul-  
gò Baignerias thermis celebres, Tarbam, 42. 30.  
Metropolim Bigerronum *de Bigorre*, ubi vetus  
castrum Bigorra, nunc *la Sede*, à sede Episcopi ibi  
constitutâ. Incipit verò Bigorra à Pyrenæis mon-  
tibus, qui Aragoniæ fines attingunt, indeque per  
ruggiferam convallem ad propinqua confluen-  
tis Aturri & Arrossi loca descendit, continentur-  
que in eo pagus Riparia inferior, vulgò *Rivière*  
*asse* dictus, vicariatus Malavicinus, Vicecomita-  
tus Levitanensis & Asteriensis in radicibus Pyre-  
næi, Ausonius vocat Bigerros pellitos, propter  
brevem illam & villis hispidam cappam, dictam  
Marlottam, quâ utuntur: hinc abit Vicoiulium  
urbem, cujus Episcopi ab eo fluvio dicti Aturen-  
ses, & à Vico *Vascons* Vasconenses, & Martiane-  
ses à pago Martiano. Nunc verò Airenenses *d' Ai-*  
*re*, in lat. 43. vinum Chalossæum celebratur in  
his partibus. Hujus Diœcesis præcipuum op-  
pidum est nunc S. Severus caput Gasconiæ ideo  
dictum,

dictum, quia hujus regionis Metropolis olim fuit, cum jam sit initium Gasconiae, *S. Sever Caput de Gascogne*, 43. 14. perlabitur postea Aquas Augustas, vulgò Dax in lat. 43. 12. oppidum fossis circumaggere munitissimum, ubi praetorium laudatur & balnea longè celeberrima marmoreis cincta subselliis, de quibus egi superius. Min. 5. ab eo oppido distat facellum D. Virginis *de Buglosse*, in quo celeberrima hodieque constant miracula mitto fabulam, quæ fertur de tribus sepulcris quæ cum lunæ plenilunio aquis plena sint, & si lente lunâ sint planè vacua. Bajonam *Baione*, denique alluit Biscaniæ Gallicæ caput, dictam olim Lapurdum, ejusque Episcopi & Vicecomites Lapurdenses, emporium celebre, situm ad confluentem Aturri & Nivi, quod sub Anglis Regibus primum dignitatis locum obtinuit post Burdigalâ, ubi Collegium Majoris, Scabinorum & Juratorum à Joanne Rege Angliæ institutum, ubi Episcopus, cujus Jurisdictioni in rebus Ecclesiasticis subjecta fuit, maxima pars Ipuscoæ & id totum, quod Vidassone & Urola omnib<sup>9</sup> continetur ad annum 1565. quo Philippus II. Hispaniæ Rex à Summo Pontifice impetravit, ut dum grassantis in Gallia tunc hæresis lues cessaret, Ipuscoæ jurisdictione à Bajonensi abducta, ad Pampelonensem Episcopum traduceretur. Rogerius Hoveden in suis annalibus Vidassonem amnem Fontarabiam & vicum Irun ait extra Ipuscuam fuisse, & spectasse ad Vicecomites Bajonenses. Oceano immergitur duobus min. infra Bajonam porrumque facit commodum, ex quo ducta

ducta est fossa nova *le boucant neuf*, & arenis ob-  
ducta illa est, qua antiquitus per caput Britonum  
viam perdifficilem navigiis in urbem relinque-  
bat. Aturrus fluvios excipit Nibum, Vido-  
rum, Gaberios, Dufam, Lislam & Larrosam.  
Ad Lislam urbs præcipua Rabastinum *Raba-*  
*stins*, 40. 42. olim munitissima, priusquam à  
Monlucio expugnaretur. Arrosum Larros, flu-  
vius præceps & altus, oritur in montibus Con-  
genarum è vico *lomme*, Abbatias Scalam Dei, S.  
Severum *de Rostagno*, Casam Dei & *Tasque*, nec  
non oppidula *Villecontal*, & Placentiam. Influit  
in Aturrum ad pagum *Isotges*, duobus min. à  
Castro *de Thermes*, unde generosus ille Galliarum  
Polemarchus *de Thermes*. Duza & Mindonus  
oriuntur in Syrtibus Aquitanie, non longè à do-  
mo nobilis familie *la Bastide*. Junguntur ad  
oppidum *Menmarfanum* 43. 19. & miscentur  
Aturro infra Tarassum oppidum internecone  
Anglorum celebre. Ejus loci incolas dixit Ta-  
tusates Cæsar.

## CAP. XLI.

*Gavi & Bearnia.*

ET si quemlibet fl. appellent Bearnenses *Ga-*  
*ve*: præcipui tamen duo sunt, in quos reli-  
qui evolvuntur, Bearnensis scilicet & Oloronius,  
qui simul coeuntes ad vicum Peirchourade, id  
est, petram foratam, mox miscentur Aturro.  
Gaberus Bearnensis *le Garve Bearnois*, nascitur  
octavâ leucâ supra palum in montibus Biggerro-  
num

num è gemino lacu amplo & profundo, *le lac Bareges*, & *le lac de Cauderes*. In utroque sunt infinitæ truttæ, quæ vere novo solutis nivibus exundante aquâ feruntur per rupes Pyrenæi precipites, & per Aturru abeunt in Oceanum, ubi Æstiva & Hyberna agunt, & recurrente vere redeunt. Salmones mediæ modi per leucas amplius 50. adverso fl. per abrupta conantur in montes & licet plurimi incidant in retia, quæ ubique tenduntur, maximè verò ad *Peirehourade*, *Belloc* & *Orthés*, ubi eorum vis infinita intercipitur, quæ per Hispanias & Tolosates distrahuntur, tamen semper plurimi palos & retia saltu agili transiliunt, vel laqueis se explicant, & ad locum & originem tandem enituntur suam, ubi colligantur & mutuo alvorum affricu ova concipiunt, quæ deponunt terna & terna glutino commissa, quorum bina in caput & humeros figurantur, tertium ex se reliqua nascentis pisciculi effingit. Coniunguntur verò illi duo è lacubus prodeuntes rivi & Gabeum constituunt ad celebres vicos *Peyresite* & *Vielelongue*, propter radices montium, quibus itur ad thermas Cauderes & Baraiges. Inde per vallem fluit Lavedanam, *la Vallée de Lavedan*, cujus laudantur equi, Hispaniensibus non inferiores. Inde abit Lordam 42. 15. Levitaniæ Vicecomitatus caput, urbem veteri arce egregiè munitam, in finibus Bigerronum, & Bearniam ingressus Padum rigat *Pau*, 42. 36. Bearnensium Principum olim sedem, nunc Parlamento Navarræ: *Lascaram Lascar*, olim Bearnum

num dictum, urbem Episcopalem, & Hortesium  
*Ortes*, 43. 52. cujus Academiam Hæreseos viru  
 infectam Ludovicus XIII. Palum transtulit. Ca-  
 berus similiter Oloronius è duplici procedit ri-  
 vo, uno quidem per Vallem d' *Ossau*, altero per  
 Vallem d' *Aspe*, decurrente. Fons Ossavi iterum  
 duplex, unus in monte Segouton, ubi primùm est  
 Hispaniæ hospitium, abeuntibus Cæsar-Augu-  
 stam, alter ad radices Podii Austrini montis in-  
 ter Pyrenæos altissimi, *le Puy de Mydi*, qui in tres  
 Pyramides altissimas acuminatur, dictas tres so-  
 rores, *les trois Sœurs*, propè Hospitale S. Christia-  
 næ, in ipsis regnorum limitibus. Coeunt verò ad  
 hospitium Gavas, abeuntque ad Aquas calidas  
*Aigues chaudes*, ubi balnea celeberrima, & Val-  
 lem d' *Oxault* decurrunt: in qua spatio duarum  
 leucarum cum media sunt 28. pagi, quorum præ-  
 cipui Velle & Arudi urbib<sup>9</sup> penè æquales. Ex eo-  
 dem prioratu S. Christianæ defluit alius amni-  
 us per Vallem Aspensensem & D. Virginē *de Sarran-*  
*re*, jam à 400. annis celebrem. Juncti, verò alluūt  
 Oloronum *Oleron*, urbem Episcopalem, populo  
 frequentem & mercibus, quæ in Hispanias trans-  
 mittuntur. Navarrinum arce validâ munitum ab  
 Henrico IV. Salvam-terram, *Sauve-terre*, Salinas  
*Saillies*, ubi fons uberrimus, ex cujus aquis inco-  
 læ salem conficiunt, quem per totam regionem  
 distrahunt, & Sordam municipium populosum.  
 Sunt denique alii duo fluvioli, quorum unus  
 Vidosus, alter Nivus dicitur. Vidosus S. Pelaf-  
 gum S. *Palais*, alluit, olim Biscaix urbem prima-  
 riam



riam, & sedem Cancellarii Navarrae. Rigat praeterea *Bidache*, Comitatum Grandimontanae familiae. Nivus ex roscida Valle ortus in *salutem Pyrenæo*, oppidum alluit Sanjoannem Portensem, *S. lean pied-de Port*, sic dictum, quod sit unica quasi porta, quâ ab inferiori Navarra transitur in superiorem. Alluit & Eustaris & Bajonam, ubi subit Aturum.

## C A P. XLII.

### *Biscaya.*

Ceteriores Vascones nunc dicimus Bascos eorumque agrum Terram-laboris, *le pays de labour*. In eo 27. numerantur majores Patrocinae, partim sitae in montibus, partim a litus maris, inter quas eminent *S. Joannes Lugiensis & Siboro*, *S. lean de Lws*, & *Sibour*, aestuario tantum sejuncti ab invicem. Eustaris sedes est Judiciaria, coelum hinc mite. Abundat regio metallis, arboribus ad hastas, & a naves fabricandas materiâ, milio pariter ipsi Borona dicto, cicerâ & pecoribus. vinum deficit. Lingua ipsis Cantabrica. Ab omni ævo vitam nullam ducunt sine armis, tenenturque ad primum tympani pulsus duo armatorum millia habere in procinctu: veloces sunt, ingeniosi, iuviolatae, apud suos familiares & heros, fidei: honoris cupidi, suorum privilegiorum

giorum defensores acerrimi , ad militiam  
proclives , candidi , aperti , divitiarum non  
multum appetentes , sed paupertatis impatien-  
tissimi. In Parœcia *Sare* , antrum est in amplis-  
simas excurrentes aulas , indeque in immensos  
& altissimos specus recedens , per quos ad mul-  
ta itur milliaria sub ipsis Pyrenæis. Imò di-  
cuntur illac aliqui transisse in Hispanias. Puellæ  
hîc, sicut & per totam Biscayam, ince-  
dunt nudo capite.





# GEOGRAPHICA ORBIS NOTITIA.

PARTIS PRIMÆ.

LIBER SEPTIMUS.

HISPANIA.

## CAPUT I.

*Hispania nomen, Ubertas, Divitia,  
Virtus bellica.*

Quam Plinius Paniam dixit à Pane Dionysii Comite, Teutones addito His, quod Occidentem sonat, Hispaniam vocarunt, ad differentiam Peloponnesi, quam Hesychius Orientalem appellat Paniam. Hesperiam similiter dixerunt alii, quod extrema terrarum sit versus Occidentem. Iberia frequenter nuncupatur ab Iberio, vel fl. vel Tubalis filio, vel Asiæ populo. Æquè ac priscis seculis est fœcunda, sed deest industria, quod per expeditiones in utramque Indiam, Maurorum & Marranarum repetitas ejectiones, nec non per bella continua juvenus exhauriatur. Oleo, melle & vino præstantissimo abundat. Lina habet, nobiliaque pecoris vellera, equorum tam pernices alit greges, ut non frustra vento cōceptos scripserint multi. Ceterior specularibus

aribus scatet lapidibus, Bætica minio, utraque  
 metallis, quorum fodinas numerat propè 500. ex  
 quibus Phœnices tantam argenti copiam ex-  
 portarunt, ut cum onustis navibus superesset, an-  
 choras ex ipso conflaverint. Indidem Scipiones,  
 Lentuli alique Duces, supra 600. millia argenti  
 infæti pondo, argenti Oſcensis quadringenta  
 millia, signati verò vim infinitam paucis annis in  
 Italiam transmiserunt, & simul cum iis avari-  
 am, luxum & morum corruptelam invexerunt.  
 Nec metalla defunt impræsentiarū, sed iis parci-  
 tur quamdiu suos India thesauros suppeditat. Per  
 200. annos, in Hispaniam multo mutuoq; ita certa-  
 ū est sanguine, ut amissis Imperatorib⁹ exerciti-  
 busque sæpè cōtumelia, nonnunquam etiam pe-  
 culum Romano illatum sit Imperio. Hæc Sci-  
 piones, hæc contumelioso 20. annorum bello  
 sub Duce Viriato Romanos iterumque sæpius,  
 sic exercuit, ut diu non potuerit dijudicari, Hispa-  
 nis Romanisve plus in armis esset roboris, & u-  
 ter populus esset alteri legem daturus. Hæc de-  
 nique est, quæ abhinc 200. annis, licet continua  
 eum reliquis Europæ populis bella habuerit; in-  
 numeras tamen in utramque Indiam colonias  
 transmisit, & suum in illis stabilivit Imperium.  
 Ejus figura accedit proximè ad quadratum, cu-  
 jus latus minorum 420. inter gradus latitudi-  
 nis 36. & 43. quo spatio numerant aliqui oppida  
 muris cincta omnino 1500. Archiepiscopos un-  
 decim, Episcopos 65. Florente solido Hispano-  
 rum Imperio,educta reperiuntur interdum cen-  
 tum millia armatorum, qui retinentissimi sunt  
 R. suo-

suorum ordinum, instructæ verò naves aliquando sexcentæ. Nusquam gentium, vel eruditioni, vel militiæ majora sunt præmia & certiora. Magnatibus, quos vocant Los Grandes, licet coram Rege caput tegere, & in ejus capella sedere.

Ex 14. Consiliis, per quæ suum Rex administrat Imperium, duo sunt, quæ ad graviora scelera compescenda plurimum faciunt. Unum quod vocant Inquisitionis, quod exquisitis suppliciis Judæos & Hæreticos afficit. Alterum Hernandus dictum, quod eos, qui grave aliquod facinus admiserunt per fidos homines, sic indagat, ut fûga perpaucos à pæna sceleribus debita liberet. Idioma, quod nunc dicimus Lapurdense, seu Biscainum, *le Basque*, antiquum fuisse Hispanienſe opinantur plerique, & ex corruptione Latini ortum sermonem Castellanum, Lusitanum & Catalanicum.

## C A P. II.

### *Varii Hispania populi: & Regnorum successio.*

**O**missis, quæ de Tubale, Aschanage & Gerione gratis dicuntur, Celtæ Galli memorantur omnium primi, qui colonias illuc duxerunt, & pace cum Iberis firmata commune regioni Gentique nomen fecerint, ut Hispania Celtiberia, Incolæ Celtiberi dicerentur. Phænices deinde Massilia profecti, Emporias & Dianium condiderunt; imò & interiora occuparunt Gadi-tani postea Tyro profecti, unde & Carthaginenſium



sum origo fuit, cum urbem statuissent in Hispania, ut rem Sacram Herculi facerent, finitimis eos laceſſentibus, Carthaginiensium auxilio partem Hispaniæ sibi subjecerunt: Iterumque hortantibus primæ expeditionis auspiciis, Hamilcar magnis rebus gestis, dum fortunam sequitur inconsultius, in insidias deductus periit. Mox bello 2. Punico, occasione Saguntini excidii per Pyrenæum jugum signa sua Romani intulerunt, octavoque anno postquam à Pœnis capta fuerat, à Cn. Scipione recepta & antiquis cultoribus, quos bellifuror reliquerat, restituta est. Rursum verò multis cum Hannone & Asdrubale præliis commissis tandem Scipio Africanus captâ Carthagine Hispaniam totam Romanis subjecit, & in Provinciam redegit, quæ modo per Prætores, modò per Consules administrata est, nonnunquam etiam Tarraconensem sibi Imperatores reservarunt. Partem Italiæ proximam, Citeriorem, eam verò, quæ remotior, Ulteriorem appellarunt. Labente ævo Ulteriorem in Bæticam & Lusitaniam diviserunt: citerior Tarraconensis dicta est à Tarracone primariâ illius urbe. Hadrianus addidit Carthaginensem & Gallæciam, nec non Tingitanam, quæ erat trans fretum in Africa. Septimam nominat liber Notitiarum Imperii insularem Provinciam ex Balearibus & vicinis insulis. Circa ann. 409. Interfectis Didimo & Veriniano cognatis Honorii Imperatoris, Vandali, Alani, Gothi, Suevi, Hispanias obtinuerunt. Monet Salvianus ob

impurissimam libidinem tunc meruisse tradi Hispanos infirmis quidem, sed pudicis barbaris. Sequenti anno, quo scilicet ab Alarico capta Roma, Honorius Godigisco Hispaniæ possessorem concessit eâ lege, ut Incolis non noceret, divisoque regno, Alanis cessit Lusitania. Silingis id est Vandalis Bætica, à quibus dicta Vandalusia. Rerum tamen Hispanicarum scriptores, Regum initium numerant à Vallia, Visigotho, qui eadem Hispanias occupavit. Vandalis in Africam profectis, ut Bonifacio Duci contra Imperatorem opitulerentur circa an. Christi 421. Sub Gothis regibus maximè piis floruit plurimùm, donec iterum Vitiza impurissimo viro, regni habentem, Saraceni & Mauri ab ultore Deo ex Africa primùm evocati, deinde Ruderico homine turpissimo regnante in Hispanias effusi, Gothos opprefferunt. accedente Juliani Comitis prodicione, cujus filiam sive uxorem Rex stupro violarat. Initium cladis contigit anno æræ, seu supputationis Hispanicæ 750. qui est Christi 712. Suorum enim annorum caput Hispani ducunt ab anno primo post confirmatam in Senatu orbis partitionem ab Augusto & triumviris factâ, qui annis solidis 38. annos Christi, seu Dionysianam Epocham præcedit. Biennio post Rudericus Rex XXXI. Magno commisso prælio proditus à suis occubuit, & Hispania in Saracenorum venit potestatem, quorum tot fermè reguli extiterunt quot in singulorum ditione urbes primariæ. Gothorum vero reliquiæ in Asturibus & Cantabris receptus arcem pacti sunt, ibique propulsa-

tis for-

tis fortiter barbaris , regni veteris possessionem  
utcumque tenuerunt Duce Pelagio , qui primus  
in Asturibus Ovetanum regnum constituit, quod  
Legionenſi poſtea initium dedit, ex quo progna-  
ta poſtea Caſtellæ, Portugalliæ, Galliciæ, aliaque  
regna numero 14. ſtabilita , quorum hæ fuerunt  
Metropoles.

Navarræ quidem	Pompelona.
Aſturix & Legionis	Legio.
Galliciæ	Compoſtella.
Luſitaniæ.	Olyſippo.
Algarviæ	Faros.
Andaluſiæ	Hiſpalis.
Granatę	Granada.
Murciæ	Murcia.
Valentiæ	Valentia.
Balearium	Majorca.
Cataloniæ	Larcino.
Aragoniæ	Cæſar Auguſta.
Caſtiliæ veteris	Burgos.
Toleti, ſeu Caſtiliæ novæ	Toletum.

Enimverò Saraceni partim à Gothorum reli-  
quiis, partim à Principibus Gallis, maximæ par-  
tis jacturam paſſi omni tandem Hiſpaniâ pulſi  
ſunt à Ferdinando , qui Granatam , qua in urbe  
Maurorum reliquiæ conſederant , expugnavit  
an. 1492. quo Saracenorum in Hiſpania Domi-  
natus poſt annos quam venerant 780. deſiit, eo-  
demque anno familiarum multa millia Judaici  
generis in exilium abiere, quæ ad 800000. capi-  
tum fuiſſe dicuntur. Tantam ſubditorum ja-  
cturam pro Chriſti gloria factam , brevi multo

cum foenore Deus refarcivit. Nam Christophorus Columbus patria Genuensis nauticæ rei sentissimus sub Ferdinandi auspiciis anno 1492 ex Hispania solvens novas reperit insulas : eujus exemplum secuti reliqui paulatim vastam illam aperuere continentem , quæ partem Orbis quartam efficit. Eodem incensus studio Vasco Gama Lusitanus, Emmanuelis Regis iussu Olyssipone profectus in Orientem an. 1497. 7. Idus Jul. Sequenti anno 13. Cal. Jun. Calecutum appulit, indictisque commerciis Lusitanorum ac ea navigationibus iter ostendit. Idem Ferdinandus Joannam filiam unicam dedit uxorem Philippo I. Belgæ dicto, Austriæ Duci, filio Maximiliani Imperatoris & Mariæ hæredis Flandriæ & Burgundiæ, & eundem in regni consortium admisit anno 1504. eodem scilicet anno, quo regnum Neapolitanum sibi subiecit. Ipse tamen virâ functis successit Philippi & Joannæ filius Carolus V. anno 1516. tunc annorum 15. qui anno deinde 1519. Romanorum Imperium adeptus, ejus habenas difficillimis temporibus modoratus est, & post multas victorias rerum humanarum tædio, & amore secessus, an. 1555. apud Bruxellas regno se Imperioque abdicans, illud in Philippum filium, hujus administrationem Ferdinandum fratrem transtulit, & an. 1558. vivere desiit. Demum an. 1578. Sebastiano Rege Lusitaniae in Africa cæso, cum Henricus Cardinalis avi Sebastiani frater, grandis jam natu & affecta valetudine successisset, eo mortuo caducam regni possessionem multis ad se trahentibus, Philippus

lippus II. Hispaniæ Rex adiit a. 1580. & desit inter vivos esse an. 1598. Philippus verò III. deprehensâ conspiratione Maurorum, qui dicebantur novi Christiani, novies centena millia pepulit anno 1610. Tandem dum hæc scribo ab imperio Philippi IV. subduxere sese Regnum Portugalliæ an. 1646. & Catalonia anno eodem.

a Vide Pancir. c. 67. & Marianam.

### C A P. III.

*Vasconum antiqua sedes: Libertatis retinendæ pertinax studium;  
Lingua.*

VASCONIÆ antiquæ termini, olim longè amplissimi fuere. Nam trans Iberum continebantur Calagurrim & Graccurim propè Alfarum: Jaccetanos & Iltergetes, ubi nunc Jacca & Lerida, ipsumque Comitatum Aragoniæ, & ad Oceanum Idasunam, seu Easonem. Hi Vascones Hannibalem expugnatâ Sagunto sequuti sunt. Postea Carthaginensibus Imperio Hispaniæ inhiantibus, se cum Romanis junxerunt, donec Gothis has partes invadentibus, dimissâ regione planâ in montes se receperunt, ex quibus in proximas Vardulorum, Autrigonum, & Aquitanorum Montanas & Campetres regiones, se ad Garumnâ usque effuderunt circa annum à nato Jesu 590. Sarracenos postea non modò sustinuerunt, sed continuis etiam præliis ita fregerunt, ut cum Cantabris, Asturibus & Le-



gionensibus, liberatæ Hispaniæ authores dici possint.

Tantus in hac gente fuit semper libertatis amor, tantumque robur, ut Romanis, Carthaginiensibus, Gothis, Saracenis & Francis ipsis imminentibus, semper resisterint, nullumque Regem unquam sibi adsciverint, qui ab invitis populis jus haberet quidquam exigendi. Imò quando Rici, hoc est, Barones & divites fidem suis Regibus (qui postea Pompelonenses & Navarrae dicti sunt) obstringebant suam, eodem tempore cavebant etiam, ut si Rex beneficia ipsis concessa revocaret absque illorum fraude, exinde sibi à Regis fide liceret discedere, & eam alteri Principi addicere.

Ante Romanorum tempora existimant viri docti, Vascones imò omnes Hispanos, eâ usos esse linguâ, quam dicimus Vascam, quâ nunc utuntur cis Pyrenæum maxima pars Navarrae, Ipuscua, Alava, atque Biscaya: trans Pyrenæum verò in Vaccitania Lapurdum, inferior Navarra & Sola, seu Subola, in qua urbs Mauleo ad Susonem fl. Licet dialecto nonnihil differant, cæteris purior & gratior videtur, quâ loquuntur Vaccitani, utpote quæ stridoris planè nihil habeat. a *Strabo & Ptol.*

#### C A P. IV.

##### *Navarri.*

**P**ost cladem, quam Hispaniæ Mauri intulerunt, plures extitere principatus initio minuti, conse-

ti,consequenti tamen tempore libertatis patriæ-  
que vindices , & affectæ Reipublicæ Christianæ  
instauratores amplissimi. In his, finitimi Vasco-  
nes Galli extitêre primi , qui circa annum 827.  
duce Eneco Arista Vicecomite Baigorriæ (pagus  
est inferioris Navarræ , decem tantum leucis  
Pompelone distans ) Pyrenes claustra occupa-  
runt , & eiectione inde Mauris regnum constitue-  
runt , quod Vasconum multi appellarunt, alii re-  
gnum Suprabis, vel Pompelonæ à devictis urbi-  
bus, alii denique Navarræ à Navis, id est, agris, in  
quorum circuitu sunt dumeta , vel à vernacula  
voce *Navarr*, adjecto articulo à, quod significat  
incolam planæ regionis. Enecho successit Ximi-  
nus, & huic Garfias, cujus uxor Urracha interfe-  
cti à Saracenis mortem ultura , cum fortiter in  
bello, licet gravida , dimicans vulnus in utero ac-  
cepisset : moriens per ipsummet vulnus , Sanctiũ  
regni hæredem enixa est, qui ex integro Pyrene &  
Aragonia Saracenos expulit , filiumque reliquit  
Garfiam 2. dictum Tremulum , quod initio bel-  
li, manum conferturus tremaret, & si postea con-  
stantissimè pugnaret. Extinctâ prole masculâ E-  
neci in Sanctio Rege XI. successerunt postea tres  
Campaniæ Comites : His Galliæ Reges IV. E-  
broicensis postea Comites tres, & Fuxi Lebre-  
tini Comites 4. quorum tandem omnium hæres,  
extitit Antonius Borbonius , & post eum Henri-  
cuts IV. Galliæ Rex & Navarræ. Quomodo ve-  
rò ad Hispanum devenerit, accipe hæc ex Maria-  
na l. 30. cap. 11. & 12. & ex Thuano l. 1. Ferdi-  
nandus suspectam habens Galliæ Regis poten-  
tiam,

tiam, Henricum VIII. generum suum Angliæ Regem sollicitat, ut bellum Ludovico Gallo inferat: Ipse prætexebat Pontificis auctoritatem quâ fieri dicitabat, ut quos ipse hostes haberet eos bello persequi teneretur. Itaque conjunctis cum genero viribus in Aquitaniam, in qua sibi jus Anglus vindicat, impetum facere decrevit: & quia ad eam expeditionem opus habebat per Navarræ regnum iter cum exercitu facere, missis oratoribus à Joanne Lebrethino petiit, ut sibi per illius regnum transire diceret: quod cum ab illo propter amicitiam, qua ipsi cum Gallo intercedebat, non impetraret, inde occasionem arripuit invadendi Navarræ regni: quod & præstitit misso Albano Duce, reclamantibus quantumvis Anglis, qui sine Regis Angli mandatis bellum inferre Vasconi nefas putabant, & ferebant ægerimè occasionem prætervolare Bajonam occupandi, tunc nudam præsidio. Sic Ferdinandus Castellæ Regno Navarram univit anno 1514.

Ante Sanctii ultimi tempora, solâ Crucis figurâ, cum tribus Græcis literis X. P. S. quibus Christi nomen solet scribi, omnes tabulas obsignare moris fuit, additis interdum *Alpha* & *Omega*, quæ ipsum rerum omnium initium & finem esse significabant. A Sanctio autem anno à nato Jesu 1212 occasione insignis Victoriæ de Mauris in eo loco, qui Navas de Tolosa nuncupatur, reportatæ, in quo interfecit 200000. Mauros, ipseque eorum Rex Smaragdus Miramolinus: & quod de Manubiis Smaragdus insignis pulchritudinis ad Sanctium pervenisset, in locum  
anti-

antiquæ tesserae, substituit Coccineâ areâ, in eaq; carbunculum aureû (Smaragdum vult *b* Muretus) bullatum, lineis ortogoniis clausum. Fines regnum habuit ab ostu Pyrenæos montes, ab occasu Iberum amnem, & ex parte Turiasonensem agrum, à meridie veterem Comitatum Aragoniæ, à Septentrione Alavæ & Ipuseuæ ditiones. Dividitur in 5. præfecturas, quas Majorinatus, seu Merindades vocant, Pompelonensem, quæ 80725. familias: Stellensem, quæ 60245. Tutelanam, quæ 40852. Sangossanam 60001. atque Olitonam, quæ 30969. ambitu suo colligunt: Ipsis nomen à primariis oppidis, de quibus agemus in Ibero fl. proventus annuus putatur tantum centum millium Ducatorum, quod in legibus condendis aut mutandis ex solæ firmæ & ratæ sint, quæ à principe, authore populo feruntur, iuraque & immunitates populi illæsa se servaturum juret, antequam Regni gubernacula suscipiat.

a In Orat. ad Summ. Pontif.

## CAP. V.

*Ipuscoa olim dicta Vardulia.*

Ipuscoa, Hispanis Guipuscoa, separatur à Lapurdensibus & Aquitanis amne Vidassone, vern. *le Vidosse*, quem majores vocabant *Ondarr-Ibaya*, hoc est, flumen postremum, quod Hispaniæ versus Galliam sit ultimum. Patet secundum mare ad fl. *Devam*, per minuta circiter 18. incolæ impetrarunt olim, ut solis Navarræ Regibus sub-

iacerent, nec ipsisliceret Ipuscoæ dominio se ab-  
 dicare, iidem tamen gravati vectigalibus sæculo  
 14. Castellæ Regi submiserunt se. Tantum fer-  
 ri calybisque hic effoditur, ut singulis annis 80.  
 millia ducatorum inde quæstus fiat. Dividitur  
 in tres pagos, vernac. *Certanes*, quibus nomen à  
 tribus fluviiis, *Urola*, *Oria* & *Deva*, *Vidassus* *Pro-*  
*lemæo* *Menlascus*, *Melæ* *Magrada*, oritur è *Na-*  
*varræ* montibus, & per *Vastanensem* agrum mer-  
 gitur mari, infra *Fontarrabiam* oppidum muni-  
 tum, *Straboni* dictum *Oidassuna*, & à fluvio, à  
 quo alluitur *Ondarrabia*. In finibus Regnorum  
 & extremâ crepidine *Pyrenæi* montis. *Alphonfus*  
*Castellæ* Rex, qui illud cum universa *Ipuscoa* &  
*Alava*, *Sanctio* ultimo *Navarræ* Regi eripuit, op-  
 pidanis concessit eadem privilegia, quæ *S. Seba-*  
*stiani* oppido fuerant concessa, & territorii mo-  
 dum præscripsit. Sinum, qui est inter *Hendaye*,  
 ultimum *Galliæ* vicum, & *Fontarrabiam* *Hispa-*  
*niæ* limitem, eodem tempore 6. Novembris an-  
 no 1615. Infantes *Galliæ* & *Hispaniæ* transmisê-  
 re, futuræ potentissimorum Regnorum *Reginæ*,  
 sicut & olim *Franciscus* 1. & ejus liberi. Duabus  
 hic leucis distat pagus *Oiufa*, vestigium antiqui  
*Oiafonis* seu *Olarfonis*. Portus celebres sunt *Pas-*  
*sagium* *Passage*, ad quem *Rio de Leco*, secatis  
*Oiarcunensium* campis in Oceanum se effundit.  
 Et *S. Sebastianus*, olim *Ucurus*, ad amnem *Gur-*  
*vineam*, qui per agrum *Hernaviensem* abit in  
 mare. Habes postea *Orium* vicum, juxta quem  
 Oceano immergitur amnis *Oria*, cujus origo ad  
 radices altissimi montis *S. Adriani*, qui *Ipuscoâ*  
 sepa-



separat ab Alava, estque humana opera pertusus, quâ spectat Galliam, ad commeantium ultrò citroque commoditates. Postea devolvitur per Alegriam, donec occurrat Axari fl. ad Tolosam Alphonsi X. & Sanctii IV. opus, caput urbium hujus tractus, ubi domicilium Præfecti, quî ab Hispanis Corregidor dicitur. Hinc Urola Rio, quî ex montibus Navarræ descendens, oppida rigat Ascotiam & Aspetiam, & inter utrumque Casam Loyoleam, in his partibus longè celeberrimam, cum propter muros, redditus annuos, prospectum gratissimum, tum præcipuè propter sacellum S. Ignatii, in eo ipso erectum cubiculo, in quo ipsi apparuit S. Petrus, dum æger decumbens lectioni vitæ Sanctorum dabat operam.

Occurrit postea Regius portus Gaturia, ubi Hispanorum classis incensa à Francis anno 1638. mox ostium Devæ, cujus origo in vico, cui nomen à proximis Salinis Gaza, valles rigat Leinzii. Elquetæ, Vergaræ & Placentiam urbem nominatam, propter fabricam armorû omnis generis. Augetur rivis tribus, quorum unum excipit è valle Aramayona, alterum ex Onnate, oppido Comitum Guevaræ, tertium è finibus Biscayæ, & per Elgoyarii & Mandari terras, non procul à cognomine sibi urbe Devâ, abit in Oceanum in Vardulis, ut habet Mela, vel in Caristis, ut vult Ptolemæus.

## CAP. VI.

*Biscaya propriè dicta.*

**N**Omen obtinuit à situ terræ aspero: extendebatur olim ad aquam Castre, quæ terram Regis Navarrae dividebat ab agro Castellano. Nunc undecim tantum leucas patet in longum, inter amnes Devam & Galharragam, totidemque in latum. Dividitur in urbes, paræcias, & incartationes, quibus agri in Emphiteusim concessi. Vino caret & tritico, potionem supplet pomorum copia, panem conficiunt ex milio, abundat ferro, & arboribus, quæ navibus ædificandis aptæ sunt. Biscaini omnes nascuntur nobiles, eorumque jura cosequuntur. Urbes præcipuæ sunt Lequeytio, ubi statio navigiis idonea. Vermeio olim Flaviobriga seu Amanum portus, quæ in publicis conventibus prima jus dicit. Portugalete ad ostium amnis Nervæ, vern. *Iboicabal*, hoc est, latus fluvius. Distat ab ea leucis duabus Bilbao, condita anno 1300. à Didaco Harenfi Biscayæ Comite, accedente æstu ad ejus muros appellant naves magnæ molis, quibus innumera ab exteris accepta per montes in Castellum deferuntur, & quotannis minimum 50. naves lanâ onustæ in externos emittuntur. In Nervâ labitur amnis, qui urbem rigat Durango, quæ 1500. cives numerat. Biscayæ verò camera & Judices primarii sunt in civitate Ordunia. Variis olim Principibus subjectam Biscayâ tradunt annales, Regibus scil. Legionensib⁹ & Navarrae. Familiæ postea de Haro,

Harò, quorum ultimo in obsidione Argezilæ, vitæ functo, Biscaya Joanni Castellæ Regi obvenit, tandemque Hispaniæ Regibus, qui non prius ex eo percipiunt redditus, quam huc se contulerunt, & eam sint ingressi altero pede nudî.

## CAP. VII.

*Cantabria vetus, Mare Callaicum, &  
Cantabricum.*

**P**Lerique Cantabriam cum Viscia confundunt. Imò Sandovalius & Lucas Tudenfis, qui florebat anno 1230. ait fuisse populos Regi Pompelsonensi subditos, qui suo tempore Navarri dicebantur. Tamen Arnaldus Ohihenartus in notitia Vasconiæ, qui hæc diligentius excussit ex veterum monumentis, ait eam propriè regionem fuisse, quæ à meridie per 50. minuta in Septentrionem excurrit, à Villafranca montium de Oca dicta, sita in lat. gr. 42 min. 50. trans Iberi dextram ripam, ad portum Laredo in Oceani Cantabrigi litore positum in lat. 43. 40. ab ortu verò in occasum secundum mare per minuta 180. ab eodem oppido Laredo, ad æstuarium Euarca & montes contiguos, planamque etiam regionem obtinuisse, quæ montibus Ovetanis subiecta est.

Existimat verò Florianus lib. 4. cap. 3. Cantabriam urbem caput gentis in ora Iberi amnis non procul à Lucronio sitam, & id etiamnum retinere nomē asserit vicum in edito colle sitū, ubi cōdita erat. Narrat verò incolas magno labore devictos  
ab Au-

ab Augusto Cæsare, etiam crucib<sup>9</sup> affixos Pëan cecinisse, quasi nihil ille juris in eorum haberet libertatem: unde & Cæsar Augustus, cum eos post decennale bellum vicisset, de montanis locis campestres transtulit, ut ex Dione & Floro liquet, Simile verò traductos in Beronum & Thurmodigorum convalles proximas, & hinc in ultimas desinentis Vasconiaë oras maritimas descendisse, indeque nomen Cantabrici huic communicatum mari, quod ea litora perluit, cum prius Callaicum diceretur à Callaicis populis, qui totum trans Durium tractum versus Septentrionem, imò etiam Asturias & Cantabriam obtinebant, ut constat ex Strabone l. 3. & Orosio. In hoc mari è regione Asturiarum audiuntur voces Modulatæ Tritonum & Sirenularum, quando venere concitantur.

## C A P. VIII.

### *Astures & Regnum Legionense.*

Qui prius Cantabri, postea Astures dicti sunt à fl. Astuara, qui oppidum rigat Oviedo. Extenduntur secundum litus à Santandero oppido ad Rivadium. Divisa jam olim regio est in Transmontanam & Augustanam per montem Vindium. Transmontana in Asturiam de Santillana, in qua portus *Laredo*, quarumvis navium patiens. Santanderum *S. Andero* antiquis portus *S. Emederi*. Santillana urbs, à qua nomen regionis inditum: Et Asturiam de Oviedo, sic dictam ab urbe fundata anno 751. à Friola Duce, eo loco ubi

ubi quondam fuerat Lancia ab Augusto capta,  
ad amnem Asturam, vern. *Rio Astario*, qui misce-  
tur mari ad villam viciosam: Fuit autem Oviedo  
urbis Regia & Episcopalis, tempore belli Mauri-  
ci. In Asturia de Oviedo sunt oppida Gijon, ad  
quod bella à Legatis Augusti gesta sunt, Avila &  
Luarca port<sup>9</sup> hujus oræ optimi: & post sex leu-  
cas à Luarca fluvius Salia, vern. *Rio de Sella*, Mel-  
sus Strabonis in confinio Asturiæ & Galliciæ op-  
pida interluit Castropolii & Ribadæi, moxque  
abit in mare.

Augustani Regnum Legionense constituunt.  
Montana regio sylvis horret Minii, Chrisocollæ  
& auri fœcunda. Incolæ bellaces & libertatis  
tenaces. Hinc Asturcones equi, quorum lauda-  
tur non vulgaris in cursu gradus & mollis alter-  
no crurum explicatu glomeratio. Ab anno 1388.  
Asturum Princeps, Major Castellæ Regis filius  
vocari cœpit. Asturiæ secundum superos de-  
bet Hispania & Religionem & nobilitatem. Il-  
luc enim post illatam Hispaniæ à Mauris cladem,  
nobilitas & clerus profugerunt circa annum 722.  
Illuc Pelagius ex regio Gothorum sanguine à  
Christianorum reliquiis, qui in montes confuge-  
rant, Rex salutatus, magnâ Maurorum editâ strâ-  
ge, hosti Legionem eripuit, ibique sedem sui  
Principatus fixit. Ibidem missis Regum Go-  
thorum insignibus, Leonem sumpsit rubrum in  
albo campo ferocientem, à quo nomen Regno  
inditum. Urbes præcipuè sunt Legio & Astor-  
ga. Legionem condiderunt sub Nerva Imperato-  
re milites septimæ Legionis, deletâ Sublauciâ  
jussu



Iussu Nervæ, quæ in colle sita erat. Octavo autem ab eo colle milliari, urbs ædificata est, & ornata postea Episcopali sede, quæ proximè Romanæ sedi subiecta superiorem aliam non agnovit. Summum templum, neque Tolerantæ neque Hispalensi divitiis vel ornamentis cedit. In ejus Sacrario 30, Reges Hispaniæ & unus Imperator sepulti. Variis porro in locis adhuc apparent reliquæ viæ militaris quondam celeberrimæ, quam à Mediolano per Narbonensem Legionem septimam geminam quadratis faxis penè insana profusione duxerant Romani per mill. Ital. 1230. totidem distincta lapidibus, octavo quoque stadio, Astorga, Ptolemæo, Aurica. Augusta parvum oppidum naturâ loci munitum, caput olim Asturum ad amnem Tortos. Urbi vicinus est lacus Sanabriæ unam leucam longus, vix dimidiam latus, qui instar exigui maris in die æstuat, piscosus admodum. Comes Beneventanus in medio lacus magnificas habet ædes subter urbem conditas.

---

## C A P. IX.

### *Gallicia.*

Fuerunt Romanorum ævo Provinciæ hujus fines amplissimi à Flaviobriga ad Artabrum promontorium, indeque ad Durii ostium & fontes. Strabo incolas vocat Gallæcios, Eutropius Gallicios, à Gallis, sive à *Gala*, quod aliis Hispanis essent candidiores, ut habet Isidorus, Ptolemæus Callaicos, à quibus etiam Callaitum Oceanum dixit

Ixit Martialis, & à Braccara urbe Braccarii Cal-  
 laici, qui inter Minium & Durū habitabant, Lu-  
 censes à Lucō Augusti denominati: propè Atta-  
 brum eorum, devicti sunt à Junio Brato, qui pro-  
 pterea Callaicus dictus est Mirum quantum gens  
 tunc auguriis dedita, scēminæ rebus domesticis,  
 viri rapinis & bellis: Hodie incipit ab oppido Ri-  
 badeo, & tota concluditur mari & Minio amne.  
 Eam extendunt aliqui ad rivum Limas. Saxosa  
 est regio & montibus aspera, auri & plurimi olim  
 feracissima. Nunc in ea laudantur marmora, ther-  
 mæ, vina longè optima, pecora, pisces & portus,  
 circiter 40. inter quos primas tenent in boreali  
 plaga Ferrol & Coruna. In occidua verò Ponteve-  
 dra & Bajona. Præcipua hujus oræ promontoria  
 sunt *Ortegal* & *Finis terræ*. *Ortegal* antiquis Tri-  
 leucum promontorium est totius Hispaniæ ver-  
 sum boream maximè prominens, pone quod ca-  
 stellum vifitur, ubi cōmodè jaeitur anchora. *Ca-  
bo Fin terre*, Artabrum est seu Celticum promō-  
 torium Plinii, Nerium Ptolemæi, Jerne Strabo-  
 nis, à quo ad ostiū Tagi triginta populos nume-  
 rat Plinius. Terminum hūc statuant aliqui Ocea-  
 ni Gallici & Atlantici. Inter prædicta duo acro-  
 teria celeberrimi sunt portus Feroles & la Coru-  
 na. In utroq; aqua minimum alta 6. orgiis. Co-  
 runā vocat Ptolemæus Flaviam Brigantium. Vo-  
 lunt aliqui ab Hercule turrim extructam, specu-  
 lumque repositum, in quo naves maximè diffi-  
 cas cominus intueri licebat. Num Telescopium  
 fuit nostris simile: Num specula in turri altissi-  
 matam

ma tanquam columna altera, quam in eo capit non secus ac Gadibus statuiffe Herculem volun alii. Urbs hodie duplex, superior in clivo; inferior in peninsula, portus capax magnæ cujusvis classis. Civitates in his partibus Monsia, vern *Mongia*, unde vina laudatissima. Maris æstus in saxis cruces passim efformat: ibidemq; in portu visitur navis è saxo tota cum malo velis & antennis. Omnium præcipua est Compostella, non tam antiquitate, quam D. Jacobi Hispaniæ Tutelaris capite insignis, quod anno 798. detectum est, ab Theodomiro Episcopo Iriæ Flavie oppidi; Romanorum ævo, in hoc tractu celebrimi. Nierembergius notat ad Jacobi sepulchrū audiri armorum strepitus, quoties imminet clades aliqua Hispanorum exercitui. Molina verò in descriptione Gall. vult saxum, in quo primū repositum S. Jacobi corpus, ad instar sepulchri excavatum. Aliæ urbes alicujus nominis sunt ad amnem, cui nomen à minii venis, quibus interdum inficitur, qui ortus è Vidunis Asturiæ jugis in lat. 43. 18. Lucum, seu turrim Augusti Lugo in lat. 43. urbem Episcopalem rigat. Hinc adit, *Orense*, 42. 40. antiquis Aquas Celinas oppidum, cujus pars una semper vernat propter crebros ferventis aquæ latices, altera hyemem patitur satis acrem. Templum ornatur signo Christi Crucifixi mirâ arte vetustatis pietate & crebris miraculis claro. Inde transit inter oppida Tude Thuy, à quo Lucas, rerum Hispanicarum scriptor, dictus Tudenfis, & Valentiam Edetanorum Valence, misceturque mari inter municipia Guardia & Cami-

Camina in lat. 41. 55. jacitur anchora ad orgias  
9. in aditu tamen non sunt plures duabus vel  
tribus.

## CAP. X.

*Regnum Portugallia.*

**H**Æc Europæa Mesopotamia, quam Celtæ  
& Lusitani inhabitaverunt. Celtas Gallos con-  
stituit Marinæus juxta Durium, ubi Urbem Por-  
to, 40. 35. (quæ apud Antoninum Portus Cala &  
Calem appellatur) condiderunt, à qua dicta Re-  
gio Portugallia. Lusitani ripas incoluerunt A-  
næ fluvii, quem Martianus Capella vocat Lusita-  
num, à quo Lusitaniæ nomen potius quàm à Lu-  
so, vel Lysa Bacchi præfecto. Hanc postea occu-  
parunt Romani, sub quibus Turduli, Celtæ &  
Vettones in tres conventus Juridicos divisi. Ro-  
manos expulerunt Alani, hos Sueci, ibidemque  
regnarunt Gothi, Saraceni, tandemque Reges A-  
sturiarum & Legionis ad Alphonsum VI. qui an-  
no 1094. Tharesiam filiam suam dedit uxorem  
Henrico Comiti, tertio filiorum Ducis Burgun-  
diæ, abnepoti Hugonis Capeti Regis Galliæ, &  
ob præclara, quæ in Mauricio bello patrarat faci-  
nora, dotis nomine concessit quidquid in Portu-  
gallia & Gallicia Mauris eripuerat. Ex eo matri-  
monio natus Adelphonsus, Olisiponā à Saracenis  
recepit, fugatis quinque Regibus uno prælio, pro  
qua re, titulo Regio auctus anno 1139. quinque  
scuta uno insigni comprehensa posteris regni  
decus reliquit, & se suumque regnum sic commi-  
sit tutelæ B. Mariæ de Clarevalle in Lingonibus,  
ut vo-

ut voluerit quotannis regnum Portugalliae nomine feudi & vassalatii 50. Morabitanos auri probati eidem Monasterio appendere. Ejus posterum defecissent in Rege Sebastiano, cæso in Africa anno 1578. ætatis 24. ipsi Henricus Cardinalis, aut illius frater, grandi jam natu, affectaque valetudine succēssit: & eo mortuo caducam Regni possessionem, multis ad se trahentibus, Philippus II. Hispaniæ Rex adiit anno 1580. ejusque posterum retinuerunt ad diem 15. Decembris anni 1640. quo Joannes Dux Bragantiæ Princeps gentilis coronam Regni admisit.

In finibus assignandis non conveniunt, Strabo, Ptolemæus, Plinius. Hi constantiores, Minius, Oceanus, & Anas ab ostio suo ad civitatem Eluas, inter gradus latitudinis borealis 37. & 42. Urbes in eo regno 18. oppida 800. pagi 15000. Archiepiscopi 3. Episcopi 10. flumina 52. unde Regio est tam eximie fertilis quibusdam in locis ut in unica Eboræ civitatis Parrœchia quadraginta quinque millia modiorum tritici pro decimis aliquando colligantur uno anno. Dictum pridem à Strabone Equas ad Tagi ostium vento concipere, id verò nostro sæculo comprobatum experientia refert Eduardus Nun. in descript. Portugal. c. 29. Indubitatum, hanc regionem equos sufficere velocissimos. Hinc evehuntur in exterarum nationes multæ naves onustæ vino præstantissimo, oleo longe optimo, amygdalis, prunis, ficibus, uvis passis, sale & cera. Auctor libertatis Portugalliae affirmat solos Archiepiscopos & Episcopos habere quotannis circiter quater centum mille.



mille aureos. Quam frequentes sint incolæ, collige, Primum ex eo quod Angelus Pacensis in vita S. Mancii Martyris dicat quo tempore jussu Augusti descriptus orbis, in sola Lusitania numeratos quinque milliones sexaginta & octo millia patrum familias. Deinde quod singulis annis ex Lusitania exeant in regiones ultra mare sitas, hominum millia circiter sex, quorum vix tertia pars credit. 3. quod acciderit sæpius, ut mulieres uno partu ediderint 7. 9. immò 14. liberos. Certèestate anno 1643. sexaginta Lusitanorum milia emisit Rex Joannes adversus Castellanos. Dividitur in Provincias 6. quarum 1. vocatur Interamnis, 2. Transmontana, 3. Beira, 4. Extremadura, 5. Alteio, seu Transtagana, 6. Algarbia, & singulæ in plures districtus quos vocant Commarcas. 1. Interamnis dicta quod inter fluvios Minium & Durium sita sit, patet per m. 60. Valentia urbe sita in lat. 42. in ripa minii ad urbem Episcopalem Porto 41. 6. ad Durium. Ejus præcipua urbs Braga ad amnem Alestes, dicta Tolemæo Braccara Augusta, *Bragues* 41. 37. ubi juridicus conventus à quo civitates 24. jura petebant. Putatur condita à Gallis Braccatis: Regum Suevorum & Gothorum sedes aliquandiu fuit; nunc claret Episcopatu qui de primatu Hispaniæ certat cum Toletana sede, ab ea minutis 2. remouetur Viana op. situm in lat. 41. 42. ad fl. Lima quem majores dixerunt Letanum, quemque fingeant Elysios campos irrigare. Cum verò interamnis nusquam sit latior fluvius 12. nonnunquam verò habeat tantum octo ipsi

ipsi ad ortū adjacet ea pars, quam vocant Trans-  
 montanam, quæ patet à fl. Tamaga (quod Du-  
 rium influit leucâ tertiâ infra Lamego) ad u-  
 bem Episcopalem M. rande. In ea regione ad ri-  
 vum Sabor est Braganca, caput Ducatûs opulen-  
 ti, cujus Dux nunc Rex Lusitaniæ. 3. ipsis dicitur  
 Beira, quæ patet ab Aveiro ad Tourones, & a  
 Coymbra ad Guardam. Duabus verò leucis su-  
 pra Anciro ager est Cadina, quem Plinius vocat  
 Catinensem, in quo fons, quicquid admotum  
 fuerit, absorbet. Et verò Henricus Cardinali-  
 id voluit experiri truncis arborum & jumento,  
 quod fonti admotum pede paulatim absorberet  
 coëptum, ægrè tandem à famulis retractum est.  
 4. Estrema-dura, quæ inter Mundam fl. & Tagi  
 fl. In ea duæ sunt urbes Episcopales, Leira & O-  
 lyssipo 39. ad Tagum, Felicitas Julia, Romano-  
 rum municipium, regni Metropolis, septem mil-  
 libus superstructa, in qua numerati cives 110800.  
 Vicus à Belém ad S. Bento longus duas leucas  
 continuis ædibus, portus longè celeberrimus, ex  
 quo naves in Orientalem plagam quotannis  
 emittuntur. In unam autem Caraquã cum suis  
 armamentis & nautarum stipendio mercibus ex-  
 ceptis (antequam è portu solvat) impenduntur  
 1275000. Ducat. 5. Alreio dicta, id est, Transsta-  
 gana, respectu urbis Olyssiponen-sis; patet à pago  
 maritimo Cizimbre, ad civitatem Eluas, olei bo-  
 nitate celebre. Ejus Metropolis Ebora, urbs Ar-  
 chiepiscopatu & Academiâ illustris, à Q. Serto-  
 rio habitâ & culta, dicta postea Liberalitas Julia,  
 quando ei datum est Jus Veteris Latii: sita est in  
 lat. 38.

lat. 38. 30. ad fontem fl. Callipodis in amœna & feraci planitie, montibus cincta. Sed tantæ felicitati amnis deest. Portus præcipuus Serubal, antiquis Cetobriga, ad ostium fluvii Callipodis, qui hodie Jadam dicitur: ager tritici, & vini feracissimus, & ex cujus Sale Rex Lusitaniæ plura colligit vestigalia, quàm Rex Hispaniæ ex toto regno Aragoniæ. Sextam vocarunt Arabes Algharbe, quod eorum linguâ Occidentem sonat, cum prius Turdetania diceretur. Extenditur à castro Odexera ad arcem Alcutimam Alcotim. & à capite S. Vincentii ad castrum marinum, ad ostia Anæ situm, longa leucas 27. lata 8. Alphonsus sapiens Rex Legionensis hanc ditionem Comitatus titulo insignem dotis nomine Alphonsi III. Regi Lusitaniæ dedit, quando filiam suam ei collocavit in uxorem, ex quo matrimonio est ortus Dionysius, qui primus Lusitaniæ & Algarviorum Rex dictus est. In hoc regno therme sunt toti<sup>9</sup> Hispaniæ celeberrime, litus omne portuosum & piscibus abundans. Ad caput Europæ, seu sacrum promontorium (quod nunc dicimus caput S. Vincentii, quò metu Maurorum ex Valentia delatū est corpus S. Levite & Martyris) Hêicus Princeps Portugalliæ & Algarviæ summus Astronomus, filius Joannis primi, ob aëris puritatem sydera observavit, & cœlesti motu confirmatus, binas dimisit naves, quæ ad caput Bojator è regione magnæ Canariæ pervenerunt anno 1410. Iterumque tres alias anno 1420. quarum una Maderam insulam reppererunt, tertia ad Serium Lionam vix gradus 8. distantem ab æqua-

tore penetravit. Urbes in Australi plaga 4. Laco-  
briga, seu portus Hannibalis, nunc Lagos, oppi-  
dum antiquum, nec infrequens nobili pharo à  
Joanne III. Lusitaniæ Rege ornatum. Ossonoba,  
nunc Sylvis, Faraon urbs Episcopalis, à Pharo  
antiquâ nomen trahens: ejus portum claudit  
insula, quæ à figura dicitur Cuneus S. Mariæ,  
& Tavila Metropolis regionis: sita ad mare in  
lat. 37.

---

C A P. XI.

*Durius & Castilia vetus.*

**D**Urius, Doris, seu Dorias, oritur in Pelendo-  
nibus ex monte Idubeda. Fluit per Are-  
nacos & Vaccæos, & determinabat olim Vet-  
tones ab Asturia, & Gallæcos à Lusitania, nunc  
mutatis appellationibus per mediam fluit Ca-  
stellam Veterem, Et Lusitaniæ Provincias  
Transmontanam & Interamnem, quas rigat. Ur-  
bes alluit Numantiam 42. Osmam, Arandam,  
Camoram, Mirandam, omnes in eadem penè la-  
titudine, scilicet 41. 40. Lamegum 41. 10. & Por-  
tū Fluvios excipit præcipuos Pizupa, Zapardiel,  
Fornis, Aquada. Navigatur adverso amne per 10.  
mille passus usque ad catarractam S. Joannis ad  
piscariam, ubi ingens, Lampetrarum rupi sub ca-  
dente in arcum aqua oribus adherentium, captu-  
ra est. Evolvitur in Oceanum 12. min. infra urbem  
Portuensem 41. 6. in ostio, aqua medio æstu  
tres orgias alta est. Fines Castellæ veteris sunt  
Idubeda mons, amnes Pisforica, Durius, Aquada  
& mon-

montes Toletani. Ager fertilis frugum, vini  
 merosi ferax, bonus pecori, non ita fecundus  
 ei, homines magnoque ingenio, salubri cor-  
 pore, venusta facie, patientes laborum, Vae-  
 ros dixerunt Romani, apud quos agricolam  
 fuisse fuit capitale. Nos veteres Castellanos di-  
 nus, quod Castellum aureum in rubro scuto  
 beant pro insignibus, vel potius à Castello ve-  
 e quod Pelagius Rex Legionensis circa annū  
 o. excitavit in iis partibus, ut Maurorum im-  
 us sisteret. Hujus praefecti, Castellæ Comi-  
 initio dicti, deinde consequenti tempore Re-  
 indulgentia, vel imbecillitate, honos ille  
 pit ipsis esse proprius: demum ad posteros  
 reditatis jure propagatus ad an. à partu Vir-  
 is 965. quo Rex Legionensis ære alieno pres-  
 , cum Ferdinando Comiti quam debebat pe-  
 niam solvere non posset, permisit ut debiti  
 pensatione Castellam sui juris haberet. Post  
 quot deinde annos Castellæ principatu, ad  
 ctium Regem Navarrae devoluto, Ferdinan-  
 s Sanctii secundo-genitus Comitis Castellæ  
 ellationem in Regis nomen mutavit circa  
 1034. Pizurga amnis ex Austriae jugis fer-  
 in Austrum, & auctus rivis qui urbes rigant  
 gos in lat. 42. 28. Palantiam, & Lermam,  
 nsit in Durium min. 8. infra Vallisoletum.  
 gos ex multis Burgis in civitatem coaluit,  
 ando Didacus Porcellus Castellæ Comes cir-  
 an. 846. ibi sedem fixit; celebrior deinde fa-  
 circa an. 1097. Episcopatu qui erat Aucæ  
 c translato. Ejus praesul de primatu Castel-



læ certat cum Toletano: concinnis ædibus orna-  
 ta est, maximè Palatio Comitis stabuli. Incolas  
 habet mercaturæ studiosos. In Abbatia de *la*  
*Huelgas* 150. numerantur Moniales, Equitum, vel  
 Principum filia. Præest autem Abbatissa 14. mi-  
 noribus oppidis. Crucifixus ille Burgensis tota  
 Hispaniâ celebris, à Nicodemo, ut creditur, fa-  
 ctus, in Augustinianorum templo colitur. Ler-  
 ma municipium celebre, caput famosi Ducatus  
 situm in agro, qui perdicibus solito majoribu  
 abundat. Palencia, olim Palantia, oppidum Pli-  
 nio & antiquis notum, cujus Episcopatus inte-  
 ditissimos Hispaniæ numerantur. Valladolid  
 Vallisoletum 41. 50. olim Pintia, oppidum ædi-  
 ficiis ornatissimum, propter viros principes ibi  
 dem habitantes, antequam Madritium sedes re-  
 gia transferretur: omnium scientiarum Lyceum  
 habet nobilissimum. Ejus cancellaria una est e-  
 4. totius Hispaniæ. Undecies mille domos nu-  
 merat. Circa Durium & influentes in eum loca  
 habes plurima Castellæ veteris notatu dignissi-  
 ma. Non longè à fontibus Durii in agri Soritani  
 loco dicto *Garray*, in Pelendonibus monstrantur  
 vestigia urbis Numantiæ, quæ sine muro, turri-  
 bus, Scipionem Africanum & quadraginta mi-  
 liū exercitū per annos 14. sola sustinuit, cum tan-  
 tum in ea essent 4. milia armatorum, qui magnè  
 sæpè cladibus Romanos affecerunt. Viætæ au-  
 tem urbis nullus superfuit, qui in catenis duceretur:  
 Præda ut de pauperibus nulla: triumphum  
 tantum fuit de nomine. Osma Episcopali sede  
 de & Academiâ insigne oppidum 300. non am-  
 pli

plus caſarum, eo ſitum loco, ubi Uxania urbs,  
olim à Pompéio exciſa. Arauda vaſtum municipi-  
um Sentica poſtquam diu jacuit incolis vacua,  
ab Alſonſo Rege iterum ædificata, Zamoræ no-  
men habuit, propter cyanum lapidem (Turci-  
& Turqueſum alii vocant) qui Arabum linguâ  
Zamora eſt, in eoque agro reperitur plurimus.  
Epiſcopali ſede donata fuit anno 1119. Ad influ-  
es verò in lævam Durii, Caſtellæ habes oppi-  
dum Segoviam, Plinio Secubiam, in lat. 41. ad an-  
nem *Zabardiel* oppidum in editiore munitum  
loco, Epiſcopatu divite, omnium penè Regum  
Hiſpaniæ effigiebus, nec non Aquæ ductu (qui pu-  
tatur Trajani opus) ornatum, nullibi pannus te-  
ritur nobilior. Avila 40. 57. Ptolemæo; Albula  
Caſtitanorum oppidum trium millium focorum  
in media planicie ſitum, quàm montes fructibus  
& præſtanti vino nobiles ambiunt: ſecatur flu-  
vio *Algerbe*. Salamanca, Plutarcho Salmantica,  
urbs bellicâ virtute adverſus Hannibalem clara,  
& Academiâ toto orbe celebris, quam Pallentiâ  
transſtulit Ferdinandus III. circa annum 1240.  
Tormis fl. urbem alluit. Penna de Francia ſeu  
Marianæ rupes Franciæ, in quibus ſignum D. Vir-  
ginis, hominum concurſu & miraculis celebra-  
riſſimū à Simone Vele Pariſino, ibi repertum anno  
1434. *Cuidal* Rodrigo, oppidum Aquadæ amni  
proſtitutum à Ferdinando Rege Legionis condi-  
tum, eo loco, ubi quondam fuit Mirobriga,  
ut munimentum eſſet adverſus  
Portugallos.

## CAP. XII.

## Tagus.

**T**Agus caput habet in Sierra Molina in altissimis Orospedæ jugis (fonti nomen Albaracino frias) auctus amnibus Henares & Mançanares, qui Ascalam & Madritum alluunt, per Vetonos & Carpentanos, Toletum venit, indeque Talaverani oppidum dives vino, melle, pecore, quod olim Reginę in quotidianos sumptus obtinebant, priusquam Gomeso Archipræsuli Tolemano tribueretur. Sunt præterea in ejus ripa Puente de Larcebispo, pons Archiepiscopi terminus olim Castiliæ & Portugalliæ. Alcantara, Plinio dicta Norba Cæsariana, ubi Trajanus pontem excitavit longum pedes 670. latum 28. altum aqua tenus 200. constantem pilis sex concamerati operis. Hæc urbs ab Alphonso VIII. Mauris erepta & Calatranæ militibus data, ut inde in hostium fines irrumperent, & ab ea dicti milites d' *Alcantara*, cruce viridi insignes. Post septem octove minuta Tagus excipit aquas lupinas, cujus utramque ripam obumbrant proceræ populi, quæ malis navium inserviunt. Oritur ex montibus Catalatravæ, oppidum alluit exiguum, ubi D. Virgo ad Aquas Lupias. Ferunt annales sævientem tota Europa pestem circa annum salutis 600. à Gregorio Magno, Romæ indicta supplicatione sedatam esse, patrocicante Virgine Matre, ejusq; effigiem quam manu gestabat, ad D. Leandrum Hispalensem Præsulem, unâ cum Moralibus ab eodem

eodem Gregorio esse missam, Pœnisque postea-  
 que Hispanias vastantibus, eam à Sacerdote se-  
 pulchro marmoreo conditam esse, adjunctis liti-  
 ris in ejus rei gestæ memoriam. Hæc post 600.  
 annos revelata bubulco, innumeris deinceps ful-  
 sit miraculis. Nunc templum undique septum  
 anathemate. Inter multa donaria habes ferreum  
 globum majoris tormenti, quem Alphonsus Al-  
 buquercius Indiæ Prorex avorum memoria mi-  
 sit. Ille dum in obsidione Goana flumen subit,  
 suum comitem videt globo discerptum, Vir-  
 gini Guadalupinæ se committit, moxque alius  
 globus tormento à 40. passibus excussus ipsi  
 pectus percurrit, sed innoxie ad pedes delapsum:  
 bracteis postea incrustatum argenteis donum  
 misit Virgini, cum monili gemmis & adamanti-  
 bus ornato. Imago lignea est fusci coloris. Est  
 præterea in lava Tagi ripa *Canaveral* munici-  
 pium non infrequens, duæque urbes Episcopales  
 in montibus sitæ Placentia ab Alphonso Rege  
 Castellæ condita anno 1178. & Coria oppidulum  
 600. focorum in quo templum illustre. *Tomar*  
 olim Neobantia oppidum in lenga, sed angusta  
 planitie situm, quam rivus Nabanis alluit, & in  
 amnem Ozecarum labitur, cujus fons in monte  
 Stella. *Santaren* oppidum Portu-galliæ, di-  
 ctum olim Scalabis & præsidium Julum, po-  
 stea Sancta Irene à corpore ejusdem Sanctæ illuc  
 delato, & labente ævo *Santaren*. Situm est in-  
 edito colle, ager olei vinique fœcundus; tritici  
 vero sic ferax, ut alicubi sexagesimo die à ja-  
 ctâ semente segetes maturas possis demetere,

alibi verò quadragesimo die, & quidem mensurâ centuplicatâ. Almerinum pagus loco situs amœno, ubi Portugalliæ Reges Hyberno tempore consueverant degere. Infra Olyssiponam Tagus effunditur in Oceanum ostio 2030. passus lato, ubi portus efficit, qui maximæ molis navigia capiunt. Æstuarium quinque leucarum spatio, sex munitur arcibus; *Belen* earum firmissima, cujus in oppido Rex Emmanuel D. Virgini magnificentum posuit templum, cui Hieronymitanos præfecit, ut Nautas illuc commeantes pietate excolerent. Arces aliæ sunt S. Antonii, *Cabeça secca*, Arx S. Ægidii, in qua tormenta majora 70. præsidarii verò 400 *Cascale*, ubi onerariæ stant in anchoris ad 15. vel 20. orgias consistentes, sicut & ad caput lunæ, vulgò *Rocca de syntra*, in lat. 38. 54. ubi mons sacer Varronis, in quo aluntur equi ita veloces, ut commento probabili vulgatum sit apud exterarum nationes, veteresque scriptores equas Favonio flante animalem concipere spiritum & foetus perniciosissimos edere.

## C A P. XIII.

*Castella nova.*

**R**egio hæc est in mediterraneo Hispaniæ sita, montibus ex omni parte clausa, cujus *Toledo*, Metropolis. Anno Sal. 577. Rex Gothorum *Lovigild*, Justiniano Imperatore, Romanas copias, quib⁹ Hispaniensis limitis custodia credita erat, profligavit, regni sedem Hispali Toletum transferri voluit, & Toletanus Rex appellari. Anno dein-



no deinde 716. Univerſa penè Hiſpania à Mauris occupata, Toletum ſimiliter Judæorum proditi-  
one captum, obtinuerunt ad an. 1085. quo Al-  
phoſus Rex eam occupavit, & Toleti Rex ap-  
pellatus eſt, ſeu Caſtellæ novæ, ad differentiam  
veteris, cui jam ex antiquo imperabat, prius-  
quam Veteri nova adcreſceret. Tres in ea partes  
præcipuæ, *Sierra, Algarria, Mancha*: *Sierra*, id eſt,  
montana, fontes Tagi & Sicoris occupat: præci-  
pua urbs *Cuenza*, 40. 7. (Incolæ Cauceſes dicti  
ſunt Plinio) Episcopatu, Academiâ, & ædificiis  
pluribus ornata. ſitum habet in montis Oroſpe-  
dæ aſpera rupe, cui cathedralis Eccleſia ſuper-  
ſtructa, & palatium Marchionis Canneræ. Ex ru-  
pe innumeri fontes deſluunt. *Algarria* ſeu cam-  
peſtris feraciſſima eſt, rivis Xalon, Tainna, Hen-  
ares, Mançanares aliſque proſciſſa, nec non & Ta-  
go. Ad fontes Xalonis & Henares habes Medi-  
nam celi 41. 19. & ampliſſimas poſſeſſiones Du-  
cum Paſtranæ & Infantado. Henares rio oritur  
proximè *Siqueuza*: urbes alluit Siqueuzam, Hi-  
tam, Gadalaiaram, Aſcalam, & admiſſis amnibus  
Mançanares & Tainna, in Tagum abit 25. minu-  
to ſupra Toletum. *Siqueuza* 41. 8. Plinio Sagun-  
tia urbs eſt in clivo ſita. Episcopali templo divite  
& ornato clara. *Hita* 40. 55. urbs ampla, perti-  
net ad Ducem de *Infantado*, qui caput eſt Mendo-  
zæ familiæ, intet Hiſpanicæ primariæ. Ejus Pa-  
latium necnon armamentarium in urbe eſt *Gua-  
dalaiara*, quam Ptolemæus vocat Carracam, An-  
toninus Arricam. *Alcala de Henares* 40. 40. olim  
Aſcala S. Juſti Martyrio clara. Complutum Car-

petanorum & à multitudine fontium *Cisuentes* dicta, urbs sita in planitie, figura ovali. Plateam habet insignem porticibus ornatam in quibus divites mercatorum tabernæ, necnon & Academicam nobilem excitatam à Francisco Ximenes præfule Toletano S. R. E. Cardinale Minorita, qui viros doctos magnis præmiis evocavit, Sacraque Biblia Hebraicè, Chaldaicè, Græcè & Latinè, accuratissime excudi curavit. Magnus planè vir, qui propter morum sanctitatem & prudentiam singularem, à Ferdinando Rege Hispaniæ gubernandæ præfectus, dum nepos ejus Carolus V. adolesceret. *Mançanaros* rio, quem Nonius vocat. *Guadarama*, quod oriatur è montibus, in quibus urbs ejusdem nominis, & portus per quem ex una Castilia transitur in alteram. Fluit limpidissimus, quod nulla cimba ejus aquam turbet. Pila subluit pontis Architecturæ singularis, in quo pyramides, obelisci & globi rari operis. Cæterum non tam necessarius est Madritensibus propter aquas *Mançanaris* quam ut æqualis sit via, quod non advertibat ille, qui aut vendendum pontem ajebat, aut emendam aquam. *o vender la puent, ô compar aqua.* Madritum *Madrit.* 40. 38. quibusdam Mantua Carpentanorum, aliis Viseria, situm in editiori clivo, Septentrionibus majori ex parte obversum, in solo magis salubri quam sæcundo. Regum Hispaniæ nunc est habitatio, ex quo Philippus II. eam variis ornavit operibus, & ejus exemplo nobilitas sumptuosa sibi extruxit

ædificia. Inter publica opera eminet *La plaza*  
 figura pentagona, quæ ædibus lateritiis pulcher-  
 rimi operis cingitur, ad cujus fenestras omnes  
 prominent cancelli ex ferro inaurati, è quibus  
 spectacula cernuntur. Etsi vero nullis hæc urbs  
 cincta sit mœnibus, frequentiusque habitetur  
 in caveis quam in ædibus, non illepidè tamen  
 Joannes Menna Poeta Vernaculus, igne cinctum  
 Madritium suis rythmis prædicat, quod privato-  
 rum ædes pleræque pyrite lapide consent. Ad  
 fontes Guadanumæ septem Madritio leucas ab-  
 est mirandi operis moles egregia & plane regia,  
 quam Philippus II. dedicavit, ut votum solve-  
 ret quo se obstrinxerat anno 1557. ipso die S. Lau-  
 rentii in funestissimo Gallis prælio ad S. Quin-  
 tinum in Veromanduis. Hic Templum, hic  
 Palatium, hic Bibliotheca, nihil non regium.  
 Bibliotheca est in superiore parte præcipui in-  
 troitus Monasterii S. Laurentii longa 185. pedes,  
 lata 32. tota concamerata. Habet autem tria di-  
 versa conclavia, in quorum primario depictæ  
 sunt facultates omnes, libri omnes, instaurati e-  
 jusdemque compacturæ. Inter eos unus est mem-  
 braneus, omnis generis animalia quæ usquam  
 conspecta sunt exactè suis coloribus adumbrata  
 repræsentans. Alterum conclave meros habet  
 manuscriptos Latinorum, Græcorum, & He-  
 braïcorum Theologorum; singulisque Auto-  
 rum suorum imagines præpositæ sunt. Tertium  
 manuscriptis similiter variorum autorum refer-  
 tum cum suis imaginibus. Australis pars Ca-  
 stiliæ dicta *Manica* trans Tagum sita est, præci-  
 pua

pua urbs *Cuidalreal* 39. 8. est trans Anam. Hujus regionis pars maxima pertinet ad Magnum priorem Castiliæ Ordinis S. Jacobi, in cujus ære sunt oppida *Huertas* 39. 39. *Consuegra*, *Trembleique*, *Osanna* 39. 50.

## CAP. XIV.

*Anas & Estremadura.*

**A**Nas sen *rio Guadiana*, oritur in lat. 39. in agro Laminitano, fluit intet urbes *Cuidalreal*, & Oretum Germanorum, oppidum non obsecuri nominis, nunc Calatravam, 19. 10. quod à sacra militia plurimum inclaruit. Duxit illa originem à Cisterciensi Monacho, qui jussu Tolotani præsulis, contra Mauros urbem egregie defendit circa an. 1158. Militibus vestis est rubrâ cruce insignis. Magisterio cedunt aureorum 40. millia quotannis. Hinc eum tractum subit, cui Estremaduræ nomen, quod post Hispaniæ vastitatem, rebus Christianorum resurgentibus, bellique alternante fortunâ, utriusvis partis limes esset extremus. Incolas habet paucos; quod montuosa sit, sterilis & æstatis torridæ. Quidam vocant Bæturiam, quod à Bætica soli felicitate superetur. Ad Palatium Regium, *Palacio del Rey* 39. terræ visceribus se condit, & post 20. minuta, ad Metallinam, *Metelin*, iterum erumpit, planiciem, quam subluit, pecora plurima depascuntur millia. Adit postea Meridam, 39. quam olim Augustus post devictos Cantabros pacatamque Hispaniam condidit in Vettonibus (quorum equites lau-

tes laudabantur) & ab Emeritis militibus, quos in ea constituit, Emeritam dixit, fuitque aliquando Vettoniæ, imò & Hispaniæ Metropolis; nunc in tantam incolarum delapsa est infrequentiam, ut prisca claritatis nihil præter ruinas ostendet, ipso Archiepiscopatu à Calixto Summo Pont. traducto Compostellam. Sunt præterea in ejus ripa *Badaïos*, 38. 50. Metropolis Estremaduræ, dicta olim Pax Augusta. 23. ab ea minut. habes in fontibus *Xeres de Badaïos*, ex cujus antiqua & nobili familia oriundus fuit Vasco Nugues de Valvola, qui sub Ferdinando Rege gemmas, ex novo orbe primus in patriam transmisit, & post innumera belli, pacisque facinora ab æmulo suo, tunc Castellæ aureæ Prorege, cujus lippientes oculi tantum lumen non sustinebant, falso, ut ajunt, crimine oblato, fuit capite plexus. Elvas verò fertilitate soli & nobilitate civium, ut postremas non tulit, ita olei bonitate sine controversia primas obtinet. In Episcopali urbe *Oliventa*, 38. 50. terminatur Portugallia. *Moura* famosum est oppidulū. *Beia* vel *Bexa* antiquitus Pax Julia, celeberrima fuit civitas Lusitana & Juridicus conventus, in quo multa adhuc antiquitatis monumenta. Castrum *Alcorim* terminus est Algarbiæ, ubi se Anas miscet Oceano, in tres sinuatur portus: qui omnes à nautis frequētantur. Ortivo nomen Aimontium, altum mare tribus orgiis medio æstu. Duo alii sunt in parte Occidua, scilicet S. Mariæ & Castromarinum, ubi statio ampla, altumque mare sex vel septem orgiis: vitandi tamen puluilli arenacci, qui ostio prætenduntur.



Transmisso Ana portus habes in hoc litore ut-  
cumque celebres S. Michaëlis & Palos , quod  
●ppidum est ditionis Comitum de *Miranda* fi-  
tum in interiori sinu , in quem amnes duo influ-  
unt. Uni nomen *Rio Odier*, alteri *Rio Tinto* , qui  
Comitatum Nieblæ perlabitur , ubi aliqui, sed  
perperam ponunt Italicam coloniam. Columbus  
ex portu *Palos* solverat, quando unionum insu-  
lam reperit, & in eum reversi sunt è Navalibus o-  
peris benè multi, cum ingenti unionum copiâ.

## CAP. XV.

*Batis, Andalusia, Granata.*

**E**X Carthaginensis Provinciæ media campo-  
rum vastitate , oritur in lat. 37. 30. mons  
Straboni dictus Orospea, qui in duo amplissima  
divisus brachia ad ipsum excurrit Oceanum. Par-  
tem quæ Orientem inter & Boream eminet, Tu-  
giensem saltum vocat Plinius , Castulonensem  
Livius, à Tugia & Castulone oppidis , in fauci-  
bus quibus Losæ nomen. anno 1212. mense Ju-  
lio , Hispaniæ Reges Catholici Alphonsus Ca-  
stellæ, Petrus Aragoniæ & Sanctius Navarrae de  
Miramolino eam retulerunt victoriam , qua  
majorem Hispania non vidit , Christianis in pu-  
gna 25. nec pluribus desideratis, Maurorum verò  
ducentis millibus internecione deletis. Brachio-  
rum unum quo Castellam novam & Estrema-  
duram secernit à Baticâ , Plinio dicitur Mariani  
montes : nunc verò indigenis , *Sierra Morena*.  
Lævum cornu per Granatam perpetuo jugo ad  
Medi-

Mediterraneum mare porrigitur. Utrumque Calpam & Tartessum tanta procurrit aviditate, ut penetrato mari, fretique angustis tantum non obturatis, Africæ complexum Atlanti junctum appetere videatur. Inter utraq̃ue montium brachia, per Bæticam seu Andalusiam, placidus labitur amnis dictus Arabibus *Guadalquivir*, seu magnum flumen Cordubæ, Græcis Bætis, quod profundum significat. Est enim magnarum navium patiens: oritur ex duplici fonte, uno propè Alcarasson, qui Castulonem alluit, altero qui Illiturgim rigat, indèque urbes Cordubam & Hispalim præterlabens, demùm in Oceanum evolvitur ad Luciferi templum, uno ostio, duobus olim, quando Nebrissa & Asta in Bætis æstuariis sitæ erant, quæ nunc ab coæctonis & amplius passuum millibus remotæ sunt, dictæ nunc *Lebrixa* & *Xeres de la Frontera*, nisi Astam velis obrutam aquis cum insulâ Tartesso, in Bætis ostio quondam sita, & à quâ Bætis reperitur Straboni & Pausaniæ dictus Tartessus. Bætica cunctas Hispaniæ Provincias diviti cultu & quodam fertili ac peculiari nitore præcedit. Hic olim dolia & præsepia ex argento invenerunt Phœnices. Aries Turdulus ad ineundas oves talento emebatur propter lanam ejus generis, quæ in maximo erat pretio: hinc urbes 200. numerat Strabo, hinc Elysios campos ponunt aliqui ob aëris præstantiam, hic leges versibus scriptæ ex antiquo, hinc felibus Africanis occidione occisi cuniculi, qui nihil non vastabant. Terminatur Oceano, Mediterraneo & amne Bæti, à quo

quo ipsi nomen sicut & ab incolis Turdulis, & Turdetanis, Turdetania reperitur nominata à Romanis, qui eam in conventus quatuor diviserunt, Gaditanum, Cordubensem, Astigitanum & Hispalensem. Anno verò 410. dicta est Vandalusia à Vandalis, qui ejectis Romanis, Hispali sedem Regni stabilierunt: Mauri verò duo, Cordubense scilicet & Hispalense. Castulonis vix salva sunt vestigia, putant aliqui situm, ubi nunc Puerto S. Stephani, alii non longè ab Alcarasso, 38. 37 ubi nobiles olim argenti fodinæ, nunc plumbeæ. Ut ut sit, condita fuit à Phœnicibus Beotis, & propter fontis Castalii, & montis hicipitis similitudinem, Castulo dicta Hispaniæ citerioris terminus, posteaque urbs Episcopalis. Incertum similiter ubi fuerit Illiturgis. Sunt qui *Iaen* existiment, oppidum vino, oleo, & tritico abundans, & nobilitate frequens. Corduba, vern. *Cordoua*, 37. 57. inter omnes à Romanis, Duce Marcello in Hispaniam prima ducta Colonia. Illius pomærium amplum, sed raræ ædes. Abundat ære mariani montis & carduis, quorum provectum annum 150. millibus aureorum æstimant. Hinc oriundi magnus Ozius, uterque Seneca, Lucanus, & Averoës, quorum postremus in ea urbe medicinam exercuit, ut & eodem tempore Avicenna Hispali. Hic in fratrum Prædicatorum cœnobio, ut testatur Joannes Lupus, est campana, quæ sponte pullatur. quoties hujus loci religiosus aliquis propediem moriturus est. Vigesimo sexto minuto infra Cordubam, Singulis miscetur Bæti ortus in nivosis montibus 12. ciciter min. supra Gra-

Granatam 37.30. quam intersecat, Regni cognominis Metropolim. Duodecim millia passuum ambitu suo complectitur, Episcopi sedem obtinet translata ex proxima urbe Illiberi, in qua Juridicus olim Conventus celebris, tanta est serici copia, ut è solis mori arboris foliis, præter multas serici libras, Regi 30. millia aureorum cedant in vectigal. Eceia olim Astigi 37.37. eidem amni apponitur sita in solo lanarum & cannabis foecundo, sicut & Ossunensis ager, in quo arbor nulla, præter oleam, & Marchenæ 37.32. ubi nascuntur equi optimi, quos Ginettos vocant. Ossuna verò oppidum quinque millium focorum Academia illustre, antiquis Genua urbanorum, nunc caput Ducatus Ossunæ illustrissimæ familiæ Gironum. Porro Xenil & Bætis junctis aquis, ad Palmam municipium, Sevillam, 37.40. adeunt antiquis Coloniam Romulensem & Hispalim, quod ut tradit Isidorus, in palustri solo suffixis profundo palis sit locata, emporium jam à Strabonis ævo celebre. Murorum ambitus est passuum sexies mille. Antistes illius 100. millia possidet aureorum annui redditus. Nulla in Indiam Occidentalem navis vela facit, quæ mercibus & armis illic non oneretur, vel rediens non exoneretur. Ibidem *Casa de la Contracción de las Indias*, cui præsunt Consules 12. Negotialis libellionis acta referunt ab anno 1519. ad annum 1617. è novo orbe advectos 1536. auri milliones. Olivetum urbi proximum ad 30. leucas excurrit. Sevilla, la Veia olim dicta, Colonia Italica, eidem fl. apponitur, 4. min. infra Hispalim. Ad eam Herculeius Q. Sertorii


torii Legatus cum Metello congressus, 20. millia peditum amisit. Ex eo orti Imperatores Trajanus, Hadrianus, Magnus Theodosius, & Poëta Silius, dictus inde Italicus. S. *Lucas de Barameda* 37. Luciferi fanum, oppidum est cum nobili statione navium, ubi etiam reperitur salina totius Hispaniæ optima, jacitur anchora ante urbem ad 10. orgias. Ingressus tamen habet difficiles propter arenæ cumulos, in quibus remittente æstu, cum luna cava est, orgias 4. mare vix attollitur. *Xeres de la Frontera*, olim Asta, Regia Romanorum Colonia, sita est in agro vineis, olcâ & fegete lætissimo. Incolæ puteos defodiunt altissimos, quibus annonam multos in annos conservant. Alunt etiam equorum greges miræ pernicietatis, quos Ginettos vocant. Ad hanc urbem Duces C. Pompeii à Cæsare concisi, Gothique ad internecionem ultimum profligati à Saracenis, Portus B. Mariæ, Straboni portus Mnestei, capax & tuta navium statio ad ostium rivi *Guadalete*, quem Florianus vocat Lethem, Arabes Bedalac. Portus Regius 37. 40. interiorum sinum tenet, portui Gaditano oppositus. Medina Sidonia, aliis Methimna. Hujus loci Dux, est præfectus maris, dictus Allantado, eique subsunt Gibraltar, Tariffa, Vegel, Conil, & S. Lucar. Unde à quibusdam dicitur Dux San Lucarianus. In hujus ditione, inter Gades & freti Herculei fauces, Cetarias habes Thynnorum piscatu nobiles, quippe sedes, ut volucrum quædam, & alii quidam piscium, ita mutant Thinni, mira naturæ solertia in maxime stolido animali. Nam ubi



exegerunt Hymem in Oceani tepore, gregatim maria interiora petunt ad æstivandum & foetus exponendos, cum aquæ dulcis illecti copia quàm tot flumina devehunt, tùm elementiore aura per æstatis fervorem, plerisque in Euxinum usque subeuntibus, unde post æquinoctium Libræ remigrant in Oceanum, universa cum pole. In hac commigratione multitudo incredibilis, hîc capitur mensibus Majo & Junio. Sub captaræ tempus, præter piscatorum turbam & præsidarios milites, ex universa ferè Hispania Negotiatores confluunt. Habes in litore insulas dictas antiquis Erythræas, Aphrodisias & Gades, vix 700. passus à continente disjunctas, in quarum altera Nacleri mare interius emensi, Herculi, quasi ad extremum terræ limitem fuissent eo Duce feliciter evecti, sacra faciebant. Plurima de illis Authores scripserunt notatu digna. Sed illud non omittendum, Urbem Juliam Gaditanam quæ & Tartessus dicebatur, à Julio Cæsare Romana civitate donatam, ad tantam pervenisse potentiam, ut Rex Juba civitatis illis Duum vir factus, gratiam illam plurimi duxerit, repertique in ea fuerint sub Tiberio censu uno 500. cives equestris ordinis. In templo Herculis asservabatur oliva Pygmalionis, cujus fructus ex Smaragdo erant, veris oleis simillimi, optimi pabuli ubertas ea fuit, ut pecorum lac non concreceret, ac præ nimio abdomine suffocarentur, ni quot mensibus vena scissa eliceretur sanguis. Erat & Geryonis arbor, cujus rami præcisi humorem quasi sanguineum sudabant, eo rubicundiores, quo

quo propius radices cædebantur. Duo item putei memorantur, in quorum uno aqua dulcis, cum æstus se alto incitat, bis quotidie incrementa similia & decrementa suscipit; in altero salsa, cujus vicissitudines ex contrario feruntur, immixta aquâ cum se æstus effert, aucta cum remittit. Unica nunc est insula Cadis dicta, vix 12. mille passus extensa in longum, cum 100. passuum millia olim colligeret in ambitu. Tinorum captura, salinis & navigationibus se utcunque urbs tuctur.

— F I N I S.



GEO-

GEORGII  
FOURNIER,  
E SOCIETATE JESU.  
GEOGRAPHICA  
ORBIS NOTITIA,  
PER LITORA MARIS  
& Ripas Fluviorum.

PARS SECVNDA,  
Internum Mare complectitur.

LIBER OCTAVUS

*Partem Hispaniæ & Galliæ explicat, quæ  
apposita est Mari interno.*

---

CAP. I.

*Mare Mediterraneum.*

**I**Nterna maria vocant Latini Auctores, quæ ex  
Vasto Oceano per freta terrarum penitiora in-  
grediuntur. Inter hæc principem locum tenet,  
quod per Fretum Herculeum infunditur, & per  
incurva Europæ, Asiæ & Africæ litora, ab Occi-  
dente in Orientem, ad oras usque Syriæ longè la-  
teque expanditur. Hinc dicitur Mediterraneum,  
quod terram antiquis cognitam secet quasi me-  
diam. Mare magnum vocant Scriptores, cum  
sacrum prophani, quod nullum majus nossent  
ejus

ejus accolæ, præsertim Palestini, qui & illud mare Novissimum & mare Occidentis sæpius appellasse noscuntur; imò & mare Tarsis apud Jonam. Varia denique à Provinciis, insulis & populis sortitur nomina, quæ suo ordine singula referemus. A Gadibus ad Alexandriam Syriæ, qua patet longitudo ejus maxima, est *MDCXXV*. Latitudo Hipponem inter Regium in Africa, & Genuam in Liguria *CCCL*. Ita recentiorum tabulæ accuratiores, cum Strabo ipsi tribuat, duodecies mille stadiorum longitudinem, & latitudinē quinque millium stadiorum. Ab Ponto Euxino Versus Ægæum tendenti, sensim crescit ejus profunditas, magisque etiam versus Tyrrenum & Sardoum. Indeque ad Herculis columnas, ubi omnium esse altissimum mare, jam olim docuit Aristoteles. Ajunt verò Capella, Plinius & Seneca, Montes Calpen & Abylam, perpetuo jugo conjunctos, ab Hercule separatos, & inde Oceanum, mole montis ante retentum, in medias exundasse terras, angustoque freto Europam ab Africa separasse, quod non persuadent. Nubiensis Geograph<sup>o</sup> multo minus, cum id adscribit Alexandro Magno, qui cum ad Andalusie populos pervenisset, & videret mare Damascenum (sic enim vocat Mediterraneum) in instar stagni undique clausum, imperasse, ut interjecta regionibus Tangiæ & Andalusie, terra fodere-tur, ducto alveo, firmatisque utrinque aggeribus, lapideo muro, per millia passuum *XII*. quibus tenebrosum mare, id est, Oceanus à Damasceno distabat. Cumque duo illi aggeres removeren-tur ab

tur ab invicem, tantum per sex millia passuum; Oceanus quâ datâ portâ irruens in mediterraneum, multas civitates hausit appositas litori, ipsosque aggeres, orgiis II. superavit, imò Africanum aggerem evertit penitus. Qui verò in litore erat Europæ, tranquillo mari adhuc apparebat ante annos non amplius quingentos, quando illius longitudinem Albarius Arbs mensus est; aitque idem Nubiensis Geographus à se conspectum, & ab incolis dictum Alcantara. Nugæ. Nusquam enim legitur Alexander eò pervenisse, & longè ante Alexandri tempora Phænices, Carthaginenses, alique per fretum illud, in Oceanum penetrarunt. Hujus maris initium ab Herculeo freto ductum, rectâ lineâ in Orientem fertur usque ad Syriam: qua verò divertit ad Septentrionem, Hellesponti primò angustis arctatur, inde Propontidis laxatur litoribus, rursus in Thracium Bosporum cogitur, ex quo in pontum Euxinum sese expandit, à quo per Bosporum Cimmerium paludi Mæotidi committitur. Sed hæc verbo dicta fusiùs dilatemus, sic tamen, ut abstineamus à quæstionibus infinitis, quæ spectant ad naturam, motum, colorem, gravitatem & innumera alia scitu dignissima, de quibus egi in libris 20 meæ Hydrographiæ.

---

## C A P. II.

### *Ibericum mare.*

**S**ic appellatur ab Hispania, quæ olim Iberia dicebatur, vel ab Ibero fl. qui in hoc mare evol-



evolvitur in lat. gr. 40.10. vel ab Ibero Rege, vel ab Iberis Asiæ populis. Hispaniam alluit ad austrum & ortum, ab ipsis scilicet Gaditani freti faucibus, ad Leucatam in Volcis Narbonensib<sup>9</sup>, per millia passuum 1080. si extima & inflexa legentes litora, totum spatium metiamur. Hujus partes præcipuæ sunt Herculeum fretum, & Balearicum mare. Herculeum fretum sic vocatur propter rationes dictas cap. præcedenti: longitudo ejus olim 15. millia passuum efficiebat: latitudo, quâ brevissimus trajectus, vix septem. Nunc verò longitudo, à capite Trafalgar ad caput Gibraltar est 24. millium, latitudo 12. Idem Gaditanum fretum à Gadibus vocatum est, quæ insula fauces freti egressis ad dextram in Oceano occurrit. Dicitur & Tartessus fretum, ab urbe Tariffa, sita in lat. g. 36. m. 3. quæ, si velis credere Goropio & Pinedæ, Tartessus est antiquorum, & regnum Tharfes, quo Rex Salomon sicut & in Ophir classes mittebat, ut aurum argentumque hinc aveherent. Tariffa nunc portus est utcumque munitus: ante portum insula est, & infida statio propter pulvillos arenæ, vitandaque rupes minutis 6. distans ab insula ad hypafricum: latet illa pedes novem sub aquis, quæ hinc perflante vento ebulliunt. Sequitur Algariza, urbs sita in intimo sinu Calpes, ubi ex faucibus angustis panditur mare, in quo murices olim & purpuræ librarum 10. à piscatoribus repertæ, quin & Polyplus 700. librarum. Carteiam ad Oceanum vocat Livius: putatur condita ab Arganthomo Rege, quem vixisse CL. annis tradit Anacreon. Hic

Pompejum, post sinistrum ad Mundam prælium fugientem, naves conscendisse refert Strabo. Cæjus verò Lælius, pugnaturus adversus Hannonem, Carteia solvit, eodemque cum classe victor rediit. Denique inter Argerisam & Tarisam commissum est prælium, in quo Alphonsus XI. adjuvante Alphonso socero suo, victoriam retulit nobilem de quinque potentissimis Maurorum regibus, quorum spolia D. Virgini ad Aquas Lupias obtulit, circa an. 1340. Appellatur etiam Estrecho de Gibraltar à Pæno Gebal Tarik, qui è Mauritania venit, & Urbi nomen dedit. Sita est in lat. 36. 5. ad radices montis Calpe, cum prius Heraclea in memoriam Herculis diceretur. Inde generosum vinum suavitate gratissimum evehitur. Insignis est portus, solum in pleisque planum, altumque mare orgiis, ut minimum sex: munitur castello duplici: ad Occidentē pulchra est statio ad fundandas naves anchorā. Sed Lybicus ventus recta eodem spirat. Distat à portu Ceuta ipsi opposito ad Mesophœnicem Geographicis minutis 24. Succedit ad Charidemum promontorium litus pluribus speculis & nocturnis facibus collucens: præcipuæ navium stationes censentur Estepona 36. 18. & Marbella 36. 29. ubi jacta anchora ad orgias 10. vina & passos fructus tibi comparabis. Malaga 36. 47. Episcopalis est civitas, propugnaculis munita, & duobus castellis nec non & armamentario, ex quo omnia suppeditantur necessaria urbibus, quas Hispanus possidet in litore Africano. Mercatores vindemiæ tempore propter oleum, vinum, fru-

ctus passos, & Galeas eò confluunt. Montium  
 porro Vertices ita præcelsi sunt ut urbs Tanger  
 in Africa hinc videatur. Ad eam labitur in mari  
*Guadalquiviero*, Ptolemæo Seduca, amnis qui  
 Cartamam municipium alluit, ortus è palustri &  
 voraginoso solo ad Mundam 36. 45. Turdetaniæ  
 Metropolim, juxta quam, Cæsar filios Pompeii  
 profligavit, & finem bellis civilibus imposuit.  
*Torres* 36. 48. municipium ad quod, mari se  
 miscet *Rio Frio* descendens ex asperrimis, sed  
 cultissimis Granatensium rupib<sup>9</sup>; in quibus ther-  
 mæ, nervorum affectibus saluberrimæ. Castrum  
 alluit Almunecar, in quo Mauri Reges, filios  
 & fratres, habebant in custodia. Est & aliud ca-  
 stellum mari affusum. In quo iidem suos asser-  
 vabant thesauros. Sequitur Almeris quæ ex Ab-  
 deræ ruinis crevisse putatur, & nomen accepisse  
 ab Almarico Gothorum Rege qui Hispanis præ-  
 fuit cum à Childeberto Francorum Rege, bello  
 petitus fuga salutem quærens ibidem interfe-  
 ctus est. Ager fructibus abundat & oleo. Urbs si-  
 ta est in lat. 36. 55. in interiore sinu, in quo statio  
 est tutissima ab Oriente Subsolano & Africo  
 subvespero, stratumque aquis solum ubiq; mun-  
 dum 15. ab ea minutis ad austrum removetur,  
 quod ab Achatis, quorum iis locis magna est co-  
 pia, nomen habet promontorium, & à Græcis  
 olim, quoniam ii lapides ad conciliandam gra-  
 tiam valere crediti sunt, Charidemum vocaba-  
 tur. Ad Mesafricum promontorii, scopulus est  
 cæcus, novem pedibus sub aquas abditus.

## C A P. III.

*Murcia regnum.*

**M**urciæ regnum paucas habet habitationes, ob montes & ariditatem soli, quod abundat tantum malis citreis & serico. Navium stationes præcipuæ sunt Castellum Almacaron abundans alumine, ad quod Rio *Guadalentin* miscetur mari. Oritur ex monte *Orospeda* & *Lorcam* alluit grande municipiū. *Carthago nova* *Pœnorū* est opus, qui hanc urbem in belli sedem delegerant, quod sinus hic esset quantævis classis capax. LXII. hinc populi jura olim petebant exceptis insulis. Erant & argenti fodinæ, ex quibus 400. homines 25. drachmarum millia per dies singulos reddebant. Hæc urbs à *P. Scipione* oppugnata & capta est, simulque cum eâ tota recepta *Hispania*. Urbis clarissimæ vix tenuæ superest vestigium. Nam iterum eversa est à *Vandalis* & à *Gothis* solo æquata, juridicusque conventus *Toletum* migravit. *Philippus* tamen 2. hanc denudò muniendam curavit, ne à piratis, aut *Turcis* occuparetur. Portus enim hodieque commodus, licet minus quam priscis temporibus. Nam *Scombriam* insulam quæ portui objecta erat maximam partem fluctus corroserunt, latentque breviter ad *Mesafricum*. Episcopalis tamen urbs est ad hanc diem. Magna ibi copia *Sparti* colligitur manibus armatis, ex quo indigenæ vestes, calceos, casas & ignem conficiunt, fit & *Scombrorum* opulenta piscatio. Cap. de palos

promontorium dictum ab antiquis Scombrarium Herculi Saturno Sacrum fuit. In extremo ipsius vertice Pharus eminet in latit. gr. 37. m. 30.

Ad caput Guardamar labitur amnis Segura, alii Staderus, Sorabis, & Setabis, qui terminus est Taraconensis Provinciæ. Oritur è montibus Orospedæ, minutis 80. ab ostio. Caravacam rigat oppidum, in quo servatur S. Crux è cœlo delapsa Sacerdoti sacra facturo. Urbs crebris tempestatibus licet quatitur, Turris tamen in qua asservatur illa crux non movetur, ut habet Joan. Nierembergius. Hinc cruces toto orbe celebres & fulminum amuleta. Alluit & Murciam, posteaque Horquelam quæ putatur Orcelis Bastetanorum Ptolemæi, sicut Murcia creditur Menlaria Contestanorum, quibusdam Murga, obscurum olim oppidum, postea tamen regni caput, situm in planitie amœnâ, magna ubi bombycum copia. In eo sepultus Alphonsus X. cognomento sapiens, decus Astronomiæ, qui ex Rege Castellæ factus Imperator Occidentis cum sponte molem Imperij deposuisset, cum in Hispaniam reversum sola recepit Murcia cum Hispali. Ad Sanctium enim filium reliquæ defecerunt. Hanc à Saracenis olim receperat.

---

#### C A P. IV:

##### *Valentia.*

**V** Valentia sive Regnum, sive Provincia, dividitur ab regno Murcia Segurâ: ab Catalonia verò, Ceniâ amnibus, rigaturq; rivis aliquot, qui



qui in Sucroniensem sinum & Illicitanum labuntur. Sic dicitur ab amœna urbe Contestanorum, sive Edetanorum Valentia. Jacobus Aragoniæ Rex hinc expulit Zahalem Regem Saracenum. Patet in long. 60. in lat. ubi maxima, 17. leucas, continet civitates 4. municipia 60. pagos 1000. centum millia familiarum, qua veterum Christianorum, qua Maurorum converforum, quos vocant Moriscos, qui optimi sunt agricolæ, parci admodum in victu & vestitu. Fodinas habet argenti, ferri & alabastrum. Vascula item fiunt porcellanea, Italorum æmula. Secundum oram maritimam Carolus V. 27. turres locis opportunis fabricari curavit, in quibus duo pedites & unus Eques jugiter excubant, ut piratarum & hostium adventum speculentur. Versus Cataloniam montibus aspera est regio; serici tamen, olei, vini, pecorûmque est dives. Putatur amœnissima pars totius Hispaniæ. Irrumpentis aquæ in continentem procursus ad oppidum Alicante, Pomponio Alone, Antonino Illicis, celebre municipium in Contestanis & colonia immunis, ut habet Plinius, à qua & Illicitanus dictus est sinus. Jacitur anchora ad 6. vel 7. orgias ante urbem. Ad Austrum ipsius insulam habes D. Paulo sacram. Est & alia insula 20. minutis hinc remota: quæ dicitur Benidora, Caput S. Martini Promontorium antiquorum scriptis celebratissimum, Ptolemæus Tenebrium vocat. ab oppido ejusdem nominis, quod constituit in extremo ejus angulo. Ferrariam dixit Mela, quod in propinquo essent ferri effusiones admodum feraces,

ut ex Strabone colligitur. Plinio Dianium Artemisium, Isidoro Zantum & recentioribus Artemus, quod hic Dianæ Ephesinæ templum frequenti religione cultum ædificassent Phœnices, qui Dianiam coloniam constituerant. Strabo li. 3. vocat Hemeroscopium seu diurnam speculam, quod una hîc emineret in extremo colle sita. Nunc tres habet mari imminentes, quæ longinquum navigantibus prospectum præbent. In extremo ejus angulo ex Oceano emergit insula, quæ puluillo arenacæo jungitur promontorio, & naves impedit, quò minus inter ipsam & promontorium vela faciant.

Sequuntur Promontorium sancti Antonii & oppidulum Xabea, necnon Denia Phocensium Massiliensium, qui totum hunc tractum occupant. Q. Sertorium hoc oppido ad res maritimas usum esse, dirutam urbem suo ævo tradit Avienus. Nunc est Marchionatus 450. locorum, arcem habet munitam, portus in ea mediocris, quem tamen externi nautæ non subeunt, nisi priùs exploso tormento Navarchum loci incolam evocent, à quo in portum deducantur. *Oliua* oppidum est Comitatus ditissimi caput, qui pertinet ad Duces Gandiæ. Gandia urbs, caput Ducatus cognominis familiæ Borgias, ex qua prodire Summi Pont. duo, multi Cardinales & Franciscus Gandiæ Dux & Cataloniæ Prætor, qui spreto sæculo factus Societatis nostræ Generalis, cum ob innumeras animi dotes & vitæ sanctimoniam, tum maximè ob incredibilem animi demissionem meruit in Beatorum album referri. Sita est  
urbs

urbs ad ipsum penè litus *Xucar Rio* antiquis Sucro, & sinus Sucronensis, oritur è montibus Orosipedanis in Castella nova, in lat. 40. 6. ex monte cui imponitur urbs *Cuença*, alluit Xatinam urbem fontibus irriguam tria circiter focorum millia capientem, quæ putatur Serabis Contestanorum Ptolemæi. Sudaria ejusdem commendat Catullus in Hendecasyllabo in Asinium, quod tenuissimi lini proventu tunc esset celebris. Inde labitur ad Alziram, seu Algeriram, oppidum ab Arabibus sic dictum, quod in insula Sueronis sit positum. Evolvitur in mare in lat. 38. 48. ubi vicus Cillera nautis Coglera, cujus statio ab omnibus improbatur. Ad hujus ripas fuisse Sertorium clade affectum, & castris exutum à Pompejo habet Salustius. *Albufera* amœnum est stagnum ad maris litus inter Sucronem & Turiam fluvijs, plenum canneto & avibus palustribus. *Guadalquivar Rio*, id est pura aqua, Plinio Turias, aliis Duria fluviolus, nemoribus & flosculis à fonte perpetuis, ab ipso monte Idubeda ad ostium usque coronatus; olim Sedetanorum & Contestanorum, nunc Aragonum urbes præterfluit Albazarim in tumulo sitam, Tervel 40. mercimoniis celebrem, Villar & Valentiam; labitur in sinum Sucroniensem ad oppidulum Grao, ad cujus litus appellunt naves quam proximè, orgiis octo evectæ. Valentia 39. 28. urbs ter mille passus à mari distat Archiepiscopatu optimo, D. Vincentii Martyrio, Pompejo qui eam æquavit solo, Sertorii affectu, qui eam restituit, Roderici & Jacobi Aragonum Regum, qui eam

sibi à Mauris vindicarunt, bellicâ fortitudine, S. Dominici studiis, Vallæ & Ludovici Vives in cunabulis, solo irriguo, exterorum commercio celeberrima. Laudatur cerè incolarum pietas, qui collecta corpora & ossa damnatorum in commune civium cœmeterium facta ad patibulum supplicatione ipso die S. Matthiæ honorificè deferunt, teste Marinæo Siculo

Sequitur in litore *Morvedro* 30. 40. ubi adhuc visuntur reliquiæ amphitheatri, ad gradus 50. confurgentis. Sagunti urbis constantiâ & fide in Romanos clarissimæ tenuè vestigium ad ostium rivi *Morvedre*, antiquis Usuba, qui & Segorbiam alluit urbem Episcopalem, ex qua olim Romam marmora devehebantur. In urbe Sagunto ajunt templum olim Dianæ positum, ducentis annis ante Trojam excisam, cujus Trabes ex Junipero ad Vespasiani tempora integræ perseverarunt. Meminit præterea Delrius in urbe Morviedro ante annos 100. vetulæ Abbatissæ edentulæ restitutam juventam, crines denigratos, renovatos dentes, sulcos frontis æquatos & compactas mammas. *Oropesa* 40. 4. caput est Nautis celebre, quod & magnæ sit proceritatis, & plurimum in mare promineat. In illius parte Occidua, statio est optima, & castellum in colle situm. *Peniscola* 40. 20. Ptolemæo Chersonesus, munimentum in scopulo Pyramidali situm, penè undique mare alluitur, Benedicti XIII. latibulo inclaruit, cum Romana Ecclesia schismate laboraret sub Sigismundo Imperatore. Ad Orientem, proximè oppidum, poteris jacere ancho-

anchoram ad 10. orgias. Benicardo oppidulum est ad ostium rivi, qui oritur min. 18. supra ostiū non longè ab amplissimo municipio, quod à S. Matthæo denominatur Alphaice Nautis *Alfa-gues* de Tortosa insula est humilis ad ostia Iberi sita, quæ alto mari fluctibus tegitur. Plana est navibusque sarciendis apta. Sinum habet commodum, in quo turris eminet D. Joanni sacra. Jacitur anchora ad orgias 6. vel 7. multæ naves in hac ora sale onerantur.

## CAP. V

*Iberus & Alava.*

**E**bro rio, Latinis Iberus, oritur apud Cantabros, non procul ab *Aquilar del Campo* ex binis fontibus, incolæ *Fontribre* appellant, quasi fontes Iberi: hinc est, quod eum vocat amnem Cantabrum, Eulogius, Prudentius verò Vasconem. Inter Pyrenæos & Idubedam montes æquo ab utriusque disjunctis spatio, Regna sive Provincias perlabitur Alavam, Rioiam, Navarram, Aragoniam, & Cataloniam. Fluit teste Plinio per 450. mill. pass. navium tolerans per 250. duobus ostiis, facta Alphaice insula, in Mediterraneum profusus ad 50. passus adhuc dulcis hauritur. Ejus aqua reddit manus candidiores & faciem molliorem. Nomen habet ab Iberia urbe, totius Europæ olim præstantissima, quæ hodie putatur *Elix* 41. 12. Prima, quam decurrit, Provincia est Alava, pars olim non Cantabriæ veteris, sed Vardulorum, quorum urbs primaria dicta; Ptolemæo, & Plinio Alva seu

T 5 Alba



Alba. Complectebaturque olim partem Riojæ. Biscajam & Ipuscuam. Vasconum nomine sæpius est designata: paruit aliquando Regibus Asturicensibus, postea Pompelonensibus, tandemque Castellanis. Definitur nunc, Ipuscua, Navarræ montibus, Castella vetere & Biscaya; inter nobiles familias eminent Mendocana & Guevarrea. Episcopatus Alavæ olim fuit Armenti, qui nunc vicus est obscurus, distans Victoriæ tantum media leuca, indeque primò translatus Calagurrim, tandemque Victoriæ, quæ nunc caput est Alavæ, cum olim tantum vicus esset dictus Gesteiz, quando ad eum Sanctius Major Pompelonensis Rex ob victoriæ à se ibidem reportatam nomen mutavit & Victoriæ dici voluit. Alia oppida sunt Harum, vern. *Haro* nobile dominium ad fl. Oja, qui hic cadit in Iberum. Trevennum & Miranda. Navarrici etiam Regni Provincia fuit Rioja, quæ in hanc diem tria habet oppida Juliobrigam, vern. *Logrono* à Rege Sanctio muris cinctum ad Iberum, Varam & Najaram caput Ducatus, cum circumpositis vicis & agris Burenæ versus. Alluuntur præterea ejus aquis, Juliobriga Vaccæorum, hodie Logrono, 42. 44. Calagurris Calahorra 42 35. Quintiliani patria, fame quæ dicitur Calagurritana celebris, quando ex salitis cadaveribus vitam produxerunt obsessi à Pompejo, Duce Afranio. Ex ea sui corporis custodes delegit Augustus. Tutelam à qua non multum distat Mons Canus, vulgò *Mon Cayo*, in quo si oves pascantur ante solis ortum, dubio procul intereunt, jam olim

olim celebris propter Cacum Vulcani filium, & pugnam quam Gracchus cum Celtiberis produxit à primâ luce ad sextam. Adejus radices Turiasso, vulgò *Tarrazona* 42. 10. urbs Episcopalis in Castellæ & Aragoniæ limitibus. Cæsar-Augusta, *Zaragoza* 41. 40. urbs Aragoniæ Metropolis, ædium nitore nulli secunda vern. *Zaragoza*: in ea asservatur columna ex qua D. Virgo, ut volunt, se visendam præbuit D. Jacobo. Hinc oriundi Antonius Augustinus, & Hieronymus Surita omnibus literatis benè noti. Villiæ in Cæsar-Augustana Dioecesi campana est, quæ sponte sonum edit, quoties Christiana res detrimentum aliquod insigne passura est: de ea vide Marianam lib. 21. Tortosa antiquis Dertosa 40. 20, ex reliquis antiquæ Iberiæ condita.

## CAP. VI.

*Aragonia & Amnes in Iberum  
influentes.*

**A** Tarraconensibus Aragoniæ nomen aliqui deducunt, alii ab Aragone fl. Terminatur amne Cingâ, Idubeda & Cauno montibus & Aragone fl. Metropolim habet Cæsar-Augustâ. Solû nitrosum est, & aquarum penuriâ laborat. Sunt tamen valles aliquæ feracissimæ frumenti. Quibusdam in montibus hîc reperitur sai miræ dulcedinis, quem diceres Saccaro temperatum; reperiuntur & lapides ejusdem colonis & magnitudinis cum oleis, imò & nonnullis sic efformati

in Coturnices, ut arte elaboratas crederes. Inter rupes sunt quædam angustię, quas vocant portus Seccos, sicut & in Navarra & Valentia, in quibus solvuntur vectigalia. Arvasius ob rem præclare gestam contra Mauros ad fl. Aragonem, Comes Aragonię creatus est primus à Garcia Inigo Rege Navarrae; Postea Sanctius Magnus hunc Comitatum evexit in Regnum, in gratiam Ramirii Regis, qui postea Regna Sobarbię & Ripargorzię eidem junxit. Porro Iberus fluvios excipit præcipuos quinque, Sicorim, Salonem, Aragonem, Aragum & Egham, ad quem urbs Stella à Sanctio Rege Aragonum condita, nunc in eo tractu comprimis nobilis. Aragus Pompeionem alluit urbem, quam Pompejus ad triumphum festinans inter Vascones condidit, quæ nunc est Metropolis Regni Navarrae sita feraci solo, firma muro & duplici castello munita. *Aragon*, qui Regno dedisse nomen creditur, & oppida alluit Jaccam, pentagona munitam arcem, Fanum S. Joannis. *S. Iuan de la Penna*, ubi sepulcra Regum Sobarbię; Sanguissam, ubi miscetur rivus, qui ex Roncevallis labitur montibus, transitu Gallorum & clade celebribus, nec non Olivam. Salon Celtiberiam alluit regionem, sic dictam à Gallis, qui cum diu pugnasent cum indigenis, de hoc nomine convenerunt: Fuit deinde adeò populosa, ut in iis 300. sive urbes sive turres everterit Tiberius Gracchus. Eorum fortitudinem docuit Numantia: ajunt dentes & totum corpus quotidie urina fricasse, & corpora occisorum in bello volucris tradidisse. Fl. Salomiram

miram vim habet in durando ferro. Urbem alluit Aragoniæ Calatajubam fœcundam frumenti, vini, & olei, armorumque & ferri præstantia nobilem: putatur condita ex ruinis Bilbilis, quæ fuit patria Martialis. Ad Calatajubam Saloni miscetur Xiloca fl. qui Darocam alluit op. in quo sacra asservantur corporalia, ostenditurque saxum (quod non male refert hominem) in quod mutatum ajunt Sacerdotem, qui coram sacris Hostiis pejerans, optaverat in saxum rigere. Sicoris denique fl. bello inter Cæsarem, & Pompeji Duces Petreium, & Afranium gesto, notissimus, Urgeliam alluit & Leridam, olim caput Illergetum, nec non Olianam oppidum, in quo ædes virginis, ad quam quotannis mense Martio, die Veneris aliquo, ex insula, quam fl. Sicoris efficit, exurgunt tria Luminaria cærulei coloris, quæ basilicam subeunt per fenestras, accendunt luminaria, moxque egrediuntur & disparent: hanc ædem vocant Castell-Vedrensem. Idem Sicoris Cingam excipit fluvium, qui *Balbastro* alluit urbem nobilem, & *Monçon* oppidum, ad quod Regni Comitia celebrantur, & singulis tribus annis ajunt Regem Hispaniæ debere se conferre, ad exigendum tributum Aragoniæ, Valentia, & Principatus Catalonia: Huescam denique antiquis Oscam victricem in Illergetibus Academia illustrem. Conditorem urbs Sertorium agnoscit, ibidem loci à Perpenna interfectum. Cingæ miscetur rivus, qui lapsus ex oppido & valle Broto, urbem rigat Ainsam, caput olim Regni Sobarbiæ.

## CAP. VII.

*Catalonia.*

Utrum hoc nomen à Castellanis deducatur, an verò à Gothis vel Catis & Alanis, quidem percontantur. Cataloniam tamen quasi Gothaloniam dictam plus probabilitatis habet. Ejus fines sunt amnes Sorabis & Cinga; montes Pyrenæi & Mediterraneum. Regio sterilis, fructuum magis quam frugum abundans, imò coloni Agriculturam, pecuariam & artes mechanicas, viles ducunt. Putantur illic supra 100 millia Gallicæ originis, qui ea curant, quæ indigenæ respuunt. Maxima hæc copia Suberis, cujus cortex præcrassus & renascens. A Carolo Martello & Francis Regibus, diu Comites accepit, qui dicebantur Barcinonenses, fueruntque Franciæ clientares, etiam posteaquàm Raymundus Berengarius Reginam Aragoniæ duxit uxorem, donec Philippus Audax eos solvit hoc debito, quando Aragonius ditiones, quas in Gallia possidebat, cessit Gallis. Solventibus ostio Iberi, mox occurrit litus D. Georgio sacrum, in quo nullus portus, domus nulla, proptereaque locus Piratis Turcis gratissimus, in quo naves quæ Catalonia & Balearibus solverunt, præstolantur ad prædam. Rursum post millia passuum octo, procul eminet rotunda turris nocturnis ignibus deputata, albicanti scopulo imminens, ad cujus occasum versus rudera everse arcis bona est statio, tuta à pluribus ventis. Anchoram jaciunt  
nautæ



nautæ ad altitudinem orgiarum 7. vel 8. Hinc  
petes Tarragonam, portum jam olim celebrem  
Scipionis classibus. Pharus eminet in turri qua-  
drata, ad cuius Orientem solem statio est navibus  
tuta. Urbs fuit Hispaniæ ceterioris nobilissima,  
& Provinciæ cognominis Metropolis, ex qua  
prodiisse putatur Editum Augusti Cæsaris, ut  
describeretur Orbis, de quo Luc. 2. Archie-  
piscopatum habet celebrem, Toletano, ut ali-  
qui volunt, priorem. Ager abundat pecore, vi-  
no oleo, frumento. Vix tamen domos 500. in ur-  
be numerabis. Ex ruinis Amphitheatri constru-  
ctum nobile templum D. Virgini *del Milagro*.  
Ab Tarragona ad ostium Rubricati amnis conti-  
nui, sunt montes rupicolæ per declivia cautium  
in formam graduum distincti, quos vulgus vo-  
cat scalas Hannibalis. Nec in toto hoc tractu  
quicquam videbis, præter Pharum in colle &  
oppidulum *Tamaril*, in colle situm. *Lobregat* Ru-  
bricatus Ptolemæo, propter atenas rubras, quas  
perlabitur à Pyrenæis dimittitur, & per Bagu-  
tos in Lacetanos lapsus Issentium circuit agros.  
Solsonam alluit & Cordonam Ducatum, in quo  
mons est, cuius terra farinæ similis apparet; fons  
verò cuius latices rubri ad instar vini. Sal prætereà  
in eo partim candicans, partim crystallinus, cæ-  
ruleus, viridis, croceus, ruber qui contusus eva-  
dit candidus. Salsissimus est, perenniter crescit,  
nec pinis, aliisve plantis officit. Lambit denique  
Manrezam & radices montis altissimi, ex cuius  
vertice despectus est in Baleares. Serratum  
dicunt, quòd ejus circuitus in similitudinem  
ferreæ

ferræ compositus benignum præbeat ascensum. Sacer est Supremæ Virgini, ob vetustissimum ejus simulacrum abditissima in spelunca inventū ab Opilionibus anno 880. Nautis Pharus certissima. Pelagus ingreditur in Barcinonis occiduo litore, ex quo ann. 1343. Rex Aragonum Baleares petiturus solvit cum 106. navibus, Moniivi Nautis *Iuwe*, Mons Jovis, qui olim portum, nunc speluncam tantum præbet Barcinonensibus, & Nautis Pharum nocturnam. Inexhausta hic & perennis laudatur lapidicina, crescente sic materia & cicatricem obducente naturâ, ut nihil penè videatur excisum, licet infinita quotidie petatur materia. Vario ornatur fontium & fructuum genere. Barcino navale jam olim celebre, in eo jacitur anchora ad 9. vel 10. orgias, condita urbs ab Hercule, nomen accepit à Barcinone fratre Hannibalis. Regia fuit Araulphi Gothorum Regis. In ea sepultus Comes Berengarius, qui 12. Maurorum Reges vicit. Metropolis nunc est Catalanæ; vitri conflandi peritissimos habet artifices. Hortensium leguminum ferax est ager, sed frumento caret & oleo. Cabo Dragonis vel Dagofredi ab aquâ frigidâ, Lunarium promontorium antiquorum, nautis omnibus celebre, ex quo velificationis lineas in celebriora Mediterranei maris loca dirigunt. In summo ejus vertice ædes eminet D. Sebastiano sacra. Inter Barcinonem & hoc promontorium cernitur oppidulum Palamos, cujus portui agger prætenditur, objectaq; moles ad quam jacitur anchora ad 10. orgias. *Tec rio* Ticer Plinii oritur in convallibus Pyre-

Pyrenes & per Aufetanorum confragosa loca in plana decurrens, postquam urbes alluit Vicum & Gerundam, auctus omnibus Unda & Nudario, Indictum agros circuit, & versus cirneum montem, miscetur mari ad Bajam *de Rosas*. Girona urbs est Episcopalis, Musis chara, opificum numero locuples, parva quidem, sed utcunque valida. Baja de rosas sinus est in his partibus amplissimus, promontoriis Aphrodisio & Lunario, quasi brachiis in mare procurrentibus inclusus, sic dictus à Rhodopoli, à qua & promontorium Aphrodisium etiam dictum est Rhodope, tutissimus portus ab omni vento præterquam Euro Vulturno; cavendi tamen scopuli duo in meridionali latere, insularum Medarum reliquæ, anchora fundandæ naves in latere Septentrionali ad altitudinem Orgiarum 7. In eundem sinum evolvuntur præterea amnes Sambroca & Clodianus ad oppidum Emporias à Massiliensibus olim conditum in insula Palaiopoli, posteaque in continentem translata. Ad eam M. Cato Hispanorum 40. millia cecidit. Ager sparti ferax est. *Cabo de Creos* à Sancta Cruce denominatum, dictum olim Rhodope & Rhodopolis & Aphrodisium promontorium, Pyrenæorum & Galliæ Narbonensis terminus. In summo ejus vertice turris eminet rotunda, ad quam statio est tuta & jacitur anchora ad Orgias 15. vel 20. Ab hoc promontorio ad promontorium Olearsonem excurrunt Pyrenæi per Iteas 80. inquit Nonius, & hic est terminus litoris Iberici.

## C A P. VIII.

*Mare Balearicum.*

SIC appellatur Mare Mediterraneum, quo insulas circumluit Baleares dictas, vel à Baleo Herculis Comite, ut habet Florus, vel <sup>Mare de Balear</sup> ~~para to balear~~, à Jaciendo. Unde Balistæ & balearis verbera fundæ. Ajunt quippe Plinius, Florus & Lycophron, pueros à matre cibum non accepisse, nisi quem ipsa monstrante, fundæ ictu percussissent. Addit Strabo & Diodorus, proficiscentes ab bellum tribus fuisse instructos fundis. Longiori ad ictus longè dirigendos; breviori, quâ ferirent ex propinquo, & mediocri ad modicum intervallum Unâ caput, alterâ ventrem cingebant, tertiam manû gestabant. Dictæ sunt à Græcis Gymnesiæ, vel quod nudi (secundum Lycophronem) illuc factò naufragio appulerint quidam ex Bœotis, vel quod nudi incederent Incolæ. Ajunt præterèa duos leporum catulos in eas ex ulteriore ripa portatos, masculum nempe & fœminam, ita prole auctos fuisse, ut domos cuniculis factis subverterent & arbores, qua de causâ coactos esse Legatos Romam mittere qui peterent regionem, qua sedes mutare possent. Certè si quibusdam Græcis septem gymnesias ponamus iis Pityusas & minores aliquot juxta positas accensebimus, à Pineto frutice nomen habent, earumque duæ præcipuæ. Uni nomen Yuica, alteri Colubraria. Solum omnium, serpentes necat. Ex terebintho olim parabant oleum.

oleum. Egregiè felices sunt & fœcundæ , feruntque armenta omnis generis. Piratica olim vivebant incolæ. Carthaginenses postea , mox Romani Duce Metello , postmodum Saraceni, denique Jacobus Aragonum Rex eas sibi subjecerunt. Ebusus 10. circiter millia passuum in ambitu continet , ager fertilis & salis abundans copia. Præcipui duo portus sunt in parte Orientali. Uninomen à S. Hilario, ubi castellum & turres duæ & statio commoda, alteri nomen Yui-ca, ubi oppidum cum castro olim Ebusus dictum Carthaginensium colonia. Ab Ebuso mediocri freto dividitur frumentaria antiquis Ophiuca, inculta ob serpentes omnibus perniciosos qui terram Ebusianam secum non ferunt. Major Balearis figurâ est quadratâ C. M. P. longitudine , in circuitu 380. patens , Portopini portus est satis amplus qui sex millia domiciliorum continere dicitur. Majorica urbs est caput insulæ in interiore sinu, in quo statio tuta. Hinc oriundus Remondus Lullus, quem populares tanto honore prosequuntur, ut eum in vicem Aristotelis juventuti exponant. Petræ promontorium spectat Orientem. Ab eo haud removetur Polentia Romanorum olim Colonia, nunc modicum oppidum, sed portu insigne. Minor Balearium XXX. M. P. distat à Majore, longit. LX. circuitu vero CL. M. P. unicam habet urbem quæ Minorica appellatur, & plures pagos. Portus in Septentrione porto Tornelli , Notalibi, cum Citadella , ad Euro-notum Porto Maon, altis montibus & nemorosis undique cincta est , nunc Mediterraneæ partes  
uber-



ubertate soli & pascuorum bonitate Majoricæ non credunt, mulos alit præstantissimos. Olim tres in ea fuerunt urbes, Jammona ad occasum, Magona ad Orientem & Janifera. Vide Baron. tomo 5. Ann.

---

C A P. IX.

*Mare Gallicum Rhufcinonensis Comitatus, Montes Pyrenæi.*

**S**Inuosis Galliæ Australis litoribus, quod Sprætenditur mare Gallicum dicimus ab Aphrodisio promontorio ad Ligures & Varum fl. ubi Antipolim inter & Niceam in mare inferum effunditur. Partem à Venereo cornu ad Rhodani medium ostium extensam per min. 135. Narbonensem sinum ab urbe secundum Volcarum litus posita, dixerunt majores. Aliam verò à Rhodan oper min. 180. ad Varum extensam ab Massilia portu celeberrimo in Salviorum Provincia sito, Massalioticum, seu Massiliensem appellarunt. Antonini itinerarium ab Nicæa ad fossas Marianas, seu Rhodani ostia per litorum anfractus procedens & assignans singulis oppidis, portibus & promontoriis vera eorum intervalla, colligit millia ducenta 49. plura sine dubio, quam hodie reperiās, exesis scilicet litoribus. In toto Narbonensi sinu, aura minima de causa maximas patitur mutationes, leniterque spirante Euro tempestates excitantur adedò horridæ, ut nautis omnibus horrorem incutiant, qui undarum vio-  
len-

lentia frequenter, cum suis navibus absorbentur. Apud antiquos Geographos Galliam ab Hispania Pyrenæi montes dirimunt, geminis promontoriis in duo maria procurrentibus, in Oceanum quidem Gallicum Olearsone; in Mediterraneum templo Veneris, quod nunc religione mutatâ à S. Cruce *Cabo de Creos* denominatur. Et verò Athenæus, Mela cæterique collocant in Gallia Narbonensi Rhuscinonem Latinorum coloniam, sitam in ora Sardorum, quam Pomponius & Plinius à Curiano promontorio extendunt ad Leucatem & fontes Salsulæ.

Rhuscinonensis igitur Comitatus concluditur inter Pyrenæi brachia, quorum unum ad Illiberim tendit, alterum ad fontes Salsulæ. Caput illius fuit olim Rhuscino, nunc Perpignianum. Defuncto autem Gerardo Comite, absque hærede an. 1168. ad Alphonsum IX. Aragoniæ Regem devolutus est hic Comitatus. Sed Joannes ærarii compulsus inopiâ Ludovico XI. Gallorum Regi 300. aureorum millib<sup>9</sup> eum oppignoravit. Postea eundem Carolus VIII. anno 1494. Ferdinando Regi his conditionibus concessit, I. ne filias cuiquam Principi jungeret matrimonio sine Galliæ Regum consensu 2. ne sibi esset impedimento, dum Neapolitanum regnum in ordinem redigeret. Singula videamus. In duplicem nunc hemicyclum curvata litora duplicem efficiunt portum; uni nomen porto Veneris, in quo ad 10. vel 12. orgias jactitur anchora. Alteri nomen Lansan, cujus statio laudatur ab omnibus hydrographis. In eam naves evchuntur per aquas

aquas 10. imò 20. Hexapodis extantes. *Colibre* vicus est Illiberis, magnæ quondam urbis & magnarum opum tenue vestigium, ut habet *Mela*, Volcarum siquidem Rhuscinonensium, fuit Metropolis, assidens cognomini promontorio, portui, & fluvio: quem enim diximus *Rio Tech*, Strabo vocat Illiberim, qui è Pyrene exit, alluit Helenam urbem Episcopalem, in qua olim Constantius imperator interfectus est, postquam eam à fundamentis excitasset & Helenam de nomine aviæ suæ appellasset. S. Maria *Almare* viculus ad quem labitur in mare, *Latet rio*, *Melæ Telis*, Straboni Rhuscino propter Rhuscinonum castrum quod alluit sicut & Perpignianum urbem quam condidit Guinardus Comes anno 1068. loco versus Meridiem in clivum assurgenti, cui arx imminet. Philippus Galliarum Rex febre correptus hinc interiit. Ex quo verò Ludovicus XII. eam obsidione cinxit an. 1543. muros egregiè communierunt incolæ, lanificio plurimum addicti: numerat focorum circiter 4. milia, distat à mari 4. min. & ab ea min. 2. Turris Rhuscino, Romanorum olim Colonia valde celebris, ubi priscarum ædium apparent rudera. In latissimo ad Rhuscinonem campo Carolum Martellum conferta manu Visigothorum & Alano-  
rum nomen in iis partibus extinxisse refert Helias Apamiensis l. 2. hist. Fuxensis. *Egli rio Melæ Tis*, amnis quidem modicus, sed ubi accrevit persævus. Salsulæ fons sic dictus quod ut habet *Mela* Salsioribus, quam marinæ sint, aquis diffuset. Hiberno tempore cum sit calidus & æstivo  
geli-

gelidus, mirum in modum piscosus est, adjacet fonti campus multa humilique frequens arundine: quem si fodias, ut memorat Polybius & alii, ad altitudinem duorum, vel trium cubitorum, mugiles fossiles innumeros reperies; tortuosos enim & multiplices aquæ cursus, pisces cibi gratiâ sequuntur, dum hinc aquæ tepore, inde graminis alliciuntur radicibus. *Salsas.* arx ad fontes Salsulæ à Carolo V. ædificata è regione inexpugnabilis propugnaculi Leucates, quod cum Vernacule anserem sonet, Salsas addidit, *Il y a mis la sause*, Clavis est Hispaniæ. Aër est pestilentior ob vicinas paludes.

Pyrenæi montes Europæ altissimi ab interno mari, seu Comitatu Rhuscinonensi ad caput Ficuum, seu Fonterrabiam in Cantabris ad Oceanum per stadia ter mille extenduntur. Variis in locis arboribus in maximam crescentibus altitudinem sylvescunt, in aliis campos cernes segete utcunque fecundos; quibusdam jugis perpetuæ sunt nives cælo propemodum immissæ Qui summa juga incolunt, barbarum incultumque hominum genus est, nullis ferè legibus obnoxium, per fas nefasq; omnia tentans, armis afflictum, famis, æstus & algoris patiens; qui Galliam spectant nunquam Romanum subiere jugum, tamen Crassus in eos jussu Cæsaris duxerit exercitum. In Vallibus innumera sunt oppida, vici, castella, hominum multitudine frequentia, quibus ad victum terra tamen saxosa suppeditat necessaria. Versus Hispaniam colles Baccho abundant & Cerere. In his montibus Gen-

Gentiana , Cardinea, Saxifraga aliæque herbæ corpori humano utilissimæ succrescunt, quibus freti montani Medicorum pharmaca facile spernunt. In Cavati montis vertice versus Rhuscinonem lacus est immensæ profunditatis, qui repentinis imbribus, Oceani more æstuat, & grandine tonitribusque videtur concuti interiùs. Umbra- rum & dæmonum sedem ajunt, & languentium clamores horridos audiri narrat Hieronymus Paulus, additque sata & arbores ejus aquæ malignitate contractas aduri & arescere; tetriora longè de Pyrenes monte Taburo refert Helias Apamiensis hist Fux. l. 1. Ex his montibus Idubeda mons versus Austrum ad Iberi fontes in Pelen- donibus derivatur, & per cacumina Orbionis & Cauni emissus, Orospeða mollibus initio jugis sensim, tamen sese efferens Molinæ montes erigit, Conchæ deinde ubi Sucronem & Tagum fluvios emittit, inde Consuegræ montibus constitutis, Anæ fontes enixus, nec ita multò post Bætis, in duo brachia scissus, uno ad Muxaram & Mediterraneum desinente, altero ad Calpam & Tartessum procurrit, vel potiùs transmissò fretò Atlanti junctus, ipsam complectitur Africam.

---

C A P. X.

*Gallia Narbonensis, seu Langue-  
dochium.*

G Allia, quæ Braccata ante dicta, deinde à Narbone Martio Narbonensis, mox à Viennâ Vien-



Viennensis appellata, tota Pyrenæo, Gebenna & Alpibus cōclusa, mari Mediterraneo imminet, opum amplitudine & hominum solertia nulli terrarum posthabenda. Mediæ ætatis Scriptores, Sidonius Appollinaris, & Gregorius Turonicus, hanc Galliæ partem vocaverunt Septimaniam, deducto fortassis nomine à septem illis Provinciis utraque Narbonensi, utraque Aquitania, Novem-populania, maritimis Alpibus & Viennensi, quarum conventus annuos Honorius & Theodosius Arelate dixerunt. Illarum porrò septem, potissima pars iisdem Scriptoribus visa, utraque Narbonensis. Dicta etiam reperitur Landgothia quandiu occupata est à Gothis: ex quo vocabulo, quod idem valet, atque terra Gothica vox *Languedoch*, fluxit pro ejus Provinciæ vernaculo nomine. Quanquam non desunt qui ex eo fluxisse hoc nomen putent, quod *Oc* ipsis in idem, quod reliquis Gallis *Ovi* & *Languedoc*, ejus populi esse patriam, qui *Os* pro *Ovi* pronuntiat. Idem quoque regionis tractus Occitania dicitur à recentioribus, ob eandem causam & usum vocis *Oc*, nisi fortè Auscitanos pro Ausciis, Aquitaniæ populis voluerunt dicere. Dividitur nunc in superiorem, inferiorem, & Cemenicam. Coronæ Franciæ accreverunt Comitatus Tolosanus, & Carcassonenfis, necnon Vicecomitatus Biterrensis, regnante S. Ludovico: Narbona, Ludovico XII. & Monspeffulanus, Philippo Vallesio. Jam ordiamur ab ipso litore Narbonensi. Extremum Pyrenæi cornu *Las Mattes*, occupat Gallica arx validissima Leucata, Hispaniæ termina,

termina, ab hoste tentata sæpius Volcæ Narbonii extremi Tectosagorum, hinc extendebantur ad oppidum Blitterram & ostium Obri fluvii. Urbes eorum Atacini appositæ. Arecomici Volcæ, ab Obri ad medium Rhodani alveum patent, motibus separati à Gabalis & Velaunis. Atax fl. vernac. *Aude*, initio præceps, mox placidus & stanti similis, oritur non ex Cemenò, ut ait Strabo, sed ex Pyrenæo in Aletensi regione, urbes alluit situ & manu firmissimas Aletam *Alex*, 42. 43. Limolium *Limoux*, unde sedes Episcopi Aletham translata. Carcassonam *Carcassone*, 42. 53. urbem Episcopalem primam Senatus Tholosani Seneschaldiam, Simonis Monfortensis adversus Comitem Trinquabellum victoriis celebrem & Narbonem Martium, *Narbone* 42. 45. Archiepiscopi sedem, olim verò Proconsulum Romanorum, qui eam urbem Amphitheatro, Capitolio, & aquæ-ductibus decorarunt. Atax verò supra Narbonem in duos divisus alveos, altero eam rigat urbem, & infra eam lacum Rubresum subit, indeque ad caput *Romanin* & Turrim novellam delabitur in mare Australe: altero verò per stagnum Vandrensem *l'estang de Vandres*, in idem pelagus evolvitur, secum aquas devehens amnis Hiciæ, qui ortus in agro Sam-ficiano oppidulum alluit Castel navium, *Castelnav d'Ari* 43. 4. in Lauracis, ubi Kal. Septembr. anno 1632. peibrevi, sed cruento prælio, inter Gastonè Ducem Aurelianensem & Schombergium Regii exercitus Ducem, commisso, captus Montemorena-

morencius Dux generosissimus, Languedochii  
 Prorex, qui Tholosam perductus capitali in eum  
 ab Senatu dicta sententia, ferro cervicem subdi-  
 dit 3. Kal. Novemb. In Hiciam *Hicie*, rivulus  
 labitur, qui Sam-Papulum *S. Papoul*, urbem  
 Episcopalem rigat. Volcis Narboniis succe-  
 dunt Arecomii, qui ab Obri fl. extenduntur ad  
 trium alveorum Rhodani medium, id est, à Bli-  
 teris ad oppidum, cui nomen à tribus Mariis  
 indeque secundum Rhodanum ad Pontem *S.*  
*Spiritus*. Obri seu Orgius, vern. *Obre*, oritur ex  
 montibus Gabalorum, actusque amniculo, qui  
 Sam-pontium rigat, abit Bliteram, & post  
 amin. circiter 36. à fonte influit in mare. Sam-  
 Pontius, Tomeriarum, *S. Pons de Tomiers*, urbs  
 Episcopalis ex Abbatia olim fundata à Pontio  
 Comite Tholosæ, in quo Dominus Ramirez 40.  
 annos vixit Monachus, indeque ad Regnum A-  
 ragoniæ evocatus anno 1133. Bliteræ, *Beziers* 42.  
 55. urbs Episcopalis dicta est Orgo à monte, cui  
 infidet, receptam à Gothis Carolus Martellus so-  
 lo penè æquavit, iterumque Simon Mon-fortius  
 quando in illis partibus 60. hæreticorum millia  
 interemit. Qui Narbona Bliteras contendunt,  
 ubi collem conscenderunt, unde prospectus est  
 in utramque urbem & Pagum *Quarente*, ajunt  
 ex monticulo, intuitu uno 42. urbes se vidisse.  
 Ita verbo ludere aliquando gratum. Arauraris,  
 vernac. *l'Eraud*, ab Gabalis ortus, rivis pluribus  
 augetur, quibus rigantur Lutena, *Lodeue*, urbs  
 Episcopalis, Pisene, *Pesenas*, oppidum elegans, ar-  
 ce munitum, & nudinis inclytum, cui proxima

villa, *la Grange*, Mont-morenciorum gratissimus olim secess<sup>9</sup>. & *Agathe Roe*, *Agde* 42. 50. alia urbs Episcopalis, in qua celebratum illustre Concilium anno 506. sita in peninsula, infra quam *Arauraris* abit in mare. Succedunt in litore Caput *Agathæ*, *Cap d' Agde*, & ante ipsum scopulus, *le Brescon*, cui affixum castrum munitum. Inter utrumque directa moles 800. circiter orgiarum, ad muniendum portum, qui naves 400. potest capere. Ad Caput *Serinum*, *Cap de Sette*, reperitur marmor eximium. Habes postea *Frontinacum*, *Frontignan*, cujus vina & uvæ passæ laudantur, situm ad piscosissimum Lacum, à vicis *Lattes* & *Ferotz*, dictum *Etang de la Latte*, vel *de Perotz*. Illud à mari sejungunt, hinc *Agathensis* peninsula incolis dicta *Playe de la Mar*. Inde insula *Blasco*, nunc ab Anguis specie dicta *l' Anguillade*, quibus tanquam vallo fortissimo *Narbonensis* *Galliæ* litus, ab hostium incursionibus tutum redditur. In stagni medio insula est *Mentina*, vern. *Magalone* 42. 55. ex cujus monumentis constat, incolas Christi fide imbutos à Discipulo *S. Petri*, & à *D. Paulo*, cum in *Lusitaniam* transmitteret; septem summos *Pont.* Religionis ergo in eam se contulisse insulam; *D. Ludovicum* è *Palæstina* redeuntem non prius *Galliam* revisere voluisse, quam Christum in *Magalonæ* templo (quod *D. Petro* sacrum, innumeris Regum *Galliæ* auctum est donariis) adorasset: Cardinales 8. Episcopos 100. in ea sepultos, præter 500. Religiosos doctrina & moribus celebres, quorum pietas semper enituit in

orando Deo pro defunctis, antequam S. Odilo idem pietatis officium in Occidente commendasset: sedemque Episcopi translatam Montempeffulanum, *Montpellier* 43. quam etiam alluit urbem celebrem arce, Episcopatu, & Academia medica, in qua Avicennæ, Averrois, cæterorumque Arabum discipuli, Hispania pulsi sedem fixerunt, quod vicini montes, infinita simplicium abundant copia, urbis plateæ angustæ & ædes excel-  
sæ ad inhibendam radiorum solarium vehementiam. Vidulio, *Vidourbe*, oppida alluuntur naturâ, vel arte firmissima, *Sauve*, Sestatio, *Sommiers* Forum Domitii *Lunel*, & Aquæ-mortuæ *Aigues mortes* 42. 55. urbs condita à Massiliensibus, ubi portus celebris, ad quem appellant naves plurimæ ob nudinas Lugdunenses. Leucæ spatio ab ea distant Salinæ Metapinæ dictæ, *Les Salines de Pequaiz*, à præsidio *de Pequaiz*, sito in fossa Rhodani, è regione ostii amnis *Risfral*, influentis in eandem fossam, qui fontes habet supra Nemausum, *Nismes*, 43. 10. ad fl. *Vistre*, Episcopalem urbem caput Arecomiorum, solo sitam cultissimo, in qua cernuntur innumera antiquitatis monumenta, quorum Palmarium est amphitheatrum 470. passus continens & 63. arcus. Volcarum Arecomiorum urbes reliquæ Rhodano appositæ sunt, Sant-Ægidius S. *Gilles*, olim Abbatia Benedictinorum in valle Fluitana vel Gothica, postea Melitenisibus equitibus data. Vindomagus, *Beaucaire*, 43. 6. & nonnullæ aliæ, quas rigat Gardonus amnis ortus in Gablis, scilicet Andusa *Anduse* oppidum, Usetica *Vsez*, urbs



Episcopalis, Ducatus titulo insignita anno 1566. & Pons Guardonius, *le Pont du Guard*, seu potius mirifica aquæductuum substructio, tripliciter arcuata; cui<sup>9</sup> ordo inferior sex tantum pilas continet, medius undecim, superior 35. quibus incumbit canalis altus sex pedes, latus tres, toties verò operis altitudo pedum 82. Pons San-Spiritus, *le Pont S. Esprit*, 43. 35. oppidum Volcarum Arecomicorum, seu Languedochii terminus, insigne ponte longo 1206. passus, lato 13. in quo fornices 22.

## CAP. XI.

*Rhodanus.*

**O**Ritur Sempronio ex jugo, *Mont Sanpron*, peninarum Alpium celsissimo, qui pars est Adulæ seu montis Godartii. Fontes habet apud Mantam vicum, paucis min. à fontibus Arolæ, Rheni & Ticini, per Sedunorum & Veragrorum, quos jam Valesios dicimus, umbrosas valles, & campestria ruit, minimè altus, sed Vado facilis ad Pagum *Neunille*, ubi miscetur Lacui Lemano, unde ad Genevam exit, ferturque in occasum fermè Lugdunum usque, ac inde advenis aquis locupletior vertitur in austrum, Galliamque præterlabitur tanta cum violentia, ut summæ gloriæ Plutarchus Sertorio tribuat, quod eum trajecit armatus. Et verò *Rhedec*, Britannicè significat violenter currere. Navigabilis est à Taureduno castro, seu Chusa tribus leucis infra Genevam. Evolvitur in mare Massalioticum

triciū triplici ostio, Metapino, Hispaniensi, & Massaliotico. Priora duo Lybica nuncupantur; primum quidem Metapinum, quod per Volcarum fines obliquè decurrat in Metapina stagna salaria, *Les Estangs Salez de Peguais*, Rhodaninum vocant incolæ, quorum industria difficulter fovetur, & limo purgatur ad commodiores salis & aliarum mercium evectiones. Medium Hispaniense dictum, quadrante leucæ supra Arelatē divellitur à principe fluente, effunditurque in mare ad tres Marias oppidum. Tertium vocatur ab incolis, *le Tampan*, à latinis Massalioticum, tum quod ex tribus sit istud Massiliæ propinquissimum, tum quia C. Marius ducta ampliore fossa, illum Massiliensibus concessit ob præclaram sibi in bello adversus Ambrones aliosque navatam operam. Ager, qui figura Triquetra porrigitur ab Rhodani divortiis, usque ad mare alveis Hispaniensi & Massaliotico conclusus, vini Cereisq; longè feracissimus est, & abundans, pascuis vulgus vocat *la Camargue*, Majores Castra Mariana, quod in eo habuit Marius exercitum, dum fossa ducta, Rhodani ortivum alveum ampliavit.

## CAP. XII.

*Pennina Alpīs & Valesii.*

**P**ennina Alpīs, *Alpe Pennine*, nomen habet nō à Poenorum exercitu, Cottia enim Alpe transivit Annibal in Italiam, sed à Penno Deo  
 u 4 quem

quem Alpini in Sempronio summo horum montium jugo colebant. Ab hoc Penninae sunt dictae Alpes proximae, quae frequentibus in transversum jugis excurrunt & Sedunorum Veragrorumque vallem sic complectuntur, ut ex ea tres sint tantum exitus, scilicet per Sempronium montem in fines Insubrum & Italiam: per summam Alpem, *le Grand. S. Bernard*, in *Salassos Vald' Aouste in Savoye*, & ex his in Subalpinos *en Piedmont*: & per fauces Agauni de *S. Maurice* in *Annuates, les Chablaisiens*, & Allobrogos Sabaudios. Penninis Alpibus Seduni Montani continentur & Veragri Campestris: Valesios nunc dicimus Superiores & Inferiores. Illi Teutonice lingua utuntur in septem decumas, seu Conventus divisi. Hi Allobrogum idiomate, in sex communitates, seu Vexilla partiti. Omnibus praest Episcopus Sedunensis Comes Valesiae. Incolae humani sunt, sed plerique Strumosi, ager feracissimus Vini, Tritici, Siliginis. Abundat & croco, pecoribus, lacte, piscibus. Montes vero mineris crystalli, plumbi, æris, ferri, thermis & herbis medicis, Terebintho & Agarico. Sedunum Sion Germanicè *Sothen* Metropolis est regionis sita ad Rhodanum in lat. 46. Sola muris cincta, in quam translata dicitur à quibusdam sedes Episcopatus Octoduro, Veragrorum, seu Valesiae Inferiolis civitate. Ad Martinacum *Martinach*. 45. 50. oppidum Rhodanus excipit Dransam fl. cujus origo in monte Sambernardo majori qui Valesios inter & Salassos intercedit, *entre les Valesiens & ceux du Vald' Aouste*, qua expeditior est

est via, quàm per vicina jura ex Sequanis, Helvetiis & Germanis in Salassos, indeque ad Italos: S. Moritz. 46. Abbatia Agaunensis S. Maurici ad Rhodanum & radices Alpium Penninarum in ditione Valesianorum, à S. Sigismundo Burgundiae Rege fundata in angustiis Agauni, quod antiquo Sermone Gall. Saxum sonat, ut habetur apud Sanctum Eucherium. Hæc porrò vallis à capite ad Lemanium lacum longa est 90. millia passuum, vix duo lata.

## CAP. XIII.

*Lacus Lemanus, Chablasi, Vandenses, Gesii, Mons Jura, Genevenses.*

**L**emanus extenditur in long. min. 56. in lat. 13. Cum passibus 500. quibusdam verò locis altus est adeò, ut immissa bolide ad 500. orgias, non reperiatur fundum. Truttæ 100. librarum in eo inventæ. Tranquillâ aquæ superficie, interdum magno navigantium discrimine turbatur, aurâ, ut creditur subterraneâ quàm incolæ Vandesium vocant. *La Vandaise*. In eum torrentes minimum 40. præcipitant; in quibus vix ullus alicujus nominis. Rapis clauditur eminentibus, ex quibus vinum illud generosum colligitur quod à lacûs ripâ vocant Ripalium. Australe latus incolunt Antuates Allobroges, Boreale Latobrigi. Antuates ii sunt quos dicimus Chablasi *les Chablaisiens*, fusos ab Geneva per totum latus Meri-

dianum Lemani usque ad fauces Penninarum Alpium. Ager planissimus est, & omnium frugum ferax & vicis frequens. Oppida tamen minus celebria, Tononum in clivo celsiore ad ripam, & Aguianum, vern. *Eniam* 4 6. 15. Latobrigi *les Vaudois peuples du pays de Vaux*. Boreali ripæ Lemani appositi, in Helvetiorum nunc sunt potestate: non tamen sunt, nec unquam fuerunt gentis Helvetiæ, sed suæ. Eorum oppida sunt Villanova *Villeneuve*, Viviscum *Viviers*, Lausanna *Losanne*, Episcopatu Aventico & Concilio Basiliensi illuc translato nobilis, Morgeſium *Morges*, Rollium *Rolle*, vicus amœnus cum arce, Nevidunum equeſtris Colonia, oppidulum inter quod & montem Jura, visuntur rudera perantiqui muri, qui putatur à Cæsare ductus, ut Helvetios sisteret, Copetium *Copet*, Versonia pagus, olim Castellum, ad quod influit amniculus ex Gesio *Ges*, oppido supra clivum Jurasi montis sito, à quo tota illa montanæ regionis lacinia Gesia vocatur, *le pays de Ges*. Jura seu Jurasus *Mont-lou ou Jura*, ab Geneva Sequanos inter & Helvetios versus Boream oblique porrigitur ad fines Mediomatricorum, contra oceanum verò in varia promontoria tributus, Sequanorum oppida & agros frequentibus clivis & vallibus distinguit: celsus est & amplus frugum, ferarum & abiegnæ materiæ dives. Ipsum verò nomen *Iou* vetere Celtico vocabulo montem sylvosum significat; unde viculus *Miron* occurrens inter facientibus ex Geneva San-Claudium. Idem enim est, quod montani ascensus intervallum medium. Ad egressum

Rho-



Rhodani ex Lemano sunt Genevenses, *les Genevois* 46. 10. Provinciola jam ex Antiquo celebris à 600. verò & eo ampliùs annis diversis subiecta Satrapis, annoque demum 1536. cum Bernatibus & Tigurinīs Helvetis fœdere junctā, cum quibus jam ab an. 1529. everfis aris deturbatisque imaginibus Romanam fidem ejuraverat, urbs arte munita & manu, negotiatione serica & libraria celebris.

## CAP. XIV.

*Arua, Focunates.*

**A**RUA *Aruæ* oritur ex Alpibus non longè à Sacello Virginis *de la Gourre*, 45. 35. convallem alluit pinguem & feracem, oppidāq; Salanthias Salance 45. 48. Clusas, *Cluse*, & Bonamvillam, *Bonne-ville* 45. 58. caput gentis Focunatiū *de Focigny*, & Primarium forum Judiciale. Rochiam & Fortalitium Aruæ ab Genevensibus contra Allobroges excitata, nonnihil supra Confluentem Aruæ qui 100. passus infra Genevam tantā cum violentia in Rhodanum ingreditur, ut aquas non misceat, imò Rhodani cursum interdum avertat in Orientem & Lemanum, ejusque mōlitrinas motu contrario agitet; quod an. 1572. contigisse refert Casaubonus. Ejus truttæ quando Lemanum subeunt facillè pinguescunt, sed ruborem exuunt & suavitatem, quā utramque dotem regressæ in natalem Aruam recipiunt. In Alpe Pennina quæ Focunates respicit, regio est nullis pervia solibus, ubi glacies illa celebris,

U 6

quæ

quæ æternis durata frigoribus fit crystallum, ex quo eximia Itali vasa conficiunt, quæ tantum in fornace & certis medicamentis adhibitis possunt liquefcere. Inter Chanci & Pogni sternitur pons quo transmittunt, qui Lugduno Chamberium, vel Genevam proficiscuntur. Clusa, *le pas de Cluse*, Tauredunum olim castrum in monte situm, cujus ruinis aquæ Rhodani restagnantes Genevæ mœnia olim transcendunt, totusque ejus alveus adhuc sic occupatur, ut navigationem ab Lemano impediat, viam tamen sibi per cuniculum aperuit Rhodanus ex quo prodit denuò & labitur quietior. In ripâ sinistrâ Fortalitium est tetragonum. Minutis 24. infra Genevam oppidum habes Beugesiæ Sessellium *Seissel* utramque Rhodani ripam & mediam occupans insulam. In conspectu Sessellii in Rhodanum influit Titius amnis *le Tieu*, Moletrinis & ferrariis fabricis utilis, qui Annecium *Anici*, urbem perluit, in quam translata Genevensis Episcopi sedes. Lacus urbi proximus admodum piscosus est, ternas ferè leucas longus. In Titium torrentes præcipitant qui Cruselias & Remelium Genevensium oppida alluunt. Ad Chanassium portum Rhodanus excipit Lessium amnem quem emittit Burgetius lacus Sabaudiorum, trutta, lucio & thrissa lavareto abundans. In dextra Rhodani parte Genuini sunt Sebusiani, *les urays Beugeres*, quorum oppida Rochefortium, penè ad ostium Serani & Belleium, *Bellay*, urbs Episcopalis, in læva verò Delphinates ab ostio Giviæ, ubi situs est San-Genisius ad Angustam *S. Genis d' Aouffe*, Campestrem

pestrem oppidum Allobrogum ad confluentem  
 Givix qui ortus ex altissima & sterili Carthusiæ  
 Eremo Escelias alluit & Latisconem Pontem  
*Beauvoisins* oppida Delphinatibus & Allobrogi-  
 bus communia. In ea eremo S. Bruno Colonien-  
 sis & Remensis Ecclesiæ Canonicus doctrinæ  
 pariter & sanctitatis laude celebris Carthusien-  
 sium ordinem Sanctissimum instituit an. 1086.  
 Habes præterea in eadem Delphinatum ripa  
 Cremiacum *Gremieux*, paulo tamen remotius  
 ab Rhodano, sicut in oppositâ Idanum *le Dain*,  
 quem ex sinuoso recessu vomit mons arduus, *Si-  
 rodo*, grandi pago incumbens, fons in antro præ-  
 cipiti latus 10. passus, cujus profunditas im-  
 perferutabilis altissimum fundit gurgitem troctis  
 & auratis gratissimum: per rupes devolutus, Se-  
 quanorum agros rigat, Juræ montis radices sub-  
 luens, à quo rivos circiter 60. excipit & crates li-  
 gnorum ex abiegnis sylvis suscipiens, Bressiam  
 secat in duas partes, & in Rhodanum tandem la-  
 bitur. Urbes præcipuæ, ipsi vel ejus rivis ap-  
 positæ sunt Noseroium *Noseroi*, Sansorlinus,  
 Sanctaudius cœnobium insigne Sanctissimi Ve-  
 suntiorum Archiepiscopi, Idanum oppidum &  
 pons.

## CAP. XV.

*Araris, Sequani.*

**A** Raris *la Saone*, obliquo inter ortum & Se-  
 ptentriones cursu ex montis Vogesi Lotha-  
 ringiæ pago Grandimontio ortus, Æduos &  
 u 7 Sequa-

Sequanos interfecat, & Brannovices à Sebusianis dividens tanta fuit lenitate, ut oculis, utram in partem eat, non judicetur: nec plus laboris puellæ duodennes, quæ naviculas regunt, sentiant dum ascendunt quam si descendant, facile crediderim Arar quod Britonibus lentum sonat idem apud antiquos Gallos significasse. Lucios omnium optimos alit & Carpiones laudatissimos. Ædui amplissimus quondam Celticæ populus pro variis regionibus variis subinde distinctus est nominibus. Nam alij dicebatur Nivernij, de quibus egi in Ligeri, alij Boij, de quibus in Elavere, plerique Bibracti ad Arrotium, vel Mandubij, ripas Armantionis accolentes. Alij denique Divionenses. Cabillonenses & Ambasri, de quibus nunc agendum. Ut vero dexteram Ædui, sic lævam Araris ripam occuparunt quondam Sequani, quorum animos, ut sibi adversus Theodosium Imperatorem devinceret Tyrannus Maximus, eorum Provinciam dici voluit Maximam Sequanorum. Utrosque postea subjecerunt Burgundiones, quorum nomenclatura & origo mirum quantum diversa & incerta. Ajunt verò Prosper, Cassianus & Jornandes an. 413 Burgundiones Germaniæ populos, à Constantino pacem impetrasse, sedesque ab eo apud Helvetios & versus Rhodanum obtinuisse, eodemque anno ad Christi fidem conversos monet Socrates. Auctum postea progressu temporis hoc regnum Provinciis, quæ hodie nominantur Sabaudia, Burgundia, & Provincia. Regni Metropolis aliquando facta Arelas, subinde Augu-

Augustodunum, postea Cabillonum, tandemque Divio. Iplis imperarunt Reges quinque, posteaque hoc regnum Franci occuparunt an. 532. & retinuerunt ad an. 888. quo mortuus est Carolus Crassus, qui Franciam tenuit & Imperium, tuncque Cis-jurana Burgundia mansit sola in Francorum dominio, traditaque Ducibus, quorum primus memoratur Richardus qui obiit anno 921. Trans-jurana verò Burgundia quæ Sabaudiam, & nunc dictos Helvetios continebat, usque ad Alpes, Reges sibi creavit, ait Regino, Rodolphum Comitem, qui invito Arnulpho Imperatore retinuit regnum cum successione ad posteros ad an. 1032. quando à Rege Rodolpho coronâ ad Conradum Imperatorem missâ, Burgundiæ regnum Imperio unitum fuit. Nec ita multo post traditum Comitibus, qui eas partes tenuerunt ad an. 1313. quo uniti sunt Ducatus & Comitatus, quibus omnibus mortuo Philippo Audace, successit Joannes Franciæ Rex. Cætera diximus in Belgio & Flandriæ Comitatu. Nunc Superior Burgundia, liber dicitur Comitatus, quod ut ajunt, sint incolæ omnibus tributis liberi, sub protectione tamen partim Regis Catholici, partim Bernensium Helvetiorum. Dividitur in tres Præfecturas, Superiorem, Inferiorem, & Dolanam. Sic fertilis est, ut vili penè semper pretio veneant vina, frumenta & carnes. Celebriora loca hujus Comitatus sunt Luxovium *Luxevill.* 47. 45. famosum Monasterium Ordinis S. Benedicti, conditum à S. Columbano in Vogeso saltu agri Sequanici, ubi



ubi thermæ celebres. Monasterium præterlabitur Antenna, l' Antenne, qui ortus in celebri pago Falconeo Francogny, in Ararim labitur, supra Vicum Portu Sonam, Por-sur-Saone. Vesulium, Vesou, fortissima habet mœnia, sedes est Bellivæus Superioris du Baliage d' Amont. Grajum vero Grey 47. 22. plateis, fontibus & ædificiis cultum; præcipua Sequanorum arx est adversus Lotharingiam & Franciam. Urbes aliæ appositæ sunt Alduabi, Doux, qui fontes habet in lacu amplissimo, cujus aqua subterraneo meatu per montem Jura, sibi viam aperiens post 5. mun. erumpit tanta violentiâ, ut illico totam verfet ferrariam, moxque aliam quæ trabes abiegnas dividit, indeque prioratum Motensem la Motte, 46. 37. qui instar oppidi est, alluit, & nonnullis anfractibus sanum petit S. Hippolyti, 47. 20. & pagum Dampierre, ubi Allium amnem Halle, excipit in Rauracorû confinio ex monte Vogeso profluentem, variisq; auctum rivis, quibus rigantur oppida Bruntuttum vern. Polentru, sedes Episcopi Basileensis: Mentbeliart, caput Comitatus cognominis & Befort, 47. 25. arces sitæ in claustris, quæ Germanorum in Galliam irruptiones arcent. Ibi Cæsar Aristovitum vertit in fugam. Exinde verò Dubis post varios gyros & flexus Vesuntium permeat, Besançon, 47. 8. civitatem Imperialem, Sequanorum Metropolim, & facta insula ad Dolam Dole, 46. 54. civitatem 5. vallatam propugnaculis longe optimis, Academia & supremo Senatu Comitatus Burgundiæ illustrem, post multas ambages in Ararim

rim prope Virodunum *Verdun*, labitur. Lupa *la Louve*, nascitur in specu ex perfossa rupe durissima, in monte, *S. Georgen*, vico ovino, rapidusque fuit per Ornatum *Ornans*, 47. oppidum inter montes situm. Quingium *Quingé*, vetustissimum oppidum anno 1480. solo æquatum, nunc utrumque restauratum, rivos admittit reliquos, quibus rigantur Salinæ *Salins*, Arbosium *Arbois*, & Polygnium *Poligni* urbes, quarum in vinetis & falsis fontibus sunt maximæ Sequanorum divitiæ.

## CAP. XVI.

*Burgundia Ducatus, & Principatus  
Dumbensis.*

**V**igenna, *la Navigenne*, Ducatum Burgundiæ separat à Comitatu, oritur ex Lingo-  
nensi sylva. Rubuit Germanorum sanguine anno 1636. Mense Novembri, quando Galassius cum ingenti exercitu in Gallias illac tentavit per-  
rumpere. Rivum excipit Torselle erumpentem ex villa celebri, *Fontaine François*, 47. 23. ubi Henricus IV. Galliæ Rex, ut Bironium liberaret periculo, in quod imprudens se conjecerat, Meduani Ducis & Conestabilis Castellæ amplissimas copias fudit, paucissimis tantum stipatus equitibus. Hanc adepto victoriam, illico se tota permisit Burgundia, & postmodum universa Gallia.

Vigenna miscetur Arari quatuor min. supra Pontarli 47. 5. cui nomen à ponte, quem Ælius  
Adria-

Adrianus Cæsar extruxit, ad id oppidum quod arcem fecit & Metropolim Provinciæ. Axona, *Ausone* 46. 56. urbs parva, sed munita & dives, quam Ludovicus XI. pace cum Sequanis facta univit Burgundiæ Gallicæ, cum S. Laurentij vicina jurisdictione. Ladona *S. Jean de Laone*, 46. 45. oppidum Æduorum Cabillonensium 300. non amplius focorum, quod & si nullis vallatum propugnaculis, nunquam tamen obtinere potuit Galassius, mense Octobri anno 1636. licet 40. Germanorum millia in suo numeraret exercitu, & 120. tormenta, Duce Ranzoyio animos militibus, & civibus faciente. Ad S. Joannem Laudanum, Osacus *Ouche*, miscetur Arari, qui ortus in Pago *Carraben*, Divionem *Dijon*, 46. 56. alluit Burgundiæ Ducatus Metropolim, in qua Senatus anno 1476. institutus à Ludovico XI. qui eodem tempore ratum habuit Dolanum Senatum in Sequanis. Ibidem Araris excipit Valgiam, *la Vaulge*, in quam infunditur rivus *Senfond*, qui Cistertium *Cisteaux*, 46. 44. rigat, caput sui Ordinis, sub regula S. Benedicti, opus stupendum Odonis Ducis in vastissimo nemore extructum anno 1098. Ejus Cœnobiarcham agnoscunt supra mille octingenta virorum Cœnobia, totidemque velatarum Virginum. Virodunum, *Verdun*, 46. 25. oppidū Æduorum Cabillonensium situm ad Confluentem Dubis, Dufini, & Burforiæ in Ararim. Inter Musinum & Burforiam in lat. 46. 30. est Belna *Beaulne*, Æduorum Divionensium urbs loco sita uliginoso, & propugnaculis vallata, ubi Xeno-

Xenodochium inter præcipua totius Galliae numerandum, & vites generosi saporis. Cabillonum Æduorum, *Chalons* 46 14. Regia olim Guntrani Aurelianensium Principis, everfa à Lōthario Ludovici Pij filio, in odium Comitum Cabillonensium quorum familia, post Principes, in Galliis erat clarissima, maximè ex quo annexum habuit Principatum Arausiorum. Horum ultimus Philibertus Cabillonensis Prorex Neapolis, periit in obsidione Florentiæ anno 1530. ejusque filia nupsit. Henrico Nassovio. Nundinæ hic olim fuerunt celebres, quæ Genevam primum traductæ sunt, posteaque Lugdunum. Decem min. infra Cabillonum, Araris excipit Gronam, *la Grone*, qui Cluniacum alluit, Monasterium S. Benedicti, caput congregationis suæ, ædificatum à Bernone, Impensis Wilhelmi Pij Arvernorum Comititis, & Ducis Aquitaniæ, anno 910. Finurtium *Tornus*, 45. 56. oppidum Cabillonensis Dicecesis & Præfecturæ Marisconensis, infra quod in Ararim labuntur Cælis *la Seille*, & Reiffusium postquam oppidula rigarunt, *Chastelchalon*, *Arlij*, *Bletterans*, & *S. Amour*. in Sequanis, aliæque in Sebusianis, inter quæ eminet Burgus. *Bourg en Bresse*, forum Sebusianorum Brannovicum Metropolis situm in mediâ Provincia, frugum opulentissima, quæ tota simul cum Genevensi Præfectura, Galliae accevit, pace inter Sabaudum & Galliae Regem Henricum IV. inita anno 1600. Notabis verò Recentiores Romanos Burgi nomine designasse sua oppi-

oppida annovaria, *leur ville d' Eftape*. Matiscona, *Mafcon*, 45. 35. urbs Episcopalis porrecta ad Ararim, qui ponte insigni hic stratus est, caput Comitatus cognominis, quem Ludovicus IX. Gallia Rex emit à Joanne, ejusque conjuge Comitibus Matisconensibus.

Sequuntur in utraque ripa Araris Monpense-  
riorum nobilia dominia: in dextera quidem, Ba-  
vius clivus, *Bavieu*, urbs sic dicta à Basilica  
Dynastarum clivo, seu jugo inædificata, ad am-  
niculum Ardieram qui miscetur Arari, infra Bel-  
lam villam, 45. 27, ejusdem Dynastiae oppidum.  
Lævam ripam occupat Principatus Dumbensis,  
cujus interiora partim in colles assurgunt, par-  
tim occupantur stagnis; urbs præcipua Tre-  
volsum *Trevoux*, 45. 19. edito sita loco, quæ  
jus habet Parlamenti, licet ejus Prætorium sit  
Lugduni.

---

### C A P. XVII.

#### *Dextera Rhodani ripa, Lugduni, Se- gusiani & Helvij.*

**L**ugdunum *Lion*, 45. 10. Lugduniorum Se-  
gusianorum caput, & clarissimum Gallia  
emporium ad confluentes Rhodani, Ararisque,  
ubi templum Augusto Cæsari triginta Auguri-  
bus inclutum, 60. Galliarum gentes posuerunt,  
statuasque totidem ipsi dedicarunt Kalend. Sex-  
til. annoque V. C. 744. ante Christum natum  
septimo. Caligula verò Oratorium certamen  
instituit cum Græcis, tum etiam Latinis: cujus  
hæc



hæc erat conditio, ut victus lingua propria, aut spongiâ madidâ elueret scripta, ni præferret, aut virgis cædi, aut in profluentem demergi. Ex hujus Athenæi ruinis conditum est, postea Monasterium Athenicense, l' *Abbaye d' Aisnay*, & cultissimum primatiale totius Galliæ S. Joannis templum. Cùm verò Augustus Cæsar ex Italiâ duplicem Lugdunum vjam duxisset; alteram quidem prolixiorẽ, plauastro permeabilem per Centrones, alteram verò rectam, sed angustam & compendiariam per Apenninum, gener ejus Agrippa ex eodem loco in omnes Galliarum partes alias deduxit, unam per Cemmenos montes in Aquitaniam, aliam in Rhenum, tertiam ad Ambianos & Oceanum, quartam in agrum Narbonensem, litusque Massiliense. Impresentiarum nihil æque suscipio Lugduni, atq; pauperum hospitium & eximiam illius Oeconomiam. Habes præterea ad Rhodanum oppida San-Syphorium & Givorsium, ubi Rhodano miscetur Giersia, cum rivis aliquot ex finibus Lugduniorum collectis, qui oppidula alluunt Sante-nemundum S. *Chaumont*, 44. § 1. & ripam Giersiam *Ribe de Giers*.

Lugdunios excipiunt Helvii ab Cancio, *le peuple de Vivarez*, qui annonæum oppidum *Annonay*, alluit, ad Burgum Andeolium: horum alii sunt montani, alii campestres. Oppida uti sita sunt ab vicinis Segusianis, ad finitimos Arecomios, seu Languedochios sunt Turnonium *Tournon*, 44. 21. ubi castellum validum, sedes Comitum ejusdem nominis, ad ostium Dubij  
torren-

torrentis, qui ex Helviorum montanorum oppidulo *Desania Desagne*, decurrit in Rhodanum. Vini Turonii generositas necnon soliditas pontis, quem Franciscus è familiâ procerum Turnoniorum ædificavit ab omnibus laudatur. Sojoniū oppidum *Soion*, ferme è rēgione Valentiaē situm est. Charmæ *Charmes*, urbs subter montem paulo remotior à Rhodano. Volturna *la Volte*, & ipsi proximū Posinium *le Posin*, ubi miscetur Rhodano amniculus, qui ex Cemmenis montibus ortus Privasium *Privas*, 44 urbem Languedochii alluit. Baiis nomen inditum ab multâ glareâ & arenâ ab residibus aquis Rhodani: sic enim oppida in finibus maris sita dicimus Bajas. Vivarium *Viviers*, 43. 50. olim Alba augusta Helviorum, ut testantur vetera acta Ecclesiastica, oppidum scopuloso in colle, ad ostium Acaſſii influentis in Rhodanum. Iſſis Joannes Rex dedit lilia pro insignibus, cum prius haberent Aquilam. Helvios ab Austro terminat Ardeschius amnis, qui Albenacum *Aubenac*, 43. 55. alluit montanorum Helviorum oppidum & collectis variis torrentibus, in quibus est qui Joyosam *Joyeuse*, 43 45. Ducatum alluit, infunditur Rhodano minutis aliquot infra Burgum Andcolium.

## CAP. XVIII.

*Allobroges, Delphini, Isara, Centrones,  
Alpis Graia.*

**A**llobrogum alii Cismontani & Occidui, qui

qui Delphinii nunc vocantur , alii Ortivi & Transmontani qui Sabaudi appellantur. Cis-  
montanorum tres sunt principes populi , Vien-  
nenses , Cavari , seu Cavares & Vocontii. Vien-  
nenses tamen ex usu loquendi veterum , soli Al-  
lobroges, Isara comprehensi, Rhodano, Givia &  
Alpino Jugo. Humbertus Viennensium princeps  
in Dominicanam familiam ascriptus an. 1349.  
Delphinatum Regi Philippo vendidit ea lege, ut  
inter Regum Francorum filios , natu maximus  
Delphini nomen gereret & principatum. Oppida  
quæ ad Giviam sita sunt, ab ipsis Carthusiæ mon-  
tibus supra recensuimus. Secundum Rhoda-  
num est San-Symphorianus S, *Saphorin*, Vienna  
44. 45. *Vienne*, olim Allobrogum nunc Delphi-  
natium Metropolis ad ostium Geræ, qui Moletri-  
nis papyri & officinæ, in qua laminæ ensium fa-  
bricantur valde conducit. Amphitheatrum hîc  
magna sui parte integrum ; Pilati Palatium &  
Specum æterna tectum nebula , nihil moror.  
Sanvalerius S. *Valier*, Tinum *Tin*, Comitis, Tur-  
nonii oppidum. Isara *Isere*, oritur ex Alpibus  
Graîis apud Salassos in vico Furvillo, ubi montis  
San-Bernardi minoris subluens latera, Centro-  
num convallem perlabitur. Inde transit in Sab-  
audios & conversus in Allobroges , Vocontios  
& Cavaros ab Viennensibus dirimit , ac inter  
Rocheam, & Valentiam *Valence*, 44. 12. delabi-  
tur in Rhodanum. Alpibus Graia tribus constat  
convallibus in quarum centro videtur situs  
Minor San-Bernardus. Una est Centronum  
quam Isara perluit ; alia Garoceliorum *la Vallée*

de Maurienne, quàm Arcius permeat, tertia Salassiorum versùs Ortum in Italia. Minor San-Bernardus *le petit S. Bernard*, mons Salassibus & Centronibus communis, conica erectus specie per collem arduum superandus iis qui ex Gallia per Centronum vallem transmittere volunt in vallem Salassiam, indeque in Italiam, nullus enim est in tota Alpe depressior. Mons Jovis olim dictus est, vel à Gallis qui montes excelsos vocabant *Iou*, vel à Jove qui illic colebatur, cuius sacrilegam statuam sustulit Bernardus Allobrox Sanctissimus & Cœnobium ibidem dotavit. Centrones *les peuples de Tarantaise*, Salassiorum fauces egressis occurrunt. Nomen ipsis à vico *Centron*, celebri quondam urbe, extenditur tota hæc vallis à Sammauricio oppido in Salassiorum finibus sito usque ad Confluentem oppidum Centronum, Sabaudia proximum, utrumque ipsius latus cingunt præcelli montes Graia Alpibus quadruplici clivorum ordine distincti qui frugibus maximè sunt uberes. Infimus vinetis & triticeis agris, medius reliquis frumentis, leguminibus & pratis, summus pinguibus pascuis glandariisque sylvis gaudet, sed deterrimis omnes ubique infesti sunt aquis. Moisterium *Montiers en Tarantaise*, olim forum Claudium Metropolis est Centronum, & sedes Archiepiscopi. Axime celebre quondam oppidum nunc amplius pagus, Aquablancha *Aigue-blanche*, Confluentis *Conflans*, oppidum Centronum Sabaudis proximum.

## CAP. XIX.

*Caroceli, Cresinodij, Cavares &  
Vocontij.*

**S**Abaudia Duces originem ducunt à Beraldo Mauriennæ Domino, Hugonis Saxonæ Ducis tertio genito, qui obiit anno 1027. Concilij Constantiensis tempore Amedæus 8. Sabaudia Princeps, Dux è Comite, primùm à Sigismundo Imperat. salutatus dicitur an. 1415. Nunc Taurini in præcipua Pedemontij civitate, ut plurimum habitat Dux, qui & Princeps Pedemontij, Saluziarum & Cenæ, Marchio Borzenæ, Comes Astæ, & Dynasta Niceæ. Appellatur hæc Regio in Notitia Imperij, Sabaudia. Subalpiam dixerunt aliqui, quasi subjectam Alpibus, ut ut sit, Sabaudi propriè dicti, exiguum terræ tractum occupant. Nam vix quidquam habent præter Miolanum castrum *Miolans* 45. 18. ad Isaram in abrupta rupe munitum Mommelianum 45. 10. ad Isaram oppidum ad radices ingentis petræ in celsum & oblongum propugnaculum plano è solo erumpentis, cui arx insidet firmissima, & Cāberium *Chambery*, 45. 18. Metropolim & Parlamēti sedem ad Lessum amnem, qui primo miliari ab Camberio fūditur ex edita forataq; rupe, & post duas leucas Burgetio Lacu *Lac de Bourget*, except<sup>o</sup>, & emissus, Rhodanum subit ad Chanassiū *Chanana*, ut supra diximus. Ex adverso Meolani castri Isara excipit amnem Arcium l. *Arech*, qui ortus ex Alpinis jugis Aneburgū l. *Asnebourg*, 45. 4. rigat


X

olim



olim oppidum, nunc pagum conscendentibus Cinesiam Alpem commodam stationem, indeque Modaniam *Modane*, oppidum & San-Joannem Moriennem seu Garocelium 44. 50. Metropolim totius gentis & Sedem Episcopi, ubi Arvahum rivum ex Solinis montibus descendentem: excipit & Aquambellam; abit penè ad fauces Garoceliæ vallis sitam, & ad pagum Argentinam ferrariis fodinis percelebrem Isaræ affunditur. Vallis porro Garocelia *le Val de Maurienne*, contorto 20. Leucarum tractu continetur, ubique angustior. Certis locis ex ea trajectus est in Allobroges Delphinios, nominatim per Galterium montem, sed aspera omnino via. Fuit autem Garocelius populus, qui junctis olim armis cum finitimo, dextra sinistraque Caturigum Centronumque populo, conatus est transitu prohibere, Julium Cæsarem, uti communem Galliæ hostem. Isara auctus Artio transit in Vocontios, Allobroges Cis-montanos, quos nunc dicimus Delphinos & Gresivodiam vallem *Valee de Gresivaudn*, percurrit, ab arce *de Barraux*, ad Gratianopolim. Sita est ea munitio in colle ad dexteram Isaræ ripam distans Mom-meliano min. 6. Sed extructam à Duce Sabaudia an. 1597. Insequenti anno Marefcallus Lesdiguières occupavit. Gratianopolis *Grenoble*, 44. 50, olim Cularo Vocontiorum Allobrogum Metropolis & sedes Parlamenti Delphinatum, instituti à Carolo VII. anno 1407. primo ab urbe lapide vicus est *Pariset*, ubi turris dicta *S. Venin*, quod omne animal venenatum in eam illatum è vestigio enee-

enecetur : sunt in his partibus varij fontes, qui  
 comburunt quidquid admoventis. Dracus, aliique  
 torrentes ex Cotiis Alpibus præcipientes Castellum  
*Lesdiguieres*, præterlapsi, in Isaram evolvuntur,  
 qui deinceps Cavares ingressus, eorum oppida  
*Sam-Marcellinum* & Romana castra *Romans*,  
 perluit, & in Rhodanum effunditur tanta cum  
 rapiditate, ut ei non nisi post 1000. passus mi-  
 sceatur. Valentia Cavarum *Valence Capitale du*  
*Volentinois en Dauphinè*, sita in lat. 44. 15. paulo  
 infra ostium Isaræ, (Ducat<sup>o</sup> titulo, Episcopi sede,  
 Academia & arce pentagonâ insignis) videntur  
 hic ossa Buardi gygantis. quindecim cubitis pro-  
 cერი. Druma *Droume*, oritur in occidentis Vocon-  
 tiis. Ei sunt appositæ urbes Dia *Die*, gr. 44. min.  
 9. urbs sita in convalle cum Episcopatu Valentia  
 unito. Augusta Vocontiorum olim ampla urbs,  
 nunc verò absorpta, exundante superiore lacu, ex  
 qua reliquus vicus. Salhanum *Salhans*, ubi nundi-  
 nae celebres, Crestidium *Crest*, Lubero *Livron*,  
 oppidum cum arce situm, super edito tumulo,  
 fertili tamen & clementi, penè ad confluentem  
 Drumæ, cum Rhodano. *Montelimar*, Acusio Ca-  
 varorum, oppidum mediocre, at pulchrum &  
 munitum ad ostium amnis, *Roulious*, ab Oriente  
 defluentis, qui sæpe transitu difficilis  
 est, & multo sabulo im-  
 peditus,



## CAP. XX.

*Provincia, Arausio, Avenio, Alpes  
Cottia seu maritima.*

**P**Atet secundum Rhotanum à Vindalio, vern. *Caderousse*, seu ab ostio Sulgæ amnis, usque ad Rhodani alveum de tribus medium, indeque secundum maris oram ad forum Julij. Eas olim partes incolabant Salvij seu Salyi, quorum Principes populi fuerunt Cavari & Vocontij. Provinciales postea, eorumque regio Provincia dicta est à Romanis, quod prima esset non ordine, sed dignitate inter Provincias Imperij. Solum passim ita gratum, ferax & benignum, ut rore marino, myrtho, similibusque arbusculis, quibus incalescunt clibani, sylvescant eorum senticeta; ficuum & uvæ passæ tanta copia, ut toti Galliæ sufficiant. Mala citria, cydonia, grana-  
ta, vina generosissima, & segetes omnis generis pleno cornu fundit natura. Franciæ accrevit, ex quo Carolus III. Provinciæ Comes ultimus Ludovicum XI. Galliæ Regem instituit hæredem.

Oppida Cavarorum Salviorum, præter ripam Rhodani sunt Vindalium non procul à Sulge ostio. Luerio *Mornas*, subter Aeriam, olim oppidum in edito colle situm, Arausio Principatus, cui nomen à primariâ urbe *Orange*, 43. 33. sita paulo, remotius à Rhodano ad amnem *Meine*, in solo 4. leucas longo, unâ lato, frugum fructuumque feraci, præterquam malorum-cydoniorum.

perve-

pervenit ad Nassovios Dynastas nuptiis Clau-  
 diae Cabillonensis Principatus hæredis cum Re-  
 nato Nassovio, Urbs Episcopatu claret, & Aca-  
 demia & præstantissimis antiquitatum monu-  
 mentis, munitur vero aggeribus & arce firmissi-  
 mâ, *Chasteau d' Air. & Rochemaure*, castella sunt  
 sita in gemina rupe prærupta ex omni parte,  
 quæ intra Rhodani alveum emèrgunt, altissimè  
 tollunt capita, & toti viciniae imperant, distant  
*Avenionæ* 13. min. *Sorgia la Sorge*, Petrarchæ  
 versibus celebris oritur in Clusa Valle, *Vauchuse*,  
 43. 15. ex rupe 200. pedes alta, ex cuius summo,  
 ruit crassitudine corporis humani, fluit deinde in  
 amnem qui pontem Sorgiæ subluens complu-  
 res excipit rivos, quorum præcipui, qui Vasionem  
*Vaison* subluunt oppidum edito in monte situm,  
 caput olim Vocontiorum salviorum, Episcopali  
 clarum dignitate, necnon Carpentoraecten *Car-*  
*pentras* 43. 23. Avenio, Metropolis Comitatus co-  
 gnominis *du Comtat d' Auignon*, agri gaudet bo-  
 nitate, arce potens, Archiepiscopatu & Academia  
 illustri, Pannorum byssinorum tincturâ & Papy-  
 raceis molis dives. Pontem habet passuum 1220.  
 arcuum verò 23. Clemens V. ex Archiepiscopo  
 Burdegalensi creatus summus Pont. anno 1305.  
 Pont. etiam sedem huc transtulit, ubi annis hæsit  
 amplius 70. Ab Joanna Neapolis regina urbs  
 postea vendita Clementi VI. 80. millibus flore-  
 norum auri, anno 1348. Ex quo autem Pontifi-  
 ces Romam reversi sunt, fuit sedes Vice-Legati  
 Apostolici, qui exacto triennio locum alteri  
 concedit.

Druentia oritur ex iis Alpibus quæ à monte Cinesio funduntur in duo latera, uno versus Avenionem, altero ad Niccam, ut sic complectantur suo Provinciam sinu. Eas maiores dixerunt ab incolis Caturiges, à Rege Cottio Cottias, & à mari in quod desinunt Alpes, maritimas. Simplicium quæ in iis enascuntur, mira vis est & efficacia; Larix insuper multa, cujus in folia decidens manna ad magnitudinem pisi congelatur. Ejus autem septimo quoque anno magna copia colligitur, quàm Institores Venetias deferunt. Ex Genebra summo horum montium vertice fusus Druentia Brigantium *Briançon*, oppidum alluit, S. Clementem, necnon Ebrodunum *Ambrun*, 4. 4. 35. urbem cujus Archipræsulem maritimarum Alpium Principem constituerunt Reges Galli, cudendæ monetæ facta potestate. Postmodum cum suis, tum advenis aquis, urbes rigat Episcopales Vapingum *Gap*. Sifferonem *Sisteron* Diniam *Digne*, 4. 6. cujus urbis Episcopus Nicasius in Concilio Nicæno solus ex omnibus Galliarum Episcopis sedisse inter 318. patres memoratur, Reium *Riez*, & Cabellionem *Caenillon*, ac deinde Cavaris oblique trajectis fertur in Rhodanum pluribus simul nec iisdem alveis, idque tanta cum violentia, ut nec lintribus possit trajici. Reliquæ sunt in Rhodani litore. Tarasco, vel uti scribit Ptolemæus Tarusco *Tarasco* Arelate *Arles*, celeberrimum olim totius Europæ emporium, Cæsaris Navale adversus Massiliensis, civitas Augusto ita addicta, ut ipsi aram posuerit, in qua duo juvenes publicis sumptibus sagi-



saginati quotannis immolabantur. Burgundionum deinde fuit regia, novissimaque Comitum Provincialium sedes, Archiepiscopatus dignitate semper clara, sita ad Ortivum ex tribus amplissimum alveum Rhodani, inter quem & Stagnum Astromelam *Lestang de Martegues*, lapidei sunt campi *la Crau*, in quibus fabulantur Plinius & Solinus Herculem hinc dimicantem contra Albiona & Bergionem Neptuni filios, cum ei tela deessent ab invocato Jove adiutum imbre lapidum. Et verò credas pluuisse, adeò multi & passim & latè jacent. Metina & Blascon insulæ quondam ad ostia Rhodani, nunc incognitæ.

## CAP. XXI.

*Maritima Provincia.*

Rhoda Rhodiorum colonia ad Rhodani ostia olim sita periit. Solventi verò ab ostio Rhodani ortivo post campos lapideos occurrunt insulæ Ferrariæ & Jonquieræ, necnon Turris Hircina *la Tour de Bouc*, sita in ipso aditu alvei lacus quem Majores Astromelam dixerunt, recentiores Sinum Martegux, vel mare Berrense *mer de Martegues ou de Berre*, à maritimis scilicet oppidis. In eum labitur Larius amnis, qui Aquas, Sextias *Aix*, 43. 33. alluit urbem sic dictam ab aquis quæ ibi sunt, calidis, vel à Caio Sextio Saliorum domitore, nunc Archiepiscopatu insignem & Parlamento quod Ludovicus XII. instituit, an. post millesimum 501. Hinc superato promontorio *de Conne*, adire poteris Massylliam


*Marseille*, 43. 20. urbem à Phocensibus Persicam servitutem fugientibus conditam circa Olymp. 60. ubi, inquit Strabo, affixa sunt spolia permulta, quæ cives diversis temporibus victores pugnis navalibus retulerunt de iis qui sibi mare injustè vindicabant. Portus tunc est perinsignis in quem grandioris notæ cujuscunque generis naves subeunt, statione anchoris tutissima & capacissima, Triremiũ Franciæ receptaculum. Ante annos aliquot vir in ea urbe repertus est capitis, 4. pedes crassi, ponderis vero 70. librarum; minimæ cæterum staturæ & macilentus adeò, ut ossibus sola cute tectis incedere vix posset, loquereturque debili tantum & plusquam fœminea voce.

Massylia velificanti Tolonem occurrunt insulæ Stœchades *les Pomegues*, & Citharistes portus & promontorium *cap. & port de Gereel*, necnon rudera Tauroentij *Toroent*, extincti oppidi. Tolo verò Martius *Toulon* oppidum est & portus major Massiliensi, sed minus tutus, capax multarum navium præsertim orbicularium, extantibus aquis quibusdam locis ad 20. orgias. Fuit in eodem hoc litore Heraclea Cabraria oppidum olim & portus, sicut & Orbia *Ieres*, urbs pridem extincta, à qua tamen adhuc nomen retinent insulæ ad Olbiam dictæ *les isles de Ieres*. Sturium, Phenice, Phila incertis hodie vernaculis nominibus, uti parum illustres.

Oppidum S. Tropæi S. *Tropes*, suo situ meridiem spectat: sinus & fossæ *Grimault*, partus est nobilis & frequentiæ navium commodus ipsi ad Boream

Boream est navale Augusti , seu forum Julium  
*Freius*, quo Augustus Cæsar rostratas naves, quas  
 Actiaca victoria ceperat , misit valido cum remi-  
 ge semperque postea classẽ habuit ad tuendam  
 Galliæ & Hispaniæ oram. In ejus intimo sinu ,  
 Mediterraneo mari miscetur Argenteus fl. *Grassa*  
*Grasse*, in Alpibus maritimis urbs in quam trans-  
 lata sedes Episcopalis Antipoli urbe maritima  
 ob frequentes prædonum incurfus. Habet in  
 Diœcesi Abbatiam S. Honorati. A memorato si-  
 nu Antipolim purgens insulam videt Lero sive  
 Lerinas duabus leucis Provincialibus à terra dis-  
 sitam frumenti optimi vinique copiam feren-  
 tem , quæ hodie S. Honorati nomine celebratur  
 propter antiquum Monasterium, ex quo prodie-  
 re Archiep. 12. Episcopi 12. Abbates 10. Martyres  
 105, Antipolis Gallis *Antibe* in agro est Deceatis  
 populi. Vencium verò Nerussorum in Alpi-  
 bus maritimis urbs Episcopalis.

*Vence en Provence.*



X

s

GEO.



# GEOGRAPHICA ORBIS NOTITIA.

PARTIS SECUNDÆ.

LIBER NONUS.

ITALIA.

## CAPUT I.

*Ejus nomen, magnitudo & figura, cœli  
solique Natura.*

**I**Talia plura habuit nomina. Dicta enim est Ausonia quod Ausones primi eam tenuerunt. Saturnia à Saturno Rege, vel à Saturna rupe, id est, Capitolio. Hesperia à Vespero, quod Græcis esset ad Occidentem, Magna Græcia, quod eam regionem, Græcia majorem Græci suis coloniis occupassent. Oenotria, quod vino, eoque optimo abundaret. Italia denique quod frequentes in ea Græci viderent boves, quos Ipsi *Italoi*, vocant. Longitudo ipsius maxima est mil. 620. ab Augusta Prætoria vern. *Aosta*, ad Rhægium, latitudo 350. inter Antipolim ad Varum & Polam Coloniam ad Arsiam. Ambitus à Varo ad Arsiam vices centena 49. millia efficit. Querno folio Plinius ait similem, Peltæ verò Amazonicæ Martianus, ocreæ probè diductæ omnes

nes

nes recentiores. Hæc in situ Italiæ laudant Strabo & Dionysius. Primum, quod in modum insulæ maris præsidio cingatur, exceptis paucis quibusdam partibus, in quibus montes invii. 2. quod plerisque locis importuosa sit, & quos habet portus, ij magni sint, atque mirandi, quorum illud adversus exterorum incursiones usui est, hoc ad invadendos vicissim externos & mercaturæ expeditam copiam conducit. 3. quod aëris præcipua temperie fruatur, quæ nec gelu nimio, nec immenso æstu fruges lædit, aut animalia, ex qua sequitur eorum quæ ad vitam juvant, fertilitas copiosa. 4. quod Montes Apennini per mediam ejus porrecti latitudinem nullam relinquant partem quæ non & montium & camporum commoditatibus fruatur. Nulli frumentiferæ terræ cedunt rura campana, æstivam post Hybernâ & autumnalem post æstivam sementem enutrientia; maximè Benacus, qui masculis per montium claustra ludis undij, qua Avernus, qua Putcoli, qua Cumæ lasciviunt. Nulli oliviferæ Messapiorum ac Dauniorum, Sabinorumque cultura. Nulli vitiferæ Etruscus, Albanus, Falernusque ager, sic amicus vitibus, ut modico labori uberrimos reddat fructus atque optimos. Præter eam quæ colitur, spatia terræ amplissima pascendis ovium caprarumque gregibus relicta sunt: Sed aprici colles & innoxii saltus imprimis admiratione digni, ex quibus plurima aptissimaque fabricandis navibus, & aliis operibus materies petitur quàm facile, ut & alios terræ proventus fluviorum frequentia, in omnem



partem conveſtat. Adde aquarum calidarum, ac frigidarum plurimis locis eruptiones, ſanitati gratiâ à natura elaboratas: Metallorum copiam, venationes luculentas, maritimos proventus varios & alia innumera, vel utilitati fervientia, vel delectationi, miracula. Hinc illa hominum multitudo tanta, ut nunciato Gallico tumultu, ſola ſine exteris ullis auxiliis Equitum 80. millia, peditum 700. millia armaverit. Hinc urbium frequentia, quæ ad 1197. aliquando pervenerunt. Sed inter omnes enituit Roma caput Imperii, poſt orbem conditum longè maximi atque potentiffimi, de quo antequam ad Italiæ Chorographiam accedo, pauca quædam prætere-  
xere operæ pretium erit.

---

C A P. II.

*Romani Imperii initium, progressus  
& finis.*

**D**ionyſius auctor eſt ann. 2. exeunte Olympiadis ſecundæ, qui eſt ante Chriſtum 735. Romulum natum eſſe, ab eoque urbem 18. poſt annos, id eſt ante Chriſtum 753. conditam eſſe. Poſt annos 244. Tarquinio Superbo Regum 7. propter oblatum ab ejus filio Lucretiæ ſtuprum, abrogatum eſt Imperium 6. Kal. Mart. & duo Coſſ. creati, quibus ſumma rerum commiſſa. Anno hujus urbis 711. ante Chriſtum 43. cum jam toto orbe pacato ad ſummum gloriæ verticem Romana res perveniſſe videretur, de repente civilibus terrâ mariſque bellis miſerè quaſſata eſt,

est tandemque Cæsare & Pompejo trucidatis, Octavi<sup>9</sup> Cæsar Augustus Imperium solus obtinuit, quod deinceps unius arbitrio gestum est, ad an. Christi 163. quo post Antoninum Pium, Marcus Aurlus, & L. Ælius Verus, conjunctim imperare coeperunt & duo Imperatores simul visi, qui Divi fratres sunt vocati. Severus deinde, filios suos Bassianum & Gétam Cæsares, mox & Augustos nominavit, qui & Patre mortuo aliquantisper unà imperarunt.

Fuerunt & alii, qui habenas imperii simul sunt moderati, nullâ propterea Imperii factâ divisione, sed totâ remanente apud majorem natu auctoritate, donec Diocletianus & Maximianus Principatum abdicarunt. Tùm enim Constantinus Chlorus, & Valerius Maximianus, Imperium omne in Orientem & Occidentem partiti sunt, Occidensque Constantio, Oriens Valerio, cecit. Postmodum Constantinus Magnus, quamquam ipse solus imperaret, cùm tamen Byssantium urbem Thraciæ, de suo nomine Constantinopolim appellasset, eam etiam in alteram Imperii sedem exexit, & iisdem, quibus ipsa utebatur Roma, Privilegiis ornavit, moriensque filiis Imperium divisit. Exindè quamvis Imperium aliquoties sub uno Principe coaluerit, quamvis etiam communi consensu Principes, cùm plures essent, res Imperii administrarent, ac simul Consules crearent, quorum alter Romæ, alter Constantinopoli resideret, eandem tamen Provinciarum divisionem, jam inde ab Augusto factam, & à Constantino in duas partes

tributam, sequentes Principes, ut plurimum retinuerunt, & per continua sæcula (quibusdam tantum pro rerum & temporum varietate mutatis) conservarunt ad annum Christi 475. quo Occidentis Imperium jam diu quassatum, in Momillio Augusto finit, cœpitque Regnum Italiæ ab Odoacre Italo Helurorum Rege, qui cum esset trans Danubium, audito tumultu, qui erat in Italia, comparato exercitu eam invasit, & Oreste interfecto, & Augusto relegato in Lucullanum Campaniæ, Rex Italiam tenuit. Heluris successerunt Ostrogothi anno 494. Longobardi post Ostrogothos Italiam penè totam invaserunt anno 568. & retinuerunt ad annum 775. quo Franci pepulerunt Longobardos. Dixi Italiam penè totam; nam Græci Præfecti, Constantinopoli ab Imperatore mitti consueverant, qui reliquias imperii utcunque tutabantur, qui excogitato novo Imperii modo dicti sunt Exarchæ anno 569. quo Longinus Patricius à Justino II missus, Ravennæ Exarchatus sedem delegit: cui in eodem officio, varii successerunt ad annum 752. quo Pentapoli à Longobardis occupata, Exarchatus cessavit. Orientis similiter Imperium, quod incœperat anno 330. quo nobilissimæ urbis Constantinopolis dedicatio facta fuerat à Constantino Magno, tandem infinitis fluctibus agitatum desit anno 1453. quo Mahometus Turcus Constantinopolim expugnavit 29. Maji.

## CAP. III.

*Romani Imperii amplitudo.*

**M**Ajor fuit Romani quam Turcorum, aut Sinarum, vel ullius prioris, posteriorive Imperii amplitudo. Maximum fuit & in suo quasi culmine ab Augusto ad Trajanum: quando clausum fuit Oceano, à Britannicis insulis, ad Fortunatas, hincque ad Nilicataracten majorem, maris rubri utroque sinu, Arabico & Persico, Tigri fl. montium Caspii Caucasique verticibus Mæoti lacu, fluminibus Danubio & Rheno; sicque longitudo ipsius maxima fuit grad. 80. id est, leucarum circiter mille 500. licet inter urbes ab invicem maximè disjunctas Ulissiponem, scilicet & Babylonem in finibus Mesopotamiæ, non plures numerentur, quam mille 200. Latitudo ubique fuit dimidio major, scilicet inter parallelos gr. 22. min. 30. ubi Cataractes Nili: & 52. 30. in quo est Lugdunum Baravorum & medium Rheni ostium, sexcentis inter utrumque terminum interceptis leucis. Nicephorus hist. Eccles. lib. 1. cap. 17. ait, tempore Augusti recensitos in toto Imperio ducentos sexaginta milles, ter centum & sexaginta milia personarum, hoc est, 26037. miriades. Imperii remotissimas Provincias mare Mediterraneum magno viarum compendio conjungebat. Postea mole suâ & amplitudine laborans in duas partes æquas divisum est meridiano 45. qui per Syrtim majorem, Corcyram insulam, & Epirum ducitur.

tur, interjacente; unumque Occidentis dictum  
 cuius caput Roma; Orientis alterum, ejusque  
 caput Constantinopolis. Utrique quadrata ob-  
 tigit area cuius latus quodlibet 600. circiter leu-  
 carum fuit. Per indicem, si placet, singulas unius-  
 cuiusque Provincias & præcipuas urbes percur-  
 ramus. Administrabatur Occidentis Imperium à  
 duobus Præfectis Prætorio, quorum unus dice-  
 batur Præfectus Prætorio Italiae, alter Præfectus  
 Prætorio Galliarum. Singuli tres habebant Diœ-  
 ceses, & præterea Vicarios aliquot per quos Pro-  
 vincias administrabant. Sub dispositione Præfecti  
 Prætorio Italiae erant Diœceses tres, videlicet, I-  
 taliae, Illyrici & Africae. Vicarii quatuor, Pro-  
 vinciae 29. Sub dispositione Præfecti Prætorio  
 Galliarum erant Diœceses tres, Vicarii tres. Pro-  
 vinciae 29. Orientis Imperium regebant similiter  
 duo Præfecti Prætorio, Orientis scilicet & Illyrici.  
 Sub dispositione Præfecti Prætorio Orientis erant  
 Diœceses 5. nempe Asiae, Ponti, Orientis, Aegy-  
 pti, & Thraciae, Provinciae 49. Sub dispositione  
 autem Præfecti Prætorio Illyrici erant tantum Diœ-  
 ceses 2. Asiae scilicet & Macedoniae, Provinciae  
 undecim. Hanc porro Imperii divisionem, & ad-  
 ministrationem fuisse semper talem ne existimes,  
 sed tantum circa tempora Honorii & Theodosii  
 Imperatorum; nam longè alia fuit sub Augu-  
 sto Cæsare, qui anno urbis 727. Provincias,  
 quæ pacatae erant, & imbelles, militum-  
 quæ præidiis non indigebant, in duodecim  
 Diœceses descripsit, duas Proconsulares &  
 decem



decem Prætorias, easque populo Romano regendas tradidit. Provincias, verò firmiores in quibus exercitus habendi erant, ut sibi universum Imperii robur attribueret, Cæsaris Provincias esse, & dici voluit; quas & divisit in 14. Dioceses & Legatos Proprætores, Procuratoresque dignitate Proprætoria misit, qui exercitibus præessent, quos omnes communi vocabulo Rectores vocavit.

## CAP. IV.

*Syllabus Provinciarum, urbiumque præcipuarum Occidentis Imperii.*

**N**on dignitatis, sed situs ordinem sequor, quò facilius memoriæ mandentur.

Liguria.	Genua.	Genova.
Etruria.	Florentia.	Fiorenza.
Umbria.	Spoletum.	Spoletto.
Tuscia.	Sena Julia.	Siene.
Valeria.	Reate.	Rieti.
Latium.	Roma.	Roma.
Campania.	Capua.	P. Capova.
Lucania.	Metapontum.	P. Torre dima-
Brutium.	Sibaris.	Sibari. (re.
Sicilia.	Syracusæ.	Syracusa.
Sardinia.	Caralis.	Callari.
Corfica.	Aleria.	Alerie.
	Tafentum &	Taranto.
Calabria.	Brundisium.	& Brundisi.
	Barium &	Bari.

Apulia.

Apulia.	Sipontum.	P. Sipontē.
Picenum Sub- urbicarium.	Ancona.	Ancona.
Flaminia.	Ravenna.	Ravenna.
Æmilia.	Bononia.	Bologna.
Venetia.	Pâtavium &	Padova.
	Aquillia.	Aquileis.
Istria.	Tergeste &	Trieste.
	Pola.	Pola.
Alpes Cottia.	Mediolanum.	Milano.
Rhætia prima.	Curia.	Coire.
	Brigantium.	Bregenz.
Rhætia 2.	Augusta Vin- delicorum.	Auspurg.
Noricum Me- diterraneum.	Celeia.	Cilly.
	Juvanum.	Salzburg.
Noricum Ri- penſe.	Lauriacum.	Lorch.
	Arelape.	Pachlarn.
Pannonia 1.	Vindobona.	Vienne.
Valeria.	Aquincum.	Buda.
Savia.	Syſcia.	Sissech.
Pannonia 2.	Servitium.	Grandiskin.
	Scarbona.	
Dalmatia.	Salona.	
	Tripolis ante	Tripoli de Bar-
Tripolitana.	Leptis magna.	barie.
Bizacium.	Adrumetum.	Suse.
	Carthago vel	Prés Thunis.
Africa.	Utica.	Biferte.
Numidia.	Cirta.	Constantine.
Mauritania Si- tensis.	Ciriti.	Eſteſe.
	Salde.	Bugi.

Mauritania Cæ-	Julia Cæsarea & Alger.	
fariensis.	Signa.	Oran.
Mauritania Tin-	Tingis.	Tanger.
gitana.		
	Gades.	Cadis.
Bætica.	Hispalis.	Seville.
Lusitania.	Emerita.	Merida.
	Braccara.	Bragues.
Gallæcia.	Lucus Austurū.	Lugo.
	Cæsar Augusta.	Zaragoza.
Tarraconensis.	Tarraco.	Taragona.
Carthaginensis.	Carthago.	Carthagena.
Baleares.	Palma.	Maillocra.
	Mago.	Minorca.
Alpes maritime	Embrodunum.	Embrun.
Alpes Graiæ.	Tarantasia.	Monstiers.
Viennensis 1.	Vienna.	Vienne.
Viennensis 2.	Narbo.	Narbonne.
Viennensis 3.	Aquæ-Sextiæ.	Aix.
Novem-popu-	Augusta Auf-	Ausck.
lania.	ciorum.	
Aquitania 1.	Avaricum.	Bourges.
Aquitania 2.	Burdegala.	Bourdeaux.
Lugdunensis 1.	Lugdunum.	Lion.
Lugdunensis 2.	Rotomagus.	Roüen.
Lugdunensis 3.	Cæsarodunum.	Tours.
Lugdunensis 4.	Agendicum.	Sens.
Maxima Sequa-	Vifontio.	Besançon.
norum.		
Belgica 1.	Augusta Trevi-	Trier.
	rorum.	
Belgica 2.	Durocotorum.	Reims.

Germania 1.	Moguntiacum.	Mentz.
Germania 2.	Colonia A-	Cologne.
	grippina.	
Britannia 1.	Londinum.	London.
Britannia 2.	Isca Silurum.	Caër-Leon.
Flania Cæsari-	Eboracum.	Yorch.
ensis.		
Valentia.	Alta castra.	Edenbourg.

## C A P. V

*Syllabus Provinciarum, urbiumq; prae-  
cipuarum Orientis Imperii.*

P	Rævalita- na.	Scodra.	Scutari.
Epirus nova.	Dyrrachium.	Durazzo.	
Epirus vetus.	Nicopolis.	Preveza.	
	Corinthus.	Corintho.	
Achaja.	Athenæ.	Setines.	
	Lacædemon.	Misistra.	
Creta.	Cydonia.	Canea.	
Theffalia,	Larissa,	Larisso.	
Macedonia.	Theffalonica.	Salonichi.	
Dardania.	Scupi.	Ufchub.	
Dacia Mediter- ranea.	Næssus.	Nyssa.	
Dacia Ripensis.	Oescus.	Isçar.	
Moësia. 1.	Viminacium.	Vîsëbour, aliis Unezidernam.	
Moësia 2.	Martianopolis.	Provas.	
Scythia.	Tomi.	Tomesuar.	
Hæmimons.	Hadrianopolis.	Andrinopolis.	
		Thra-	

Thracia.	Philippopolis.	Philibe.
Rhodope.	Trajanopolis.	
Europa.	Cōstātinopolis	Stanbol.
Pontus Pole- moniacus.	Neocæsarea.	Tocata.
Helenopontus.	Amasia.	Amasce.
Galatia.	Ancyra.	Angori.
Galatia saluta- ris.	Pessinus.	Possene.
Paphlagonia.	Pompejopolis	Tarachitopoli.
Honorias.	Heraclea Ponti	Pendarachia.
Bithynia.	Nicomedia.	Comedia.
Helleſpontus.	Cyzicus.	Cyzico.
Phrygia saluta- ris.	Pergamus.	Pergamo.
Phrygia Pao- tiana.	Apamia.	Apamie.
Lydia.	Sardis.	Sardes.
Asia.	Ephesus.	Ephese.
Insulæ.	Rhodus.	Rhodes.
Caria.	Laodicea.	Laodichi.
Lycia.	Myra.	Strumita.
Pamphilia.	Perge.	Perga.
Pisidia.	Antiochia Pisi- diæ.	
Cilicia 2.	Tharus.	Tarſo.
Cilicia 1.	Cæsarea.	Ainzarba.
Cappadocia 2.	Tyana.	Tyagna.
Cappadocia 1.	Maſaca Cæſa- rea.	Sarmuz.
Armenia 1.	Sebastia Trape- zus.	Synas, Tarra- boſſan.
		Arme-



Armenia 2.	Melitene.	Malasia.
Comagena Eu-	Samofata, &	Alep, Samu-
phratensis.	hierapolis.	fat,
Oshœna.	Edeffa.	Rhœy.
Mesopotamia.	Nisibis.	Nisibi.
Syria.	Antiochia ma-	Antioche.
	gna.	
Cyprus insula.	Salamis,	Famagusta.
Syria salutaris.	Palmyra.	Faid.
Phœnice.	Sidon.	Said.
Phœnice Liba-	Damascus.	Damas.
ni.		
Palæstina 1.	Cæsarea Strato-	Azoz.
	nis.	
Palæstina 2.	Samaria.	Napolitza.
Palæstina salu-	Hierosolyma.	Chutz.
tariſ.		
Arabia Petræa.	Petra.	Arach.
Augusta amni-	Pelusium.	Damiate.
ca.		
Ægyptus.	Alexandria.	Alexandria.
Arcadica.	Memphis.	Alcayro.
Thebais.	Thebæ.	Thebes.
Libya inferior.	Parætonium.	Abreton.
Libya superior.	Cyrene.	Corena.

## CAP. V.

*Copia & Præsidia circa limites, & in ipsâ urbe.*

**I**N interioribus arx nulla, vix Præsidium præterquam in ipsa urbe. Fines clausi ac muniti mari,

mari, montibus, amnibus & copiis. Spes est in arcibus exigua, sed tantum in milite, qui circa limites, ut in magna urbe circa moenia & vallum erat ubique dispositus, non in urbibus, nisi metus esset rebellionis, sed in castris ubi exercebatur, & oneri erat minimo subditis, in hostes usui maximo. Numerus eorum sub Augusto & Tiberio fuit Legionum 25. sub Trajano & Hadriano 30. Erant siquidem in Hispania legiones 3. in Gallia 5. ad Rhenum 8. quarum cohortem unam Lugduni statuit Tacitus. In Pannonia ad Danubium duæ. In Moesia ad Danubium 2. In Dalmatiâ 2. In Syria ad Euphratem 4. præter duas quæ fuerunt Beryti ad mare. In Ægypto duæ & aliquando tres, quarum una Alexandria locata; aliæ per regionem maximè Babylone castello supra Delta & Syene ad minorem Nili cataraeten. In mari similiter & fluminibus classes habuerunt, quæ & piratas cohiberent, & hostes arcerent, & suis cum opus esset, transitum darent; fueruntque in mari 4. quarum duæ majores dicebantur prætoriaræ, videlicet Ravennas & Misenensis in quibus singulæ legiones. Ravennas navibus constabat 250. & Epirum, Macedoniam, Achaiam, Propontidem, Pontum, Orientem, Cretam & Cyprum petere directa navigatione consueverat. Misenensis verò haud paucioribus navibus Gallias, Hispanias, Mauritaniam, Africam, Ægyptum, Sardiniam atque Siciliam tutabatur. Minores præterea erant classes duæ, quarum una Foro-Julii, altera in Ponto, ubi 40. naves longæ. Sunt & qui tertiam collocent ad ostia

ostia Tiberis & Puteolis. Habuerunt & claves alias in fluminibus, unam, quæ dicebatur Germanica & Britannica, quæ stabat ad Pharum, seu Alcem Britannicam in ostio Rheni; secundam in Danubio, quæ constabat Lusoriis. Tertiam in Euphrate contra Parthos. Præter hæc fuerunt etiam in urbe milites qui Principem tuerentur & ipsam urbem. Principis custodia constabat prætorianorum cohortibus 9. & aliquando 16. fide, robore & gente eximiis. Evocatis præterea Equitibus, qui excubias circa cubiculum Imperatoris agebant, & mille Batavis partim Equitibus, partim peditibus pro custodia corporis. Erant denique Urbanæ cohortes 6. & aliquando 9. ad urbis defensionem. Præterea sex cohortes Vigilum contra nocturnos fures & grassatores. Summa totius Præsidij putatur fuisse 400. millia Ordinariorum. Imò Agathias de Justiniani ævo loquens negat copias Romanorum tantas quantas olim esse, nec sufficere tutelæ Imperij. Cum enim ad sexcenta quadraginta quinque millia militum universas esse colligere oporteret, vix tunc centum quinquaginta millibus constabat. Verum ut numerus Agathiae constet, auxiliares copias numerasse debuit. Sic enim viri docti censent.

---

## C A P. VI.

### *De viarum magnis operibus.*

Summum Romanæ potentiae argumentum  
 Spetunt aliqui ab itineribus & viis quas in omnes

ties Imperii sui terminos Imperatores duxerunt.  
 Et verò nihil est cum iis conferendum, sive  
 utilitatem ejusmodi operum respicias, sive im-  
 pendii sumptuumque modum. i. est quam Appius  
 Claudius Cenfor à porta Capenâ ad urbem Ca-  
 puam, Augustus Brundisium, usque perduxit  
 per milliaria circiter 350. latam pedes 25. stratum  
 silice polito, trium quatuor-ve pedum qui co-  
 lore & duritie ferrum referebat, talis juncturae &  
 firmitatis, ut Procopius referat post 800. annos  
 assiduis quantumvis plaustris jumentisque tere-  
 retur, nullum lapidem seriem suam, vel tantillum  
 exiisse, nullum fractum, aut lavorem suum ami-  
 sisse. Via Flaminia Româ Ariminum usque, &  
 inde porro Aquileiam ducebat. Alias postmo-  
 dum Romani per totum orbem disposuerunt,  
 excisis sæpè montibus, & complanatis vallibus,  
 ut æquabiles fierent, sic Augustus duplicem ex  
 Italiâ Lugdunum viam deduxit: alteram proli-  
 xiorē plaustro permeabilem per Centrones:  
 alteram rectam. Sed angustam & compendia-  
 riam per Apennium. Agrippa verò ejus gener ex  
 eo loco alias in omnes Galliarum partes duxit.  
 Unam per Cemmenos montes in Aquitaniam:  
 aliam ad Rhenum: tertiam ad Ambianos & O-  
 ceanum; quartam in agrum Narbonensem litus-  
 que Massiliense, quarum vestigia plerisque in lo-  
 cis cernimus, puta inter Bacharachum, Treveros  
 & Luxemburgum, ubi adhuc patet via lata, am-  
 pla, lapidibus strata: Bavaci in Hannonia, ubi a-  
 liud fuit positum milliarium in varias Galliae o-  
 ras maximè Tungros & Parisios. Cordubæ in

Franciscanorum cœnobio visitur columna ex subviridi marmore, quæ Augusti nomen habet incisum, expressumque numerum centum viginti unius, quod verum est spatium milliariorum, quo distabat Corduba à mari. Aliam ponit Antoninus Nebrissensis, quæ Salamantica Emeritam usque ducit, quam Argentinam vocat, vultque totius Hispaniæ nobilissimam, quam à Crasso fuisse munitam, asserit. Easdem vias in omnes Imperii fines productas nullatenus est ambigendum. Hujusmodi porrò viæ marginabantur cippis quibusdam eminentibus, primò nè structura diffunderet. Secundò, ut fessi in iis residerent, onera reclinarent, vel ex iis ascenderent in equum. Ad singulos præterea mille passus columellæ extabant notis numerorum incisæ, quas lapides simpliciter, vel milliaria appellabant Romani, *signa*, verò seu signa Græci, ne ignarum locorum oberrarent milites, reficereturque animus, ac vires iter facientium eâ significatione. Hanc præterea itinerum rationem affert D. Ambros. serm. V. in Psalm. 118. miles non voluntaria captat compendia, ne recedat à signis; sed itinerarium ab Imperatore accipit, & præscripto incedit ordine: cum armis suis ambulat rectâque viâ conficit iter, ut inveniat commeatum parata sibi subsidia. Si alio ambulaverit itinere; annonam non accipit, mansionem paratam non invenit, triduum ambulat exercitus, 4. requiescit, eliguntur civitates, in quibus triduum quatrimumve, & plures interponantur dies, donec ad urbem

rega-



regalem perveniatur, in qua fessis exercitibus requies ministratur.

## CAP. VII.

*Antiquus urbis Romane decor.*

SUB Trajano Romam ad summum suum pervenisse decus plerique dicunt: & si eam laudē Constantino tribuat Nazarius. Ut ut sit, sita fuit in medio propè ejus imperii, cujus Metropolis fuit, defensa jugis Alpium & Apennino ab omni vi subitâ, distans à mari millia passuum 16. proxima Tiberi, qui tum ibi latus erat pedes 400. & sic profundus, ut maximas naves susciperet, quibus necessaria per mare, quod medium Imperium permeabat, omnes Provinciæ transmittabant. Quadrata fuit initio, postea rotunda propemodum, murus ab Ammone Geometra mensuratus unius & 20. milliarium repertus. Et verò 3765. passus fuerunt à singulis portis ad milliarium aureum, à quo mensuræ currebant, & in quod Italiæ omnes viæ desinebant, ipsumque non longè ab umbilico urbis posuit Augustus in capite fori Romani. Hoc ambitu continebantur montes 7. regiones 14. compita 265. insulæ 46602. templa 424. fora 17. Suburbia excurrabant ad oppida Tibur, Oriculum, Ariciam & Ostiam ad mare, aliqua ad 15. millia, imò nesciebatur, ubi urbs desineret. Hadrianum I. summum Pont. muros, qui nunc extant centenis aureorum millibus è Tuscia contractis, extruisse refert Blondus, feruntque

perimetrum vix esse milliarium 14. Intra pomœrium videre erat 7. colles publicis privatisque ædibus infessos, gradatim declinantes, & velut superas quasdam urbes, urbi inferæ imminentes. Fora Romana, templa, Principum basilicas, ædificia publica pleraque, eorumque decorem sileo; tantum dico flumina sub urbe visa fluare quatuordecim præcipuis alveis per quos equitare commodè licebat. Fontibus ad summos montes evocandis, ut inde possent aquæ dispensari, impensos aliquando septem nostrates milliones Unum Agrippam lacus 700. fecisse, salientes 105, castella 130. insuper cloacas opere pensili subternavigatas, in quas 7. amnes, cursu præcipiti ruentes omnia purgabant. Narrat Olympiodorus gratuitas Antonii thermas in usum lavantium habuisse sellas 1600. è polito marmore factas; Diocletiani autem duplo circiter plures. Balnea plerique fastidiebant, in quibus non erant argentea subsellia. Quale fuerit reliquum thermarum corpus, piscinæ longæ, porticus, Xysta, nemora, Sphæristeria, & quanta horum omnium amplitudo, tecum reputa. In his statuarum multitudo tanta, ut alterum populum penè parem incolis daret; nec mirum, cum liceret cuique ære & marmore se publicare. Principum vero statuas tantum argento & auro solido. Colossos hic vidisses, alibi curules & equorum, leonum, variorumque animantium greges. Certè privatorum hominum ædes urbanæ tales fuerunt, ut angustæ putarentur, si earum minor esset area iugeribus quatuor, Plurimorum verò sic paten-

patentes, ut laxitatem urbium vincerent. Pau-  
per videbatur & sordidus civis, cujus parietes A-  
lexandrinis marmoribus, aut numidicis crustis  
non essent distincti, & apud quem, aquam argen-  
teâ epistomiâ non funderent. Si Mamurra Præ-  
fectus fabrorum, totius suæ domus parietes ope-  
ruit crusta secti marmoris, quid mirum, si Craf-  
sus ex solido auro tecta habuit, laquearia & cœ-  
nationes sic dispositas, ut subinde parietum, alia  
atque alia facies succederet, & toties tecta quo-  
ties fercula mutarentur, essentque aliæ tabulis e-  
burneis laqueatæ, gemmis verò & floribus distin-  
ctæ, quibus unguenta desuper spargerentur. Mit-  
to pomaria in summis turribus & syvas in domo-  
rum fastigiis. Mitto atria columnata, & aurea  
columnarum capitella. Eò venerant deliciarum,  
ut aliquanto locupletiores, nihil nisi gemmas  
calcare vellent. Nec mirum, nam quicquid arti-  
ficum insigniorum Græcia, aut Asia habebat, Ro-  
mam evocabant, qui quod natura denegabat, per  
artem tentabant, nihilque fuit in Provinciis ma-  
gnificum, utile, vel gratum, quod non in urbem  
inveheretur. Quantus porrò fuerit Romæ æ-  
dium hominumque numerus, hinc collige, 1.  
quod cum Heliogabalus servis imperavit, ut ur-  
bis omnes araneas colligerent, Lampridius re-  
fert, ad 10. millia pondo pervenisse. 2. Sub Au-  
gusto plebis urbanæ tenuioris quæ è publico vi-  
ctitabat, fuerunt 300. viginti millia, Nemo ve-  
rò dixerit fuisse pauciores Senatorii, vel Eque-  
stris Ordinis. Fuerunt adhuc longè plures, ex  
ipsa plebe honesti. Vix fuit sive dives, sive pauper  
qui

qui servum unum, aut alterum non haberet. Unus Pædianus 400. servos sub tecto suo, & domi habuit. Puerorum & mulierum numerus, haud dubiè duplo major, ut minimum, Quis peregrinos numeret? Ajunt sub Vespasiano luem fuisse tantam, ut per multum tempus in Ephemeridem mortuorum in singulos dies relata fuerint decem millia. Hæc qui reputant, ad 4. milliones potuisse numerum incolarum pervenire sibi persuadent.

---

### C A P. VIII.

#### *Quomodo Italia in plures divisa Principes.*

**I**N re obscura hæc accipe. Prodiit anno 1195. Donatio facta Sylverio Papæ à Constantino Magno, emissa in vulgus à Balsamone Patriarcha Antiocheno, in qua inter cætera hæc lego. Donamus Patri meo Beato Sylverio, & ejus successoribus nostrum Palatium, diadema capitis nostri, & Epomidem, quæ collum cingat, purpuream chlamydem & tunicam coccineam, omnia indumenta regia, & gloriam omnem meæ potestatis. Eos autem, qui in clerum Romanum electi sunt, ornari jubemus iisdem, quibus Senatus noster vestimentis, equo vehi, albis vestibus tegi, ita & calceos eorum fieri ex pannis albis. Maximè autem utile & amicum Deo esse duximus cedere urbe Româ, & omnibus Occidentis locis, ac urbibus Sanctissimo Papæ, iniquum existi-

existimantes, ut Imperator in eo loco summam potestatem habeat, ubi Christianæ fidei cœlitus principium nobis fuit. Hanc Constantini donationem Isidorus Hispalensis ante mille annos veram & legitimam asseruit. Idem præstiterunt Nauclerus & Photius Patriarcha. Quanta tamen sit horum autorum fides, aliorum sit judicium. Certum Constantinum testamento Romam, Italiam, & Illyricum, Constanti filio natu minimo reliquisse. Præterea Romanos Pontifices præter urbem Romam quidquam possedisse, quandiu imperarunt in Italia Longobardi, & Exarchæ Ravennates vix invenias. Leo verò Ostiensis hist. Cassin. lib. 1. cap. 7. de donat. à Pipino Francorum Rege sedi Rom. facta, hæc scribit. Fecit autem inclytus Rex unâ cum filiis concessionem B. Petro, ejusque Vicario de Civitatibus Italiæ & territoriis per designatos fines à Lunis, seu insula Corsica, inde Suratum, inde in montem Bardonem, Vercetum, Parmam, Rhegium, Mantuam & montem Silicis, simulque universum Exarchatum Ravennæ, sicut antiquitus fuit cum Provinciis Venetiarum & Istriæ, cunctumque Ducatum Spoletinum & Beneventanum, eamque donationem manu propriâ & filiorum, plurimorumque Judicum & Optimatum subscriptione roboravit. Quæ omnia A. Chr. 774. Carolus Magnus victo Desiderio Longobardorum Rege confirmavit Sedi Apostolicæ & donationibus novis auxit, ut habet Anastasius. Ipse verò Carolus Imperator factus, pacem iniit A. 802. cum Imp. Orientis, his conditionibus,



ut uterque Augustus esset, & Orientali maneret Sicilia cum ea parte Italiæ quæ à Sipontinis in Apuliâ versus Græciam reliqua omnia essent Imperatoris Occidentis, & Veneti essent ab utroque Imperio immunes.

Legimus postea apud Blondum, & alios circa an. 1107. exortis dissidiis inter Henricum V. Imperatorem & Paschalem Papam de Collationibus beneficiorum, varias urbes Italiæ quas Pontifici. Pipinus dederat ad Imperatorem defecisse, alias Pontifici accessisse, & Mathildem nobilissimam sceminam Hetruriæ dominam, cujus obitus incidit in an. 1115. morti propinquam, Ecclesiam Romanam reliquisse heredem. Quantum verò propter hos tumultus cœpit Imperatoris & Pontificis in Italiâ minui authoritas, tantum aucta civitatum potentiâ, imò & discordiâ. Primum dissidium inter Papienses & Derthonenses exortum an. 1107. Inter Genuenses & Pisanos an. 1119. Inter Mediolanenses & Comenses an. 1120. ingravescentibusq; semper Imperatores, inter & Pontifices propter eandem causam discordiis, Alexander summus Pont. cum se recepisset in Gallias & Fredericus Imperator infesto agmine Romanam properaret, omnia in itinere vastans, Itali an. 1167. fœdus ineunt apud Bergomum de libertate communibus armis contra Fredericum asserenda, & Fridericus amisso variis cladibus exercitu, ne ludibrio esset hostibus suis, fugit in Germaniam: redintegrato autem sæpius bello in Confœderatos malo successu, civitatum Italię ita sensim aucta est potentia, ut circa an. 1288.

Rodol.

Rodolphus Imperator acceptâ pecuniâ liberos fecerit Italiæ populos. Rursum sequenti seculo cum ferverent in Italia civiles discordiæ, Genuenses ad intestinam tollendam discordiam, Ducem sibi elegerunt Simonem Bocanigrum an. 1, 38. passimque alij Principes Viri, dominatum per Civitates occupârunt, quibus deinde Benedictus XII. Summus Pont. legitimam potestatem permisit, ut contra Imperatorem Bavarum parata haberet auxilia. Sic Scaligeri Veronæ vicinisque in oppidis, Estenses Ferrariæ, Gonzagæ Mantuæ confederunt.

## C A P. X.

*Qualis nunc Italia facies?*

**T**Am diu Romanum Imperium, ipsaque Roma, variarum gentium impetu, de suæ magnitudinis & opulentiae fastigio dejecta est, jam diu singulæ Orbis Provinciæ in libertatem se vindicantes, sua repetierunt spolia. Fatendum tamen Romanum Pont. & si vix quintam Italiæ partem obtineat, tamen veneratione rerum celestium longè plures Christo Domino, cujus ipse Vicarius est, subjecisse populos, quàm olim tot hostium effuso sanguine, sibi compararunt Imperatores.

Est nunc Italia omnis divisa in Principatus 10. videlicet Ducis Sabaudiae, Reipubl. Genuatium, Reip. Lucensium, Ducis Etruriæ, Pontificis Romani, Regis Catholici, Reip. Venetæ, Ducis Mutinæ, Ducis Mantuæ, Ducis Parmæ. Tellus fre-

quentiâ montium aspera , partim solis æstu arida : Segetes frequens rubigo , vel grando corrumpit , vixque tribus annis continuis sufficiunt incolis , sint licet sobrii & temperantes Fructus præter mala aurea & punica, ficus & olivas , nullos habent , gregibus sunt improba vellera , armentis exilia ubera , & olida , ipsæque carnes in saporem ingratum degenerant , si buccularum excipias. Urbes sunt eximiae , amoenis ut plurimum locis conditæ. Tempia advenarum expectationem non implent, fenestrasque habent multo ferro & picturis inumbratas. In imaginibus signisque summus decor. Nihil aris, & eorum ornamentis formosius. Solum flosculis nitet , & variis animantium figuris è marmoribus diversi coloris. Nam præ copia vilescunt marmora, nisi figura decus addat. Domus, quas vocant Palatia, suâ mole spectabiles sunt potius quam usibus habitantium aptæ, interdum auro fulgent, fastigia in altum producuntur , & exesæ statuæ pretiosis locantur umbonibus; sed plerumque carbassi vile textum, aut inunctæ oleo chartæ vitri suppleant paucitatem & splendorem. In hospitibus sordes maximæ, jejunæ squalentesque epulæ, culicum cinicumque multitudine infesta cubilia , acer diversorii dominus , & inclementis hospitii gravis merces. Animus Itali rerum omnium capax. Impetum naturæ non sequitur , sed eruditè, & cum artificio, virtutes summas aut vitia assequitur deterrima. Verba habet exactæ urbanitatis ad persuadendum aptissima , vix sustinet jocos, nec quid temerè, aut dicere est assuetus,

aut

aut facere, sed videtur semper stare in specula, ex qua aliorum verba, nutus & oculos considerat, quasi velit ex iis, sensus animi cognoscere. Equorum armorumque studiosus est, & facilis ad stimulos gloriæ. Plebs laboris patiens, frugi, ad futurum intenta, nullum curarum genus quantumvis humile aspernatur, quod longo labore non superet, si nomen, aut opes promittat. Denique nusquam alibi sanctiorum virtutum exempla, peiorumque facinorum. Benevolentia indulgent prolixa, ubi verè amant. Si quos odierint, res plenissima periculi. Nam ætatem ferunt eorum odia; animi egritudinem apprimè norunt tegere, læsisque interdum descendunt ad obsequium, Venena & damnata libido, hic aliquando reperitur, aliàs fingitur ab æmulis. Avorum memoria sub Leone X. censa sunt Romæ 85. millia civium & inquilinorum. Sub Clemente VIII. vix 32. nunc communis est opinio 300. millia hominum majori ex parte advenarum in ea urbe reperiri. Nam pauci admodum sunt indigenæ, pauci divites, plerique ære alieno pressi, ut necesse est accidere, ubi ars nulla, ex qua vivant incolæ, omniaque aliunde importantur.

## CAP. XI.

*Mare Italicum, Inferum & Superum.*

*perum.*  
*multum.*

**I**talicum, vocat Justinus, mare, quod Italiam circumluit; Inferum quidem, qua parte australem oram rigat: Superum, qua Græciam in-

ter & Italiam fundit se versus Ortum & Boream; quæ partes in situ Orbis censentur superiores cæteris. Discrimen utriusque ponitur à Polybio & Philostrato fretum Siculum in lat. 38. à Mar-  
 tiano Capella Hydruntus, Otranto : à Procopio insula Melita. Rursum pars Inferi, quæ Liguriam lambit à Varo amne ad Arnun, dicitur Ligusticum. Hinc Tuscum, seu Tyrrhenum ad Siciliam, imò ad Africam & Hispaniam producunt auctores, quod, ut ait Diodorus, Tyrrheni, id est, Etrusci, diu mare illud, ut domini obtinuerunt. Ausonium denique ab Sicilia ad Japigium promontorium. Superum similiter ab Adria Tuscorum urbe, ( vel flumine ) in Venetis coloniâ appellatur mare Adriaticum, seu Hadrianum promontoriis Japigio & Acraceraunio sibi invicem oppositis conclusum, quæ olim ponte conjungere Pyrrhum cogitasse, & M. Varronem refert Plinius. Partem reliquam ab Jonio homine Illyrico Jonium mare dixerunt aliqui, alii ab ipsa regione Illyrium, sicut & à Dalmatia appellatur Dalmaticum. Spinetæ, quibus olim urbs cognominis ad Padi ostium, diu maris Superi dominiû obtinuerunt. Postea Augustus classem Ravennæ ad tutelam maris superi, & alteram in Miseno portu, Inferi custodem. Nunc ejus dominium sibi vindicant Veneti, ipsisque Turcus permittit, ut quotquot armatas naves in eo repererint sinu, mergant aquis, modò regiones ejus imperio subditas tueantur contra Piratas, & si quæ sint Turcicis navibus in ea parte illata damna, refarciant. Narrat Gregorius Turopius Helenam



lenam cum Hierosolymis rediret, in Hadriaticum mare unum è clavis Christi injecisse, miseram excidia navigantium, quæ in eo tractu frequentissima erant, factumque esse, ut qui Vorago navigantium dici consuevisset, redditus fuerit posthæc quietior.

## C A P. XII.

*Majores insulæ Maris Italici, Corsica, Sardinia, Sicilia, Melita.*

**I**nsulæ sunt in ora Inferi maris crebræ, inter quas Corsica & Sardinia maximæ post Siciliam. Corsica olim dicta Therapne & Cynus min. 220. longa, 50. lata, aditu difficilis est propter montes, qui vix per angustos calles superari possunt, licet sint nemoribus obfiti. Valles abundant oleo, vino, pascuis: nec omnino desunt frumenta, gignit equos feroces & canes venaticos spectatæ magnitudinis. Muffola genus est capræ hujus insulæ peculiaris, cervo similis, cursûs maximè perniciosus: homines habet laborum patientissimos: Sed Corso infenso, neque vivo, neque mortuo credendum. In medio insulæ in lat. 41. 8. mons Gradaccius eminet, in cuius vertice est planities & lacus Ino & Creno, ex quibus amnes Guolo veteribus Tauola & Liamone olim Ruptanus, aliique defluunt. Plinius memorat olim in ea fuisse civitates 33. nunc præcipuæ sunt Bastia populo frequens, arce firmâ & Archiepiscopatu insignis, qui eo translatus est ex Aleria, nunc in parietinis jacente; Bonifacium primariū oppidum,

oppidum, in lat. 40. 12. ubi portus amplus & tutus, dictus olim Syracusanus, cui proximum mare corallium subministrat: Adiacium, nunc caput Insulæ mercatoribus Genuensibus frequens & dives: Calvi, arce & saxo prærupto munitum oppidum, cum portu celebri. S. Florentii fanum à Gallis munitum an. 1553. Curia arx confrago-  
sæ rupi imposita in medio insulæ, qua necessariò transeundum ad utramque insulæ bandam, seu latus tendentibus. Genuenses Duce Ademaro eam insulam Saracenis eripuerunt, reditusque penè omnes in ea munienda impendunt.

Insulam à Sardo Herculis filio dictam Sardiniam, Græci vocant Ichnusam, quod formam habeat vestigii humani. Eam post Romanos occuparunt Saraceni, deinde Genuenses & Pisani, posteaque Regibus Aragonum in feudum concessit summus Pontifex. Ejus longitudo maxima est minut. 170. latitudo 90. Siciliæ vix cederet in bonitate soli, si rebus suis intenti essent incolæ, quorum multi solâ vivunt venatione. Equos habent nostratibus minores, agiles tamen, plerosque agrestes & vagos in sylvis; tanta est eorum copia. In argenti fodinis plurima reperitur Solifuga, animal perexiguum, araneo simili, quod per imprudentiam superseidentibus pestem facit. Sardi pecuariam exercēt ut plurimum, hinc coriorum illa nec non caseorum mira copia, quam in Hispaniam & Italiam adducunt. Urbes paucæ; omnium præcipua Calaris, seu Caralis, vulgò *Cagliari*, 38. 6. Limis insignis & portu, in quo

quo frequentât semper naves, quæ per Orientem & Occidentem volitât. Sedes est Archiepiscopi, qui olim fuit etiam Balearium insularum Metropoli- & Proregis, qui ut plurimum Hispanus est, habet tamen Civitas ipsa suam Reip. administrationem. Chia, olim portus Herculis, Oristagnum urbs Archiepiscopalis, infrequens propter aëris impuritatem. Boffa, 39. adamnem Thyrsus hujus insulæ maximum. Argeri, nova civitas populo frequens & munita, sita ad sinum multarum navium capacem, Caracodem antiquis dictum. Saffari, urbs Archiepiscopalis loco sita feraci & fontibus irriguo.

## CAP. XIII.

*Sicilia.*

Siciliam Peninsulam olim contiguam Ausonum terræ, magno ab ea terræ hiatu scissam ferunt, & ab illa *Rixei*, hoc est, ruptione Rhegium promontorium nomen accepisse. Tale etiam quid passum Hellespontum quidam affirmant, & Lesbum ab Ida abruptam, & Ossam ab Olympo, & Eubœam à Bœotia. Cyclopes & Gigantes, quorū in Sicilia juxta Drepanum reperta quædam corpora pedum 30. feruntur, antiquissimi ejus habitatores, deinde Iberi Duce Sicano, mox Siculi Ligurię populi, postea Gręci, Carthanienses, Romani, Gothi, Constantinopolitani, Northmanni, Germani, tandemq; Galli, qui dum Vesperæ canerentur, à Siculis, omnes sunt trucidati, anno 1282. quo Aragonenses ejus dominium

nium obtinuerunt, & ad hæc usque tempora Hispani juncti retinuerunt. Divisa est in tres valles, quæ in totidem promontoria desinunt longè celeberrima, à quibus dicta Trinacria, Lilybæo, Pachyno, Peloro, quod Italico alluitur freto. Ambitus insulæ est min. 600. propter aëris cœlique temperiem adeò frumenti ferax est, ut ex uno modio 100. colligantur sæpè. Vino item abundat, melle, serico, corallio, sulphure, quo Ætnæ montis, (cujus crater 20. stadia patet) perpetua nutriuntur incendia. Plinius in hac insula urbes numeravit 72. Hodieque Episcopales continet 12. Inter quas primum Messana, hodie *Messina*, 37. 55. obtinet locum, moris abundans & serico probatissimo. Urbi mons Pelorus imminet. Juxta litus sinuosum Scylla est saxum & Charybdis, mare utrumque, utrimque navigantibus ex proximo Italiæ Rhegio exitiosa. Catana, vern. *Catania*, ad Ætnam, Academia insignis, mari alluitur: fuit à Carolo V. munita. Syracusæ, vulgò Syragusa, 36. 22. Princeps urbium Siciliæ apud Solinum, cujus Metropolitæ subjecti pridem Episcopi Melitæ & Liparæ, nunc urbs æquè grata & munita, duplici vallata portu Maggiore, & Pirriolo. Agrigentum, urbs, in qua ævo a Empedoclis numerata hominum octingenta millia, hodie dicitur Gergenti, & supra urbes cæteras, adhuc excellit munimētis, formâ & ornatu. Drepanum, civitas & portus magnarum navium capax, ad pedem Erycis montis trans Lilybæum sita in Peninsula. Panormus, hodie *Palermo*, maxima Siciliæ urbs, & Sedes Proregis, ad ostium Formo-

Formosæ fl. Carolus V. firmissimis eam propugnaculis cinxit. Ex quibusdam lapidibus, ajunt nonnulli, hanc urbem Noëmo antiquiorem.  
a Laertius lib. 8.

## CAP. XIV.

*Melita.*

**M**elita, hodie Malta, distat à Sicilia mill. 100. ab Africa 190. Ejus latitudo maxima est 12. min. long. 22. plana est, humilis, saxosa, ventis & ardoribus exposita, glaciem & nivem ignorat: ob lignorum inopiam humiliores sunt casæ, & ignē struunt ex carduis arefactis, vel boum sterconib<sup>9</sup>: caret aquis pars Borealis, abundat Occidua, sicut & gossipio, hordeo, cymino, rosis & fructibus. Pagi sunt circiter 60 quibus lingua Punica vetus. Quinque habet portus, parū ab invicem distantes, ac inter duos ex iis, sita est arx in scopulo, apprimè munita, à qua urbs Melita distat mill. 6. Divus Paulus eam suo naufragio nobilitavit. Equites ab ea dicti Melitenses, qui initium acceperunt Hierosolymis anno 1104. dictique primo Hospitalarii, quod sepuchrum Domini adeuntibus necessaria suppeditarent, & peregrinos contra Arabes & Infideles defenderent, vocatique postea Rhodii ab Rhodo insula, in qua confederunt ad annum 1522. quo à Solimanno expugnata est sexto, quam obsidione vallarat mense Decembris 22. proditione Andreae Meralii Lusitani Equitis. Septimo post anno in Melitam insulam transportati Equites, hætenus ibi contra



contra Barbaros Christianæ fidei præsidio esse pergunt. Pialis Bassa Melitam obsidione cinxit anno 1565. sed re infecta discessit.

## C A P. XV.

### *Minores Insulae maris Italici.*

**I**llæ sunt Urgo, vulgò nunc Gorgona, 42. 52. Mænaria, vern. *Meloria*, Liburno portui objecta: Capraria, seu Ægilum, ubi frequentes olim capræ Silvestres, Ilva Græcis Æthalia 42. feracissima olim æris, quo deficiente apparuit ferrum, quod effossum est post annos 25. renascitur. Eam à Carolo V. obtinuit Cosmus Medicæus, Apianis veris Dominis cedentibus juri suo. In parte occidua portus est ferratus, olim Argous, ad quem ajunt Jasonem quærentē Circes domicilium appulisse cum Argo navi. Cosmopolim ibi extruxit Tusciæ Dux & utrumq; collem, qui imminet portui, probè munivit. Stellæ nomen editiori. Hic armamentarium & triremes magni Ducis. Columbaria avium hujus nominis nutritrix. Planaria, vern. *Pianosa*, penè æqualis freto, ideoque navigiis fallax. In ea frequentes olim pavones agrestes. Oglasa insula, vern. *Monte-Christo*, 41. 46. Igilium vino & marmore clarum. Dianium sive Artemisia, vern. *Gianuti*, in qua portus satis commodus. Pontia, vern. *Ponza*, antiquis monumentis celebratissima, Pandataria vern. *Palmaruola*, deserta ferè, nec ullis operibus munita. Ischia, dicta Ænaria, à statione navium Ænææ, aliis Pithecusa, & una ex Oenotridi-

tridibus, quæ rupibus cincta, patet tantum ab una parte, vino, alumine, sulphure, balneis, vasis figulinis & arce saxo imposita celebris. Fabulantur Typhonem sub hac jacere insula, versoque corpore flammæ expirare, nec non aquas & minutas insulas. Ea an. 1301. arsit per menses duos. Trochita, vern. *Profida*, thermas habet & ignem vomit. Capreæ, nunc Capri, nemoribus domesticisque arboribus consitæ, frumento carent, æris temperie & piscatu nobiles. Hinc tam frequens in eam Imperatorum secessus Augusti & Tiberii. Illic erecta Pharos ad dirigendas naves Alexandrinas: duo habet oppidula: majori nomen Capri. In eam insulam sicut & passim per agri Neapolitani litora sub hyemem imminentem conferunt se Coturnicum agmina, quæ ventum hic expectant propirium, quo transmittant in Africam. Ad ortum illius desertæ occurrunt insulæ exiguæ, quas Sirenulas vocant. Lipareorum insulæ, antiquis Æoliæ, Arnæ, Ephestiades & Plotæ, septem numero, nunc 12. Strongyla seu *Stromboli* 39. domicilium Æoli, cui Poetæ Imperium tribuunt ventorum, tam furentium quam quietorum: ignem noctu & interdiu emittit continuum & foetentem, quo pars insulæ omnino sterilis redditur, licet altera fructibus abundet & Gossipio. Dina seu Didymæ, vinum producit & alumen. Basilurus culturæ idonea est. *Lipara* omnium maxima, à Liparo Aufonis filio dicta, Cnidiorum olim colonia, nunc Hispanorum, ex quo à Carolo V. fuit munita, extinctis ignibus: abundat fructibus, alumine, bitumine & piscibus.

Phœ-

Phœnicusa seu palmaria, palmas olim habuit, nunc pascua & segetes. Ericusa pascuis dives. *Vstica* omnino deserta, piratarum statio. Vulcania seu *Hiera*, 38. 10. repente in mari edita sub mortem Scipionis Africani, anno 144. 5. Febr. tantum ignium evomuit, ut ipsa Sicilia contremuerit, tota nunc deserta est & ustulata. Favognana seu *Ægusa* Carthagenensium clade, soli fecunditate & portu amplissimo celebris. Maresimus seu *Sacra*, thymo & apibus abundat.

## CAP. XVI.

*Liguria, Comitatus Nicea, Dynastia Monæci & Finale. Respublica Genuensis.*

**L**iguria à Legendis Leguminibus nomen sortita est, ut quibusdam placet: ejus fines sunt mare inferum, Varus amnis, Alpium juga ad fontes Padi, & ipse Padus ad Placentiam, indeque linea ad ostium Arni. Intra hos fines universa gens in varia populorum nomina fuit divisa, quorum termini cum nullis certis indiciis ab authoribus notati reperiantur, ditionum quæ nunc sunt in eo litore sufficiet fines aperire. *Niceæ* Comitatus patet in long. 22. leucas, in lat. 11. secundum litus vix quatuor; solum habet asperum, cultum tamen & munitum: dividitur in quatuor Vicariatus, quorum capita sunt *Barceloneta* caput vallis, quæ mercimoniis floret. *Poggiotto* munita præsidio militum. *Sospello* bellum oppidum, & *Nicæa*, vern. *Nizza*, 41. 50. à Massi-

Massiliensibus ad amnem Paulo condita, ut mare liberum haberent: nunc verò ita munita Danguione & Citadella, ut anno 1543. Turcicum spreverit exercitum. Emporium est singulare, unde vinum, oleum, fructus, tela, charta, pisces & materies abiegna ad malos extrahitur. Huic proxima est *Villa franca*, famosum oppidum propter opportunitatem portus magnarum navium capax. Habes præterea Sanguino arcem munitissimam, non longè à Briga oppido divite. In his stationibus duas triremes habent sancti Lazari Equites, quorū Magister est ipse Dux Sabaudie, Dynasta Niceæ. Equites, insigne Crucem Viridem ferunt auro argentoque circumdatam. Herculis Monœci portus, vern. *Monaco*, olim colonia Massiliensium, nunc Dynastia exigui agri. Cudendæ monetæ jus est Principi. Jus etiam naves, haud soluto tributo, pertranscuntes infestis Myononibus persequendi. Anno 1605. post obitum Dynastæ munitionem Hispani occupaverant, ac licet filii, qui tunc erat decennis, nomine, gerere omnia præ se ferrent, nunquam tamen in sua jura integra restitutus est, sed honestæ servitutis aliquando laxiora vincula trahebat, cùm anno 1641. ad Ludovicum XIII. Galliarum Regem confugiens, Ibericum jugum planè excussit. A Monœci portu, inquit Strabo, litus continuum, solidum & importuosum, nisi quatenus exiguæ sunt quædam navium stationes, ubi anchoræ figi possunt. Desuper imminet grandes, atque præruptæ rupes, angustum linquentes juxta litus transitum, suntque illic sylvæ, quarum arboribus

dia-

diameter pedum octo. Proximè sequitur Albium Intemelium, vernac. *Vintimiglia*, urbs quondam magna, ad latus Rutulæ amnis, vulgò nunc *La Rotta*. Mox in edito asperoque jugo videntur Trophæa Augusto de Alpiniſ gentibus ab Senatu posita, ignobile nunc Castellum, vulgò *Torbia* dictum. Portus Mauricii origo incerta, vernac. *Porto Morisco*, Albingaunum, vern. *Albenga*, oppidum ab Alpiniſ Ingaunis conditum ad ostium amnis Merulæ, vern. *Arocia*. Post Albigaunum sequitur *Finale*, urbs mille passus recedens à litore sita in faucibus vallis, ubi modico imposita colli arx munitissima, Caractorum Dynastia, ab Hispanis occupata anno 1602, & Medesimus portus, quem milite firmarunt. Succedunt vada Sabatia, vern. *Savona*, 43. 38. ubi Alpes desinunt & Apenninus incipit, urbs gratis ornata ædibus, quæ dominos sæpè mutavit. Jam olim Episcopalis fuit & libera, nunc Genuensibus paret, qui & portum illius occuparunt anno 1528. Genua, *Genoia*, 43. 48. urbs & caput Reip. cognominis, cui nunc præter insulas Corsicam & Caprariam, paret Riparia, *La riviere de Genes*, hoc est, litus circumpositum per sexenta passuum millia, si legas litus; nam recta linea à Monachio ad Serrezanam, vix minuta reperies 180. qua in ora urbes præcipuæ sunt Savona, Genua, & Serrezana. Insulæ Corsicæ reditus quingentis Scutatorum millibus aestimatur. Remp. tam Plebeji, quàm nobiles regunt, ipseque Dux promiscuè creatur è nobilitate, aut plebe in biennium; quo exacto fit Procurator Montis D. Georgii



gii cum annua 500. scutatorum pensione. Huic Monti fœnoris nomine de centenis trina tantum quotannis solvuntur. Plebs è telis & serico quæstum facit, vel maritima munia exercet. Alimenta enim vix possent ex tota ditione sua colligere ad bimestre: sed habent semper instructas biremes. Sub ipsis mœnibus urbis versus Orientem miscetur mari amnis Feritor, vernac. *Bisagno*, & post aliquot millia amnis Tigulia, qui abluit Segestam Tiguliorum, vernac. *Sesfri*, oppidum Episcopale Lunę portus, vern. *Spezzia*, ex quo celeberrima jam olim evehebantur marmora. Amnis Magra Ligurię & Etrurię terminus miscetur mari infra Serezanam, vern. *Sarzana*, urbem quę olim ditionis Florentinę fuit.

## CAP. XVII.

*Etruria.*

**F**ines Etrurię sunt quibusdam Marcalla fl. nunt *Magra*: aliis Arnus, mons Apenninus, Tiberis & mare. Regio ipsa Græcis dicta est Tyrrhenia & incolę Tyrrheni à Tyrrheno quodam, qui Sardibus Lydorum urbe præcipua, Colonos huc traduxit, quos & Tuscos appellavit *apotouthein*, id est, à sacrificando, cum prius Etrusci, ipsaque regio Etruria ab Etrusco Principe dicerentur. Omnis verò augurandi, sacrorumque rituum peritia unis maximè tribuebatur Etruscis, & ad eos Procerum Romanorum liberi addiscendę ejus disciplinę gratiā mittebantur. Variis Tuscia paruit principibus, inter quos

memo-

memorantur Marchiones, qui dicti sunt Adelberti potentes, aded ut teste Luithprando inter omnes Italiæ Principes soli dicerentur divites; cumque Adriani mole, seu munitione S. Angeli Romæ potirentur, eam Ecclesiæ persecutionem intulerunt, quâ nulla major fuit, circa annum 900. ab ipsis barbaris illata. Tyrrheni litoris prima pars est sinus Pisanus inter Promontorium Lunæ, vern. *Spezzia*, & oppidum Populonienſe, vern. *Piombino*, qui amnes Marcallam, Verfigliâ, Aufarem & Arnum absorbet. Inter Marcallam, nunc Magram, & Verfigliam est Principatus *di Massa & Carrara*, familiæ Cibo, ex qua Summi Pontifices, Bonifacius IX. & Innocentius VIII. ipsi nomen ab oppidis *Carrara & Massa*, in lat. 33. 30. quorum Domini Palatia habent, cum Romæ, tum Genuæ. Inter Verfigliam & Aufarê, est Via-regio, portus Reipublicæ Lucensis, quo frumentum aliaque necessaria evehuntur Camajoram, indeque Lucam. Ausar sive Aufer, vernac. *Serchio*, confluebat olim apud Pisas cum Arno, hodie autem ore suo 6. mil. passuum ab Arni ostio in mare effunditur. Prope Aufarem min. 14. à mari recedit *Luca*, 43. 20. colonia olim ex Bononienſibus deducta anno ante Christum 178. nunc Reip. caput, quæ agro fruitur longo 30. minutis, lato 25. sed montibus aspero, & ex quo vix annona colligitur in sex menses. Urbs ipsa munitur propugnaculis 11. & vallo, cujus perimenter est passuum 3000. in quo frequentes populi gratissimæ propter umbram: cives numerat ad 30000 qui hortos habent multæ amœnitatis extra urbem. Magnam verò partem aluntur serici

serici textu à & lanificio, ad 10. millia peditum è sua ditione possunt educere. Remp. regunt soli nobiles, Senatorum annua est administratio, seniorum verò trimestris. Reditus ipsius putantur centum & quinquaginta millia scutorum, Episcopus cruce utitur & Pallio, ejus verò Canonici Mitra ex serico albo, more Cardinalium, subest- que soli Romano Pontifici.

Arnus ex Appennino modicis initiis nascens inter horridas præcipitesque convalles in occa- sum tendit: deinde collectis fontibus, torrenti- bus, plurimisque amnibus intumescit. Arretium urbem, vern. *Arezzo*, inter tria Etruriæ capita à Livio recensitam, & ab Umbris hujus regionis, primis cultoribus ante Trojana bella conditam relinquit 4. milliari ad Lævam, indeque Floren- tiam intersecat; mox Pisam quoque dividit, & per Pisanum portum effunditur in mare, non ta- men integer, sed in tria flumina partitus. Pisæ, vern. *Pisa*, 43. 10. originem ducunt à Pisis, Elidis in Peloponneso urbe: ejus ager fœcundus, sed defunt operæ. Nam licet fuerint olim frequentes Pisani & Sardinia Domini, tamen à Genuensi- bus bello laceffiti circa annum 1119. tandemque ad Lamellum victi 49. longis navibus & duode- cim hominum millibus amissis, nunquam dein- cept vires recuperare potuerunt. Exinde à variis Principibus vexati, tandem post mortem Galea- cii, quæ anno 1402. contigit, Florentinorum ju- gum admiserunt, & anno 1499. excusserunt, ab Carolo VIII. Gallia Regè libertate donati, sed anno 1509. à Florentinis obsessi, iterum urbem

Z

de-

dediderunt admodum civibus exhaustam. Et quantumvis in ea Cosmus Etruriæ Dux Academiam instaurarit, & Archiepiscopatus titulo floreat, necdum tamen est admodum frequens. Primarium templum, quod Domnum vocant 540. habet passus, eiq; vicina turris tota marmorea ad 153. gradus assurgit. Florentini Principatus fundamenta jecit Cosmus Medicæus Florentinus civis, qui negotiando & per omnē Europā & Ægyptum, auctusque præterea opibus amici sui Baltazaris Cossæ, olim Joann. XXIII. ad eas pervenit divitias, quas vix Cræsus possedisse putatur, qui obiit anno 1464. Primus titulum Ducis sortitus est anno 1530. nepos Clementis VII. Summi Pont. Alexander Medicæus, qui Caroli V. partes secutus Cæsaris gener, posteaque Etruriæ Dux magnus à Pio IV. est renuntiatus anno 1569. Florentia jam Sullæ Marique temporibus inter splendidissimas Italiæ urbes cōputata, 90. civium milia dicitur continere. Caput est hujus Ducatus, qui tres Resp. olim sui juris, hodie complectitur Florentinam, Pisanam, & Sinensem. Partem præterea Romagnæ adjunctam habet, Burgumque S. Sepulchri Florentinis 12. millibus aureorum oppigneratum ab Eugenio IV. atque ita nobilissima Italiæ pars altis montibus cincta, aut mari, & pluribus arcibus circumscripta Florentinam ditionem conficit. Possidet præterea in mari Tyrrheno insulas Igilium, Urgonem, Oglasam, & in Ilva portum ferrarium & Cosmopolim. Cæterum Pisanam & Florentinam Resp. quas vocant domi-

dominium vetus, summo jure tenet. Novum enim magna ex parte beneficiarium est & clientelare, nempe Senensis Resp. & Elvæ dominium, quorum gratia Hispaniæ obstrictus est. Radicotanum & Burgum S. Sepulchri, in Umbria, in clientela sedis Apostolicæ versantur. In universa porro ditione urbes numerat Archiepiscopales tres, Episcopales 18. & redditus colligere censetur decies quinquies Scutorum millia. Habet verò Dux perpetuò descriptam militiam 36. millibus peditum constantem; nec cuiquam præter hos conscriptos, extra aut intra urbem ferre arma licet, aut stipendium accipere domi forisque. Hi à principe arma pretio accipiunt, eaque tenentur conservare tersa, nec possunt hi milites, propter æs, alienum in carcerem compingi. Descriptos habet præterea aggerum castrensium fossiores iisque pacis tempore utitur in arcibus reparandis, vel in operibus nauticis armamentarii, quod Pisis collocavit omni supellectile instructissimum. Herculis Labronis hodie *Livorno*, 42. 56. portus, à quo naves olim dictæ Liburnæ, nativo situ munitur, & præsidio 500. militum; Ilvæ insulæ trecentorum. Cosmopoli sunt triremes 12. & magni modii naves aliquot. Reliquæ urbes sunt Volaterræ, 42. 54. civitas jugo imposita, Sena 42. 57. optimâ fossâ & muris cincta, strata latere cœtili, Archiepiscopatu & Academiâ clara. Massa, vetusta civitas, ubi aluminis venæ. Grossetum præcipua quorundam Senensis Reip. arx & oppidum Umbroni appositum amni, qui mediam secat Etruriâ, haud procul



Arno exortus. Ad magnum præterea Etruriæ Ducem pertinet Glania vallis, ubi copiosa aquarum colluvies ex incerto fonte diversas in plagas partim in Arnum exoneratur, quarto ab Aretio milliari, & partim in Paludes, *La Chiane* & *Clanin*, fl. delabens, Tiberi absorbetur juxta Herbanum oppidum, vern. *Oruieto*, 42. 27. Ejus plerisque locis adeò humilis est alveus, ut paludis potius referat speciem quàm fluvii, sed fundo ita tenaci, ut vix possit transiri vado. Ab Arno ad Tiberim per 60. passuum millia porrigitur, collibus fructiferis undique cincta, oppidulisque Castellione, Marciano, Turrità, Monte, Politiano, & aliis. Unum est, quod tanti Ducis officiat oculis, nempe quod primarios ditionis suæ portus ab Hispano Rege teneri videat. Nam Livorni unicum penè est hujus Ducatus ad mare Emporium; at Rex Hispanus Senensis quondam Reip. portus possedit *Piombino*, 52. 18. situm in interiori sinu Promontorii excelsi, prærupti, & in mare excurrentis perinsulæ, in cujus parte adversa habuerunt olim Romani urbem Populoniam, simulacrum ex una vite tot ævis incorrupto celebrem. Tenet adhuc navale dictum, nunc Porto Baratto, 42. 20. Telamonem portum ab uno Argonautarum sic dictum. Orbitellum, 41. 58. & portum Herculis, utrumque in monte Argentario, qui angustâ cervice continenti adhæret in ista peninsula: cujus Isthmi latus ortivum occupat *Porti di Hercole*, ad occasum verò stagnum, quod ab oppido contermino, vulgò vocatur stagnum *d'Orbetello*.

a Plantin. in Mart. 5. Sabellicus 10. Ennead. 1. 10.  
vius lib. 7. Gobelinus. Spondanus. ad annum 1459.  
n. 5.

## CAP. XVIII.

*Litus Romanum.*

**L**itus Romanum à portu Herculis ad Tarra-  
cinam extensum per 150. mille passus patri-  
monium continet D. Petri, & Campaniam no-  
vam. Patrimonium D. Petri vocant eam Etruriæ  
partem, quæ à portu Herculis ad lacum Perusiæ,  
indeque secundum Tiberim ad ejus ostia perti-  
net à Machtilde Etruriæ domina Romanæ Ec-  
clesiæ data. Novam verò Campaniam à Tiberi  
ad Lirim. Omni hoc litore Incolarum octo mil-  
lia vix numerabis, cum antiquitus innumeros  
haberet. Præter illas ditiones possidet in Italia  
Romanus Pont. Ducatus Spoleti, Perusiæ, Urbi-  
ni, Flaminiam, agrum Picenum & partem Sam-  
nii, ex quorum agris sanè optimis decies, & o-  
cties centena Scutatorum millia percipere dici-  
tur, absque illis, quæ ex officiis Cameralibus &  
Dataria ipsi obveniunt. Post Herculis portum in  
excelsa colle urbs est *Ansedonia*, olim Cosa, à  
qua portus Herculis dictus Livio Cosanus.

Sequitur fluvius Armenia, vern. *Fiore*, ad cu-  
jus ripam *Sorvana*, 42. 12. oppidum Ptolomæo  
dictum Suana, à quo paucis minutis distat *Firi-  
gliano*, urbs & dominium absolutum familiæ  
Ursinorum In eum amnis derivatur, qui ex lacu  
Satonienti ortus oppida alluit Farnesium & Ca-

strum, vern. *Castro*, olim Statonium, Principatum Ducis Parmæ, inter rupes situm: miscetur mari infra Mont-Altum *Mont-Alto*, oppidum, dictum olim forum Aurelii. Marta fluit ex lacu Volsino, vulgò *Lago di Bolsena*, ab urbe Bolsena ipsi proxima; ab eo distant æqualiter hinc Aqua-pendens, inde Viterbium, antiquis fanum Voltumnæ, ubi sua Etrusci habebant concilia, & non ita pridem vixit Annio ille dictus Viterbien-sis, qui Berosi, Manethonis & aliorum fragmenta à se conficta uno volumine temerario ausu divulgavit. Eidem fluvio apponitur Cornetum, vern. *Corneto*, quod ex ruinis Tarquinii famosi quondam oppidi crevit. Martæ proximus est amnis Minio, vern. *Mignone*, ipsique apposita Civitas Vecchia, Trajani opus, in cuius portu centum erant cellæ triremibus totidem recipiendis, unde portui antiquum nomen Centumcellæ: etiamnum est Pontificiarum triremium 12 statio. In ore portus insula adfurgit, quæ illatum vento mare objacens frangat, tutumque ab utroque latere decursum præstet.

Post 20. minuta occurrunt, Sancta Severa, oppidum cum exiguo portu, quatuor vel quinque triremium capace. Præterea, haud leves sunt ruinæ Pyrgorum antiquorum Cernertero, olim Cære & Agylla in Saxeo eminens tumulo, indeque sex millia passuum distant Cæretanæ aquæ, seu Apollinares, nunc dictæ Stillianæ, toto hoc tractu nobiles, ex quibus derivatur Vacina amnis dictus Cæretanus, qui Bracianum rigat Urfinorum Ducatum. *Palo*, Farnesiana gentis

tis villa eo sita est loco in litore, ubi Alsum fuit oppidum. Ultimum oppidum in Etrusco litore fuit portus Augusti, incolis nunc *Il Porto*, urbs Episcopalis.

## CAP. XIX.

*Tiberis, Umbria, Sabinia,  
Latium.*

**T**iberis fl. nunc *Tevere*, rerum in toto orbe nascentium mercator placidissimus, fontes habet in finibus Arretinorum in media longitudine Apennini in lat. gr. 43. m. 30. Tenuis primò profluit, deinde augetur imbribus piscinis & rivulis, qui influunt in eum, dum inter aspera & confragosa luctatur, per CL. millia passuum ad Tifernum, unde per CC. alia, scaphas tolerat ad ostium amnis Palliæ, nunc *Paglia*, quo mediante, nec non restagnantibus aquis Clusinae Paludis, seu Glanii amnis committitur Arno ad oppidum Aretium. Rursus Tiberis dum Romam festinat 42. in decursu amniculos admittit, quibus auctus, ad urbem fluviatilium Scapharum capax omnes fruges devehit hyeme & vere, æstate verò, immensi fluminis nomen arenti alveo deferit autumno resumens.

Ubique passim conceitatus est vorticosus & ripas radit, unde & Rumon, & Serra dictus ab antiquis, crebris etiam ac subitis incrementis augeatur, sed nullibi ejus aquæ magis restagnant quam in ipsa urbe. In Etruscum se effundit mare duobus ostiis. Horum majus est sinistrum, ejus latitudo

fuit aliquando jugerum fermè quatuor, altitudo verò magnarum navium. Etruscos ab ipsis fontibus ad ostia dividit ab Umbris, Sabinis & Latinis. Inter utrumque ostii alveum insula est Procopio dicta Sacra, cujus viriditatem, flores & amœnitatem Ethicus laudat. Umbros dixerunt Græci, si credimus Plinio, propaginem veterum Gallorum, qui tempore aquosæ cladis imbris superfuerunt. Eorum regio Apennino, Tiberi & Nare comprehensa, soli ubertate, & mulierum fecunditate clara, nunc dicitur Ducatus Spoletanus à Spoleto 42.36. Metropoli Vilumbrorum (quæ Hannibali fortiter restitit, & in qua ex muliere vir factus, teste Livio) posteaque, sede Longobardorum Ducum, etiam nunc ædificiis, opibus & arce clarâ, non longè à fontibus Clitumni. Urbes Tiberi appositæ sunt *Borgosan sepulcro*. 43.14. olim Tifernum, ubi Tiberi miscetur amnis Tignia, qui Capratolam alluit Palatium Alexandri Farnesii inter præstantissima totius Italiæ adnumerandum. Sequuntur *Lafrata*, olim Tuficum: *Perugia*, 42.52. olim Perusia Augusta urbs Etruriæ primaria, quæ licet multa sit passâ à Fabio Max. nec non à Totila, qui eam septem annis obsedit, adhuc tamen est culta, munita, populo frequens, & Academiâ celebris. Octo mille passus ab ea versus Occasum lacus est Perusinus, antiquis Thrasimenus, ad quem Hannibal magnam Romanis cladem intulit. Habet in ambitu 30 m. p. Non recipit alienas aquas, vel admodum paucas, nec refundit suas In eo vulpes, ut Campanus refert, Lucium capere satagens, pede ab eo dentibus ap-



bus apprehensa est, amboque mortui reperti sunt. Infra Perusiam miscetur Tiberi amnis Tina, sive Tena, ad colis *Il Topino*, ortus supra Nuceriam Camellariam, vern. *Noscera*, 42. 52. ex Apennino monte, unde abit, Fulginium *Fuligno*, & Mevaniam, vulg. *Benaga*, ubi eidem Tinæ adjungitur etiam Clafius, vern. *Chiaglo*, apud Sigillum oppidum ex Apennino exortus. Inter utrumque amnem stat in colle Assisium, vern. *Assiso*, 42. 50. D. Francisci natale solum. Infra Assisium non longè à Tupini Tiberisque confluentē est nobile cœnobium Bettona.

Sequitur *Todi*, olim *Tuder* 42. 33. haud procul Tiberis ripa. Hinc post 14. m. p. apud Orvietum 42. 25. mediante Pallia, qui rigat Aquam pendentē, Clanis jungitur Tiberi. Umbis ab Austro contermini sunt Sabini, Nare, Tiberi & Aniene circumscripti, nec non collibus oleā, vitæ, ficu ornatis, Nar amnis, vern. *Nera*, Sabinum est nomen, quod Sulphur significat. Est enim, dum fluit, Sulphurei caloris, dum hauritur, albi. Oritur è Fiscello monte & Nursiæ, vern. *Norcia*, 42. 35. rivo. Augetur aquis Velini, qui urbem rigat Reate, vern. *Rieti*, 42. 23. vetustam & famosam, in cuius agro Plinius ponit fontem Neminia, qui dum alio, atque alio loco exoritur, mutationem annonæ præfagit. Miscetur verò Nari ad Velinum lacum, incolis *Pedeluco*, situm in præcelso montium jugo, ex quibus, dum per excavatam in saxo viam præcipitat, ad 10 m. p. auditur, nubesque ex fumo & vehementi undarum concussione ascendit ad sextum milliare, & ex subjecta valle

furfum afpicientibus Iris perpetua apparet. Junctis aquis præterfluunt oppidum Nari antiquæ Narviæ proximum. Ad fecundum lapidem à Tiberi, funt Otricoli, feu Otricoli inter fructiferos colles fiti. In planitie fubjecta ingentes ruinae. *Magliano*, urbs frequens & primaria Sabinie eminet in monte, à quo tribus, vel quatuor p.m. diftat Monafterium *Il Vefconio di Sabina*, ad amnem Himellam, vernac. *l' Aia*, ubi rudera oppidi Curium Sabinorum capitis. In Falifcis caput tollit mons Soraſte, cujus capras celebrat Cato, quod faliant pedes plus ſexagenos. Plinius autem fontem avibus lethalem, qui ſole exoriente exundat, ferventi ſimilis. Nos Monafterium, quod in honorem S. Silveſtri ædificavit Carſo-  
mannus, cum ſeculo nuncium remiſit an. 746, Annio, vern. *Teneroné*, in monte ſupra Trebam Auguſtam, ortus Neronianam villam Sublaqueum alluit, nunc *Subiaco*; mille paſſus ſupra Monafterium eſt D. Benedi. Infra verò amnis, qui per cataſtam præcipitatur, & poſt 20. millia Tybur, vern. *Tinoli*, deſcendit oppidum antiquum arce munitum & latomiis celebre.

Transmiſſo Aniene ſuccedit Campania nova; antiqui vocabant Latium, quod multiplex fuit, antiquum & novum. Antiqui fines ſunt Anio ab oppido Tibure ad confluentē Tiberis. Hinc ipſe Tiberis ad oſtia & mare inferum ad Circaū promontorium. Novum ad Lirim extendebatur. Roma non tam Latii quum Romani Imperii caput ad utramque ripam Tiberis ſita, decimū ſextum lapidē ab eſt à mari: in ea reſidet ſummus Pont.

Pont. Prima à Tiberi in litore fuit Ostia urbs Anci Martii opus, cui proximæ hinc salinæ, inde lacus. Ostiam sequebantur Laurentum Regum Latinorum Regia. Amnis Numicius (in cujus undis periisse Æneam ferunt) ex colle proximo derivatus, ubi Æneas Laviniam condiderat. Ardea Rutulorum domicilium quinque m. p. à mari recedit. Intus celebrantur Tusculani colles Regiolo lacu noti, & Ciceronis villa, ubi nunc *Frescati*, montes Algidus & Albanus cum lacu proximo. Rursus in litore habes Antium Ascanii opus, Volscorum præcipuum Navale & Neronis patriam. 6. p. m. ab Antii promontorio Astura est flumen & insula, cujus specula castelli in modum extructa Ciceronis creditur Villa. Astura Antium remigantis Caji Principis navim tenuit pisciculus. Huic fluvio imposita oppida Sueffa Pometia, & tres Tabernæ.

Sequitur Nymphæus amnis & Paludes Pontinæ, quas Cæsar ad mare derivavit, cum prius per 30. p. m. ad Tarracinam extenderentur. Succedit promontorium Circello olim insula, in qua poculum ostendebatur, quo Circe Ulysses excepit. Refertus hodie mons robore, lauro, myrtho, stirpibusque variis, quæ conficiendis medicamentis potentes & aptæ. *Tarracina*, urbs prona in paludes, olim dicta Anxur, à Jove Anxure, qui in ea colebatur imberbis, postea verò Tarracina ab asperitate montis Candidi, in cujus clivo condita est Mola oppidū. Antiquæ sunt Formicæ à Græcis dictæ hormiæ, quod circa id crebræ essent stationes & tutæ. *Gæ.*

ta, 41. 22. olim Cajeta portus aquilonibus expositus, jam olim tamen celeberrimus & plenissim<sup>9</sup> navium, ubi Ciceronis Villa, in qua ipse occisus est annorum 64. per Popilium militem, ab Antonio missum, nunc censetur clavis regni Neapolitani, ob situm loci, & singularem munimenti fortitudinem.

---

C A P. XX.

*Villa aliquot insignes ad Tiberim: Laurentinum Villa Plinii junioris in Tuscia.*

**T**usciae regionis forma pulcherrima. Imaginare amphitheatrum aliquod immensum, & quale sola rerum natura possit effingere. Lata & diffusa planities montibus cingitur, montes summâ sui parte procera nemora & antiqua habent, frequens ibi & varia venatio, inde cæduæ silvæ cum ipso monte descendunt: has inter, pingues terrenique colles (neque enim facile usquam saxum, etiamsi quærat, occurrit) planissimis campis fertilitate non cedunt, optimamque messem, serius tantum, sed non minus percoquant, sub his, per latus omne vineæ porriguntur, unamque faciem longè lateque contextunt, quarum à fine, imoque quasi margine arbusta nascuntur. Prata inde campi que, quos non nisi ingentes boves & fortissima aratra perfringunt, prata florida & gemmea, trifolium aliasque herbas teneras, semper molles & quasi novas, alunt: cuncta enim perennibus rivis nutriuntur. Sed ubi quæ plurimum, palus nulla, quia de-

vexa

vexa terra quidquid liquoris accepit, nec absor-  
buit, effundit in Tiberim. Medios ille agros se-  
cat navium patiens, omnesque fruges devehit in  
urbem. Magnam capies voluptatem, si hunc re-  
gionis situm ex monte prospexeris. Villa in colle  
imo sita, prospicit quasi ex summo ita leniter &  
sensim clivo fallente consurgit, ut quum adscen-  
dere te non putes, sentias adscendisse. A tergo A-  
penninum, sed longius habet: accipit ab eo au-  
ras quamlibet sereno & placido die: non tamen  
acres & immodicas, sed spatio ipso lassas & in-  
fractas, magnâ sui parte meridiem spectat, æ-  
stivumque solem ab hora sexta, Hibernum ali-  
quantò maturius, qui invitat in porticum latam  
& pro modo longam. Si quæras quemadmo-  
dum in Tuscis Plinius diem æstate disposeret,  
ipsum audi. Evigilo quum libuit, omnia ad ar-  
bitrium meum facio, nullis inquietor libellis  
quærulis: equum conscendo, patrem-familiæ  
ago, aliquam partem prædiorum percurro, &  
venor, & studeo. Interveniunt amici ex proxi-  
mis oppidis, partemque diei ad se trahunt.

## CAP. XXI.

*Fons Clitumnus.*

**M**Odicus collis assurgit; antiqua cupressu  
nemorosus & opacus, hunc subter fons  
exit & exprimitur pluribus venis, sed imparibus,  
eluctatusque facit gurgitem, qui lato gremio pa-  
tescit purus & vitreus, ut numerare jactas stipeis  
& relucens calculos possis, inde non loci de-



vexitate, sed ipsâ sui copiâ, & quasi pondere, im-  
 pellitur, fons adhuc & jam amplissimum flumē,  
 atque etiam navium patiens, quas obvias quo-  
 que & contrario nisu in diversa tendentes, trans-  
 mittit & perfert, adeò validus, ut illa qua prope-  
 rat, ipse tanquam per solum planum remis non  
 adjuvetur, idem ægerrimè remis contisque su-  
 peretur adversus. Jucundum utrumque, per  
 jocum lusumque fluitantibus, ut flexerint cur-  
 sum, laborem ocio, ocium labore variare. Ripæ  
 fraxino multâ, multâ populo vestiuntur, quas  
 perspicuus amnis velut mersas viridi imagine  
 adnumerat. Rigor aquæ certaverit nivibus, nec  
 color cedit. Adjacet templum priscum & reli-  
 giosum. Stat Clitumnus ipse amictus ornatuq;  
 prætextâ, præfens nūmen atque etiam fatidicum.  
 Sparsa sunt circa sacella complura totidem dei si-  
 mulacra, sua cuiq; veneratio, suum nomen, qui-  
 busdam etiam fontes; nam præter illum quasi  
 parentem ceterorum, sunt minores cāpite discre-  
 ti, sed flumini miscentur. In superiore parte tan-  
 tū navigare, sed infra natare concessum, nec  
 defunt villæ, quæ sequutæ fluminis amœnita-  
 tem, margini insistant.

---

 C A P. XXII.

*Villa Cæsarum ad Gallinas.*

**L**ivia Drusillæ, quæ postea Augusta Matri-  
 monii nomen accepit, quum pacta illa est  
 Cæsari, Gallinam conspicui candoris sedenti, a-  
 quila ex alto abjecit in gremium illæsam, intrepide

pidèque miranti accessit miraculum: quoniam teneret rostro laureum ramū, onustum suis bac-  
cis. Conservari autem alitem, & sobolem jussere  
aruspices: ramumque eum feri & ritè custodiri:  
Liviamque Cæsaris potentiam gremio comple-  
cti, omnibusque in rebus dominam ejus futur-  
ram, quod factum est in Villa Cæsarum, fluvio  
Tiberi imposita, juxta novum lapidem, Flaminia  
viâ, quæ ob id vocatur ad Gallinas, mirèque sil-  
va provenit. Ex ea triumphans postea Cæsar, lau-  
rum in manu tenuit, coronamque capite gessit,  
ac deinde Imperatores Cæsares cuncti, traditus-  
que mos est, ramos quos tenuerunt, ferendi, &  
durant silvæ nominibus suis discretæ; & observa-  
tum est sub cujusque obitum arborem ab ipso in-  
stitutam elanguisse, & novissimo Neronis anno,  
& silvam omnem exaruisse radicitus. & quid  
quid ibi Gallinarum erat, interiisse.

### C A P. XXIII.

#### *Regnum Neapolitanum.*

**E**T si antiqui Latii pars ab oppido Tarracina  
regno Neapolitano nunc accenseatur, pro-  
priè tamen hoc regnum continetur Liri & Truen-  
to amnibus, nec non mari, tam infero quàm su-  
pero, nusquam longius 265. min. seu mille pas-  
sibus, nec latius 120. Licet ambitus sit 1460. In  
eo loca muris cincta 1563. Archiepiscopus 20.  
Episcopus 107. Nam quoties in Italia locus  
aliquis Civitatis jure donatur, illi eo ipsi Epi-  
scopus tribuitur. Censentur in eo Equites cata-  
fracti

fracti mille, pedites 4000 præter 1600. Hispanos præfidiarios partim in arcibus ( quarum tamen præter Capuanam : Et S. Emi, Castrumque Novum, quæ Neapoli imminet, vix est ulla ad munitionis hodiernæ leges fundata ) partim in 269. turribus litoreis, ad quas incolæ se recipiunt, ubi Turca, vel alius hostis imminet. Numerantur Principes 19. Duces 25. Marchiones 37. Comites 54. Barones supra 1000. Numerus sanè dignitatem minuit. Portus sunt admodum pauci, licet plures sint sinus, quos ora variis recessibus lacerata admittit. Reditus annui dicuntur ascendere ad duos millones, & quingenta millia Ducatorum. Vestigal chartarum, quibus aleatores utuntur, est Ducatorum 1530.

---

#### C A P. XXIV.

##### *Campania Felix.*

**L**atio continuabatur sub Romanorum Imperio Campania, quam Florus terrarum pulcherrimam vocat, quod nihil sit mollius ejus coelo, nihil uberius solo. Summum sit hîc Liberi, Cererisque certamen, nihilque Hospitalius mari. Nunc dicitur *Terra di lauoro*, estque Liri & Silaro fluminibus comprehensa. Liris antea Clanis, seu Glanis, dictus nunc *Gangliano*, ex lacu Fucino, per meatum occultum ortus, alluit Soram 41. 49. oppidum Samnitum, adhuc frequens, & Ducatûs caput, mox in eum se præcipitat Fibrenus amnis, & quasi in familiam Patriciam venerit, amittit nomen obscurius, Lirimque multo gelidior

diorem facit: mille passibus à læva confluentis est, Arpinum, nunc *Arpino*, municipium, ubi Cicero natus matre Helvia, patre Fullone, vel secundum alios Equestris ordinis ex regio Volscorum genere: Fregellas: Aquinum D. Thomæ summæ Theologi patria, à quo vix minutis duobus distat mons Cassinus, D. Benedicti cœnobium, & infra Traiectum, ubi ingentes visuntur Minturnarum reliquæ, inter paludes & nemus abit in mare in lat. 41. 25. In extremo monte Massico sub marinis undis latent rudera Sinuessæ. Inter Massicum & Vulturum Falernus est vino nobilis. Vulturnus amnium Campaniæ maximus, urbes rigat Æterniam 41. 40. Venafrum, Allifas & Capuam 41. 14. Campaniæ Metropolim annumeratam maximis duabus Romæ, atque Carthagini tertiam 43. annis conditam à Tuscis ante Romam. In Vulturum defluit Sabatus amnis, qui Beneventum rigat, dictum olim Maleventum. Inter quod oppidum & Capuam est S. Agatha olim Caudinæ furcæ Romanorum dedecore celebres. Ultra Vulturum fuit Literum oppidum fluminis ejusdem nominis ostium. Cumæ 41. specula maris Etrusci oppidum totius Italiæ antiquissimum ab Eubœæ colonis conditum in agro totius Campaniæ felicissimo. Inter ejus montis vepreta antrum exiguum reperies, in quod per ruinas operum aliquandiu procedens cum fascibus, vias offendes circiter 12. excavatas in silice, nonnullas ad 500. pedes extensas in varias desinentes conclavia auro, conchis & corallio ornata, in quib⁹ ajunt Sibyllam Deo captam

ptam adeuntibus futura prædixisse. Cumis proximus fuit Acherusius lacus, cœnosa maris effusio. Ubi Missenum caput circumflexeris, Sinus apparebit Campanus, qui olim Cumanus, Puteolanus & Crater dictus reperitur. In ostio, Misenus portus ille nobilis Augusti classe ad tutelam maris inferi. Post hunc, litus in Sinum, reducitur, in quo *Castel di Baia*, & portus triremium tantum capax olim Baiæ, lavacra miraculis plena, in quibus greges piscium ludebant etiam captivi, oppidumque ob delicias & populi Rom. corruptelam tota Italia celeberrimum, Pompeji Cæsaris & Luculli villis inclitum. Baias excipit Lucrinus Sinus, ubi anno 1538. ex repentino hiatu ignem evomente exitit Mons Cinereus, in cuius vertice adhuc hiatus conspicitur. Lucrino per Angustas fauces jungitur Avernus lacus, cuius odor sulphureus supervolantes aves necabat, priusquam Augustus Cæsar deijceret sylvas imminentes montibus, quibus cingitur. Dicæarchia Cumanorum navale, à crebris puteis dictum Puteoli, nunc Pozzovolo, annona & mercibus Alexandrinis celeberrimum, stationes olim habuit plures manu structas, quod arena huius loci Cumano admixta cæmento protinus lapidescat. Proxima in litore à Puteolis est Neapolis 41. olim Parhenope, nunc regni caput. Inter Neapolim & Puteolos sub arduo monte cuniculus est, quem Alphonsus Rex collapsum instauravit, Carolus V. ampliorem fecit, vulgò *la grotta di Neapoli*. Est & *grotta del Cane*, ex qua lethalis exit spiritus, ut ex immixtis in



eam patuit sæpius. Trans Sebetum amnem ad Palæopolim in Panfilypo monte ab altera parte Neapolis P. Virgilio Maronis monumentum ostenditur. Oculis se mox offert *Torre del Graco*, olim Herculanæ oppidum, cui imminet mons Vesuvius admodum excelsus & biceps continuis glarus incendiis. Hinc Sarnus alluit Nuceriam, & Pompejanum Ciceronis Villam, ubi nunc Scafati & Scafæ, quibus Sarnus transitur. Ultra Sarnum fuerunt Stabiæ, nunc *Castelamar di Stabia*, Masa agrum habet vino abundantem. Surrentum ad radices Lactarii montis oppidum est perantiquum, à quo extremum hoc promontorium dictum Surrentinum, ubi Minervæ fanum. Deinceps in ora sunt Malphis, ubi repertam pyxidem nauticam vulgus credit. Salernum 40. 45. urbs Picentinæ gentis caput, Archiepiscopali sede clara, in ipso litore posita, à quo distabat olim non parum.

---

## C A P. XXV.

### *Lucania & Brutia.*

**L**ucani à Samnitibus orti Duce Lucio inter Loram Tusci maris & Tarentini sinus siti à Silari ad Laum, & à Casuento ad Sibarim. Reliquum Italiæ Brutia occupat, quam nunc Calabria inferiorem vocant. Silarus amnis is est fluvius, in quem projecta lapidescere falso credit Aristoteles. In eum ex media Lucania defluit Tanager, vernacul. *Necro*, qui è regione nobilis oppidi Padulæ feracissimam vallem

lem Dianiam prætergressus ad diversorium publicum *Pallo*, in specum se magno cum murmure montis condit, & post 4. millia passuum, haud procul oppido *Auleta* iterum emergit apud diversorium, quod inde dicitur *L'Osterie del pertuso*. *Luci* toto hoc litore densissimi, interiora montes occupant latrociniiis infames. Post *Silarii* ostium Strabo ponit fanum *Junonis Argivæ*, ab *Jasone* conditum, & *Possidoniam* urbem, quæ & *Pæstus*, nunc *Pesti* dicta, cujus rosaria bifera laudant Poëtæ: hodie sunt tantum ruinæ cultoribus vacuæ. *Areopolis* aëre præstantissimo gaudet. *Leucosia* insula *Saxum* est sterile, post quod antiqui ponunt portum *Velinum*, *Palimurum* promontorium, amnem *Melphes* & oppidum *Buxentum* Ducatus titulo nobile. *Laus* amnis & oppidum *Lucaniam* terminat, in lat. 39. 32. In reliquo *Brutiorum* litore nullum est oppidum antiquis celebre. Laudantur nunc *Fredus* & *Belmontium* propter agrum amœnum, & *Manthiæ* propter arcem. Amnis *Acheron*, incolis *Sanuto*, ortus ex radicibus montis, in quo *Pandolia*, *Oenotriæ* Regum regia, per vallem fluit profundam inter *Martoranum* & *Altiliam*. Ad litus *S. Eufemiæ*, invenitur corallium probatissimum. *Nicastrum* domos habet cultas & agros, *Mons leo* Comitatus, eminet in *Apennini* colle, in quo olim *Hipponium*. *Briatica* laudantur vineta & horti. *Scylla* *Saxum* est ad ostium freti *Siculi*, in cujus vertice fuit oppidum *Scyllæum*, Poëtis celebre, alteroque abhinc lapide per litus, mare est vorticosum, *Charybdis* dictum, inter quæ fretum trium

trium milliariū, anceps, spumofum alterno cur-  
 fu atrox & noxium appulfis. Ad caput Siglio in  
 ipsis freti angustis stat Columna Rhegina, à qua  
 ad Pelori turrim oppositā transitus est ex Italia  
 in Siciliam. Rhegium dictum Julium, quod Julia  
 ob impudicitiam à Patre Augusto relegata illic  
 obiit. Validissimum Romanorum fuit adversus  
 Siculos propugnaculum, nunc infrequens, & à  
 Turcis exustum an 1594. In proximo fuit Dianæ  
 templum, & post millia 12. Apennini cornu u-  
 num desinit in Brutium promontorium, quod  
 antiquis dictum est Leucopetra, nunc *Cappo del-  
 larmi*. Inde sequuntur promontoria Herculis,  
 vern. *di Spartivento*, & Zephyrum, nunc *Bursano*,  
 ubi primum stetit urbs Locri, & unde translata  
 solum tenuit, ubi nunc conspicitur Gerazzo. Lo-  
 cris & Crotone nullam fuisse unquam pestilen-  
 tiam memorat Plinius. Ultra Locros est Sagra  
 amnis, vern. *Sagriano*, ad quem fuit templum  
 Castoris & Pollucis celebre ob victoriam, in qua  
 quindecim millia Locrensiū victoriam retule-  
 runt de Crotoniensium 120. millibus.

Ulterius in eadem fuerunt ora Cocinthum  
 Scyllacium æstu reciprocante periculofum Han-  
 nibalis castra & Taberna, nunc Catanzaro Ta-  
 verna, oppida ornata & frequentia. Inde deveni-  
 tur ad agrum Crotoniensem superato videlicet  
 Japigi promontorio, cujus tria capita nautæ vo-  
 cant *C. delle Castelle*, *C. Rizzuto*, & *C. della nave*,  
 nec non cornu Lacinio, vern. *C. della Colonne*, ubi  
 Pythagoras Philosophiæ scholam erexit, à quo  
 decem millibus aberat Ogygia insula sedes Ca-  
 lypsus,

Iypsus, in qua detentas Ulysses; fuit & templum Junonis Laciniae, unde auream columnam tollere cogitavit Hannibal. Crotona dives & potens civitas, quandiu nauticam exercuit, nunc solo Marchionatus titulo illustris & aëris sui salubritate, unde adagium, Crotone sanior. Sita est ad amnem Lafo, vern. *Earo*, Siberena, vern. *S. Severina*, Archiepiscopatum habet & vinum generosum, proxima Neatho amni. Oresma oppidum è regione promontorii Crimise, Cariatthis Comitatus titulo ornata. Ruscianum, incolis Rossano, Archiepiscopale oppidum, probe munitum est, & solo felici cinctum. Secundum Cratis ripam sunt Consentia, caput regionis in declivo Apennini sita, Crate & Busento annibus cincta, quorum hic dicitur nigrum colorem capillis & serico inducere, ille capillis & serico album. Sunt præterea ab ejus alveo non longè mons altus Ducatus insignis titulo, Rugianum, Turranum & D. Marci oppida. Sibaris fl. Brutios separat à Lucanis. Rivum unum excipit ex alto monte salinis & crystallo celebri, alium ex castro Villari sito in monte editissimo, haud procul læva Siris fluvii ripa, situm fuit Grudentum.

Sequitur in ora Valento amnis Plinio Casuentus, in cujus ripa Vegianum fuit terræ motibus absumptum eo penè loco, ubi Ferrandus Calabriae Dux Ferrandinam arcem excitavit Paulò ultra Casuentum 500. ab mari passibus fuit Mera-pontus, quondam magnæ Græciæ posteaq; Lucaniae Princeps condita ab Epeo, ubi & ferramenta, quibus equum Trojanum fabricarat, re-

posuit

posuit in Minervæ templo. Ibidem vitâ functus Pythagoras. Mille passibus ab ora columnæ sunt marmoreæ 20. prægrandes ordine duplici Gymnasium Archytæ Tarentini. Intus in montibus est oppidum Bernalda. Quinque milliaribus Casuento Bradanus fl. occurrit Lucaniæ Apuliæq; terminus in lat. 40. 28. circa quem Antonius & Cæsar congressi. Trans dexteram ejus ripam est Miliovicum Principis Bissiani: senis inde millibus Crotolum Ducis Trajectini castellum. Trans vero lævam versus Apenninum Datera urbs frequens & opulenta, quondam dicta Acharontia.

## CAP. XXVI.

*Salentini & Apuli.*

Succedit Salentinorum peninsula à Salo, id est mari sic dicta, patet ab Tarento ad Brundisium per m. p. 190. Oculis se mox offert antiquissima, nobilissimaq; urbs Tarentum, nunc *Tarento*, 40. 37. in peninsula tribus lateribus conclusa mari, arcem olim dictam Oebaliæ Ferrandus Rex Aragonius refecit. Nunc portus saxis ingentibus obturatus, parvis tantum navibus patet. Haud procul urbe ædícula subterranea visitur, à D. Petro facta, ut traditio regioni suadet. Ab Tarento 45. millibus abest Nardum, urbs Episcopalis Ducatus nobilis, frequens, in amœna jacens planitie. Gallipolis, 40. 10. jactat se habere res septem crocei coloris, crocum ipsum, mel, caseum, vinum, oleum, caricæ, & uvæ passas. Succedit Ugentum Episcopalis civitas in colle



colle edito : amplitudinem ejus antiquam adhuc testantur rudera. In Japygie promontorio, nunc *Capo S. Maria*, 39.35. eminet fanum D. Mariæ. Hydruntum, nunc *Otranto*, 40. 12. urbs vetusta, portum, habet capacem, Aquilone flante non satis tutum, arcem in Saxo, quod mari imminet, posuit Alphonfus II. Hydrunte. p. m. 8. munitum est in maris scopulo, castellum Rocca. Octavo hinc milliaro per oram vicus sequitur D. Cataldi, ubi turris Aletio, portus usum præbens, à quo p. m. 8. distat Cataldus, & post 8. alios, civitas Brundisium, nunc *Brindisi*, 40. 46. ex qua Romanistutissimus in Græciam transitus. Portus nunc repletus est adeò, ut vix triremibus per eum currere liceat : eum obturasse dicitur Joannes Tarentinus Princeps, ne in Venetorum potestatem deveniret. Eo in loco Cn. Pompejus ab Julio Cæsare obsessus, vix elapsus in Thessaliam fugit. Ager suburbanus, est olei feracissimus. In via Brundusio Tarentum versus, oppida sunt Messania & Oria. A portu Brundusio post m. p. 19. oppidum est Ostuni 4. m. p. à litore semotum, dein spatio p. m. 14. cernuntur ruinæ antiquissimæ civitatis Egnatiæ. Mox in scopulo visitur arx D. Stephani Equitum Rhodiorum. Altero inde lapide per litus nova Monopolis Marchionatus, urbs concinna & elegans, ab ea 8. mil. pass. distat Conversano oppidum Episcopale & Comitatus. In litore verò habes Polymnum oppidum frequens, situm in rupe, cui Mola parum concedit. Barium, vern. *Bari*, 41. 8. eâ est pulchritudine populique frequentia, ut regioni universæ, cujus tenet

tenet principatum, det nomen terræ Barrianæ. D. Nicolaus Mirræ Antistes, sepultus est in Episcopali Ecclesia, solebantque in ea Reges Siciliae & Neapolis inaugurari.

Sequitur in ora Juvenatium urbs Episcopalis in agro fertili sita, sed importuoso. Melfatta Principatus titulo floret. Bisegli oppidum Episcopale eminet in rupe. Offert se deinde Trantum civitas Archiepiscopalis ab ædificiis pulcra, sed majore ex parte deserta, ob portum olim quidem commodum, hodie verò arenâ oppletum, sylvæ olearum & amygdalorum ab ea Tarentum usque pertinent. Ulterius est Luceria, dein Troja & Barulum frequentia oppida. Hujus castellum ponitur inter quatuor nobilissima totius Italiae. Aufidus, vern. *Oganto*, amnis in Hirpinorum montibus, ortus æstivis mensibus vix agnoscitur; hyeme verò longo tractu regionem inundat. Apuliam Peucetiam ab Daunia separat. Per agrum labitur Lacedæmonium, Melphitanum, Venusinum, Lavellinum, Minervinum, Canusium, & infra Cannas vicum clade Romanâ celeberrimum in mare influit in latitudine 41.18.

Transmisso Aufido veteris Salapiae lacus invenitur & palus Salapina nec non Andriana, à quibus abest paucis millibus Cidignola, ubi coepia Ludovici 12. Francorum Regis deletæ anno 1503. mense Majo. Cerbaldus, vern. *Candelaro*, ex variis coalescit amnibus, qui ex monte Gargano defluunt per Capitaneatum, seu planiciem, à quodam Basilii Imperatoris Capitaneo sic dictam, cujus præcipua oppida sunt D. Serverus,

Foggia & Luceria civitas D. Mariæ consecrata à Carolo II. Siciliæ Rege, post victoriam de Saracenis reportatam 18 Kal. Sept. Hinc Manfredoniam 41. 35. millia octo sunt. Urbs ea frequens est in flexu montis Gargani sita in rupe, quam condidit Manfredus Rex, Friderici II. Imperatoris filius anno 1200. & Manfredoniam vocavit, cum prius locus Campaniæ portus vocaretur, ob Siponti interitum; translata etiam eò Siponti Archiepiscopi sede: invictam ad litus habet arcem, moles extra muros in mari iacta magnæ artis opus, securam præstat stationem navibus, in quas per gradus descenditur. Sipontum verò Saracenorum irruptionibus, intestinis contentionibus & terræ motibus sic periit, ut solùm superfit summum civitatis templum. In veterè & præcella rupe Gargani sex à Manfredoniâ pass. mil. oppidum est D. Angeli, vernac. *S Angelo*, frequens & loci naturâ munitum. Historia de specu, in quo Michael Archangelus apparuit, omnibus nota. Mons Garganus in summam assurgens altitudinem suo ambitu 200. millia continet: summo in vertice fuit Calchantis oraculum, cui nigrum arietem cædebant, ejusque pelli stratæ consulentes indormiebant. In medio montis, ubi planities amœna, prataque lætissima castellum est S. Joannis rotundi, quo finitimæ gentes 3. Idus Junii conveniunt perpenasque annonæ, & vini ubertate certum frumento, vinoque pretium decernunt, quod excedere non licet. In fronte promontorii, Bestia civitas, olim Vesta, cujus hîc putatur fuisse ædes.

Post

Post 10. millia Vestice Castellum sequitur. Fle-  
rum promontorii emensis se offert Rodia civi-  
tas, olim Hyrium. Varanus lacus piscosus est in  
ejus ambitu, qui milliarium est 30. sunt Capri-  
num, Cognatium & Iscitella.

## CAP. XXVII.

*Samnium.*

Tifernus, vernac *Fortore*, Samnium ab Apu-  
lia dividit. Fons ejus in Tiferno monte,  
qui nunc Bisanus, exonerat se in lat. 42. Præci-  
pua Samnii loca sunt Terminus, *Termole*, oppi-  
dum arte & naturâ munitum in peninsula, Duca-  
tus titulo insigne. Lancianû celebre emporium,  
quo mensibus Majo & Augusto Italiæ, Illyrici,  
Siciliæ, Græciæ, Asiæ & reliquarum mundi par-  
tium negotiatores ad frequentissimum conve-  
niunt mercatum. Urbs Archiepiscopum ha-  
bet, sed Suffraganeos nullos; appellant verò ad  
Ortonam civitatem antiquam, quæ servare se  
glorietur D. Thomæ in augusta eade reliquias. Ad  
Aternum, vern. *Pescaria* fl. vel influentes in eum  
sunt Sulmona urbs pulcritudine loci, frequen-  
tiâ populi, & aquarum abundantia nobilis. A qui-  
â urbs Episcopalis caput hujus tractus à Sulmo-  
næ. Ab ea quinto lapide ostenduntur rudera Ami-  
ternæ civitatis Samnitum. Casa nova Monaste-  
rium est celebre & dives, circa ostia fuit op. A-  
ternum. Pescaria est exiguum castellum, à quo  
nomen fluvio. Inter Tanum & Sinum, amnes, est  
nobile & antiquum oppidum Pinna. Habes dein-  
ceps Ducatum Laureti in colle, Portum S. An-  
geli,

geli, Adriam, vern. *Atri*, ex qua natus Imperator Adrianus. Ducatum illustris familiæ Aquæ vive, Teranum, vern. *Teramo*, caput Præutianorum Ducatûs & Episcopatûs titulo clarum: Julionovam oppidum à Julio Duce Adriano ædificatum: *Asculum*, *Ascoli*, in ripa Tiventi antiquum oppidum, & munitum.

## C A P. XXVIII.

*Picenum. Domus Lauretana.*

**P**icenum Marchæ Anconitanæ nomen accepit ab Anchone emporio, quod sedem dabat Marchionibus, qui & Firmiani reperiuntur dicti ab Firmio, quod fuit totius regionis caput. Ager omnium rerum fertilis. Incolæ armis vacant, vel agriculturæ. Sunt in litore, in lat 42. 55. portus Asculi arce validus, Castrum S. Benedicti, vern. *S. Benedetto*, agro beatum amœno, celebre oppidum: Aquaviva castellum: Cripta, vern. *Grotte*, Firmium, hodie *Firmo*, Colonia Augusta popularium factionibus supra modum afflicta. In ostio Tenuæ portus Firmianus, portu tamen carens, nam litus Anconem usque est vadofum. Intus in continenti haud procul Tenua oppidum est D. Mariæ Georgiæ, ubi quondam vetus urbs Tignium. Post Tenuam 8. milliari, præter oram Chienti fl. ostia. Supra fontem ejus Seravallis visitur, altiusque vetus civitas & frequens in Apennini jugo munitissimo sita loco. Camerinum. Tolentinum vetus oppidum. Macerata insignis sede Legati Marchiæ.

Epi



Episcopatu & Academiâ. Novana seu civitas nova, oppidum frequens in monte. San-Severinum ex antiquæ urbis Septempedæ ruinis excitatum est. In utroque latere Musonis oppida sunt multa intus, vicinum illi Ricinetum, hodie *Recanati*, Episcopatus clarum titulo, emporium celebre ob nundinas, Helvetiæ Ricinæ vestigia passim in itinere per agros monstrantur.

Inter Ricinetum, hodie *Recanati*, & mare haud procul à Musone fanum apparet in edito colle D. Mariæ Lauretanæ fortissimis muris cinctū ab Alexandro, Julio & Sixto V. Summis Pont. In magna hîc veneratione ædícula, in qua Nazarethi D. Virgo genita, educata & mater Dei effecta: figuræ est quadrangulæ è vulgari structa lapide, tectum cameratum & picturis ornatum, quæ istius domus mysteria referunt. Longitudo pedum amplius 40. latitudo minus 20. altitudo circiter 25. duo illius parietes exactè in duabus meridianis lineis consistunt. In medio fermè pariete janua est à vulgari nihil abhorrens, ad lævam armariolum, ad dextram fenestra non magna, è regione fenestræ caminus humilis: inibi loculamentum fanè eximium, in quo eminet B. V. effigies cedrina fumo infuscata. Eam domum Helena anno trecentesimo, templo pereleganti decoravit. Cum autem Palæstina à Turcis occupata, nullus Sacro-Sanctæ cellæ honos haberetur, anno 1291. Angelorum ministerio translata est in Dalmatiam, & post tres annos cum mensibus novem, in Picenum delata, ubi hæsit per menses 8. *Recanati*, posteaque in monte, tandemque

anno 1295. stetit in agro viduæ Lauretanzæ, ubi in hunc diem summæ omnib<sup>9</sup> est venerationi in lat. 43. 18. Ad Musonem in colle est Auximus, vernac. *Osmo*, urbs jam ex antiquo celebris, deinceps in ora sunt Humana Episcopalis, & Siro-lum oppidum vino nobile. Sub Cumerò promontorio, qua se in formam cubiti in mare torquet, urbs Episcopalis jacet Ancona, in lat. 43. 30. priscum Italiæ, Galliæque Togatæ discrimen. Portum habet naturâ & arte validum, aditu peropportunum, multarum navium capacem, ab Trajano Cæsare extructum, continuâ Græcorum, Illyricorum, & Pannonum, & totius Europæ mercaturâ celebrem, sequuntur Senones Galli, quos alii, qui Italiam ulterius extendunt, vocant Umbros Transalpinos, qui ab Æsi ad Ravennatum agros possidebant. Æsis, vern. *Finmesino*, oritur paulò supra Caretum, alluit Metelicas & Fabri-annum oppidum, quatuor nobilissimis Italiæ castellis ob ædificiorum splendorem connumerari solitum, decimoque infra oppidum cognomine (quod veteribus Æsis, hodie Giesi) milliario, mari conditur ad Roccam arcem probè munitâ.

Sequitur in ora casa Bruciata diversoria taberna, fortissimo munita muro, propter Piratarum metum. Ab Casa 8. mil. urbs est Episcopalis, Senogallia vallo, & propugnaculis munita, sed quæ laborat aquarum dulcium penuriâ. Propè est Hasdrubalis mons, cui nomen ex clade illi illata. Ad Metauri, vern. *Metro*, sinistram ripam habes Fossimbrunum oppidum Episcopale, dictû olim Forum Sempronii, ubi vestigia antiquita-

tis plurima. Nec valdè procul hinc cruento certamine ab Narsete superatus Totila. Secundùm litus devenitur Fanum, vern. *Fano*, à Totila olim eversum, & à Belisario restitutum. Pisaurum, vern. *Pesaro*, emporium Italiæ celebre mercimoniis dives, plateis perelegans, situ amœno & fertili, arcem habet ad litus munitam: in Ducis Palatio instructissimum est armamentarium. Portus propter vada non admittit majora navigia, magisque ab Agasonibus, quàm à nautis frequentatur. Mox visendum se præbet alto situm monte, & inæquali loco Urbinum, vern. *Urbino*, 43.30. urbs lautissima. Arx urbi nunc proxima ita ædificata est, ut equo in turres & ad testum ipsum possis ire, quemadmodum Venetiis in turre D. Marci Conclavia ibi 373. ampla & magnifica, Bibliotheca etiam decorem addidit.

## CAP. XXIX.

*Flaminia.*

**E**xtenditur secundùm mare superius ab Isau-  
ro ad Ariminum. Sic dicitur à viâ, quam  
Flaminius Consul in his partibus munivit, nunc  
Romanula, *La Romagne*, appellatur ob ejus fide-  
litatem erga Romanos Pont. continetque præ-  
ter Flaminiam, Æmiliæ partem.

Isaurus oritur juxta arcē Cotili, moenia Pisau-  
ri adluit, & ponte lapideo Picenum cū Flaminia  
sociat. Ostium sepè arenà ita cōpletur, ut vix exi-  
guas recipiat naviculas. Ab Isauro mōte, modico  
spatio, in colle superbum visitur Palatium,

Poggio Imperiale dictum, quod Friedericus III. Imperator primum fundamento lapidem posuerit. Post aliquot millia spectantur sub aquis mœnia demersæ urbis Concæ, è regione ostiî fluminis Concæ, moxque se conspiciendum præbet oppidum antiquæ notæ Ariminum, nunc *Rimini*, 43. 53. rerum omnium copiâ abundans, nunc portus arenis oppletur. Est lapis in foro, ex quo concionem habuisse Cæsar dicitur, cum exercitum ex Gallis victorem reduceret. Nomen urbi ab amne, quo alluitur, à quo eodem parum recedit Sanctus Leo, civitas Episcopalis imposita prærupto monti. Extra Ariminum pons est in Arimino amne, ab Augusto cœptus, ab Tiberio cōfectus, viam Flaminiam Æmiliæ, urbemque suburbii conjungens, marmore totus constat, latus pedes 15. longus 200. ab utroque latere spondis marmoreis opere Dorico pulcherrimè laboratis munitus. Ad fluminis ejusdem dextram Verrunum eminet Principum Malatestarum domicilium. Hinc viam Æmilianam interrumpit Plusa fl. qui sub Bellaria non ignobili Palatio Malatestarum, in mare se condit cum torrente Butrico qui Lonzanum oppidum rigat, & amne Pisatella quondam Rubiconis nomine satis celebrato; quippe post translatus ab Æsi amne terminos, Italiæ limes fuit. Cis Rubiconem militibus Ducibusque à bello redeuntibus, arma ferre licitum non fuit absque S. P. Q. R. autoritate, qui secus fecisset, hostis Reip. judicabatur. Cervia, olim Phycocles, oppidum est, cujus incolæ majori ex parte sunt Salarîi artifices. Cæsenna civitas admodum

modum frequens est. Arx urbi imminet, gaudet hospitali admodum divite, & Bibliothecâ instructissimâ, in cujus vestibulo legitur hoc Symbolum Malatestarum, Elephas Indus non curat culicem. Ager Suburbicarius Sarsinæ vino abundat & oleâ. Post Sapis ostium nemus habes vastissimum pinis miræ altitudinis consitum. Extra Pinetum sequitur Caudiani amnis, nunc Paludis ostium & turris Phareja. Hic olim collocata classis 250. navium ab Augusto ad tutelam maris superi, oppidumque postea constructum à classe dictum Classis, quod nunc tam planè interiit, ut præter sumptuosum D. Apollinaris fanum, nulla ædificiorum vestigia supersint. Quin & ipsius portus facies ita periit, ut amplissimi in eo horti sint pleni arboribus, de quibus non vela, sed poma dependent: cernuntur vestigia Cæsareę Intus in Æmilia via, quam torrens interluit Avesa, videbantur fora Popilii Truentinorum & Britannorum. Bedesis fluvius, nunc dictus Ronco, ab oppido Ronco ad eum sito, Portilium creat Ravennatem, ipsamque urbem sitam in lat. 44. 8. ex una parte cingit, ex altera verò Montonus fl. Piceni aliquando caput fuit, imò Occidentalis Imperii sedes sub Honorio & Gothis, quibus e-jectis, ibidem ab Narsete Exarchorum magistratus est constitutus, qui ad Leonem III. perduravit, quando Aristulphus Ravennam cepit; postea verò Pipinus Francorum Rex, totum Exarchatum dedit Pont. quo tempore, oppida locaq; insignia permulta continebat, puta Ravennam, Cæsaream, Ariminum, Cefenam, forum Livii, forū



Popilii, Faventiam, Forum Cornelii, Bononiam, agrum Mutinensem, Regium Lepidi, Parmam, Placentiam, & adhuc alia. Mira in ea urbe antiquitatis monimenta, ante cladem ipsi à Ludovico XII. Francorum Rege illatam, anno 1512. Adhuc superest ædes pulcherrima D. Virginis formâ rotundâ.

---

C A P. XXX.

*Padus.*

**P**Adus oritur in lat. 44. 15. ab imis radicibus Vesuli montis, inter juga Alpium superantissimi, in finibus Ligurum Vagiennorum, nunc Marchionatu Saluciarum: fons diebus æstivis velut interquiescens videtur arere: hinc delatibus primum magno strepitu resonat: mox in planitiem effusus ad forum Vili, caniculo ita se condit, ut exigua supra terram vestigia relinquat: rursum post alterum milliare ad Paracolum exoritur: unde pergens Salucias, rigat, Pedemontium, Montisfederati, Placentiæ, Mediolani, Mantuæ & Ferrariæ Ducatus permeans, 30. flumina, & plures immensos lacus admittit, & uno continuoque fluit alveo ad Ferrariam oppidum dictum olim Forum Allieni & Trigabuli, ubi cum tanta aquarum mole urgeretur, ut jam gravis terræ agereretur in profundum, nisi in septem divisus alveos, per ostia Padi totidem, non jam fluvios, sed maria septem largius vomeret in Adriaticum. Primum ostium illud fuit, quod per Ravennam, mediante fossa Aſconis influe-

influebat in portum Messanicum, qui tutissimâ statione præcipuam Romanorum classem, quæ constabat 250. navibus, recipiebat; cujus tenue adhuc est vestigium inter Padum & Ravennam, spatio 12. mil. passuum, vulgò dicitur *Il canal di Santo Alberto*, quia initium ejus, est apud S. Alberti vicum Padi Animonisque confluentibus appositum, alio nomine, *Il canal del Navillo*, hoc est, fossa navicularis. Proximum inde ostium magnitudinem portus habet, qui Vaterni dicitur, quo Claudius Cæsar è Britannia triumphans, prægrandi illa domo verius, quàm nave intravit Hadriam: hoc, ante Eridanum ostium dictum est, & aliis Spineticum ab urbe Spina, quæ fuit juxta. Tertium, inde ostium Caprasæ, nunc *Verniense*, à vico ejus nominis haud procul sito. Dein Sagis, nunc *Porto di magna vacca*, à diversorio publico, juxta sito, nomine magna vacca. Alvei Sagis & Caprasiarum magna ex parte jam aboliti sunt, quod Padi maximus impetus in Philistinam fossam eruperit, stagnis Comaclensibus ea loca inundantibus. Sequitur postea Volane, quod ante Olane & fossa Caronaria vocabatur. Septimum atque ultimum fossiones Philistinæ, & alio nomine Tartarum, quia proprium erat Tartari amnis ostiū, ductâ fossâ à vico Stellata ad vicum usque Fornaci, quæ hodie Padi nomen obtinet, quia præcipuus omniumque maximus est alveus, unde & cognominatur *Il Po grande*. Quæ omnia mirum quantum sint jam mutata, stagnis, quæ ab oppido Comacla nomen sortiuntur pleraque occupantibus: hæc porro

omnia ostia conjungebantur fossa in transversum acta, quæ à Ravenna ad Spineticum alveum dicebatur fossa Asconis, hinc ad Caprasias fossa Augusti, posteaque ad fossiones Philistinas fossa Neronaana, Græcis dictus Eridanus, poenâ Phæthontis illustratus, quam tamen poenam Vistulæ Borusiorum convenire docent alii propter succinum, qui in Vistula reperitur, non in Pado.

---

C A P. XXXI.

*Marchionatus Saluciarum & Pedemontium.*

Saluciæ Principatum à Duce Sabaudia per civiles Gallia motus occupatam, armis recepit Henricus Magnus anno 1600. mox tamen convenit inter ipsos, ut Saluciæ tractus, Bressanâ Sebastianorum Cisalpinâ Provinciâ, rependeretur. Sicque Pedemontio hic Marchionatus adcrevit. Ejus præcipuæ urbes sunt Saluciæ, vern. *Saluz* 70, 44.12. olim Salignæ & Carmagnola fundata ex ruinis Augustæ Vagiennorum, qui has partes olim obtinebant. Mox incipit Pedemontium, quo nomine nunc intelligitur quidquid Sabaudia Dux possidet in Italia. Celebriora oppida secundum Padi alveû, aut non multum ab eo remota, sunt Cariniacum, vern. *Carignano*. 44.24. ubi arx feraci loco sita. Turino 44.30. olim Augusta, caput Taurinorum, nunc sedes Ducum, Pentagonâ arce munita est, & vivario ornata amplissimo. Secundum Chisonem Pignavolum naturâ & arte munitissimum in agro vinetis cultissimo, & Briquerascum in faucibus Babianæ vallis. Ad

Ad Duriam Susa 44. 28. olim Segusium; in valle Salassa eo sita loco, ubi se partes via findit in ambas, quarum una per Alpes Brigantionem ducit; altera per Sabaudiam Lugdunum. Avillana in eadem est valle. Secundum alium Duriam Augusta Prætoria, hodie *Aosta*, caput vallis, quæ ab ea nomen sortitur. Eporea, hodie Inurea, urbs sita in ipsis faucibus Salassorum vallis inter duos altissima juga in edito vertice condita. Ad Sestitem, vern. *Sexia*, Vercellæ. Fossanum, vern. *Fossano* 44. 8. in colle situm ad ripam Sturæ, Mondovi populosissima omnium urbium Pedemontii insidens colli super fl. Ellam, qui duobus abhinc milliar. in Tanarum influit, cui apposita est Asta, muro valida & ædificiis culta.

## CAP. XXXII.

*Mons Ferratus.*

EX septem Marchionatibus in his partibus institutis ab Othone II, Primus fuit Mons Ferratus, quem Palæologa gens tenuit ad an. 1534. quo Mantuæ Princeps Palæologorum legitimus hæres à Carolo V declaratus est. In Ducatum postea erectus fuit an. 1575. Ipsa autem regio mons est perpetuis expansus jugis, totus amœnus, fructifer & colonis frequens, lævam Tēnarus, dextram Padus alluit. In hujus ripa occurrunt *Ponte di stura*, cum arce Casale D. Evassii 44. 38. ubi sedes Marchionum, civitatis jure donata an. 1473. arx, ut fama est, totius Italiæ munitissima, à *Colalto*, *Spinola*, & *Leganesio*, viris egregia

militiæ fama cum totis Hispaniæ viribus iterum, ac sæpius obfessa est. Valentia Forum-Fulvii, Bafignara ad ostium Tanari Pado se miscens. Inter Padum & Tanarum S. Salvatore arx munita. Ad Tanari ripam Burgetum, & Alba Pompeja urbs Marchionum Montis-ferrati, quæ amplitudine superat Casalem, agro sita fecundissimo. Haud procul Alba sunt aquæ Stargellorum, oppidum amni Borgia appositum propter Thermas publicas olim frequens, nunc solo clarum Episcopatu,

## C A P. XXXIII.

*Ducatus Mediolanensis.*

**M**eliorẽ Lombardiæ partem occupat hic Ducatus, tam citra quàm ultra Padum. Nomen ipsi à Mediolano urbe celebri condita à Gallis insubribus, Romanis acquisita per M. Marcellum Cos. suis postea legibus vivere permiffa, à Gothis, & aliis sæpiùs labefactata, Caroli Magni auspiciis restituta Gallis, inde ad Germanos Imperatores devoluta, quorum aliqui ferream coronam, & Imperii solennia in Ambrosiana æde acceperunt. Cives sibi pervicaciùs rebellantes, Fridericus Enobarbus contudit, illorum urbe penitus eversa an. 1182. deinde Ortho Vicecomitis titulo eam regit an. 1272. Galeatius Ducis titulo decoratus an. 1395. Galli Reges sibi in eam vindicant, jam ab an. 1464. quod mortuo Philippo Maria, ultimo Mediolanensium Regulo sine liberis, cum Principatus hæredita-



ditario jure devenisset ad Carolum Aurelianum Regulum, filium Valentinae sororis Philippi, tamen Sforcia, qui Blancam Philippi filiam neotham uxorem duxerat Principatum occupavit. Urbes praecipuae trans Padum sunt Alexandria à Palea 44. 24. cognominata urbs posita ad ostiū Bormiae in Tanarum loco planè amœno. Dertona, vern. *Tortona*, ubi castellum cum forti praesidio. Cis Padum sunt Novaria, vern. *Novara*, 44. 31. in modico sita colle, arce & Episcopatu clara, Parmensium Duci tradita à Cæsare focero anno 1556. Sicut & Placentia ad fl. Novariam. Ab ea paucis millibus distat Mortara laetum oppidum ad limitem Pedemontii. Ticinum urbs aggere, & arce tuta in agro sita summæ ubertatis; proximè amnem Ticinum, ad quem commissæ pugnae Romanos inter & Poenos sub introitum Hannibalis. Oritur verò ex summo Alpium jugo, qui D. Gothardi mons cognominatur, transitque per Verbanum lacum, vern. *Lago Maggiore*, cujus longitudo est 50. mil. Ad fl. Lamber situm est Mediolanum, vern. *Milano* 45. 55. urbs vallo, fossis, arce & armis instructissima, ambitu suo 8. m. p. complectens ad 230. millia capitum hic numerantur, tantaq; est artium & opificiorum varietas, ut jactetur Mediolano destructo Italiam instrui posse. Aedes sacra, quam Domum vocant, creditur excitata ex ruinis templi Herculis, cujus adhuc extant 16. columnæ striatae & praelatae. Ad Adduam, vernacul. *Adda*, reperitur Pizzghitone arx ad fines Mantuanæ, Placentinae & Venetorum ditionis. Lauda urbs dives & munita. Trezzo  
clavis

clavis hujus Ducatûs. Comum, vern. *Come*, 45. 27. antiqua Romanorum colonia, urbs nobilis & opulenta ad fines Helvetiorum munita, appositâ lacui Lario, seu Comensi, qui à Como ad ripam Clavēnensem patet per mil. p. 50. Addua verò fl. fontem habet in excelsso Rhæticarum Alpium jugo monte Bailo per Tellinam vallem 50. m. p. lapsus lacum ingreditur Larium, qui sicut & Bennacus tempestates imitatur marinas. Sunt denique secundum Padum Valenza 44. 30. antiquum oppidum cum arce valida ad limitem Montisferrati, Cremona vicus olim à Gallis Cenomanis conditus, quem postea Romani traductâ coloniâ cinxerunt muro, estque nunc pulchra & nobilis civitas arce & valido munita præsidio. Ipsi ab Septentrionibus est Brixia, vulgò Brescia, caput gentis suæ, quam Mela amnis præcurrit.

---

C A P. XXXIV.

*Vallis Telina.*

**R**hæti præfecturas octo cis Alpes in vallibus obtinent, quas Maira & Addua fluvii percurrunt, priusquam in Larium lacum influant. Plurium vicus est ingens ad utramque Mairæ ripam positus, ubi lapis cavatur tornaturque in vasa coquendis cibis idonea, & contra venenum salutaria, quod in illis ad ignem ebulliens dissipatur, ideoque magnâ copiâ, per Italiam distrahuntur. Plurium vicini pagi conveniunt, ubi jus dicit Præfectus, quem potestatem vocant, ibidem à Rhætis summo cum Imperio constitutus.

Sequi-

Sequitur Clavena oppidum & Comitatus, cuius Præfectus, seu Commissarius, post Sondriensem summâ pollet auctoritate. Tertium ordine locum obtinet, sed dignitate primarium. Volturina Provincia, quam hodie Vallem Telinam nominamus, Plinio Vennonetes dicebantur abundat vini præstantissimi copiâ. Tribuitur in plures præfecturas, quarum prima Bormio, 2. Tirano, 3. Telinum oppidum in edito, & munito loco situm. 4. Sondrio celeberrimum totis vallis oppidum, cujus Gubernator causis capitalibus & bellicis muneribus per omnem vallis ditiosum præest. 5. præfectura est Morbeniensis. 6. Trahona. Larius lacus, ab ave sic dicitur ibidem loci frequente, quam Græci Larum vocant, Latini Fulicam. Comensis verò ab urbe Como nomen accepit, cujus conditores Coenomani, ciues ambo Plinii fuerunt. Accessione autem Coloniae Græcæ ex Como Novocomum factum est amœnissimo loco situm. Lacus patet à Septentrione in Austrum, per 60. m. p. undique coronatus montibus. Et juga quidem castanearum nemoribus, latera vinetis & olivetis consita sunt. Ad radices sylvæ ferarum plenissimæ, stagnantes aquas piscibus refertissimas ambiunt.

---

C A P. XXXV.

*Ducatus Parma & Placentia.*

**F**Arnesiorum potentia, sub Paulo III. Pont. Max. adolevit, qui Petro Aloisio Novariam urbem à Cæsare Carolo V. impetravit, & Octavium

vium Petri filium Nepotem suum Margaritæ Austriæ junxit, Cæsaris filiæ, quæ Alexandro Mediceo Florentiæ Duci prius nupserrat. Camertium autem Principatum cum Nepe ditione & Ducatus insignibus beneficiario jure concessit. Anno autem 1544. Parmam & Placentiam Petro Aloisio attribuit cum pensione 8. mil. aureorum; Camertium autem cæteraque Ostavio donata Ecclesiæ restituit. Rem gravissimè tulit Cæsar, qui eas civitates ad Mediolanos pertinere contendebat. Præter hæc possidet Ducatum Castrensem & Rossilionem aliaque castella Romæ vicina, nec non in regno Neapolitano aliquot oppida, ex quibus omnibus ad ducenta scutatorum aureorum millia potest colligere. Parma amnis, qui ex Apennino ortus, supra Belvederium excipit Lunum amnem, & viam Æmiliam, se & suburbia dividit ab urbe Parma, nomen dedit urbi, quæ ædificiis est splendida, situ plana, castro munitissima, Liceo ornata, & quam neque hyems, neque æstas affligit. Placentia, vern. *Piacenza*, ad ostium Trebiæ in Padum, & mille passus distans à Pado sita. In lat. 44.33. Nullum est Duci cudendæ pecuniæ jus.

---

### C A P. XXXVI.

#### *Ducatus Mantua.*

**C**ispadanæ transpadanæq; Lombardiæ partem efficit. Mantua urbs nomen dedit Ducatui. Fredericus Gonzaga ex Marchione Dux Mantuæ creatus est à Carolo V. Imperatore, anno

anno 1530 ejus posterius adhuc summæ rerum præ-  
sunt. Urbis origo antiquissima. Situs in medio  
paludum, quas egressus è lacu Benaco, Mincius,  
vernac. *Menzo*, effundit: unde nec nisi pontibus  
& illis quidem eximiis aditur. Ampla est, or-  
nata ædificiis, arce, Curia & artificioso magni-  
ficâ horologio. Curia cryptam multis anti-  
quariæ rei monumentis Francisci conjux Isabel-  
la exornavit, in quibus Cupidines excellentis  
operis, cornu monocerotis, gemmæ, vasa aurea,  
multiplicia recondita servabantur, priusquam à  
Germanis occuparetur. Extra urbem amœ-  
niores Ducum secessus sunt Tea & Marmirolo.  
In toto autem suo Ducatu præter urbem non ha-  
bet, nisi plura municipia, inter quæ eminet vi-  
cus, & Marchionatus Gonzaga trans Padum  
ad Crustulum. Idem Dux Monferratum etiam  
possidet, de quo supra. Uterque verò hic Du-  
catus quotannis illi reddit sexcenta millia coro-  
natorum, à Cæsare quicquid habet ditionū, fidu-  
ciario jure habet, sicut & reliqui ex eadem fami-  
lia minores nati Principes *di Scrivere Bozelo Sa-*  
*bioneta*, *Novolara*, & *Guaſtalla*, quorum om-  
nium oppida vix distant minutis octodecim  
Mantua. Supra Mantuam ad erumpentem ex  
Benaco lacu Mincium fluvium. fuit olim Arde-  
lica, nunc *Peschiera*, firmum ditionis Venetæ  
propugnaculum pentagonum, Scaligerorum o-  
pus, qui Veronæ domini cū essent, oppidum ex-  
truxerunt, & ponte lacum straverunt. Oppidum  
Garda in Orientali parte lacus situm est. Un-  
de hodiernum nomen traxit, cum Benacus anti-  
quis



quis diceretur. Ambitus ejus centum circiter colligit millia. Sirmio Catulli patria, oppidum in peninsula situm, Sealigerorū olim amēnus secessus. Salodium nobile oppidum. Quā Tusculanus amnis in lacum effunditur, Benaci oppidi apparent vestigia. In extremo lacu Riva nobile castrum, & in opposita ripa Turdulum. Mincius oritur ex Alpibus Tridentinis, & evolvitur in Padum 13. lapide infra Mantuam.

---

C A P. XXXVII.

*Ducatus Mutina.*

**M**utinæ Regiique Ducatus præter has duas civitates Modena 44. 17. & Regio Carpenſe domicilium continet, Fugnanum & bonam partem Vallis Graſſignanæ circa ſuperiorem partem amnis ſerici, qui propter Lucam mari illabitur. Hæc ab Imperatore clientelari jure tenentur omnia. Caſtellum præterea Boſſelli fiduciario jure à Duce Mantuæ, cui eo nomine par calcarium præſtat. Dux è naturali propagine Ateſtinæ familiæ deſcendit: diu quidem illa Ferrarienſem obtinuit Ducatum, donec an. 1598. cum maſculus hæres deſiceret, eum Clemens VIII. Eccleſiæ ditioni, unde avulſus erat, reſtituit. Mutina tamen & Regium, quæ à Duçibus Ferrarienſibus erant acquiſita, familiæ hujus veluti Stolones remanſerunt, antiqui dominatus reliquiæ, octo vel decem milliaribus circumſcriptæ. Duci porro quotannis reddunt circiter 300. millia coronatorum. Mutina, urbs lauta & ſplendida ad Feſtæ Panari com-  
mer-

mercium extructa ab veteris Mutinæ vestigiis nonnihil recedit. In foribus Ecclesiæ Cathedralis insignes sunt Adami & Evæ statuæ ex marmore. Regium Lepidi ad Ripam Seciæ solo gaudet valdè fertili & amœno, putatur conditum à M. Æmilio Lepido, circa annum ante natum Jesum 188.

## CAP. XXXVIII.

*Mirandula.*


**M**irandulæ Comites ex filia Constantii generis ducere aliqui volunt. Alii verò à Pico cive Mutinensi clarissimo viro, qui circa annum 1110. floruit. Constat Franciscum Picum circa annum 1310. à Ludovico IV. Cæsare Vicarium ea in urbe constitutum, ejusque posteros Concordiæ Comites à Frederico III. creatos. Oppidum Mirandula situm est in medio camporū æquore, locus frumenti vinique supra modum fertilis est. Ultra Mirandulam altero lapide in dextra Seciæ ripa Castellum visitur Concordia. Ex Picis, celeberrimi & eruditione præstantissimi fuerunt Joannes Picus & Joannes Franciscus Ne-  
pos.

## CAP. XXXIX.

*Ferraria.*

**F**erraria Ducatus caput, donatione Mathildis sub annum 1195. facta, sub Ecclesiæ Romanæ dominatu aliquandiu mansit. Eum postea Marchiones

chiones Atestini à Pontifice Romano concessum, usque ad annum 1598. tenuerunt, quando legitimæ prolis defectu, Clementis VIII. Pont. Max. opera, sed à Apostolicæ restitutus est. Padi ripæ in lat. 44. 35, assidet urbs, duplici arce munita, populo frequens, ædificiis culta, licet anno 1570. intra biduum gravi terræ motu concussa propè funditus vastata sit. Planiciem habet circumfusam quidem, sed sterilem & cœlo graviore propter paludes utitur. Paucis minutis supra Ferrariam Padus excipit Rhenum amnem, ad colis *Reno*, Bononiam ad duo mil. pass. ab occasu præterfluens. Hujus amnis laudantur calami sagittis aptissimi, quod plurima insit medulla, pondusque volucre. In eodem amne ad confluentes Rheni & Labinii, insula est, quæ duobus pass. mil. Bononia distat, in qua Cæsar Octavius, & Antonius, Lepidusque bello deposito, Triumviratus pactum inierunt, & Provinciarum Populi Romani partitione factâ, locum nobilitarunt. Bononia, vernac. *Bologna*, 44. 12. navis onerariæ speciem habet, potens nobilitate, ædibus magnifica, porticibus frequens, Academiâ illustris à Theodosio instituta. Circuitus urbis 7. milliarum est. Turrim habet asinellam, cujus ad fastigium 448. gradus evehunt. Regitur civitas ab Legato Pontificio.



## CAP. XL.

*Athesis fl. Tirolum, Tridentum, Verona, Patavium.*

**A**thesis, adcolis, *Adeſe*, flumen post Padum totius Italiae maximum, saxis asperum, gurgitibus vorticosum, & impetu ferox, oritur in latit. 46. 34. ex Alpibus, & Tirolum primò solus, alia deinde celebriora oppida Tridentum & Veronam præterfluit, junctus Garciae, qui ex agro Brixienſi manat. Et quamvis ab ipſo fonte ingentes larices, abietesque cum aſſeribus Athesis deferat, ob rapiditatem tamen Veronae tantum navigari incipit: unde post 32. millia diſiſo alveo, hinc Tartarum amnem adſciſcit, paludes petēs. Inde verò ad foſſiones portum haud ignobilem mari illabitur. Brixia, veronac. *Brixen*, 46. 33. opulenta civitas incolarum nobilitate inſignis, ad radices Alpium ſita, Venetis reſtituta eſt à Franciſco I. Galliarum Rege, anno 1517. Comitatus Tirolenſis anno 1360. domui Auſtriacae adjunctus fuit. Principi 300. millia aureorū nummum, quotannis pendit, nomen accepit ab arce Tirolī. Princeps tamen reſidet Oeniponti ad Iſarum. Nullae ditiores in Europa argenti fodinae, Tridentum, vern. *Trento*, 45. 53. Concilio Oecumenico clarum, Ducibus Auſtriae & ex parte ſuo Epifcopo paret: arcem habet ſic cōſpicuam, ut domum auream poſſis dicere. Cives omnes Teatonicè loquuntur & Italicè. Vaccas pro mulis & equis clitellariis adhibet. ab urbe

urbe Tridentina miliari 3. Mons Mansberi in longum 12. mille passus excurrit, trium lat. pater, in quo 350. Parœchiales Ecclesiæ, castra 32. numerantur. Salis duntaxat, & aromatum minimè ferax, reliqua omnia affatim suppeditat.

Verona ditionis Venetæ inter pulcherrimas totius Europæ, & munitissimas civitates annumeranda, 90000. aureos nummos Reip. pendit, & à duobus Patriciis gubernatur. Ad Venetos rediit anno 1517. In Veronensi tractu, Limacum arx singularis Venetorum fines adversus Mantuanos defendit. Brenta ex triplici lacu profluens 10. ferè à Tridento lapide nascitur. Patavii onerarias excipit, nec longè à moenibus venienti ex oppido Vicentino Barchilioni commiscetur, qui variis sectus alveis per lacunas in æstuaria fertur, partim veneta, partim ad portum seu fossam Clodianam, ubi frequentes salinæ. Conspiciendam se præbet altius Vicentia, vern. *Vicenza*, sita in lat 45.28. ad radicis collis. Palatium in ea visitur magnificum, & post unius arcûs iactum, saxum solidum aræ majoris stupendæ longitudinis: Non usque adeò elegans est & magna, sed populosa. Colligunt ex ea Veneti quotannis 36000. aureos. Succedit Patavium, vern. *Padana*, 45.20. flos & decus urbium, literarum asyllum, cujus agrum fertilitatis sumen natura esse voluit. Antenor olim condidit, Veneti propugnaculis ornaverunt anno 1518. Palatium ibi Henrici Imperatoris opus nullis fultum columnis, plumbo tectum, in quo jus dicitur, domorum quatuor mil.9. pass. mil. Pomœrium circumscribit. Ibi  
mons



mons pietatis institutus 18. aureorum millia sorte superat, ubi datis fidejussoribus infra 30. solidos gratis datur, supra, quinque tantum pro centenario exigitur. Quod superest, in pauperes annuatim dividitur, sorte semper manente. Habent Medici suum ibi hortum simplicium formâ sphaericâ, amplum, irriguum, ad Venetos pervenit circa annum 1404. Iter Patavio Venetias secundo amne unâ nocte peragitur.

## CAP. XLI.

*Venetorum Respublica.*

Cum Attila Aquileiam solo æquavit, & Mediolano Ticino, aliisque vastatis oppidis Romam peteret: ferunt circa annum 450. Venetiarum civitatem ex illa Barbarorum incursione originem accepiſſe, Italis plerisque maximè Forojuliensibus & Patavinis ex urbium suarum incendiis, ad æstuariarecessum habentibus: & verò in hanc diem Forojulium vocant Patriam. Sensim postea adolevit Resp. per 130. & amplius annos sub Tribunitia potestate, tandemque anno Christi 607. Paulutius Anafestus Dux & caput Reip. constitutus est. Nunc dominium Venetum in Italia complectitur Marchiam Tarysinam, Forum Julium, Istriam & Lombardiæ transpadanæ partem. Possidet præterea in maritimis Catharum & Ladram arces maximi momenti, nec non Corcyram & Cretam insulas, sed quæ sumptum majorem ipsi quàm censum afferunt.

Venetias inclitam urbem in recessu intimo si-

nus Adriatici in lat. 45. 23. leniter stagnantes aque ex omni parte alluunt, haud absque maritimo aestu post senas horas recurstante, affusoque ex Orientali plaga pelago. Summovetur ille quidem aggeris flexu per 35. mil. producto & quinque ostiis interrupto, quibus admittitur. Ex his autem aestuariis 450. majores minoresque Euripi totam urbem intercurstantes variis flexibus ac Mæandris 60. circiter modicas insulas ita ambiunt & distinguunt, ut pedibus ad arbitrium, vel navigio in omnem partem adire liceat: tanta est pontium frequentia & cimbarum, quas gondolas vocant, præsto ubique copia.

Visenda illic plurima, sed imprimis D. Marci Basilica, cujus ornamenta, vel ex uno pavimento licet conjicere. Est enim ex vari generis marmore opus tessellatum. In thesauro Coronæ Regiæ 12. & thoraces totidem ex auro solidi, adamantes, pyropi, uniones absque numero Monocerotis tria cornua, Ducalis insula plurimis quidem & magni pretii gemmis intexta est; sed qui apicem tenet carbunculus pretio non aestimatur. Centum quindecim turres eminent; quæ D. Marci, 40. pedes lata ducentos & 50. in altum assurgit. Numerantur fora 53. fontes publici 148. statuæ marmoreæ 164. æreæ 23. Equi ænei 9. portæ æneæ 10. Navis Bucentaurus in armamentario nautico. Vicies mille sunt familiæ sive foci. Incolarum numerus trecentorum circiter millium censetur. Octavo ab urbe Venerata milliari ad amnem Musonum, oppidum se pandit Mestrium, olim quàm nunc opulentius

fluvijs

fluuius inde Silis in conspectum venit, ad cuius ostia visuntur vestigia Altini urbis antiquæ. Silin verò, vern. *Sile*, ascendenti Tarvisium, vernac. *Trevigio*, occurrit urbs ædificiis splendida opibusque potens; fontibus irrigua editiore patet loco, circumfusa camporum spatiosa planities: Totilas Rex Gothorum hic natus. Post Gothos sedem posuerunt Langbardorum Marchiones totique regioni nomen inditum Marchiæ Trevisinæ. Plavis, hodie *La Piane*, inde sequitur amnis, in primis Italiæ magnus, oppidum rigat San-Salvadore, vicum olim dictum Duplavitim, Fortunati Poætæ patriam. Objecta visitur faucibus ejus insula Æquilina & oppidum Jesolo, ubi oppida olim Æquilium, & Heraclia à Hunnis cremata, quæ vix se produnt vestigiis. Postea in excelsis montibus eminet Feltro 46. urbs Episcopalis, altiusque juxta montes, parvum sed nitidum conspicitur aliud oppidum Cividad da Bellino.

Ad Liguentiam, vernac. *Livenza*, venio fluuium, & qui ipsi commiscetur Mutecam, cujus ripæ affidet Opitergium, vern. *Oderzo*, cujus incolæ suis in navibus mortem sibi afferre maluerunt, quàm Pompejo deditionem facere. Juxta Moteci scaturiginem Conegianum jacet oppidum, frequens & dives. Ad Liguentiæ ripam, Salice prædives oppidum & splendidis ornatum ædificiis, ulteriusque in montibus Seravallis, celebris armorum bellicorum officina. In illis partibus tam civilis quàm Ecclesiasticus dominatus penes Episcopum Cenerensem reperitur. Ad

amnem Romatinum, nunc Limenem, qui Markam inter Tarvisinam & Forum Julium limitem statuit, Concordiæ rudera monstrantur in æde S. Stephani paucissimisque tuguriis. Superius habes castellum Sextium, vern. *Sesto*.

## C A P. XLII.

*Forum Iulii.*

Carni, Inalpina gens Celtici generis, Venetis contermini, extenduntur secundum mare ab ostio Tilavempti, ad ostium Formionis amnis. Dicti postea sunt Forojulienses, vern. *Friuli*, à Forojulio oppido, seu potius foro negotiationis, quod Julius Cæsar hinc instituit, quando & Coloniam illuc traduxit. Commendant regionem cœli salubritas, soli irrigua amœnitas, varia & multiplex fructuum copia, generosum vinum, pecoris & pascuorum opulentia, sylvæ ad materiam & venationem idoneæ, metallorum & lapidis pretiosi montes feraces, præter portus quamplurimos. Tilavemptus Venetorum & Carnorum limes, dictus Italis *Tigliamento*, fontes habet in Carnicis alpibus, urbes alluit Julium Carnicum, 46. 30. claram olim urbem & præcipuam Norici, cujus exigua restant vestigia cum vulgari vocabulo Zuglio. Inde labitur Osopsum, vern. *Opso*, 46. 12. castellum in nativo præcipiti, eminentique saxo circumjectis campis conspicuo, in quo cisterna, quæ aquæ dolia capit ter mille. Sequuntur postea Spilinbergum, 46. 6. naturâ loci opereque munitissimum, & in proximo,

mo, difficilique monte oppidum nobile S. Danielis. Belgrado 45.50. Madrisio, nec non Tisana 45.45. oppidum dives & frequens, infra quod post 12. mille passus evolvitur in Adriaticum. Proximus ipsi est Anassus si cum portu, vulgò nunc dictus Stella, cujus margini in lat. 45.47. appositum haud ignobile Palatiolum, vern. *Palazzolo*, per paludes seu stagna marina pergens, amnem admittit Gelinam, ad cujus sinistram ripam in insula situm est oppidum Maranum, junctis verò aquis ostium petunt, quod vulgò dicitur *Porto di Lignano*, in ora sive stagni, sive sinus Aquileiensis est oppidum Marianum, vern. *Marrano*, 45.44. frequens & dives, nec non munitum arce firmissimâ. Proximè hinc sequitur fluvius atque portus Æssa, ad quem interfectus Imperator Constantinus à Ducibus Constantis fratris, qui & eundem in ejus alveum projecerunt. Inter Alsam & Aquileiam lacus fuit, in quo positū calceamentum Maximini Imperatoris, fortè ut ex eo, cujus esset staturæ, posterì agnoscerent, certè Jul. Capitolinus ait fuisse eum octo pedum, & propè semis.

Propè Aliam fuit Aquileia urbs, Italis *Aquilegia*, 45.48. emporium nobile inter Italicas Illyricasque gentes, quasi medium à Romanis conditum & munitum contra habitantes supra Barbaros, fuit sita loco amœno, templis verò theatro aliis operibus sic ornata, ut altera Roma diceretur: hic litem, quæ inter Herodem & filios intercesserat, Augustus composuit. Ejus Episcopus Metropoli fuit cùm Venetiæ tùm Istriæ, ad



tempora Pauli Patriarchæ, qui Longobardorum barbariem metuens ex Aquileia, ad Gradum Insulam confugit, secumque omnem suæ thesaurum Ecclesiæ deportavit. Ab Attila Hunnorum Rege per totum triennium obsessa, capta & everfa est circa annum Christi 452. obruncatis 37. hominum millibus, reliquis Gradum fuga elapsis. Patriarchæ dicti sunt, postea Gradenfes ad annum Christi 1050. quo autoritate Leonis IX. Summi Pontificis, Gradenfis Patriarchatus Venetias translatus est. De situ illius summa est difficultas: nam etsi hodie adhuc exter, colonis infrequens, & ad solitudinem propè redacta ad amniculum dictum Amforam, vix duobus passuum millibus distita à mari, certum tamen, ut constat ex Strabone, lib. 5. & aliis, adverso ad eam Natisone amne navigatum olim à mari per 60. amplius stadia, & patuisse hoc emporium, etiam Illyricis gentibus Istrum adcolentibus, qui Aquileiam adferebant mancipia, pecora, pelles: vinum verò oleum & maritimas merces avehebant, partim adverso Natisone, partim curribus per Ocrum, quæ pars est Alpium humillima, ad Nauportum itinere haud amplius quadringentorum stadiorum: Nauportum enim fluvius præfluit Nauportus etiam dictus, navigabilis, qui ex Illyrico delabitur, & in Savum confluit, ad quem sita est Segestica in planitie, emporium aliud celebre, ex quo per Savum, qui exit in Danubium, in remotissimas gentes trans mittebantur merces. Nec video etiam commodiorem viam, quàm Argonautæ ex Ponto Euxino,

Euxino, per Istrum potuerint transmittere in sinum Adriaticum non procul Tergeste: humeris enim travectam Argo navim diligentiores tradunt: hæc cum sint certissima apud autores, maximè Strabonem lib. 3. & 5. & Plinium lib. 3. cap. 18. hocque illud fuerit iter usitatissimum Romanis è Pannonia in Italiam; dicendum necessario, Natisonem mutasse alveum, & effusum in Sontium, hodie flumen celebre, quod ab ea vix bis mille passibus removeretur.

Ab Aquileia 8. mille passus ad Septentrionem abest Palma, 45. 55. oppidum novum totius Reipub. Venetæ maximè munitum, jam ab anno 1593. à Palma verò minutis 10. recedit Udenum, vern. *Udine*, 46. 4. urbs ampla, dives, munita, & Præfecti regionis sedes, juncta amni Torno duplici fossa. Ad Aquileiam nos conferamus iterum. Ejus æstuario prætenduntur insulæ duæ & viginti, quarum præcipua Gradus, vernac. *Grado*, 45. 38. quæ civitatem habet cognominem ab Aquilejensibus ædificatam, unde & eversa Aquileia Aquileiæ novæ, appellationem tulit: superius monui, quomodo ab ea Venetias traductus sit Patriarchatus, nunc admodum est infrequens. Sequitur post Aquileiam & Gradum, Sontius amnis, quem Itali dicunt *Il Lisonzo*, ad quem Odovacer victus à Theoderico, & cum tota gente fugatus: celeberrimus propè est inter omnes Italiæ fluvios, quod circa dexteram ejus ripam militaris erat via Romana, quæ ducebat ad Alpium Juliarum in Pannoniam transitum per Nauportum oppidum coloniamq; Hemomam,

quæ nunc est id oppidum, quod vulgò Germanis incolis vocatur *Laubach*, Italis Lubiana, à quo eadem via, hodieq; cognominatur, *La via*, sive *La Strada di Lubiana*. Hac viâ secundum amnem Sontium proceditur ad undecimum, hoc est lapidem, ubi nunc propugnaculum oppidumque celebre Gradisca, 45. 58. visitur, contra Turcorum incursiones ab Venetis extructum.

Eidem etiam apponitur Goritia, 46. 3. Plinio dicta Noreia Tauriscorum oppidum, à quo Norici nomen acceperunt, & apud quod Cn. Carbo inani conatu cum Cimbris confligit, nunc caput est Palatinatus Geritiæ, qui pertinet ad Archiduces Austriæ. Post 10. circiter minuta, ab oppido Goritia Sontis amnem admittit frigidum, à cuius trajectu, post quindecim millia, summus est Alpibus Juliæ transitus, in quo insignis Pirus arbor posita, quæ cognomen loco dedit ad Pirum. Eadem Sontio pariter miscetur amnis Natifo, qui in latitudine 46. 6. urbem rigat Forum Julium, vern. *Cuidal de Friuli*, hoc est, civitas & caput Foro Julii, & alio nomine, *Cuidal d' Austria*, quod eam instauravit Rosimunda Austria, Luitpraudi Regis vidua, sita est in faucibus Italiæ, loco naturâ munito, ubi Ponte fluvius traiecitur. Sed ad oram maritimam revertamur. Proximè à Sontio flumine, non longè ab ora maris habes nobile divesq; oppidum, *Monte Falcone*, à Theodorico Gothorum Rege conditum. Succedit Timavus amnis, qui in vico incolis dicto, *S. Canzain*, à D. Cantiani Fano, ex montis excelsi radicibus per complures fontes magno cum strepitu

pitu erumpit, moxque cuniculo subterraneo conditur, per 24. millia ad vicum, cui vulgaris appellatio *S. Giovanni de Cherso*, ubi compluribus iterum ingentibusque eructatur fontibus septem, salis omnibus uno dempto, qui post mille passus omnes uno ostio abeunt in mare ad radices montis, cui insidet Castellum Duinum. Habes postea Pucinum, vernac. *Profeco*, castellum & montem celebrem propter vinum, cui Livia Augusti acceptos referebat annos 70. & quo usi saepius Imperatores, quod suavitate præstaret & robore. Succedit in intimo sinu, incumbens littori Tergeste Romanorum colonia hodie Trieste oppidum, quod an. 1609. rediit ad Austrios. Post sex millia passuum à Tergeste miscetur mari *Formio* amnis, novissim<sup>9</sup> inter Carnos Histriosq; terminus, qui hodie in inferiore sui parte vocatur ab Italis Risono; in superiori verò dicitur à Germanis Albea, cujus etiam nominis oppidum ei impositum.

## CAP. XLIII.

*Istria.*

Peninsulæ formam refert inter duos sinus Tergestinum & Carnarium, seu Fanaticum, mari cincta Hadriatico, & ab Septentrionibus Alpium jugo munita, ejus latitudo 40. ambitus 200. mille passus continet. Urbium aliquæ parent Venetis, aliæ Archiducibus Austriae. Regio licet asperior, collibus tamen ornatur, qui vini & olei sunt feraces, pascuis abundant, & frumento. Emi-

net mons, qui major dicitur, herbarum simpliciū benignus a genitor, in cuius vertice ebullit fons uberrimus. Salemetiam Istria abundè præbet, piscibus abundat, materiem habet navibus fabricandis opportunam. Incolarum tamen exiguae sunt opes, Venetis omnem negotiationem trahebentibus. Senis, ut dixi, ultra Tergeſtam millibus amnis est Formio antiquus Italiae terminus, qui influit in mare inter Mugilam & Justinopolim, hodie Gabo d'Istria, urbem Venetam fundatam in colle à Justino Imperatore in Ægidis insula, quæ in longitudine mille passus non excedit, & quæ teli jactu à continente divisa pontibus jungitur, in medio castellum est, quod vocant Leonium. Succedunt in ora, primum s. ferè lapide, Castellum insulae continenti ponte lapideo nexum. Deinde Piranum, ad collem montis: mox Salvorium & Vinacum in scopulo marinis undis circumfuso, nec longè Civitas nova, olim Æmonia: Post Quietum fl. cuius origo vix 20. m. p. distat à mari, civitas est Æmonia. Parentium urbs, vernac. *Parenzo*, insula continetur, mœnibus turribusque egregiè defenditur, portu maximis excipiendis navibus opportuno. Sequitur mox oppidum Urserium, vern. *Orser*, superato Lamo, Rovinium occurrit oppidum in insula, cuius ambitus 1000. passuum, portus habet duos. Conspiciendam se præbet in alto disicilique monte urbs Episcopalis Pola, dicta etiam Pietas Julia, ubi multa videntur antiquitatum monumenta. Arsia fl. est terminus Italiae, effluit ex Cossiaceno lacu exiguo & radicibus mōtis.



is majoris, desinitq; in Carnarium finum ostio, lato passibus mille, navigatur ab mari onerariis ad sex millia, dein spacio millium 4. modica tantum fert navigia.

2 Vide Cassiod. l. 12. Var. & Vergerium.

## CAP. XLIV.

*Illyrium.*

Ipsi nomen ab Illyrio, sive Cadmi, sive Polipheni Siculi filio. Reges habuit plures. Caput gentis fuit Scodra ad Drilonem amnem sita in lat. 41. 30. quæ deleta est per Anicium Pro- prætorem, qui & Regem Gentium cum filiis duxit in triumphum anno urbis conditæ 587. & redegit in formam Provinciæ Illyrium. Ex quo autem Romano subiectum est imperio, reperio tribus modis apud autores sumi hoc nomen Illyrii. Primò pro ea parte Europæ, quæ à Brigantino lacu fertur secundum Danubium ad Pontum Euxinum & Danubii ostia, cui Constantinus etiam addidit Græciam, sicq; Provincias 18. continebat. Deinde postquam partium fuit Romanum Imperium in Orientale & Occidentale, Illyrii pars Orientalis retinuit suum Præfectum Prætorio, Occidentalis verò transiit in Vicariatium & Diocesium Illyrici, cui suberant utrumque Noricum, utraque Pannonia, Savia & Valeria, sub dispositione Præfecti Prætorio Italiæ. Tertiò Illyrii nomen sumitur pro ea tantum regione, quæ mari supero incumbit, hoc est, pro Liburnia & Dalmatia. Porro Illyrici omnes sem-

per bellicosi, & sub Imperatoribus Romanis, hinc eductæ sunt fortissimæ legiones: pensitabat verò hæc regio in triginta quæque arvi jugera solidum, ob vestem, seu clamydem militi debitam, vinum adeorum usum, & præterea equos, quos habebat præstantissimos. Multa referunt autores in his partibus notatu dignissima. Narrat Plinius hîc *a* reperiri homines, qui solo visu fascinent, & interimant eos, quos diu fixis oculis intuentur, præterea fontem frigidum, qui accendit vestes, quæ supra eum expanduntur. *b* Ait verò Aristoteles, bis in Illyrico jumenta parere in singulos annos, & pleraque geminos, multaque pullos ternos, imò quaternos. Gallinas verò bis terve ova emittere in die.

*a* Plin. l. 7. cap. 2. & l. 2. c. 103. *b* Aristot. in administrandis.

## C A P. XLV.

### *Illyridis Maritima.*

**I**llyricum maritimum patet secundum Adriaticum Sinum ab Arsia usque ad Drinum fluv. Regio est aprica & frugifera; quibusdam tamen locis rupibus aspera, de ea, quæ ad Pannonias, & Danubium excurrit, dicemus suo loco. Maritimæ ora piscium optimorum copia affluit; & optimos habet portus propter insulas, quas in ea ora millenis plures recenset Plinius, cum ora Italiæ sit importuosa. Illius Provinciæ sunt Liburnia & Dalmatia. Liburnia inter Istriam & Dalmatiam media, dicitur hodie Croatia, pertinetque ad

ad Archiduces Austrios, qui munitissimas arces habent ad amnes Kulp & Savum, in quibus Se- gesta, vern. *Siseck*, & Carlostadium adversus Tur- cos. In ora Adriatici, Sinus phanaticus infamis est propter tempestates & crebra naufragia. Illic celeberrimæ naves Liburnæ, quibus illius oræ latrunculi olim piraticam exercebant. Augustus hanc oram innumeris civitatibus cultam primus afflixit, deinde Gothi, ultimò Turcæ. Hodieta- men satis populosa est cum insulis adjacentibus. Urbes præcipuæ Fanum S. Viti, vern. *Fiume*, 45. 17. ad amnem ejusdem nominis, qui Istriam se- parat à Croatia. Fuit olim caput Croatiae Senia, nunc Zeng Uskokorum Venetis insensissimor- um receptaculum in plano sita ad mare, quod à Borea horridis obnoxium est tempestatibus. Ja- dera Romanorum colonia in peninsula Libur- norum Metropolis & munita, pro qua bellum diuturnum inter Venetos & Pannonios, nunc *Zara-vechia*, optimum habet portum humili in Chersoneso. Sebenicum opp. in Scardonico sinu flumini Titio imposita in conspectu irrumpentis freti ad radicem montis, ubi est arx: fertiles ha- bet agros, sed Turcorum incursionibus aperros. Tragurium *Trau*, à continenti parvo Enripo se- paratur. Spalatum, vern. *Spalatro*, ubi Diocletiani Palatium. Salona, vern. *Spalato*, sedes olim præ- fecti thesaurorum, fabrica omnium armorum, & sedes procuratoris, qui præerat Baphio, in quo serica & purpura Principis tingebatur. Sa- lona Dalmatarum navale parum incolis fre- quentatur ob Turcas vicinos. Ex Epidauri rui-

nis crevit Ragusium, *Ragoufe*, Turcis *Dobronika*,  
 urbs clara & arce S. Laurentii munita. Emporio  
 & Rep. nobilis est, multas optimasque habet na-  
 ves; Othomannis tributum pendit 14. millium  
 aureorum, ejus ora oleis & vitibus egregiè con-  
 fita. In continenti vix quicquam dominationis  
 obtinet præter stagnum *Stagnio*, & Tribulium  
*Tribigua*, urbem Episcopalem. Meledra & Dan-  
 dren ditionis sunt Epidaurensium, magnumque  
 recipiunt emolumentum ex Sardiniiis, quas illic  
 expiscantur. Castellum novum in humili colle  
 juxta Sinum Rizonicum situm Turcæ Hispanis  
 eripuerunt. Catharo Venetorum urbs egregiè  
 munita adversus Turcas ex omni parte immi-  
 nentes. Scodra, vern. *Scutari*, Turcis *Scanderia*,  
 civitas nobilis, nunc Turcæ paret. Est au-  
 tem in arduo & præcipiti saxo ædificata & lacus  
 ad Orientem imminet, qui 130. mil. in ambitu  
 patet, & penè undique montibus ambitur. Terri-  
 torium, quod est inter hunc Scutari lacum &  
 mare, vocatur Craina, id est, Regio Saxi & mon-  
 tibus impedita. Budua ultima ditionis Venetæ à  
 Turcis attrita, nunc restituta utcunque. Antibar-  
 rium *Antivari*, quia opponitur Bario Apulo,  
 scopulo affixa Italiæ & Venetorum terror. Ulci-  
 nijum *Dulcigno*, quondam Albania, urbs ampla,  
 nunc deserta, ex quo eam Selinus occupavit.

Sequitur Drilo fluvius, vern. *Le Drin*, qui in  
 Macedonia ortus Lychnidum alluit urbem, quæ  
 Romanis pugnantibus adversus Perseum fuit  
 receptaculo; & Albanopolim oppidum, à quo  
 Albanix nomen inditum, miscetur verò mari ad  
 Sinum

Sinum Phrizicum. Post quem Lissus est, vern. *Alesio*, urbs, in qua anno Christi 1443. obiit Scanderbegus, tres & sexaginta natus annos, qui Turcorum manibus elapsus paternâ Epiri ditione recuperatâ ingruentes perpescè cum infinitis milibus Turcorum parvâ manu superavit, summoque quoad vixit iis terrori fuit.

Præcipuæ insulæ ad oram Illyrici sunt Cherso & Osero cum oppidis cognominibus, olim junctæ fuerunt, nunc opera Venetorum divisæ. Incolæ non excedunt 3 millia. Vinum in eis colligitur, abundant nemoribus & animalibus domesticis. Absyrtides Strabonis putatur, ubi Medea fratrem interfecit. Veglia, olim Curicta, decies mille incolas numerat, qui Illyricâ soli nunc utuntur linguâ, amœna est, fertilis, vini, lignorum & equorum, frumenti abundè est. Urbem habet ejusdem nominis & portum commodum, sed Sciroco subjectum. Deinceps Arba, amœno gaudet situ, sed importuosa est, vinum mittit optimum, sal, & ficus & pecudum magnam alit copiam. Incolæ 3000. Pago, olim Gissa, incolas habet 1500. Ibi sunt Salinæ, sed lignorum inopiam patiuntur. Lezina, olim Pharos, patria Demetrii Pharii Regis Illyriorum, urbem habet cum optimo portu & magnæ classis capaci, vino, fructibus & piscibus abundat, frumenti inops. Curzola, olim Corcyra Melana, Episcopalis urbs, quæ abundat vino, caret frumento. Incolæ fabricandis navibus operam adjiciunt, quod abundet lignis.





# GEOGRAPHICA ORBIS NOTITIA.

LIBER DECIMUS.

*GRÆCIA.*

---

## C A P. I.

**I**lluditne oculis umbra, cū Græciam descri-  
pturus, calamum sumo? sentit enim verò sen-  
tit, quantum Deo, levitate & sanitate suā provo-  
cato, sit pondus. Nunc ab omnibus despectum  
jacet cadaver regionis, quæ externa omnia sper-  
nebat, & nihil suum non mirabatur. Nunc hor-  
ret vepribus & senticetis, penè deserta, quam tot  
olim populi, quot urbes habitabant. Ubi Mus-  
arum parens domusque Pieria. Gens prius omni  
disciplinarum genere exulta in tantis versatur  
ignorantiæ tenebris, ut iis egeat, quos appellabat  
Barbaros, qui eam excolant, ipsaque literarum e-  
lementa, & avorum facta, dictaque edoceant. U-  
bi sunt primi illi Argonautæ, qui navigandi peri-  
tiâ admirabiles, obtinuerunt aurifodinas, quibus  
**Colchis** nobilitabatur? Ubi Themistocles ille  
rerum maritimarum cognitione nobilis, qui 380  
navibus, mille trecentas Persarum devicit? nunc  
Græcis, ne vel unam triremem, aut magnæ molis  
cataphractam navem permittitur ædificare. Que  
Alc-

Alexandro, quæ Pynho domitoribus orbis gloriabatur, nunc mundi fabula, habet reliquum nihil, quod non sit vel Turcorum iugo, vel Veneratorum servituti subiectum. Ingemiscamus tamen dolori regionis desolatæ, parentis vetulæ deosculemur rugas, & antiquitatis sepulchra veneremur.

## CAP. II.

*Græcia nomen & Termini.*

**A** Drilone amne & monte Scadro in lat. grad. 42. Hellas incipit, à Romanis Græcia appellata, stirpis author fuit Deucalion, qui erat Thesaliæ Rex, quando in Græcia tertium contigit diluvium, circa annum ante Christum 1529. *a* Ipsi fuerunt duo filii, Hellen & Amphictyon. Hic pulso Cranæo Athenis regnavit. Ab Hellene Græci *Hellines* vocati, ipsaque sive regio, sive urbs *Hellas* dicta. *b* Hellen ex Orseide filios tres genuit, Æolum, Dorum & Xuthum patrem Jovis, à quibus duxerunt originem Æoles, Dores & Jones. Attici se indigenas gloriabantur. Primigeniæ ipsis ac sinceræ linguæ, tantum duæ fuerunt, Dorica & Attica, *c* ex quarum corruptela ortæ Æolica & Ionica.

Completitur tota regio partes omnino 5. præcipuas, Macedoniam, Epirum, Thesaliam, Achajam, & Peloponnesum. Montibus cingitur undique & mari, Adriatico, quâ Albaniam Macedoniæ Provinciâ rigat; Jonio, quâ Epirum & Achajæ partem Occiduam; Græco, quâ Peloponnesum

nesum alluit: Ægeo ab Oriente, ubi insulæ plures, quæ procul eas despicientibus *aiugas*, hoc est, Capras repræsentant: cujus pars est æquor Myrtoum, sic dictum à Myrto, exigua insula non procul à Carysto Euboeæ oppido sita.

a Vide Apollod. lib. 1. Diod. 4. Sti. 8. b Conon apud Phot. lib. 27. c Strabo lib. 8.

### C A P. III.

#### *Præcipua Græciæ Regna.*

**A**ntiquissima Europæ Regna fuerunt in his partibus constituta: Primum quod sciam<sup>9</sup> circa annum ante Christi æram 2164 posuit Ægyalus in Peloponneso, à quo dicta fuit Ægyliaz huic successeſſere Reges numero 26. inter quos secundus memoratur Europs, à quo fortassis tanquam à Regno illius antiquissimo invenit nomen Europa: Sicyon verò decimus nonus, à quo & urbs regni caput, Corinthiaco sinui proxima, & regio Sicyonia & totū Regnum dictum est Sicyoniorum, quod mille propemodum annis perseveravit, ad Zeuxippum, post cujus mortem, cum Sacerdotes aliquot Remp. administrassent, Agamemnon Rex Argivorum Micenæorum, Sicyoniam rem ad Mycenæos transtulit.

Secundum memoratur Argivorū, quod Rex Inachus Phoronei pater, Argis in eodem Peloponneso fundavit, circa annum ante Christi ortum 1858. huic successit Phoroneus, qui rudes adhuc & sparsos homines oppidis legibusque munivit; sub quo Eleusine in Attica regnabat: Ogyges, cu-

jus

Ius tempore secundum ibi diluvium accidit, annis ante Christum 1795. Post Noëmiticum 332. ante Deucalionem 248. post annos vero 546. Perseus Rex 15. sedem illius regni Mycenarum, quam ille urbem condiderat, transtulit, circa annum ante Christum 1312. ubi per annos 209. Regnum tenuerunt Persei posterii, & Pelopidae Atreus & Thyestes patricidiis & stupris nominatissimi, hic uxorem fratris polluens, ille epulandos filios proponens, unde postea mors celeberrimi illius Agamemnonis Mycenarum & Argivorum Regis, qui omnium Græcorum consensu Imperator delectus, ad expeditionem Trojanam profectus est. Tertiū regni fundamenta jecit circa annum 1358. ante Christi æram, Athenis Cecrops vir Ægyptius, Ægyptiacæ & Græcæ linguæ gnarus, cui successere Reges numero 17. quorum postremus memoratur Codrus ibi le amantissimus patriæ, cui de belli eventu, cum Pythia respondisset, quorum Dux in acie cecidisset, eos fore superiores, pastoralī sumpto habitu, hostium agmen ingressus, ibique temerè jurgium ciens, ab gregario milite, quem sauciaverat, interfectus est, anno ante Christi ortum 1071. Cum omnes ad eum annis 487. regnassent. Secuti sunt Archontes, seu Prætores perpetui numero 13. qui annos tenuerunt 316. Deinde Decennales 7. Demum annui.

Aristomachi filii, dicti Heraclidæ, quod è Mycenarum Regibus & posteritate Herculis essent oriundi, duo alia constituerunt regna in Peloponneso, Lacedæmonium scilicet & Corinthiacum;  
hi cum

hi cum vellent movere in Achæos & Jones, & in hunc finem ædificassent classem ad Naupactum, iussi sunt ab oraculo Ducem adhibere Trioculum, cumque in Lusum quendam incidissent, mulo insidentem, cui nomen Oxilus, eo Duce Achæos Pelopidas Agamemnonis posteros Argis & Lacedæmone pepulerunt anno ante Christi ortum 1104. Temeni Heraclidæ Argos obtigit, Cresphonti Messenia, Aristodemus filius Laconia; & post duos annos regna Lacedæmonium & Corinthiacum ad Periandri obitum, annis non amplius 518. seu ad annum ante Christum 584. perseveravit, partim sub regibus, partim sub Brytanibus.

Lacedæmonium verò non desit, nisi in Agesipolide & Lycurgo circa annum primum Olympiadis 140. hoc est, ante Christi æram propè 215. postquam durasset annos propè 889. Sexto loco celebratur Achæorum Resp. quæ in Peloponneso paulatim coaluit, & Scribam unum Prætoresque duos primum habuit, anno ultimo Olympiadis 124. seu anno ante Christum natum 281. urbis 473. Tandemque multis in unum Reipub. corpus partim allectis, partim vi coactis urbibus, Græciæ totius evasit potentissima. Verùm cum Lacedæmonios mœnibus ademptis in eandem compulissent societatem, Romani horum querelâ commoti, legatos b miserunt, qui Lacedæmonem, Corinthum, Argos, Heracleam, & Orchomenios Archadas ab suo corpore juberent divellere: quæ cum nollent facere, bellum ipsis denunciatum anno urbis 607. ac primum

Præ-



Prætor Metello, duobus præliis ad Thermopylas & in Phocide superati sunt; Deinde à Mumio Consule, omnis Achaia in deditionem accepta, & ipsa Corinthus gentis caput incensa, anno urb. cond. 608. ante Christum 146. & sublato Græciæ Concilio, ac tributiformâ præscriptâ, constitutum, ut Prætor juris dicundi causâ mitteretur quotannis, quo ex tempore Græcia omnis, Achajæ nomen accepit. c

Missos facio varios Principes, qui paucotempore in urbibus plurimis, vel regnarunt, vel tyrannidem exercuerunt. Magni enim per omnem Græciam fuerunt semper populorum motus, cum ut quisque à valentiore sedibus suis eiectus fuerat, in alterum imbecilliozem incumberet, non secus ac ventisturbato mari fit, ut è longinquo concitati fluctus proximum quemque propellant. Similiter non morabor in recensendis regionibus, ad quas variis temporibus in Europa, Africa, & Asia fines Imperii propagarunt. Verbo dicam, celeberrimum apud eos Imperiû fuisse Macedonum, fundatum à Carano Heraclida Argiyo Phidonis fratre, ejus, qui mensuras & pondera primus invenisse dicitur, qui contractâ ex omni Peloponneso validâ manu, in Macedoniam venit, & Regnum ibi auspicatus est, in quo Reges imperarunt omninò 40. annis 647. inter quos enituit Alexander, qui Syriam, Iberiam, Albaniam, Taurum, Caucasum, Armeniâ, Bactriam, Mediam, Persiam, & Regiones innumeras victoriis peragravit, & dum vixit terrarum Imperio potitus est. Ultimus fuit Perseus, qui

qui anno urbis conditæ 585. captus est à Paulo Æmilio, qui præterea 72. urbes direptas vendidit. Tantam differentiam fortis, duo homines præstiterè.

Nunc Turcis paret omnis penè Græcia, ab anno 1453. quo à Muhammede 2. devicta est, à quibus nunc vocatur *Vrumeli*, & est una ex 7. Præfecturis Imperii Turcici in Europa, quæ à totidem Vezeriis administratur. Græci tributum Imperatori quotannis pendunt in singula capita: & liberorum (quos vocant tribut) robustissimos: Imò parentes plerique, omnes sponte offerunt uno tantum reservato, & ex iis fiunt Genesarii Turcicę militię robur: ab hoc tamen tributo eximuntur Constantinopolitani, Rhodii, Bulgari, Hungari. Nunc septuaginta propè numerant dialectos, eorumque lingua innumeris est permixta vocibus Latinis, Italicis, Arabicis, Turcicis. Vestē utuntur prolixā cum superinducto pallio: à Venetis & Turcis vix differunt in moribus, uxores suas à quoquam videri haud sinuat. In annorum computatione indictiones retinent, & annum auspicantur à 23. Septembris, nec à Christo nato, sed à mundi exordio, quod volunt præcessisse nativitatem Christi 5508. Viduæ nec vestem, nec indusium mutant per annum à morte conjugis, vinum & salgamenta offeruntur iis, qui cohonestarunt funus. Licet solas exerceant artes mechanicas Græci, eorum tamen regio licet longè optima, est penè deserta & inculta. Quę spectant ad Sacramenta Ecclesię & Dei cultum, hæc observant: Calidam infundunt calici, in me-

moriam

moriam calentis sanguinis Christi, consecrant in fermentato pane: Laici sub utraque specie communicant. Sacerdotes servant suas uxores. Laicis prohibentur tertiæ nuptiæ. Sacerdotes alunt barbam & capillos. Dum formant signum crucis aliqui in dextera, aut sinistra parte hærent, nec absolvunt signum crucis, qui videlicet credunt Spiritum Sanctum, à solo Patre procedere. Die Mercurii & Veneris utuntur solo pane, herbis & oleo. Calogeri, seu Monachi oleum non gustant iis diebus. Jejunant præterea 1. à Sexagesima ad Pascha. 2. ab octava Pentecostes ad Festum Sanctorum Petri & Pauli. 3. ab initio Augusti ad Assumptionem. 4. à 14. Novembris ad Natalitium Christi. Duriter omninò vivunt & labore manuum, multi inter eos signari & subdoli, pauci sacerdotes, in magna tamen sunt in veneratione, & ex his tantum eliguntur Patriarchæ & Episcopi.

a Vell. 1. Iust. 2. Pausan. in Achæ. p. 252. b Polib. Pausan. in Ach. Iust 34. Flor. l. 2. c. 16. Vell. 1. Epit. Liv. 52. c Plin. lib. 8. Ep. ult.

## CAP. IV.

*Albania.*

Gens dura, originis Scythicæ, sedem hîc possuit, in hanc diem linguâ utitur, quæ nec Græca est, nec Turcica, sed quæ Slavicum quid sonat. Ex ea prodiere homines magni animi & proceri corporis. Equites totâ Europâ laudatissimi, ad hostes fatigandos peridonei, qui militant

tant iis, qui luculentius dant stipendium. Sunt etiam hic aliquando enati homines glaucâ oculorum acie, à pueritia statim cani, qui noctu plusquam interdiu cernebant. Patet Regio secundum mare Adriaticum à Sinu Rhizico & monte Scadro, in lat. 41. 25. Ad montes Acroceraunios in lat. 40. Imo ad os Sinus Ambracii, nunc de Larta in lat. 38. 34. aliqui eam producant. Prima urbs, quæ occurrit Scodra, vulgò Scutari, sita in rupe, cujus radices alluit lacus dictus Scodra, ex quo fluvius Bojana erumpit. Primaria Albano-polis 41. 25. Driloni amni apposita, ejus rudera Otomannorum furorem adhuc prædicant, ex ejus ruinis crevit Croia, olim Antigonia, in eadem penè latitudine, sed ad amnem *Lisana* sita, in qua Scanderbegus Otomannos irrisit. Secunda Dyr-rachium, nunc *Durazzo*, 41. 28. ad ostium amnis Argentaro civitas pulchra, ex qua Carlovitzii ex sanguine Regum Franciæ dicti Principes Dirrachini. Epidamnòs ante erat: Romani nomen mutavère, quia velut in damnum ituris omen id visum est. Eam Cicero exilii sui tempore amicissimam expertus est. Parùm hinc abest ostium Genui fluvii volucris, cujus fons in montibus Cambuniis, qui Pelagoniam ambiunt, dictam Tripolim ab urbibus Azoro 40. 20. Doliche, & Pytheo. In iisdem eminent montibus Stymbara 40. 30. urbs quâ olim usus Perseus, quando Gentio Illyricorum Regi bellum intulit. Est & Nymphæum saxum ignem egerens, sub quo fontes sunt tepido fluentes bitumine, amnis verò urbes rigat Ancyram, Corrhagium & Clodianam.

Ultra

Ultra sunt ad Aoum fl. Apollonia 40.50. Corinthiorum Colonia, ad quam missus Octavius Cæsar, ut Græcas literas disceret, & Eribœa 40.25. Urbs fontibus irrigua in montibus sita, sedes præcipuus Scanderbegi. Aulon, nunc *Vallona* 40.32. Sinus multarum navium capax, quem duo castra muniunt, trajectus usitatissimus ex Hydrunte, sedes Sangiaci, urbs nunc præcipua hujus oræ ab Hebræis culta, cujus ager suburbanus vinum habet nobile, montes verò abundant sale minerali: ab ea itinere unius diei dissita est Belgrado. Quando Turcus has partes invasit circa Christi æram 1440. Comneni Dyrrachium, Aulonem, aliaque oppida & insulas obtinebant; Castrioti Eribœam aliasque urbes non paucas. Tocchi Epirum, omnes sive Reguli, sive Despotæ ab Imperatore Constantinopoleos olim constituti. Insulam Safo, nunc *Safeno* dictam, piratarum latibulum satis infidum Turcus occupat.

## CAP. V.

*Epirus.*

**E**pirus terram solidam significat, quæ mari incubens, vallatur montibus, qui nunc Chimeræ, vel Dæmonis appellatur, olim verò Acroce-raunii, quod fulminibus sæpè impetantur, & quoties ex eis eleuantur nubeculæ, sint tempestates maximè in mari, cum Adriatico, tum Jonico, utriusque enim limes est. Dividitur ab Macedonia monte Pindo & fl. Celiduo, & ab Achaja flumine Acheloo. Dicta est olim Molossia, & à

Cc

Chaone



Chaone Heleni fratre Chaonia, nunc verò Albania. Dividunt aliqui in Barbaram & Græcam, & vocant Barbarā, quæ ab indigenis retenta; Græcam verò quam Græci incoluerunt deductis coloniis. Quondam urbibus populisque fuit frequens, sed ab Românis subacta, cum sæpius deficeret, urbes in ea evertit Paulus Æmilius 70. ex quibus 150. millia Mancipiorum collegit. Plensque in locis nemorosa, nunc est & sterilis, ad oram tamen maris fertilis & portuosa. Alit hæc Regio equas præstantissimas, quæ appellantur Epiroticæ, Boves item & canes magnitudine egregios; Reges habuit per plures ex stirpe a Neoptolemi filii Achillis oriundos, inter quos enituit Pyrrhus, Alexandro audaci & strenuitate similissimus, qui Siciliam, Italiam, Macedoniam, & Spartam victoriis peragravit, & Argis pugnans occisus est à muliere, quæ regulam in caput ejus deiecit, anno ante Christum 271. Despotas similiter plures habuit è familia Toccochorum, qui originem repetebant à Totila Rege Gothorum, qui per 200. annos hic imperant, quando ultimum eorum Leonardum Tocchi Turcus superavit. Incolarum alii Turcum colunt: alii Venetos. Navigatio à Ceraunis usque ad os Ambracii est stadiorum 1300. Oram maritimam tenuere Chaones, Thesproti & Cassiopæi: Prima urbs, quæ occurrit in Chaonibus in ipso ostio sinus Adriatici *La Bocca del Golfo* est Oricus portus à Colchis conditus, quibusdam nunc *Valona* 40 24. In Chaonibus verò fuerunt Panormus & Onchimus portus magni & celebres.

bres. Corcyra insula, hodie *Corfu*, urbem habet ejusd. nominis in lat. 39. 20. quæ vix milliare unū distat à Thesprotorum continente, Archiepiscopatu & salinis illustris est, pertinetque ad Venetos, qui in occidua plaga habent Castellum S. Angeli, vernac. *S. Agnolo*, quod Turcorum impetum sæpius risit: patet v. longum ad quadraginta mille passus. Abundat nunc frumento, oleo, vino, fructibus omnis generis, cerâ medicis herbis, & sale: potest armare 20. hominum millia. Permisit se Venetis jam ab anno 1382. quibus nunc pendit duodecim millia ducatorum, & 200 millia modiorum salis. Circumstantes insulæ ejusdem sunt ditionis, pleræque feraces, sed desertæ omnes ob piratas.

Ex adverso Corcyræ fuit Buthrotum Thesprotorum urbs præcipua, nunc *Butrinto* 39. 25. ditionis Venetæ, solo piscatu celebris; E regione Leucimmæ promontorii orientalis ejusdem insulæ, Sinus & portus est Glycis, id est, dulcis, in quem influunt Cocytus, ad quem sita fuit Cichyrus, quæ olim Ephira, ubi Theseus & Pyrrhus conjecti in vincula à Rege Thesprotiorum, cujus uxorem Proserpinam rapere tentarant, & Acheron, qui ortus ex Acherusia palude Thesprotiæ, Pandosiam urbem alluit. Ibidem Veneti habent munitum oppidum Parga, & feraces insulas Paxu & Antipaxu, sed piratarum prædæ expositas.

Sangiacus Turcus sedem habet in oppido Epiri præcipuo, cui nomen Delvino, in Cassopæis vix mædia leuca ab opp. Bastie.

Nihil verò Ambracio sinu mirabilius est in Epiro : fauces non multò majores, sex stadiis, circulus 300. colligit stadia, bonis ubique fuit olim aptus portus, nunc verò sensim oblimatur, & urbs olim in ejus litore jam procul distat ab eo. Urbes assident Nicopolis, quam Augustus posuit in Cassiopæiis, monimentum victoriæ navalis, quam de Antonio & Cleopetra hîc obtinuit; hodie Prevezam vocant: in ea Paulus hyemavit, & eam, quæ ad Titum missa est, epistolam scripsit. In Sinu, Æacidarum Pyrrhique Regia Ambracia, hodie Larta, à qua Sinui nomen *Le Golphe dell' Arta*, ad ostium Arachthi fluvii, qui ex Stymphe monte & Paroræis ortus, augetur in decursu centum fontibus Talaria montis, & præterlapsus Dolopes & Molossos abit in sinum. Sequitur Argos ab Alchmæone conditum in Amphilochiis, perit omninò. Aetium denique in Acarnania, ubi templum Apollinis Aëtii, hoc est, literalis positum in tumulo, qui faucibus imminet, infraque campus cum luco & navalibus, in quibus Cæsar de præda ex hostibus capta dedicavit decem naves ab uno remotum ordine actas, ad decirem usque, eodemque igne & naves & navalia absumpsit, ut Nicopolim illustriorem redderet, quam manubiis ornavit, & certamine quinquennali. Egressos Sinu Ambracio excipit Leucadium litus & mare instar Paludis, quod Acarnaniam rigat, *Le Despotat D' Acarnanie*; in ea maximè clara sunt Leucas & fl. Achelous: Oppidum Leucas fuit quondam in Peninsula, priusquam opere accolarū absunderetur, & fieret insula quam nunc dicimus *g. Maure*, à Turcis & Ju-

dæis habitata. Ad Leucadam petra fuit candida, unde huic insulæ, seu Chersoneso nomen, ex qua præcipites ruebant mulieres in amoribus suis minus felices. Achelous omnium Græciæ fluminum celeberrimus, sive quod primus post diluvium erupisse è terra fertur, sive quod Achelous quidam primus vini mixtionem cum aqua, in Græcia invenerit, sive denique quod in eo herba zaclon reperitur, quam si triveris, & in vinum conjeceris, fiet aqua, amittetque vim omnem vinum, tantum odorem retinebit: ut monet Plutarchus. Reperitur in ejus ripa lapis Galactites, qui si teratur, reddit succum album, & intra os receptus, memoriam bonam perimit. In eodem piscis est dictus aper, qui vocalis est, & grunntus emittit: è Pindo fluit & Dodonam præterluit, oraculum omnium, quæ apud Græcos fuerunt vetustissimum in luco querneò, in quo aliquando ipsæ arbores responsa dabant, alias duæ Columbæ, quarum altera Delphos, altera in Ammonis Jovis templum immigravit: aliquando viri, nunquam verò mulieres fatidicæ, ut alibi passim: fuit in Dodone fons ille gelidus, qui immerfas faces extinguebat, & accendebat eas, quæ extinctæ ipsi admovebantur. Ibidem etiam fons Anapavomenon, qui meridie semper deficit, moxque increscens, ad medium noctis exuberat, & exinde sensim siccatur. Hinc Acarnaniam ab Ætolia dividens in Sinum defluit Ambracicum; ubi Echinades exiguæ quondam insulæ, nunc arenâ & limo, impetu Acheloi convector, continenti annexæ: dicuntur *Cozzulari*. Ad eas Joannes

nes Austriacus maximam de Turcis victoriam reportavit anno 1571.

Ejusdem ditionis sunt Cephalonia, vern. *Cephalonga* 37.15. quinquaginta mille passus longa, ubi portus Argostoli magnæ classis capax & Assè trigona munitio: abundat lanâ, cerâ & manâ, sed aquarum laborat penuriâ: incolæ partim Græci, partim Itali, ex quibus expeditorum militum conscribi possunt quinque millia. Huic ad ortum proxima est Asteria, quibusdam Delos, in qua, ut ferunt, primum post diluvium sol apparuit, natus Apollo, & inventus sol: melius tamen Delum alii constituunt in mari Ægeo.

Sequitur Ithaca Ulyssis patria, scopulis aspera, Caprarum fertilissima, in qua nullus omnino lepus vivere potest.

Ad Austrum Eurum Cephalonia. Duodecim millibus ab ea in lat. 36. 25. apparet nemorosa Zacynthios, vern. *Zante*, abundans vino, oleo, sale, cerâ, maximeque uvis Corinthiacis, ex quibus ducenta capsarum millia quotannis efferuntur. Incolæ horis utuntur inæqualibus. Si piratæ excensionem moliantur, illic ubi ignes excitantur, tria sunt armatorum millia in procinctu, qui repugnent. Huic ad Austrum sunt insulæ duæ, Strophades dictæ à conversione Calais & Zethæ, qui huc usque harpyias persecuti, inde retrorsum se converterunt. Calogerii earum præcipuam colunt.

a *Iust.* l. 16.



## CAP. VI.

*Achaia, seu mera Græcia Pars Sinus  
Corinthiaco apposita.*

**M**ERÆ GRÆCIÆ fines sunt montes Oeta & Pindus fluvius Achelous, sinus & Isthmus Corinthiacus, Sinus Saronicus, Myrthoum mare, Euripus Euboeæ, Sinus Maliacus, & in eum desinens amnis Sperchius. Ibi genitus Rex nomine Græcus, à quo dicta Græcia: Ibi Hellen filius Deucalionis, à quo Hellenis: Ibi Achæus nepos Hellenis, à quo dicta est Achaja decimo quinto sæculo ante Christum natum. Varii in ea populi transmissio Acheloo sese offerunt. Ætoli martis filii, quos nunquam Macedones, solus nobilior Fulvius domuit: secundum mare, solum asperius, interiora plana sunt & fertilia. Medios perluit fluvius Evenus, vernac. *Ladifari*, ortus in Callidromo monte, fluit per Calydonē Regiam Oeni patris Meleagri, qui aprum miræ magnitudinis in sylva Calydonia interfecit: Hincabit Pleuronem eximium quondam Græciæ ornamentum, & inde in mare. Hinc sensim sinuatur litus ad promontoria Antirrhium & Rhium, vern. *Trapana* & *Crisa*, mille ad summum passus à se disjuncta, inter quæ ostiū sinus, qui ab oppidis circumpositis Corinthiacus, Crisæus, Patrarum, & Lepanti, seu Naupacti dicitur, cujus ambitus est 280. millium passuum, longitudo 85. altitudo verò tanta certis locis, ut bolide multorum stadiorum ejus non potuerit

deprehendi terminus, mare Alcyonium vocant aliqui.

Naupactus, vern. *Lepanthe*, Ætholiæ & Locridis terminus, ab navibus Heraclidarum ibi compactis nomen sortita. Cithra oppidum Phocidis, in quo Apollo colebatur ad radices Parnassi, montis undique fermè præcipitis, qui in duos vertices assurgit Tithoreum Hyampeum: hîc fuit Apollinis Delphici templum, hîc fontes Castalius, Hippocrene & Aganippe, ad quos habitavêre populi dicti Pyeres, unde & Pyrides Musæ & Mons.

Oraculum ipsum ajunt fuisse cavam profundè specum, aditu non admodum lato, ex qua efferebatur spiritus furoris divini efficax, supra orificium tripodem situm sublimem, quo conscenso Pythia, ubi spiritum conceperat, carmine, solutave oratione sortes pronunciabat. Idem Parnassus reperitur interdum dictus Larnassus, quod Larnax, id est, arca Deucalionis, illuc appulisset. Ab eo versus Austrum Eurum distant montes Cithæron & Helicon, ille circiter 15. passuum millia, hic vero 30. qui inter Copais celeberrimum Bœotiæ lacum & Sinum Corinthiacum longo tractu excurrunt. Pagæ oppidum famosum, unde Peloponnessi profilit cervix, quæ sensim ita coarctatur, ut inter Sinus Corinthiacum & Megaricum vix quinque passuum millia intercedant. In intimo recessu Megarici post Ilisum fluvium fuit Cenchrææ civitas, navale Corinthiorum ad Asianas negotiationes, & in Corinthiaco Lechæum, ad Italicas, muro duplici studio-

**Stadiorum** 12. **Corintho** junctum. Inter utrumque oppidum in ipsis faucibus fuit celebre templum **Neptuno** positum, ad quod quarto quoque anno in **luco Pinuum** opaco, **Isthmia** celebrabantur certamina in honorem **Neptuni**, instituta à **Theseo**. Perfodere **Isthmi** angustias navigabili alveo tentavere **Demetrius Rex**, **Dictator Cæsar**. **C. Princeps**, & **Domitius Nero**. Principes vero **Græci**, utrumque mare junxerant ducto hexamilo, hoc est, per sex mille passus muro; quem ab **Amurathe** dirutum, denuò excitarunt **Veneti** anno 1543. & duplici fossâ firmarunt intra dies 15. incumbentibus operi 30. millibus hominum, sed irritò, ut apparuit semper conatu, hunc siquidem iterum diruit **Mehemet 2.** Propter **Lechæum** navale, ad **Junonis Corinthiacæ** fanum, misceretur mari rivus **Pyrenes**, ortus in summo præcipitis montis, cujus perpendiculum est stadium stadiorum, adscensus triginta, in quo ædificata arx **Corinthiorum**, dicta **Acrocorinthus**, unde prospectus in utrumque mare. Ad radices montis fuit **Corinthus**, nunc **Coranto**, quam non tam diruit **L. Mummius**, quàm infame illud fanum **Veneris**, quod mille habebat sacrorum famulas, **Meretrices**: censentur nunc in ea domus ter mille, quarum incolæ pendunt **Turco** pro singulis furnis sex asperos.

**Sicyoniam** & **Corinthiam** **Nemen** fluvius, nunc **Langia** discernit. Præter **Sicyoniam** labitur **Asopus** apud **Carneates** ortus è monte **Coelossa**, cui conterminus est **Cyllene** mons altissimus **Arcadiæ**, quem aliqui dicunt assurgere ad 15. alii

ad 20 stadia, in quo merulæ candicantes, in quo fons Styx dictus, cujus aqua tam frigida, ut pota statim enecet, nullum vas etiam aureum nō perforaret, solâque mulæ ungulâ possit contineri, quo veneno quidam Alexandrum ab Antipatro non sine Aristotelis consilio putant peremptum.

Porro Sicyon prius Hellas, Ægialia & Mecone dicta, nunc verò Basilica caput & Ducatus Chiarenzæ, olim Sicyoniorum Regia ædificata in solo non admodum gleba terræ foelice, sed obliquo & aspero, viginti circiter stadiis à mari, in colle munito à natura, habuitque navale & portum; copiam tulit virorum sicut & Corinthus, & ad res civiles tractandas idoneorum & ad artificia exercenda; maximè enim in iis pingendi ac fingendi artes auctæ sunt. Est & apud Sicyonios pagus Ægium eo sitū loco, ubi Jupiter fertur à Capra enutritus, unde postea nomen oppido Ægira. Ab hac urbe ad Araxum promontorium in lat. 37. quidquid terrarum adjacet, peculiari nomine Achaja nuncupatur. Ad fauces freti habes Rhium promontorium, quod & Drepanum à falcis figura dicitur, cui opponitur Antirrhium, nunc *Elfretto Delli Castelli de Lepante*, hinc Posidonis vel Neptuni fanum: Postea Patras, olim Aroen dicta, ubi post Actiacam victoriam, Augusti jussu veteranorum colonia traducta, & D. Andreas martyrium passus. Est & in his partibus Dima oppidum, ad quod missi prædones à Pompejo Magno devicti, appositum est Cauconi fluv. qui fontem habet in monte Erymantho.

a *Araxus*.

CAP.

## CAP. VII.

*Peloponnesus.*

**N**obilissima hæc est totius Europæ peninsula Isthmo 40. stadiorum Græciæ annexa, colligans in circuitu passuum quingenta sexaginta tria millia: & penè tantundem per 5. sinus angulosos, quibus quinque maria Jonium, Siculum, Creticum, Ægæum & Myrthoum eam alatrunt, & ad instar folii Platani proscindunt. Dicebatur olim Pelasgia, deinde Peloponnesus, quasi *Nisus*, hoc est, insula Pelopis, qui ducta Hippodamia, Regnum dotale accepit. Cum simplici enim interdum reperiri scriptum, notat Eustatius.

Partes illius præcipuæ sunt Achaja, Elis, Messenia, Laconia, Argolis. Mediterranea tenet Arcadia, montibus 76. sese erigens, ex quibus flumina in omnes partes emittit, præter fontes varios singulari præditos virtute, inter quos celebrantur Clitoris, qui vini fastidium inducit: Alison, qui medetur iis, quibus rabidi canes nocuerunt, & Styx, de quo supra, Moream nunc dicimus: hanc occupavit Mehemet II. & Romam, ad Pium II. confugere cum capite D. Andrea compulit Thomam Paleologum Peloponnesi Despotam. Continet Archiepiscopatus 5. Corinthium, Christianopolitanum, Lacedæmonium, Novembaciæ, Napli & Patras. Episcopatus 12. cum 32. kadilis, in quibus jus dicitur.

Achajam superius a nobis descriptam excipit,



Elis, ab Araxo promontorio 38. 46. Ad amnem Nedam 36. 28. Hujus ora maritima proventu puræ nobilis est, & ager Byfso, quod genus est lini tenuissimi, coloris non rarò purpurei, ut habet Pausanias in Eliacis lib. 1. Est in ora maritima Cyllene Sophiano *Chiarenza*, 36. 42. Mercurii patria, Eleorum navale præcipuum, & portus per opportunus solventibus è Sicilia. Deinde ostium Penei amnis, in cujus ripa Elis, hodie *Belvedere*, ubi delubrum Jovis Olympii, forum & gymnasium celebrantur ab antiquis, nec non Pelopis os eburneum, quod statis temporibus morbo laborantibus ostensum, erat salutiferum, ut refert Plinius. Narrat verò Antigonus cap. 122. hic mulierem ab Æthiope adultero imprægnatam, filiam peperisse albam, ex qua postea & homine Græco natus est filius Ætiops. Elidis terræ cibis mixta efficit eos saporis exquisiti, si credimus Theophrasto. Refert verò Aristoteles in admirandis suis, Elæos certo die in templo Bacchi tres lagenas obsignatas collocasse, quæ postea resignatæ plenæ vini reperiébantur: nemini armato per hanc urbem & regionem transire licebat. Ab ea urbe regionis nomen. Sequitur promontorium Chelonites, hodie Cabo Tornasso, 36. 30. punctum versus Occidentem Peloponnesi extremum, quod suum communicat nomen sinui, in cujus ora fuit Salmone, ubi Salmoneus Rex fertur à Jove percussus vero fulmine, quod fabricato æneo ponte, currum desuper agitaret ad imitanda tonitrua, & in subiectam urbem & cives, quibus impotenter dominabatur, faces immitte-

ret.

ret. In hunc sinum, juxta Lucum Dianæ Alphus-  
 iæ evolvitur *Carbon* fl. antiquis dictus *Alpheus*,  
 quod vitigines & imperiginem sanet: fons ipsi  
 communis cum Eurota fluvio, in Asea Arcadiæ  
 vico, in radicibus montis Parthenii. Strabo lib. 6.  
 addit, quòd si quis coronas duas utrique fluvio  
 suam consecraverit, easq; in communem utrius-  
 que fontem projecerit, eam quæ fuerit Eurotæ  
 consecrata, Eurotam, alteram quæ Alpheo, Al-  
 pheum reddere: postea augetur rivis aliquot ex  
 Mantinea, ubi quondam Epaminondas post vi-  
 ctos altero prælio Lacedæmonios ipse occu-  
 buit; mox per plura stadia infra terram subit,  
 rursus erumpit & rigat Megalopolim, 36. 20. pa-  
 triam Polybii, quæ cùm ex ruinis multarum ur-  
 bium Arcadiæ crevissset, frequentibus colonis  
 huc missis ab Epaminonda, & ipsa tandem facta  
 est magna solitudo, cui nomen *Lundario*: hinc  
 Pisatam petit: receptisque Celadonte & Eri-  
 mantho, aliisque obscurioribus fluminibus, in  
 mare evolvitur 80. stadiis ab Olympiâ celebri  
 propter ludos, qui ab eadem urbe dicti sunt O-  
 lympici; primùm instituti à Hercule Cretensi,  
 usurpati deinde, cùm à Pelope, tùm ab Atreo, sta-  
 biliti denique ab Iphito Elco, anno ante Romam  
 conditam 23. ante Christi natalem 776. quo Co-  
 roelus & Elis cocus in iis coronatus. Ludis præe-  
 rant Elei, qui Agonothetæ seu Hellanodicæ dice-  
 bantur, numero primùm duò, tùm novem, postea  
 decem, aliquando 12. qui paulò ante ludicrum  
 denunciabant *d* inducias per civitates, ut si quæ  
 bellum gererent, tunc abstinerent ab armis. Co-

ram his Athletæ producti ad Jovis fidii statuam jurabant & omnes se disciplinæ numeros expleſſe: celebrabantur verò ineunte quinto quoq; anno lunari, seu quinquageſimo menſe, circa ſolſtitium æſtivum per 5. dies ab luna undecima ad quintam decimam, ſeu plenilunium *f. curſu*, ceſſibus, ſaltu, diſco & paleſtrâ. Proſus nudi Athletæ certabant, ut ſic juvenus exercita, veris certaminibus præluderet.

Viſtor, qui Olympionices dicebatur *g. oleâ*, quæ Philoſtephanos appellabatur coronatus, poſtquam feciſſet ſacra ad aras ſex, quas ſingulas par deorum obtinebat, non per portas urbis, ſed per ruinas murorum ſublimis in curru in patriam revehebatur. Obſervatum ſponte avolantes muſcas, per id tempus nuſquam hîc apparuiſſe, ſcœminas autem, leges & pudorem arcuiſſe ab his ſpectaculis narrat Apollonius cap. 10. In ludis Olympicis, cum multi milvi advolent, ut rapiant carnes, tamen ſacrificia non attigifſe; quod ſi eas rapuiſſent, lugubre putabatur oſtentum, ut habet Plinius l. 10. c. 10.

Ajunt verò in ipſa Elide partem Alphei abſorberi à terra, atque ſubter mare deſluere ex Græcia in fontem Arethuſam apud Syracuſas in Sicilia. Fidem faciunt ex aliquibus hoc loco projectis, quæ emerſerunt in fonte Arethuſio. In eundem ſinum abit fl. Amathus, qui per Pylum labitur, patriam Neſtoris, qui cum reliquis Græciæ Principibus venit ad Trojam, cum jam tertiam hominis ætatem viveret, & ſuâ eloquentiâ & experienciâ res Græcorum plurimùm promo-

vît.

vit. Non filebo, quæ notarunt Pausanias & Eustat. Eleorū equas nullos unquam generare mulos, nec asinos admittere; Fuit postea ad mare Pylus Nestoris, quibusdam dicta Arcadia, aliis verò Amathois, à fluvio, quo alluitur, flectitur deinde ora ad promontoriū Ichthum, hodie *Iardam*, ubi fuit Leprion, nunc Cajapa, quæ Arcadiæ tribuitur ab iis, qui Arcadiam ad mare promovent.

Elos à Messeniis distinguit Neda, amnis copiosus, cui pueri urbis Phialæ, huic amni appositæ, comas suas consecrabant: è Lycæo Arcadiæ monte defluit: ejus fontem Rhea Jovem pariens, lavacrorum causâ dicitur aperuisse, ipseque Jupiter dictus Lycæus. Fuit hic cultus infano, quod, qui sciens ingrediebatur, lapidibus illicò obruebatur. Circuitus oræ Messeniæ est stadiorum circiter 800. quo spatio continentur duo Sinus Cyparissæus ab urbe *S. Elie*, antiquis dicta Cyparissæ, à frequentibus cupressis, sub qua fons Dionysias, Bacchi Thyrsos elicitus: & Messenius à Messena, nunc Nisis dicti: habes postea Electam ad amnem cognominem. In medio Cyparissi in lat. 35. 36. prominet caput Coryphasium, nunc *Cabo Zunehi*, à quo parum removetur mons Ægaleus, sub quo fuit antiqua Pylus Messeniaca, & ante Pylum tres insulæ Sphagiæ, nunc *Prodono*, ubi plures apri, Atheniensium de Lacedæmoniis victoria celebris: Pylum, nunc dicunt *Navarino*, est portus amplissimus & munitus, ex quo hinc Venetos anno 1500. Turcus pepulit, & Albarinos oppidum condidit. In eadem ora, sed trans Coryphasium est *Modon*, 35. 20. antiquis

quis Methonæ, nec non Æpeas Strabonis una ex urbibus Achillis ab Agamemnone oblatis in dotem filiae. Portus est in hanc diem commodus & tutus, sedes Morabegi, seu Sangiadegi totius Moreæ; huic prætenditur *Sapienza*, insula duobus millibus à continenti remota, portu commo instructa, & minores aliquot aliae, omnes penè desertæ propter piratas. Sequitur postea Peloponnesi sinus alius, qui mari utgetur Cretico, qui Aneus dicitur ab oppido Asine: Coroneus à Corone, nunc *Coron*, & Messeniacus à Messene, circuitus est 80. millia millium passuum: trajectus à capite Acritas terminatur Messeniacus sinus promontorii Acrita & Tænaro, trajectus ab uno ad aliud est triginta minutorum. Acritas extremum sonat, hodie dicitur *Cabo Zunchi*. Asine, hodie *hancromini*, cujus incolæ ad Parnassum montem olim profecti Drynopes sunt appellati, ipsi tres insulæ Thyrides dictæ prætenduntur. Decem minutis ab ea fuit Corone, hodie *Coron*, urbs sita sub Thematia monte, colonia Thebanorum, ubi Jupiter & Apollo colebantur omnium morborum averrunci. Superius fuit Ithone, nunc *Grebergin*, sub monte Minthe collocata, sic dicta ab Ithoma nutrice Jovis, celebratur propter decennalem obsidionem Lacedæmoniorum, quam refert Thucydides. Hæc tota Regio, etsi duodeviginti montes contineat, & majore sui parte deserta sit, bonæ frugis tamen, ferax est, & multa boum equorumque alit millia, & Coroneus ager abundat oleis. Panyso amni apposita fuit Messene, hodie *Mossena*.



*niga* 35. §4. olim Corinthi perfimilis cum ob-  
 situs opportunitatem, tum propter Ithomam ex-  
 cellsum & præruptum montem, qui ipsi imminet,  
 ut Acrocorinthus. Corintho, unde tritum illud  
 de his duabus urbibus: Qui Peloponnesum suum  
 esse cupit utrumque cornu apprehendat, bovem  
 obtinebit, & verò diversorum Imperiorum fuit  
 regia, & quandiu stetit, variis causam tribuit cer-  
 taminibus. Ajunt hic cultum olim inter heroes  
 Aristomenem Messenium, qui trecentos Lacedæ-  
 monios interfecit, & cujus corpus post mortem re-  
 pertum est villosum. Ante eam urbem tres insulae  
 in imo sinu. Ad radices montis Taygetæ, non  
 procul à fluvio panyso fuit Pheræ Sophiano, di-  
 ctæ Oenusæ. *Cheramidi* & secundum Taygetum  
 ad litus maris Abea, seu Abæ, nunc *Calamata*, in  
 finibus Laconiae sita.

Succedit postea in ora maris Leuctrum Boë-  
 torum colonia, de qua lis magna inter Messe-  
 nios & Lacedæmonios, quam refert Pausanias,  
 nunc appellatur *Maina*, estque caput Reip. quæ  
 urbibus constat tribus, scilicet *Magni, Vitulo, Proa-*  
*ssi*, & 365. pagis Christianis, ritus Græci, qui an-  
 tiqua in hanc diem loquuntur Græcâ linguâ, li-  
 beri vivunt, nec Turcam (qui nullâ vi unquam  
 potuit eos subicere propter montes) nec quem-  
 quam alium colunt tributo. Fuerunt postea se-  
 cundum litus Oetylus urbs sic dicta à filio Am-  
 phitrionis & Hyppolæ, nec non Tænari fenestræ,  
 seu Janua. Totum hoc litus ad Tænarium pro-  
 montorium ipsis paret, & unicum est naviganti-  
 bus tutum in his partibus refugium, si tempesta-  
 tibus

tibus corripiantur; Regio abundat oleo, vino, frumento, carnibus, maximeque coturnicibus, quæ in hoc litore ponunt cubilia, unde nomen Coturnicum Portui. Taygetus mons ferina abundans, foetus metallis, lapidibus pretiosis, & marmore. A radicibus Arcadicorum montium recta fertur ad Tænarum promontorium, nunc *C. de Matapam* in lat. 35. dictum, ubi quondam urbs ejusdem nominis, ad quam Arionem, quem dorso exceperat, illectus cantu Delphinus, fertur deposuisse. Fuit & sanum Neptuni in Luco sitū, nec non antrum, per quod Cerberum ab inferis ab Hercule volunt extractum. Fuit & fons, teste Pausaniā, qui introsipientibus præbebat aspiciendas naves, qui portum subibant. Miraculum abstulit foemina, quæ vestem pollutam menstruis abluit in ea.

Dehinc inter Tænarum & Maleam, sinus Laconicus, nunc *Golpho de Colophina*, ducenta sex millia in circuitu, trajectu verò triginta novem millia colligit. Notat Strabo à Tænaro ad Phieuntem Cyrenaicæ regionis promontorium, stadia esse 3000. versus meridiem: ad Pachynum Siciliæ 1600. Stad. ad Corycum Cretæ 250. Stad.

In interiori sinus, fuit Gythium Nigro *Pa-laopoli*, navale tutissimum Spartæ, & statio multa effossione parata, in qua incensæ Lacedæmoniorum naves à Tolmide Atheniensi. Hinc certissimus in Cretam trajectus. Habes, deinde ostium Eurotæ, hodie *Basilipotamo*, in quo Nicanor lib. 2. de fluminibus ait, gigni lapidem Galeæ simillimum, qui ubi sentit inflari tubam, illic

Illic in ripam exilit quasi ad pugnam : quod si quis tum Athenienses nominarit , extemplo in altum demergitur. Oritur primò in Asca Megalopolitidis vicò , secundò postquam diu latuit , initio Berabinatidis regionis , & præter ipsam Spartam labitur , quæ alio nomine dicta est Lacedæmon , hodie *Musithra* , totius Peloponnesi urbs clarissima , Lycurgi stabilita legibus, quæ juventutem laborib<sup>9</sup>, nando, currendo, esuriendo, algendo, æstuando erudiebant. Hinc abduxit Helenam Paris. Eam nunc licet adhuc sine muro 50. circiter hominum millia incolunt. Turcus Castellum Acropolim edito in colle situm obtinet. Nunc in reliquo continenti Læconia , deficere jam mortales dicendi sunt , si cum eo tempore conferantur , quo hæc regio centum bobus quotannis sacrificabat, quod centum costaret urbibus ; Ad lævam ostii Eurotæ fuit Helos , unde Helotæ Lacedæmoniorum servi, quorum ebrietate filios suos docebant sobrietatem. Olim ad Eurotæ ostia fiebat piscatio concharum , quæ ad tincturam purpuræ erant aptissimæ. Ibidem non longè, ante promontoriũ Maleæ insula est Cythera armatæ Veneri sacra, nunc dicta *Cerigo* , Ægei maris specula duplici portu instructa, & urbe Episcopali *Capsila* , quæ in alta rupe & prærupta eminet , ad quam nullus est , nisi per callem excilum in rupe accessus : ditionis est Veneræ , vino abundat , oleo & onagris , in quorum capite reperitur lapis , plurimum utilis epilepticis, pleureticis, & puerperiis. Habet in ambitu sexaginta mille passus. Minores

nores insulæ & scopuli plures versus ortum hanc circumstant.

Caput Malea, nunc *de Malio*, æternâ nive albi-  
cat, incumbitque mari, quod & undarum mugitu,  
& tempestatibus penè continuis horrescit. Post,  
Malea Argolicus sequitur, Sinus ad Scylleum,  
trajectu 50. millia passuum, ambitu verò  
172. millia colligens: primas partes tenent La-  
cones, reliqua Argivi. Laconum fuerunt tem-  
plum Delium, & Epidaurus, dicta olim Lime-  
ria, ob portus commoditatem, nunc verò *Napoli*  
*de Malvasia*, ubi vinum inter Græca eximie ge-  
nerosum, Turcus munitionem occupat in mon-  
te sitam. Argivorum fuerunt Cyphanta portus,  
Prasiæ, Temenium, secundum quod labitur in  
mare Erasinus, qui è Stymphalide ortus mox  
subit montem & voragines obturatas, quæ Be-  
rethra nuncupant; rursus in Argeia erumpit &  
Argos, lustrat caput Imperii Argivorum, am-  
nemque excipit alium, qui Mycenæ lustrat Per-  
sei Regiam, nunc dictam *Agios Adrianos*, Masi  
verò jam proximus aquas excipit, quas emittit  
Lerneæ Palus hydræ fabula celebris. Post Te-  
menium sequitur Nauplia Argivorum navale sic  
dictum, quod frequenter navibus impleretur;  
nunc vocant *Napoli di Romania*, numeranturque  
adhuc cives in ea plusquàm 50. millia. Fabulantur  
verò hic olim fuisse Canathum fontem, in quem  
se Juno quotannis prolueret, ut virgo fieret de-  
nuò. Dicebant præterea asellum rodentem vitis  
pampinos docuisse ipsos vitium luxuriem rese-  
care, ut fructus ferrent uberiores. Deinceps à  
Nau-

Nauplia specus sunt, & in iis ædificati labyrinthi à Cyclopibus. Mox sequuntur minores duo Sinus ab Asina & Hermione urbibus dicti: in hac fuit templum Cereris & Proserpinæ cum Asylo. Putarunt verò hinc ad inferos viam esse brevissimam, ideoque hinc à morientibus Naulum non exposci. A promontorio, quod Scylleum, vern. *Schilli*, dicitur à Scylla Nisi filia, quæ huc appulit ejectâ fluctibus. 177. mille passus ad Isthmum numeramus. Secundum Sinum Saronium, cui nomen à nemore quercu, ita Græcia antiqua appellante quercum. Hoc spatio reperiuntur Troezen, nunc *Damala* vel *Pleda*, olim Regia Pithei, & patria Thesei, quæ Atheniensium, adversus Xerxem proficiscentium uxores & liberos perhumaniter susceperunt, duobus obolis in singulos distributis puerisque factâ potestate, ut undecunque liberet, poma acciperent. Nemo hinc nubebat, aut ducebat, quin Hippolyto comas tondisset: virgines præterea Minervæ Apaturiæ zonas offerrebant. Epidaurus, hodie *Cherronesi*, 36. 43. unde Romani missâ triremi Æsculapium evocarunt.

Ægina oppidum, à quo dicti Æginetæ, qui hoc litus incolebant, sicut & saxosa insula Ægina, ambitus passuum viginti millium, à Piræo portu distans millibus 12. in qua Æacus regnavit & Myrmidones, non è formicis facti homines, sed viri instar formicarum operibus addicti, & in speluncis hinc degentes, ad quadringenta & septuaginta millia. Cenchræ Corinthiorum versus Orientem navale, & ab eo distans 45. stadiis  
Schœ.



Schoenus portus, ubi angustissima est Isthmi pars & Neptuni Isthmii fanum celebrisque illa columna, quæ Peloponnesum separabat ab Ionia, sic enim ea regio dicebatur, antequam Megaris conderetur. Inter Schoenum & Sunium promontorium stadia 680.

a Eustat. in Dion. b Pausan. in Eliac. Diod lib 3. c Athen. lib. 9. Pausan. in Eliac. d Thucid. lib. 5. e Pausan. in Eliac. f Pindar. & ejus schol. ad Olymp. 5. Tozet. ad Lycop. Pausan. in Lacon. h Pindari schol. in 8. Olymp.

## C A P. VIII.

### *Mera Græciæ pars altera.*

POST emensam Peloponnesi oram, maritima Helladis iterum lustremus. Post Isthmum offert se primo loco promontorium Minor, quod Nisæ, nunc *Saline*, Megaræsiū navale efficit, distans ab urbe Megara, nunc *Megra*, 37. 26. stadiis 18. quæ longo utrinque muro connectuntur: hinc oriundus fuit Euclides quintus Geometra, de quo (quod de nullo mortalium) dixit Proclus, *nusquam deceptus est*. In foro Megarensi diu stetit Oleaster, cui viri fortes appenderant arma sua, quæ cortice ambiente ætas occultaverat. Fuit autem arbor illa fatalis excidio urbis præmonitæ oraculo, cum arbor arma peperisset, quod succisæ accidit, ocreis, galeisque intus repertis, ut habet Plinius l. 16. cap 39. Regio aspera est sicut & Attica propter Oneios, hoc est, Asininos montes, quorum dorsum saxis Scironiis ad Cithæronem

nem montem & mare, quod ad Nysæum est, porrigitur, qui has partes separant à Bœotia.

Naviganti à Nisæa versus Atticam s. exiguæ insulæ occurrunt. Inde est Salamin longa 75. stadiis, urbem habens cognominem, suo claram Ajace, & victoria, quam 180. naves Græcorum, de 1000. Persicis retulerunt. In ora montes sunt Cerata, seu Cornua, qui Megaricam dirimunt à Ducatu Atheniensi. Sequitur urbs Eleusin, nunc Lepfina, Cereris mystico delubro celebris: Matronæ siquidem, quæ in casto Ifidis, aut Cereris erant, per totos sacrorum dies stramenta habebant ex herbis, ac foliis viticis Thymelææ & aliarum herbarum, quæ castitati conducere existimabantur in ipso templo, quibus incubabant. Maritus verò ejus mulieris, quæ sacris observandisque diebus non abstinebant à concubitu, cogeatur veniam petere, & magnâ mercede, ac poenâ violatum Cadurcum redimere. Deinceps est Amphiale promontorium, quod injecto aggere, dum Xerxes conatur jungere cū Salamina, navium jacturâ, & suorum fugâ præventus est. Ibi & duæ sunt parvæ insulæ Pharmacusæ, in quarum majore ostenditur sepulchrum Circes. Inde Piræus, hodie Piræo, ad ostia Cephissi fluminis, qui Athenas rigat, hodie *Setimes*, 37. 15. & Munychiæ Peninsulæ fauces angustæ, & post eas tres portus, armamentarium & navale 400. navibus recipiendis sufficiens. Olimungebatur Piræus muro 40. stadiorum cū urbe Athenarum, & cum saxo Astu undiqueque domiciliis cincto, in cujus templo colebatur.

ebur-

eburnea Minerva Phidiae opus rarum. Antiquae Academiae toto orbe celeberrimae vix ullum nunc apparet vestigium. In Monasterium conversus est Arcopagus, celebre illud Martis templum, in quo de causis capitalibus pronuntiabant Iudices severissimi tantâ integritate, ut non aut non interdiu judicarent, quo, non dicentes, sed quae dicerentur observarent; Partem urbis superiorem, in qua est ara Ignoto Deo inscripta, Turcus occupat: Mediam Christiani: Infimam homines omnis generis. Pauci sanè si conferantur cum censu hujus urbis, quem instituit Demetrius, in quo cum civium numerus viginti unum millia, non excederet, reperta sunt tamen advenarum decem, & servorum quadringenta millia, ut refert Ctesicles apud Athanæum l. 6. Cephissus & Ilissus torrentes, priusquam mari misceantur, Athenarum Oliveta ita foecundant, ut oleum urbi Constantinopolitanae, in hanc diem sufficiant. Post Pyraeum Phalerenses in proxima ora variique vici, Curiae & insulae minores ad Sunium promontorium, hunc *Cap. de Colombe*. Ubi Helena insula aspera & deserta, longa 60. stadia, nec non Cia huic proxima, in qua tres olim civitates. Ubi circumflexeris promontorium, offertur Marathon, ubi Miltiades, Datis Persae copias internecione delevit. In Marathoniis campis, inquit Pausanias in Atticis, audiuntur adhuc per totam noctem equorum hinnitus, & pugnam cientium hominum species cernuntur. Qui de industria eò accedunt, ut hæc videant, mali multati discedunt; at iis, qui fortuito, nihil

mali

mali contingit. Oropus Atticæ & Bœotix limēs,  
ubi oraculum Amphiarai.

Deinceps sequuntur maris angustix quibus se-  
paratur Eubœa insula, à continenti Bœotix mo-  
tu terræ avulsa. Plurimæ hic olim urbes, jam tan-  
tum nomina. inter quæ memoratu digna est Au-  
lis urbs cum portu 50. navium capace ubi Græci  
cum Agamemnone in Trojæ excidium conjura-  
gunt: Ponte duum jugerum conjungitur Chalcidi  
Eubœæ urbi præcipuæ, quàm nunc dicimus  
*Negrepont*, 38. Terræ motu à Bœotia abrupta est  
hæc insula dictaq; olim Abantias ab Abantibus,  
qui in ea rerum potiti sunt ex Phocide digressi.  
Instituta postea Republica duæ Chalcidis &  
Eretriæ quæ postea in varias regiones dimisere  
colonias: reperitur etiam dicta Onche à monte  
hic insolitæ magnitudinis, & Chalcis quod hic  
primum officinæ ærariæ inventæ sunt. Longitu-  
do hujus insulæ fuit stadiorum 1125. latitudo  
250. Academia hic olim celebres Eretriensis &  
Chalcidenfis. Hic mortem obiit anno ante Chri-  
sti æram 447. naturæ genius Aristoteles natus  
tres & sexaginta annos, correptus febris æstu ex  
vehementiori contemplatione æstus hujus Eu-  
ripi, qui alterno cursu septies die & septies nocte  
recurrat, eo impetu, ut navigia repugnantibus  
ventis rapiat. In Chalcide nullum pecori est jecur,  
inveniuntur & pecora quæ carent felle. Anguillæ  
aureis & argenteis ornata inauribus & mugiles  
mansueti. Pisces vero juxta Eubœam adeo falsi  
sunt, ut falsamenta vulgo existimentur. In Cary-  
sti lapidicinis collectu lapidei glomi & molles  
qui

qui ducebantur ut linum, unde conficiebantur mappæ quæ igne non absumebantur, sed tantum purgabantur, vide Strabonem lib. 10.

In hunc Euripum fluvii tres præcipui Aſopus, Ilmenius & Cephifus effundebantur. Ad Aſopum sitæ sunt Plateæ ubi Græci Mardonium cum 300. millibus Persarum occidione occiderunt. Ad Ismenium Thebæ heptapylon dictæ à 7. portis, ubi nati Hercules, Liber pater, Pindarus, Pelopidas, & Epaminondas, nunc dicitur *Stines* estq; Metropolis Bœotiae. Ad Cephissum Chœronea 37. 45. ad quam Philippus Macedo post acre prælium factus est Græciæ dominus, Romani copias Mithridatis debellarunt, & natus est Plutarchus Lyra Philosophiæ. Cephissus alveum sæpius mutat sicut & cæteri Græciæ fluvii, propter crebros terræ motus, urbemq; Copas à quâ dictus Copais lacus, olim submersisset nisi post aliquot dies, ad eum locum, ubi postea fuit Larymna superior, hiatus terræ factus amni subtus terram merso aperuisset alveum, qui postea mergitur Euripo ad oppidum, cui nomen Larymna inferior. Post oram Bœotiae continenter jacet Sinus Opontinus. Opus primaria urbs nomen fecit, Cynus Opuntinorum fuit navale & monumentum Pyrrhæ; è regione Ædepsi Eubœæ, ubi calida sunt Herculis lavacra inter Opuntem & Cynum planicies felix; fuit postea Cnemides oppidum Locrorum.



## CAP. IX.

*Thessalia.*

**U**Berem Thessaliæ planiciem dictam, nunc *Iannam* quæ tria complectitur a stadiorum millia, & in qua numeratæ olim urbes 75. cingunt ad instar Amphitheatri montes quatuor & triginta, quorum præcipui Pindus & Pierius Musarum domo, Olympus, Ossa & Pelion Gigantû bello memorati: Eam verò ita separât ab Achaia, Epiro & Macedonia, ut expediti, vix calles inveniunt ad transitum; quin & ora maritima quæ à Thermopylis extenditur ad ostia Penei, editior est interiori camporum æquore: hinc tanta nascitur serpentum copia, ut nisi tollantur à Ciconiis regio sit inhabitabilis. Thessali memores beneficii caverunt sub pœna capitis, ne quis vel unam interimat. Unica est in hanc vallem via per montem Callidromû 60. passus latam per quam traduci potest exercitus: eam propterea Latini portam, Græci Pylum, & propter fontes calidos quibus irrigua est, dixerunt Thermopylas.

Ubi à Pylis navigaveris per sinum Maliacum incidēs in ostia Asopi & post stadia 10. ad Sperchii, in cujus aqua Achilles comam abluit: hic recepto Acheloo labitur Heracleam inter & Lamiā, bello claram Lamiaco inter Antipatrum Macedonem & Leosthenem Atheniensem. Sequitur parva insula Myonesus ante Larissam urbem, à qua dictus Achilles Larissæus: deinde Antron quæ Protefilaum habuit dominum: supra sunt Thebæ, post Pyrrha promontorium, &

duæ exiguæ insule, nomen uni Pyrrha; alteri Deucalion terminus Phthiotidis regionis Achilli subditæ. Hanc excipit Magnesiæ litus in quo Pagasæ, ubi Argo navis compacta. Jolcos Jasonis patria, unde & missus est ad vellus aureum. In ea urbe ludos funebres primum institutos ab Acasto tradit Plinius.

Demetrias caput Magnesiæ & Macedonum aliquando Regia & navale à Demetrio Poliorceta filio Antigoni conditum ad Nauri ostium. Ante Magnesiæ sitæ plures insulæ, inter quas & radices montis Pelii maximè ad Sepiadem promontorium & Casthanæam flante subsolano multæ naves Xerxis allisæ perierunt. Dicearchus Mathematicus hunc montem ad 10. stadia assurgere ratione perpendiculari demonstravit. Secus hunc montem habitarunt, qui primi equos domare, & ex iis pugnare cœperunt, quo factum, ut à vicinis populis primum conspecti, membra partim humana, partim equina habuisse crediti sint, iidemque dicti Centauri, quod equis insidentes, cestibus & stimulis boves ad tecta revocarent, est etiam celebris propter nuptias Pelei, & Achillis educationem per Chironem Centaurum.

Hinc longis in altum immixtis lateribus aperit se Thermaicus sinus, in quo sita est Melibœa, Phlœtæ patria; apparent postea montes Ossa & Olympus gigantum fabula celebres, qui cum olim cohærent, dicuntur terræ motu recessisse, tuncque sibi viam aperuisse in mare Peneum qui paludes quibus laborabat Thessalia, siccavit, abductis in se, quæ sine exitu stagnabant aquis, unde  
etiam

etiam reperitur apud Strabonem dictus Araxes ab *arasso*, hoc est scindo; ad ostium convallis est nemorosa Tempe dicta ob amœnitatem, ab omnibus decantata, à qua deinde omnia amœna loca dicta sunt Tempe: per hanc Peneus ortus juxta Gomphos defluit quingentis stadiis, dimidio ejus spatio navigabilis: omnes oves quæ potant ex aqua ejus, fiunt nigre: accipit in decursu amnes plurimos, & in his Euroton quem alii vocant Titaresium olei modo ipsi supernatantem, nec non Enipeum in cujus ripa Pharsalus, à quo Pharsaliæ Campi, in quibus duorum ingentium bellorum civilium procellæ detonuerunt; primum inter Cæsarem & Pompejum, alterum inter Augustum & percussores Cæsaris. Porro memineris geminū in Græcia montem fuisse dictum Olympum, unum in Peloponneso, in quo celebrabantur Ludi Olympici, apud Pisas Elidis, sitas inter Ossam & Olympum: alterum in Thessalia de quo agimus, quem autores dicunt assurrexisse ad 10. stadia ratione perpendiculi ejusq; verticem ventis & pluviis superiorem quasi literę cineribus inscriptæ in summo ejus, integræ perseverassent in annos plures: verum falsitatis arguuntur à pluribus qui contrarium se expertos profitentur apud Raphaelem Averfa: in opere suo Philosophico de montibus, Lauro confitus est, & buxo caretq; omni lupo. In Ossa fuerunt Lapitharum domicilium, multi Teones, & locus dictus Scalæ Alexandri. In his etiam partibus Suidas & Tzetzes aiunt habitasse Polydamantem Scotusæum Pancratistem omnium mortalium maximè procerum & fortissimum,

qui adhuc juvenis Leonem in monte Olympo occidit, Taurum ungula tenens non dimisit, nisi relicta ungula in manu. Currum agitaturn ab auriga, equisq; pernicibus impulsis altera manu retinuit immotum. In spelunca autem, fornice collapsa, fugientibus reliquis, stetit putans posse se cohibere ruinam, saxorum tamen pondere obrutus periit.

a Plin. l. 4. Strab. l. 9.

## CAP. X.

### *Macedonia.*

**H**Æc est illa Macedonia populis 150. incluta, quæ reges numeravit 40. inter quos maxime illustres Philippus Græciæ domitor, Alexander etiam Asiæ, quorum virtus id assecuta est, ne quis toto orbe locus sit, qui eos ignoret: parte ejus occidua quæ extenditur secundum mare Adriaticum à montibus Acrocerauniis ad Drilonem amnem, superius descripta à nobis sub nomine Albanix, alteram nunc percurramus calamo, quæ mari Egæo apposita, patet à Peneo amne ad Strimonem, vel si mavis ad Nessum fl. In ora est Dium, urbs statuarum multitudine ornata, parum distans à monte Pimpla, in cujus radicibus fons Musis sacer, ad quem Thraces mulieres dicuntur lacerasse Orpheum, quod ab earum amore homines avocaret; vicesimo autem hinc, versus montem Pieriũ stadio collecta membra à Musis reposita in urnâ super columnam.

In urbe Pydna Alexandri mater Olympias venit in potestatem Cassandri. In planicie vero proxima

proxima Perseus ingenti pugna ab Æmilio Paulo superatus est. Ab ea stadiis 40. distat Methone in cuius obsidione Philippus Macedo damnatus est altero oculo, ictus sagitta ab Astere oppidatio emissa nominibus Asteris & Philippi qui petebatur, inscripta.

Non longè ab ostio Axii fuit Pella nunc Jeniza urbs quam Phlippus auxit, Alexander verò sibi Regiam constituit. Hic videbatur tumulus Euripidis, & alebantur serpentes cicures, qui fabulæ de Alexandro nato ex serpente potuerunt locum dare.

Axius vero nunc *Vardari* fluviorum Macedoniæ maximus, in Scadro monte ortus Præoniam Pelagoniamq; præterfluit, Mygdoniam separat ab Emathia admissis fluviiis Erigono, qui Ædesam, sive Ægæam hodie *Vodena*, caput Emathia, perlabitur urbem, in qua mos sepelire Reges, & Chidoro nunc Granea, qui ab exercitu Xerxis potante, dicitur defecisse, tandemque evolvitur in sinum, qui Thermaicus appellatur, ab aquis & oppido Therme, quod postea augmentum magnitudine & ornatu, Thessalonice dictum est in gratiam uxoris Cassandri, vel ut volunt alii à Philippo, qui cum ad eum Thessalos devicisset Thessalonicam dixit. Extrema ejusdem sinus occupavit Olynthus Macedoniæ urbs maxima à Philippo capta proditione Amynthæ.

Proximo sinui Toronaico nomen dedit urbs Torone, sequenti Singitico Singus, hodie *Golfo d' Aiomana*: & *Golfo de Contessa*. In



flexu habes Acanthum urbem auctoritate & opibus pollentem. Hinc mons Athos dictus ab Atho gigante excurrit in mare per 75. passuum millia, colligens in ambitu, 150. millia, junctus continenti Isthmo mille quingentorum passuum, quem Xerxes Persarum Rex vindicaturus injuriam quam allisa classe sibi persuadebat accepisse ab hoc monte, opera Classiariorum, abscidit, & effosso Euripo capace duarum triremium insulam fecit; tantæ est altitudinis, ut per 300. Stadia umbram projiciat ad forum urbis Myrrhinæ in insula Lemno. Multi qui hunc montem incolunt ad centum & quadraginta annos vitam producunt. Est & civitas ejusdem nominis super eodem monte sita, Italis *monte Sancto*, Incolis *Agion oros* quod cum colant soli Caloierii, seu D. Basilii Monachi in viginti quatuor Monasteriis distributi.

Post Isthmum fuit Stagyra Aristotelis & Hipparchi natalibus inclyta, sinui apposita quem dicimus *Golfo de Monte Sancto*, majores Strymonium à Strymone fluvio, propter olores & onerotalos celebri, ortus in Emo, funditur in 7. lacus, deinde cursum dirigit per Amphipolim Atheniensium coloniam, quæ cæteras ejus regionis urbes rerum copia, magnitudine & populi frequentia superavit; ab ea stadiis 25. distabat Eione ejus navale.

Ab eo 15. circiter millibus distat urbs Philippi, quam Amyntæ filius suo nomine appellavit & munivit, tum quod adversus Thraces bello gerendo apta erat, & proxima faucibus Pangæi montis, quibus iter est in Thraciam, necnon ad fodinas auri

auri & argenti, quæ annua reddebant talenta mille. Imo Aristoteles in suis admirandis ait ramenta hujus auri dejecta, crescere, aurumq; manifesto produci. Apparent adhuc parietinæ celebris muri & turris in his partibus excitati, quo Macedonia separabatur à Thracia. Saniacus regionis degit Cavallæ 2. millibus ab antiqua Philippi in urbe totius regionis hujus munitissima.

## CAP. XI.

*Thracia antiqua.*

GRÆCIÆ proxima est Thracia à Strimone fl. patens secundum mare Ægæum, Propoatidem, Pontum & Istrum ab ostio ad confluentiam Savi, Almatarum, Macedonumq; montana, ab ortu & Ponto ad occasum & Illyricos penitus immissa; pars ejus nunc dicitur Romania à præcipua urbe quam Constantinus novam Romam jussit appellari, Stephanus dictam vult Thraciam à Nympha iscantatrice, Titanis filia ex qua Saturnus Dolongum filium suscepit. Existimant alii à *Trachy*, hoc est, aspero ipsi nomen inditum à Græcis, quod tunc esse regio, nec cælo læta nec solo; & nisi qua mari propior est, infæcunda, frigida & eorum, quæ feruntur, maligne admodum patiens, raro pomiferam arborem, vitem frequentius tolerabat, sed nec ejus quidem fructus maturescebat, nisi ubi frigora objectu frondium cultores arcuerant. Sale carebant & mancipia pro sale distrahebant, unde sale empti nullius precii nominati sunt homines. Interior montes attollit,

Hæmi excelsitas sex mille passibus subitur, ex summo vertice Euxinum & Adriam ostentat, vastis jugis procumbit in pontum, ejus devexa in Istrum, Moësi, Getæ, Sarmatæ & Scytæ accolebant. Post cum maximè sublimes Rhodope, & Orbelus in quibus canere solitus Orpheus in sacris Liberi patris & cætu Mænadam, perpetua nive pleriq; vertices candicant, validissimas Europæ habebat gentes in Strategias, hoc est, præfecturas 50. divisas aliis aliisq; præditas & nominibus, & moribus, liberos suos ab infantia indurabant ad labores corporum: magnitudine cæteros homines antecedeabant, punctos habere vultus, cæruleos oculos, trucem visum, terrificum vocis sonum, annosam ætatem, apud eos gloriosum indicabatur. Ipsis fuit diu vini usus ignotus, licet ubi super ignes quædam semina injecissent, non absterilis ebrietati hilaritas consurgeret; cõstat postea usos Brito, hoc est certa potione, quàm Athenæus ait confectum ex hordeo & frugibus. Agricola contemnebantur, quod eorum aliqui ita erant stupidi, ut ultra quatuor numerare, vel numerata retinere non possent. Ad mortem omnes erant paratissimi. Alii redituras putabant obeuntium animas; Alii etsi non redeant non extinguunt tamen, sed ad Zamolxim, hoc est Martem Deum suum ad beatiora transire; alii emori quidem, sed id esse operæ pretium magis quàm vivere: itaq; lugentur apud quosdam puerperia, funera contra festa sunt. E pluribus nuptis ea cui contigerit ex sententia parentum defuncti super corpus viri interfici, & cum eo sepeliri, votum eximium habet.

habet. Si cœlum tonat vibratis in altum sagittis unum se Zamolxim Deum agnoscere profitebantur: si populus Regem volebat habere, virum deligebat in veteratæ clementiæ, annis gravem & cui non essent liberi, ne Regnum fieret hæreditarium, & 40. rectores ei assignabat ne solus iudicaret: paucos habuerunt, qui continua serie sibi succederent, forte nullos qui toti Thraciæ imperarent. Discordes inter se duo Reguli arbitrium delegerunt Philippum Macedonem, qui hac ratione magnam Thraciæ partem occupavit, totam obtinuit Alexander filius. Duo alii similitet Romanos evocarunt, qui dissensiones eorum ita composuerunt, ut consumptis belli Ducibus, Sabinus de omnibus sub Tiberio Cæsare triumphaverit circa annum Christi 27. Demumq; sub Claudio Thracia Romani Imperii facta est Provincia circa annum Christi 48. nec citò, nec impune subacta. Rerum gerendarum præstantia nihil sunt inferiores majoribus, qui hodie habitant.

## CAP. XII.

*Imperii Constantinopolitani initium,  
progressus & finis.*

**D**iviso, ut monuimus supra, Romanorum Imperio, variisque simultatibus exortis inter Licinium & Constantinum Imperatores, Licinius circa Hadrianopolim maxima accepta clade à Constantino, Byfantium se recepit, iterumq; navali pugna victus, demùm novissimo ad

Chalcedonem prælio debellatus sequenti anno, qui fuit æræ Christianæ 325. cum novas res moliretur, peremptus est Theſſalonice. Conſtantineſis hoſtili perfunctus metu, Byzantium inſtauravit, & ut antiquæ Romæ par eſſet, ſedem Imperii conſtituit, eam dedicavit 5. Idus Maias anno 330. legemq; tulit lapideæ columnæ inciſam, ut nova Roma appellaretur. Varia deinde fuit huius Imperii facies ad annum Chriſti 1204. quo diſſidentibus inter ſe Imperatore Iſacio Angelo, & Alexio filio, multisq; Regni viçes alternantibus, de communi conſilio fœderati Principes Latini, capta Conſtantinopoli primum dixerunt Imperatorem Balduinum Flandrenſem Comitem. Hæc dum Latini agunt in urbe, Theodorus Laſcaris à Græcis Imperator creatus, Nicææ in Bithinia ſedem conſtituit, qui Sultanum Turcorum, ſua manu peremit, mortuusq; eſt anno 1222. recuperataq; à Græcis Conſtantinopolis anno Chriſti 1261. Verum graſſantibus ubiq; Barbaris, aliisq; ſuper acciſis Provinciis, demum anno 1453. Conſtantinopolis octavo anno Conſtantini octavi, ſævæ Turcorum tyrannidi ſubjecta eſt; ſicq; quod in Occidentis Imperio accidit, ut ab Auguſto ceptum, deſineret in Auguſtulo: hoc in Oriente factum eſt, ut quod in Conſtantino Magno ceperat, perinde in Conſtantinello deſineret.

---

CAP. XIII.

*Turcici Imperij initia & progreſſus.*

**A** Scythiſ, qui Caucaſios montes inter Pontum Euxinum & mare Caſpium habitabant  
orti



orti existimantur hi populi, quos exteri vocarunt Turcos, quod diu obscuri in silvis & montibus ferina victitassent, Turcum enim sive Turcam significare hominem, qui agrestiore victus rationem sequitur, dicunt viri docti, sequuti Chalcondylem libro primo. Primum cogniti sunt Europæis circa annum Christi 625. quando inde progressi Heraclio imperante, portis Caspiis Persidem populati sunt, & Romanis contra Chosroem auxilio fuerunt. Postea de Perside cum Saracenis eam occupantibus, magna contentione decertarunt; ac demum eos inde expulerunt, cum prius Mahometicam ab illis superstitionem hausissent circa annum 1042. Inde in Syriam, Cappadociam, & minoris Asiæ Provincias infudere sese, unde septem extitere Principatus, è quibus extinctis reliquis, unius Othomani seu Osmanis posterorum potiti sunt, à quo in Turcorum deinde Principibus Othomanorum nomen resedit. Hic animi magnitudine præstans evocatus à Græcorum regulis, ipsos summa vi Græcos adortus, cum alia plurima oppida, tum Prusam sedem antiquam Regum Bithiniæ ad deditionem coegit, Regniq; sui sedem constituit, anno Christi 1300. ubi etiam mortuus est anno Regni 28. ætatis 69. Christi 1328 & sepultus, multiq; ab eo Sultani etiam post captam Constantinopolim. Othomanus moriens, cum liberis careret, Regni habenas tradidit Urchani filio, qui primus ei fuerat à Confiliis: hic Mysiam, Lycaoniam, Phrygiam, Cariam, cæterasq; ad Hellespontum & Euxinum regiones ditioni subiecit suæ, dum Cantacuze-

nus & Palæologi odiis certabant. Amurathes copias in Europam traduxit, Callipolim, Hadrianopolim, ac circumjectas provincias occupavit Bajazetes ejus filius longè ferocissimus, Mysiam, Bulgariam, Macedoniam, Thessaliam, Atticam Turcicæ ditionis fecit & Constantinopolim pluribus obsedit annis. Amurathes secundus ex Asia transportatis per Hellespontum copiis Thessalonicam cœpit, contra Hungaros movit & Joannem Hunniadem ducem fortissimum & Christianos ann. 1440. Urnensi prælio profligavit. Fuit ejdem cum Scanderbego rege bellicosissimo acriter certamen, cujus dum regni caput Crojam obsideret, ex traxerore decesit anno Christi 1451. Muhammedes secundus duo Christianorum Imperia evertit. Primò Constantinopolim obsedit obtinuitq; anno 1458. Maji 29. FERIA 3. Deinde Colchidem obtinuit & Trapezuntinum Imperium quod capta à Latinis Constantinopoli Isaacius Comnenus ante annos circiter 250. fundaverat, extinxit abducto Constantinopolim Davide Comneno & ibidem interempto. Ad hæc regna 12. urbes supra 200. expugnasse dicitur. Idem ab Tauruno quam Belgradum vocant Joannis Hunniadis virtute pulsus, Corinthum, Lemnon, Mitylenam, Euboeam Venetis eripuit. Genuensibus Theodofiam, seu Capham, Rhodum frustra tentavit, Hydruntum in Italia cepit: obiit an. 1481. Bajazethes II. Venetis Naupactum, Metonam, Dyrrachium ademuit. Selimus Mammalucos, sive Circassos in Aegypto debellavit, eorumq; Sultanum Tommbaibum apud Cairum suspendio necavit anno 1517.

## CAP. XIV.

*Chorographia Thraciæ.*

**N**estus amnis Pangæi Orbeliæ montis ima ambiens Nicopolim alluit, & ibidem Jatrū fluviolum admittit: ad Mesti ostium fuit Tinda Diomedis equorum stabulis dirum, qui immanibus equis vorandos solitus objectare advenas, iisdem ab Hercule objectus. Est in proximo urbs Abdera quam ejus soror suo nomine appellavit, quæ postea Democritum Physicum tulit: nunc dicitur Asperosa. Circa hanc urbem & limitem, qui Diomedis vocatur, equi pasti Dyctamno inflammantur rabie. Ultra ad ortum Bistonia urbs, & lacus Bistonis, in quem multi fluvioli cadunt, mox fl. Schoenos & ripæ ejus adjacens Maronia: Deinde Serrium promontorium, ex quo canentem Orpheum secuta narrantur nemora. Hinc mare excipit Hebrum ante Rhombum qui nunc *Marisa*, ortū in Rhodope: initio Jente fluit, urbes alluit Philippopolim ante a Trimontium Philippi Cæsaris opus: Hadrianopolim, *Andrinople*, Ænos nunc Traianopolim, Doriscum campum, ubi Xerxes copias suas numeravit. Æneum Græcis *Eno* Turcis *Ignes* oppidum liberum ab Ænæa profugo conditum, de quibus mox iterum dicam: In mare Ægæum è regione Samothraciæ insulæ se exonerans auri ramenta interdum emittit, maxime, cum auctus nivibus fertur concitatus. Secundum eum celebris est viâ quæ Belgrado ducit Constantinopolim. Ubi enim quis transmisit montem *Dervent*, seu Catenam mundi quæ Hungariam

Hungariam separat à Romania, is habet necesse præterire dextrorsum montem Rhodopen & auditum tympanorum sono, quibus præsidarii milites periculum indicant, quod à prædonibus imminet, operiri viæ Duces, qui per eas montium angustias nulla mercede solent hic attribui peregrinis versus Poneropolim, quæ fuit postea à conditore dicta Philippopolis, & nunc à situ Thermontium oppidum nudum mœnibus Archiepiscopalis dignitate celebre Christianis perinde, & Turcis cultum. Hinc itur Adrianopolim urbem quæ in Imperio Turcico secundas tenet, opus Adriani Imperatoris, amplificatum ab Amurate, qui ex Bursa huc transtulit Imperii sedem, donec expugnata est Constantinopolis. Ad collem quem urbs occupat miscentur Hebro Tunza & Harda antiquis Bargas & Hemus. Istinc præterea ad celebrem vicum Capsa, & relicto Hebro recta pergunt Constantinopolim per Bergulas nunc *Bergasse*, ubi Nosocomium dives à Mustafa Bassa fundatum. Indeque ad Chiurli, seu Tzurulim, ubi à parente Baiazete victus olim Selinus. Mox ad *Seliure*. Ad Pontes tandemq; Constantinopolim. A Dorisco incipit Herbosa planities 120. millia hominum continere apta, ubi Xerxes copias suas, quia numero non poterat spatiosus est. Ultra secundum maris oram progredienti obicitur ostium fluvii Melas, seu Melani qui Xerxis copiis non suffecit à quo Melas sinus, seu Niger & Cardianus, hodie *Larissa* nunc *Golphe d'Eno*: habes postea Chersonesum Thracicam, in qua fuerunt multa silentio non involvenda. Fuit in Isthmo

in Isthmo urbs Lyfimachia, sua & multorum clade celebris, Macron aliquando dicta. Hexamilū, seu Murum longum sex mille passus quem Miltiades à Propontide, ad Melianum sinum duxit quo hanc Chersonesum à reliqua separaret Thracia. Fuit Cælos Lacedæmoniaë classis excidio signatus; fuit Cynossema, seu tumulus Helenæ in canem mutata & lapidibus obruta à Græcis, ob convicia: fuit Esseus ad caput Mastusum Ægæi maris & Hellesponti terminus. Bina jecinora leporibus inesse in hac Chersoneso, & alio translatis, unum interire refert Plin. l. 11. c. 37.

## CAP. XV.

*Hellespontus.*

**C**eleberrimo huic freto quod Ægæum mare à Propontide, Asiamq; ab Europa dirimit, nomen dedit Ille puella in eo submersa. Est hic Abydo objacens Sestos Leandri amore pernoxialis, nec non ponte gemino quibus sterni fretum imperavit Xerxes Persarum Rex: quorum uno vi pelagi disjuncto, ibidem trecenta Helesponto infligi verbera mandavit, compedesq; in unum vadum injici servitium Neptuno indicens: altero 664. triremibus fulto & anchoris firmato, nec non rudentibus ponderis 60. librarum in singulos cubitos exercitum traduxit, cui nullum vidit Europæ æqualem. Dardanelli utrumq; dicitur castellum quibus muniuntur, hujus Euripi angustiaë, quæ nunc passus vix habent quingentos supra mille. Sestos situm est in Europæ litore, in clivo colliculi qui castello Trigono imminet; nullæ



nullæ naves ad illud appellant quod statio sit insida. Abydos est in Asia tetragonæ figuræ, cinctum fossa sex pedes alta. In singulis castellis 40. tormenta ad ipsam aquæ superficiem ita sunt disposita, ut oppositæ munitioni nullo modo obsint. Sunt præterea Basilisci duo quorum gravitas globi est lib. 1100. pulveris verò 175. lib. horum cura paucis, sed veteranis est concessa militibus, qui præter stipendia quibus ab Imperatore donantur centum aureos à singulis Christianorum navibus accipiunt quæ Constantino-polim quidem comitantur liberrimè, modò non sint plures quam 5. dum verò redeunt, tenentur Abydos per tres dies commorari; ut si urbe discesserint hospite infalutato, hîc detentæ præsto sint, & in promptu adhuc in anchoris: die tertia, qui præest, mittit aliquos qui videant num fugitiva sint mancipia, num furtivæ merces. Porro milites duo in singulis castellis diu noctuq; excubium faciunt, duo sunt præterea Balistarii in pro-cinctu, qui signo ab excubiis dato, laxis foribus, qui cameris in quibus disposita sunt tormenta, prætenduntur, ignem nitriatopulveri admovent, & insertos ore patente ferreos globos catenasq; & alia obturamenta, fulminum instar, flammis eluctantibus horrendo fragore contorquentes, nullam non navim deprimant, si quæ fugam tentat. Reperitur in hoc freto piscis Xiphias dictus cujus è rostro, cuspis eminet quasi ensis, quo alios pisces conficit.

Porrigitur inde Euripus per 30. m. p. ad Calli-polim opus Caligulæ situm in colle ex quo gratissi-

gratissimus aspectus in Propontidem, quo nomine intelligitur totum illud mare quod ab Helle-sponti angustiis explicat se laxius ad Bosporum Thracicum, ubi iterum coit, & stringitur. Europæum litus illustrarunt Peristasi, ubi adhuc Ecclesia D. Georgio sacra, unde Propontidi nomen Brachium S. Georgii, quanquam usitatus dicatur Marmora à marmoribus eximiis, quæ ab insula Cyzico in urbem transferuntur, & in qua urbs mœnibus, arce, & turribus marmoreis cum primis Asiæ urbibus comparanda. Heraclea Amphitheatro olim celebris, quod inter 7. orbis miracula connumeratum est, nunc sola statione carinis fida. Est & macron Teichon, ubi vestigia Alvei & Muri quem Anastasius voluit ducere à Danubio in Propontidem, ut Barbarorum incursiones sisteret. Ad Selymbriam *Selieuree*, ex Bulgaria, Andrianopoli, & Thracia, advehuntur merces omnis generis quæ hinc navigiis evehuntur Constantinopolim. Postea devenitur ad duos pontes sublicios ad quorum primum Legati exterorum Principum subsistere usque jubentur, dum advenisse eos Imperator noverit. Porro hoc mari nullum est magis piscosum quod ex ipso Oceano & mari Mediterraneo huc se pisces conferant illecebris aquis dulcibus quas ingentia flumina in pontum emittunt, indeq; redeunt ut hyemem exigant in Oceani profundioris tepore. Ipsa verò Asiæ litora dum sua luce & rupibus candidis quæ sunt ad Calcedonem & Scutaretum Pelamides territant, eosdē convertunt in cornu Bytantii, & cogunt Constantino-  
poleos

nopoleos litus & muros legere, & sese quodammodo incolis offerre ultro. Si ventus spiret à Septentrione summâ feruntur pernecitate, ipsæque naves , sine remis duas amplius leucas promovetur una hora. Et certè ex fenestris urbis, calathis ex corda appensis mulieres piscantur, hamisque piscatores sine esca Pelamides capiunt, quæ magni parti Asiæ & Europæ sufficiunt.

---

C A P. XVI.

*Constantinopolis.*

**A** Iunt Apollinem à Byse Megarensium classis præfecto consultum de loco condendæ urbis, respondisse, ut quæreret terram cæcorum terris adversam : Bysemq; observata Bospori Thracici opportunitate ambages oraculi interpretatum de Calcedonensibus, qui quasi fuissent capiti oculis, Europæi litoris situm & comoda longè maxima non vidissent. Itaq; urbem Byantium hîc statuissè ex adverso Calcedonis, & de suo nomine appellassè. Et verò in hanc diem nullus in orbe repertus est locus , ex quo & in quem quæcunq; rara, grata, utilia per orbem sunt dispersa, possint traduci facilius & colligi, propter amplissimos sinus maris, qui hîc confluunt , & maxima flumina, quæ in eos ex remotissimis partibus Europæ, Asiæ, & Africæ evolvuntur : propter stationem navium amplissimam, altissimam & maxime tutam, propter aëris serenitatem , nec ingratam soli ubertatē : quod unum maximè hîc demiror , non urbis trigonæ amplitudinē licet ejus longitudo sit pedum 14075. latitudo 1100. centum

centum & undecim colligat stadia in suo ambitu  
& colles septem amplectatur: non muri crassi, at-  
que turriti excelsitatem, & juncturas adeo te-  
nues, ut ex uno perpetuoq; lapide visi sint coa-  
luisse. Non hipodromi amplitudinem & marmo-  
ra, non S. Sophiæ *Asarota*, & musivum opus,  
quorum omnium ruinas, qui vident, mirantur  
eos & qui construxerunt, & qui deleverunt: non  
7. turres ad sinum cornu appellatum hac arte æ-  
dificatas, ut si quis vocem in prima emitteat, ean-  
dem omnes fideliter repetant. Non Bibliotheca-  
m, quæ continebat triginta tria millia volumi-  
num, & intestinū draconis 120. pedes longum, in  
quo erant descripta Homeri Ilias & Odyssea li-  
teris aureis, & viri duodecim, qui gratis doce-  
bant. Hæc, inquam, non demiror, dum apud me  
reputo à trecentis annis supra mille. maris fuisse  
dominam, commune totius orbis Emporium &  
potentissimorum imperiorum Metropolim, nec  
deesse bene multas, cum in Europa, tum in Asia  
quæ & amplitudine, & ædificiorum splendore &  
civium multitudine hanc superent; nullam verò  
quæ in suo situ cum hac de qua nunc agimus,  
sit componenda. In hoc unum mentis aciem in-  
tendebant Athenienses & Lacedæmonii cum to-  
tis viribus ad Hellespontum de maris Imperio  
decretarunt. In hoc Severus Imperator quando  
Bysantium, quæ in fide Nigri, qui tyrannidem  
orbis affectabat, perstantem triennali obsidione  
expugnavit, in hoc Constantinus, qui à funda-  
mentis Bysantium instauravit, spoliis totius orbis  
locupletavit, transcripta Senatus & nobilitatis  
maxima

maxima parte sedem Imperii constituit & edicto sancivit, ut nova Roma diceretur, non invitatus tamen permisit, ut de suo nomine Constantinopolis appellaretur. Huc spectabat Turcus Bajazetes cum eam urbem plurimis annis obsedit & Muhammedes secundus, qui eam tandem obtinuit anno Christi 1433. & sibi suisque in ea regnum firmavit in hanc diem: & vero aiunt quod cum Imperator Constantinus statuisset illum reparare instrumenta fabrorum Byzantium translata: & cum ipse urbis pomerium aratro signaret, visum esse ignotum aliquem qui moneret quousque procederet. Sed tempus est, & per alveum Constantinopoleos, seu nigri maris, ut vocant, transmittamus in Pontum.

---

C A P. XVII.

*Bosporus Thracia, cum reliquo litore Thraciæ ad ostium Istræ.*

**F**lexuosa hujus alvei longitudo est mil. 20. Foris latitudo vix quingentorum passuum: unde nec vocis humanæ commercium inter duos orbis adimit, cumque ipsos boves sola aquæ rapiditas prohibeat à transitu, propterea is locus ab antiquis dictus est Thraciæ Bosporus. Hunc Mandrocles Samius cum stravisset ponte, corona aurea donatus est à Dario, qui Susis movens, quando pervenit Calcedonem, conscensa navi trajecit ad Cyaneas insulas, ut inde frueretur aspectu sui exercitus, qui millibus constabat octingentis, dum ex Asia hoc ponte trans mittebat

in Eu-



in Europam leucis duabus supra Constantino-  
polim, ubi maximè coeunt litora, duo sunt Ca-  
stella (turres dicunt nigri maris) bellicis tormen-  
tis probè munita quibus arcentur Cosaque, ne  
suis vecti limbis ipsam deprædentur urbem. In  
Europæa turri mandantur custodiæ ii quorum  
fides Imperatori suspecta, maximè vero Equites  
Melitæ.

In ostio ponti Phanarion eminet, nocturnis  
ignibus turris deputata. Duobus ab ea millibus  
stat in vertice rupis desertæ columna è candido  
marmore, monumentum victoriæ quam Pom-  
pejus tulit de Mitridate. Tota ab Hellesponto  
longitudo ad columnam Pompeji est 239. mill.  
pass. Ab eadem columna ad ostium Istri, seu Da-  
nubii, 555. mil. pass. quod spatium occupat alte-  
rum latus Thraciæ in quo antiqui notant pul-  
cherrimas urbes Dionysiopolim, Bizontem terre  
hiatu raptam, Apolloniam ex qua Lucullus co-  
lossum Apollinis sublatum in Capitolio dedica-  
vit. Heracleam, Tomos, Istropolim Milesiorum  
coloniam. Intus verò Geraniam, ubi Pygmæo-  
rum gens fuisse proditur à Gruibus fugata. Byzia  
item arx regum Thraciæ ad quam nullæ un-  
quam hirundines apparent, quæ omnia, impræ-  
sentiarum nuda sunt tantum nomina. Celebra-  
tur duntaxat in hac ora urbs Anchiali (olim Mes-  
sa) propter naves & triremes classis Turcicæ,  
quæ ut plurimum hîc ædificantur ex trabibus  
quæ per pontum advehuntur magna copia  
ex urbe Sinople, ipsi penè opposita  
ad Orientem Euxipi.

GEOGRA-



# GEOGRAPHICA ORBIS NOTITIA.

LIBER UNDECIMUS.

DANUBIUS.

## CAPUT I.

**D**Anubius ingentis famæ fluvius, Orbis antiqui post Nilum maximus, nobile caput exerit secundum antiquos, in Germaniæ jugis montis Abnobæ, qui Rauracos spectat in confiniis & limitibus Rhæticiis, multis ultra Alpes millibus: secundum verò rei veritatem in colle vix cubitos 16. eminente in humo plana, è fonte perenni, lato pedes duos, qui muro clauditur longo pedes 26. lato 18. cui imminet sepulchralis area Christianorum, ab omni monte unius horæ itinere remota in vico *Don-Eschingen* in Ducatu Wirtembergensi. Per immensas labitur gentes Danubii nomine, donec ad Illyrium perveniat, unde postea appellatur Ister à Plinio. Presius Strabo locum designat, scilicet à fonte à Cataractas, quæ sunt infra Lintzium. Ptolemæus etiam ulterius extendit Danubii nomen, videlicet ad Axio-polim inferioris Moësiæ urbem. Vulgus appellat hunc fluvium *Donauv*. Provincias decurrit à Romanis dictas, Vindeliciam, Noricum,

Noricū, Pannonias & Moëfias, quas nūc vocam⁹  
 Sueviam, Bavariam, Austriam, Hungariam, Ser-  
 viam, Bulgariam, Walachiam & Moldaviam.  
 Sexaginta amnes recipit, quorum medius fermē  
 numerus navigabilis. Pontibus sternitur uno &  
 viginti à fonte ad Viennam. Infra, duobus tan-  
 tū. Gleba utriusque ripæ horridior & crebris  
 falebris interrupta, nullum, aut valdè austerum  
 producit vinum usque ad Austriam, hinc verò  
 ad ipsa penè ostia longè optimum. Enigra syl-  
 va, quæ fontibus imminet rates procerarum ar-  
 borum deducuntur in Bavariam & Austriam ad  
 ædificandas domos. Romani Danubii ripam Im-  
 perii sui limitem frequentibus firmatam præsi-  
 diis tenuerunt ad annos circiter 500. à Christo  
 nato, licet spatium omne, quod est medium in-  
 ter Danubium & lineam quodammodò æquali-  
 ter ipsi distantem secundum quam extenduntur  
 montes Illyrii, Pannonii & Thracici ab Adria ad  
 pontum usque pertinentes, jam ab anno Domini  
 300. Alemanni, Marcomanni & Quadi sensim  
 occuparint, & in hanc usque diem variis subinde  
 mutatis appellationibus retinuerint. In pontum  
 vastis sex fluminibus evolvitur. Primum & o-  
 mnium maximè Meridianum est ostium Peu-  
 ces. Mox ipsâ Peuce insula triquetra Rhodo æ-  
 qualis, sic dicta quod multas peucas, hoc est, la-  
 tas & virides arbores ferat. Secundum Naracu  
 stoma: Tertium Colon stoma juxta insulam  
 Sarmaticam. Quartum Pseudo-stoma & insula  
 Conopon. Postea Boreon stoma, & Psilonsto-  
 ma, quæ sunt languidiora cæteris: Septimum ad-

Ec

dunt

dunt Strabo, Solinus & Ammianus ingens quidem, sed palustri specie pigrum. Porro tantam dulcis aquæ copiam in mare invehunt, ut per quadraginta passuum millia maris aqua haustu dulcis percipiatur, maximè è regione ostii Peuces, quod Strabo vocat *hieron*, hoc est, sacrum, quæ vox sæpè etiam magnitudinem sonat.  
 a Strabo l. 7. p. 305. b Plin. l. 4. c. 12. Solin. 13. Ammian. l. 22. Munsterus l. 3. c Strabo c. 7.

## CAP. II.

*Vindelicia, Alemannia, Suevia. Vallis Danubiana.*

VIndelicæ nomen à Vindica, oppido gentis antiquissimo, ad confluentes Vindum & Licum sito. Termini à Brigantinus lacus, Danubius à fonte ad ostium Oeni, Oenus & Alpes. Romani secundæ Rhætici eam attribuerunt. Porro cum languere inciperent Romanæ res in Rhætia, è Boiis Marcomannis & Suevis convenit fœdus hominum genus ad belli pacisque munia eximium, qui bello fortiter gesto adversus Constantinum & Julianum Imperatores, Rhætiæ & Sequanos obtinuerunt, Romanisque ultra Alpes fugatis eam regionem, quam nunc Suevi & superiores Germani incolunt, obtinuerunt; & Alemannorum, hoc est, fortium & nobilium hominum nomen sibi posterisque tam præclaris facinoribus pepererunt. Hinc Alemanniæ Ducatus, Sueviæ dictus postea à Suevis, qui in Italiam, Galliam & Hispaniam magnâ cum sævitia iruerunt.

zuerunt, quorum reliquæ Danubii & Necani superiora occupant, & exteriora Vindeliæ montana, qui suis etiam paruerunt aliquando Regibus, quibus in Conradino extinctis anno 1268. regnum in plures dynastias sic diuisum est, ut jam nullus sit princeps, qui ejus titulo ornatur. Domus antiquorum Sueviæ Principum fuisse perhibetur Weiblingæ, ubi arx peruetusta, sita ad amnem Rems 48. 41. qui influit in Necarum. Suevos vocat Plutarchus gentem præstantissimam Germanorum, licet Strabo dicat quosdam eorum petulantissimos. Mercaturæ nunc vacant, maximè lini, cui ad eò incumbunt, ut ipsi adolescentes & viri hyemis tempore colo admoveantur. Panni genus dictum *Barchat*, cujus stamen lineum est, intextum bombycinum, hinc textitur? faciunt & totum lineum, quod *Golsch* appellant, terra partim plana, partim montibus aspera, nusquam inculta.

Regio patens per 100. circiter minuta à fonte Danubii ad Ulmam, quæ propriè nomen Vallis Danubianæ usurpat, nullâ re eget, quæ sit necessaria ad victum, numerat 20. oppida, siue castrælla Danubio apposita, quorum præcipua Eschingen ad ipsum fontem Danubii Wartemberg & Nydingen, quæ tria pertinent ad Comites, quibus agnomen à Furstemberg oppido cū castro, quod situm est in monte, qui duobus tantum minutis versus austrum distat Monasterio Nydinge in Landgraviatu Borensi. Habes postea Tutlingen oppidum & arcem Principum Wirtembergensium; Marektal 48. Monasterium ordinis



Præmonstratensis, ubi maximi cancri reperiuntur, & civitatem Ehingen: post quæ sequitur Ulma, quondam Abbatis majoris Augiæ, nunc Imperii villa, sita in lat. 48. 20. in terra plena uligine & apta ulmetis ac ripam Danubii, qui admissis Hylero & Blavo amnibus, hinc redditur navigabilis. Culta urbs est frequens civibus, & crasso vallata aggere, sed cui rupes imminens non parùm incommodat. Hylerus aliis Ilargus. vern. *Iler*, ortus in Rhetia Tiberii & Drusi victoriis adversus Vindelicos nobilis alluit. Campidonum, vernac. *Kempen* 47. 25. oppidum Imperiale in Algoia regione Montosa situm, in quo castellum Hillermont dictum quondam sedes Ducum Sueviæ, nunc Abbatis, qui anno 1525. pecuniâ se in libertatem vindicavit.

Eidem apponitur Memminga Ptolemæo Drusomagus 47. 52. pagus veteris Alemanniæ, nunc Sueviæ urbs Imperialis, cujus cives Lineo & Gotsypino panno texendo aluntur. Infra Ulmam secundum Danubium sunt Elchingen, cujus Abbas Princeps est Imperii. Lipheim oppidum Ulmensium. Lavinga 48. 32. oppidum & castrum Principum Baviaræ scholis olim & Republicâ illustis, Alberti Magni patria. Dilinga oppidum & castrum Episcopi Augustani. Werda ex casis piscatoriis & oppido comodo, quod ad Dilingæ, vel Kiburgi Comites pertinebat, crevit in civitatem Imperialem, sitam ubi Bernicus, seu Wernicus & Danubius confluunt, unde ipsi nomen Donaverd. Bavarus ex mandato Cæsaris ulturus injuriam SS. Sacramento illatam, eam occupavit.

Mox Danubius augetur non mediocriter, excepto Licho, vern. *Lech*, qui Sueviam separat à Bavaria superiore, & urbes alluit Landsbergam & Vindelicam ab Augusto Cæsare, cujus auspiciis victa & aucta fuit, Augustam dictam, Rhætia 2. quæ Danubio Lico, Alpibus & Oeno continebatur, Metropolim, vulgò Ausbourg 48.18. emporio nobilem, Bibliothecâ percelebrem, & quæ pauperum curam unicè gerit.

a *Strab. l. 4. p. 206.* b *Blondus Dec. 2. l. 2.*

## CAP. III.

*Baioaria.*

**A** Boiis Gallis, qui Vindelicam & Noricum occuparunt, ducunt originem Baioarii, qui postea dicti sunt Bavari ab Avaribus Hunnorum reliquiis, qui utramque Danubii ripam obtinuerunt. A Suevis Licus eos separat, Oenus ab Austriis. Plures duntiarunt Reges. Rex Francorum Clotarius II. devicto Garibando Rege, Ducem eis constituit Tassilonem, anno 589. Iterumq; Ludovicus Pius in partitione Imperii sui, Ludovicum filium Baioariæ Regem dixit, cujus posterii tenuerunt sceptrum, ad Arnulphum, qui Imperator creatus anno 896. periit morbo pediculari, anno 899. Regibus succedere Duces & Palatini. Plaga borealis, quam dicunt Nortgoviam à Danubio excurrit versus Bohemiam, secundum amnes Regnitium & Altmulam; ubique Silvana. Hujus Princeps quia fuit è Baioariorum Ducum familia, vulgò

Pfaltz-Grave, id est, Palatii Imperialis Princeps, dictus est, qui & Landgraviatum Liechtenberg ibidem constitutum possedit. Ducatus versus Austrum extenditur, occidentuam partem Licho & Ilaro comprehensam vocant superiorem, Ortivam inter Isarum & Oenum inferiorem, utraque Alpibus subjecta est, crebris paludibus, montibus & Herciniæ sylvæ impedita partibus, ubi cervorum & suum infiniti greges, qui glande & sylvestribus pomis aluntur. Abundat & frumento circa Monachium, nec ulla Germaniæ pars cultoribus urbibus illustratur. Gens ocreis delectatur & vestitu Cyaneo.

Minutis circiter 13. ab ostio Lichi habes Neuburgum caput ducatus cognominis: urbs eminet in colle amplissimis oneribus cincta. Hujus idem Dux est, qui & Cliviæ. Sequitur Ingolstadtium urbs sita in gr. 48. 45. in Palatinatu Bavariæ solo grato, & ubere, munita vallo ex cespite, illustris academia & frequens ædificiis, ab invicem ut plurimum disjunctis propter incendia, unde & vasa ænea passim disposita in compitis, quibus aquæ in quamcumque volueris partem, derivantur. In altera ripa situm est Avenburgum. Succedunt montes, quos propter austeritatem acetiferos quis melius dixerit quàm vini-feros, juxta Kelchemium siri, ad ostium Alemani fluvii, qui apud Rysios in Suevia, oritur juxta Rotembourg, alluit Papenheimium aliaque Palatinatus loca non pauca. communiter nunc dicitur Altimola vel Altmum, hucque ille est, inter quem & Radiantiam amnem dictum Rott, qui

qui mixtus Mœno abit in Rhenum , Magnus Carolus Imperator anno 793. curavit per duo passuum millia duci alveum trecentos pedes latum , ut ex Rheno in Danubium , & ex Ponto in Oceanum iter esset navibus pervium , quod & perfecisset , nisi bella tunc nunciata , ejus curas aliò traduxissent , & juges pluviae in terra palustri inceptum opus evertissent , cujus ad Weissemburgense oppidum 46. ad hanc diem extant vestigia. Hinc cogitur Danubius inter duos montes altissimos , quorum solitudo & crebri fontes gratissimum Anachoretis præbent secesum. Sese postmodum effundunt per eandem ripam Labor , Nabus & Regnitius amnes , qui ex montibus Palatinatus innumeros excipiunt rivus , omnes fabricis ferri impeditos. Præcipuus est Nabus , qui ex Pinifero monte ortus labitur per regionem , quæ turgit mineris ferri , maxime inter Sultzbachium & Ambergam 49. 21. quæ caput est Palatinatus , à qua versus occasum minutis 8. distat Monasterium Castel , in quo aulici generis universum corpus suos apud Principem conventus habuerunt sæpius ab eadem , sed versus ortum minutis 11. ad Nabum in Landgraviatu Liechttemberg distat Pfreimbt 49. 25. Comitum sedes. Regensburgum 49. Baioariorum aliquando Regia , sira loco plano & fertili , ad ostiũ Regnitii , dicta olim Colonia quartanorum , quod legio 4 Italica in ea stationem haberet , posteaque Ratisbona à Ratibus , quib⁹ cives utebantur , priusquam Henricus Bavarie Dux pontem anno 1135 ad eam posuisset 500. passus longum , spe-

Etandi sanè operis. Celebris est propter Comitia Imperii hîc frequenter habita, propter insulam hortis cultam & domibus. Nec non magistratus peculiare tutelæ pupillorum destinatos, corpore S. Dionysii Areopagitæ, quod ajunt, quiescere hîc in æde D. Emerami, vide Apologias à multis in eam rem scriptas.

Deinceps sita est ad Danubium Straubinga. Ultra progredienti occurrit ostium Isaræ amnis, vern. *Iser*, quem Antoninus vocât Isiniscum, ab I-fini oppido Vindeliciæ, nunc pago inferioris Bavarïæ ad Isaram fluvium, qui ex saltu Schiraito Alpium Penninarum gremio ortus superiorem Bavariam separat ab inferiore. Præcipuas urbes rigat, Monachium, vern. *München*, 48. urbem sic dictam, ut volunt aliqui, à capite Monachi reposito, dum urbis fundamenta poneret anno 1462. Henricus Bavarïæ Dux. Sita est in agro vix alterius rei feraci quàm frumenti, in ea Principis sedes, Palatium, Tempia, Monasteria, Bibliotheca, Horti, nihil non singulare, familiarum circiter octodecim millia complectitur. Est & eidem amni apposita Frisinga Episcopalis civitas. Est & Landshutum.

Statim ab ostio Isaræ incipit Cathena montium hinc inde dispositorum, inter quos medius labitur Danubius ad Patavium, vern. *Passau*, 48. 28. quæ urbs non una, sed triplex ad ostia Æni & Nigri cincta altis montibus penè tota ex ligno. Dux Udilo hîc fundasse dicitur Episcopatum, posteaquam incendio periit Laureacum. Episcopus Princeps Imperii urbisque Dominus castellum



stellum habet situm in rupe urbi proxima. Verisimile juxta Patavium castra olim Romanos habuisse, dicta Batava.

## CAP. IV.

*Ænus, Tyrolensis Comitatus, & Salisburgensis Episcopatus.*

**Æ**NUS, vern. *In*, è Rhætia i. Alpibus delapsus, Comitatum Europæ maximum, ab arce Tyrol apposita fl. Athesi in lat. 46. 34. dictū perlabitur, cujusque præcipuam urbem rigat, Ænipontum, vern. *Innsbruck* 47. suorum olim Comitum, nunc Archiducum Austriae sedem, ubi Senatus & prætoria domus sanè magnifica: hinc & si montium anfractibus variè tortus navigabilis, oppidum perlabitur Syvatz, aliaque loca, in quibus aliquot hominum millia operam ponunt in eruendo, ære, argento, auro, & sale è fodinis, quæ hîc sunt diffusissimæ. Præcipue hujus Comitatus urbes aliæ sunt Tridentum & Brixia, de quibus in Athesi. Porro Ænus post emensam vallem Æninā subit Bavariam, urbemque ejus Osterhofum rigat; amnes excipit plures è Norico venientes, & Vindeliciam separans à Norico influit in Danubium cum vehemēti undarum impetu. Inter præcipuos amnes, qui miscentur Æno, est Saltzach, secundum quem Julius Cæsar castrum posuit, Juvanium dictum, nunc Salisburgum, quæ Metropolis est Bavariæ, ad eam evecta dignitatem anno 821. Episcopis præest Patavienſi, Viennensi, Brixienſi, Tridenti-

no & aliis quinque. In ea visitur sepulchrum Philippi Theophrasti cognomento Paracelsi, qui primus autor fuit Medicinæ spagiriticæ, qui obiit anno 1541. Ad meridiem habes Alpes, quas Albin vocant incolæ, & circumposita Tauri juga, quæ ipsi dicunt *Thauru*, per quæ nullus est locus curribus, sed clitellariis tantum quibusdam caballis, qui per calles præruptos non sine magno gradiuntur periculo. Hic nives æternæ, in quibus sol vermiculos producit. Frequens aucupium & ferarum venatio.

## CAP. V.

*Noricum Ripense & Mediterraneum.*

Ita dictum volunt aliqui à civitate Norcia, quæ nunc Goritia, sita ad amnem Lizonzo in lat. 45. 55. supra Aquileiam minutis 10. Ultra Danubii ripas, cum borealem tum Australem longè lateque olim patuit, ipsique aliquando præfuerunt Reges teste Cæsare, a qui ait Ariovistum Germanorum Regem, uxorem habuisse Noricā, Regis Vocionis sororem. Duplex fuit Romanorum ævo. Ripense unum, Mediterraneum aliud. Ripense extendebatur ab Æno fl. ad montem Cetium, ubi urbes præcipue Longium *Lintz*: Lauriacum *Lorch*: Arlape *Pechlarn*. Mediterraneum verò secundum Saltzam, ubi Juvanium, nunc Saltzburgum: Secundum Dravum, ubi Julium Carnicum *Willars*, & Savum, ubi Celeiæ *Cilley*. Utrumque Noricum sicut & Pannoniæ

næ Vicario Illyrici parebant. Post desertum  
verò à Romanis hunc limitem Marcomanni &  
Quadi eas partes ita vastarunt, ut antiquorum  
oppidorum vix ulla extent monumenta. Cer-  
tum partem Baviaræ & Austriæ, Stiriam, Carin-  
tiam, Carnorum tractum, quem Sclavini jam  
possident, & omnem agrum Salisburgensem in  
veteri Norico contineri. Porro mons Cetius No-  
rici Ripensis terminus & initium Pannoniæ ab  
alpibus recta in Septentriones porrectus. Paulò  
supra Viennam desinit dictus ab accolis mons  
Calvus: juga habet non admodum alta propè  
Danubium; imò qua ortum spectat, in plana de-  
mittitur, & longissimo tractu vinetis amœnissi-  
mis confitus est: summum jugum & latus occi-  
duum densæ sylvæ occupant. Circa annum 464.  
cùm S. Severinus suam in monte Cetio posuisset  
cellulam Heluros, qui Norico & Pannoniis im-  
perabant, ad fidem convertit *b* & Regi persuasit,  
ut intra Fabianam Metropolim, nunc Vienna,  
duas Basilicas à fundamentis excitaret.

*a De bello Gal. l. 1 sub finem. b Ex histor. S. Se-  
verini.*

## C A P. VI.

### *Pannonia.*

Nomen habet à pannis confutis more pa-  
trio, ex quibus Dio testatur, indigenas sibi  
fecisse tunicas manuleatas. Duplex fuit, superior,  
quæ à monte Cetio extendebatur ad Arrabonē  
amnem secūdum Danubii ripam, à qua & Ripē-  
lis

sis dicta, quæ nunc Austria, quæ etiam Carinthiâ, Carniolam & Stiriam complectebatur. Et inferior, quæ ab Arrabone ad ostia Savi extenditur; cujus pars inter Danubium & Dravum posita, dicta est aliquando Valeria, de nomine filiæ Diocletiani. Quæ verò à Dravo ad Alpes excurrit, & quam secutur mediam amnis Savi, Savia. Romani, qui Pannoniorum fortitudinem experti fuerant, feroces appellarunt, & dixerunt eos neque terram, nec aërem felicem habere, majorem hîc anni partem desævire hyemem, indigenas hordeo, & milio victitasse, & glandiferam esse regionem: ut ut sit, semper eos reformidarunt Romani, intactique ad Augusti tempora, & liberi perstiterunt. Certè regionem & cultissimam esse, & maximè uberem nemo potest inficiari, qui eam viderit; incolas verò fortes, literarum amantes & laboris patientes omnes prædicant. Non alibi ab Romanis frequentiora præsidia amni Istro imposita, nec plures in stativis milites, quod videlicet humilia sint hîc Alpium juga, eaque potuissent facile Daci transmittere, si in his regionibus sedem posuissent. Devictis vero Romanis colluvies barbarorum amœnas montium convalles, & loca metallis, croco, vinoque sæcunda infederunt, maximè Heluri, deinde Avars & Longobardi, his autem à Narsete invitatis in Italiam, Pannonias & Noricum obtinuerunt soli Avars, quos D. Rupertus per Gisalaricum discipulum suum, ad fidem Christi convertit circa annum Christi 636. & Episcopatum apud Fabianam, jam ante ducentos

centos propè annos à S. Severino fundamentum renovavit. Post hæc Carolus Magnus Francorum Rex factus Imperator, celebres quondam apud Romanos Rheni & Danubii limites restituit, collapsam in iis partibus religionem instauravit, pulsos Avaribus Pannonias Teutonicis gentibus colendas tradidit, constitutis aliquot coloniis, quarum præcipua fuit tunc Fabiana, ubi & D. Petro Basilicam posuit. Regni Austrasiæ limitem Ortivum constituit, Marcam amnem & has partes dixit Marcam Orientalem, seu *Ostrenreick*, à qua Austriæ nomen deducunt viri docti. Huic præfuerunt Marchiones à tempore Friderici Imperatoris, qui ex Marchia Orientali Ducatum fecit, in cuius possessionem Henricum induxit. Postea Rodolphus Comes, natus ex patre Alberto Comite Habsburgensi, Landgravio Alsatia, atque Vexillifero Argentinensi, matre autem Comitissa Kyburgensi, factus Romanorum Rex, filium Albertum primò administratorem Austriæ mox Ducem constituit, à quo recta linea prognati, qui in hanc diem sunt, & dicuntur Duces Austriæ. Paulus Diaconus hist. Longob. lib. 2. c. 8. ait, Bisontes in Pannonia reperiri magnitudinis tantæ, ut in unius pelle cubare possint homines 15.

## CAP. VII.

*Archiducatus Austria. Anasus fl.*

**M**irum quantum Austriaca domus nuptiarum foederibus, crevit in eam potentiam,



tiam, quâ divino nutu meritoque gloriatur. Hoc advertens Fridericus III. Imperator, & apud se reputans, quomodo majores, Comitatus Svingoïæ & Tyrolis, Marchionatum Stiria, Ducatum Carinthia, Regna Hungaria & Bohemia, & novissimè Belgium Maximilianus filius, in unam quasi massam coegerant, & Austriorum familiae inferuerant: quo Philippum Maximiliani filium Hispania affinitati idoneum præstaret, cum titulo Archiducis Austria auxit anno reparata salutis 1488 sive ut significaret inter filios Ducis, qui omnes in Germania appellantur Duces, 6 Primogenitum debere dici Archiducem; sive quod sentiret Archiduces Austria, quibusvis Ducibus aliis præferendos.

Patet nunc secundum Danubiū, ab ostio Æni, ad ostium Marchæ & Maranahæ, per minuta 163. latitudo ejus duplo minor, tamen minutis 12. infra ostium Æni rupes est aquis affusa, quam Navicularii dicunt Bavaria & Austria terminum. 20. minutis ab ea montes dilatant sese in planiciem, in qua Danubius explicat se duodecies latior quàm esset prius, obtinetque circiter ter mille passus, sed post 15. m. iterum cogitur montium lateribus ad Longium seu Lentias, vernac. *Lyntz*, quondam Norici Ripensis, nunc Austria oppidum mediocri cinctum muro tenui in plano, quod montes ambiunt. Armamentarium Principes Austria posuerunt, Rodolphus Imperator castellum in tumulo. Hinc evolvitur Danubius per varias insulas, vixque postea in unum redit alveum, frequenter latus 4. mill. pass. & quæ

quia non rarò mutat alveum, propterea difficilior est ejus navigatio, quod sub aquis multæ sint arbores, quas profluens aqua nedum potuit revellere. Lintzio 12. mil. absunt rupes *Spilberg*, in quas aquæ vix 5. pedibus exstantes dum offendunt, magnis voluminibus resiliunt ad multum spatium. Post tria minuta Danubius excipit *Anasum* seu *Anisum*, vern. *Ens*. Oritur haud procul à castello *Kalsbad*, in lat. 47. 39. in profundæ vallis planicie, primò tenuis, mox utrimque illabentibus rivis auctus, asperrimis montium angustis premitur, donec longis sonorisque flexibus eluctatus, Norici Ripensis cæpestria ingreditur, sed cursu adeò citato, ut his in locis, quibus interdum vadofus est, jumenta quantumvis fortia, vix impetum sustineant.

Ad hujus usque ripam, post miserè afflictas Pannonias Turcorum incursiones, sæpius pervenerunt, quod fluvii, qui sub Anisio Danubium ingrediuntur, multis in locis vadofi sint. Loca præcipua alluit *Steiman*, *Didach*, *Ens*, & ad pagum Lauriacum, 48. 19. vern. *Lorch*, abit in Danubium, qui hic ponte sternitur; fuit autem Lauriacum Romanorum Colonia totius regionis maxima, Norici Ripensis, Classisque Præsidis aliquando sedes, posita in planitie edita. Scribit Aventinus, se in Bibliotheca Pataviensi invenisse Marcum quendam Discipulum S. Pauli, Lauriaci & per Danubium, primam Evangelii sementem jecisse, certè inter Nysseni Concilii Patres, cõsetur Dominus Laureacensis Episcopus. Urbe incensâ Principes Bavariæ, hinc trans-

transfulerunt Archiepiscopatum in civitatem Pataviensem. Rursusque Carolus Magnus, ab urbe Patavia Saltzburgum.

Ultra progredienti occurrit insula, & post insulam, rupes, quæ, quod totum propè alveum occupat, sic in angustum cogit Danubium, ut primò in caput redeat, deinde contorqueatur in gyrum cæco gurgite, quo magnam partem absorbetur, vulgus foramen vocat Pilati, difficulter omninò, nec sine periculo hîc navigatur. Pervenitur postea ad ostium amnis *Erlaph*, ubi Pannoniæ urbs *Pechlarn*, dicta olim Arlape & Aralapidea, hinc spatietur iterum, & salutat *Augstein*, castrum montanum. *Tierstein* oppidulum & castrum, *Stein* civitatem & castrum, *Krembs* civitatem, *Hellenburg* castrum, & post minuta aliquot, varias complectitur insulas, è regione, quarum amnes minoris nominis miscent se Danubio. Tulna Austriæ, urbs antiquissima, appositæ est ripæ unius ex illis. Sicut & *Tulbing* castrum Episcopi Pataviensis ripæ alterius.

Ad Neuster villam Imperialem distantē Viennæ 4. mil. positi sunt cancelli, sive crepidines, quorum objectu aquæ possint cohiberi, ne Danubii terrius ramus, qui Viennam solus rigat, effundatur in planitiem cum duobus aliis, qui jam sibi per eam fecerunt viam. Ad ostium Viennæ amnis sita est Vienna, vernac. *Biana*, urbs Archiducatus primaria, Ptolemæo Juliobona, antiquioribus eo Vindebona, quod hîc Vindorum & Sarmatarum sedes fuerit dicta, postea Fabiana, ab Annio Fabiano præfecto Legionis decimæ Germa-

Germanicæ, quæ & Alauda cognominata est, & à qua Primævi Marchiones Austriæ, s. Alaudas aureas pro insignibus habuerunt, reperitur etiam appellata Ala Flaviana, quod Legioni 10. addita sit Ala equitum adversus Sarmatas. Regia fuit postea Helurorum, mox Avarorum sedes aliorumque barbarorum, à quibus eversa sæpius, à suis verò Principibus instaurata, & sic culta, ut vix parem ipsi reperiās in Germania; agro siquidem gaudet plano, fecundo, amœno, vite plurima consito, singulis dietis semper confertur aliquid pro ea munienda. Ædificiis, tēplis, civium copiā mirè splendet, Academiam hīc instituit Rodolphus IV. anno 1363. Turrim altam pedes 480. in summo templo ad S. Stephanum ajunt 60. annorum spatio extructam, anno demum 1400. absolutam. A Friderico II. Cæsare aquilam auream accepit pro insignibus, anno Christi 1590. die 15. Septemb. ingenti terræ motu concussa est, sicut & multa Moraviæ & Bohemiæ loca. Non longè à Viēna fuit Carnuntum, Romanorum colonia, eo loci, quem Austriaci, Trojam & Petronellam appellant, ubi multa ædificiorum adhuc apparent rudera: hinc ad Haymburgum tenue oppidum situm ex opposito ostii Marchæ amnis in præalto monte, in cuius fastigio arx est, numerantur minuta 28. Jura illud crescit Zinziber, ab eo ad Presburgum 91. mil. eminent in rupe castellum Then, ab utroque æqualiter remotum, quod finis est & limites Austriæ.

• Vide Maximum in topogr. Viēna Annales, Spond.  
anno

anno 1433. & 1488. b Vide Chassanum. De glor.  
m. part. 5. Confid. 44.

## C A P. VIII.

### *Moravia.*

**G**ermanis *Marck* limes dicitur, hinc nomen fluvio, qui Germaniam ab Oriente separat à Sarmatis. Hinc celebres populi, qui Germaniæ fines tutabantur dicti Marcomanni, quasi finium incolæ: quemadmodum ab eo fluvio, qui etiam appellatur Mora, incolæ Moravi, & ipsa regio Moravia nuncupatur. Ab ævo Cæsaris suos Reges habuit, qui etiam Bohemiæ & Poloniæ imperarunt ad annum Christi 900. quo Zuantocopius Rex ab Arnulpho Imperatore victus, Bohemia, Polonia & Schlesia suum quæque Provincia Ducem sibi constituit, ipsaque Moravia inter quatuor Imperii Marchias recensita, donec ab Sigismundo Imperatore circa annum 1086. regno Bohemiæ attributa est, in gratiam Alberti generi sui. Regio nemorosa est, frumenti ferax, vini, croci, thuris & myrrhæ, non ex arbore desudante, ut alibi, lectæ: sed ex solo erutæ uno tantum in loco, cui nomen Gradisco, in quo non modo thus dictum masculum à similitudine testium, sed corpus hominis integrum repertum est. Eam convertit ad fidem Christi D. Methodius circa ann. Christi 895. Mora annis piscosissimus, oritur ex montibus Bohemiæ in lat. 50. 12. ambit Olomutium in lat. 49. 52. Sedem Episcopalem, & per regna-



giunculam Austriæ Marckfeldensem, abir in Danubium è regione Hamburgi. Cum eo effundunt se fluvii incolæ, Svartzha, qui Brunam præterlabitur gentis caput, & Marchionum aliquando sedem: Iglâ ortus è montibus Sudetis, qui mineris foeti sunt, maximè juxta Iglaviam urbem, quam & salutatur: Theya denique, qui Zvvojinam rigat, & limitem facit Moraviæ & Austriæ.

## CAP. IX.

*Hungaria.*

**H**unorum decies centena millia egressa è Scythia circa annum Christi 372. in Pannoniam inferiorem, Regem sibi anno 428. delegerunt Attilam, qui innumera Europæ damna intulit irati Numinis vindex. Hunnos omnes quotquot Pannonias tenuerunt. Carolus M. Imperator delevit anno 805. Arnoldum sibi cognatione junctum creavit Principem Austriæ, & Uratislao inferioris Moraviæ Principi Pannoniam secundam tradidit. Verùm Hunni iterum egressi è Scythia magno numero, circa annum 900. se aliorum reliquiis conjungentes, iterum rerum potiti, & benè meriti de Arnolfo Imperatore, ibidem firmas sedes stabilierunt sibi in hanc diem, & Hungariam de suo nomine appellarunt. Stephanus, qui postea in Divorum numerum relatus est, à Sancto Adelberto Pragensium Episcopo baptisatus, Hungaricorū Regum primus fidem Christianam amplexus est, a

totumque regnum Christo dedit nomen anno 954. D. Ladislaus Dalmatiam & Croatiam regno adjecit, alii fines regni in varias Provincias protulerunt. Propriè tamen Solida Hungaria patuit tantum à Presburgo ad Belgradam secundum Danubium, & omnes toto hoc spatio influentes in eum fluvios.

Regem designaturi, qui habebant jus suffragii, conveniebant armati in campis Pæsto proximis ad Comitata, ubi decernebant constituta, quibus Rex eligendus subditos regeret. Designabant & primum Palatinum, qui primus à Rege, & de ipso etiam Rege, si accusaretur, sententiam ferret: mox delectum Regem deducebant Albam regalem, ubi Strigoniensis Archiepiscopus, Primas regni, & Cancellarius perpetuus eum inungebat. Turcus Bulgariam Hungariæ regno subditam cœpit anno 1399. Ipsam deinde Hungariam invasit anno 1438. Tota dividitur in 60. Comitatus, ex quibus Imperator, qui nunc Rex est Hungariæ, 25. occupat. Transilvaniæ Princeps 8. Turcus 27. sed longè majores cæteris, & qui regni totius in tres partes divisi, constituunt duas. Præter Mahumeti persidiam, tot jam erroribus deformata est Hungaria, ut Hæreseon, quibus Dei Ecclesia uspiam fuit infecta, hinc abesse nulla videatur. Antiqua regni insignia sunt quatuor ductus, totidem præcipuorum fluminum, Danubii, Savi, Dravi, & Tibisei imaginem referentes: dividitur à Transilvania Moremaruso: à Polonia & Moravia Carpato monte: Marca fl. à Marcomanorum Campis.

pis. Equites levis armaturæ, quos dicunt Huf-  
 faros, robur militiæ constituunt, & Tartarorum  
 more belligerant: ipsis arma sunt lancea, saga-  
 ris sive gladius Persicus ad lævam, sub dextro  
 femore: verutum Ephippio alligatum, & si-  
 phunculus tormentarius, theca reconditus. Hai-  
 duci pedites, nec galeâ, nec Lorica utuntur, ar-  
 ma illis sclopus manuarius vel hasta, sagaris, & à  
 cingulo pendens securis: sagum villosum, vel  
 crudam urfi, aut lupi pellem humeris injiciunt  
 sub mento astrictam: Cives pallia rubro, viridi,  
 cæruleo, vel janthino colore gestant. Nobi-  
 lium splendidus admodum vestitus, mulierum  
 verò imprimis mundus exquisitus. Omnes Scy-  
 thicâ utuntur linguâ, sed quia ingrator est, pleri-  
 que sciunt Latinè. Succedunt parentibus ex as-  
 se soli masculi; si desint, hæreditas tanquam ca-  
 duca ad fiscum devolvitur. Ipsum verò solum,  
 nulli cedit virorum fortitudine, animalium fœ-  
 cunditate, vini generositate, & metallorum va-  
 rietate; lepores, cervi, phasiani, perdices etiam  
 plebeis cibus est non rarus. Bovum capita cir-  
 citer 80000. per solam Viennam transmittit  
 quotannis in Germaniam. Terra semen, quod  
 ipsi creditur, in melius frumenti genus commu-  
 tat intra annos tres, tanta scilicet est agri ubertas  
 & pinguedo.

Optimorum piscium nullibi major copia, imò  
 vilitas. Sunt præcipuæ ad Danubium positæ  
 urbes Posenium, vel ut aliis placet Pisonium à  
 Pisone, cujus opera Tiberius Pannonos subegit,  
 vernaculè *Presbourg* 48. 22. situm in cliyo, cu-  
 jus

ius verticem obtinet munitio penè quadrata : suburbia ampla sunt & munita: corona regni, quam dicunt cœlo lapsam, hîc asservatur in Ecclesia D. Martino sacra. Flexum Ptolemæi eam esse urbem contendunt aliqui, fortè quod infra eam flectatur Danubius, & in quatuor divisus alveos complectatur plures insulas proceris decoras arboribus, quarum præcipua est Scuta 36. m. longa, 13. lata, in qua sunt Viridaria, horti regii, aræ aucupii strætæ, Piscinæ salubres, & pagi circiter 300. propter lætissima pabula. Viam sibi in australem Danubii alveum aperiunt Leytha, & Arrabo. Leytha Austriæ limes excipit rivum manantem ex Neustadio oppido minuto 48. 50 in quo Maximilianus & natus & conditus est. Rigat deinde Truortzmandorff & Prucham arces munitas in Austriæ limite; ad ostium ejus sunt Ovar. ubi visuntur Globitormentarii magnæ molis, & Altemburgum oppidum Hungariæ cinctum operibus.

Arrabo, qui & Narrabo, vernac. *Rab*, ortus è montibus Stiria non mediocriter augetur amne Sabario, vernac. *Guns*, qui Sabariam alluit olim Pannoniæ superioris, nunc Hungariæ oppidum dictum *Zombathel* 47. 35. in quo Septimius Severus creatus Imperator, Valentinianus hybernavit, residebat Præpositus Thesaurorum, & in quo repertum anno 1508. Ovidii Nasonis sepulcrum testudine magnificum & Epitaphio ornatum. Excipit deinde amnem alium profluentem ex Peiso lacu amplissimo, sed qui in Palustria propemodum degenerat. Ad dexteram Arrabonis

rabonis fuit Papa arx & oppidum, cui imminent montes Batonii, quibus nomen à clypeis. Javarinum, vern. *Rab* 48 munitio rebus omnibus ad bellum instructissima. In ipso confluyente Arrabonis, ex antiquo excitata est à Romanis, qui stativa hinc habuerunt: hanc cum expugnasset Turcus, post tres annos Vaubecurtius nobilis Gallus novam adinvenit Machinam, cujus nitriaro crepitu effracta porta urbem recepit. Quatuor ab ea minutis Orientem versus est mons S. Martini, in cujus jugo insigne Monasterium, ad radicem verò oppidulum ligneo sepimento terrâ expleto præcinctum.

In lævum Danubii alveum influunt amnes Tyrna & Vaga, hinc oritur ex montibus Albiis, in quibus reperiuntur fontes, qui ferrum sic arrodunt, ut equi solea intra 24. horas absumatur, transit per Comitatus Thurocinum, & Galgocium 48. 47. arcem, ubi termæ salubres, quæ sic calent, ut non sint idoneæ balneis, nisi temperentur. In ipso angulo Scutæ insulæ Matthias I. Rex Hungariæ Comaram castrum obscurum egregiè instauravit circa annum 1474. Postea Ferdinandus Imperator anno 150. trigonam addidit munionem, nunc urbs est ultima earum, quas possidet Imperator in Hungaria ad Danubium.

Hinc Danubius ripas latius explicat, sed propter æqualitatem soli minus fertur concitate. Arci Dotis proximus est collis, in quo lapidicina albi & rubri marmoris. Sequitur Strigonium Pannonicarum urbium penè vetustissima, quondam Archiepiscopatus dignatione clara, sed



sed nunc tantum à Turcis vastata , quantum prius culta ab Hungaris , ad radices arcis fons est tepidus turri inclusus , nec magno inde intervallo , alius qui in piscinulam influit , in quo etiam mediâ hyeme coaxantes ranas audis , funditque tantum aquæ , ut quatuor rotis molaribus versandis sufficiat. Strigonium vulgò appellatur *Gran*, ab influente in Danubium , ex adverso ejus Grano amne , qui ex Albiis montibus ortus Novifolium alluit 48. 34. & admissio Ipola abit id Danubium.

a Surius invita S. Steph. 15. Aug. Bonfin. dec. 2. lib. Sigeb. an. 1010.

## C A P. X

### *Fodina Hungarica ad Granum fluv. sita.*

**N**ovifolii, vernac. *Neusol*, quæ civitas est appositâ ripæ sinistræ Grani fluminis , fodina est Cuprea cæteris antiquior & majoris redditus , in qua Paracelsus laboratorio exstructo multa de fodinis vitrioli , antimonii , cinabaris , cupri , argenti & auri , experimento cognovit , & hospitem suum dicitur remunerasse cupro in verum argentum mutato. Itinere aliquot horarum versus occasum distat ab ea Schemnitzium, vern. *Cremnitz* 48. 27. civitas alia, ubi dives fodina aurea , quin etiam ex vitibus, claviculi & folia ex puro auro aliquando enata , pueroque succrevit dens aureus. In ea urbe cuditur magna vis monetę ex auro & argento, quod huc  
ex omni-

ex omnibus fodinis Hungariæ afferuntur aurum & argentum. Sunt & aquæ dictæ Roselinæ, quæ lapideo cortice proxima sedilia lignea sic obdixerunt, ut lapidea videantur.

Ab utroq; distat bidui spatio Voissa fodina, ubi aurum ad 22. Karattos à naturâ fingitur, nullamque alterius metalli mixtionem admittit.

In Novisoliensem singulis quaternis horis descendunt circiter 150. Metallarii cum suâ quiq; lampade per caminum longum sex pedes, latum duos, profundū quadringentos supra bis mille; fascia coriacea natibus supposita & homo ferreo rudenti affixa suspensi, dum vero descendunt, saccus mineralium lapidum plenus ascendit rotis vastissimis jumentorum vi moris. Schemnitenses fodinæ scaruriginibus abundant, quarum aqua è fundo collecta, faccis è pellibus bubulis & siphonibus sibi subordinatis extrahitur à viris & mulieribus qui dies noctesq; sine lumine laborant per 4. horas, singulis tamen Hebdomadibus 30. aut 40. Hungaricos hoc est 12. vel 15. asses ut summum recipiunt pro mercede, qui similiter nudi magnâ vi in imo rupes feriunt, elapsis 4. horis coguntur sursum ascendere ad aërem purum, vixq; reperitur ullus qui ad 50. annum perveniat, pulmonibus successu temporis ulceratis ab acrimonia exhalationis venenatæ, & refertæ spiritibus Antimonialibus, Mercurialibus, Salinis, & Arseniacalibus, qui cerebro, cordi, & pulmonibus maxime sunt infensi, unde ne deficient operarii, coguntur filios & filias conjicere

in nuptias ante 15. annum: vixq; dici potest quanta sit in eâ ætate utriusq; sexus fœcunditas.

Est & alia via per cuniculos qua modo Perystiliis in rupe excisis, modò gradibus, modo scallis, modo erecto, modo curvato corpore persæpe rependo, per vias angustas magno cum labore trium, vel 4. horarum spatio fodina visitatur. Ab ipso ore Cuniculorum ad pedes 408. acre frigus sentitur, dum per regionem maximè frigidam descenditur: sentitur postea aura tepidior, & ubicumq; foditur post simile spatium, nullum amplius est frigus, sed semper calor quantumcumq; profunde fodiatur. An verò quò magis acceditur ad terræ centrum calor ille major sit, se nunquam id advertisse respondent fossores, n̄ isti dum fodiendo occurrunt venæ calidorum mineralium maximè vitrioli & sulphuris, quæ in prima etiam regione teporem excitant ubivis reperiantur. Hinc calida illa fœtensq; exhalatio, quæ per puteum continuo ascendit tam copiosè, ut advenas insuetos terreat ipsasq; fossorum lampades, quamvis Elychniis instar digiti munitas persæpe suffocet. Subterraneus verò hic populus, de imminentibus aëris externi mutationibus primus cognoscit; nam cum aër supernus è sereno in nubilum debet verti, magnam sustinet molestiam à fumo solito crassiore copiosioreq; è profundioribus partibus ascendente, qui aërem, quem spirant, multo crassiorem & acriorem reddit, & suarum lampadum, tunc crepitantium lumen, vel minuit, vel extinguit. Similiter externus aër, qui per cuniculos ad fundum

fundum usq; fodinæ instar torrentis continuo descendit & artificiosè introducitur in diversa perystilla, seu loca in quib<sup>9</sup> fossiores laborant, per canales ligneos & fenestras clausas, vel apertas, prout necesse est tunc cum ex locis in quæ introducitur aër ille externus via pateat ad puteum, exhalatio aëre levior ex omnibus illis sese recipit ad puteum, solito citius, & magno impetu ascendit. Si verò aëris externi præcluderetur aditus intra horæ quadrantem omnes perirent. Solitariè laborantibus interdum apparent dæmones in Æthiopū homuncionū forma, qui nugantur cum ipsis. Porro inter descendendum, in locis in quibus olim laboratum, advertis quomodo venæ metallicæ inter duas tabulas procedunt, & quomodo dum silicibus interrumpuntur, fossiores ex inclinatione tabularum, in quam partem deflectant conjiciunt, & acu illita ad magnetem circulisq; probè divisis, docent quo præcisè loco fodiendum, ut eam denuò reperiant. Inter varias in aurifodina cameras, una est satis ampla quæ tota smaragdino constat vitriolo, quod longè melius est eo qui Saphiri est coloris, dum vero educitur in reditu, indurefcit à frigore, si nondum maturum est.

## CAP. XI.

*Quæ à Grano amne ad ostium Savi, secundum Danubium sita.*

Utra Grani ostium progredienti, post minuta 18. obijciuntur oculis rudera arcis Vize-  
Ff 2 gradæ,

gradæ, quæ Regum fuit aliquando domicilium. Sequitur ad Viſam inſulam Vaccia urbs exigua, muſarum olim domicilium, nunc Martis. Deinde ager uberrimus, in quo Aquincum oppidum, ibi ſub Duce Limitaneo, Valeriæ Præfeſtus Legionis ſecundæ adjutricis excubabat, & trans illud in Barbarico ſolo auxilia vigilum. Hic Valentinianus contabulato celeri ſtudio, ponte, in Quados movit, & ſubito in curſu agros eorum vaſtavit. Ipſi poſtea inditum nomen Budæ, vel à Budinis Scytarum gente: vel à Buda Attilæ fratre & in imperio Collega, vel ab aqua quam Sclavini vocant Buodam: nulla enim regio, quæ plures aut ſalubriores aquas habeat; nam infra arcem ſunt termæ in quibus Reges lavabantur, ſunt communes, ſunt hoſpitales: Eſt ita fervens, ut in eam miſſum ovum elixetur celerius, quam ad luculentum ignem, huic verò fons frigidus ita contiguus, ut ſimul una urna poſſis calidam haurire, altera frigidam. Cum autem balnea publica condere Turci arbitrentur, & viventibus glorioſum, & vita functis ſalutare, hic Solimanus poſt occupatam Budam anno 1526. ſede regia & ædificiis cultiſſimam, ampliſſimum ſtravit marmore. Arx regia ortum ſpectat, ſita urbs eſt in colle, in lat. 47. 5. *Oſen* appellant Turci, nunc præſidiarii milites cenſentur in ea octo mille, præter triremes triginta, quæ in ſinu obverſo ad Peſtum ſtant in anchoris, quando per Danubium non diſcurrunt Deinceps per m. 10. Belgradum uſq; tacitus, maxime ſub Meridiem, labitur Danubius propter æquor complanatum, ut multis



multis in locis , in quam moveatur partem vix advertas, hinc frequentes toto hoc tractu insulæ uberes, & in utraq; ripa præceræ arbores intonse, hæc spatia inambulantibus, gratissimæ. Ad 20. minutum se exhibet Colossa urbs Vetus Epis. Inter quam & Tibiscum campi sunt Cumano-tum & Bachamegorum , pagis quidem infrequentes , sed pascuis supra modum fecundi. Batha urbs sita est ad ostium Leez Wizzi, seu Larnis, qui ortus ex latere Bâtoniorum montium rigat Vesprimium urbem olim Episcopatu & arce nobilem à qua paucis minutis versus boream distat Palotta arx fossa duplici munita. Inde petit Albanum , seu Albam Regalem vetus oppidum palustri loco situm, dictum nunc *Stult-  
vveissenburg*, ubi Reges Hungariæ solebant & Coronari & Sepeliri. Deinceps per ripam dexteram in Danubium aperiunt sibi viam Dravus & Savus, Illyrii amnes inclyti; urbes præcipuæ inter utrumq; os Eiloch & Petri Waradi, & in sinistra ripa ostium Tibisci, de quibus nunc agendum.

## CAPUT XII.

*Dravus, Illyricum, Carinthia,  
Scuria.*

IN Illyrico pauca olim effatu digna, aut scilicia nomina, originem & terminos superius indicavimus. Justiniani tempore Slavini, gens Scythica post multas strages edita hinc tandem cõsedidit. Posterius dicti Slavi vernacula voce *Szlau*

quæ apud ipsos gloriam significat, unde & ple-  
raq; illustrium virorum, vel urbium nomina, Sta-  
nislau, Vratislau, & his similia. Regio ditis est  
admodum soli, bis quibusdam in locis gravidæ  
pecudes & quater in anno tondentur.

Hodie omnium latissime patet lingua Sclavo-  
num cum à mari Adriatico ad ipsam prope Chi-  
nam & Tartaricum Oceanum in usu sit. Est ma-  
trix lingua in multas propagines diffusa puta Il-  
lyricam, Dalmaticam, Vindicam, Boëmicam, Po-  
lonicam, Rutenticam, & alias non paucas. Ejus  
autem duplices sunt Characteres, Rutenici sive  
Moscovitici, à Cyrillo inventi, totidem numero &  
figura pene similes Græcis, adjunctis pauculis  
Barbaris: Item Dalmatici, quorum autor D. Hie-  
ronymus à quo Hieronymiani dicti, eadem pote-  
state, totidem numero, sed figura longe dissimili.

Dravus è solitudine Alpium Noricarum è  
loco quem Toblium accolæ vocant, effusus  
violenter, ubi se collegit intra margines, Carin-  
thiam perlabitur, Stiriam, Sclavoniam, & in Ras-  
sia miscetur Danubio, ejus accolæ Illyrica  
utuntur lingua.

Ducatus Carinthiæ vern. *Kernten* Carnorum  
sedem occupat à fonte Dravi ad ostium Lavan-  
dæ fl. per minuta 100. necnon colles & valles cir-  
cumpositas, quæ hinc inde excurrunt ad m. circi-  
ter 50. Christi fidem an. 790. suscepit, subest in  
spiritualibus, ex parte Aquileiensi Patriarchæ, &  
ex parte Saltzburgensi Archiepiscopo. Dux il-  
lius Senator erat Imperii, & ad eum lites vena-  
torum omnium deferrebantur. Henrico Duce  
ultimo

ultimo vita functo absq; prole mascula, jure feudi devoluta est Carinthia ad Imperium anno Christi 1331. & ab Ludovico Casare dono data Duci Austriæ Alberto II. Insidet Dravo Julium Carnicum Norici Mediterranei quondam oppidum, dictum nunc Villackum elegans & picturis ornatum, cui & circumpositis aliquod oppidis gubernatorem præficit Episcopus Bambergensis. Hinc post 34. m. augetur Dravus aquis Glanii & Willici amnium, qui confluunt ad S. Vitum, nunc Urbē Carinthiæ præcipuā à qua minutis 8. Clagenfurtum urbs munita, Ducum quondam sedes, vocata antiquitus Claudia. Inter utramq; patens etiam campus *Solfeds* in quo apparent ruina dera Solvensis oppidi. Est præterea Marmor in valle ad quod Princeps de novo inaugurandus sistit se, indutus veste, pileo & baculo pastoralis coram rustico è certa quadam familia, quæ Christi fidem dicitur prima suscepisse. Hic stans supra saxum media inter vaccam nigram & jumentum macre, sciscitatur à populo, utrum is quem proponunt, sit fidei Christianæ tenax, amans legum & pietatis cultor, quibus annuentibus, descendit & acceptis muneribus, monet, ut dictis facta respondeant. Iisdem annibus miscetur alius, qui rigat Frisachum, ubi multa antiquitatis vestigia. Post 17. minuta Dravo miscetur Lavanda, qui Lavamundam inter & Draburgum labitur, hanc Stiria, illam Carinthiæ urbes, quæ aëre fruuntur læto.

Stiria vestr. *Stiermach*, patet secundum Dravum inter ostia Lavandæ & Muræ, nullius rei indiga, quæ homini sit necessaria: ferri autem

& argenti mineris dives. Urbes hujus ad Dravum nominatæ sunt *Marpurg.* *Pettau,* & trans dexteram ripam Variana castra, seu Comitatus Varasdinensis. Ad Muram vero Muripons vern. *Pruckan der Mure*, Superioris Stiriaë urbs primaria, Grætia vern. *Gratz* caput totius Stiriaë, nec non *Rachelsburg* arx celebris opposita Caniziaë Turcorum quæ 30. m. ab ea versus ortum removetur, inter utramq; ager est Lutembergensis generoso vino nobilis. Ducatus titulo ornata est Stiria à Friderico Cæsare in gratiam Lupoldi Ducis Austriaë, quando uxorem duxit filiam Otrocari Marchionis Stiriaë. Mirum quam frequentes hic & deformes strumæ.

Post exceptos amnes è Stiria, Dravus tanta fertur celeritate Hungariam inter & Serviam, ut intuentium oculis officiat, & turbet caput: toto hoc spatio vix urbs est alicujus nominis præter D. Elizabetham, & ad amniculos influentes in lævam ripam Sigetum, sive *Safovar.* oppidum olim paludibus immersum, nunc arx munitissima sedes Sangiaci. Ab ea m. 16. absunt Quinquecelesia antiquum oppidum, in quo Solimannus Sigetum oppugnans fatis concessit ann. 1568. Ingreditur vero Dravus Danubium juxta locum quem Ptolemæus Teutoburgum appellat, qui hodie celeberrimus vicus est cum basilica munito loco sita cui Episcopus Quinquecelesiensis præest.

## CAP. XIII.

*Savus & Carniola.*

**S**AVUS ex Alpibus Carnicis exortus, superioris Carinthiæ montes secans, fertur in ortum per Carniolam, ad urbem Æmoniam vern. *Laubach*, quæ ipsi infidet, & prætervectus Celeiam Romanam Coloniam, Præsidis olim hujus Provinciæ sedem, nunc Comitatum *Gilley* quietior labitur, Croatiam sejungens à Sclavonia, & Bosniam à Rascia & per Serviam superbo alveo, quos illæ regiones ipsi commiserunt fluvios secum effundit ad Belgradum in Danubium qui hinc Ister appellatur.

Superiores partes Savi obtinet Carniola vern. *Krain* sedes olim Carnorum Japidum. Nunc duplex est, sicca quæ id omne complectitur quod est Labacum inter & Tergestum, quorum incolæ Histrii & Karssi dicuntur: alia verò irrigua in quâ fons Savi, *Rainburg* locus maximè munitus, & *Laubach* urbs Ducatus primaria, ubi Episcopalis Basilica, ad amnem Laubach similiter dictum cum olim Pamportus Tauriscorum, seu Nauportus, tam oppidum diceretur quàm amnis, quo unico Italiæ merces, jam ex antiquo ab Aquileia per Ocrum, quæ pars est Alpium humillima, delatæ inde per Pamportum invenhuntur in Savum, posteaq; in Danubium, & amnes in eum influentes. Incolæ partim Germani, partim Slavi, omnes ditionis Austriacæ. Tribus minutis à fonte Laubaci amnis, in pagò



*Zirknits* lacus est, qui quotannis aquis de repente ex abdito venientibus cum ingenti copia piscium exundat, appetente æstate exarescit, sic ut quo in loco fuit piscatus, in eo possis sementem jacere, quæ post 20. diem possit secari, magna tamen ejus pars præter juncum gignit nihil, montibus clauditur circumquaq; , vix milliario distat ab arce *Postonia*.

---

#### CAP. XIV.

##### *Croatia.*

**S**uccedit Croatia Regio castellis potius quam Sui bibus sparsim habitata, partim plana, partim montibus & collibus aspera, fertilis tamen, amœna & multis locis, vitibus consita, pecore dives & frugibus, nulliusq; rei indiga præterquam pacis: nam gens videtur nata ad bellum ipsiq; gladium versare ad simphoniam utriculi voluptas non levis. Quin etiam hic videas *Uskokos* ad instar *Damarum* ex uno colle in alium tanta ferri velocitate ut volitare hos populos diceres. Principes Austriaci vix quartam ejus partem obtinent, Turci reliquum. Morlaqui Austriorum subditi ripas accolunt Colapis Liburniæ amnis vern. *Kulp*, qui ex Albio monte delabitur, & montes *de Lika* qui à Novi-grado excurrunt ad *Segestam*. Hic arces duæ magni nominis *Segesta* vern. *Siseg* ad Savum & *Carlostadium* ad Colapim, ubi Armentarium instructissimum. Turcica Croatia incipit ab arce *Craſtorvix* ad Savum infra quam excipit amnem

annem *Vvana*, secundum quem arces habet munitas, *Vvibitz*, quam Turci totos 150. annos oppugnarunt, priusquam expugnarint. Et *Ob roaz*, à quâ ad Segeſtam Turci omnia redegerunt in ſolitudinem.

## CAP. XV.

*Sclavonia.*

**S**clavonia per 200. m. porrigitur ſecundum borealem Savi ripam, & per 12. excurrit verſus Dravum, Olivetis vinetisq; ſpecioſa. Occiduum partem Auſtrii occupant, ortivam Turcus, incolæ pleriq; omnes Chriſtum colunt liberri-  
mè. Auſtrii verſus montes arcem habent Kopr-  
nitzam, quæ Turcorum ſiſtit impetum & ad Sa-  
vum Zagradiam, ubi Societas JESU, collegium  
habet in his partibus celebre. Turcorum præci-  
pua munitio *Poſſega* ad confluentes Termanum  
& Oribam qui poſtea miſcentur Savo. Urbs verò  
celebrior, *Gradiſca* ad Savum.

## CAP. XVI.

*Bosna.*

**B**osna ſuos Principes habuit, qui aliquando  
dièti reperiuntur Duces Sancti Sabæ; alias  
Bosnæ Deſpotæ, interdum Reges Illyrici: Ve-  
rùm tam Reges Hungariæ quam Turcorum Im-  
peratores, dum ſub ſpecie tutamenti eos volue-  
runt ſibi habere addiſtos, & ex lege officii, & ob-  
ſequii clientares; utriq; regionem miſere afflixerunt,

runt, tandemq; Mehemet II. Stephanum Bosnæ, Rasciæ & Serviæ Despotam ultimum, qui parentem regno exuerat, corio iussit exui, anno 1472. Incolæ originem ducunt à Bessis Bulgariæ populis, qui ab inferiori Misia pulsî, confederunt in superiori, juxta Savum, & amnem Bosnam, à quo & ipsis postea hæsit nomen. Regni caput fuit *laurza*, in edito monte sita, Castello munita inexpugnabili, inter amnes Plenam & Ulierinam, qui in Savum postea labuntur, *Vanialuka*, ad eosdem amnes apposita nunc sedes est Bassæ, qui equitibus præest octingentis.

Hodie tamen *Serrail* ad Bosnam amnem urbs est Bosnæ præcipua. Vix ab eâ distat media Leuca D. Virgo Plumbensis, ubi ejusdem sacrae matris imago etiam à Turcis colitur magnâ pietate. Regio montibus aspera, mineris auri & argenti dives est, abundat etiam armentis & ovibus quæ si hîc mactentur, nullius pene sunt saporis, si vero circa Athesim pascua gustaverint, illico impinguantur, & carnem habent gratissimam; hinc est quod Veneti tantam educunt multitudinem, & ad pingua Padi traducunt prata, ut per Italiam postea distrahant.

## CAP. XVII.

*Mæsia, Rascia, Servia.*

Ubi Danubio miscetur Savus, Pannoniæ jungitur Mæsia, Cereris horreum & provincia, in quam traducta aliquando quingenta hominum millia ex Dacia. Ad pontum usq; olim excurrere

excurrebat cum Danubio: In ea fuerunt Dardani, Triballi, Mæsi proprie dicti, Thraces, pontoq; contermini Scythiæ. Triballos solo visu fascinare, & occidisse eos, quos fixis, & iratis oculis aspexissent, imò quosdam in singulis oculis geminas habuisse pupillas refert Plin. l. 7. c. 2. Romani Mysiam diviserunt in superiorem, quam amne Ciabro finit Ptolemæus, & in inferiorem. Media ætas in Serviam & Bulgariam per flu. Nissavam. Iterumq; Serviam in Rasciam & Serviam per ipsum Savum. Rasciæ longitudo, qua maxima est, centum octoginta mille passus colligit ab ortu in occasum, hoc est à Possëga ad Semendriam. Latitudo inter Savum & Dravum excurrit. Hinc Servia ad Nissavam patet, utriusq; tanta est ubertas, ut Andrinopoli, & Constantinopoli frumentariam sufficiat annonam & carnes suppeditet, etiam Ragusii infinitam vim ceræ, lanæ, coriorum omnis generis & caseorum, qui Hollandicis præferuntur hinc exportant; communiter ovis venit 15. assibus, volatile asse cum medio. Urbes præcipuæ sunt *Vivar* ad Savum, qui hic excipit amnem *Drivo* ortum è montibus Macedoniæ, qui Priscidenam rigat Justiniani Imperatoris patriam & *Orach*, sedem Sangiaci Serviæ. Est & *Sabat* ad Savum, infra quod oppidum miscetur ipsi Balcuntius vern. *Bozuntha* amnis, qui alluit Sirmium, in quo natus Imperator Probus, fato cefsit Claudius post ingentem Gothorum manum profligatam. Constantius Imper. Concilium habuit; & præfectus Illyrici sedem: Hinc ager dictus

Sirmienſis inter Savum, Dravum & Danubium  
 medius vino nobili celebris. Taurunum Pan-  
 noniæ & Imperii Occidentis ultimum oppidum  
 dictum, vulgò Belgradum & Albam Græca, im-  
 minet ostio Savi in Danubium in latitud. 44. 36.  
 In tota Europa poſt Conſtantinopolim urbs  
 nulla, cujus ſitus, agri ubertas, & aſpectus ſit  
 gravior, cum hac componenda. Solymannus  
 eam occupavit an. 1520. nunc ſedes eſt Caiſmaca-  
 ni, qui vices gerit Baſſæ Budenſis in regenda  
 Provincia, hîc ut plurimum deferunt Danu-  
 bium, & intra 8. dies feruntur equis, qui pergunt  
 Conſtantinopolim. Ab eâ 25. m. verſus ortum  
 diſtat Singidunum, vulgò *Semendria*, hoc eſt,  
 urbs S. Andreæ à Turcis vaſtata an. 1439. cum  
 prius ſedes fuiſſet Deſpotarum Serviæ, quorum  
 primus Lazarus Bulco, hanc à Regibus Hunga-  
 riæ obtinuerat dignitatem, ejusq; poſteri dicti  
 erant Lazari; vel Bulqui, ad Chriſtinam Serviæ  
 Deſpinam, quæ nupſit Stephano Deſpotæ  
 Boſnæ, qui à Turcis occiſus eſt, vix hodie ſuper-  
 ſunt urbis laceri parietes & rudera. Inde ſi navi-  
 gaveris 40. mille paſſus, pervenies ad Zeverin-  
 um, ubi etiam nunc Marmorei pontis Trajani  
 reliquiæ ſtant, 34. ex quadrato lapide pilæ, qua-  
 rum altitudo 150. pedum præter fundamenta,  
 lat. 60. pedes continet, diſtantq; inter ſe 170. pe-  
 dibus, & fornicibus jungebantur priuſquam eos  
 demoliri juberet Adrianus Imper. maximum  
 fanè Architecturæ miraculum, nec ſcitur quo-  
 modo in illa gurgitum altitudine, in fluvio tam  
 præcipiti, feroci, vorticoſo, & quialidò derivari



non poterat, potuerint artifices in limoso solo tantarum molium fundamenta stabilire. Pergit adhuc Danubius per Serviam centum circiter octoginta mille passus ad ostium Moranae quondam Ciabri, qui Serviam à Bulgaria nunc separat, sicut olim superiorem Mysiam ab inferiori sejungebat. In Moranam labitur amnis Ibar, qui *Novibazar* perluit urbem, quâ transeunt, qui difficiles transmittunt montes Slavoniae, ut petant Venetias, vel aliquod Hadriatici maris Emporium.

## CAP. XVIII.

*Bulgaria.*

Serviam excipit Bulgaria, Mæsiæ pars inferior supra Thraciam extensa ab amne Nessana secundum Danubium ad ejus ostia, & pontum Euxinum. Ipsi nomen à *Bulga* Scytharum trans Danubium fluvio. Benigna est pascendis pecoribus, nec fruges negaret, si cultura accederet, sit licet montibus obsita multis in locis. Incolæ plurima damna intulerunt regno Constantinopolitano & Christianis, donec primum emolliti à sorore Trebellii ipsorum Regis, quæ captiva & in aulâ Caroli Magni imbuta Christianis moribus, iisdem postea informavit patrem, tandemq; circa annum 970. Theodosiæ Imperatricis studio & diligentia, Bulgari omnes Christo dederunt nomen. Turcorum Imperator, circa annum 1396. Bulgariam, quæ ad Hungariæ regnum pertinebat, armis occupavit, repugnante

repugnante totis viribus Sigismundo Rege, qui ad regni gubernacula sedit cum conjugē annos 51. Non alibi jam sub Turcorum imperio plures sunt Christiani, sed rudes adeo ut præter jejunia, quæ observant & nomina Christiana, quæ sibi imponunt vix differant à Turcis. Præcipua apud eos urbs, *Sophia* in Mediterraneis sedes Beglierbegi Rumeliæ, in planicie in qua 350. numerantur Christianorum pagi: per eam transeunt necessario, quotquot Constantinopoli proficiscuntur in Hungariam, Venetias vel Ragusium: sita est ad amnem Iscum, qui miscetur Danubio supra Nicopolim, quæ altera urbs est Sanguiaci sedes. Habes & Axiopolim à quâ Danubius ad pontum Ister appellatur, si Ptolemæo credimus. Ad oram maris Tomi nunc Tomisuar urbs in qua Theotimus olim Antistes, cujus Hieronymus in Catalogo virorum illustrium meminit, & in qua Ovidius propter amatoris artis spurciciem ab Augusto est relegatus, distabat haud procul ab Istropoli clarissima quondam urbe.

---

### C A P. XIX.

*Tibiscus cum ulteriori Hungaria, & Meriscus cum parte Transilvaniæ.*

**T**ibiscus aliis Tyssia fluvijs, quem totum sola sibi ulterior Hungaria vindicat, oritur in lat. 48. 30. è fonte exiguo, sub altissimis Carpati jugis, in Comitatu, quem à frigore dicimus

dicimus Maromarusium. Tantis intra tertium milliarium augetur incrementis, propter limpidissimos torrentes, qui in eum è vicinis montibus præcipitant, ut hinc patiens sit navigiorum quibus evehuntur lapides, seu frustra salis 4000. singula librarum circiter viginti. Ex illis angustis eluctatus, ubi campestria attingit, fluit impurior, maximè post admissos amnes Zamosum, Bogrodium, Tarsam, Wizzam, Sagyvam, Chrysum, Mariscum, & Tameffam, quorum omnium aquis auctus in Danubium evolvitur, minutis 15. supra ostium Savi in eundem Danubium in lat. 45. 20. Nullus est fluvius, qui Tibiscum superet proventu piscium, sive rationem habeas diversarum specierum, sive magnitudinis, sive saporis: præcipui sunt Sturiones, Lucii, Carpiones, quorum omnium tantam largitur copiam, ut cum intra regionis limites distribui nequeant, neque evehi ad circumpositas, his porcorum greges alantur, ut ejecti in ripas aërem peste inficiant. Per eum sal omne evehitur, quod per totam postea Hungariam, Danubium, Savum & Dravum distribuitur. Qui inter Tibiscum & Danubium incolunt, idioma proprium habent ab Hungarico plane diversum, ii enim sunt ex Jazigum Metanastarum gentibus, atq; etiamnum Jaz nuncupantur.

Motu Carpates ab Vistulæ fontibus recta ad Meridiem juxta Jazigum campestria in Danubium prominet, ibiq; finit Germaniam, tum in ortum conversus per Dacos, Mœsos & gentes Scythicas pergit: fodinas habet salis, æris, argenti.

argenti & auri. Magno hominum numero Germani adhabitant, à circumpositis gentibus, lingua, institutis & habitu diversi. Slavorum lingua, appellantur Tatri, hoc est, Tartari, quod versus Tartariam protendantur. Hungari vocant Tarezal nomine deducto à derafo vertice. Altissimi putantur esse circa Comitatum Liptoniensem, ubi fons Vagi amnis; nusquam enim altius se attollit, nec horridioribus jugis assurgit, unde & Nivis montes eos dicunt Germani incolæ.

In Comitatu Maromarusio, est sal nativus, qui cæditur in lapidicinis, in quibus multa interdum reperiuntur, quæ in generali eluvione mundi existimantur hic consépulta, qualia sunt, a robur trabi simile, carbones, & gallina incorrupta ovīs incubans.

Post varios fluxus, & meandros, Tibiscus Perigiensem Comitatum perluit, & in eo excipit amnem Sámosum, qui ortus in jugis Daricis, ad Moldaviam vergentibus, primò fluit Orientem versus, & Gyvvlam rigat arcem Episcopalem, deinde conversus ad austrum radit pomeria civitatis Colosvarix seu *Clausembourg*, 47. 18. sita est in plano, ædificiis splendida & munita vallo: eam incolunt Saxones mixti Pannonibus, qui judicem alternis vicibus deligunt: hi Hungarum illi Saxonem. Non longe ab ea versus occasum eminent altissimæ rupes duæ, inter quas amnis labitur. Hinc abit in Septentriones ad urbem Búsglos, sitam in amplissimæ vallis planicie, quæ habet utrimq; colles vitiferos, appellatur

latur verò Bistricia ab amne Bistricio, qui ortus in Ciculis è monte Carpato, hic miscetur Samoso: ab ea, quatuor non amplius milliaribus distant aurifodinæ Roduenses. Rigat etiã Zarmariam oppidum urcunq; munitum, necnon Samos oppidum.

A flexu & ostio Samosi, abit versus occasum Tibiscus ad Toccaiam arcem natura & operibus firmam, sed inundationibus obnoxiam, propter confluentem hic Bogrodum, nec ita multo post Tarsam, cujus fons in rupibus, quæ imminent Zepusienfi Comitatu & arci, ubi aquæ, quæ ferream equi soleam consumit, intra horas 24. & fontes alii, quorum unius aqua lapidescit ad modum pumicis, unde tritum illud incolas domos inhabitare factas ex aqua: alterius, qui per hyemem fluit, æstâ congelatur. Tertius leralis est animantibus, quod plurimum in eo sit aconiti. Est & alius qui crescente Luna augetur, deficiente minuitur, atque aded in interlunio prorsus deficit, sunt præterea ad fines Eperiensium & arcis Saros, ex quibus sal excoquitur, & reperitur vitriolum, cùm nativum, tum factitium magna copia Tarsæ conjungitur amnis Hevatus, qui Cassoviam rigat urbem cultam, & quæ adhuc multum retinet veteris splendoris. Admisso Tarla Tibiscus fleatitur in austrum, & post m. 8. excipit Wizzam amnem, qui præterluit Vinundriam dictam, nunc Agriam sedem Episcopalem, cujus obsidione post evibratos duodecim mille globos, solve re coactus est Solimannus, & si nullis sit munita propu-



propugnaculis. Hinc Tibisci ripa sinistra, quæ Transilvaniae obvertitur multis oppidulis, vicis & castellis cultum est. Sunt & quædam in Mediterraneis non ignobilia, ut Nagalæ fanum, & Echicda ad ejusdem nominis lacum, 47. 24. ad Solnocum arcem, cujus munitioni imprimis confidunt Turci, Sagyna amnis & cum eo Genges & Tarna miscentur in lat. 47. 6. Inde si navigaveris 30. circiter min. pervenies ad oppidum *Czongrad* situm in lat. 46. 38. ubi Tibiscus excipit fluvium *Kerez*, qui ex tribus coalescit aranibus, qui omnes dicuntur Chrysi, quod ramenta auri & massulas aliquando rapiant auri in glandis magnitudine, interdum etiam libræ, nam violenter ita exundant, ut ipsos currus abducant in præceps. Habent verò quovis tempore pisces selectissimos, fundulos, cephalos, carpiones, auratas, truttas & complures alios. Borealis primas Hungariæ metas, a Transilvanis limitibus sejungit, ejus fontes erumpunt è Dacicis jugis in latit. 47. 20. supra Sebesvar, m. 5. Inter asperas præcípitesq; Alpes continuis anfractibus, & celeri meatu decurrit per loca deserta, quæ Valachi incolunt, ex questu pecorum & piscium visitantes, loca celebriora alluit *Reeff*, & *Thelegd*. Indeque abit in Varadiensem civitatem amplissimam sitam in planitie, in lat. 47. nullis cinctam mœniis, olim tamen munitam arce, in qua conditus Ladislaus Rex, & frater Georgius loci Episcopus residebat. Populus est Hungaricus Teutonicis mixtis, qui ex rebus Turcicis quæstum faciunt, Australis oritur ex alpibus, quibus imminet,

imminet Abruckbania, in decursu oppidum salutatur Keresbaniam, quod Saxones & Valachi incolunt, à quibus ea loca sunt ex frequenti depredatione minus tuta.

Zegedini in lat. 46. 20. idem Tibiscus admittit Meriscum. Straboni Marisium, Tacito Marum, Plinio Morum. E monte Carpato & Alpibus, qui Transilvaniae Moldaviam jungunt, fluit exili primum alveo, deinde collectis aliorum rivulorum undis auctior labitur per Transilvaniam, Denuam & Lypiam: per eum Romani, quando exercitum ducebant in Getas & Dacos, devehabant res necessarias ad bellum, nunc omne sal evehitur ex Transilvania, deponitur Zegedini, atque inde per totam defertur Hungariam, indeque per Tybiscum, Belgradum, & per Serviam deducitur. Ad fontes Marisii sedet Ciculorum pagus Marcus Zyck, quorum oppidum, & praeipuum, & amplissimum *Keekel Wasfarhel* Saxonibus *Nerummarck*, 47. 36. ubi conventus praeipui habentur. Hinc ad *Nadglak*. Post 20. m. Marisius excipit amnem Auratum, vern. *Armas*, ortum in montibus *Abrug*, qui Thoradam praeterfluit civitatem, nullis quidem moenibus cinctam, amplam tamen & sitam in agro vini feraci & compascuo, ubi sedes praefecti camerarum salis, & fodinae illae celebres, quae toti Hungariae salem suppeditant. Inde si navigaveris 30. circiter minuta, devenies ad ostium *Kikelleuv* amnium, quorum unus dicitur major, alter minor. Ille oritur in montanis Schiis, ubi Ciculorum pagi *Gyrgio* & *Seck*, civitatem alluit

alluit Segesvariam, 47. 26. ex parte sitam in colle edito, & Megiensē urbem in meditullio Transilvaniae positam in agro vini, aliarumq; rerum feraci, arcibus & mœniis firmatam, à qua minutis 12. versus occasum ad ripam minoris *Kikellervv*, removetur arx *Kykellervvat*, ubi egregia vinearum promontoria, vina optima rerumque aliarum magna affluentia. Miscetur Marisso minutis 14. supra Albam Juliam, quæ dicta olim Zarmis Daciae Regum fuit & Regia ad Decebalum Regem ultimum, quem Trajanus vicit & potitus est ejus thesauris sub Sargeriae amne reconditis, appellata deinde Colonia, Ulpia, Trajana, Augusta, Dacia, & à D. Julia matre Aurelii pii Julia. Gothos hanc olim incoluisse vetustas characterum indicat, abrogato Episcopatu Isabellæ Reginae Hungariae sedes fuit. Porro Sargeritæ amnis, nunc dictus *Ompai*, fontem habet in Alpibus, quæ hic licet excelsissimæ sint & aditu difficillimæ, urbibus tamen non carent, inter quas *Abrughania* eminet propter fodinas auri & argenti, necnon collegium Sacerdotum. Sargeritæ apponitur Zalathma insignis tempore Trajani propter aurifodinas, ejus amplitudinem testantur rudera, lambit & rupem altissimam, in qua templum D. Michaëli sacrum, & multa antiquitatis monumenta.

Minutis 10. infra Albam Juliam sunt oppida duo *Winez* & *Borboreck*, ad quæ sal Regium ratibus instructis applicatur, ut inde in Hungariam provehatur. Ab iis non longè Zabezus Saxonibus *Bros*, civitas sita in lat. 46. 38. in valle profun-

profunda, aquis munita, ædificiis ornata, in agro, frugum, vini, piscium, & ferinæ omnis generis feraci. Hinc sensim flestitur in occasum Marisus, ubi in lat. 46.16. admittit amnem, quem emittit vallis *Hatzag*, octo milliaria extensa, alpibus eminentissimis circumsepta, præsertim ab ortu & meridie, ubi spaciosissimus transitus in Mœsiam, quæ Transalpina vocatur. Vallis nomen sortitur ab oppido *Zaczas*, quod Valachi mixti Pannonibus habitant. Ad plagam Meridionalem apparent rudera urbis amplissimæ: Varheli loco nomen quod significat locum urbis, sæpius Valachos hic invenias, qui inter rudera pretiosos lapides, & numismata aurea interdum effodiunt. Deniq; apposta est Marisio Lippa civitas, quam Sigismundus Princeps Transilvaniæ Turcis eripuit, anno 1595. Bethleemus verò Gabor Vaivoda Turco non ita pridem cum Varadino iterum tradidit. Postremo Tibiscus Danubio proximus excipit Temesam fluvium, qui Temesvariensem Beglerbegatum perluit, ipsumq; *Temesvar* castellum & oppidum in inferiori Pannonia situm, opere, natura, & præsidio munitum.

a In *Rep. Hungaria* pag. 77. b *Strab. l. 7. p. 303.*

---

## C A P. XX.

### *Dacia.*

**D** Aci secundum utramq; Danubii ripam à Scodro monte ad Carpathum & pontum Euxinum

Euxinum longe lateq; fusi, variis subinde nominibus sunt appellati. Nam qui versus Germaniam habitabant Daci, qui versus Euxinum Getæ reperiuntur dicti. Immortales eos vocat Herodotus, quia non putabant se mori, sed ad Deum suum Zamolxim transire. Jornandes ait vocatos Gepidas & Gepandas à dictione Gothica, quod ingenio & corpore essent tardi, unde & apud comædos mediastini & servi dicuntur sæpius Getæ & Davi. Decies centena milliaria tenuisse in circuitu, docet Eutropius. Præcipui Daciæ populi fuerunt Mœsi sive Mysi, Triballi, Dardani (hi secundum Strabonem ter in vita, nec sæpius, lavabantur, statim à partu, cum nuptias ineunt, & cum mortem obierunt) Jazyges, & Scythæ Thrasences: Ovidius in Tristibus ait, eos fuisse truces vultu, voce feros, barba & coma hispidos, semper accinctos ferro & sagittis veneno illitis, & jus ense sibi reddidisse. Eorum aliqui ab uxoribus abstinebant teste Strabone, quibusdam vix sufficiebant decem. Sacerdotes Regibus eorum semper fuerunt à consiliis, ex quo Zamolxis Geta, Pythagore famulus, & Getis acceptissimus promisit Regi se denunciatum Dei voluntates, si eum in Collegam Regni admitteret. Regibus suis ita fuerunt obediens, ut cum Boerebista iussisset suos subditos vino abstinere, & vites abscindere, ipsi illico paruerint: similiter cum Rex Olero, quod adversus Bastarnas male pugnassent, iussisset ut capturi somnum capita ponerent loco pedum, & suis uxoribus famularentur, ipsi obtemperarint, donec



donec ignominiam præclarè factis delerunt; ducenta interdum armatorum millia habuerunt sub signis. Augustus Romanorum primus eos domuit, & quingenta eorum millia traduxit, cis Danubium, ubi dicti sunt Moësi, Trajanus verò in Provinciæ formam redegit.

## CAP. XXI.

*Transilvania pars altera ad flumen  
Aluturnum.*

**D**acia temporibus Trajani Regem habuit Decebalum, qui tantâ clade editâ confligit cum Romanis, ut Trajanus dicatur non pepercisse vestî propriæ, quam in partes conscissam suis partitus est militibus; ipso tamén capto Decebalo & occupatâ Regiâ, Trajanus de Dacia triumphavit, & Dacicus cœpit appellari, ad eam expeditionem Trajanus pontem, de quo superius memini, construxerat Decebalus postea necem sibi conscivit, caput ejus Romam delatum, & Dacia in Provinciam redacta, quæ Ripensis dicta est. Colonos deinde habuit Romanos, Sarmatas, Gothos, Hunnos. Quæ nunc dicitur Transilvania, incolas habuit Ciculos, Hungaros, Teutones, Saxones, qui regnante D. Stephano eam cum parte Hungariæ occuparunt. Habet & passim Valachos, qui nullis penè legibus obsequentes furtivo pecorum & equorum abigatu se alunt, amicti vestibus pilosis ex lana caprina contextis. Saxones sunt agriculturæ studiosi, proprio singuli utuntur idiomate, singulique suæ

Gg      sunt

sunt hæresi addicti, si excipias 30. circiter millia Catholicorum ritus Græci. Hungari & Nobiles mixti sunt Saxonibus, vestitu, armis & sermone cum Ciculis convenientes. Solum sic ferax est pecoris, vini, frumenti, auri & argenti, ut merito Hungariæ thesaurus dicta sit. Sunt sylvis boves jupati mirâ pernicitate præditi, sunt Uri, sunt Equi sylvestres, quorum juba ad terram usque demissa. Paruit diu Regibus Hungariæ, qui vices suas committebant Præfecto, quem Hungari Vaivodam nominant, voce mutuatâ à Sarmatis, qui hic appellant Provinciæ Capitaneum. A centum verò annis, quibus affectantes Ducis titulum, subdlexerunt se a Regis clientela, coacti sunt longè gravius subire jugum Turcorum, quibus pendunt quotannis grave tributum: ipsique Vaivodæ constituuntur, vel exautorantur pro arbitrio. Et si verò hætres nationes conjunctis viribus intra suos limites conscribere 90. hominum millia possint, & quemcunque hostem ex iis repellere, vix tamen possunt, è suis finibus educere plures 15. millibus.

Patet Regio secundum amnes Samos, Marizam & Alutam ultra Danubium, sylvis & montibus cincta ex omni parte, nisi qua fluminibus angusti patent exitus, qui firmis munitionibus occluduntur. Delineata jam à nobis eâ parte, quam Samosus & Marisus rigant, superest ut jam de Aluta dicamus.

Fontes habet in montis Carpati radicibus, Ciculiam alluit, Transilvaniam & Valachiam, & per angustas valles subit Danubium haud longè  
supra

supra Nicopolim in lat. 44. 15. Cicalia Dacia pars  
ad Carpati radices sita est, ubi fontes amnium  
Bistrici, Samosi, Marisii, & Alutæ. Rempubli-  
cam constituit, quæ septem pagis, seu regionibus cõ-  
stat, nulli subest Principi, singulæ tantum fami-  
liæ dant bovem Vaivodæ recens electo, vel vitâ  
functo, vel novâ prole aucto. Dignitatès inter  
se distribuunt sorte, si quid de republica tra-  
ctandum occurrat, suos habent conventus in  
præcipuo oppido *Neumarc*. Durum omninò ge-  
nus hominum, bello natum, intonsâ barbâ &  
promisso capillitio horridum in prima semper  
acie dimicat: apud eos ignobilis nemo, & si ca-  
prino tantum gregi præsit. Scribunt Hebræorū  
more à dextra ad sinistram. Alutus rigat eorum  
pagos Czich, Kysdi, oppidaque ejusdem nomi-  
nis sita in terra aspera in ultimo Transilvaniae  
latere boreali, hinc abit ad D. Georgii oppidum,  
& post minuta 14 augetur alio amne, qui ri-  
gat oppidum *Neumarek* in lat. 47. 35. & *Orbay*  
caput pagi cognominis, pergit postea ad *Mer-  
genburg*, ubi excipit Burciam amnem (à quo hæc  
pars Transilvaniae dicitur Burcia) cujus origo  
in montibus, in quorum angustiis, quibus solis-  
itur Tergovistum, sita est arx Turtzfest ad tute-  
lam Mercatorum posita, augeturque duobus ri-  
vis, ad quorum alterum habes Coronam, Ger-  
manis *Constat*, Hungaris Brassoviam 47. 7. ur-  
bem munitam, fontibus irriguam, academiâ &  
insigni Bibliothecâ ornatam & Græcorum ne-  
gotiatione frequentē, tria habet suburbia distin-  
ctis vallibus posita, quorum unum incolunt Bul-

gari, alterum Hungari, Saxones agricolæ tertium. Lino præcipuè abundat & frumento. Ubi Alutus Transilvaniam attingit & Barcensem terram à Ciculorū metis dirimit, inde abit Fogaras 47. arcem in palustri loco munitam, si quæ alia, ex qua anno 1541. fraude eductus Stephanus Maylat Vaivoda, & missus Constantinopolim. Commune est emporium Valaceorum, Ciculorum, Aremenorum & Grecorum, nulla urbs populosior, illâ, cives & belli & pacis artibus instructissimi. Post minuta 27. præterluit Rote-thum, hoc est, rubram turrin, castrum firmissimum, in quo Cibinienses cives excubias agunt in ipso montium ostio, per quod unicum in Transilvaniam Turcis patet aditus: supra hanc turrin Alutus excipit Cibinnium amnem, qui *Hermenstatt* rigat urbem Transilvaniæ primariam, amplam, munitam paludibus, duplici muro & fossis.

---

## C A P. XXI.

### *Valachia.*

**Q**Uæ duæ nunc regiones Valachiæ & Moldaviæ nominibus distinguuntur, superiori ætate, uno Valachiæ vocabulo censebantur, cum verò eam divideret mons Hemus, in maiorem & minorem ætas posterior divisit. Minor inter annes Alutam & Strethum Valachiæ nomen retinuit. Minor, quæ borealior est, & ad Rusciam & Podoliæ Niestrum excurrit, Moldavia nunc appellatur. Incolæ originem repetunt à 30. ho-

minum

minum millibus, quos Trajanus post debellatos Getas huc misit, ut terram colerent, & necessaria sufficerent exercitibus, quos Romani hinc tenebant contra Scytas & Sarmatas, quæque suo nunc paret Principi, quem Sarmaticæ gentis vocabulo Vaivodam, hoc est, summum Ducem appellant, vel Bogdans, hoc est, donum Dei, quod idem sonat quod Græcis Theodorus, seu Dei-donum, unde & Turci regionem hanc vocant Bogdaniam. Polonis sæpius, aliquando Hungaris utraque fuit stipendiaria, nunc & Polonis & Turcis. Vaivoda Talachia Turco pendit quotannis 120. mille florenos. Regio verò et si immanibus silvis umbrosa sit plerisque locis & montibus altissimis obsita, fruges tamen benignè profundit, & pascendis pecoribus sic benigna est, ut omnia penè hinc emittantur armenta & greges, qui per Hungariam, Poloniam & Germaniam distrahuntur, præter 150. naves omnis penuriæ rei annona instructissimas, quas secundo Danubio per Pontum mittunt Constantino-polim quotannis. Equos etiam habet maximè vegetos, & laboris patientissimos, maximè, si castrati sint. Incolæ omnes, licet sint pastores, aut subulci, bellicosissimi tamen sunt, sed plerique habentur dubiæ fidei, ad res novas propensi, & vino dediti. Mulieres assident mensis primæ. Ritus sequuntur Græcum, & parent Archiepiscopo Constantinopolitano. Præcipuæ urbes sunt Dombroviza ad amnem cognominem in lat. 45. Tergovisko Valachia caput, & sedes Vaivodæ ad flumen Jalonieza 45. 46. Brackovia, seu Bras-



ckovia 46. 30. Episcopalis civitas ad fontes ejusdem amnis sita versus montes. Denique Braillov 44. 45. ad Danubium proximè Moldaviam.

---

C A P. XXII.

*Moldavia, Danubii ostia;  
Bessarabia.*


**M**Oldavia Daciæ pars, inter amnem Strethum, Danubii flexum & ostia, oram Ponti & fluvium Niefter, qui eam dirimit à Podolia, patet in longum per leucas 64. bene grandes. Ipsi nomen à fluvio Multavo, vernac. *Moldavv*. Dicitur etiam Valachia Cisalpina, ab excissione montis Hæmi, qui hic interruptus Istro, iterumque resurgens committitur monti Carpatho: habet pro insigni caput Bubali, quod his abundet. Solo est uberi, quod tamen frumentum nigrius producit: solo est uberi & incolis referto, Græci ritus. Omnes sunt vel Boëti, hoc est, nobiles bello addicti, vel Agricolaë, qui vel in solo præpingui sementem faciunt, vel è visceribus montium aurum & alia metalla eruunt, vel colunt vites, ex quibus vina colligunt eximie generosa, & quæ igne admoto flammam concipiunt. Equos habent totius Europæ præstantissimos. Nulli hîc Causidici, lites omnes, vel amici dirimunt, vel ipse Vaivoda. Felices & beati, nisi in limitibus Polonorum & Turcorum positi, dum singuli volunt eos habere sibi additos & clientes, omnium paterent direptionibus.

Per.

Perseuerarunt tamen in obsequio , & fide Polonorum ad annum 1611. quo Turcus Constantinum Vaivodam exautoravit, quod non misisset eum in possessionem ; & in ejus locum Stephanum creavit Regem , qui illicò petitus bello à Polonis, dum ex Metropoli *Vas* sita in lat. 47 38. ad amnem Pruth fuga sibi consulit, eam in cineres redegit : vix enim supersunt ædes 600. cum prius numerarentur plures quàm viginti mille. Nunc utrumque colit , & Turco pendit tributum nomine 58. mille aureos Italicos in singulos annos, equos 500. & falcones 300. Vaivodæ succedunt filii etiam nothi , electum Turcus mittit in possessionem traditione vexilli, gladii & militaris clavæ. Urbs præcipua & sedes Vaivodæ vocatur Ciukau ad amnem Steitum in lat. 47. 36. Arces aut munitas urbes possidet Danubio proximæ Romani Wasar 45. Bralla 45. 12. & Gallacz 45. 28. & interius ad Sterthum Romani-Wivar 45. 12.

Danubio ostia quinque tribuit Eratosthenes apud Strabonem, sex Ptolemæus, septem Ovidius, nempe quia insularum, quæ sunt ad ostium aliquæ aliquando per alluvionem junguntur continenti, aliàs aquarum violentiâ, una in plures dividitur, & de illis cum jam alibi dixerimus, tantum addo quod circum ostia accolentibus, plurimus ex piscatione quæstus est, captos pisces eviscerant, saliant, siccant, dolisque prægrandibus indunt, & per Pannonias & Sarmatiam distrahunt. Ab Istro ad Tyram fluvium stadia 900. Inter utrumq; fuit olim Ge-

tarum solitudo, qui cum Dacis ducenta millia hominum in bello aliquando eduxerunt contra Romanos, ipseque Darius contra eos movens, in periculum venit siti cum toto exercitu pereundi, quod Regio campestris sit & aquâ carens, sintque tantum duo magni lacus. Hęc nunc planities Bessarabia dicitur, olim Istra Moldaviæ, Provincia ultima ad Orientem. Interiora colunt Tartari, in sedes circiter 500. divisi, qui etsi origine sint Præcopi, & eorum more equorum carnibus victitent, contra Præcopenses tamē has partes tutantur pro Vaivoda Moldaviæ. Turcus in ora maritima arces habet tres benè munitas ab an. 1485. Kiliam dictam, olim Licostomum, ad ostium Danubii ultimum, versus Boream *Tehinie*, ad fl. Niester seu Tiras. Et inter utramque Moncastro, olim Henonassa, ubi Bassam habet, qui sub specie impensarum ad munitionem contra Cosacos necessariorum exigit quotannis plusquam 100. mille asperos: sita est ad lacum Vidovo ab Ovidio hîc exule, ut ajunt, sic dicto.



# GEOGRAPHICA ORBIS NOTITIA.

## LIBER DUODECIMUS.

### CAPUT I.

#### *Pontus Euxinus.*

**T**Hracico egressis Bosporo se se ingens Pontus aperit, dictus olim Inhospitalis, seu Axenus, propter Scythas accolentes ejus litora, qui naufragos immolabant Iphigeniæ, hospitum se se carnibus ingurgitabant, & eorum calvariis poculorum loco utebantur. Græci, qui omnia horrida & crudelia vocant Nigra, ob eandem causam appellarunt mare Nigrum, non verò ob aquæ colorem, quæ extra dubium candidior est, cum minus sit profunda quàm aqua Ægei maris. His omnibus barbaris ab Hercule devictis, posteaquam Jones condiderunt in ora hujus maris aliquot oppida, Græcorum commercio emolliti sunt dictusque tandem Pontus Euxinus, seu Hospitalis.

Maximæ ejus longitudo excurrit ad mille trecenta octoginta septem millia passuum, seu Stadiorum undecim millia, ac centum: Latitudo verò ad ter mille & trecenta Stadia. Curvatur in modum

G g s arcus

arcus Scythici: Omnisque ejus velut insularis circuitus est millium 2875. seu Stadiorum 23. millium. Omnium marium miminè altus est, si mediū excipias, quod Bathea vocat Aristoteles, existimans hac parte cum mari Caspio meatu subterraneo commisceri. Limum & arenaceos pulvillos aggerant 40. circiter flumina, quæ ex omni parte in eum evolvuntur, & undas sic temperant, ut ex ipso Oceano, se agminatim ad hunc scecessum conferant pisces, cum ut pariant, tum ut in hac aquarum suavitæte foetus educant in receptaculis cavis, quæ sunt ibi plurima, & quod pontum nulla intret bestia piscibus malefica, præter Vitulos & paucos Delphinos. Inter Pisces omnis generis frequentissimus est Pelamis. Nasceitur in palude Mæotica; ubi aliquid virium cepit, grege facto erumpit per ostium, & ad litus Asianum defertur usque ad Trapezuntem, atque ibi primū capitur: sed longè copiosior, & ad salsamentum commodior ad Sinopem justam magnitudinem assecuta: indeque tandem ad cornu Bytantii tanta copia, ut possit manibus comprehendī.

Strato apud Strabonem existimat Euxinum mare caruisse aliquando exitu, qui est ad Byantium, sed flumina, quæ in id effunduntur, vi eum aperuisse. Non probō; brevienim exundasset aqua in terras circumpositas. Ovidius hinc olim exul, pontum concrefcere sæpius innuit. Certè Copronymi tempore ita riguit ut glacies tunc alta fuerit triginta cubitos, cui nix superfusa ad 20. alios cubitos.



## CAP. II.

*Podolia.*

**A**Mne Tyrâ, Ponto & Borysthene cingitur pars Sarmatiæ, olim culta ab Alanis, Getis, Roxolanis & Bastarnis, dicta nunc Podolia, Poloniæ Marchionatus, conterminus Moldaviæ, Russiæ, Lithuaniciæ & vastissimis Tartarorû campis. Terra non invertitur quotannis, sed inter metendum segete leviter excussa, sequenti anno alia sponte crescit & reddit centuplum, sit licet aded dura & petrosa, ut bis senos saltē boves exposcat ad arandum, ipsum verò aratrum in agris fortè derelictum intra paucos dies propter gramen disparet. Cavæ arbores & rupes fissæ, solvuntur melle, cervis, bubalis, & equis sylvestribus plenæ sunt sylvæ. Tota autem Regio sparsis tantum viculis colitur propter Tartarorum incursiones. Multi in ea montes & lacus, Palatinus verò unicus. Duplici potissimum flumine irrigatur Dniester & Bogo.

Dniester antiquis dictus Tyras, à celeri cursu, oritur in monte Bieszkod in regione Prenysli in Russia, Bessarabiam & Valachiam dividit à Russia & Podolia: urbes salutat Bistricen, & Lipam in Russia; Zidaciou, 49. 40. Haliciam. 49. 25. vern. *Haliez*, munitionem, & Achoczin in Valachia, ubi amnem recipit Smotricz, qui arduas rigat, & abruptas rupes, inter quas latet Chamienicû, vern. *Kamienyecz* 49. 8. urbs præci-

pua Podoliæ à Turcis & Tartaris sæpius tentata, in qua Episcopi duo, unus Latinus, alter Græci, Deinde sicut olim mediusolvebatur inter Niconiam & Ophiussam, urbes Straboni memoratas, sic nunc inter geminam Orihoviam, vern. *Orihou*, & priusquam infra Tchiniam munitionem Turcicam misceatur Ponto, amnem excipit ex lacu Kutzuram, ubi divites salariæ officinæ, propter quas in Podoliam frequentes excurrunt hostiliter Tartari Biologrodenfes dicti ab arce in ipso penè sita ostio, fortè ubi olim turris, quam dicebant Neoptolemi, & vicus Hermonnactis. Ab ostio Tyæ, litus in ortum sensim obvertitur, deinde ad Septentrionem dilaturatur in sinum amplissimum, in quem se effundit Borysthenes. In ipso penè ostio antiquitus fuit Olbia celeberrimum emporium à Miletiis conditum. Nunc verò urbs *Ozakovu* 48. seu Vosia, à Tartaris condita in Lithuanorum solo, à qua circumpositi Tartari etiam nunc dicuntur Ozacenses, quantumvis eam Turcus obtinet. Sicut & castellum è lapide structum, sed non valdè munitum: hinc ad ostium Bogi influentis in Borysthenem numerantur Leucæ 4. lacus Podoliæ illum effundit. Inter varia oppida, quæ rigat, eminent Braclavia, vern. *Bractavu*, 49. urbs, cujus districtus amplissimus, & quasi Palatinatus cum arce lignea, in qua 500. Sclopetarii, qui contra Tartaros bella gerunt continua, & Codene aliis Priolce altissimis montibus & fluminibus cincta, Christianorum munitio ultima, ad quam Tartari sæpius à Polonis profligati. Porro Bogus putatur

atur Hypanis antiquorum, qui ex grandi palude profluit sapore dulcissimo, donec ad quadragesimum milliare miscetur ei Exampæus exiguus fonticulus, qui suâ amaritudine totum corrumpit fluvium. Eidem præterea miscetur amnis alius, qui rigat radices montis, cui impositum Barum oppidum, conditum à Bonna Sfortiæ Ducis Mediolanensis filia, uxore Sigismundi, paludibus vallatur, estque munitio tuta.

## CAP. III.

*Kozaci.*

**A** Voce Ruthenica Cozac, quæ significat militem vagum, appellantur 40. circiter Christianorum millia, qui in Podolia & Valachia stantes semper in procinctu, per fines Turcorum & Tartarorum discurrunt perpetuo, & innumera ipsis terrâ marique creant damna. Prodiere primi ex Cirehes insula Borysthenis, nunc è gente Polonorum plerique sunt oriundi, omnes stirpe nobiles, sed tenuioris fortunæ, vel qui non adeunt hæreditatem ex jure gentis fratrum posteriores. Turci eos vocant Russos, Galles *les Roux, ou Rousseaux*. Nunquam potuerunt ex ea insula expelli, quod grandioribus arundinibus prætexta, majoribus navibus aditum occludat. Ipsis deest nihil, quantumvis nec serant, nec metant: Palatini dant stipendia, victum Provinciæ, in quibus degunt, & quas tutantur divisi per turmas 120. equitum, præter servos, qui pari numero subsequuntur & excensionem faciunt, si quæ

plaga equo Domini imponatur. Depugnant induti Lænâ facta Kylo Moscorum ritu, quæ lanceis resistit & jaculis, armati sclopo breviori & catapultâ graviori, nec non unius aciei recurvo gladio, quem cathenulâ aureâ pendulum habent è carpo; discurrentes autem huc illuc, & singentes velle se ex diversis partibus congregi cum hoste, distractum in varia fundunt facile, tympano canunt ex ære, nunquam tubâ, nisi coram pretore, quem sibi constituunt, qui fidem Polono Regi spondet. In Mari Vectarios habent lembos, quos dicunt *Caics*, tectos boum tergoribus, in quibus foramina circiter 40. pro totidem hominibus, qui eas sibi pelles loris coriaceis ita applicant, ut nulla aquis pateat via, nec impediuntur propterea, extantes medio corpore, vel tractare arma, vel remigio incitare navigium. Quinquageni, ut plurimum propter litus navigant, ad suburbia propè Constantinopoleos. Quod si tempestas oriatur, vel Triremibus impares sentiant, ad Paludes Mæoticas se conferunt, lembos perforant, subsidunt aquis, & spiritum ducentes arundine, quam sic ori admovent, ut extremum illius aquis emineat, tam diu latent, donec sedato mari emergant, & ejectâ aquâ ex improviso, triremes adoriuntur, & eas frequenter obtinent. In accuratissimis recentiorum tabulis non reperi insulam Cirehes dictam, sed Tomakoukam sitam in Borysthene leucis 18. supra ostium Bogi, in qua Nisovii Kozacii tanquam in arce firmissima habitant.

## CAP. IV.

*Borysthenes.*

**B**orysthenes Ptolemæi, quem Danastrum vocat Jornandes in Gothicis, fluvius est Europæ totius post Danubium maximus: fontes habet è duplici lacu Russiæ; uni nomen Wolock, ab urbe ipsi proxima, cui etiam imminet Monasterium Sanctissimæ Trinitatis. Alteri nomen Dnieper in sylva Wolkouski, à quo nunc Borysthenes communiter dicitur fl. Dnieper. Inter omnes Scythiæ amnes, turbidis aliis, limpidissimus fluit & tenuissimus, unde & Hipani innatat, quando auster non flat, nullum halitum emittit. Plinius ait æstatis tempore fluere cæruleum. Jucundissimus est ad potum, alit quibusdam locis lætissima pabula, magnosq; pisces, quibus & optimus sapor & nulla ossa. Inferius verò maximè ab oppido Cirkassi 49. 30. labitur inter rupes altas & præcípites, quibus sic vallatur Lithuania, ut locis tantum decem aperiantur, in quibus armati semper excubant bene multi, vel in insulis, vel in salicetis, qui nullo negotio fundunt Tartaros, quando armis nudæ volunt transmittere cum suis equis, qui non secus flumina innatant, quàm oblongi & cirrati pilicænes: quod si per desertæ aliquando, ultra Circassos progressi Voluniam depopulantur & Lithuanos in servitutem abducunt, redeuntibus illis cum præda, Kozaci sæpius occurrunt, qui tam abacta, quàm abigæos abigunt. Cōmuniter  
verò



verò dicitur Borysthenem fluere melle & lacte, quod pars superior silvis obsita sit, quæ favis turgent. Inferior vero insulis implicata sit, in quibus pascua sunt longè uberrima.

Accolæ hujus fluminis dicti omnes ab antiquis Borysthenidæ: in superiori nunc parte Moscusc obtinet munitiones Wolock, Wiesmam, Drohobusch 56. 25. & Smolensco, 55. 23. civitatem Episcopalem amplam, muro cinctam, qui altus est decem ulnas, nec non arcem è roboribus ædificatam in silvis in confinio Livoniæ & Lithuanix, à Polonis, Turcis & Moscis sæpius obsidione cinctam. In medio arcis templum est scopulo superstructum Divæ Virgini sacrum.

Hinc post 12. leucas ingreditur Lithuaniam & urbem rigat Dubro Wnam 54. 65. Ubi Borysthenes sternitur ponte, cujus partem mediam, siflueretur, reparant Lithuani, reliquum Mosci; ad eum anno 1614. Moschorum cæsa 40000. à Constantino Duce, auspiciis Sigismundi I.

Infra est Orsa ad confluentem amnis cognominis, utraque in Palatinatu Vitebskæ urbis ad Dvvinam sitæ. Sequuntur Kopis, Siclovv, Milohovv, Pichlovv, Reczycza Wiszegorod & Lubetz oppida Palatinatus, cui nomen ab urbe Mezislavv, sita ad Sofam amnem in finibus Moscoviæ, firmo semper munita præsidio.

In Borysthenem postea effundunt se flumina Berezina, Sofa & Pripetius. Hic major cæteris è lacu in regione Chelm fusus, per immensas oberrat paludes Polesiæ, & variis præterea augetur annibus, quorum præcipui Sterus, qui ab austro fluens

fluens per Palatinatum Voliniæ, ejus urbes rigat Krzemieniec 50. 18. & Luceoriam, vern. *Lusze*, urbem Episcopalem 50. 40. Ab Septentrione verò excipit fluv. Sluscenscm, qui urbem perluit *Slucz* 53. Ducatus cognominis caput, qui patet 30. m. Polon. longitudinis, totidemque latitudinis. Dux quidem Regi Poloniæ subjacet, thesauro tamen & gazâ cum potentissimis Italiæ & Germaniæ principibus contendere potest. Estque ut plurimum idem Sluscensis Dux, Palatinatus Vlnensis, & Campiductor Lithuanicæ.

Infra ostium Pripetii deinceps situs est Palatinatus, cui nomen à Kiovia 50. 23. vern. *Kiovu*, totius Russiæ olim Metropoli, cujus perimeter fuit 6. miliarium, posita in agro melle, pecore, frumento & piscibus divite, nec non clara emporio, in quo frequenter sericum viliori pretio distractum fuit, quàm Vlnæ linum, nec non aromata, quam sal. Hac siquidem pertranseunt Borysthenem, manus catervatim euntium contra vim grassatorum, quæ prius ex Indiâ, Perside, Arabiâ & Syriâ Capham appulerunt, hincque abeunt, in Poloniam, Suediam, Daniam & Germaniam cum mille plaustris & pluribus camelis aureo filo, gemmis, serico, aromatibus & similibus pretiosis mercibus onustis.

Infra Kioviâ Borystheni miscentur fluvii Desma & Semus, qui Severiensem Moscovicæ Ducatum, & uberrimos, si colerentur, campos rigant, & in his *Branstco* 54. oppidum vastæ vicinum sylvæ, quæ tota melle diffluit, & in qua frequens Martes & mus, quem plerique Ponticum melius

melius dicerent Severinum, vulgus appellat *Hermines* Eidem Desnæ apponitur *Novogrodek* §1. 30. caput hujus Ducatus, & sedes Principum priusquam Moscoviæ Ducatui subiceretur. Semoproxima est urbs *Potivvol* §1. 48. in qua sicut & in toto hoc Principatu, totius Moscoviæ bellicosissimi propter Tartarorum Præcopensium vicinitatem.

Ultra progredienti 25. leucas occurrit Circus, vern. *Czyrkass* 49. 30. Russis militibus strenuis habitata, deinde vasta desertaque solitudo, & campi, in quibus ad urbem Oczakou nulla habitatio propter continuas Tartarorum incursiones, nec non Cozakorum, qui ad ostium Borysthenis sex leucis supra Oczakam 47. 30. possident insulam Cirehes, ex qua oriundi, qui nomē huic militiæ dederunt primi, & in qua interdum commoratur, qui ab illis præpositus deligitur. In his solitudinibus Darius Histaspides bellum gerens adversus Scythas, siti cum exercitu penē confectus est. Hic etiam Lysimachus à Dromicheta Getarum Rege vivus captus.

---

### C A P. V.

#### *Regnum Scythia Parva, seu Tartariæ minoris.*

**E**T si ad Thraciam & ostia Istri suos interdum dilatarint fines antiqui Scythæ, hocque nomen transferit aliquando in Sarmatas, & omnes borealis & extremæ Europæ populos cæteris ignotos, propriè tamen sola Regio, quæ inter Bory-

Borysthenem Tanaim & Pontum excurrit, dicta est Scythia Europæa, seu minor, ad differentiam maioris, quæ à Tauri verticibus per Asiam, ad Orientalem Oceanum & Oxum Bactrianorum flumen longè lateque diffunditur.

Abrahamo generis sui authore gloriantur, qui eam incolunt Pastores Scythiæ à commerciis aliarum nationum alieni, multitudine ac viribus præpotentes in armis semper expediti, semper liberi, nunquam penitus comiti ab externo Principe; imò invicti & inexpugnabiles, quod nihil habeant, cujus causâ servitutem sustineant ab exteris; inter ipsos verò omnia sint communia, demptis gladio & poculo. Plerique omnes semper vagam duxerunt vitam & Nomades fuerunt, Martem colentes pro Deo, cui pro simulachris enses & tentoria dicabant. Chersonesii, peculiari nomine dicti Georgi, hoc est, agricolæ, quod fixas haberent sedes in Chersoneso, & in proxima ipsi planicie, in quibus agriculturam exercebant. Numidæ & Roxolani supra eos habitabant suis subditi Principibus, quos semper electione accipiebant non successione, qui Tyranni dicebantur, quantumvis justè imperarent. Hamaxabitas dixit Pomponius, quod plaustris utebantur vice domorum. Fuerunt & Tauri celebres, de quibus memoratur, eos, qui in multa Principis fuerant gratia, eo vitâ functo eodem conditos tumulo; quod si è vivis primis excederent; ipse Princeps partem auriculæ sibi amputabat.

Enituit & Silurus Princeps Roxolanorum & filio-

filiorum parens, quos proposito fasciculo totidem hastilium, quorum singula perfacile esset confringere, simul omnia impossibile, ad concordiam morti proximus excitavit. Persarum Medorumque Reges ipsumque Alexandrum M. aliquando superarunt, patuitque illis iter usque in Ægyptum. Mithridates devictis Roxolanorum 40. millibus, summam quidem rerum obtinuit, sed brevissimo tempore; nam Romani superato Mithridate, Principem, qui Bospori Rex dictus est, eis constituentes, libertati pristinae gentem restituerunt, quæ semper dicta est Scythica, ad annum circiter 1200. quo exercitus Asianorum Scytharum, qui ab amne Tartar dicebantur Tartari, Hoccotæ Kami, hoc est, Regis ductu, magnis agminibus inundarunt Asiam, jamque Perside subactâ & totâ fermè Asiâ potiti, transmissis Volga & Tanai per Poloniam Hungariamque populabundi, ad Austriam usque pervenerunt, ubi egregii aliquot viri è Franciscana & Dominicana familia, cum efferas barbarorum gentes mitigassent, Mago seu Meto, novus eorum Rex Christianis initiatus sacris, post expulsos è Scythia Europæa Russos & Lithuanos, unam gentem cum antiquis Scythiis constituerunt, indeque in hanc diem omnes dicti minores Tartari, qui regnum ita stabilierunt suū, ut urbes nullas possideant, præterquam in Taurica Kerfoneſo, in qua sedem regni habet Kamus. In campis Scythiæ minoris, antiqui moris tenacissimi degunt Nomades in scenas, seu hordas distributi, herbosa loca cum suis pecoribus & vehiculis



culis levi vimine, luto, vel pecudum fimo oblitis, subinde mutantes. In regni limitibus Pontum; Tanaim & paludes invias habent pro vallo, & circa Borysthenem vastissimos campos omninò desertos. Sic colunt suum Principem, ut in iram Dei cadere opinentur, qui ejus detrectat mandata. Soli Mahumetanorum Tartari caput ante Principem aperiunt. Ita se porro in hanc diem conservant, ut nullus sit omninò ex circumpositis Principibus, qui Kami amicitiam non colat, aut ejus non vereatur arma. Moldaviæ Vaivoda ad eum singulis annis mittit 20. mellis plaustra, singula 4. bobus transvecta, & equas 50. Polonus 40. milia sequinorum Hungaricorum: multa alia Moscovitæ & Circassi, & licet hi Principes ea mittant nomine honorarii, illa tamen pro tributo Kamus accipit, & nisi mittantur, immisissis exercitibus illa repetit. Ipsum Russiæ Imperatorem Cholop, hoc est, suum rusticum, seu subditum appellant, & verò Reussiam possidere per 260. annos.

Et si verò Turcum anno Domini 1584. Kamus agnoverit Dominum, nullo tamen tributo eum colit, quin potius sibi in successione Imperii, si deficiat Othomannorum familia, Tartarorum Kamum substituerunt Imperatores Turcici, & ad eum quotannis vestes & pecunias mittunt, ut Turciæ fines cōtra Polonos & Moscovitas tueatur. De sententia & voto Ducum & Murzorum, è filiis vel fratribus unum Kamus deligit, qui tunc Galga dicitur, ipsique succedit in imperio. Infra dies 20. aut ad summum intra mensem,

140. mille equites, imò plures potest educere in aciem: quando enim suos evocat, tenentur omnes viri sistere se expeditos in equis, unico in singulis familiis relicto, qui plaustrum & gregum habeat curam, secumque in utre farinam habere è milio, carnes siccas, allia & his similia, quæ ipsis sufficiant in cibum, per 3. menses: vix autem ullus est, qui loro tres quatuorve, equos non ducat ad manum pergens ad bellum, ut noctu diuque summâ incedentes pernecitate defessis succedant nullo gravati onere, singulos ephippio, & scandulis pedariis è ligno instruunt, frenum nullum ori injiciunt, sed tubulum ferreum, & habenis tantum utuntur, ut deducant manu, vel alligent, nulla induunt calcaria, sed flagello utuntur, & certis quibusdam vocum formulis, quibus eos vel urgent, vel in quamcunque volunt partem, convertunt. Omnes propemodum castrant, ut eos habeant ad parendum mansuetiores, etsi enim parvi sint & macilenti, sunt tamen acres, admodum veloces, & contumaces.

Equorum velocitati par est hominum pernecitas, penè semper adsunt improvisi, urbes diripiunt, populantur agros & descendent. Si hostium occurrat exercitus, obequant in conspectu ejus divisi, eum à latere, à tergo, à fronte denique, & denique petunt; si terreat, vel locus sit iniquior, diu non resistunt, sed eadem velocitate & fugiunt & insequuntur, si hostis insequitur etiam fugientes eminens illum telis obruunt, mox conversâ facie insistant, lacerant, & multiplici periculo sic implicant,

plicant, ut penè semper victores & prædis onusti redeant in patriam, & ad sua plaustra.

Cæterum Tartari penè omnes mediocris sunt staturæ, graciles in cingulo, inter oculos & genas plusquam alii homines lati, barba ferè omnibus minimè crescit, & super verticem capitis in modum clericorum habent coronas, atque ab aure una, usque ad aliam ad latitudinem trium digitorum similiter omnes radunt. Plaustris utuntur pro domibus iisque boves tantum jungunt; lacte acido, caseis & carnibus victitant, sed delectantur potissimum equina, inter Ephippia & dorsum equi per aliquot horas macerata. Eadem veste utuntur cum viri tum foeminae, tantum mulieres caput tegunt, viri pileo utuntur oblongo è lana. Tria apud eos summa crimina furtum, adulterium, & armorum gestatio, præterquam si quando longo se committunt itineri. Cum verò plures singulis licitum sit uxores habere, accidit non semel, ut plures 40. Principi viro nati sint liberi uno & eodem anno: hoc demum peculiare gentis hujus, quod nulla, ritus à majoribus acceptos constantius colat: etiam in hunc diem uxor viri alicujus Principis, ornata gemmis, non dedignatur vehi plastro vili, quod boves trahent, nunquam verò equi. Sic Mahometis colunt deliria, ut tamen Christo nomen dare nullâ lege prohibeantur.

— (\* \*) —

## CAP. VI.

*Scythia minoris Chorographia.*

Statim à Borysthenis ostio ad ipsum propè litus sunt lacus quatuor, ex quibus calore solis concrevit sal. Deinceps recedunt sinus Tamyra-  
ci & Carcinitæ, olim sic dicti ab urbibus Tamy-  
race & Carcyne, quam duo flumina Cerros &  
Hipacitis, uno ostio effluentia tangebant. In ora  
maris insulæ sunt aliquot, quondam peninsula  
ad instar fasciæ porrecta in mare per mille stadia,  
duobus lata, Achilles *Dromos*, seu cursus dicta,  
quod olim Achilles mare Ponticum ingressus,  
ibi ludicro certamine celebrasse dicatur victo-  
riam, & cum ab armis quies erat, se ac suos  
cursu exercuisse. In toto hoc sinu nihil dignum  
memoriâ, apparent tantum rudera antiquarum  
urbium usque ad Nigropolim, quæ sita est ad  
amniculum, qui eidem sinui nomen suum com-  
municat. Sequitur Chersonesus longa quinqu-  
ginta leucas, lata 20. dicta Mæotis à Mæotidis  
populis, qui margines ipsius habitabant, vel Tau-  
rica, quod Osiris illic bobus junctis terram cole-  
re docuisset incolas, qui inde dicti sunt Taurici &  
Georgii: licet enim occidua ora montibus  
sit aspera, procellis, & aquilonibus horrida ad  
Theodosiam usque, reliqua tamen prædita est  
campo tam fertili, ut ager non trigecuplum tan-  
tum, sed centuplum reddiderit sæpius; insul-  
isque Græciæ & Constantinopoli frumenta ha-  
stenus suppeditavit, ut Sicilia Italiæ. Unde & le-  
gimus

gimus olim pependisse Mitridati, Eupatori cxxc, medimnorum millia, & talenta argenti ducenta, numeratasq; urbes 30. nunc Borealis pars Kamopatet, Australis Turco. In parte Australi, ad sinum Tamyracem de Negropoli sita Precopia, vern. *Precops*, ad isthmum collocata, non procul à fossa quæ Tauricam munebat. Minutis ab ea 25. est Coslovia portus commodus & præfestsedes. In medio Chersonesi ad fontes amnis Almaræ est Baccafara, vern. *Baccafaray*, 47. 40. inter duos montes collocata, sedes & sepultura Kamorum, à qua minutis 35. versus ortum est Krimea *Krim*, unde toti regioni nomen Tartaris Krimski, urbs ampla à Tartaris culta, ubi moneta cuditur, & ubi illustre Kami Gynecæum. Turcus anno 1475. Theodosia seu Capha expulit Genuenses, quæ celeberrima urbs est totius Chersonesi, ambitus 4. milliariorum prædita portu tuto & capaci, estq; in hanc diem sedes Beglerbegi Turcici. In ostio Bospori, è regione Thoman arcis Turciæ in Asia, habes Kerkiam arcem, ubi olim fuit Panticapeum sedes Bosporanorum Tyrannorum, seu regulorum Bospori, quorum ultimus fuit Parysates, qui Mitridati se submisit. In tota hac Chersoneso, multi incolæ adhuc sapiunt Italicam originem & urbanitatem. Præter frumenta, hinc etiam educuntur, sal, mel, cera, strutiones, palamides, betargæ & alii pisces sale conditi magna copia. Isthmum quo tanquam radice continenti advertitur, munivit olim Afander muro ducto per 360. stadia, denis turribus in singula stadia constitutis, fossis

Hh

&amp; vallo,



& vallo, deinde munierunt servi, dominorum uxoribus congressi, cum domini diuturno bello contra Thraces abessent. Mediam leticam vix nunc excedit Isthmus, à voce Scythica, quæ fossam sonat dictus *Precop*, & ab eadem urbs ipsi imminens, quæ prius dicta est Taphræ.

Secundum Mæotida, remeantibus occurrunt lætissima pabula in paludem vergentia, campi fertiles, sylvæ, & vastæ solitudines, in quibus Tartari sua pro domibus plaustra habent, & sequuntur pascua, hyeme in paludibus, æstate in campis. Venationes præterea habent in paludibus cervorum & aprorum, in campis onagrorum & caprearum. Est hîc Colos animal magnitudine inter cervum & arietem media, album, cursu quam illa velocius, quod naribus aquam in caput haurit, ibiq; per dies plures reservat, sicq; facile vivit in locis aquæ expertibus. Cæterum tota regio externis omnibus algidior, imò nec asinos alit, quod frigoris impatiens sit illud animal. Præterea constat in toto hoc tractu, qui est extra Tauricam, amariorem esse aquam, & nisi altiores putei effodiantur, aquam dulcem hauriri non posse, unde quibusdam in locis ita est frigida, ut hydrias ex quocunq; metallo conflatas disrumpat.

---

## C A P. VII.

### *Tanaïs, & Palus Mæotis.*

**T**Anaïs quibusdam dictus Scythia, à Scytharum regione quam perluit, Russis *Don* appellatus,

pellatus, oritur in Moscovia, in lat. 53. ex lacu 500. millia longo Joannis dicto, vulgò *Iuvano Ieziero*, sylvis cincto undiq;. Primum recta per Tartarorum lætissima prata, & agros versus ortum labitur ad locum, qui vix 40. millibus removetur à fluvio *Volga*, unde convertens se in occasum, & austrum, minorem Tanaim excipit, ortum in Principatu Sevverski, & per saxa & montes dejectus, adeo præceps ruit, ut licet pleraq; Scythiæ ipsaq; flumina palus Mæotis hyeme congelentur; hic tamen algoris impatiens, & incitatus duobus ostiis distantibus inter se stadia 60. evolvitur in paludem Mæotidem, ad oppidum Tana, commune olim Europæorum Asianorum & Nomadum emporium, aliis pelles adferentibus, alteris vestem, vinum, aliaque ad cicurem vitam pertinentia commutantibus. Dicitur nunc *Azoph*, estq; munitum arce, & Turcorum firmo præsidio. Aromata enim, gemmæ, aliæq; merces Orientis ab Indico mari ad Indum fluvium, hinc ad Oxum, inde ad mare Caspium, hincq; rursus ad Astracanum celebre oppidum, olim Tartarorum Astracanensium ad Volgam situm, postea Tanam caravannis deportantur; demum Capham, unde per totam Europam Venetorum & Genuensium navibus distrahantur, non sic tamen ut olim, quando Europæis nec dum patebat navigatio in Indiam, per bonæ Spei promontorium. Porro licet fons leucis 80. Germanicis vix distet ab ostio, si recta incedas linea, nullus tamen 20. diebus propter flexus & mæandros eum potest enavigare.

Abundat optimorum piscium varietate, & amœnissimas habet ripas, arboribus, ad instar horti consitas, ubi mira ferarum copia, verum autumno tantum, quando pluviis augetur, potest ferre onerarias. Kamus Tartarorum, ut Turco gratificaretur, eiq; in mare Caspium & Moscoviam aperiret viam, annis superioribus tentavit fossam ducere à Tanai ad Volgam per 40. mille passus, verum impeditus à Moscovitis & fuso ejus exercitu, in quo censebantur 80. Tartarorum millia & 25. Turcorum, coactus est opus differre ad aliud tempus. Postea tantum opus perfecisse dicitur Sachainbeierus *Camou*, à quo & fossa *Camou* dicta, extructis insuper 17. turribus & firmo munitis præsidio, & dirioni suæ post insignem cladem subjecisse Tartaros Nogaienses, qui prius ipsi in Asiana Tanais ripa, non leve negotium facebant.

Ab emporio *Asoph*, C. stadiis, sita est Alopecia insula, quam convenæ homines habitant, sunt & aliæ parvæ insulæ pone in palude; Ab ostio Tanais, qui litus legunt, numerant ad bosporum 2200. stadia, quæ tota ora hominibus est frequentata, & per eam influunt in paludem varii amnes, inter quos uterq; Rhombita major & minor, necnon Vardanus ad cujus ostium in lat. gr. 48. sita, urbs Mapeta nunc Copia: habes postea promontorium necnon oppidum dictum Cimmericum, sedes antiqua Cimmericorum, sive Cimbrorum. In ore verò Bospori habitarunt Mæotæ, à quibus non ipsa modo palus dicta Mæotis, sed præterea omnes populi

per

per novem mille stadia, quibus omnis ejus ora definitur, eam ad habitantes dicti Mæotæ; Temmerinda vocabant Scythæ, quasi hæc palus mater esset Ponti, & quod perpetuo aquarum agmine defluat in Pontum. Cæterum aqua non multum alta per totam paludem. Quin pars ejus occidua Isthmo proxima putris lacus dicta, minoribus tantum navigiis pervia est propter cœnosa vada. In litore sunt brevia quædam ac scopuli, infra aquam, latentes aliqui. Fauces ita cōgelantur hyeme, ut in iis, quò loco Mitridatis Legatus Barbaros, in Æstate navali pugna devicit, eosdem in glacie superant equestri prælio in Hyeme. Palus in Pontum effluit per Bosporum, qui longus est 87. mille passus, latus verò ubi angustissimus est inter Parthenium & Achilleum 20. stadia. Ad Achilleum vicum fuit fanum Minervæ Dissipatoriæ à Megarensibus ob dissipatos hostes excitatum. Duæ exinde urbes Phanagoria nunc dicta Taman munitio celebris, & firmum Turcorum præsidium, sedesq; Sanguiacbegi, & in ipso angulo Corocondame.

---

## CAP. VIII.

### *Circassi.*

DESINENTE Bosporo in ore Euxini, oram quæ excurrit versus Orientem incolebant olim Populi Coraxii dicti à monte Corax, cujus radices incolunt, qui etiam reperiuntur dicti Achæi, Zigi, Heniochi, Cercetæ, Moschi, Colchi,

aliisq; nominibus, qui omnes ad Caucaſum, ſubditi erant Regi Boſpori, in quibus oppida alicujus nominis fuerunt Hermonaſſa, portus Syndicus, urbs cum portu Batâ hoc eſt profundo Pſychrus, ſeu frigidus amnis, Oenantia, amnis Theſſyris, Corax fluuius, poſtea Colchi.

Dicuntur nunc omnes uno nomine Circaſſi quotquot à Tanâide palude, Boſporo, & ora Ponti ad Coraxem, ſeu Colchidem habitant. Horum aliqui parent Kamo Præcopenſi, alii Turco. Maxima pars conſtruit Rempubicam à 5. montibus denominatam, à quibus etiam dicti ſunt Chriſtiani quinq; montium ritus Græci. Regio omnis patet, tam in longum, quàm in latum itinere dierum quinq;, eſtq; vel paluſtris, ſed quæ calamum aromaticum producit magna copia, cujus radicem magni faciunt Medicorum filii, vel montibus aſpera: proptereaq; aditus omnino difficilis. Habitant in mapalibus ex arundine. In iis conjuges ita decumbunt, ut caput unus ſit ad pedes alterius. Solum nec vina producit, nec frumentum, ſed tantum milium. Valle Cromuc nulla eſt cultior nec frequentior incolis. Generoſi ſunt & ſtrenui in bello, omnes equites. Pleriq; ſuam locant operam Moſchorum, Turcorum, vel Perſarum Imperatori. Non pauci paupertate coacti ſe in ſervitutem tradunt aliis, quin etiam dicunt viros ante ætatis annum 60. nunquam ingredi Eccleſiam, ſed quaſi fures ab ea arceri, tantumq; ipsis permitti ſtare in equis pro foribus templi. Nulla urbs, nec vicus muro cinctus aut vallo. Loca duo ſunt ad mare alicujus



alicujus nominis, Copa ad ostium Rumbitæ, & Maurus portus, utrunq; frequens ad ostium Londiæ seu Frigidi amnis in Euxinum. Pleriq; Mamulchorum Ægypti ex hac gente olim duxerunt originem.

## CAP. IX.

*Moschita, Colchi, Mingreli.*

**A** Fluvio Coraxe incipit Moschica regio olim tripartita, primam Colchi, alteram Iberes, tertiam Armenii inhabitabant. Colchis patebat secundum Pontum Euxinum, à Coraxe ad Phasim, subiecta Caucaſo, & majore sui parte imminens mari. Regio bona, fructusq; ejus boni, melle dempto, quod plerumq; propter buxum hinc frequentem amaroris aliquid habet; rebus ad naves compingendas omnibus prædita est; multam enim materiam producit, linum copiosum, cannabin, ceram & picem. Lanificia etiam hinc evehebantur in peregrina loca. Aiunt verò aurum illuc deferri à Torrentibus, quod Barbari excipiunt alveolis perforatis & velleribus laneis, unde etiam aurei velleris extiterit fabula. Est præterea venenorum feracissima, quibus mirabiliter cuspides inungunt, quibus fauciati foetidi admodum sunt & molesti. Regnum fuit Æetæ Regis & Medææ patria, huc ferunt Jasonem cum Argonautis navigasse, Medæq; artibus adjutum, aureum vellus, inde retulisse. Mithridates deinde istis potitus est regionibus, indeque ad rem navalem magna obtinuit subsidia, quo mortuo ditio in multos dissipata est.

Mingreliam nunc appellant regionem hanc, itinere dierum 9. extensam secundum mare, dierum vero trium in latum, alii Avogasiam dicunt. Rex illius exiguo admodum tributo colit Persarum Regem & interdum Turcum. Incolæ Christiani ritus Græci Constantinopoleos Patriarchæ addicti. Urbes præcipuæ memorantur Pez-zonda antiquorum Dioscurias & Sebastianopolis, emporium antiquis memoratum ad quod 500. nationes diversarum linguarum conveniebant, ut habet Plin. l. 6. c. 5. qui addit à Romanis 130. interpretibus negotia ibi gesta, ubi concilium 300. virorum, & unde poterat educi exercitus hominum ducentorum millium: fuit etiam in his partibus Leucothææ templum opulentissimum quod diripuerunt Pharnaces & Mithridates. Præcipuus Colchidis fluvius est Phasis in Armenia ortus ex multis scaturiginibus, fluvios postea recipit Glæcum & Hippum è vicinis profluentes montibus, deinde Sarapana Colchicum castellum præterfluunt. Sursum navigatur magnis navibus per leucas 35. minoribus vero per longum spacium usq; ad Georgiam ex qua in Colchicam seu Mingreliam labitur per angustias in quibus pontibus sternitur viginti supra centum. Imposita est Phasidi urbs ejusdem nominis Colchorum emporium ab una parte fluvio, ab altera lacu, à tertia Mari cincta, ubi ipsi prætenditur insula Satabello; Ejus aquæ leves sunt adeò, ut mari enatent, nec ejus aquis per longum spatium misceantur: per hunc Jason subisse dicitur Colchidem eidemque antiquam

antiquam Oetam fuisse proximam. Amurathes 3. ducturus exercitum in Iberiam & Mediam ad ostium Phasis arcem ædificavit quam Iberi & Persæ æquarunt solo. Strabonis ævo Phasis & Euphrates erant Romani Imperii limes versus Orientem.

## CAPUT X.

*Caucasus Mons, Iberia & Albaniana.*

**M**ontem utriq; superpositum mari, Euxino scilicet & Caspio, qui Isthmum ter mille stadiorum, quo ea distinguuntur, intercludit, Scythæ vocant Caucasum, hoc est, nive candidum: incolæ antiqui Caspium, recentiores Cocas.

Tantæ est altitudinis, ut ab eo astra majora visantur, Scythæq; propterea ejus accolæ siderum ortus & occasum distinctius percipientes, rei Astronomicæ peritissimi sunt. Arborum dives est omnis generis, cum aliarum, tum ex quibus naves compinguntur, abundat & herbis veneficis, & vulturibus. Ex eo tanquam communi stirpe in omnes orbis partes varia sese distendunt Montium brachia, & Cubiti, dicti Caucasii, Tauri, Heniochi, Moschici, Coli & mille aliis nominibus: Prometheus à Jove in eo alligatum fabulantur Poëtæ, alii à Marpesia Amazonum Regina quæ hîc ad tempus demorata est, vocant cæutes Marpesias. Ejus partes excelssimæ tendunt ad Albaniam Iberiam Colchos & Heniochos, qui ab extrema Iberia ad ostia

Vardani & Cimmericum promontorium versus occasum & paludem Mæotidem excurrunt, dicuntur Corax & Cimmerici, montes vapidi & caliginosi in quibus ignavi domus & penetralia somni à Poëtis constituta. Ab eadem vero Iberia partim ad Eurum & partim ab Boream-Eurum Ceraunii montes qui duobus tantum, vel ad summum tribus aperiuntur locis quibus tanquam portis via est in Sarmatiam & Scythiam, unde & eas fissuras majores vocant Portas Sarmatiæ, & Pylas Albanæ. Summa montium incolunt aliqui, alii in saltibus degunt & vivunt potissimum ferinis, frugibus silvestribus & lacte, vertices hyeme conscendere non possunt, æstate scandunt pellibus subligantes calceos aculeatos è tergo bovis crudo confectos, latos instar tympanorum propter nives & glaciem, delabuntur pelli insidentes una cum fasciculis suis, idemq; fit in montibus Mediæ & Armeniæ, ubi rotulas ligneas aculeatas plantis pedum subdunt. Hi omnes populi quotannis Dioscuriadem conveniunt salis causa. Montes deniq; Cubiti, in Meridiem protensi, Iberiam mediam complectuntur & Armeniæ montibus conjunguntur, qui Moschici appellantur.

Iberi & Albani quæ maxime Isthmum implent gentes, solum tenent felix & admodum commodum habitationi. Et quidem Iberiæ major pars probe habitatur, domibus & pagis, visunturq; in ea fora aliaq; publica ædificia. Eam cingunt montes frugiferi ad Colchidem & Armeniam usq; pertinentes. In medio eorum planities

planicies est, & fluvii irrigui quorum Cyrus est maximus. Is in Armenia ortus statim in eam incidit planiciem adsumpto etiam Arrabone & Caucaſo defluente, & aliis aquis, per angustum alveum in Albaniam se effundit. Inter hanc porro & Armeniam copiosus labens per campos, opima ferentes pascua, receptis etiam pluribus amnibus Alazonio, Sandobane, Rocate & Chane, qui omnes sunt navigabiles in Caspium exit mare, Campeſtria Iberorum, homines agriculturæ & pacis studiosissimi habitant, qui jam ab antiquo Georgii communiter appellantur. Montana plures incolunt viri bellicosi, Scytharum & Sarmatarum more, quorum etiam finitimi sunt & cognati: multa cogunt millia è suo corpore, si quis incidat tumultus, quin etiam in hanc diem mulieres nobiles nonsecus ac antiquæ Amazones utuntur armis. Viri barbam promittunt, & caput radunt more Tartarorum, Clerici soli in rotundum, alii in quadrum. Honore prævenientes aliquem caput nudant & flectunt genu. Quatuor hominum genera apud Iberos recenset Strabo. Primum è quo Reges deligunt, ætate semper maximum, de Regis prioris cognatis, proxime minor natu jus dicit exercitusque ducit. Secundum est sacerdotum qui & jura cum finitimis communia procurant. Tertium est militum & agricolarum. Quartum est plebis, quæ ad usus vitæ necessaria obit ministeria. Communes eis sunt possessiones secundum familias, imperat & gubernat eorum natu maximus, omnes perseverant in fide Christi, qua jam



à tempore Constantini magni imbuti sunt per ancillam Christianam.

In Iberiam sunt aditus omnino 4. Unus per Sarapana Colchicum castellum, ubi Phasis per valles confragosas, & rupes præruptas viam sibi aperit. E Nomadibus autem versus Septentrionem degentibus tridui est adscensus difficilis: post hunc angustiarum per quas fluvius labitur Aragus, itinere dierum quatuor; munit autem extrema huius viæ murus haud facile expugnabilis. Ab Albania per Saxa principio excisa est via, deinde per paludem quam fluvius è Caucaso decedens efficit. Ab Armenia angustiarum sunt ad fluvios Cyrum & Aragam qui antequam confluant urbes habent munitas saxis impositas ad 16. stadia inter se distantes. Cyro Harmozica imminet, Arago Seumara: his aditibus primum Pompejus, deinde Canidius sunt usi.

## CAP. XI.

### *Araxes, Cyrus, Albania.*

**A**RAXI fluvio nomen indidit suum Armeniorum Rex, qui furiis agitato ob interemptum avum, in profluentem se abiecit. Ex iisdem montibus oritur in Armenia, Euphrates. Ex his montibus dejectus per campos Armeniarum placitus labitur & silens, deinde pressus cautibus, pernix & fremens per abrupta devolvitur, interdumque evehit undas suas jugeris spacio sublimis & aquis pendentibus seipsum sine alveo ferens, incurvus ad modum arcus descendit,

dit, iterum fit tranquillus, & per campos tacitus, & vix fluens per Araxenum campum longe uberimum in Caspium effunditur mare, ad extrema Albanæ & Armeniæ. In suo decursu convalles rigat in Armenia, alias mediocriter, alias admodum uberes, in quibus præcipuæ urbes ipsi appositæ ævo Strabonis Atropatena, Azara & Artaxata.

Ex ejusdem Armeniæ montibus oritur fluvius, alius quibusdam dictus Cyrus, aliis Corus, nunc vero Cur, à quo Iberietiam appellatur Curgii. Hic ubi in planicies incidit assumpto Arrabone è Caueaso defluente per angustum alveum in Albaniam se effundit, & inter hanc & Armeniam copiosus labens per campos qui optimis abundant pascuis, amnibus Alazonio, Sandobane, Roëtace & Chane receptis, qui omnes sunt navigabiles, in Caspium exit mare.

Cyro imminet Telphilis Georgiorum Metropolis, Zogocara Ptolemæi, in quâ Judæi sunt aliqui & Mahumeti sectatores, plerique tamen omnes Christiani ritus Græci, necnon Patriarcha, qui Iberiæ Episcopis 18. præest, qui speciali Privilegio, soli possunt armati & explicatis vexillis Hierosolymorum urbem ingredi & Christi Domini sepulcrum invisere. In ea urbe, & circumpositis locis telæ aureæ & serici magna fit negotiatio, ferunt autem 12. ostiis Cyrum exire; in mare partim cæcis, partim apertis, & tantum limi secum invehere, ut ad 500. Stadia illam Caspii partem reddat inaccessam nāvibus. Araxem è contra

asperius proruentem , limum ulterius protrudere.

Ex Iberia in Albaniam aditus est per Cambyfenam Armeniæ extremum , ubi nulla est aqua. Habitant Albani inter Iberos & mare Caspium, Septentrionale latus claudunt Caucasii montes qui planiciei imminet , à qua pertinent usq; ad mare montes Ceraunii. Austrinum efficit Armenia. Ipsi nomen ab Albano amne , qui è montibus Cerauniis ortus non longe à porta Albaniae ortus , Albaniam emensus planiciem, abit in mare Caspium : volunt alii sic dici, quod multi albo crine hic enascantur. Omnis generis fructum etiam mitissimum profert , omnes plantas , adeoq; semper virentes , quin etiam concisum aratro prorsus ligneo semel agium, bis aut etiam ter frugem proferre & sane primo quinquage cuplum. Vites nunquam omnino fodiuntur, quinquennio exacto demum putantur. Novellæ etiam Secundo anno fructum ferunt. Vegeta sunt apud eos animalia , tam mansueta quam fera. Ipsi quoq; Albani forma & magnitudine aliis præstant hominibus , moribus simplices, & à componendo alicui, 60. millia peditum equitumq; 22. millia olim eduxerunt in aciem, contra Pompejum , hisq; in bello auxiliantur Nomades. Summopere Albani senectam venerantur, pecuniasq; cum defunctis sepeliunt : fert ea Regio Sethalia animalia scorprios & Phalangia. Phalangiorum alia cum risu necant, alia cum fletu. Unus jam universis Albanis imperat, cum olim qui eodem loquebantur idiomate,

suum

suum habuerint Regem, Linguae vero ipsis fuerunt aliquando 26. quod non multis inter se commerciis devincirentur.

Supra Albaniam perhibent sedes fuisse Gargarenibus & Amazonibus: his quidem in radicibus Caucasiarum montium Septentrioni obversorum, quae Ceraunia dicuntur, illis partim in montibus, partim cis montes. Aiunt vero Amazones ita tempus exegisse, ut plantandi, arandi, pascendiq; equos, operam navarent, fortissimas bellicam rem exercuisse, arcu, sagari (quod gladii genus est) pelta, indutas casside, tegumento & subligaculis è pellibus ferarum: Duobus vero mensibus verno tempore cum ipsas, tum Gargarenses ascendisse in montem, qui utramq; gentem dirimit, ibiq; peractis sacrificiis prolis procreandae causa, miscuisse corpora, donec ferent uterum: sequenti anno si peperissent femellas, infanti dexteram adurebant mammam, ut ad quosvis usus expedite brachium suo fungeretur munere, & eas enutriebant, si marem ad Gargarenses deducebant.

Cum descenditur ad radices montium, & magis versus Septentrionem jam loca inclinant, sunt campi in quibus gentes variae, quarum tres praecipuae Troglodytae in speluncis habitantes propter frigus, Aorsi, qui maximam partem orae maris Caspii obtinent, negotiaq; exercent cum Medis, Babyloniis, & Indis, à quibus aurum excipiunt & pretiosas merces. Horum Rex Spadines aliquando ducenta equitum millia eduxit in aciem. Siraces magis sunt ad Septen-

Septentrionem: eduxerunt aliquando in aciem  
20. equitum millia, nempe cum Pharnaces  
Bosporum teneret. Hos sequuntur Nomades.

---

C A P. XII.

*Moscovia Imperium.*

**R**oxolanorum antiqua sedes est, quam nunc  
Russi obtinent, Nigri quidem dicti qui pe-  
raso utuntur nigro Poloniae subjecti; Albi vero  
alii qui albo tecti parent Moscoviae, sive Duci,  
sive Imperatori: ut enim nomen Knez, hoc est,  
Ducis, quo ab ostingentis prope annis appella-  
tur qui eos moderatur, gratius est subditis: Ita  
Imperii amplitudo quæ ad ter prope mille mil-  
liaria in longum & latum per æquam planiciem  
excurrit, Czar, hoc est, Imperatoris nomen &  
majestatem ipsi conciliat.

Novogradenses memorantur primi habenas  
Imperii Russiae moderandas tradidisse tribus  
Danis fratribus, circa annum æræ Christianæ  
861. quibus varii Principes adhæc usq; tempora  
successere, unus ut plurimum, aliquando plures,  
nequaquam tamen summo jure omnes usi: nam  
post devastatam à Tartaris Præcopensibus Rus-  
siam anno Christi 1237. Kamum tributo colue-  
runt per 260. annos ad tempora Knez Joannis,  
Basilii filii, qui Tartaros expulit & debellatis  
minorum gentium Ducibus solida potitus est  
Russia. Moscoviae nomen recens ab urbe am-  
plissima Moskovv quam Knez Daniel ædificavit  
ad am-



ad amnem *Mosqui*, & in quam ex *Wolodimiria* Imperii sedem transtulit circa annum 1240. Non desunt tamen, qui hoc deducant nomen à *Moschis*, quos ad fontes *Phasidis* collocat *Mela*: aut à *Moschita* regione inter *Colchidem*, *Iberiam* & *Armeniam*. Anno utuntur *Juliano* cujus initium ducunt à primo die *Septembris*. Æram repetunt suam à creatione mundi, quæ secundum ipsos præcedit *Nativitatem Christi* annis 5509, unde talis subducendus est numerus, ab eo quo rem aliquam contigisse asserunt, quando cui respondeat ex annis *Christi*, volumus indagare. Mundi ævitatem definiunt annis octo mille. Horis utuntur inæqualibus, quas numerant cum ab ortu solis, tum ab occasu. Distantiam mille passuum *Geometricorum* vocant *Verst*, harum quinq; mensuram constituunt quam dicunt *Czuckas*. Numeros explicant per voces *Sorogk* & *Devvenost*, quæ 40. & 90. significant, sicq; dicunt mille *Sevogk*, quater mille *Devvenost*, & his similia: *Sclavorum* utuntur lingua, sed corrupta & sensa animi exprimunt characteribus 43.

Nullæ apud ipsos *Academiæ*, tantum pueros docent legere, & scribere *Evangelia*, acta *Apostolorum*, *Chronica*, *Homilias* quorundam *Dotorum*, maxime *D. Chrysostomi*, & gesta eorum quos venerantur ut sanctos. Qui plura vellet discere, veniret in suspicionem affectatæ tyrannidis: nec enim doctiorem se in toto suo Imperio quemquam permittit *Czar*, qui solus habet *Typographiam*, *Medici*, aut *Pharmaceutici*  
in toto

intoto regno nulli, præter unum, aut alterum qui adest Principi. Sunt tamen prævalidi, celes & staturæ mediocris. Oculos habent cæfos, prolixam barbam, crura brevia & ventrem extensum, & quo magis promineat, tunicas oblongas lazurini coloris vel albi, quas gestant sine plicis, & cum manicis strictioribus, succingunt pube tenus. Ocreis utuntur rubeis & brevibus, quarum solæ sunt claviculis præmunitæ ferreis.

Bibacitatem ipsorum comprimunt leges quibus omnis potus interdicitur, qui mentem potest de suo statu dimovere, & quæ gravi mulcta puniunt eos qui plus quam ter in anno reperiuntur ex ebrietate temulenti. Male audiunt ab aliquibus quod fluxæ sint fidei, quin etiam ipsi sæpius sese non Moscovitas esse, sed advenas simulant, ut majorem fidem obtineant cum exteris tractantes commercia. Omnes miserrima premuntur servitute, nobiles quidem à Magno Duce, à Nobilioribus plebei, qui dominis suis laborant diebus sex, septimo sibi. Qui nomina non potest dissolvere, verberibus excipitur & servituti subjicitur. Foeminarum miserrima conditio, quæ magis vapulat, charior judicatur. Mortua uxore quarta, non possunt aliam superinducere. Pater filium suum quater potest vendere. Nobilis fustibus male mulctatus à Duce, aut Rusticus à Nobili, gratias habent quod dignati sint emendare servos suos. Nemini licet e regno egredi, nedum advenæ regnum ingredi absq; literis & permisso Principis. Hujus vero  
aula,

aula, sic frequens est, & magnifica, ut vix ullum reperias principum apud quem solemnior sit nobilitatis conventus. Pro foribus palatii excubat cohors prætorianorum militum, quæ constat millibus decem. Consuetus apud aulam Conventus est 300. Nobilium, qui omnes induti veste oblonga ex auro textili & pretiosis pellibus instructa, ipsi adstant & officiosa veneratione, aut deductione colunt.

Mensæ instructum curant nobiles centum, qui aureis lancibus escas inferunt, & opsonia ministrant, cum principibus viris, qui numero ducenti coram Imperatore alias ineunt mensas; tum ipsi, qui solus mensæ accumbit suæ, indutus veste ex Heteromallo crocei coloris, quæ margaritarum tot lineis distinguitur, & tanta multitudine adamantum summi pretii gravatur, ut mirum sit eum tanto parem oneri: præter sceptrum, & diadema ex auro solido & gemmato opere, frequenter utitur galeo dejecti apicis, in quo è regione frontis pyropus ad instar accensæ facis flammam emittit.

Quid dicam de exercitibus ejus? Ajunt intra dies 40. posse educere in aciem, & habere in propectu trecenta millia equitum. Hæc tamen Imperii qualiscunq; magnitudo sua tantum stat mole: nam quod omnium caput est deest robur animi, Polonorum, Suevorum, vel Tartarorum 20. aut 30. millia tantam multitudinem frequenter conjecerunt in fugam. Ipsiq; Moscovitæ nunquam committent prælium, nisi sentiant

sentiant se sextuplo plures numero & fortiores.

Aiunt S. Andream fidem disseminasse in his partibus, certum dedisse nomen Christo jam ab anno 954. sub Olha Ducissa & Volodomiro ejus filio. Rhussorum Patriarcham ab Episcopis & Imperatore delectum confirmat Constantino-  
poleos Patriarcha. Archiepiscopis Novogardiæ magnæ, Susdaliensi, & Rostoviæ subsunt Episcopi è Monachorum ordine omnes assumpti, proptereaq; à carnibus abstinent, & sunt tota vita cœlibes, non item Sacerdotes, qui unius uxoris ejusq; virginis possunt esse viri, si eam ante Sacerdotium duxerint; eorum aliqui ante pectus gerunt pendulam è collo tabellam, in qua sunt descripta Decalogi præcepta. Quadruplex observant jejunium ut Græci nemo hic concionatur, sed vitæ Sanctorum leguntur, frequens apud eos usus imaginum, tum solidarum, tum planæ ac jacentis picturæ, ubi enim quis domum alicujus adiit, ad officiosæ salutationis munus, omnia lustrat oculis, & conversus ad imaginem, tertio crucis signo munit se, longam vitam precatur amico, & tum demum obit munus consalutationis, & illum benigne complectitur, idemque repetit in discessu. Novis nuptis priusquam benedicat Sacerdos, sertum ex absinthio capiti eorum imponit. Poppæ, hoc est, Sacerdotes soli utuntur pulla veste, soli comam alunt, in sacrificio Missæ utuntur lingua Moscovitica, vino infundunt aquam tepidam, in consecratione Hostiæ utuntur pane triticeo fermentato, quam  
hordea-

hordeaceo pani includunt, quem deinde pro benedicto panē distribuunt populo, baptisandos immergunt tertio, ore tenus, cum quis moritur, datur ei in manu carta, qua Sacerdotes testantur eum bene vixisse, putantque schedam hanc oblatam S. Petro, cœlum referare. Moscoviæ ager paludosus, ut plurimum & arenaceus vinum negat & oleum, dives olerum lini, cannabis, pecorum & frumenti, quod tamen in hypocaustis desiccant interdum, propter asperiores aëris temperiem, quæ fructus etiam reddit minus suaves. Pars superior sylvis obsita est, in quibus uri, alces, cervi, ursi, lupi nigerrimi, & animalia omnis generis, quorum villosæ pelles per totam Europam passim expetuntur & care ve-neunt.

Præcipuum tamen quæstum faciunt ex cera & melle, quorum tanta copia, ut iis cavæ arbores passim oppleantur. Memorant ante annos aliquot, rusticum fallente vestigio intra truncum arboris dilapsum, in quo tanta vis mellis, ut inde non potuerit se evellere, donec post dies aliquot adveniens ursus posteriorum pedem alterum demisit, ut mel educeret, quem arctissime utraq; manu apprehendit rusticus, & clamoribus additis non prius dimisit, quam magno nisu & conamine ductum, uterq; in diversas abiit partes summe lætus. Quibusdam in locis frigus est sic intensum, ut sputa, antequam cadant in terram congelentur, & tellus operitur nivibus per sex menses.



## CAP. XIII.

*Chorographia Moscovia, Amnes  
Moskua & Occa.*

**D**Elineatis initio hujus operis borealibus partib<sup>9</sup> Imperii Moscovitici, necnon fluviiis, qui ex eo in Glaciale, Album & Norvagicum maria evolvuntur, superest ut partem ejus præcipuam, quæ inter Borysthenem & Riphæos montes, secundum Moscam, Occam, & Volgam, & influentes in eos amnes patet, explicemus.

Moskua, fluvio, urbi, Provinciæ, & amplissimo, sive Ducatui, sive Imperio nomen communicatum: fluminis origo prope eadem, quæ Borysthenis in Provincia Tverenci: sex miliaribus supra Mosfaïzkum incipit esse navigiorum tolerans, & post sex alia infra Moscuam, miscetur Oscæ. Illi quotannis in Epiphania Domini, & die Virginis assumptæ in cælum, solemni ritu bene precatur totius Russiæ summus Patriarcha, idemq; singuli erga fluvios cujusq; Diœceseos præstant Episcopi. Urbs Mosfaïzko fuerit licet ab Alexandro Rege Poloniæ olim vastata, nunc tamen gratissimus est magni Ducis secessus æstivo tempore, & asyllum belli tempore, cùm obmunitiones quibus circumcingitur; tùm propter D. Nicolaum Mirrhæ Episcopum, quem volunt hîc sepultum, & in cujus cultum fuit semper Russorum mens præclare affecta.

Metro-

Metropolis Moskua vix Londino major extitit, ex quo eam Tartari Præcopenſes anno 1571. flammis pene totam deleverunt: in quatuor partes dividitur, quarum ſingulæ ſuo ſunt, vel muro cinctæ aut vallo. Privatorum ædes ligneæ: nobilium pulchræ & elegantes. Regia muro lateritio alto & craſſo, ſeparata à reliquis partibus, 2900. paſſus complectitur. Sacræ Paræcorum vel Monachorum ædes 4500. præ cæteris inſignes 4. S. Trinitatis, Annunciatæ Virginis, D. Michaëlis & S. Joannis. Palmeorum ramorum die, ex Virginis templo, ſingulis annis ſtata ſupplicatio inſtituitur ad S. Trinitatis in Hieruſalem. Præcedunt longo ordine Episcopi cum Clero & Monachis: pone deducuntur Equi duo, qui arborem trahunt, ex qua dependent fructus omnis generis, & in qua ſedent pueri 4. teſti alba veſte, qui *O Zanna in excelsis*, cum ſenſu pietatis identidem ingeminant. Subſequentur è nobilioribus juvenes numero 40. qui per plateas explicant togas cocco tinctas, & tapetia expandunt. Tum demùm Patriarcha inſidens aſino, quem pedes Imperator capifiro deducit. Idem per totam Moſcoviam Episcopo, vel Curioni obſequium præſtant in ſingulis urbibus & pagis Proreges, vel è nobilitate primarii: in templo D. Michaëlis mandantur tumulo Czares vita fuſti. Ad Divi Joannis inter plures campanas, una eſt, cujus pondus librarum 66000. Ædi Sacræ Virginis, impoſitæ eminent Turres 9. ære deaurato teſtæ, & crux ex auro ſolido vertici omnium altiffimæ inſiſtens.

In ſub-

In suburbano ager sabulosus solis abundans leporibus. Duodecimo autem milliari versus Boream visitur celebre Monasterium *Trois*, in quo 400. aluntur Religiosi, ad quos bis in anno pietatis causa divertere magnus Dux solet.

Ocka amnis piscosus haud longè à Tartarorum Præcopensium finibus, in lat. 55. 50. exoriens urbes rigat Vorotiniam & Collugam, 53. 40 in hac fiunt modici crateres, aliaq; minutiora opera è ligno non pauca, quæ per totam Lithuaniam distrahuntur. Hinc abit Czirpachum fodinis ferri divitem: deinde augetur Tulla amne, cui apposita urbs ejusdem nominis, operibus probe munita, quod sit Tartarorum deserto proxima. Mox petit Corsiram, post Rhezaniam caput Ducatus cognominis, agro sitam fertili: post Columnnam 55. ubi Moskuam excipit, & Cazigorodiam præter lapsus abit Moron; ubi amnem excipit qui Mordunam rigat, ubi cultiores pagi, sed Mahumeti perfidia infecti: mulieres passis incedunt capillis, Ducem sibi deligunt qui Moscum agnoscit, sed nihil ipsi pendit tributi, nisi forte aliquod honorarium. Feras semper vulnerant in naso, ut pellem habeant integram. Ex adversa parte Clesmam admittit fluvium, qui Susdaliensem urbem & Ducatum, melle, frumento, & pecore abundantem rigat, necnon Volodimeriam, anno 1015. conditam ab Volodimere magno Duce, posteaq; totius Russiæ Metropolim, priusquam Imperii sedes Moskuam traduceretur. Cursu deinde in arcum reflexo Ocka in Volgam abit juxta Nisi Novogorodiam.

## CAP. XIV.

*Volga.*

**F**luvius Ptolemæo dictus *Rha*, Tartaris Edel, oritur in Ducatus Reschoviæ sylva Wolkovskiles, in qua jacet palus Wronou, è qua exit fluvijs, qui duobus milliarijs Polonicis progressus, influit in lacum Volgo, cui proxima Rshevva urbs primaria ejusdem Ducatus. Emergens ex eo deinceps Volga appellatur, ac primum regionem percurrit, in qua plures albi lepores, in quorum venatione non parum delectantur Russiæ magni Duces. Inde pleno alveo ingressus Tyverensem Ducatum, qui equites seu Boiarios 40. mille Czari ad bellum evocant, tenetur mittere: excipit ad Tyveram urbem Episcopalem, fluvium ejusdem nominis ab Occidente delatum, qui Tarsach alluit urbem nominatam in finibus Ducatum Novogardiæ & Tyverisitam. Hinc versus ortum inclinans per leucas aliquot, mox in Boream labitur, & supra oppidum *Rossin* amnem excipit Nerlam ortum ex lacu, cui proxima Pereslau Rostoviæ Ducatus civitas, quæ mille colonos numerat, quorum plurimi coquendo, sali operam navant. Inde abit *Vglitz*, vel hoc nomine memorandũ, quod nullibi in tota Russia panis gratior excoquatur. Duabus ab eo oppido leucis pervenitur ad ostium amnis Mologæ & *Chloppigored*, hoc est, ca-

stellum servorum, nunc excisum. Ajunt enim-  
verò hîc olim contigisse, quod de Scytharum  
servis narrat Justinus: Scythis in expeditione  
bellicâ occupatis per octo annos, eorum conju-  
ges tam longâ expectatione fessas, servis nup-  
sisse qui postea cum revertentes dominos finib<sup>9</sup> pro-  
hiberent, & varia esset victoria, dominos omisso  
ferro virgas & flagella inopinantibus intentasse,  
illicoque servos metu percussos fugam capeffi-  
visse, vel supplicia crucibus lauisse, mulieres verò  
malè sibi conscias, partim ferro, partim suspen-  
dio vitam finivisse.

Rursum Volga inflectitur versus ortum, & ad  
4. leucam ab ostio Mologæ ingreditur Bieleje-  
zoro regionem amplissimam, sic dictam à lacu  
Albo, qui patet in longum milliaria Polonica 12.  
& in latum penè totidem, ad quem arx est natu-  
râ loci munita, in quam Russiæ Dux suos con-  
fuevit thesauros recondere: est enim regio diffi-  
cillima aditu propter paludes & sylvas. Ab eo ad  
sagittæ jactum, alius est lacus, qui copiosè pro-  
fert sulphur, quod fluvius Solna (quem solum  
uterque lacus emittit, licet 30. admittant) veluti  
spumam supernatantem devehit. Ea munitio æ-  
quali spacio, hoc est, milliariibus centum remo-  
vetur, cum ab urbe Moskua, tum à Novogardia  
Magna.

Post 15. deinceps milliaria pervenitur Jarosla-  
viam urbem ex præcipuis Moscoviæ, quæ 40. ci-  
vium millia numerat, caput Provinciæ cogno-  
minis, cujus Ducatus secundogenitis magno-  
rum Russiæ Ducum fuit attributus ad tempora

Joan.



Joannis Basilidis, qui reddituum partem admodum parvam ipsis reliquit cum titulo Kneſi, hoc eſt, Ducis Jaroslavii. Hæc urbs jacet ſita in medullio Regni, aptiſſima tamen eſt mercimoniis, quod ex ea facile mel, cera, piſces, pecora, frumentum, & tela, quibus abundat regio circumpoſita, transferantur Vologdam, & per Dunam ad D. Nicolai emporium. Pars theſauri Moſcovitici, etiam in ejus arce aſſervatur Ibidē Volgæ infunditur amnis Cotorea, qui urbē rigat *Roſtov*, caput principatus Roſthoviæ, & ſedem unius Archipræſulis è tribus, qui in tota Ruſſia ſoli numerantur. A Jaroslavia viginti milliaribus verſus ortū *Æſtivalem*, ſita eſt *Caſtromorvgorod*, urbs cum caſtro ad confluentem Caſtromæ amnis in Volgam, quæ cenſetur pars Ducatus Suſdaliensis. Caſtromam fundit lacus *Galitz*, dictus ab urbe ipſi proxima, in qua plurimi coquunt ſalem.

Deinceps qui ſequuntur populi ſecundum Volgam, & influentes in eum, Scythæ omnes ſunt ſeu Tartari, gente, habitu, victu, armis, ſi urbes aliquot excipias, vel munitiones, quas Ruſſi excitant ad confluentes amnium, ut Tartaros ſibi ex lege obſequii, & functionis clientelaris additos contineant in officio. In his ſunt Niſinovo-gorod, hoc eſt, parva Novogardia, ad oſtium Occæ. in Volgam ſita, in agro fertili, in elevatione Poli, 58. 10. quam cum Sappirei Rex Caſan vaſtaſſet anno 1521. nitori priſtino eam reſtituit Baſilius, anno 1523. & caſtro lapideo firmavit. Hinc 28. leucis ad Orientem eidem Volgæ prætenditur, munitio altera Vaſſiligorod ad oſtium Suræ

amnis, qui urbem ejusdem nominis rigat, & Moscoviā separat à Regno Cazan.

Inter has urbes, utramque Volgæ ripam, accollunt Tartari Mahumeti addicti : Boream quidem Ceremissi dicti Logori à fœni struibus, Austalem verò Ceremissi Nagorni vocati, hoc est, Montenses, quod in collibus degant, arte sagittandi sic omnes periti à teneris, ut puero negetur cibus, nisi prius arcu propositum attigerit scopum.

Vastam deinde solitudinem & sylvas, quæ inter Occam, Tanaim, & Volgam in omnem partem latè funduntur, incolunt Mordunæ, Tartari Nomades & Vagi, durum genus, ferinâ & melle victitans, arcubus oblongis & sagittandi peritiâ notum Præcopensibus, quorum depopulationes sæpius reprimunt. Horum plerique vel colunt idola, vel Mahumetis sectantur deliria : Mulieres decoris gratiâ ungues nigro colore inficiunt, nudoque capite & passis crinibus incedunt. Nisi in Persidem hinc quotannis emitterentur multa camelorum aliarumq; pecudum millia, alere ea haud posset terra, quæ genuit, adeò ferax est etiam sine cultura.

Post ostium Suræ ad Orientem secundum Volgam prætenditur regnum, cui nomen communicat suum urbs Cazan eo sita loco, ubi amnis Cazanka miscetur Volgæ : Eam incolunt Russorum 50 millia ab anno 1552. quo Joannes Basilii filius eâ occupatâ Tartaros Mahumeti addictos expulit, templum lapideum posuit Divæ Matri sacrum, & munitionem addidit cum præsi-

præsidio 300. Moscovitarum, vetuitque ne deinceps in eam Tartarorum ullus pedem inferret. Floruerat diu hoc regnum, quod ejus incolæ inter omnes Tartaros penè soli agros colerent, essentque spectabiles animi robore, corporum candore & proceritate, quibus decorem addebant non parvum togæ instructę pellibus Martis; nulli enim frequentior reperitur Martes densi pili, nigra, flavens, crocea, odorata, omnis generis, canes feros habent amplæ naris, quos posteaquam emiserunt unâ hora ab occasu solis, ut secundum plaustra excubent, ad ea ne armatus quidem quisquam auderet accedere. Priusquam verò Moscus obtineret Cazan, ædificarat ad ripam Volgæ munitionem Suetzen, cujus nunc cives salis & panni aurei sericique commercium habent cum Astracanis.

Ultra Volgam quidnam esset ambiguum aliquando fuit, nunc certum regiones esse montibus Riphæis subjectas adedò aquosas, ut non nisi hyeme, quando concresecunt glacie, possint adiri. Ex iis verò originem ducere amnes Kamam, Vischoram & Viatkam, qui uno se fundunt ostio leucis 17. infra Cazan, in Volgam ubi versus Orientem inflectitur. Degunt autem in iis Tartari in varias hordas distributi, qui lucos habitant & sylvas, qui melle viſſitant, & animalibus cum feris, tum domesticis, quorum pellibus induuntur, nisi eas pro tributo pendant Moscoviæ Czari, raro plaustris utuntur, frequenter cratibus ligneis, quas per glaciem tres quatuorve canes deducunt, quibus etiam Rangiferos

interdum applicant. Sylvæ, dira quæque anima-  
lia & tygres ferunt summè pernices. Sol quibus-  
dam eorum non oritur quotidie ut nobis, sed per  
unum aut alterum mensem extat supra, vel toti-  
dem latet infra Horizontem. Sed ut cœlum aspe-  
rius est, sic est ingenium incolarum, qui statis se-  
dibus vix se tenent, etiam demortui: sibi enim  
eorum aliqui arborem deligunt, ex qua functi vi-  
tâ ventilentur & dependeant, idque eis funus est  
eximium. Urbes omninò ipsis raræ. In his Viat-  
ka & Permski, quæ duabus Provinciis nomen  
communicant suum; Mansiones verò plures, in  
quibus vicatim habitant. Oppidum Soil Cam-  
scoy situm ad Viseram, qui in Kamam labitur,  
celebrius cæteris.

A flexu, seu cubitu, quâ retro abit Volga ver-  
sus austrum in mare, Caspimi sunt populi ab eo-  
dem fluvio dicti. Zavolani, seu Volgari, quon-  
dam Bulgari, qui hordam Taxeti constituunt, id  
est, principem, seu liberam, ex qua cæterarum  
pleræque feruntur originem ducere, cujus Re-  
ctores Tlxi, id est, liberi homines, & Ulakan, hoc  
est, Magni Kami, seu Imperatores dicti, qui fre-  
quenter Russiam, Poloniam, Silesiam, Mora-  
viam, Hungariam aliasque orbis partes victoriis  
peragrarunt, victique sunt tandem à Joanne Ba-  
ziliidis anno 1554. Sicut & Horda Nagai dicta, quæ  
Imperatori Russiæ hominum armatorum 20.  
millia tenetur sufficere, quotiescunque evocat.

Volgæ ostia obtinet regnum Astrakan, sic di-  
ctum ab urbe sita ad occiduum Volgæ ostium  
23. millibus passuum à mari Caspio, hujus est ce-  
leberri-

leberrimum emporium, ad quod Medi, Perſæ, Armeni, Tartari, Ruſſi, Turcæ, frequentes conveniunt, Gemmas, Margaritas, Aromata & merces innumeras omnis generis convehunt, pelles vero & ſalevehunt. Vix enim duabus ab Aſtrachamo leucis, ſolidi ſunt nativi ſalis montes Buſin, in quibus licet ab omni ævo multa hominum millia ſalem præcidant durum ad inſtar lapidis & pellucidum ut chryſtallum, ſemper tamen renaſcitur, nec deficit.

Parebat olim hæc urbs minoribus Tartaris, ſed anno 1554. cum eam obtinuiffet Joannes Baſilides, eandem poſtea invaſit Selimus, amiſſis, utajunt, in hac expeditione ducentis viginti quinque equitum millibus, ter mille Janizariis & navibus bellicis centum quinquaginta. Arcem habet munitiſſimam. Terra paſcendis gregibus & armentis deputatur, ſit licet aprica & fertilis ſi cultura accederet.

Volga à capite ad oſtia decurrit bis mille octingenta milliaria, latus eſt ad Jaruslaviam mille paſſus, & hinc porro magis magisque dilataſeſe. Penè totus aliquando concreſcit, ad ipſam etiam urbem Aſtrakam & ejus oſtia. Piſcoſus eſt admodum & quibuſdam abundans piſcibus mortiferis magnæ molis, quorum ova nigriora, ſed optimi ſaporis, quæ libras 7. ponderant, & exſiccata, ſi ad unum vel alterum annum aſſerventur, non corrumpuntur. Secundum ejus ripas frequens creſcit Rhabarbarum, & Boranetz Zoophytum Agno perſimile opertus lana Agnus, pro cornibus habet ſerta lanca, ſuccum trahit ex terra



terra per fruticem umbilicalem, herbam etiam vicinam depascit, quantum vimineum vinculum errare illum finit, & exsiccat ubi herba deficit. Carnem habet exquisiti saporis, & à lupis magnâ aviditate disquiritur.

Sexaginta circiter leucis priusquam evolva-  
tur in mare, ab uno quasi vertice discissus figu-  
ram conficit trianguli Isoscelis, latera trianguli  
alvei sunt duo præcipui, basis autem maritima  
est ora, quæ leucas patet propè 50. Ita plures in-  
sulæ proceris arboribus & uberrimis pascuis in-  
clytæ mari duobusque præcipuis Volgæ alveis,  
sic includuntur, ut præter eos habeat te-  
nuiora alia ostia numero se-  
ptuaginta.

F I N I S.







J. 649  
G595c

91/2vs



